

ВАЛЕНТИН  
РАСПУТИН

ОМОН БҮЛСАНГ, УНУТМА  
СҮНГГИ МУҲЛАТ

Повестлар



ТОШКЕНТ

Ғафур Ғулом номидаги Адабиёт ва санъат нашриёти  
1984

## РЕДКОЛЛЕГИЯ

САРВАР АЗИМОВ (редколлегия раҳбари), ҲАФИЗ АВДУСАМАТОВ, ЗИЁД ЕСЕНБОЕВ, ЖУМАНИЁЗ ЖАББОРОВ, ВОХИД ЗОҲИДОВ, ЗУЛФИЯ, САҶДУЛЛА КАРОМАТОВ, МИРМУҲСИН, МУҲАММАД АЛИ, НАЗИР САҒАРОВ, ТУРОБ ТҮЛА, АЛЕКСАНДР УДАЛОВ, РАҲМАТ ФАЙЗИЙ, ПИРМАТ ШЕРМУҲАМЕДОВ, КОМИЛ ЯШИН, МАТЕҚУВ ҚУШЖОНОВ.

САМИ РАҲИМ таржимаси

Распутин, Валентин.

Омон бўлсанг, унутма; Сўнгги муҳлат: Повестлар (Редкол.: С. Азимов ва бошқ.: С. Раҳим тарж.).— Т.: Адабиёт ва санъат нашриёти, 1984.—416 б.

Валентин Распутин ҳозирги замон рус совет прозасининг пешқадам вакилларидан буридир. Адабнинг барча асарлари кенг китобхонлар томонидан қизғин кутиб олинди.

«Омон бўлсанг, унутма» повестида В. Распутин оддий қишлоқ аёллининг абллаҳ орни туфайли қандай фожиага учрашини тасвирласа, «Сўнгги муҳлат» повестида у инсоний бурч, оқибат ва садоқат тўғрисида фикр юритади.

Распутин, Валентин. Живи и помни; Последний срок: Повести.

4702010200 — 25  
Р М 352 (04) — 84 99 — 84

© Издательство «Молодая гвардия», 1976 г.

© Ғафур Ғулом номидаги Адабиёт ва санъат нашриёти, 1984 й.  
(Тарж.)

## ОМОН БЎЛСАНГ, УНУТМА

### 1

Урушнинг сўнгги йили — қирқ бешинчи йилнинг қиши бу томонларда юміоқроқ келса ҳам, аммо бари бир, чилла совуғи, қадатдагидек, ҳақини қўймади, қирқ дараҷадан ошиб кетди. Даражат шохларида бир ҳафтадан бери ёпишиб ётган булдуруқ эриди-ю, ўрмон батамом караҳт бўлиб қолди, ердаги қор гозини йўқотиб, салга ғарчиллар, уқаланиб кетар, эрталаблари чирсиллаб турган соvuқ ҳавода нафас олиш қийин бўларди. Кейин ҳаво бир оз шаштидан қайтди, шундан сўнг яна бир марта юмшади, натижада сайхонликлардаги қор бети юпқа муз бойлаб, эрта қотиб қолди.

Шу совуқ кунларда Гусъковларнинг Ангара ёқасига туаш томорқаси этагидаги мўрчадан нарса йўқолди: Михеичнинг қулинг ўргилсин қадими, дурадгорликка ишлатадиган болтаси гойиб бўлди. Одатда бирон нарсанни бегона кўздан яшириб қўйиш лозим бўлса, мўрча тоши ёнидаги қоқилмаган пол тахтаси тагига тиқиб қўйишарди, кекса Гусъков куни кеча тамаки түя туриб, болтани ўша ерга тиқиб қўйганини аниқ эсларди. Эртасига бориб қарасаки, болта йўқ, қидирмаган жойи қолмади — ерга кирдими, осмонга учдими, хуллас, болта гойиб бўлганди. Шу баҳонада Михеич мўрчани остин-устин қилиб, болтадан бошқа нарсалар ҳам йўқолганини пайқади: кимдир бу ерни билганича титиб, токчага босиб қўйилган қўлбола тамакининг ярмини, даҳлиздаги эски чанғини ҳам ола кетибди. Шундан кейин кекса Гусъков ўгри бу ерлик эмаслигини, болтасини қайтиб кўрмаслигини тушуниб етди. Чунки ўгри ўз қишлоғидан бўлганда, ҳеч қачон чанғини олиб кетмасди.

Настена мўрчадан буюм йўқолганини кечқурун, ишдан қайтиб келганидан кейингина билди. Михеич кун бўйи ўзини қўярга жой тополмай юрди: уруш пайти бунақа болтани топиб бўларканми? Йўқ, сираям тополмайди энди. Аттанг, ўзиям енгилгина, ўткир, худди ўйинчоқдек болта әди-да, шундоққина қўлга тушарди-қўярди. Настена қайнотасининг оҳ-воҳини эшитаркан, ҳорғинлик билан аллақандай бир парча темир деб шунчалик ку-йиб-пишишнинг нима ҳожати бор, ахир бусиз ҳам дунё анчадан бери алғов-далғов бўлиб ётибди-ку, деб ўйлади. Фақатгина Настена ўринда аъзои бадани хиёл сирқираб ётаркан, миясига лоп әтиб бир фикр келди-ю, юраги ҳаприқиб кетди: ҳа-я, пол остига қарашибегона одамнинг эсига қаёқдан келиб қолдийкин? Ногаҳон миясига келган бу фикрдан Настенанинг нафаси бўғилиб, уйқуси ўчиб кетди ва қоронгиликда узоқ вақт мижжа қоқмай ётди. У даҳшатли гумонини битта-яримта сезиб қолишидан ҳадиксирагандай, қўмирлашга ҳам қўрқар ва бу фикрни гоҳ ўзидан нари ҳайдар, гоҳ унга маҳкам ёпичиб олар әди.

Шу кечада Настена тунни бедор ўтказди, эрталаб эса, тонг ёришар-ёришмас ўрнидан турди-да, ўзи бориб мўрчани кўрмоқчи бўлди. У қори топталган бузоқхона орқали эмас, балки ҳамма юрадиган йўлдан Ангара ёқасига тушди-да, ўнгга бурилди. Бу ердан баланд тик жар лабидаги тўсиқ ортидан мўрча томи кўриниб туарди. Настена пастда бир оз тўхтаб қолди, кейин зинанинг музлаган пиллапояларидан аста юқорига кўтарилди-да, эшикни ғижирлатмаслик мақсадида тўсиқни ошиб ўтди, ичкари киришга юраги бетламай, мўрча ёнида пича тараддулланиб турди, сўнг пастаккина эшикча тутқичини оҳиста тортиб. Аммо эшикча нам тортиб, музлаб қолганими, очилмади, шунинг учун Настена уни бор кучи билан силтаб тортиб. Йўқ, демак, ичкарида ҳеч ким йўқ, бўлиши ҳам мумкин эмас. Мўрча ичи қоп-қоронги әди. Анграга, ғарбга қараган дарчадан эндигина бўзарив келётган тонгнинг гира-шира ёруғи тушиб туарди. Настена дарча остидаги скамейкага ўтириди ва янги, гайритабиий, лекин бир вақтлари ўзига таниш бўлган ҳидни сезишга уриниб, мўрча ичини дикқат билан исказай бошлади. Бироқ димоғига музлаган чириндининг ўткир, ачимсиқ сассифидан бошқа ҳид урилмади. «Мен тентак, қандай хаёлларга бориб юрибман-а», — Настена ўзига-ўзи таъна қилди ва бу ерга нима мақсадда келганини ҳам, бу ерда нима топмоқчи бўлганини ҳам тушуна олмай ўрнидан турди.

Кундузи Настена хирмондан колхоз саройига похол ташиди ва ҳар сафар тепаликдан тушаётганда, худди сеҳрлангандай, мўрчага қараб-қараб қўярди. У ўзини кўйир, хуноби ошар эди-ю, лекин бари бир қорайиб кўриниб турган ўша бесўнақай мўрчага қайта-қайта нигоҳ ташларди. Похолни қўр тагидан темир паншаха билан кавлаб олиб, чанага тутам-тутам қилиб ташлашга тўғри келди ва шу боисдан ҳар қандай оғир ишни кўрдим демайдиган Настена уч марта қатнаганидаёқ шу қадар ҳолдан тойдики, пуф деса йиқилгудай бўлиб қолди. Бунинг устига кечаси ухламагани таъсир қилди шекилли, кечқурун Настена нари-бери тамадди қилди-ю, ўзини таппа ўринга ташлади. У ухлаб қолиб, кечаси тушига кириб чиққаниданми ёки ухлаб мияси тиниққаниданми, бунчалигини айтольмайди, ҳарқалай эрталаб уйғонганидан бундан бу ёғига нима иш қилишини у аниқ биларди. У қазноқдан катта бир думалоқ нонни олиб, тоза бўзга ўрадида, ҳеч кимга сездирмай, мўрчанинг бериги бурчагидаги скамейкага элтиб қўйди. У эсим жойидами-йўқми, дея бир оз ўйлаб ўтириди-да, афсун ўқиётгандай қандайдир сирли хўрсиниб, эшикчани ёпиб, чиқиб кетди.

Шундан кейин Настена икки кунгача эрталаб бориб мўрчани текшириди, аммо нонга ҳеч ким тегмади. Сўнгра у нонни янги ёпилган нон билан алмаштириб, буни ҳам яна ўша аввалги, кўринарли жойга қўйиб қўйди. Энди у ҳеч нимадан умид қилмай қўйганди, аммо юрагини босган қандайдир ваҳм сира тинчлик бермай, болта ўғирланишининг оқибати нима билан тугашини билишга уни мажбур этарди. Ахир, ғўла остида қазноқ борлигини бегона одам билмайди-ку,— мана ўша ғўла, бошقا ғўлалар билан бир қаторда зилдай бўлиб ётибди, устида ўйин тушсанг ҳам қимир этмайди. Ёки битта-яримта сезганмикин? Фақат нон, ҳа, нонгина ўша кимса кимлигини аниқлаб бериши мумкин. Инсон зоти нонни кўрса чидаб туролмайди.

Яна икки кундан кейин нон гойиб бўлди. Ноннинг жойида йўқлигини кўриб, Настена қўрқиб кетди. У ҳолсизланиб, инграганича скамейкага ўтириб қолди ва бошини чайқади: йўқ, мумкин эмас. Бундай бўлиши мумкин эмас! Эҳтимол, қайнотасими ёки қайнонасими киргану бу ерда нон кўриб, уйга олиб кетгандир. Ҳа, шунақа. Настена чўккалади, полда нон ушоқлар ётарди. Йўқ, бу ерга қайнотаси ҳам, қайнонаси ҳам эмас, бошқа бирор кирган. Настена мўрча печидаги совуқ кулни титкилаб, папирос қолдигини топди.

Шу дақиқадан эътиборан Настёна гўё ўзини бўшқача бир оламда кўраётгандай эди: энди бу ёги нима бўларкин? У рўзгор юмушларини бажаар, колхоз ишига чиқар, одамлар ичидаги ўзини аввал қандай тутган бўлса, шундай тутарди-ю, тиқ этган товушдан чўчиб тушиб, чор атрофга аланг-жаланг қарап эди. Бирон нимани кутсангу, аммо нимани кутаётганингни ўзинг дурустгина билмасанг, юрагинг сиқилиб, тоқатинг тоқ бўлиб кетади. Шунинг учун Настена шанба куни мўрчани ёқди. Семёновна ҳаво совуқ-ку, нима қиласан, деб уни раъйидан қайтармоқчи бўлди, лекин Настена ўзим сув ташийман, ўзим иситаман, сизлар фақат чўмиласизлар, холос, деб гапида туриб олди.

Настена мўрчани бирпасда иситиши мумкин эди, бу қийин эмас, лекин у атайлаб шошилмади. У қарағай, секин-аста ёнадиган қайнин ўтиналарни ёрди, мўрча тошига одатдагидан кечроқ олов ёқди. Қиши эндиғина шаштидан туша бошлиған бўлса ҳам, ҳали кун совуқ, аммо ҳаво очиқ ва осойишта эди. Настена Ангарадан сув олиб, тепага кўтарилилар экан, ҳар сафар мўридан чиқаётган тутунга беихтиёр нигоҳ ташларди: қайнининг ҳоп-қора тутуни эпкинсиз ҳавода худди адл симёғочдай осмонга тик кўтарилилар ва олис-олислардан ҳам кўзга ташланиб турар эди. Настена керагидан ортиқча бир тогора сув иситиб, пол ва токчаларни ювиб-артди, трубани беркитди ва қош қорайғандан чол билан кампирни айтгани борди, уларга чироққа керосин ола келинглар деб тайинлашни ҳам унутмади.

Настена гўё уйқусида юрган одамдай пайпаслаб юрар, куни билан қийналганини, чарчаганини сезмасди, аммо ҳамма ишни ўзи ўйлаб қўйганидек пухта бажаарди. Настена чол-кампирнинг юванини келишини кутди, улар келгач, кийим-кечагини йиғди ва Семёновна юванинг ким билан борасан, деб сўраганида, Надъка билан бораман деб ёлғон жавоб берди. Одатда Настена мўрчага тушадиган бўлса, қўшни аёллардан битта-яримтасини чақираварди: у ўзининг сўлиб бораётган баданига қараб туриб эзиларди, ўкинарди, кўзларига ёш оларди. Лекин у бугун бир ўзи ювинмоқчи эди. Настена мўрчага қоронги тушиб қолганда, зим-зиё тун қора чодирини ёйиб кўройдин бошлимаган пайтда борди, дарчани ичидан латта билан тўсади ва тезгина юванини олмоқчи бўлиб, апил-тапил ечинди, чунки унинг ўйлаган нарсасига, наздида, ҳали вақт бор эди.

Настена юванини бўлгач, уйга қайтиб келди, чироқ

ўругида ойнага қараб, сочини таради ва кейин чол-кампирга мўрчага бирга тушган Настена Надъканикига бориб, бирпас ўтириб келаман деди. Чиндан ҳам Настена Надъканикига борди, лекин у ерга йўлига, унинг кўзига кўриниб қўйиш учун борди. Шунинг учун бирнас ўтирган бўлди-ю, яна мўрчага юргилаб қолди. У кечикмаган бўлсан гўргайди, деган хавотирда ўғринча қадам ташлаб, аста эшик тагига келди-да, ҳеч ким йўқмикин, дея секин ичкарига қулоқ солди, кейин эҳтиёткорлик билан мўрчага кирди. Мўрча ҳали илиқ эди, Настена терлаб кетмаслик учун остона ёнига ўтириди. Борди-ю, битта-яримта келиб қолган тақдирда ҳом у дик этиб ўрнидан туриб, ўзини бир четга олишга улгуради, ҳозирча эса, кутиши керак, холос.

Қишлоқдан турли овозлар, итларнинг акиллаши рлаес-әлас келиб турарди, ниҳоят булар ҳам тиниб, ҳаммаёқ жимжит бўлиб қолди. Ҳар замонда Ангарадан музнинг бўғиқ чирсиллаши қулоққа чалинарди, мўрча ҳам буғлана-буғлана совий бошлади. Настена зимистонда ўтиракан, мўрча дарчасини аранг кўрарди, у ўзини шу аҳволда эсанкираб қолган почор оҳудек ҳис этарди. У ўзини овутиш учун бирон нимани ўйлашга ёки бирон нимани хотирлашга уриниб кўрди, лекин бўлмади; одамлар орасида юрганда ҳаммаси жўнгина туюлиб, ўзини бемалол тутган бўлса, бу сенда калласига ҳеч нима келмаяти.

Орадан хийла вақт ўтди, эшикдан гўриллаб совуқ кира бошлагандан кейин у скамейкага ўтиб ўтириди.

Настенанинг кўзи илинди, қадам товушларини ёшитмай қолди. Ногаҳон эшик очилди, уни бир нима туртиб ўтиб, мўрчага кирди. Настена сакраб ўрнидан турди.

— Вой худо! Бу ким, ким бу?!— қўрқувдан тош қотиб қичқирди у.

Қоп-қора, баҳайбат жусса эшик олдида бир лаҳза туриб қолди-да, кейин Настенага ташланди:

— Овозингни чиқарма, Настена. Бу мен, жим.

Қишлоқда итлар ҳам акиллай-акиллай тинчиб қолди.

## 2

Ангаранинг ўнг соҳилига жойлашган Атамановка бор-йўғи ўттиз ҳовлидан иборат бўлиб, уни қишлоқ өмас, овул деса бўларди. Қишлоқ ўзининг жарангдор

номига қарамай, бу атрофда бир ўзи мунгайиб ётар эди, устига устак, урушдан олдинроқ секин-аста, киши билмас файзи кета бошлаганди: бирваракайига беш уй — унақа-бунақа әмас, данғиллама уйлардан бештасининг ҳувиллаб қолганига, деразаларига тахта қоқиб ташлаганига ҳам анча вақт бўлиб қолган. Уруш вақтида-ку, қишлоқларда одамларнинг сийрақлашиб қолганини изоҳлаб ўтирмаса ҳам бўлади, бу энди маълум, аммо Атамановкадан одамлар, айниқса рўзгор ташвиши бошига тушмаган ёшлар анча олдинроқ кета бошлаганди. Уларни гавжум, сершовқин, келажакда обод бўлиб кетадиган жойлар қизиқтиради, Атамановканинг эса истиқболи бунақа әмасди. Қишлоқ қачонлардир бир чеккада бунёдга келганди: Атамановка билан қишлоқ совети жойлашган энг яқин Карда қишлоғи орасидаги масофа йигирма чақиридан ортиқ эди. Тўғри, Ангаранинг нариги бетидаги Рибная қишлоғи унга анча яқин эди, лекин Рибнаядагилар борди-келдини қўйи оқимдаги қўшнилари билан қилишарди, чунки қишлоқ совети ҳам, магазинлар ҳам, бошлиқлар ҳам, борингки район маркази ҳам ўша ёқда эди. Ҳар қандай зарурат бўлса, ўша ёққа боришарди. Атамановкага эса дарёни кесиб, аҳён-аҳёндагина қадам ранжида қилишарди. Атамановка ёнидан сувни шалоплатиб пароходлар қатнар, ахборотлар ташир эди, аммо соҳилда нохуш сўппайиб турган қишлоқ бу ахборотлардан бехабар қолаверарди. Ҳатто уруш бошлангани тўғрисидаги хабар ҳам бу ерга эртасига етиб келганди.

Аммо шуни ҳам айтиш керакки, қишлоқ ҳамиша ҳам шу хилда аҳамиятсиз, назардан қолиб келган әмас. Қишлоқ Атамановка деб аталганига қадар бундан ҳам даҳшатлироқ Разбойниково (Қароқчи қишлоқ) номи билан довруги кетган. Эски замонларда бу ердаги эркаклар мاشақцатсиз фойдали ҳунардан — Ленадан олтин олиб келаётган тилла қидиувчиларни тўнашдан ор қилмаганлар. Тоғ тизмаси Ангара дарёсига деярли тақалиб келганидан ва қишлоқни четлаб ўтишининг сира иложи йўқлигидан қишлоқ йўлтўсарлик қилиш учун жуда қулай эди, истасанг-истамасанг шу ердан ўтишининг керак эди. Дарё биқинидаги қишлоқ шоввозлари пойлаб туришарди-да, дуч келган Лена олтин изловчиларини тўнашарди. Бора-бора қишлоқ шу ном билан шухрат қозонди. Оғизда юрган «Разбойниково» номи қофозга ҳам кўчди, аммо совет ҳокимияти ўрнатилмасидан олдинроқ бўлисдагилардан қайси бирининг назарида бу ном хунукдай

туюлади, шунинг учун маъноси ҳам деярли ўшайдай эштилар, эшитган қулоққа ҳам яхши, дея уни Атамановка деб ўзгартиришди. Дарвоқе, маҳаллий халқ ўзгартирилган номга негадир кўнгли бўлмади, орадан шунча йиллар ўтган бўлишига қарамай, кардалик, рибнаялий ва бошқа қишлоқлардаги қариялар, худди тил бириктиргандай нуқул бир гапни такрорлагани-такрорлаган:

— Бутун қишлоқ қароқчилик билан шуғулланарди-ю, булар бўлса ҳамма айбни қандайдир бир атаманинг бўйнига ағдармоқчи бўлишяпти, э, йўқ, бунақа ғирроматик кетмайди.

Настена тақдир тақозоси билан Атамановкага юқори Ангарадан келиб қолганди. Ўн олти яшар Настена ўттия учинчи йилдаги очарчиликда волидаи неъматини Иркутск яқинидаги киндик қони тўкилган қишлоғига дафи этиб, ўлимдан омон қолиш учун саккиз яшар сингилласи Катькани етаклади-да, дарёнинг қуи оқими томон бош олиб кетди. Ривоятларга қараганда, у ёқларда одамлар унчалик камбағал яшашмас экан. Настенанинг отасини илгари, колхозлар энди тузилаётган йили ўлдириб кетишган, айтишларича, душман бошқа кишини нишонга олиб, тасодифан унинг отасини отиб қўйган экан, аммо қотилни топишолмабди. Шундай қилиб, қизлар кимсасиз етим бўлиб қолишади. Бутун ёз бўйи Настена билан Катька қишлоқма-қишлоқ дайдиб, гоҳ дастёрчилик билан, баъзи жойларда эса жажжи ва ширингина Катькага берилган хайр-садақалар билан кунларини ўтказиб юришади. Агар Катька бўлмагандан Настенанинг ҳолига маймуналар йиғлаган бўлармиди. Унинг ўзи новча, озғин, қўллари, оёқлари ўқлоғидай узун-узун, боши чўзинчоқ, юзи чиллаширдай бужмайган, таъбир жоиз бўлса, худди оч арвоҳнинг ўзгинаси эди. У Катькага она ўрнида она бўлиб қолганди. Фақат Катька туфайлигина Настена қимирлашга, бирорларнинг эшигига бориб, чўрилиkkа олинг, деб ялинишга, бир бурда нон сўраб гадойчилик қилишга мажбур бўларди.

Кузга бориб опа-сингиллар бир амаллаб Настена эс-эс биладиган аммаларининг қишлоғи Рютинага етиб келишиди. Аммаси вайсаб-вайсаб бўлса ҳам қизларни бағрига олди. Настена сал ўзига келгандан кейин колхозга ишга чиқди. Катькани эса мактабга берди. Бу пайтга келиб аҳвол анча яхши бўлиб қолган, полизларнинг ҳосили етилган, буғдойлар ҳам пишиб қолганди. Егулик бўлган жойда очлик ҳам чекинаркан, шунинг учун қишига бориб Настена ўзини анча тутиб олди. Келгуси йили ҳам

ҳосил шундай битдики, энди очлик ҳақида оғиз очишнинг ўзи уят бўлиб қолди. Секин-аста Настенанинг чеҳрасига эрта тушган ажинлар йўқола борди, бадани тўлишди, ёноқлари нақш олмадай қизариб, кўзларида шодлик ўйнай бошлади. Яқингинада чўпдай бўлиб юрган Настена энди лобар қиз бўлиб қолганди. Икки йил ўтгандан кейин Настенанинг худди мана шу Рютина, қишлоқдан сал наридаги цистернадан ёнилги олиб, солда ташиб юрадиган бир бегона, аммо эпчил, чаққон ва танти йигит Андрей Гусъков учратиб қолади. Улар дарров тил топишади, аммасиникида чўри бўлиб ишлаб, қаддиня дол қилиб юриш ҳам Настенанинг обдон жонига текканди. Андрей ёнилги солинган бочкаларни МТСга олиб келди да, имиллаб ўтирумасдан, пароҳөдда орқасига қайтди ва Настенани ўз қишлоғи Атамановкага олиб кетди.

Настенанинг турмушга чиқиши худди томдан тараравша тушгандай бўлди, ҳеч нимани ортиқча мулоҳаза қилиб ўтирумади: бари бир эрга тегиш керак, камдан-кам одам бу дунёдан ёлғиз ўтади, шундай бўлгандан кейин чўзиб нима қиласди? Шунинг учун у янги оиласда, бегона қишлоқда ҳоли нима кечишини яхши тасаввур қила олмасди. Оқибатда шундай бўлиб чиқдики, қордан қутулиб, ёмғирга тутилди, яъни чўриликдан чўриликка борди. Фарқи шуки, рўзгор катта, талаби ҳам қаттиқроқ бошқа хонадонга ўтди. Гусъковларнинг икки сигири, қўй, чўчиқлари, товуқлари бор эди, катта бир уйда уч киши истиқомат қиласди, Настена тўртинчи бўлиб келди. Шунинг учун барча рўзгор юмуши Настенанинг гарданига тушди. Семёновна кўпдан бери келин келса-ю, зора юким енгиллашса, деб орзу қилиб юради, мана келин ҳам қелди, аммо ўзининг тоби қочди-ю, оёқлари шишиб, юрганда худди ўрдакка ўхшаб лапанглаб, у ёнидан бу ёнига ташлаб юрадиган бўлиб қолди. Барис бир у рўзгорда бош-қош эди, Семёновна умр бўйи рўзгорни тебратиб келди, мана энди унинг ўрнига рўзгорни бошқа қўллар тебратяпти-ю, лекин ўзиники бўлмагани учун бу қўллар назаридаги ношуддай, эринчоқдай туюларди. Семёновна табиатан инжиқ хотин эди: гоҳо бирор раъйини қайтарса ёки ўзини оқлашга тушса, фигони фалакка чиқардида, чакаги тинмай вайсарди, гоҳо жаҳли чиқиб, тумшаниб оларди-да, бирорга бир оғиз ҳам гапирмасди, у билан жанжаллашмаслик, уришиб кетмаслик учун Настена ҳаби сабр-тоқатли ва тоғдай вазмин одам бўлиш керак ёди. Настена қайнонасининг инжиқликларига одатда мурқ этмасди, у бунга Катька билан Ангара қишлоқла-

рида тиланчилик қилиб юрган, эринмаган бандалар уни бекордан-бекор уришиб сўккан ёз фаслида ўрганиб қолган эди. Албатта, у тубдан атамановкалик бўлиб, бу ерда бирон гап бўлгундай бўлса, дарров Настенанинг ёнини оладиган, уни хафа қилдириб қўймайдиган қариндош урууглари бўлса-ку, унда Настенага нисбатан муносабат ҳам бошқача бўларди-я. Лекин Настена кимсасиз етим, қаёқдан келиб қолгани ҳам номаълум, бор-йўқ сепи эгнидаги биттагина бўз кўйлак эди. Ҳатто сонга киритиш учун кийим-кечакни шу ерда тикитириб, эгнига илишга тўғри келгач—индаб кўрсинг-чи, Семёновнанинг миясига ўрнашиб қолган фикрлар ана шундай эди, бу фикрлар, айниқса ҳаво айнигандан пайтларда унинг оловига мой қуярди.

Дарвоқе, йиллар ўтиши билан Семёновна Настенага кўнишиб қолди, у энди борган сари камроқ вайсар, ро-йиш, қўл-оёқли келинга йўлиқдим, деб кўнглидан ўтказиб қўя бошлади. Настена колхоз ишига ҳам бориб-келар, рўзгор юмушларини ҳам деярли бир ўзи бажараф эди. Эркаклар қишига ўтин, пичан ғамлашни билишарди, холос. Ҳа, айтгандай, борди-ю, уйнинг томи тушиб кетса, уни ҳам эркаклар кўтаришарди, аммо Ангарадан сув ташиб келиш ёки оғилни тозалаш эркакка ярашмайдиган, уят иш ҳисобланарди. Семёновна шишиб кетган дардчилик оёқлари билан узоққа бориб-келолмасди, ҳамма ерда Настена гирдикапалақ эди. У бўлмаса, кампирнинг ҳолига вой эди, бу эса ноилож қайнонанинг понугини пасайтириб, ён беришга мажбур қиласди. Кампир бир нарсани — Настенанинг боласи йўқлигини асло кечира олмасди. Кампир таъна қилишга-ку қилмасди-я, у бу ҳар қандай хотиннинг ҳам иззат-нафсига тегишини яхши биларди, лекин кўнглининг бир чеккаси хира эди. Бунинг устига Андрей чол-кампирнинг уч бола ўрнига қолган ёлғиз фарзанди эди, чунки Андрейдан олдин дунёга келган икки қизлари турмаганди.

Боласизлик Настенани ҳамма хўрликларга чидашга мажбур этарди. У болалик чоғидаёт фарзандсиз хотин ҳдтин эмас, қуруқ жасад, деб эшитганди. Шунинг учун Настена ўзида шундай нуқсон борлигини хаёлига ҳам келтирмади ва аёл қисматини олдиндан билгани учун индамай эрга тегиб кетаверди, ҳатто ўз ҳаётида катта ўзгариш бўлаётганидан қувонди, лекин қейинроқ, одатда бўладигандек, эсизгина, қизлигимда яна пича ўйнаб-кулиб олмадим-да, деб сал ачиниб қўйди. Андрей бўлса уни әракалатар, ардэқлар, жонимнинг малҳами дер эди.

Улар дастлабки пайтларда бола тўғрисида ўйлашмади ҳам, шунчаки айшларини суреб, бир-бирининг атрофида парвона бўлиб юраверишди. Бола гўё уларнинг бу баҳтига ҳатто завол бўлиши мумкиндеқ туюларди. Аммо кейин, турмушда одат бўлиб қолган азалий тартиб-қоидаларга путур етиши, оила бузилиши хавфи пайдо бўла бошлиши билан қандайдир секин-аста зимдан ташвиш ҳам туғилди; илгари чўчиб, сақланишга ҳаракат қилиб юрган нарсаларини энди бўлармикин, бўлмасмикин, деб бўри қулоги овда дегандай пойлашга тушишди. Ойлар ўтиб борарди, лекин ҳеч қандай ўзгаришдан дарак бўлмади, шундан кейин илҳақлик ўрнини сабрсиалик, кейин эса ваҳима эгаллади. Бир йил ичида Андрейнинг Настенага нисбатан муносабати бутунлай ўзгариб кетди, инжиқлик қиласар, жеркар, ҳеч нарсадан ҳеч нарса йўқ сўка бошлиарди, кейин эса тутиб олиб дўппослайдиган одат чиқарди. Настена ҳаммасига чидади: рус аёлларининг таомилига кўра, турмуш бир марта қурилади, шунинг учун бошга тушганини кўз кўярар, деган ақидага амал қиласарди. Ундан ташқари Настена бу кўргиликка ўзини айбдор деб ҳисобларди. Фақат бир марта, Андрей таъна қилиб, унинг ҳамиятига тегадиган қандайдир оғир бир гап айтганида, Настена алам қилганидан айб қайси биримизда—сендами ёки мендами, бу маълум әмас, чунки мен бошقا әрқакларни ҳали синаб кўрганимча йўқ, деб жавоб қайтарди-ю, балога қолди. Андрей уни ўласи қилиб савалади.

Тўғри, урушдан олдинги йил улар анча тотув яшашди, гўё бир-бирига бошқатдан кўникаётгандай, бир-бирининг феъл-авторини тушунаётгандай бўлишди. Энди улар қарс икки қўлдан чиқишини яхши билишар, қўшганинг билан қўша қари, деган эски нақлга амал қилишарди. Андрей Настенани илгаригидек ортиқ ардоқламасди, лекин ўзи анча тийилиб қолганди. Настена ҳали ёшмиз, бора-бора ҳеч нарса кўрмагандай бўлиб кетармиз, деб шунисига ҳам шукур қиласарди. Ҳа, агар уруш бошланмаганда-ку, балки ҳеч нима кўрмагандай бўлиб кетишармиди, аммо уруш бошланди-ю, не-не орзу-умидлар чил-чил бўлмади.

Урушнинг дастлабки кунларида ёқ Андрейни олиб кетиди. Настена уввос тортиб йиғлади, хўп куйиб-пишди, охири тақдирга тан берди. Ахир, бир у әмас, норасида гўдаклари билан қолган хотинларнинг ҳоли бунивидан беш баттар эди; чамаси, у эрга текканидан бери боласи йўқлигига биринчи марта суюниб, шукур қилди. У бекорга

қисматидан хафа бўлиб юрибди, қайтанга толеи баланд әкан, ҳозир одамлар бошига тушган кулфатни анча узоқдан кўриб-билиб турган худо бунинг бошига ҳам шундай кун тушганида довдираб қолмасин, деб қўллаб юрган әкан-ку. Кейин, тинчлик-омонлик бўлса, бола ҳам кўрар, ҳали кеч эмас, ишқилиб, Андрей қайтиб келса бас. Уруш кетаётгандага у ана шу орзу-умид билан яшади, эртага нима бўлишини ҳеч ким билмайдиган даҳшатли кунларда ана шу орзу-умид билан нафас олди.

Андрей узоқ вақтгача бинойидек жанг қилиб юрди, лекин қирқ тўртинчи йил ёзида тўсатдан дом-дараксиз бўлиб кетди. Фақат икки ойдан сўнг Новосибирскдан, госпиталдан ярадор бўлдим, тузалганимдан кейин уйга боришга бир неча кунга жавоб беришади, деб хат келди. Настена аввалига эрининг олдига бормоқчи ҳам бўлди, лекин Андрейнинг ваъдаси уни Новосибирска бориш фикридан қайтарди. Агар жавоб беришса, уйда дийдор кўтишгани маъқул — улар шуни мўлжаллашганди. Лекин Андрей янгилиши, кеч қузда у хафа бўлиб қисқагина хат ёзди, хатида: йўқ, бўлмади, госпиталдан жавоб беришяпти-ю, лекин уйга эмас, қайта фронтга жўнатишияти, деб ёзганди.

Андрей яна дом-дараксиз бўлиб кетди.

Рождестводан олдин Атамановкага Карда қишлоқ советининг раиси Коновалов билан чўтири, орқаваротдан одамлар Бардак<sup>1</sup> деб аташадиган участка милиционери Бурдак кириб келди. Улар Ангарадан ўтишгандан кейин отнинг бошини тўппа-тўғри Гуськовларнинг уйига қараб буришди. Настена уйда йўқ эди.

— Ўғлингиздан қанақа хат-хабар бор? — деб сўради Бурдак Михеичдан худди сўроқ қилаётгандай жиддий оҳангда.

Унга Андрейнинг охирги хатларини кўрсатишиди. Бурдак хатларни ўқиди-да, Коноваловга узатди, у ҳам ўқиб чиққа, хатни чўнтағига солиб қўйди.

— Ундан бошқа ҳеч нарса маълум қилмадими?

— Йўқ, — гангиб қолган Михеич, ниҳоят, ўзига келди. — Унга бирон гап бўлибдими? Қаерда әкан?

— Биз ҳам унинг қаерда әканлигини аниқламоқчи бўлиб юрибмиз-да. Ўғлингиз Андрей Гуськов гойиб бўлиди. Хат-хабар келса, бизга билдиринг. Тушундингизми?

— Тушундим.

<sup>1</sup> Бардак — бу ерда: бузгунчи маъносида.

Михеич ҳеч нимага тушунмади. Нима гап бўлганига на ўзининг, на Семёновнанинг, на Настенанинг ақли бо-вар қиласарди.

Қаҳратон қиши кунларининг бирида эса, Гусъковлар-нинг мўрчаси поли остидан болта ғойиб бўлганди.

### 3

— Овозингни чиқарма, Настена. Бу мен. Жим.

Бақувват, чайир қўллар уни елкасидан ушлаб, скамейкага босди. Оғриқ ва қўрқувдан Настена инграб юборди. Овоз хирқироқ, бўғиқ бўлса ҳам, аммо равиши бояги-боягидай эди, шунинг учун Настена уни дарров таниди.

— Андрей, сенмисан? Вой худойим! Қаёқдан келшиб қолдинг?!?

— Анави ёқдан. Жим бўл. Менинг бу ердалигимни бирорга айтганинг йўқми?

— Йўқ. Ўзим ҳам билмасдим-да.

Настена қоронгиликда унинг юзини тузуккина кўра олмади, дарча пардасининг бир чети сал кўтариб қўйилгани учун ундан тушиб турган гира-шира ёруғлика қандайдир ҳайбатли паҳмоқ бир шарпа кўз олдида қорайиб турарди. У худди қаттиқ югуриб келган одамдай кўкрагини кериб пишиллар ва тез-тез нафас олар эди. Настена ҳам нафаси қисаётганини сезди, у қанчалик гумонсираб юрган бўлмасин, бу учрашув, худди томдан тараша тушгандек, дастлабки дақиқа ва сўздан бошлабоқ ўгринча ва ваҳимали бўлиб, ўтакани ёриб юборди.

Ниҳоят, Андрей қўлини олиб, сал орқасига тисарилди. У ҳамон энтикаркан, титраган овозда сўради:

— Мени қидиришдими?

— Яқинда милиционер келган экан, у билан Кардан Коновалов ҳам келибди. Отам билан гаплашишибди.

— Отам билан ойим мени пайқашгани йўқми?

— Йўқ. Отам болтани бошқа бирор олган, деб юрибди.

— Хўш, сен-чи, сен пайқабсан-да, а?

Настена жавоб беришга улгурмади.

— Ноини сен қўювдингми?

— Ха.

Андрей жим бўлиб қолди.

— Мана, дийдор ҳам кўришдик, Настена. Кўришдик, дёяпман сенга,— деди у яна жаҳл билан, гўё Андрей Настенанинг бирон нима дейишини кутгану, аммо ундан садо чиқмагандай.— Ўз хотиним билан ёнма-ён турганингга сира ишонгим келмаяпти. Бу ерларда бирорининг

Андрей Гуськов тақдир уни боши берк күчага олиб кирганини, энди бу кўчадан чиқиб кетишнинг сира иложи йўқлигини яхши биларди. Қаршисида яна қандайдир бир йўл бор, бу йўл шунчалик қисқаки, сал югурсанг, бошинг дўйқ этиб деворга тегади, орқага қайтиш эса, энди асло мумкин эмас... Энди фойдаси йўқ. Орқага қайтишнинг иложи йўқлиги уни ортиқча ўй-хаёллардан халос этганди. Энди нима бўлса бўлар, таваккал деб яшашдан ўзга чораси қолмаганди.

Ўз юртига келиб яшай бошлиган дастлабки кунларда бундан уч ярим йил бурун худди шу ердан фронтга жўнагани эсига тушавериб, уни жонидан безор қилиб юборди. Уруш ҳақида дастлабки хабар келганидан бошлиб то дивизия тузилаётган Иркутскка этиб боргунинг қадар ўтган деярли икки ҳафта ичида юз берган барча воқеалар гўё худди куни кечга бўлиб ўтгандай кўз ўнгига яққол гавдаланиб турганидан алланечук бўлиб кетарди. Ҳатто кечирган ҳис-туйғулари ҳам эсига сақланиб қолганди, чамаси, у бу туйғуларни яна бошидан кечираётгандек эди: йўлга чиқишдан олдин қандай аҳволда бўлса, ҳозир ҳам шундай гаранг, бундан буёги нима бўлишини ўйлаб кўришга қодир эмас, ўшанда қандай умидсизликка тушган бўлса, ҳозир ҳам ўшандай аламзада, ёлиз, газабнок эди, юрагини ўша-ўша совуқ, мудҳиш, бир дақиқа ҳам тарқ әтмайдиган қўрқув қамраб олган, ҳамма нарса, ҳатто ўткинчи кайфиятлар ҳам ҳамон ўшандай; фақат катта бир фарқи бор эди: гўё буларнинг бари аввал ичида бўлгану эндиликда сиртига тепиб, кўз ўнгига юз бераётганга ўхшарди, буни ҳозирги шароити ҳам тасдиқларди. Мана у яйа яшаган ва сафарга жўнаган ерида, аммо энди Ангаранинг ўнг соҳилида эмас, чап соҳилида турибди, ўша пайтда ёз эди, энди бўлса қаҳратон қиши. Ўша вақтда у урушга кетаётганди, энди бўлса қайтиб келди, ўшанда бир талай одам билан бирга жўнаганди, энди эса бир ўзи алоҳида йўл билан орқага қайтди. Тақдир уни юз кўйга солиб, яна ўзининг эски жойига бошлиб келди, аммо ўлим аввалгидек, ўша вақтдагидек бор бўйи билац унга соя солиб турар, аммо бу сафар ўлим, чап бериб қетмасин, ишонччилоқ бўлсин, деб тағин унинг орқасидан келганди. Умуман, ҳозир у қадамини қаёққа босишини билмай, аросатда қолган бўлиб, омонат ҳаёт кечирарди. Шу алпозда яшагач, хотира қолади дейсизми.

Биринчи чақирувда атамановкалик йигитлардан етти кишини армияга олишди, Гуськов ҳам шулар ичиде эди. Қишлоқдан бешта аравачада кетишиди, фронтовиклар қанча бўлса, кузатувчилар ҳам деярли шунча йифилган эди. Лекин Андрей ота-онаси, хотини билан уйда хайрлашиб қўя қолди: уларнинг кўз ёшларини оқиздириб, йиғлатиб-сиқтатишнинг нима ҳожати бор? Бунинг устига ўзининг ҳам юраги бекорга эзилиб кетади. Бир ишни қилиш керак бўлса, уни шартта қилиши лозим-да. Андрей ҳатто ажали етиб ўладиган бўлса, (бу ҳам энди яқинлашиб қолди шекилли) худди шу кўйи хом хаёлларга берилмасдан омонатини топшириб қўя қолишига умид боғлаганди. У дарвоза олдида онаси, отаси ва Настена билан қучоқлашиб хайрлашиб, сакраб аравачага ўтирида-да, отни чуҳлади, йўлга тушгандан кейин орқасига қарамасликка ҳаракат қилди, Атамановка яйлов ортида кўринмай қолгач, у жиловини тортди ва бир карвон бўлиб кетиши учун бошқаларни кутди.

Кардага боргач, улар мўлжалланган вактдаги пароходга тушиб район марказига боришиди, бир кундан кейин эса, шу пароход орқага қайтишида районда тўпланган бутун командани олиб, Иркутскка жўнади. Пароход эрталаб барвақт Атамановка ёнидан ўтди. Атамановкага интиқ бўлиб ухламаган йигитлар анча олисданоқ бири олиб, бири қўйиб бақира бошлиашди. Лекин улар нима деб бақиришаётганларини ҳам, энг муҳими, нимага бақиришларини ҳам ўзлари тушунмасдилар, лекин Андрей ғамгин ҳолда, индамай қишлоққа тикилар ва негадир қишлоқни ташлаб кетишига мажбур бўлгани учун айбни урушга әмас, балки қишлоққа қўйгиси келарди. Бари бир йигитларнинг кўнглидаги бўлди: соҳилга бир тўда одамлар югуриб чиқди ва буларга жавобан улар ҳам бир нималар деб қичқиришиб, рўмолларини, фуражкаларини силкита бошлиашди, аммо пароход қирғоқдан анча нарикетаётганидан улардан битта-яримтасини таниб ёки нима деганини англаб ҳам бўлмади. Андрей одамлар ичida Настенани кўргандай бўлди: у ўша аёл Настена эканига аниқ ишонч ҳосил қилмади, лекин жаҳли чиқди: ахир бунаقا майнавозчиликнинг нима ҳожати бор? Хайр-хўшлашгандан кейин тамом, бир-бирингга айтадиган гапингни айтдинг, бўлди-да, бундай қилган билан урушни қайтариб бўлармиди энди. Агар Настена деб гумон қилган ўша кимса чиндан ҳам Настена эканлигини билганида эди, у анча енгил тортган бўларди. Унинг ғазаби журуж қилиб келаётганлигининг сабаби ҳам Настена

эканлигини аниқ билмаганида эди, албатта. Андрей ўрнида қолаётган барча нарсалардан, нималардан ажралиб қолаётганидан ва нималарни деб энди жанг қилишга мажбур бўлаётганидан беихтиёр ранжиди-ю, бу алам узоқ вақт кўнглидан кетмади, ана шу ранж, ана шу алам шунча йиллар мобайнида унутмаган ва эндиликда бегаразлик билан устидан чиқсан ўша ваъдасини эсига туширди. У фақат ўша ваъда дебгина қайтиб қелгани йўқ, асло, лекин аввал бошданоқ муқаррар бўлиб туулган, ҳозир эса ушалган ўша орзу замирида Гусъков қисматини белгилашга ёрдам берувчи қандайдир жозибали, ишончли куч бордек эди.

Пароход оқимга қарши уч кун сузди, йигитлар тўпла нишиб кайф-сафо қилишар, ўлганларининг кунидан тиржайиб, ҳазил-хузул қилишарди, чунки бу кунлар сўнгги эркин, хавф-хатарсиз кунлар эканини улар яхши тушунишарди. Андрей ароқ ичишга одатланмаганидан уларга қўшилмади. У бортда қоққан қозиқдай узоқ-узоқ қақ-қайиб турар ва сира тўғридан кўз узмасди. Авжи ёз эди, осмонда қуёш чарақларди, шўх Ангаранинг шовиллагав овози ҳавони тўлдирган, таниш соҳиллар, қишлоқлар, ороллар Андрейнинг олдидан сузиб ўтар ва ортда қолиб, кўздан гойиб бўлар эди. Гусъков буларни балки охирги марта кўришимдир, деб ўйлаганида юраги орқасига тортиб кетарди. Пастга тушиб, шерикларига қўшилиб олса,— ахир юраги эзилётган бир бу эмас-ку, ёки қопини боши остига қўйиб, то команда бериб уйғотгуналарича тош қотиб ухласа, барини унутса, яхши бўларди-я, лекин у бортдан нари кетмасди, руҳи эзилар, ич-этини ер ва ўзига ўзи ачиниб кетарди, яна шу азоблар ичра хаёл сурниб, олдинга қараб тураверарди. У қанчалик кўп тикилса, Ангара унга заррача эътибор бермай, шунчалик бема лол оқаётганини, ўз умрини ўтказган мана шу қалбг туташ соҳиллар унга сира ҳам назар-писанд қилмаган дай, сирганиб ўтиб бораётганини кўриб, юз ўқинса ҳам муддаоси ҳосил бўлмаслигини яққол ҳис этарди. Ҳа, соҳиллар энди бошқа ҳаётга, унинг ўрнига қоладиган бош қа кимсалар томон сирганиб боряпти. Унинг дили ран жиди: намунча тез? Ҳали жўнашга улгурмасдан, ўз еридан оёғи узилмасдан бари — унинг борлиғи ҳам, орзу умидлари ҳам — унунтиса, қора ерга кўмилса: демак энди кетавер, ўлсанг ўлавер, биз учун тамом бўлгай одамсан, дейиш экан-да. Наҳотки, чийдан ҳам энди барі тугаган бўлса? У бутун вужудидан жўш уриб келган биёневуз қайсарлик билан ҳайқириб юборди:

— Ёлғон, мен ўлмайман. Мени эрта кўмаясиалар. Мана кўрасиалар: ўлмайман. Сизларга бўлса-ку, жин ҳам урмайди — ўшанда салом бераман.

Фронтда у бу умидларини нари суриб қўйди. Дастрлабки жанглардаёқ у яраланди, аммо баҳтига, енгил яраланди, ўқ чап оёғининг болдирини тешиб ўтиб кетди, у бир ойдан кейин оқсоқланиб, яна қисмига қайтиб келди. Ўша вақтларда тирик қолишни ўйлашнинг ўзи бир бемаъниликтай туюларди. Бундай хаёл одамларнинг эсидан бутунлай чиқиб кетган, ҳамма ўлимни бўйнига олиб қўйган эди ва жонини ҳовучлаб турарди. Андрей ҳам худди шундай — у ён-верида тутдай тўқилаётган одамларни кўравериб, дийдаси қотиб кетди. Бугун бўлмаса — эртага бўлмаса — индинга менга ҳам навбат келади, ҳолим шу-да, дея тақдирига тан бериб қўйган эди.

Бу ерда, урушда тинчгина кун кечириш кимнинг чекига тушган бўлса, бу нарса, унинг назарида, абадийдек туюларди, бунинг дарахтлар ёки тошларники сингари йил кетидан йил келиб, бир неча ўн йилларга чўзилиб кетишини ўйлаш ғалати кўринарди: вақтнинг бу ерда ўзгача ўлчови бор эди.

Андрей Гуськов пешонаси ярақлаган йигит экан, анчагача бир туки ҳам бежо бўлмай юрди, фақат бир марта, фронтдан жўнашдан олдин у эҳтиётсизлик қилиб бомбардимонда қолди ва қаттиқ контузияга учради. Портлаш садоси унинг қулогини чиппа битириб қўйди, деярли бир ҳафтагача ҳеч нимани эшитмади, кейин қулоги секин-аста эшита бошлади. Контузиядан у ҳам кулгили, ҳам аламли ҳолга тушиб қолди: лазаретда, қулоги эшитмай юрган кезларда, иштаҳаси оч бўриникидай хаккаласк отиб юборди, овқат еган билан тўймасди. У ҳар дақиқада овқат егиси келарди, овқат қидириб, турли кўнгилсиз воқеаларга ҳам дучор бўлди. У ўзи эшитмагани учун бошқаларни ҳам кар деб ўйларди, шунинг учун бирон егулик қидириб, ошхонага биқиниб кирганида қўлга тушиб қоларди. У берганига қаноат қилмай яна овқат сўраганида, ошпазлар тузалиб келаётган беморларга эрмак бўлсин учун оғизларига келганини қайтармасдилар. Андрей бўлса, уларга кўзи жовдираб қараб тураверарди.

Гуськов уч йил ичida чангичилар батальонида ҳам, разведкачилар ротасида ҳам, гаубица тўплари батареясида ҳам жанг қилишига улгурди. Бу даврда унинг бошидан нималар кечмади дейсиз. Танклар ҳужумини ҳам кўрди, немис пулемётларига ҳам ташланди, кечалари

чангидага рейдга ҳам чиқди, узоқ вақт силласи қуриб «тил» тутиш найида юрди. Гуськов урушга кўнига олмади, кўнига олмасди ҳам, унинг худди ишга кетаётган дик, хотиржам, бемалол жангга кириб кетаётган одамларга ҳаваси келарди, лекин у ҳам қўлидан келганича урушнинг ҳадисини олди, чунки бошқа чораси ҳам йўқ эди-да. У бошқалардан ўзиб кетмади, аммо бирорвонинг панасига ҳам бекинмади — солдат шеригинг кўриб қолади-ю, дарров адабингни беради. Беш-олти кишидан иборат «тил» тутувчи группа немисларнинг ҳандақларига ташланганларида, умуман, муғамбирликка ўрин қолмайди — ё донғиниг чиқади, ё чангинг, борди-ю, имилласанг, ё жонингни азсанг, ўзинг ҳам ҳалок бўласан, бошқаларни ҳам ҳалок қиласан. Разведкачилар ичидаги Гуськов анча ишончли ҳисобланарди, жуда азамат йигитлар ҳам ўзларини эҳтиёт қилиш учун уни бирга шерик қилиб олиб кетишарди. У кўп қатори жанг қилди — жуда яхши ҳам эмас, жуда ёмон ҳам эмас. Солдатлар унинг кучига тан беришарди, у калтабақай, чайир, бақувват эди, ҳушдан кетган ёки гапиришни истамаган «тил»ни даст елкасига ўнгарарди-да, бир дам олмай ўз окопларига кўтариб келарди.

Гуськов Москва остоналарида чангичилар батальонида хизмат қилди, кўкламда Смоленск тупроғида разведкачилар ротасига тушиб қолди, батареяга эса, уни Сталінградда, қонтузия бўлгандан кейин юборишиди. Бу ерда узоққа отадиган артиллерияда хизмат қила бошлади. Энди ҳужумга ўтган пайтларда унга анча енгил бўлди.

Қирқ учинчи йил қишида урушнинг охири аниқравшан кўрина бошлади. Урушнинг кети яқинлашгай сари унда тирик қолиш умиди ҳам шунчалик кучаяверди — бу энди қадимги дай пинҳона умид бўлмай, балки ошкора ва безовта қиласидиган бир умид эди. Урушнинг дастлабки кунидан бошлаб жангга кирган кишилар шунчалиқ машаққатларга, азоб-уқубатларга бардош бериб, шу ергача етиб көлибдими, демак, қисмат ҳам уларни нима биландир тақдирлаши керак-да. Шунча замонлар ўлимга чап бериб келишган экан, ниҳоят ўлим ҳам улардан чекиниши лозим-да, ахир, дегинг келарди. Шу боисдан бу ерда, урушда ҳам қандайдир тирик қолиш муддати бордай туюларди: омон қолдингми, қандингни ур, яшайвер. Баъзан сал тинчиди, кўнгил жойига тушган дақиқаларда Гуськов энди менга жин ҳам урмайди, худди ҳозиргидек шошилмасдан, ҳовлиқмасдан, ўзини ўтга-чўққа урмасдан азоб-уқубат билан ўтказилган, ўн баробар ҳис-

саси чиқарыб олинган фурсатлар тамом бўлиб, ғалаба қозонилганини эълон қилишгач, уйга олиб кетишадиган ўша кунга етиб бораман, деган ишончдан кўнгли ёришиб кетарди. Лекин мана шу қувончили дақиқалар бир лаҳзада ўтиб кетарди-ю, аста-секин юрагини ваҳима боса бошлиларди: ахир худди мана шу умид билан нафас олиб келдётган минг-минглаб кишилар кўзи олдида ҳар куни ҳалок бўляпти, ҳа, урушнинг сўнгги дақиқаларигача ҳам шундай бўлишини у жуда яхши тушунади. Агар тирикларни — уни ва унга ўхшаганларни жангга солишмаса, одамни қаёқдан олишади? Шундай бўлгач, нимадан ҳам умид қиласан? Шу боисдан ваҳимага тӯшиб қолган Гуськов бундан буёғига иши ўнгидан келишига кўзи етмай, зимдан ярадор бўлиш пайига тушиб қолди — албатта, кор жойидан эмас, енгилгина жароҳатланса етарли,— вақт ўтса бўлди-да.

Аммо қирқ тўртинчи йил ёзида, батарея бошқа жойга кўчишга шайланиб, тўплар ғилофланиб қўйилган бир пайтда нақ бурунлари остидан немис танклари чиқиб қолди-ю, Гуськов яхшигина ярадор бўлди. У деярли бир кеча-кундуз ўзига келмади. У кўзини очиб, тирик қолишига ишонгач, кўнгли жойига тушди: мана, жанг ҳам қилиб бўлди. Энди бошқалар жанг қиласин. Уники етарли, у ўзига тегишилсини дўндириб қўйди. У ҳали-бери тузалмайди, оёққа тургандан кейин эса, уйига жавоб беришлари керак. Тамом — яхшими, ёмонми, ишқилиб, жони омон қолди.

Андрей Гуськов роппа-роса уч ой Новосибирск госпиталида ётди. Унинг кўкрагидан икки марта осколька олишди, лекин жароҳати анчагача тузалиб, битиб кетмади. Уйдан далда бўлсин деб икки марта посилка юборишиди. Настена борайми деб сўраганида. Андрей шундан-шунга сарсон бўлиб, бунинг устига бекорга харж қилиб нима қиласди, ҳадемай ўзим бориб қоламан-ку, деб ўйлади-да, келишига унамади. Палатада ётган шериклари ҳам унинг гапини маъқуллашди. Госпиталга аввалроқ тушганлар қандай ярадорнинг уйига бутунлай кетишини, кимнинг бир бориб келишини, ким фронтга қайтиши кераклигини яхши билар эдилар. «Камида ўн кунга жавоб беришади», деди улар Гуськовга. Ана, энди кутинглар. Кутгил, Настена! У энди арзимаган майдачуйдаларни баҳона қилиб бир вақтлари Настенани хафа қилганларига сира ишонгиси келмасди: бу ёруг оламда унинг учун Настенадан яхши хотин йўқ-ку, ахир. Қайтиб борсин, улар шундай яшашадики, у ёғини асти қўя-

верасиз! Урушдан кейин дунё бошқача бўлади. Ҳамманинг, ҳа, ҳамманинг ҳаёти бутунлай ўзгача ќечади, буларники эса, айниқса. Улар урушгача ҳеч нимачи тушунишмас экан, бир-бирларининг қадрларига етмай, бир-бирларини севмай яшашган экан — шунақаям яшарканми киши?!

Аммо ноябрда, госпиталдан жавоб берадиган кун етиб келганида, у шу куни деб ўз жароҳатини ялаб-юлқашига сал қолган, сабрсизлик билан кутиб юрган фурсат етганида миясига бир туширгандай бўлнишибди қисмга борасан, дейишди. Уйга эмас, қисмга. У уйига кетишига шунчалик қаттиқ ишонгандан қандайдир англашилмовчилик бўлган бўлса керак, деб ўйлади-да, анчагача ҳеч нимага ақли етмай қолди, кейин врачларга чопди, исботлашга тушди, қизишибди, дағдага қилди. Унинг гапига ҳеч кимнинг қулоқ солгиси келмади. Жанг қилишга яроқлисан — тамом, вассалом. Унинг кийимларини кийдиришибди, қўлига солдатлик дафтарчаси ва озиқовқат варақасини тутқазишибди-да, госпиталдан чиқариб юборишибди. Қани, туёғингни шиқиллат, Андрей Гуськов, ўз батареянгга етиб ол, уруш ҳали тугагани йўқ.

Ҳали уруш кетаётганди.

У фронтга боришибдан қўрқарди, аммо қўрқишдан кўра кўпроқ уйига бориб келишга қўймай, уни орқасига, урушга қайтараётган барча нарсалардан хафа бўларди, жаҳли чиқарди. У бутун вужуди билан, бор ўй-хаёли билан ўз жигаргўшалари — отаси, онаси, Настенани кўришга ошиққанди, шу ўй-хаёл билан яшаган, шу ўй-хаёл билан соғайганди, нафас олганди, у фақат шунигина биларди. Ахир жон борича югуриб кетаётиб, бирданига орқага бурилолмайсан-ку, чунки бир ерингга шикаст етиши мумкин-да. Ахир ўз устингдан ўзинг сакраб ўтолмайсан-ку. Ўз юрtingда, Сибирда, уйинг шундоқ қўйл чўйса етгулик жойда туриб, қандай қилиб орқага қайтиб, яна ўзингни ўққа, ўлимга урасан? Ахир шу тўғрими, шу адолатданми? Жилла қурса бир қунгина уйига бориб, қўнгли таскин топса майлийди, кейин нима деса ҳаммасига тайёр эди-ку.

Аҳмоқ бўлмаса, Настена тайёр ўзи бориб кўраман деганда йўқ дейдими? Шундай бўлишини илгарироқ билганида-ку, жўнайдиган кунлари чақирарди, кўради, енгил тортарди. Настена уни кузатиб ҳам қўярди, бирор кузатиб қўйса, киши хотиржамроқ бўлади: одамнинг қисматида кўзнинг ўрни бўлакча — сафар олдидан сенинг қайтиб келишингга мунтазир бўлиб қолувчи кишинги

у жуда яхши эслаб қолади. Ҳаммаси, жўрттага қилгандай, чаппасига кетди. Агар бундан бу ёғи ҳам шундай кетаверса, бу оламда жонингдан умидинг қолмайди-ку, биринчи жангдаёт ер тишлатишади.

У госпиталь бошлиқлари тўғрисида бу бир худонинг балоси әкан, яшинни қайтариб ёки дўлни тўхтатиб бўлмагани каби буни ҳам бандаси йўлга сололмайди, деб ўйларди. Биттаси, ўша энг каттаси, ҳеч нимани суриштирмай, масалани бир ўзи ҳал қилди-қўйди, бошқалари унинг гапига қўшилишди. Лекин у тирик инсон-ку, нега у билан ҳисоблашишмади? Тўғри, ҳеч ким унга ҳеч нима ваъда қилгани йўқ, у ўзини ўзи алдади. Аммо бошқаларга уйларига бориб-келгани жавоб беришди-ку, жавоб беришди. Жавоб беришганини ўз кўзи билан кўрди, билади — шундай бўлгач, бу ҳам умидвор бўлади-да!

Наҳотки, чиндан ҳам фронтта қайтиб кетса? Ахир қишлоғи шундоқ ёнида, қўлинин чўзса етади-я. Ҳаммасига қўл силтаб, шартта жўнайвериш керак. Ўзинг учун — ўл етим. Ҳа, ўзбошимчалик қилганларни ҳам эшитгани бор, лекин бари тўғри бўлиб кетган. Нега энди бунга қолганда тўғри келмас экан? Тўғри келмаса, ундан нарига, шартта жўнаб қолади. Ахир у темир эмас-ку. Уч йилдан ортиқ жанг қилди, урушда юриш ҳам шунчаликда!

У станцияга келиб бир составни, кейин иккинчи составни ўтказиб юборди... Гуськовнинг ўй-хаёллари аралаш-қуралаш бўлиб кетганди, нима қилишини билмасди. У бирор қарорга келолмасдан беҳуда вақт ўтказаётганига баттар жаҳли чиқарди. У озиқ-овқат варақасига паёгини олаётуб, навбатда турган бир пакана, хушчақчақ, қўлтиқтаёқли танкчи билан гаплашиб қолди, танкчининг босида шлём бўлиб, эгилган ўнг оёғи қалин қилиб ўралганди. Танкчи шарқقا, Читага кетаётганди.

— Сен қаёққа кетяпсан? — деб сўраб қолди у Гуськовдан.

— Иркутскка, — деб жавоб берди Гуськов дабдурустдан.

— Бирга кетарканмиз, — деб суюнди танкчи.

Шундай қилиб, Гуськов сўнгги дақиқаларда янги ўртоғини шарқقا кетаётган поездга чиқарди-да, кетидан ўзи ҳам сакраб чиқиб олди. Бўлганича бўлар. Бордю, ушлаб олишса, Красноярскка, кейин Иркутскка иккичу кунга бориб келмоқчиман, деб айтади, қўрқинчли ери йўқ, бир йўлини қилиб қутулиб кетади. Баъзан Гуськов ўз қилмишини ўйлар экан, тутиб олиб қайтариб юбориш

са ҳам майли эди, деб кўнглидан кечиради. Аммо бундай пайтларда кишининг иши ўнгидан келади: уни ҳеч ким тўхтатмади? Поездлар илгаригидек тирбанд эдики, йўловчиларнинг аксарияти ҳеч нимадан тап тортмайдиган ҳарбийлар бўлиб, уларга яқин йўлаш осон эмасди.

Аммо Гуськов уч кундан ортиқроқ йўл босиб, Иркутскка етиб келди-ю, капалаги учиб кетди. У ёғига борадиган бўлса, бир кунда ҳам етолмайди, икки кун ҳам камлик қиласди — қиши, ахир. Ярим йўлдан қайтиб кётсинмикин, унда манави ножӯя ишга қадам қўйишнинг, хуноб бўлиб, таваккалига иш тутиб, юзсизлик қилиб, бирорвларга исботлашга уриниб юришнинг нима кераги бор эди? Иннайкейин, қайтиб боришга ҳам вақт ўтмадимикан? Гуськов разведка ротасига эндигина келган қирқ иккинчи йил баҳорида ибратли отишни кўрган эди, у шуни эслади. Ўшанда ўрмон ичидаги кенг майдонга ўжшаган ялангликда полкни саф қилишди-да, икки кишини олдинга олиб чиқишиди: бири қирқ ёшлар чамасидаги боғланган қўлини бўйнига осган мужик бўлиб, у ўзини ўзи отган экан, иккинчиси бўлса — ёш бола. Бу бола, айтишларича, эллик чақиримча наридаги қишилогига, уйига бирров бориб келмоқчи бўлган экан. Бор-йўғи эллик чақирим-а. Бу бўлса, эҳ-ҳе, қаёқдан қочиб келяпти-ю. Йўқ, кечиришмайди, ҳатто уни штраф батальонига ҳам жўнатишмайди. У ёш бола эмас, қандай ишга қўл урганини тушуниши керак.

У ўшанда солдатлар ўзини ўзи отган кишига қанчалик жирканиб, нафрат билан қараб турганларини ҳам эслади. Болага ачинишиди-ю, мужикка ачинишмади. «Аблаҳ! — деганди ўшанда одамлар.— Вой абллаҳ-эй! Ҳаммамизни лақиллатмоқчи бўлибсан-да».

Хўш, у, Гуськов-чи, бошқалардан ортиқ ери борми? Одамлар, нега бошқалар жанг қилиши керак экан-у, бу у ёқдан-бу ёқса бориб-келиб юраверар экан, деб ўйлади, унга ана шунаقا айб қўяди. Урушда кишининг инон-ихтиёри ўзида эмас, у бўлса, ўзига ўзи хўжайинлик қилди, энди, турган галки, бу иш учун унинг бошниси силашмайди.

У Иркутскда, вокзалда хаёли қочиб айланиб юраркан, кўзлари ола, учар хотинга дуч келиб қолди, хотин тунашига розилик берив, уни шаҳардан анча олисдаги уйига олиб келди. Солдат ўзини қаёқса уришини билмаёттанини шундоқ ҳам фаҳмлаган хотин эрталаб уни Таня деган ўрта ёшлардаги покизагина, силлиқнина гунг хотинниги бошлаб борди. У Таняницида шартта

ўрнимдан туриб, бирон ёқقا жўнаб қолсаммикин, деб кечгача эсанкираб, юраги пўкиллаб ўтиради, эртасига ҳам шу ўй-хәёл билан ўтираверди, кейин эса уйдагилар ҳам, фронтдагилар ҳам то бутунлай умидларини узгуналари-ча кутиш керак, деган андиша билан туриб қолди.

Гунг хотиннинг қишлоқ четида ўз уйи бор эди. Тания госпиталда фаррош бўлиб ишларди, кунига икки марта—тонг билан ва кечқурун бораради, у ердан латтага ўраб қолдиқ нон, шиша банкада эса сарқит бўтқа ёки шўрва олиб келарди. Яхшиямки, унга бирон нимани тушунтиришнинг ҳожати йўқ эди, умуман, гаплашмаса бўлаверарди. Уни қарангки, худди буюриб қўйилгандай, унга худо тилдан жудо қилган хотин ўнгайгина, осонгина йўлиқиб қолса-я. Ахир Гусъковнинг ўзига айтадиган гапи йўқ эди-ю. Баъзан у хаёлга ботиб ўтиаркан, бу ерга қандай келиб қолганини, уни бу ерга нима бошлаб келганини ўзи ҳам тушуна олмасди, кейин бирдан поезд томонга ташланган ҳар бир қадами, поездда ўтган ҳар бир соати шундоққина кўз олдига келиб, равshan кўриниб кетарди, ичидан қиринди ўта бошларди. У рўй берган воқеадан ҳали ҳам ўзига келолмаганди, шунинг учун гоҳо анчагача қимиirlамай бир нуқтага маъносиз тикилиб ўтирас, гоҳо дик этиб ўрнидан турарди-да, дард-ала-мини босиш учун одимлашга тушарди; унинг вазмин одимларидан ёғоч уй титраб кетарди, у эса уйнинг у бурчагидан бу бурчагига мокидай бориб-келарди-ю, лекин заррача таскин тополмасди. Энди ўзи тушиб қолган шу аҳволда ташвишлардан қутула олмаслигига кўзи етиб бирданига хуноби ошиб, ўзидан нафратланиб кетди.

Бу туйгудан, тўғрироғи, кайфиятдан, ўзининг ярамаслигидан, ношудлигидан узоқ вақтгача эзилиб юрди.

Тания жуда меҳрибон, жонкуяр аёл эди. У ўзининг гунглигидан заррача изтироб чекмасди, жаҳли чиқмасди, одамлардан ўзини олиб қочмасди: Гусъков қанча турган бўлса, шу вақт ичидан бирон марта унинг қовоғи солинганини ёки бирон нимадан хафа бўлганини кўрмади. Унинг чеҳраси қувноқ бўлмаса ҳам, аммо хотиржам, мулоийим бўлиб, ҳар бир дақиқада жилмайишга мойил эди. Гўё гунгликни унга худо жазо тариқасида эмас, балки гуноҳлардан фориғ яшashi учун ато қилган эди. Аввал бошданоқ Гусъков Тания мени мишимдан-сиримгача билади, билади-ю, аммо менга ачинади, деган туйгудан ҳалос бўла олмади. Шунингдек, у назарида, гўё Танияни-кига ўз ихтиёри билан келмаган-у, балки кимдир раҳна-

молик қилиб, шу ёқни кўрсатган ва бошлаб келгандай эди. Аммо нимага — ёрдам беришгами ёки оҳиста, секинаста жонини олишгами?

Таня ишдан қайтиб келгач, банкачаси ва тугунчасидаги нарсаларни олиб, Гуськовнинг олдига қўярди-да, рўпарасига ўтириб, унинг қандай овқатланишини ҳарислик, синчковлик ва мамнунлик билан кузатарди. Овқатланиб бўлгач, Гуськов худди мужикнинг елкасига қоққандай, миннатдорона оҳиста унинг елкасига уриб қўярди. Унинг шу қўполроқ суюшидан севиниб, ийиб кетган Таня Гуськовнинг қўлини ушлаб олиб юзига босарди, кейин қандайдир имо-ишоралар қиласарди, аммо Андрей тушунмасди. Таня қизишиб, бармоқларини тез-тез, шоша-пиша букиб-ёзар, кўрсатар эди. Гуськов эса бошини чайқаб, тескари қаарарди. Шундан кейин Таня уни тинчлантириш учун имо-ишораларини йигиштириб қўярди-да, гуноҳкорларча унга қўлини узатарди.

Вақт ўтиши билан Таня ўзининг кўпгина имо-ишораларини ҳар қалай Гуськовга уқдира олди. Болани қай тариқа меҳр, сабр-тоқат билан гапга ўргатилса, Таня ҳам ўз имо-ишораларини унга ана шу йўсинда уқдиради. Аммо бу имо-ишоралардан Гуськовнинг кўнгли кетарди, шунинг учун у иложи борича ўзини ундан олиб қочарди. Гуськовнинг бу ерда узоқ қолиш нияти йўқ эди. Кечалари Таня унга суйканганида Гуськов унинг заиф, киши ҳирсини қўзғатувчи пицирлашини — бундай пайтда барча хотинлар оғзидан чиқадиган ўша сўзларни эшитгандай бўларди-да, капалаги учиб кетарди. У синаб, қимир этмай ётар ва янгишганига ишонч ҳосил қиласар эди, шундай бўлса ҳам, у Таня ўзини бировга ўхшатяпти-ю, аслида ундан эмас, деган нохуш туйғудан ҳар қалай қутула олмасди.

Аммо сирасини айтганда ўзининг ҳам энди кимлиги номаълум эди. Унинг бутун ўйлаганилари аралаш-қуралаш бўлди-ю, чаппасига кетиб муаллақ осилди қолди. Учтўрт кунга келди-ю, бутунлай қолиб кетди. Настенани ўйлади-ю, Таняникига келиб қолди. Бошқа ишлар тўғрисида фикр юритишнинг ўзи даҳшатли эди. Ўзинг пиширган ош — айланиб ҳам ич, ўргилиб ҳам, энди юз пушаймон қилганинг билан фойдаси йўқ.

Бир ойдан кейин Андрей сира чидаб туролмади. Ўлса ҳам бирон ёққа кетиши керак. Алламаҳалда, Таня госпитални супуриб-сидириб юрганда, у уйдан чиқиб, жўнаб қолди. Орқага қайтиш учун энди унга йўл йўқ эди, фақат биргина йўл — уйга қайтиш қолди.

У Иркутскдан иложи борича эҳтиёт бўлиб йўлга тушди. Кундузи қишлоқларда қорасини кўрсатмасликка ҳаракат қилди: битта-яримта кўриб қолса нима бўлади? У харобаларда, қишлоқларда, пичан ғарамларида беркиниб ўтирар, атрофга аланглар, ҳар бир шарпадан бир чўчиб тушиб, секингина сўкинар, совқотиб, ўзини лаънатларди, кечаси, ҳаммаёқ тинчигандан кейин оёгини қўлига олиб югуради. Хайриятки, кунлар қисқа, бир тутам эди.

Ниҳоят, у совуқ қирчиллатиб турган тунларнинг бирида Атамановкага етиб келди, қишлоқнинг юқори четиди тўхтади ва икки тарафга чўзилиб кетган уйларнинг оппоқ томларига қор толиқтирган кўзлари билан назар ташлади. У ўз қишлоғини кўрганда юраги лоақал булк этмади, булк этишга ҳоли ҳам йўқ эди. У бирпас қараб турди-да, кейин Ангарага тупди ва муздан юриб, жарлиқдан қишлоқни ҳам кўрмай, судралиб ўз мўрчасига кетди. У ерда, мўрчага кириб, аранг эшикни ёпди-ю, ерга юзтубан чўзилди ва анчагача худди ўлиқдай қимирламай ётди.

Тонга яқин у зўрга оёгини судраб, Ангаранинг нариги томонига жўнади. У елкасига чангини ташлаб олган, белига қистириғлиқ болта эса ликилларди.

Андрей Гуськов Андреевскдан, дарё ёнидаги эски қишловидан бошпана топди: У кўпдан бери қўл теккизилмаган печкани ёқди, манеркасида чой қайнатди ва ит кунини кўриб юрган шунча вақтдан бери биринчи марта ичига иссиқ кирди. Ярим соатдан кейин у ё кўпдан бери иссиқ нималигини билмаган вужуди бирданига шунчалик қизиб кетганиданми, ё бўлмаса асаблари таранглашиб, ҳар лаҳза кўзини йириб-йиртиб қарамасдан, қулогини динг қилмасдан, ниҳоят, яйраб дам оладиган шу онларни талай вақт орзиқиб кутганданми, дағ-дағ титрай бошлади, қўл ва оёқларига қараб туриб, нари бориб бери келаётганини сезди.

У Иркутскда юрганидаёқ Атамановка атрофидә қаерга бош суқишини чамалаб, худди мана шу қишлоғни танлаган эди. Бу ер айни муддао эди, қишлоғ тог ортига бурилиб кетган чуқур жарликда бўлиб, кечасию кундузи ёққанинг билан тутун сира кўтарилимайди. Бундан ташқари, икки қадам нарида сой бор, ер музлаган пайтларда ҳам из қолдирмай бу уйга етиб олса бўлади.

Нима ҳам қилардинг, энди ҳаммасидан олдин шуни ўйлашга тўғри келади. Бу ернинг Ангара ортидалиги жуда қулай, илгари ҳам бу ерларга аҳён-аҳёнда битта-

яримта келарди, ҳозир бўлса ҳеч ким қадам босмайди. Ҳатто оролча нарёғидаги бакенчининг<sup>\*</sup> ҳам бу ерда иши йўқ: пароходлар дарёнинг кенг, ўнг тармоғидан қатнарди.

Атамановка ерлари, ўтлогу ўрмонлари азалдан ҳам ўша томонда бўлиб, бунақа жойлар у ерда ҳам кўп эди. Шундоққина ёnlарида ов қилишарди, балиқ тутишарди, бошқа ишлар учун ҳам узоққа боришмасди. Ленага тулашган ерларда овланадиган ҳайвонлар ҳам, ёнғоқ ҳам, мева-чева ҳам сероб эди, шунинг учун дарёнинг бу томонига камдан-кам сузиб ўтишарди. Тўғри, қишлоқ рўпарасидаги оролчанинг ўт-пичанларини ўриб, мева-чеваларини териб олишарди, шунинг учун ҳам оролчани Пичанзор деб аташарди.

Аммо япон урушидан олдин Атамановкага Расеядан Андрей Сивий деган киши икки ўғли билан кўчиб келган эди. У у ёқ-бу ёқни хўп яхшилаб кўрди, чамалади-да, мужикларни таажжублантириб, ўз хўжалиги учун Ангаранинг шу ёғидан жой танлади. У бошқа одамлар қатори қишлоқда уй қурди, экин экишга эса, ерни бу ердан ажратди. У ўлиб-тирилиб кундаков қилгани ҳам йўқ, экинбоп яланглик, текис ерлар етарли эди.

У иккита қишлоқ қурди: бири дарё бўйида, пичанзора яқин ерда, иккинчиси юқорироқда, биринчисидан икки километрча наридаги тик тепаликда эди. У хўжалигини шундай йўлга қўйдики, аста қўяверасиз!

Шундан бери бу томонларни Андрей Сивин номи билан атаб, Андреевск дейишади.

Андрей колхоз тузилмасидан анча олдин оламдан ўтиб кетди, бир ўғли герман урушидан қайтиб келмади, иккинчисини эса, ўттизинчи йилда қулоқ қилишиб, оиласи билан қаёқладир бадарға этишди. Шундай қилиб, муҳожир Андрей Сивий янги ерда илдиз отиб, палак ёзолмади.

Унинг ерларини, табиий, колхоз ўз ҳолига ташлаб қўйди. Тупканинг тубидаги бир неча гектар ерни деб баҳорда, ёзда, кузда одам олиб келиб-олиб кетишга арзирмикин? Ангарадан сеялка-ю, ўроқ машиналарни олиб ўтиш-чи? Шуни деб паром ҳам ясаш керакдир? Дарҳақиқат, арзирмикин?

Мана энди Андрей Гуськов ҳамма томонидан қулай, ишончли бошпана қолдириб кетган муҳожир Андрей

<sup>1</sup> Бакен — сув йўлларида хавфли жойларни белгилаш ва кемалар юра оладиган йўлни аниқлаш учун лангарга боғлаб қўйила-диган сувгич. (Тарж. изоҳи.)

**Сивийдан миннатдор бўлиб, унинг ҳаққига дуо қилиши керак.**

Борди-ю, у бу ерда кўпроқ турадиган бўлса, пастдаги қишлоғ фақат ёзгача иш беради. Кейин, агар бу ерга биронта балиқчими ёки тиниб-тинчимайдиган одамми ҳафсала қилиб келиб қолгудай бўлса,— ё юқорироқقا, ё бирон бир бошқа жойга кўчишга тўғри келади.

Шунинг учун у эртагаёқ бориб, юқоридаги қишлоғнинг аҳволи қандайлигини кўриб келиш керак, деб кўнглига туғиб қўйди. Чанги бўлса — бор. Дарё ёқалаб юқорига кўтарилади, кейин чанғида айланиб бошқа томондан кириб боради. Агар яшашни истасанг, бир амаллаб саранжом топишинг, ниманг бору ниманг йўқ, нима билан янги ҳаётингни бошлишингни бир сидра кўздан кечириб қўйишинг керак. Қани, энди битта милтиқ бўлса, бошқа бирорвга эмас, фақат Настенага келганини билдириб қўйиш лозим. Ўз кунинг ўзингга қолишидан ёмони йўқ.

У шулар ҳақида бўшашиб хаёл сурисиб ўтиаркан, титроғи андак босилгандай бўлди, печкага яна ўтин ташлади-да, сўрига чиқиб чўзилди ва бир кечаю бир кундуз, то индинига эрталабгача донг қотиб ухлади.

## 5

Ҳар йилдагига қараганда бу йил заёмга ёзилиш жуда эрта бошланди, кечқурун Настена борди-да, шартта иккимингга ёзилди. Қишлоқда фақат Иннакентий Иванович шурақамга етиб борди, аммо Иннакентий Ивановичнинг пули ачиб ётганини ҳамма биларди, шунинг учун одамлар уни Иннакентий Кармонович деб атарди, лекин Настена нимасига, қайси давлатига ишониб шунача қилганини ўзи ҳам тасаввур эта олмасди. Михеичнинг чиндан ҳам тоби йўқмиди ёки шунчаки баҳона қилдими, ҳар қалай мажлисга Настена борди, мажлис нима ҳақда, қайси масала юзасидан бўлишини олдинроқ айтишмаганди. Мана оқибати — Настена ўрнидан турди-ю, шартта айтди-қўйди. Вакил уни мақтади, одамлар эса, ёқа ушлади, Настена бўлса, дадил гапириб юборганидан ўзи қўрқиб кетди, аммо айтилган сўз — отилган ўқ, уни қайтариб бўлмайди. Энди чекинишга кечикканди. Қандайдир ички бир нидо тўғри қиляпсан, деб Настенага тасалли берарди. Модомики, айтдими, демак, нимадир уни шундай дейишга унданаган, бекорга оғзидан чиқиб кетмаганд-да. Балки эрининг гуноҳини облигация билан ювиб

кетмоқчи бўлгандир... чамаси, Настена шу пайтда эрини ўйламаганди шекилли, аммо Настена ўйламаса, ўрнига бошқа бирор ўйлаши мумкин эди-ку, ахир.

Настена келиб, заём тўғрисида оғиз очиши билан, Михеич дарров сўради:

— Хўш, қанчага ёзилдинг?

— Икки мингга.

Скамейкада ямоқчилик қилиб ўтирган Михеич бошини шартта кўтарди-да, ишонмай сўради:

— Нима дединг, ойим қизим, ҳазиллашяпсанми?

— Ҳазилмас...

— Ақлдан озганинг йўқми, ишқилиб? Ё шунча пуллинг борми? Балки тугиб қўйгандирсан?

— Йўқ.

— Ундай бўлса, нега бунаقا хом хаёлга бординг?

Бу пулни қаёқдан топиб бермоқчисан? Менданми ё ундан,— у печка устида ётган Семёновнага ишора қилди,— ё бизни бозорга солмоқчимисан? Ахир, бизни бирор тикинга олмайди-ку.

— Ғалаба учун окирги марта дейишди.

— Ғалаба учун...

Печка устида Семёновна ғимирлаб, парда ортидан бошини чиқарди:

— Нима, нима деяпти?

— Жуда бойиб кетдик, деяпти. Пулимиз жуда кўпайиб кетганмиш. Шунчалик кўп әмишки, қўйгани жой тополмаётганмишмиз.

Настена илгари Андрей билан ётиб юрган каравоти ҳозир ҳам шу ерда турган чит парда орқасига ўтди, Настена Михеичнинг вайсаб-вайсаб ҳовуридан тушиб қолишини, қайноаси эса, гапнинг паст-баландини билгандан кейин телба тўнини тескари кийиб, икки ойлаб-уч ойлаб тумшайиб юришини биларди. «Менга деса, ўлиб кетмайдими улар!»—деб дилидан ўтказди Настена. Бир амаллаб шу пулни тўлайди, кейин бир йўлини ўйлаб тонади. Мажлис ҳам охиргиси эмас-ку, ахир... Аммо ана шу заёмга ёзилиш баҳонасида у Кардага бориб-келишга руҳсат олди, ана шу икки минг унга дастак бўлди, агар шу бўлмаса, ҳеч иш чиқмасди, албатта.

У ҳаммасини тўғри хомчўт қилди. Мажлисдан кейин белгиланган рақамнинг пасаймасдан кўтарилигини кўрган колхоз раиси Несторнинг заёмга ёзилишидан хурсанд бўлганини сезган Настена мана кўрдингми, мен мана шунақаман, дегандай жилмайиб, пилдираб унинг олдига келди.

— Нестор Ильич,— деди у раисни сал ийдириш мақсадида хиёл баландпарвозлик билан мурожаат қилиб,— эртага ўртоқ вакилни ким элтиб қўяди?

Нестор қуввлик билан кўзини қисди-да:

— Ўртоқ вакил, ҳой ўртоқ вакил!— деб чақирди.— Манави бизнинг бугунги зарбдоримиз эртага сен билан Кардага бирга бормоқчи. Сен нима дейсан — қарши эмасмисан?

Ҳаммаёги шалайим, бошида бир тутамгина сочи қолган, қилтиллаб турган вакил уларни олдига келди ва Настенанинг кўзига тикилиб туриб тўнғиллади:

— Қайси әркак йўқ дер экан? Мен ҳатто шундай нозанин кузатиб боришини хаёлимга ҳам келтирганим йўқ.

Нестор ўзига яқин кўриб унинг елкасига қоқиб қўйди-да:

— Боргандан кейин яна қайтариб юбор,— деди ва Настенага кўз қисиб қўйди.— Узоқ ушлаб турма, шусиз ҳам бу ерда ишлайдиган одамимиз бармоқ билан санаарли.

Эртага Настена Кардага боради. Бу янгиликни ҳали Михеичга ҳам айтиш керак, яхшиси эрталаб айта қолсин, бугунги икки минг машмашаси унга кифоя қиласди. Э худойим, энди бу ёғига у қандай кун кўради-я? Улар нима бўлади?! Нима бўлади?!

...Настена биринчи учрашув вақтида келишиб қўйганига мувофиқ ўша кечада Андрейга милтиқ элтиб берди. Қидириб ўқ ҳам топди, аммо унга керакли дори Михеичда йўқ экан, шу боисдан у йўқни йўндириб иккучта ўққа етарли дорини аранг эплади. Бу кам, албатта Андрей шундай деди, аммо қишлоқдан йигишга Настена қўрқарди: дарров қайнотасига етказишади, кейин у тўполон қиласди. Қишлоқ кичик, кечада ким кимникига туз сўраб кирганини ҳам, то нон пишгунча ким кимдан бир думалоқ бўлка нон олганини ҳам ҳамма билади. Тағин денг, Настена Михеичга билдирамай омбор деворидан устига кийим-кечак ташлаб қўйилган милтиқни олди, чол сезиб қолса — нима бўлиши маълум эмас. Ҳозирча бу ҳақда ҳатто шундай бўлиши ҳам келмасди.

Андрей бу сафар мўрчада ўзини бутунлай бошича тутди. Унга пўписа ҳам қилмади, тиқ этган товушдан чўчиб ҳам тушмади, у гангид, ер билан яксон бўлган одамга ўхшаб индамай ўтиради, ўтиради-ю, бирон нима дея олмасди. Настенанинг унга шунчалик раҳми келдики, ўкраб йиглашига сал қолди. Андрей кетаётисиб дилини ёрди:

— Иложини тополсанг, Андреевска, қўйи қишлоғга

олдимга бор. Мен ўша ердаман.— Кейин титроқ овоз билан илтимос қилди:— Албатта бор, Настена, мен кутаман. Аммо эҳтиёт бўл, биронта ит исингни олмасин.

Вакилга бўла Несторнинг ўзи миниб юрадиган яхши от — Каръкани беришди. Настена уни раиснинг четан аравасига қўшди, аравага пичан ташлаб, Каръкани вакил тунаб қолган раиснинг уйига қараб ҳайдади. Раисникидагилар эса энди нонуштага ўтиришгән экан, шу сабабдан Настена қайтиб келиб юрмаслик учун биратўла йигиштириниш учун уйига жўнади.

Эрталаб, уйқудан туришгач, Михеич Настенанинг шаҳарга боришидан ҳатто хурсанд ҳам бўлди чоги. Уйда керосин тугаганди, Михеич отхонадан икки марта шиша га қуиб, яширинча олиб ҳам келган эди, Настена ҳам бир марта лампани кўтариб Надъканикига борганди. Ҳа, гугурт ҳам, туз ҳам топиш керак. Совун топилиб қолармикин, деб умидвор бўлишарди ю, аммо топилиши амри маҳол эди, кўпдан бери совун йўқлигидан кирни ишқорда ювишарди. Йигирманчи йилда Атамановкада дўкони бор баққол хотин Симани партизан Афанасьевич муз устидаги ўйик — куккидан чўқтириб юборгач, мих сотиб оладиган жой ҳам қолмаганди, ҳар сафар майда-чўйда лозим бўлса, Кардага боришга тўғри келарди.

Лекин ҳаммасидан Михеичнинг илтимоси қўйл келди.

— Менга қара, ойим қизим, бир ҳафсала қилиб овчилар дўконидан ўқ дори билан сочманиям қара. Отишгаку, кўпдан бери отганим ҳам йўғ-а, аммо қўйр бўлиб турса, чакки бўлмайди. Баҳорда кийик-илик полизга келиб қолса ҳам ажаб эмас.

У қазноқдаги керосин солиб юрадиган тунука банкани олиб чиқди-да, ўзининг ит терисидан тикилган пўстинини Настенанинг оёги остига ташлади.

— Бугун қайтиб келасанми, йўқми?

— Билмайман, магазинлар очиқмикин, айланиб чиқа олармикинман.

— Ҳа, майли, бугун бўлмаса, эртага қайтарсан.— Кейин ўзини тутолмай кечаги гапни юзига солди.— Кеча каллаи саҳарлаб кетганча даб бўлсанг кошкийди. Шунда бўйнимга анави икки минг тушмасмиди. Ҳазил гапми? А? Нега индамайсан, ойим қизим? Кеча жимгина ўтирсанг ёки тилингни сал калтароқ қилсанг ўлармидинг, мана, бугун гаплаша берардик. Ҳай, майли, бора қол энди, бора қол. Иннайкейин, қишлоқ советига ҳам киргин, билгин-чи Андрей тўғрисида бирон янги хат-хабар бор-

мікін. Почтага ҳам кириб ўт. Балки хатми ёки бирор қоғозми ётгандир.

Қачондан бери ўзининг гапини маъқуллаб печка устида ётган Семёновна тұнгиллаб деди:

— Бе, бизлай бегона эйкак билан бийга аявага тушармидик. Ҳечам-да! Яна шундай замонда-я. Эй худойим-эй! Кимга осилишниям билишмайди. Одамлар қутуриб кетяпти.— Семёновна сўзларнинг ярмини ямлаб юборади.— Ахий бу боя-бойгунча аява кетидан югуйиб юймайди-ку, ахий у ёнма-ён ўтияди-ку.

— Бўпти, бўпти, кампир, бичиб тўқийверма,— деб унинг оғзига ҳорди Михеич.— Ётганингдан кейин индамай ётавермайсанми, оғзингга келганини гапираверасанми? Зап қўрқадиган одамингни топибсан-да — Настенадан-а!

Михеич бағри кенг одам-да. Агар Михеич бўлмаганда шу йилларда Настенанинг ҳолига маймунлар йигларди. Семёновнага қолса-ку уни ўз эркига қўйиб қўймасди-я, ишдан, рўзгор юмушидан бир қадам йари жилдирмасди. Хўш, бу ерда кимга ҳам кўз сузардинг. Қишлоқда борйўғи битта эркак, у ҳам бўлса ўша Нестор, шу дардининг орқасидан-ку уни урушга ҳам олишмади, бунинг устига хотини уни ер-кўкка ишонмайди. Михеичнинг ўзи Настенани жон-ҳолига қўймай, бор, бора қол, ойим қизим, хотин-халажларнинг олдига бориб, бирпас ўтириб кел, гаплашгин, ўйнаб-кулгин, сен ёшсан, биз қариялар билан бўғилиб ўтирасанми, деб ташқарига чиқариб юборади.

Михеич хўп хушфеъл одам-да, аммо ҳадемай чол билан ҳам ораларида гап қочиб қоладиганга ўхшайди. У милтиқ гойиб бўлганини билади-ю, кейин бошқа йўқолган нарсаларни қидириб қолади. Настена эса гиқ этолмай тураверади. Буни ўгриларга ағдариб бўлмайди; ҳаммаёқ тўс-тўполон бўлади, сўраб-суриштиришади, тагига этишади, кейин бирдан битта-яримтанинг хаёлига: нега фақат Гусъковларнинг нарсасини ўғирлашади? Шу атрофда юрган ўгри ўзларидан чиқмаганмикин, қаерда қанақа нарса турганини билиб, ўз нарсасини олиб кетмаятимикин?— деган фикр келиб қолиши мумкин. Андрей зинҳор-базинҳор отамга сездира кўрма, деб тайинлаган. Ана унда қутулиб бўпсан, Семёновна яқинда бир юмалоқ нонни йўқотиб қўйди. Настена уни иккинчи учрашувида Андрейга элтиб берганди, шунинг учун у нонни Надъка қарзга олиб кетди, деб баҳона қилди. Хўш, буёги нима бўлади?

Настенанинг Кардага бориб-келиши жуда ҳам зарур эди. У алоҳида тугунчада тўқима жун кофтасини, ҳар эҳтимолга қарши, борди-ю, ҳеч ким кофтамга қайрилиб қарамаса, деб қимматбаҳо, чиройли, кулранг Оренбург шолини ҳам олиб олганди, бу шолини Андрей турмуш қурган дастлабки йили олиб берганди. Настена буларни унга алмаштиришга олиб кетаётганди. Андрейга-ку амаллаб бир челак картошка әлтиб берди, аммо ун олишга қўрқди, яшикда бор-йўғи икки қоримли ун қолибди. Уни бўлса, ҳар қалай эри қийналмайди: нон-пон пишириб еб юради. Биронтаси суриштириб қолса, у унни кўчиб келган Маруся учун алмаштиряпман деб қўя қолади. Карда катта қишлоқ, у ерда ҳар қандай ишнинг ҳидини чиқармай, гум қилиб юборса бўлади. Ҳақиқатан ҳам у ўтган қишида Марусяга егулик нарса бериб, кофтани алмаштириб олганди, шунинг учун рости қайси-ю, ёлғони қайси, ажратиш қийин эди. Маруся уруш бошлангандан бери латта-путтасини сотиб болаларини боқиб келаётганини бутун Карда биларди.

Улар қуёш кўтарилиб, чарақлаб турган пайтда йўлга чиқиши. Чилладаги қилиқларидан кейинроқ совуқ шаштидан анча тушиб қолганди, эрталаб ҳаво аёз бўлса ҳам, аммо тиниқ, илийдиган авзойи бор эди, тушга бориб янада юмшаци сезилиб турарди. Каръка қишлоқдан чиқиши билан илдам йўртиб кетди, четан чана, худди муз устида кетаётгандай қатқалоқ йўлда қаттиқ гижирлаб сирпаниб бораарди. Қор босган далалардан кўкиш буркўтарилаарди, уфқда эса оқиши нур устунлари муаллақ тургандай туюларди. Яланғоч қайинларда ўтирган ола қаргалар товуқларга ўхшаб қанотларини икки томонга ёзиб, жимгина тозалашарди. Борлик илиб, тўйиб-тўйиб, эркин нафас оларди. Ҳали анча эрта бўлишига қарамай, кўклам нафаси сезилиб турарди.

Настена пўстинни вакилнинг оёғига ташлади-да, олдинга ўтиб чўккалади. От туёқларидан сачраган қор юзиға уриларди: Настена кўзларини қисарди-ю, аммо тескари қарамасди. Четан чанада шамолдай тез елиб бориш ҳам, гўё баҳор гиж-гижлаб, муддатидан олдин атайлаб унинг учун очилиб кетган кун ҳам Настенани ҳаяжонлантириб, ўжарлигини қўзитиб қўйганди, у ҳаммага, ҳатто ўзига ҳам ўчакишиб, бирон нима қилгиси келарди. Етар курк товуқдай, уйда ўтиргани ҳам—олга, Настена! Қўрқма, Настена — олга! Сенинг қувончинг энди бошқача қувонч бўлиши, сенинг қайғу-ғамларинг одамларнинг ту-

шига ҳам кирмаслиги керак. Сен эса қўрқма, ҳайда, чуҳде, орқангга қарама.

Вакил уни гапга соларди, Настена эса истар-истамас жавоб берарди. Ахир шунача әркаклар ҳам бор-ку: гўё ҳаммаёги жойида-ю, аммо эрқак бўлиб қаёқта борарди дейсиз, оғизда, холос. Манави ҳам ўшандақа — қўлидан хотин-қизларни заёмга ёздиришдан бошқа иш келмайди. Гап қаёқда, нуқул ҳиқиллайди, юзи ҳам чала ювилган чурук матога ўхшайди — умрида неча марта ювинган бўлса, ҳаммаси шу матога ўтиришиб қолгану бу мато тешилай-тешилай деб турибди.

Далалар тугади, анҳордан ўтишлари билан икки томондан асрий арчазор бошланиб кетди. Бу ер сув сепгандек жимжит эди — на шабада гир этади, на ўзлари чурқ этишади, фақат Каръка туёқларини тап-туп уриб боради. Аҳён-аҳёндагина шохлардан қор тўзиб тушиб, йўл устида кўкка бўй чўзиб турган дараҳтларнинг бир-бирига туташиб кетган ўткир учлари билинار-билинмас титраб қўяди — бу ердаги ҳаёт мана шу эди.

Лекин вакил шу ерга етганда тўсатдан дадил бўлиб қолди. Ўтирди-ўтирди-да, ногаҳон Настенанинг орқасидан оёғини ушлаб ўзига тортди ва чўчқадай ҳур-ҳур қила бошлади. Настена чақонлик билан — шунчалик журъатим бор деб ўзи ҳам ўйламаганди, — унинг қўлидан чиқди-да, кўз очиб-юмгунча вакилни чанадан қорга ағдариб юборди; Каръка ҳуркиб, олиб қочди, Настена эса, унинг жиловини тортмади ҳам: ўртоқ вакил бир пиёда юриб, қўл-оёғини ёssин, қизиб олсин. Уч ярим йилдан бери якранг, яхнасак тиззасини қўлтиқлаб ётди, ўшанда ҳам манавига ўхшаган хезларга ўлса ҳам қиё боқиб қарамаган бўларди. Энди эса, эри бор, бунинг тенги әмас, бир амаллаб тинчтади.

Вакил ҳарсиллаб югуриб келди ва ҳеч нимага тушунмай, Настенанинг қаршилигини ҳазилга йўйди-да, яна унга ёпишди. Унинг боплаб адабини беришга тўғри келди. У кўзини пирпиратиб, жим бўлиб қолди, ярим соатдан кейин эса, гўё ҳеч нима бўлмагандек, хотинини мақташга тушди, болалари ҳақида гапирди. Настена хотиржам тортди — мана бу бошқа гап — шундан кейин у Каръкани жадаллатди.

Кардага қош қораймасдан етиб келишди, Настенанинг баҳтига магазинлар ҳали очиқ экан. Бу ерда ҳам унинг омади келди: керосин ҳам, ўқ дориси ҳам бор экан, энг муҳими, шулар билан Михеич олдида бошқа ишларини хаслўшлаб кетиши мумкин эди. Шу ондаёқ қайнота-

сига қиласынан баҳона ҳам топила қолди: биринчи куни керосин йўқ экан, олиб келишларини кутдим, дейди. Бундай сабабга эътиroz билдириб бўлмайди. Настена совун тополмади, албатта, аммо гугурт билан туз сотиб олди. Настена у ёқ-бу ёқни қараб, шам кўриб қолди-да, ундан беш дона олди — булар қаёқдан, қайси черковдан келиб қолгани бир худога аён. Настена эсини таниганидан бери сельпода шам сотилганини билмасди, бу ерда эса, худди буюриб қўйилгандек эски, қорайиб, эгилиб қолган шамлар хор бўлиб ётибди. Учтасини уйга олиб боради, иккитасини Андрейга олиб қўяди, керак бўлиб қолганда эри ёқади, кўнгли кўтарилади.

Ишинг бир юришиб кетса, юришаверади, деган гап ҳаққол рост. Настена кечқурун кофтасини ярим пуд унга осонгина алмаштири, шолни кўрсатишга ҳожат ҳам қолмади. Бу уни шунчалик қувонтириб юбордики, кечаси бўлса ҳам уйига қайтиб кетмоқчи бўлди, аммо худога шукур, ниятидан қайтди. У эри урушда юрган бир таниш аёлникида тунаб қолди. Настена кечаси гоҳ кўзи илиниб, гоҳ уйқуси ўчиб ётаркан, девор ортида Каръканинг пичанни курсиллатагетганини, совуқдан силкиниб, депсинаётганини эшитиб ётди. Настена тўлғаниб ётди-ётди-да, оҳиста ўрнидан турди, бекага билдиримай отни қўшди, чанага бир кунга етарли қилиб пичан ташлади ва йўлга тушди. Унинг кетидан на бирон ит ҳурди, на қаттиқ уйқудаги қишлоқдан бирон овоз эшитилди.

Настена сўнгги уйлардан ўтгач, отни ўнгга, Ангарага бурди. Каръка тушунмагандай тўхтади: ахир уйга элтадиган йўл тўғри кетади-ку. Настена жаҳли чиқиб, тизгин билан отни қарсиллатиб урди. Худди кечагига ўхшаб, яна унинг жони ичига сифмай қолди, шу боисдан безгак тутаётгандек аъзойи бадани қалтираб, қани энди чанадан тап этиб ўзимни ташласаму Каръканинг олдига тушиб югуриб кетаверсам, дерди. Тезроқ, тезроқ! Настена отни Ангарадан елдириб ўтиб бўлмаслигини биларди: бирон чуқурга тушиб кетади-ю, оёқсиз қолади,— шунга қарамай у отни қистади. У битта-яримта кўриб қолмасин, тоңг отмасдан Рибнаядан ўтиб олай, деб шошиларди. Юраги қинидан чиққудек бўлиб гурс-гурс урарди, Настена ҳам унинг таъсирида остига тўшалган пўстин устида сакраб тушар, ўзини ҳар мақомга солар, жиловни силтаб, қандайдир тушуниб бўлмайдиган, ваҳимали сўзларни айтиб бақиравди. Тезроқ, тезроқ...

Ҳаммаси, ҳозирги ишлар ҳам, кейин бўладиганлари ҳам — ҳаммаси тезроқ бўла қолсин!

Рибная орқада қолиб кеттандан кейингни Настена Каръканинг бошини тортиб, жиловни бўш қўйди. Энди яқин. Ҳовлиқиши ўзидан-ўзи босилиб, кўнгли ҳувиллаб қолди. Худди ичи тутунга тўлиб кеттандай, кўксининг қаеридир жизиллаб ачишарди, аммо нимаданлигини Настена билмасди.

Настена туннинг хиралашиб қолганидан ҳадемай тонг ота бошлишини тушунди.

У йўлда бораркан, мана сен, Настена, ёлғон гапиришни ҳам, ўғирлик қилишни ҳам ўрганиб олдинг, деб ўйларди. Аммо бу фақат бошланиши, холос — бундан бу ёғига ҳолинг нима кечади, Настена? Лекин у ҳар қалай гуноҳи борлигини ҳис этмасди, бўйнига олмасди, у кела-жакка шунчаки кўз қирини ташлаб қўйишни, бу ишлар нима билан тугашини кўришни истарди.

Настена Каръкани тўхтаттандан тонг отган эди, у отни жиловидан ушлади-да, музламадан етаклаб, соҳилдан кўриниб турган айрилишга қараб юрди.

## 6

— Салом, хўш, ҳорма энди,— деди Настена ва охиста жилмайиб қўйди.

Настена уни гафлатда қолдирди. У Настенанинг қандай келганини, шоша-пиша отни қантариб, дарё ёнида қолдирганини ва қишлоғга оҳиста яқинлашганини сезмай қолди. У бошига калта пўстинни тортиб ухлаб ёттанди. Настена эшикчани оча бошлаганида у худди портлаш тўлқини сўридан итқитиб юборгандай, оёғида зўрға турарди. Мана, энди у соchlари тўзиб, гангиб, унинг олдида тураркан, келган кимса Настена эканига ҳамон ақли бовар қилмай, шунчалик қўрқиб кетганидан хижолат чекиб, мулзам бўлаёттанди.

Ниҳоят, Настена уни тузукроқ кўра олди: букилиб, бесўнақай жуссасининг ўнг томонга сал чиқиб туриши ҳам ўша-ўша, осиёвий ясси юзи ҳам, пучуқ бурни ҳам ўша-ўша, муштлашиб қолган қора соқоли ўсив кетибди. Қаърига тортган кўзлари еб юборгудек бўлиб тикиларди, ўткир кекирдаги жонсараклик билан худди мокидай чиқиб-тушиб турарди. Ориқлаб, юzlари сўлибди, чўкиб қолибди, аммо қадди букилмабди,— кўриниб турибди, ҳали ҳам бақувват, чайир, сал қўл тегизсанг бўлди, аъзойи бадани тортишиб, тош бўлиб кетади. У, Настена таниған, билган, жондан азиз киши, лекин ҳар қалай бе-

гона, ғалати эди, бу Настена нима дейишини, қандай сўрашини билган, бундан уч ярим йил олдин кузатиб қўйган ўша одам эмасди.

— Мана,— у айборлардек жилмайиб яна гап бошлиди,— ҳолингдан хабар олгани келдим. Ташибланма, ҳеч ким кўргани йўқ. Мен бугун тўғри Кардадан келдим, келсам ухлаб ётган экасан. Бирон қора кунингга яраб қолар, деб у-бу олиб келдим.

— Энди кунларимнинг ҳаммаси ҳам қора,— деди у ниҳоят тилга кириб.

Андрей пахтали шим ва жун пайпоқда эди. Унинг бир юзини совуқ олиб, ёноги қорайиб қолганини Настена энди пайқади. Андрей секин-аста ўзига кела бошлади: оёғини пиймасига тиқиб, печкачани ёқишга киришди. Настена эшик томонга қадам ташлаган эди, аммо у тўхтатди:

— Қаёқقا кетяпсан?

— Ахир, бориб нарсаларимни олиб келай, совуқда туриб нима қиласди.

— Ҳозир бирга борамиз.

Улар чанада керосин солинган банкани қолдиришдида, бошқа ҳамма нарсани иссиқ қишлоғга олиб келишиди. Кейин Каръкани дарёning юқорисига, муюлиш орқасига ҳайдаб боришиди-да, чанадан чиқаришиб, олдига пи-чан ташлаб қўйишиди. Улар ҳамон худди бегоналарга ўхшаб гаплари қовушмасди, жуда зарур бўлиб қолганда-гина бир-бирига «ол» ё «бер» деб қўйишарди. Настена унинг кўнглини қандай овлашини, унга нима дейишини ҳали ҳам билмасди. Андрей эса, ёки ҳамон эс-жүшини йиғишириб ололмаётганидан жаҳли чиқаётганди, ёки шунча йилдан бери уларни боғлаб турган риштани ўй-лаб,— ким билади, бу муносабат сақланиб қолганми-йўқ-ми,— аввалгидек оқибат қилишга бирданига журъат эта олмайтганди.

То отни тинчитиб келишгунча қишлоғ анча исиб қолганди, шунинг учун Настенанинг ечинишига тўғри келди. У оқ қарагай шохи тўшалган катта ўтириди-ю, яна дарров ўрнидан турди — йўқ, бирон иш қилиш керак, бирон нима билан ўзини ҳам, уни ҳам овутиши кера::, арзимаган бирон нима билан топишиб олиши керак. У ашқолдашиболлар уюлиб ётган эшик олдига келди-да, пўстин ичидан ун солинган ёстиқ жилдини олди ва мақтаниб деди:

— Мана, Кардадан сенга ун топиб келдим. Ноң қилиб ейсан.

Андрей унга жавобан шунчаки бош иргаб қўйди:

— Бу қанақа қилиқ? — Настена хафа бўлди. — Мени нега бунақа кутиб оляпсан-а? Бир оғиз гапирмайсан. Мен бўлсам ярим кечада йўлга чиқиб, учиб-қўниб олдингга келибмаң, курсанд бўлади, деб ўйлабман. Ё қайтиб кета қолганим маъқулмикин?

— Кетиб бўпсан!

Андрейнинг жаҳл билан чўрт кесиб, қатъият билан айтган гапидан Настена эри жўнатмаслигини, ўла қолса ҳам жавоб бермаслигини тушунди. Настена унга яқинлашди ва кўрларга ўхшаб тимирскиланиб, нозик қўлини олдинга чўзди ва унинг бошига тегизди.

Андрей бўздек оқариб кетган юзини унга буриб, деди:

— Наҳотки сен мени келганимга суюнмаяпти, деб ўйласанг? Хурсандман, Настена, курсанд бўлганда қандоқ! Энди менинг хурсандлигим қаёққа борарди: энди у керакми, йўқми, энди уни айтиб ўтириш лозимми, лозим әмасми, шуни билиш қолди, холос.

Настена бошини унинг кўксига қўйди.

— Э, худойим! Нималар деяпсан-а? Ахир мен сенга бегона эмасман-ку. Ахир биз тўрт йил бирга турдик-ку, ё бу сенга камми?

У Настенани қўлидан бир оз ушлаб турди-да, жавоб бермай, қўйиб юборди. Лекин у Андрейнинг бўшашиб, ҳовуридан тушаётганини кўриб турарди — мана, боши ҳам ликиллади-да, бир ёнига оғиб, елкага тушди,— бу унинг эриётганидан далолат берувчи аниқ аломат, бу фақат Настенагина маълум әди. У илгари ана шу аломатга қараб, эрининг авзойини билиб оларди: агар бошини ёнига оғдирса, оғзингга келганини қайтарма, хоҳлаганингча кул, шўхлик қил — ҳаммасини кечиради, ўзи ҳам қўшилади, ўйин-кулгига берилиб кетади-ю, кейин ҳани ҳадеганда тинчиса, ўшанда ҳам истар-истамас бас қиласарди. Йўқ, аввалги Андрейдан нимадир қолибди. Настена, сен-чи, сен кулмайсанми, дегандек сиполик билан мийигида кулди-да, деди:

— Мен ахир сени шу бугун энди тузуккина кўрятман-у, манави соқолинг билан жуда ғалати кўринаркансан.

— Нега ғалати?

— Билмасам, қандайдир...— деб кулди ва шу заҳоти тилини тишлаб, кулгидан тўхтади. — Алвастига ўхшайсан. Мен мўрчада ким билан бўлганимни — сей биланми ё алвости билан, ўзим ҳам тушунмай қолувдим. Эримга асрар юриб-юриб, алвости билан ётдимми, деб ўйладим.

- Хўш, хўш, алвости қанақа экан?
- Чакки эмас. Лекин ўз әринг яхши-да.
- Жуда айёрсан-да. Икковининг ҳам кўнглини олгансан. Кейинги сафар менга устара олиб кел, манави патакни йўқ қиласай.
- Нимага?
- Алвостига ўхшамаслик учун.— У шундай деди-ю, дарров фикридан қайтди.— Қўя қол, олмайман. Мени таниб қолмасликлари учун селкиллаб юраверсин. Алвостига ўхшаб юрганим тузук.
- Вой худойим! Нега эримнинг қорнини ўйламаб-ман-а,— Настена бирдён эслаб қолди.— Нима бало, гап сотгани келдимми.— У азбаройи шошиб қолганидан ҳали эр хотин икки оғиз, гаплашишмаганини ҳам унубиб қўйди.— Хотин халқи шу экан-да! Бирор дўппослаб турмаса, ўзидан кетиб қоларкан.

Андрей «ҳимм» деб Настенага диққат билан разм солди-да, деди:

- Бирор дўппослаб турмаса деяпсанми?
- Бўлмаса-чи.
- Сориниб қолдингми?
- Бўлмаса-чи, ақлимни киритадиган одамнинг ўзи йўқ эди-да. Хўп, бўпти, ўтири, мен ҳозир.
- Лоақал чой қўйилса бўлармиди,— деб эслаб қолди Андрей.
- Нега ёғочдай қаққайиб турибсан, қўйгин-да. Нима бало, сувинг ҳам йўқми дейман?

Унга лоақал озгина бўлса ҳам ўзини бекадай ҳис этиш ва у-бу ишни буюриб туриш ёқарди, ахир илгари бундай қилишга камдан-кам ҳадди сигарди, бундан буён бунақа имконият бўладими-йўқми, номаълум эди. У Андрейни печкага ўтин ташлашга ва ғизиллаб бориб дарёдан сув олиб келишга мажбур қилди, кейин унинг кўзи олдида тугунини ечиб, бир думалоқ жавдари нон ва катта бир бўлак чўчқа мойини олиб қўйди. Чўчқа мойини Семёновна куздаёқ Андрейга атаб, ана келиб қолади, мана келиб қолади, деб кутиб юришган пайтидаёқ яшириб олиб қўйган эди. Андрей келмади, аммо унга атаб тайёрлаб қўйилган нарсаларга қандайдир эски Сидъатларга кўра тегишимаганди: аталган нарсага тегсанг ёмон бўлади. Бир ойча бурун Настена тасодифан смборда латтага ўралиб, токчанинг бир бурчагига тикиб қўйилган мойга кўзи тушиб қолувди, мана, кечা шу мойнинг ярмини кесиб олди. Кимга асрраб қўйилган бўлса, ўша одамга яраб қолади. Чанг босган чирпитдаги само-

ғон ҳам қаердадир турган бўлса керак, Андрей отаси-нинг остонасидан ҳатлашини, унинг учун, азиз кимса учун стаканлар кўтариладиган соат келишини кутиб туриди.

Настена урушдан олдин бир марта кинода (у ўзи ҳам бу мўъжизани бор-йўғи уч марта кўрган эди) шаҳарлик бир хотин жондан ортиқ севган кишисининг кўнглини қандай олишини билмай, унга худди ёш боладек овқатни едириб қўйганини кўрганди. Настена ҳозир илгари ўзи ўрганмаган тантиқлик билан ногаҳон бир парча мойни Андрейнинг оғзига тутишга жазм этди, аммо у унамади. У ўз қилиғидан ҳам ноқулай аҳволга тушиб қолди, ҳам худди қандайдир юпқа муз устидан ўтиб олиб, ундаң у ёғига бемалол кетаверса бўладиган одамдай енгил тортиб қувониб кетди. Аммо чойни бир идишдан — солдатлар манеркаси қопқоғидан ичишга тўғри келди. Улар қопқоқни бир-бирига узатиб чой ҳўплар эдилар. Настена қопқоқни Андрейдан олиб, уни яна унга узататганда ҳам негадир ҳаяжонланиб кетар эди.

Ҳа, бу ердаги ҳамма нарса — ўз ҳолига ташлаб қўйилган, одамни ютиб юборай деб турган қишлоғ ҳам, иккига ёриб, пол ўрнига ерга палапартиш ташлаб қўйилган гўлалар ҳам, шифтдаги эгилиб қолган тахталар ҳам, бир текисда йўнилмаган ёғоч девордаги қоп-қора, қуруқ тўр ҳам, ташқарида тоғдан этакка томон улкан ўркач каби чўзилиб тушиб, офтобда ярақлаб турган, из тушмаган қор ҳам, энди кундузи ёруғда таниб, ёнида кўриб тургани, аммо бу билан ҳали яхши тушуниб етолмаётгани Андрей ҳам, ким билсин, қандай қилиб, нима учун бу олисдаги ташландиқ қишлоғва келиб қолган ўзининг хатти-ҳаракати ҳам Настенани ҳаяжонлантирас, айни чоқда қўрқитар ҳам эди. У хаёли чалғиди дегўнча ҳар сафар ўз олдида Андрейни кўриб турганидан ҳайратланаарди, шундан кейин зўр бериб унинг нима учун бу ерда юрганини эслашга уринаарди. Фақат шундан кейингина барча кўрган-кечирганлари қандай бўлса, ўшандайича кўз олдига бирма-бир келарди-ю, шунчаки лип-лип қилиб турарди, булар шунчалик ҳақиқатдан узоқ, хаёлий, тушда кўрингандек эдики, вужудга келган вазият чатоқлашиб, расво бўлмаслиги учун доимо уни яхшилашга ҳарарат қилиш керак эди.

Настена худди ўзи билан ўзи бекинмачоқ ўйнаётган эди: гоҳ вақт ўтиши билан ҳаммаси, албатта, охири баҳайр бўлади, деб ишонаарди, фақат кутиб туриш, чидаш керак, дерди, гоҳ юз берган бу воқеа тўсатдан кўзига

ютиб юборадиган ўпқонга ўхшаб кўринарди-да, даҳшатдан нафаси ичига тушиб кетарди. Лекин у қўрқувини сездирмасди, ўзини хурсанд қилиб кўрсатарди. Эртага нима бўлиши ҳали номаълум, бугун эса, унинг айтғани айтған, бугун бир неча йилнинг ҳиссасини чиқариши, бутун борлиғига әркинлик, дам бериши мумкин.

Настена чой маҳали Андрейнинг ризқини қиймаслик учун номигагина тамадди қилган бўлди, иссиқдан лоҳақ бўлиб, эснаб қўйди.

— Уйдагилар мени Кардада деб ўйлашади, мен бўлсам сенинг олдингда ўтирибман,— Настена нима мақсадда шундай дегани маълум әмасди.— Билишса борми.

Андрей жавоб бермади.

У катга калта пўстинни ёзди, оёғидаги пиймасини ечиб ташлади-да, қўлларини ҳар икки томонга ёйиб чўзилди. Андрей стол ортидан унга кўз қирини ташлади — Настена унинг ҳавасини келтириш учун гўё уйқуга кетаётгандай кўзини юмди-да, жим бўлиб қолди. Лекин Андрей яқинлашиши билан у сапчиб туриб, чўккалаб олди, олдинга әнгашиб, худди қизчалардек бидирлаб деди:

- Қоч, бошимни айлантирма, мен сени танимайман.
- Нима-нима?
- Қоч, бошимни айлантирма, мен сени танимайман.
- Гапингни қара-я!

У шўхлиги тутиб кетиб, бир сакраб Настенанинг ёнига чиқди, Настена чап берди, бир вақтлардаги, бирга тура бошлаган дастлабки йилдаги сингари тўполон бошланди. Узлари ҳам роса ўйнашишар эди-да, чанг бурқисиб кетарди. Настена нозикойимлардан әмасди, шунинг учун дарров унай қолмасди, шундай кунлар ҳам бўлардики, то у бўлди-бўлди, тан бердим, дегунича Андрей ҳора терга ботиб кетарди. Аммо Настена ҳозир негадир унинг кучини синаб кўришни истамай, қўлинни туширди. Андрей эса буни ўзича тушуниб, худди ёш боладек шошилиб, ҳовлиқиб қолди—шунда Настена уни хафа қилиб қўймаслик учун босиқлик билан:

— Секирироқ, Андрей, шошилма, кераги йўқ. Ахир, меҳр-муҳаббатим қаровсизликдан сўлиган гулга ўхшаб қолган. Унга шикаст етказма, уни уринтирма.

Андрей унинг гапига кирди ва Настенанинг билишича, илгари сира бунақа қилмаган одам биринчи марта унинг раъйига қараб, қитдай истагини ҳам бажо келтириб, сидқидилдан ардоқлади.

Настена ором олиб ётар әкан, хижолат тортиб, ғалати

бир аҳволга тушди, назарида, гўё ўзи эри билан эмас-у, қандайдир хади сифмайдиган бошқа бир эркак билан ётгандай эди. Аммо бу туйғу тез ўтиб кетди. Унинг кўзи илина бошлади, шу ондаёқ қандайдир мўъжиза билан ўзини у бугун жуда олис ерда бирров кўриб қолди; у ерда нимадир бу ердагига қараганда бошқачароқ эди, лекин у ерда ҳам бир ўзи эмасди, ёнида кимдир бор эди, гарчи у, Настена, бу одам Андрейми ёки бошқа бир одамми, билолмади. Андрей бўлса керак, ахир Настена бошқа одамни бошига урадими.

Настена унга бирон нима дейишни, бирон бир яхши, юрагининг тубидан чиққан гапни айтишни истарди-ю, аммо дурустроқ гап тополмай, нимадан бошлишини билмай, ундан илтимос қилди:

— Қаерингдан жароҳатландинг, кўрсат-чи...

У кўйлагининг тугмасини ечиб, кўкрагидаги қизгиш чандиқни очиб кўрсатди. Настена чандиқни оҳиста силаб қўйди.

— Шўрлик... ўлдирмоқчи бўлишибди-да... битиб кетдими, оғримайдими?

— Ҳозир яхши, фақат сирқирайди. Айниқса, ҳаво айниса, бўлмаса йўқ, шунчаки доим ҳалақит бериб туради, бир нима қадалиб турганга ўхшайди, ҳали кўникка-нимча йўқ.

Бундан бир соатгина бурун Настена бу ерга қандай қилиб, нима учун келганини тушунолмай гаранг эди, ҳозир эса, назарида гўё бошқа ҳеч нимани кўрмагандай, билмагандай, бутун умри шу чордевор ичидан ўтгандай туюларди. Қандайдир ўзгача бир ҳаётдан эслани мумкин бўлган барча нарсалар лип этиб ўтиб кетувчи тушнинг тартибсиз, узуқ-юлуқ парчалари сингари ортда тира-шира кўринарди. Наҳотки қаердадир, анави ёқда ҳали ҳам одамлар, уруш, ўлим ва фалокат бўлса? Қачон шунақа бўлувди, умуман, шунақа воқеа юз берганми ўзи? Ичкарининг ҳавоси тутундан ачиб кетди, аллаловчи, сув қўйгандек жимжитлик ҳар қандай гам-гусса ва ташвишни хаспўшларди, Настена эркинлигидан, танҳолигидан маст бўлиб ётарди. Ором олган Настена ҳузур ҳилиб, ўзининг шу ердалигини бирор ҳаракати билан сездирмай, чурқ этмай фаромушкотир ётарди.

— Агар укласам, жақлинг чиқмайдими? — заиф, мамнун овоз билан сўради у.

— Ухлайвер, уклайвер.

Андрей Настенани яхшироқ кўриш учун тирсагига таяниб сал кўтарилиди. Настена ухлаб қолганди. Унинг

совуқдан қизариб кетган кулча юзи мулойимлашиб, уй-қуда ҳам майин табассумдан ёришиб турарди. Бу йиллар ичидан унинг юзи сал қотиб, дағаллашиб қолибди, унинг юзидан ҳамиша кўзга ташланиб турадиган: вой, жуда қизиқ экан-а, буёги нима бўлади?— дегандай қизаларга хос сабрсизлик, таажжуб аломатлари бутунлай ғойиб бўлибди,— аслини олганда бу аломат Андрей шу ердалигига ғойиб бўла бошлаганди. Кўп ўтмай чўпчак ҳам ниҳоясига етди, барча сир-асрор ошкора бўлди, борди-ю, баъзан яна бирон бир ажойиброқ иш эътибордан четда қолган бўлса, гўё ўтмишда, йўлда кетаётгандаридан шошилиб эсларидан чиқиб қолгандек, наридан-бери бажо келтириларди.

Настена қўлинин кўкрагига, кофтасининг тугмаси ечилган жойга қўйиб ётарди, бармоқлари сал қимирилаб, кўкраги билан бирга кўтарилиб тушарди. Андрей унинг қўллари ҳам дагаллашиб, йўғон тортганини пайқади — бу меҳнатнинг зўридан эди. Настенанинг бир текисда чуқур-чуқур олаётган нафасидан янги соғилган сутга ўхшаш илиқ, ёқимли ҳид тараларди.

Андрей Настенанинг ёнгинасига сурилди-да, уни оҳиста қучоқлади ва унинг юраги ҳандай тепишига қулоқ солди. Юрак шундайгина қулоги остида дукиллаб, ҳар дукиллаганида унинг ноаниқ, аламли ташвишларини орттиради. Бу ташвиш борган сари ортиб бораётганидан, у эса, бу ташвиш нимага билан тугашидан бехабарлигидан баттар безовта бўлар эди. У ортиқ ёта олмади, ўрнидан туриб, оҳиста катдан тушди ва худди ўғрига ўхшаб, ухлаб ётган Настенага елкаси оша ўгирилиб қаради. «Ухла, ухлайвер», — деди у пичирлаб, аммо у аслида Настенанинг уйғонишини истарди. У билан бирга бўлса-ю, унинг дилидагини сезмаса, у айтмоқчи бўлган гапларни, қилмоқчи бўлган ишларни билмаса, бунга тоқат қилиб бўладими ахир. Кўнгли музлаб, бирпасда ҳувиллади-қолди, бирор нима қилишини, йилтадиган нарсани қўмасаб, гаш тортди.

У ташқарига чиқди-ю, бирдан келиб урган равшан нурга тоб беролмай беихтиёр кўзларини қисиб олди. Назарида, нақ тоғ устида турган қуёш бор нурини шу ерга сочаётгандек эди. Йилт-йилт қилаётган қордан ҳовур кўтариларди, ола-чалпоқ сояларда эса, қор кўкиш тусда товланиб кўринарди. Кун баҳордагидай илиқ бўлиб, ажиб бир ҳид анқирди. Қишлоғ томининг бурчакларидаги сумалаклар эрирди, қордан могор босган парча-парча

ерларда эса қора мевали буталар қаддини ростлаётган әди.

Андрей, гүё очиқ ҳавода бўғилиб кетаётгандек, энти-киб-энтикиб нафас олди. У отни сугоргани кетди, кейин бирор бегона одам бор-йўқлигини кўргани Ангарага тушди, аммо ташвиши аримади. Унга, назарида, гүё ҳозир, худди шу лаҳзада ўзининг бемаънилиги туфайли жуда бир муҳим нарсадан, қайтариб бўлмайдиган, ўзига жуда зарур, кейин сира топиб бўлмайдиган нарсадан жуда бўллаётгандек туюлди.

У қишловга қайтиб келди, Настена ҳамон ухлаб ётарди. Андрей ўзини қўярга жой тополмай, яна Настена-нинг пинжига тиқилди ва бошини кўкрагига қўйди, аммо унинг яқинлигини ҳис этдию бўғилиб кетиб, нари сурилди. Настена уйғу аралаш қўлинни чўзди-да, эрининг бошини пайпаслаб топиб, унинг сочини силади, Настена-нинг қўли тегиши билан Андрей тўсатдан енгил тортди. Андрей кўзини юмди ва елкасида Настенанинг нажоткор қўли турганини сезиб, оҳиста айланиб, қандайдир юмшоқ ва кенг бўшлиққа ағдарилаётганини тасаввур қилдида,— бу унинг ухлаб қолишига ҳамиша ёрдам берарди,— кўп ўтмай ухлади-қолди.

Улар бир вақтда уйғонишиди. Настена кўзини очиб, унга қаради, у ҳам бир чўчиб тушиб уйғонди. Настена унга қараб жилмайди.

Деразадан тушиб турган қўёш нури эшикнинг олдига бориб қолибди: ҳа, кун анча оғибди.

— Жудаям маза қилиб ухладим-да,— деди Настена.— Бу яқин орада шунаقا ухлаганимни эслолмайман ҳам — тош қотибман. Сен ёнимда бўлганинг учун-да ҳаммаси. Сенга қарайману бу сен эканлигингга сира ишонмайман. Мана, кўриб турибсан-ку, уйқуда эса ишондим, эридим-кетдим. Шўндоқ жоним кирди-я...

Ухлаб турганларидаң кейин улар, гүё қайтадан учрашаётгандек, бир-бирларига таажжубланиб қараашар ва бир-биридан ниманидир умид қилишар әди. Настена ўрнидан турмоқчи бўлди, аммо эри ушлаб қолди, эрининг бу ишидан суюнган Настена кулиб юборди.

Улар гарчи бўладиган гапдан қочиб қутула олмасликларини яхши тушунишса ҳам, бу гапни атайлаб пайсалга солаётган эдилар.

— Агар қайтиб борганимда, ўша ерда қолиб кетардим, бу турган гап әди. Шунчасига чидадим, тузалиб

кетиб жанг қилдим, урушдим, бекиниб юрмадим, мугам-бирлик қилмадим, нима бўлди-ю, ўзимга ўзим қилиб, мана шу кўйга тушиб ўтирибман. Одамнинг боши айланса, шунаقا бўлади ўзи. Беҳуда бўлмайди бу. Ҳудами-беҳудами — энди бўлар иш бўлди, вақт ўтди, энди бу ишни тузатиб бўлмайди.

У кўзини юмиб ётарди — шунда гапириш осон эди — одатда одам кимга заҳрини сочишни билмаса, шу ҳолга тушади.

— Аммо қандай, қандай журъат этдинг? — деган гап Настенанинг оғзидан чиқиб кетди. — Ахир бу ҳазила-кам гап эмас-ку. Қандай қилиб юрагинг дов берди-а?

— Билмайман,— Андрей дарров жавоб бермагани учун Настена эри ўзини гўлликка солмаётганини, ёлғон гапирмаётганини пайқади.— Сира тоқатим қолмади. Бўғилиб кетавердим — сизларни жуда кўргим келди. Фронтда бўлганимда қочиб келмасдим, албатта. Бу ер эса, бир қадам жойдек туюлди. Қаёқда яқин дейсан? Поездда келяпман, келяпман, қайтанга қисмимга тезроқ етиб борардим. Ахир атайлаб қочмадим мен. Кейин қарасам энди қайтганимда қаёқча ҳам борардим? Барibir отишади. Яхшиси шу ерда ўлай дедим. Энди нимасини ҳам гапирадим! Чўчқа барибир ўзини балчиқча уради.

— Уруш тугаса, балки кечиришар,— деди Настена гапига ўзи ишонмай.

— Йўқ, бу иш учун кечиришмайди. Бу иш учун агар қайта-қайта тирилтириб отишнинг илջи бўлса, бошқаларга ибрат бўлсин, деб ўлган жойингдан тургазиб қўйиб, уч марталаб отишади. Менинг қисматим тайин, энди уни ўйлаб, жон куйдириб юрмасам ҳам бўлади. Келаётиб, бораман-у, Настенани кўраман, ёш умрингни хазон қилдим, тинчгина яшаш мумкин бўлган бир пайтда бўлар-бўлмасга зугум қилдим, деб узр сўрашни ўйладим. Рост-да, нега яшай олмасдик? Ёш, соғлом, худди атайлаб бир-биrimizга яратилгандай, биrimiz узук бўлсак, биrimiz кўз эдик. Хоҳлаганча ўйнаб-кулсак бўларди. Йўқ, ноз қилибман, ҳукмимни ўтказаман дебман. Аҳмоқлик ҳам шунчалик-да. Аҳмоқлик қилганимни ўзим ҳам тушунардим, ахир мен ҳам жуда овсар эмасман-ку, у-бу нарсага ақлим етади, аммо ўзимни тўхтата олмасдим. Мен ҳали ёшмиз, сонга ҳам кирамиз, бир-биrimizга тўямиз, ҳеч-ҳе, ҳали вақт кўп, деб ўйлабман. Мана, ҳаммасига улгuriб ҳам бўлдик. Бораману Настенага кўриниш бераман, хотирасида ёмонотлиқ бўлиб қолмаслик учун тавба қиламан, отам билан онамни олисдан

бир кўраману ўзимни ўлдираман, деб ўйловдим. Кейин ваҳший ҳайвонлар этимни еб, суягимни тозалаб қўйишарди, албатта. Аммо сен билан манавиндача бирга бўлишни хаёлимга ҳам келтирганидим, юрагим дов бермаганди. Бу қайси яхшилигим эвазига берилган мукофот бўлди экан? Биргина мана шунинг ўзи учун, агар калта ўйлик қилмаганимда, сени кафтимда кўтариб юрishiш керак эди.

— Вой сени, гапингни қара-я— деб гап бошлади Настена, аммо Андрей унинг гапини бўлди:

— Шоцмай тур. Бошладимми, энди гапимни тугатай, кейин балки иложи бўлмас. Энди ичимдаги гапимни сақлаб юришимнинг ҳожати йўқ, ярамайди. Нима бўлса, ҳаммасини айтишим керак. Мана уч-тўрт кунга, деб келдим, узр сўрайман, хайрлашиб кетаман, деб ўйловдим, ҳозир бўлса, лоақал ёзгача-қолай деган ниятим бор. Ёзинг қанақалигини охирги марта кўрмоқчиман. Кейин, майли ўлсам ҳам армоним йўқ. Бугун бўлса, сен илитиб қўйдинг, ҳурсандликдан дод десанг арзиди.— У ютинаётуб қалқиб кетди-да, жим бўлди.— Мен сёндан кўп нарса талаб қилмайман, Настена. Шундог ҳам менга кўп яхшилик қилдинг. Яна бир неча ойгина сабр қил, бирорвга чурқ этма, кейин вақти келади, кўзингдан ғойиб бўламан. Аммо сабр қил. Зуғумларимга хўп чидадинг, энди бунисига ҳам чида.

Настена шартта ўрнидан туриб, уни тузламоқчи ҳам бўлди-ю, аммо негадир қимирлашни истамади, бу вазиятда тилига калима келмади, шунинг учун у индамади. Андрей шошилмай, бирпас кутиб тургач, гапида давом этди:

— Энди биз одамлар ичидаги кун ҳам яшай олмаймиз. Қачон хоҳласанг, қачон менга ичинг ачиса, келавер. Мен эса сени келсин деб илтижо қиласман. Энди одамларга кўринишм мумкин эмас, ҳатто жоним узилаётган пайтда ҳам мумкин эмас. Бошқаси бўлганича бўлар, аммо буни охирига етказишга ҳаракат қиласман. Мен кейин одамлар сенга, отамга, онамга бармоқларини бигиз қилишларини, қандай яширганимни фол боқишлирини, изимга тушишларини истамайман. Бунинг устига ҳар хил гапларни бичиб-тўқиб, гийбат қилишларига тоқатим йўқ. Хоҳламайман.— У қўзғолиб, катда туриб ўтирди, унинг юзи чўзилиб, докадай оқариб кетганди.— Сен ҳам менинг келганимни бирорвага зинҳор айта кўрма. Йўқса, ўлсам ҳам тилингни сугуриб оламан.

— Нима бўлди сенга, Андрей?! Нималар деяпсан!?

Настена қўрқиб кетди-да, туриб ўтиради, энди иккови-  
нинг тирсаги бир-бирига тегиб, ёнма-ён ўтиради, шунда  
у Андрейнинг худди қудуқ ичидан қулдираб чиқаётган-  
га ўхшаган овозда оғир нафас олаётганини эшилди.

— Мен сени қўрқитаётганим йўқ. Сени қўрқитиб  
нима қиласман, Настена?! Сен менинг ёруг жаҳонимсан-  
ку. Аммо эсингда бўлсин, мен тирикманми, ўликманми,  
барибир, сиримни авайла,— менга қаер иссиғу қаер со-  
вуқ эканлиги доимо ёдингда турсин. Кейин, бу ишлар  
тугаб кетгандан кейин сен яна турмушингни яхшилаб  
оларсан. Яхшилаб олишинг керак, сенинг вақтинг бор.  
Бир кунмас-бир кун шундай пайт келиб, ўзингни яхши  
хис этганингда, азбаройи хурсандлигингдан кўнглингни  
бутунлай бўшатгинг, ичингда нима бўлса, ҳаммасини  
айтинг келиб қолади. Аммо бу ишдан оғиз оча кўрма.  
Сен мен ҳақимдаги ҳақиқатни биладиган бирдан-бир  
кишисан, бошқалар нима деб ўйласа, ўйлайверсин. Сен  
уларга чўри эмассан.

— Мен сенга, Андрей, бирон нима дедимми, нега  
мен билан бунақа гаплашяпсан?— сўради Настеңа. У  
ўзини йўқотиб қўйиб, нима дейишини ҳам билмай қол-  
ди. Фақат хотинларнингни тили учиди турадиган бу  
саволда хафа бўлишдан кўра кўпроқ илтижо оҳангиги  
бор эди, ўз-ўзидан отилиб чиқсан бу савол аянчли янг-  
ради, аммо Андрей, чамаси, ҳатто бу саволдан хурсанд  
бўлди, унинг итоатгўйлик билан айтилганидан кўнгли  
бутунлай жойига тушди.

— Иўқ, ҳеч нима деганинг йўқ. Хафа бўлма, қўй.  
Биламан, сен тушунасан, қандай бўлса, ҳаммасини шун-  
дай тушунасан. Агар бошқа вақт бўлганида, эҳтимол, бу  
гапларни сенга айтмасдим, энди эса, айтишга тўғри ке-  
лади. Нима қилаётганимга, шу ишни нимага қилаётга-  
нимга энди ўзимнинг ҳам ақлим етмай қолди. Менинг  
суратим одам, гўё бирор ичимга кириб олиб, мени у ёқ-  
дан-бу ёқса тентиратиб юрибди. Мен ўнгга бурилай де-  
сам, у қўймайди — чапга судраб кетади! Ҳай, майли,  
озгина қолди.

— Сен негадир нуқул ваҳимали гапларни гапиряп-  
сан...

— Қўрима. Мен сени эмас, ўзимни қўрқитяпман. Э,  
онди ўзимни ҳам қўрқитиб нима қиласман: бундан даҳ-  
шатлиси бўлмайди. Э, сенинг олдингда бир эриб кетдим-  
да. Аммо нима лозим бўлса, ҳаммасини айтдим, ҳамма-  
сидан огоҳлантириб қўйдим. Кўнглим анча бўшади.  
Энди сен гайиргин.

— Мен ниманиям гапирадим...  
— Ойим қалай, қимирлаб юрибдими?  
— Кейинги пайтларда печкадан деярли тушмай қўйди. Фақат қозон осгани тушади. Хамирга мени яқин йўлатмайди, ўзи қиласди. Бунақада қиёматда ҳам нон ёпишни ўрганолмайман-ку.

— Отам ҳалиям отбоқарлик қиляптими?  
— Ҳа. Агар отам бўлмаганда, аллақачон отларнинг ҳаммаси қирилиб кетарди. Фақат отам қараб юрибди-да. Анча чўкиб қолди. Инқиллаб юрибди, дарров чарчаб қолади. Бунинг устига ўтган куни мен уни куйдирдим.

— Нима, нима?

— Заёмга ёзишувди. Мен аҳмоқлик қилиб, икки мингга ёзиламан, деб юборибман. Нимаси қийин, аյб нима қиламан дебман. Заёмга ёзадиган ҳам худо деб турган эканми, жуда хурсанд бўлиб кетди, мени мақтади, албатта.

Настена айбдорларча ҳаҳолаб кулди-да, Андрейга қаради.

— Ҳозирча қарияларни ўз ҳолига ташлаб қўйма,— деди Андрей ва яна тундлашиб, хаёлга чўмди.— Онам кўпга бормаса керак. Улардан кўз-қулоқ бўлиб, қараб туриш керак.

— Менга қара, Андрей, кейин нима қиламиз?— Чўчинқираб, ўз саволидан ўзи юраги увишиб сўради Настена.— Ахир улар кутишяпти, қаердалигини айтар, ёзар, деб умид қилиб юришибди. Уруш ҳам тугайди, кейин улар нима ўйлашади? Ахир, уларнинг ҳамма умиди сендан-ку!

— Умид... умид...— у сакраб ўрнидан тушди-да, у ёқдан-бу ёққа бориб-кела бошлади.— Энди улар умидларини бутунлай узаверишсин. Тамом, узишсин. Мен ҳозиргина шу ҳақда гапирдим-ку. Хўш, менинг қаерда юрганим тўғрисида гап очдинг, а? Бу ҳақда сенга шуни айтишим мумкин. Госпиталимизда бир капитан ётган эди. Уни даволаб тузатишди, ҳужжатларини қўлига беришиб, уни қисмга жўнатишибди. Эртасига ўша ҳужжатлар почта қутисига ташланганлиги маълум бўлиб қолди. Капитандан эса дом-дарак йўқ. У қаерда? Унинг қаердалигини худонинг ўзиям билмайди. Ёки унинг кийим-кечаги, пули, паёгига кўз олайтириб, ўлдириб юборишиган, ёки ўзи изини йўқотган. Бор эди — йўқ бўлди. Кимдан сўрайсан? Капитан нима эмиш, минглаб одамларнин тополмай юришибди. Бирор осмонда, бирор ерда, бирор ёруғ оламда азоб тортишти, бирор бекиниб юрибди, бирор

эса, ким эканини ўзи билмайди, ҳаммаси аралаш-қуралаш бўлиб кетган, бош-кетини топиб бўлмайди. Мана, мен ўзим ҳам, бор бўлиб бор эмасман, йўқ бўлиб йўқ эмасман. Нима деб ўйласанг, ўйлайвер. Оз қолди, отам билан онам ҳам кутавериб кўзи тешилиб юрмайди. Нариги дунёда учрашамиз, гаплашамиз, Балки у ёқда уруш йўқдир. Бу дунёда эса, заиф бўлсанг ҳам, кучли бўлсанг ҳам, фақат ўз жонингга умид боғлайсан.

Настена эътиroz билдиришга журъат этмади, Андрей эса, бир оз жим тургандан кейин анча хотиржам гапира бошлади.

— Ҳали қайси бири яхши: ўғлинг ёки эринг ўлиб ётганини аниқ билганинг яхшими ёки ҳеч нимани билмаганинг маъқулми, бу маълум эмас. Хотинлар ўз бахтларини топиб кетишлари учун билганлари маъқул бўлса керак. Бу тушунарли иш: ўзинг ўлганингдан кейин, қўй, хотининг кун кўрсинг-да. Унга халақит берма. Хўш, она-лар-чи? Уларнинг қанчадан-қанчаси фарзанди ўлганми, тирикми, буни билмай, умидини узмай худди кўзлари боғлаб қўйилгандек яшашга рози бўлмайди, дейсан. Она қораҳат олса ҳамки, ишонгиси келмайди. Унга ўғли кўмилган жойни ҳам кўрсатишади, гўр қазган ошнаси ҳам ёзib юборади, бари бир — кам. Майли, отамга ҳам, онамга ҳам кўришиш насиб этмаса-да, умид чироғи ўчмаса бас. Аҳволим шу бўлгандан кейин нима ҳам қилишарди.—У Настенага ўгирилди-да, щартта кесиб деди:—Хўп, бўлти, бу гапни бас қиласайлик. Туш, чой ичамиз. Ҳадемай кетишинг керак. Кетасанми, ёки... балки қоларсан?

— Қандай қилиб қоламан?

— Яна келасанми?

— Келаман, Андрей, келаман, учиб келаман. Йўлни энди билиб олдим.

— Оёгинг тортмаса, келма, ўзингни мажбур қилиб нима қиласан. Мен эса, чидайман, мана шу куннинг гашти анчагача етади.

Настена эсига тушиб деди:

— Вой, мен сенга ўқ дори олиб келувдим-а, сал бўлмаса қайтариб олиб кетарканман.—У дик этиб катдан сакраб тушди-да, бурчакда уюлиб ётган нарсалар ичидан порох билан сочма солинган иккита бўз халтачани қидириб топди.—Ярмини ол, ярмини мен отамга олиб бора-ман, отам тайнинлаган эди.

— Менга бунинг ярми ҳам ўлгунимча етади,—деб Андрей суюнганидан халтачалар тепасида шошиб қолди.—Ҳа, энди жон сақлайман. Энди азроилдан ҳам

қўрқмайман. Сен менга катта яхшилик қилдинг. Катта яхшилик қилдинг. Сен, Настена, бебаҳо хотинсанда!— Андрей Настенани маҳкам қучоқлаб ердан даст кўтарди, Настена эса, чинқириб оёқларини сийкитарди, лекин Андрей шу ондаёқ хотинини оҳиста туширди ва бирдан қовоғини уйиб, ўзига ўзи деди:— Бунақа хотин билан эркин ўйнаб-кулиб яшасанг-да, манавиндақа кавакларда беркиниб юрмасанг.

— Э, қўйсанг-чи!— деди Настена ҳаяжонланиб, эрининг гапини эшитмасдан.— Нақ ўтакамни ёрай дединг-а! Бунақа қучоқлашлар ҳам эсимдан чиқиб кетиби.

— Тез-тез келиб турсанг, ўргатиб қўяман.

— Менга қолса-ку, ҳар қун жон-жон деб келардим-а.

— Хўш, келолмаслигингга сабаб нима?

Узоқ, бутун кун бўйи чўзилиб кетган бўлса-да, ўғринча бу учрашувга чек қўйиш вақти етганди. Қош қорайиб уй бурчакларидан чиринди ҳиди кучлироқ анқий бошлади, шифтдаги салқи тахталар нақ босиб қоладигандай ваҳимали осилиб турарди, ҳаммаёқ ҳувиллаб, кишини ташвишлантирас, юрагини шувиллатар эди. Суҳбат ҳам совиди.

Улар чойни наридан-бери ичишиди: Андрей хотинини қорнингни тўқлаб ол, деб қистади, шунинг учун Настена ноилож ион билан чўчқа мойни чайнай бошлади, Андрей индамай Настенага қандайдир думалоқ, ялтироқ, нуқтатари ёниб турадиган нарсани узатганида хотини кийиниб бўлган эди. Настена секингина:

— Вой, бу нима бало экан?— деб қўйди.

— Олавер, Настена, бу соат. Немис офицеридан ечиб олгандим. Тиригидан, ўлигидан эмас. Энди менга кераги йўқ, сенгá эса, бир куннингга яраб қолади. Агар сотсанг, арzon-гаров бериб қўйма: яхши соат, Швейцарияда ишланган. Икки мингдан камига сота кўрма.

— Вой, худойим-эй, олишгаям қўрқаман.

— Олавер, Сенга берадиган бошқа нарсам йўқ.

Андрей Настенани Ангарадан ўтадиган йўлгача кузатиб борди-да, чанада қучоқлаб, бир лаҳза қотиб турди, кейин Каръкага қамчи босиб, қорга сакраб тушди. Сўнг узоқлашиб кетаётган чана кетидан то кўздан йўқолгунча қараб турди. У қимир этмай, юзи тош қотиб қараб тураркан, мана шу экан-да, деб ўйлади-да, хаёллари тўзиб кетди...

...Настена йўлда кетар экан, ҳўнг-ҳўнг йиғларди,— у шунчалик бўғилиб, сиқилаётган эдик, нега бунчалик

қаттиқ сиқилаётганини ўзи дарров тушуниб, тагига ета олмасди. Настенанинг дилидаги яралардан биронтаси пишб етилмаганди, чунончи уларга қандай малҳам қўйишга ҳам ҳайрон эди, аъзойи баданини қандайдир ғам кемириб, жонини сўриб олаётгандек эди. Агар чойга шакар билан туз солиб, аралаштириб шартта ичib юборсангиз, ичингизни шундай музлатиб, қотириб юборадики, асти қўяверасиз, шириналикнинг ҳам йўриги бошқа, аччиқликнинг ҳам. Озгина шириналикни сезасизу кейин бу таъмни шўр босиб, аъзойи баданингизни, ҳатто суякларингизгача ачиштиради.

Настенанинг шунча йилдан бери қишлоққа, уйига, ишга меҳр ришталари бояланганди, ўз ўринини топганди, ўзини асрарди, чунки унинг ҳам нимагадир меҳнати сингган, ўзи ҳам сингишиб кетганди. Лекин энди уни боғлаб турган ана шу ришталар бирдан салқиланиб қолди, узилишга узилмади, аммо салқиланиб қолди. Энди ҳаддинг сиққанича, кучинг етганича нима қилсанг қилавер, қаёққа борсанг боравер деган фикр миясига ўнашиб қолди. Ҳўш, қаёққа боради? Нима қилади? У бўйнидаги бўйинтуруққа ўрганиб, кўникиб қолди, борди-ю, ҳатто кетишга жазм этганда ҳам, узоққа бора олмайди, борадиган ери ҳам йўқ. Шундай бўлгач, нега ҳам гангимасин киши? Йўқ, кўриниб турибди, кўнгил узиб, чиқиб кетолмайди, яхшиси сабр қилиб, бу ёги нима бўлишини пойлаш керак. Пешонасига ёзилганидан қочиб қутула олмайди. Энди айланганда ҳам ўша доирада, аммо салгина нарироғидан беҳуда айланаверишга тўғри келади. Бошқаларнинг қандай яшайдиганини кўрасану ўзинг бошқача, пинҳона яшайсан. Кўзингга қараб қадам қўясан, гапиргандан тилингга эҳтиёт бўласан. Икки ҳисса ишлайсан-у, озгина мизгиб оласан. Қувлигинг, чап беришинг, ёлғон гапиришинг керак. Ҳамма бало эри подадан олдин чанг кўтариб, әлбурутдан ўз жонини сақлаб қолишини ўйлаганидан бўляпти.

Хом сут эмган банда — озми-кўпми гуноҳи бўлди. Аммо шунчалик гуноҳ қилиши керакми? Андрей бу гуноҳга чидолмаслиги, бардош беролмаслиги, яшолмаслиги кундай равшан, у бу хатосини ҳеч қачон тузата олмайди. Бу гуноҳ унга оғирлик қиласди. Ундаи бўлса, нима қилиши керак энди — Настена Андрейдан қўлини ювиб, қўлтиғига ура қолсинми? Эрига тупурсинми? Балки эрининг бу ерга келиб қолишига Настена ҳам сабаб бўлгандир, айби ғулмаса ҳам шунга сабабчидир? У қаммадан кўра кўпроқ шунинг илинжида уйига қараб

жўнаб қолмаганмиди ахир? Настенани қайтиб сира қўролмайман, охирги гапимни айтолмай қоламанми, деб қўрқмаганмиди ахир? У отасига ҳам, онасига ҳам дардени ёрмади, хотинига эса очиқ-ойдин айтди. Балки хотини ёнида уч-тўрт кун бўлиш ниятида ўлимни галга солгандир. Хўш, шундай бўлса, энди Настена ундан қанақасига юз ўгирсин? Бундай қилишга одамда юран бўлмаслиги керак, юрак ўрнида нима фойдали-ю, нима зарарлигини тошсиз тортадиган тарози бўлиши керак. Бундай пайтда бегона одамдан ҳам, ўтакетган ғаламисдан қўл силтаб кетавермайсану Андрей эса, ўзиники, қадрдони... Уларни худонинг ўзи қовуштирумаса ҳам қандай ҳодиса юз бермасин, қандай фалокат бошларига тушмасин, бирга бўлишлари учун ҳаётнинг ўзи қовуштирган.

Тириклар у ёқда, Андрей эса, бу ерда. Эй худо, нима қилиш керак, айтсанг-чи.

Настенанинг юрагига қил сифмас, гаш эди, аммо айни пайтда худди ўгри урган уй сингари бўш, ҳувиллаб қолганди. Энди ундоқ ҳам, бундоқ ҳам иш тутса бўлаверарди. У қаёққа қарамасин, ҳамма ерда унинг ўй-хаёлинин ўғирловчи, ваҳимага солувчи, ютиб юборувчи бир хил бўшлиқни кўпар, миясига келган ҳар бир фикр тушдагидай мавҳум туюларди.

## 8 .

Андрей Гуськов кундуз кунлари қишловда қолмасликка ҳаракат қиласарди. Бироннинг бу ерга келиши гумон эди, аммо у нима бўлса ҳам олди-кетини ўйларди. У ҳар сафар бирон ёққа чиқадиган бўлса, ўзининг озигина қақир-қуқурини сўри остига тиқар, кат устидаги шоҳ-шаббаларни йигиб, яхшилаб изини йўқотар ва елкасига милтигини ташлаб, дарё ёқалаб қатқалоқдан чангни билан юқорига қараб кетар эди. У одатда дарёнинг ўнг тарафига, Рибнаяга яқин томонга бормасди-да, чапга, роса ўттиз чақиримча нари жойгача чўзилган кимсасиз ерларга бурилиб кетарди.

Ўрмонда тез югуриб- бўлмасди, қор юмшоқлигидан киши ботиб кетарди, аммо ялангликка чиққач, Гуськов ердан сал кўтарилган қорнинг қолган бетида тез ва бемалол ҳаракат қилганида суюниб, худди муз устидагидек елиб борарди, унинг бу ҳаракати қандайдир ёқимли ва қувончли туюлса ҳам, ўз-ўзини алдаш эди: олга, кенглик ва эркинлик сари олга, қўрқмасдан, яширинмасдан

юрадиган, ўз қиёфасига эга бўлган, шу қиёфаси билан бемалол яшайдиган олис ерларга қараб юр.

Тайгада — дараҳтлар устида ҳам, ерда ҳам қор бор эди, шохлардан тўкилган нинабарглар сочилиб, қорлар тўп-тўп бўлиб турарди. Тайға ҳали уйғонмаганди, оғир ўйга чўмид туарди, аммо қарагайнинг шохлари юқорига интилиб қолганди, қипяланғоч қайинларга кўринишидан сув юргурганди, томирларнинг тахир Ҳиди гупиллаб димоқта уриларди. Арчалар ҳам, тоғтераклар ҳам бунда бир хилда қорайиб кўринади — қиши пайтидаги гўё ягона бўлган, яққол кўзга ташланадиган оқ ва қора ранглар ҳаво яхшиланиши билан бир ҳафта ичидаги оқи оққа, қораси қорага ажралди, ҳар бир ўнқир-чўнқир аниқ-таниқ мана ман деб турарди. Ғувиллаб эсган шамол энди на дўнгликдаги, на чуқурликдаги қорни тўзитарди, қор энди эриб йўқ бўлиб кетадиган ерига маҳкам қапишиб қолганди. Ҳали бир эмас, иккى эмас, бир неча марта қор ёғади, албатта, аммо номигагина, шунда ҳам янги ёққани шу заҳоти эскисига маҳкам ёпишиб олади. Атрофи очик тўнкаларнинг ён-вери эрий бошлаганди.

Гусъков сердараҳт нишабликдан то кейинги айрилишга етгунча анча юрди ва ўша ердан Ангараға тушди. Дарё бу ерда ўнгга қайрилганди, соҳил ҳар йили ювилаверганидан жуда кенгайиб кетганди. Бу соҳилда мева-чева ҳам, ўт-ўлан ҳам, қўзиқорин ҳам кўп эди: бир замонларда, узунқулоқ гапларга қараганда, бу ерда татарларнинг қишлоғи бўлган экан, аммо ўзга юрт дарёси бўйидаги ерни ёқтириб қолган татарлар нима учун уйжойларига ўт қўйиб, кетиб қолишгани маълум эмас. Аслида шундай бўлганими-бўлмаганими, номаълум, аммо бир замонларда инсон бу ерда заҳмат чеккани ҳозир ҳам сезиларди: кертиклар, далалар, пичанзорлар кўриниб турарди.

Гусъков соҳил бўйлаб яна юрди, юрди эмас, Ангара-нинг юқорисига қараб қатқалоқда ғизиллаб кетди.

Бу ерда беркиниб юрсаңг юравер-у, аммо кўп ҳам юрагингни ҳовучлайверма, бу ерлар оралиқ жой. Бир вилоят тугади, иккинчиси ҳали бошлагани йўқ. Маъмурий жиҳатдан бошқа-бошқа бўлиб кетган вилоят одамлари ҳам бир-бирларини яхши билмайдилар. Отилган ўқ овози эшитирса, ҳар иккала томондагилар иккى хил ўйлар эди: юқори оқимдаги кишилар қуий оқимдагилар отди деса, қуий оқимдагилар юқори оқимдатилар отди дерди. Гусъков шу ерда, фақат шу ерда ов қилишга жазм этди.

У соҳилда туриб икки кунгача кийикларини диққат билан кузатди, икки кунгача уларнинг Камений ороли орқали Ангарани қандай кесиб ўтганини кўрди. Андрей учинчи марта борганида оролга ўтди ва кийиклар кесиб ўтадиган буруннинг қуи нишаблигида пойлаб ётди, бу ердан нариги соҳил ҳам, бу соҳил ҳам кафтдек кўриниб турарди: чап соҳил яқинроқ, ўнг соҳил узоқроқ эди. Шу маънода бу ер жуда қулай бўлиб, чор атроф кафтдек кўриниб турарди, аммо ер бағирлаб эсувчи аччиқ шамол учун ҳаддан ташқари очиқ эди. Гуськов шамолдан яшириниб, орол ўртасида, баҳайбат эски қабристонга ўхшаб қалашиб ётган тошлар ёнига борди ва ногаҳон дара ортида горни эслатувчи чуқур, ён томонга қараб чўзилиб кетган кемтикка дуч келиб қолди, кемтик ичидаги гулхан излари бор эди. Гуськов у ёқ-бу ёқни кўздан кечирди-да, таажжубланиб «ҳим» деб қўйди, кейин хурсанд бўлиб кулиб юборди: бунаقا жой етти ухлаб тушига ҳам кирмаганди. У бу ер қанақалигини, нимага кераклигини ҳали ўзи ҳам билмасдан бир кунига яраб қолишига аниқ ишонди.

Олов ёқиб исинди. Исиниб олгач, агар бугун ови бароридан келмаса, қайтиб қишлоғга бормасдан шу ерда тунаб қолмоқчи бўлди. Шунча олис ерга беҳуда оёғини қабартириб бориб юрадими! Энди оролда ҳам бошпанаси бор, бўлгандаям қулинг ўргилсан бошпана! Кечаси совуқ бўлади, албатта, аммо олов ёқса билинмайди. Қачонлардир бирор ҳам шу ерда яширинибди — ё ҳаво ёмонлигидан ё одамлардан. Аниқроғи, одамлардан бекинган бўлса керак, уни нима, қандай зарурат бу ерга бошлаб келганийкин? Уни қаранг, шунча кул-а, аллақачон қорайиб, тошдай қотиб қолибди, ўша одам бу ерда анча турганга ўқшайди. Аммо бунга ҳам анча бўлган. Ўша одам кўп қора, хатарли кунларни бошидан кечирган кўринади.

Уни қаранг-а, Андрей нега илгари Каменийга келмаган экан-а? Шундоқ ёнгинасида-ю, назардан четда қолибди. Неча марта қайиқда ёнгинасидан у ёқ-бу ёққа ўтди, кўзларини йириб-йиртиб қояларга тикилди, аммо сузиб, бу ерга ўтмаганди. Нотаниш, қирғоқлари тик кесиб тушган бу шумшук орол тошу тилоғочдан иборат эди. Бу орол бошқаларининг эътиборидан қолган бўлса керак.

Андрей шу ерда тунагани қолди, қолдию гор ўртасида тошлар орасида ётганидан, ҳеч ким уни безовта қила олмаслигидан гўё, ажаб бўпти дегандек, ўз ҳолидан кулиб ётди. Кеч кириши билан у қуруқ ўтинларни ёқиб, ётар ерини иситди, одатдагидек ҳадиксирамасдан, доимо жонини ҳовучлаб юришдан — жон қайғуси энди уни

үйқусида ҳам тинч қўймасди — қутулиб, иссиқ, тинч ухлади.

У эрталаб бурунга анча кеч чиқди: то чой қайнатиб, оғзини куйдириб манеркадан ичгунича, то ўрнидан қўзғолиб ташқарига, совуққа чиққунича кеч бўлиб қолди... Қўйи томон жимжит эди, аммо шимол тарафдан секин, бир меъёрда аччиқ изғирин эсади. Эрталаб ҳавонинг қовоги солинган, хира эди, бундай пайтда ҳайвон ҳам одам ҳам ўзини эҳтиёт қиласди. Бундай айни, тутуруқсиз ҳавода эчкиларнинг шунча олис ерга келиши гумон. Тизма тоғ ёқалаб секингина орқасига қайтгани маъқулмикин, балки бирон ерда лоақал олмахон учраб қолар.

У нима қилсан экан, деб бориши лозим бўлган чап қирғоққа ўгирилиб, хаёл сурисиб турганида ногаҳон жардан учта кийик олдинги оёқларини букиб пастга тушиб кетаётганини кўриб қолди. Вой жониворлар-эй, борми-санлар! Андрей тисарилиб, тилоғоч орқасига ўтди-да, елкасидан милтигини олди. Кийик аста-аста сакраб, туёқлари қаттиқ қорда ботиб-ботиб юриб келди. Сўнг сувнинг саёз еридан ўтди-да, тўғри унга қараб қелаверди. Қизиқ, улар нега бу ёққа йўл олдийкин? Ё бир лаҳзагина бўлса ҳам дараҳтзорга кириб, ҳамма томони очиқ, хавфли ялангликка чиқишдан олдин ўзларига келиб олмоқчи бўлдимикин?

Улар изма-из юриб яқинлашиб келарди. Гуськов кийикларнинг қорин қулдирашига ўҳшаш ўқтин-ўқтин ҳансираф нафас олишларини эшитиб турарди. Бурунгача кўпи билан юз метрлар қолганди, шунда нимадир уларни сергаклантириб қўйди, сўнг уларнинг олдинда йўл бошлаб келаётгани тўсатдан оролдан пастга қараб бурилди. Андрей кийикларнинг орқасидан қўшогизининг ҳар иккисини гумбурлатиб отди, энг охирида югуриб кетаётган кийик қоқилиб кетди-да, жон аччиғида осмонга, аммо бу сафар олдинга эмас, бир ёнига сапчиди-да, ағдарилиб тушди.

Гуськов югуриб етиб келганда кийик ҳали тирик эди. Кийик хириллаб, тепиниб, остидаги қорни титаётганди; қўзига қон қуайлган; бошини даст кўтарарди-да, ташлаб юборарди. Андрей уни бутунлай ўлдириши керак эди, аммо у унақа қилмади, аксинча, тепасида унинг бирор ҳаракатини кўздан қочирмасликка ҳаракат қилиб жон бергаётган ҳайвоннинг ҳандай азоб чекишига, жимиб қолиб, яна тиришишига, калласини қорда у ёқ-бу ёққа ташлашига қараб турди. Ҷейин у ҳайвоннинг бошини кўтариб, кўзларига тикилди — кийикнинг кўзлари кенгайди,

шунда Андрей сўниб бораётган қорачигларда иккита ўзига ўхшаган соchlари тўзиган, қўрқинчли иблис башасини кўрди.

Андрей жон талвасаси кийик кўзларида қандай акс этишини эслаб қолиш учун унинг сўнгти ҳаракатини кутди-ю, аммо сезмай қолди. Унинг назарида кийик кўзлари шу лаҳзада ичкарига, ўзига қаратилгандек туюлди.

Баъзан у юқори оқимдаги қишлоғуга борарди. Бу қишлоғ қўйи оқимдагига қараганда шинамроқ, кенгроқ эди: тилоғочдан қурилган ва тепаликлар турган қишлоғ абадийдек туюларди. Унинг атрофидаги ерлар ташландик бўлиб, турли-туман ўт-ўланлар босиб ётарди, аммо сийрак тоғтераклар қатори ёнида кенг-мўлгина майдон оқариб турарди. Бир куни Гусъков хаёлга чўмиб, қазоси етса шу ерга, тоғтераклар билан майдон ўртасидаги ерга кўмишларини истаб қолди. Бу ер қуруқ, шинам, дараҳтларнинг япроқлари тушиб туради, гулларни кўриб қушлар учиб келади, хониш қиласи, иморат эса, ваҳший ҳайвонларнинг йўлини тўсади.

Қишлоғда печка йўқ эди (қачондир бирор уни эринмай сув ёнига судраб бориб, олиб кетганди), қолаверса, бўлмагани ҳам маъқулга ўхшайди, ўзингни тия олмасдан олов ёқдингми, бўлди, тог ортидан буралиб тутун чиқиб Атамановкага кўринарди. Ҳаво исиб, бу ёққа кўчиб ўтишга тўғри келса, печканинг ҳожати йўқ, ҳозирча вса, фақат кундуз кунларигина бу ерга келарди ва соvuқ тушиши билан ўзини ҳаракатга келтириб, оловсиз исиниб оларди. Боз устига ҳаво юмшаб кундузлари шундай қиздирардики, ҳатто қалта пўстини ҳам халақит бера бошлади.

Ҳадемай эрувгарчилик бошланиб, ҳаммаёқ шилтшилт бўлиб кетади, унда эса, на этик, на фуфайка бор.

Андрей негадир бу ерда ақлдан озаётганини, пастдагига ишбатан ўзини бутунлай бошқача ҳис этаётганини пайқарди. У ер тинчроқ, синаштароқ эди, бўлар-бўлмасга куйиб-шишмасди, нима қиласман, эртага қаерга бораман, уни-буни қаердан топаман, нима билан чанқоғимни босаман, деб бош қотиради-ю, топган-тутганига қаноат қилиб яшайверарди. У узоқ ўйламасди, ўтмишини эсламасликка ҳаракат қиласарди, гоҳо шу ерда бошланган ишларгина йилт этиб ҳаёлидан ўтиб қоларди, у мана шундай ит ётиш мирза туриш билан яшаб юрганига ҳам шукр қиласарди. Бу ерда эса, талтайиб, эркаланиб кетди, миясига беҳуда ўй-хаёллар келадиган бўлиб қолди, бу ўй-хаёлларни начуватиб, на йифиштириб бўларди, бошини юз у ёқдан-бу

ёқقا ургани билан дарди ичиди қолаөверарди, иш ўтгандан кейин аҳмоқона қилмишларидан пушаймон қиласарди.

Энди бундай хаёллар билан ич-этини ейишнинг нима кераги бор? Бурнинг яқин бўлгани билан уни тишлаб олмайсан-ку.

Бир куни у шу мақолни эслаб, бошқа қўли билан тирсагини ушлади-да, кучи борича бўйини чўзиб тишламоқчи бўлди — бирдан тишлаб қолса-я? — аммо бўйни оғригунча қийшайиб энгашди-ю, оғзи етмади, кейин тўғри айтишган экан, деб хурсанд бўлиб кулиб юборди. Демак, одамлар ундан олдин ҳам уриниб кўргану, аммо уддасидан чиқишлимаган.

Бу ерда у ўзидан ҳам нафратланарди, ҳам қўрқарди, қандай қилса ўзига баттарроқ алам ўтказади, ҳозиргидан беш баттарроқ кунга тушади — шунинг уддасидан чиқолмай ўзини ўзи қийнар, ич этини ер, ҳа, шошмай тур, ҳали вақт-соати келади! — деб ўзига пўписа қиласарди. Кейин бирдан ҳушёр тортиб, капалаги учиб кетарди: чиндан ҳам вақт-соати келади, кунингчи кўрасан! Кўрганда қандоқ! Ағдарилиб тушасан-у, қайтиб ўзингга келмайсан.

Бу тентаклигига сабаб нималигини у билмасди. Узоқ вақтни мўлжаллаб қурилган қишлоvdанми ё атрофида ястаниб ётган, дараҳтлар ортидан музлари қалашиб кетган Ангара, нариги соҳилдаги олис Атамановканинг бир чети кўриниб турадиган бу хушманзара янги ерларданми, ё яна бирон бошқа сабабданми — маълум эмасди. Аммо кишини андармон қилиб қўядиган жиҳатлари бор эди.

Худди бу ерда лаззатли, текин бир нима бордек, уни бу ёқقا бошлаб келган нарса ҳам ана шу эди.

Биринчи овдан кейин бир ҳафта ўтгач, у худди ўша Каменнийда иккинчи кийикни ҳам отди-да, чангиде судраб, қуйи қишлоvgа олиб келди ва қоронги тушганида терисини шилиб, гўштларини нимталади. Гўштни то тонг отгунга қадар юқорига, томга ташлаб қўйди.

Гуськов эрта тонгда эшикни очиб ташқарига чиқди-ю, тахта бўлиб қолди: бир катта кўк ит эшик олдидан бир сакраб нарироққа борди-да, тишларини иржайтириб унга тикилди. Гуськов бу бўри эканини дарров фаҳмламади. Худди туллаётган пайдагидек озғин, узун, ҳурпайган юнглари тутам-тутам осилиб турган бўри шундай қаҳргазаб билан унга қарадики, Андрей юраги орқасига тортиб, милтиғига ёпишди. Аммо дарров эс-ҳушини йиғди-ю, отмади. Бўри қари, пихини ёрган экан: ўқталган мил-

тиққа чап бериб, тоққа қочди ва ўқ овозини эшиштмагач, яна түхтаб ириллади.

Шу-шу бўри кечалари қишлоғга келадиган бўлиб қолди. У Гусъковни увиллашга ўргатди.

Бўри қишлоқ орқасига ўтиб, ўтириб оларди-да, бир нафас олганича шиддат билан узундан-узоқ вахимали ули тортарди. Оламдаги барча овоз бунинг олдида ип эшолмасди — бу овоз қоронги кечада шунағанги силлиқ, разон, мунгли янгрардики, киши ўпкаси тўлиб кетарди. Гусъков бўрини ҳеч нима билан қўрқита олмаслигидан изтироб чекиб, бир кечаси эшикни қия очди ва жаҳл билан унинг жигига тегиб, ўзича увиллаб жавоб қайтарди. Жавоб қайтарди-ю, ҳанг-манг бўлиб қолди: овози бўрининг овозига жуда ўхшаб кетганди. Хўш, нима қилибди, мана сизга яна бир ҳақиқат: бўри билан яшасанг бўри бўлиб увлайсан. «Софдил одамларни қўрқитишга яраб қолади», — деб ўйлади Гусъков худбинлик ва аламзада бир гурур билан.

Гусъков бўрига қулоқ солиб туради-да, ўзи ҳам қандайдир мамнунлик, эҳтирос ва сабрсизлик билан увиллай бошларди. Кейин у бўрининг овозига қараб, ўз камчилигини тўғрилаб оларди. Секин-аста, тундан-тунга Гусъков томогини қисиб, бошини орқага ташлаб, овозидаги ортиқча хириллашни йўқотди ва осмонга баланд, тиник, бураб-бураб садо чиқаришни ўрганди.

Ахийри бўри тоқат қиломасдан қишлоғни ташлаб кетди. Аммо Андрей энди усиз ҳам жуда дўйндириб юборарди. У юраги жуда сиқилиб кетган пайтларда эшикни очарди-да, шўхлиги қўзгандай, эрмак учун тайгани бозига кўтариб, ҳафсала билан аянчли увилларди. Кейин у ўз овозидан олис-олис ерларгача ҳамма нарсанинг сув сепгандек жимжит бўлиб қолишига қулоқ соларди.

## 9

Март ойининг ўрталарида фронтга кетганлардан биринчи бўлиб, Максим Вологжин Атамановкага қайтиб келди. Агар Петр Луковниковни ҳисобга олинадиган бўлса, биринчи эмас: Петрга урушнинг иккинчи йилида ёки ўйига жавоб бериб юборишганди, аммо жон таслим қилиш учун жавоб беришган экан. У икки ой ўтдай ёниб, азоб чекиб ётди, деярли кўчага ҳам чиқолмади, дала ва полизлардаги экин-тиқинлар йиғишириб олингандан кейин оқ ими-жимида жон берди. Шунисига ҳам шукр, ахир гўри ёт ўлкаларда эмас, ўз юртида.

Максим эса, гарчи ярадор бўлса ҳам ҳаёт кечиргани келди, келганда ҳам бутунлай, пок-покиза бўлиб келди. Атамановка шошиб, ҳовлиқиб қолди. Модомики ярадорларга уй-уйларига жавоб беришибдими, демак, якин қолиди, демак ҳадемай унинг кетидан бошқалар ҳам кела бошлайди. Бу ишда муҳими, йўл очиб бориш керак, кейин бошқалар шу издан кетаверади. Аммо шуниси ҳам борки, бу издан юрадиган одам оз қолди. Ҳар бирӣ ишда аниқ ҳисоб-китобни яхши кўрадиган Иннокентий Иванович Атамановка йигитларининг баракаси қандай учеб кетаётганини рақамларда кўрсатди: икки киши фин урушида қолиб кетди, ўн саккиз киши уруш даврида фронтга жўнади. Бугунга келиб аниқ тириги бир киши (Максим Вологжин) биттаси (Петр Луковников) гўрида ётгани ҳам рост, хотин-халажлардан ўнтасининг қўлида қорахат бор, қолганлари жанг қилялти. Қишлоқ кичкина, одамларини бармоқ билан санаб чиқса бўлади.

Ўша куни Настена, Надъка ва Лиза Вологжина омборда шамол машинада уруғлик арпани тозалашаётган эди. Тушдан кейин Нестор Каръасини чоптириб келди-да, жиловни тортиб, отни кейинги икки оёғида тикка қилиб қичқирди:

— Қани, сакра, Лизавета, тезроқ отга мингаш, тезроқ, кимга айтяпман! Максим келди.

Лиза ундан ўзини четга олди, докадек оқариб кетди-ю, ҳўнграб юборди ва шу ҳўнграганича қишлоққа қараб югурди. Бу вақтда Атамановкадагилар типирчилаб қолганди. Омборлар турган тепалиқдан қишлоқнинг юқори чеккасига, Вологжинларнинг уйига қараб болалар ва итларнинг чопиб кетаётгандари, қарияларнинг ҳам ҳовлиқиб, гаплашиб, ўша ёққа бораётгандари кўриниб турарди. Нестор эса, йўл-йўлакай милтиқ отиб тўс-тўпонини кучайтириб, яна қаёққадир от қўйиб кетди. Одамлар ундан ўзларини четга оларди, Каръка эса, ўқ овозидан ҳуркиб пишқиарди, аммо энди Несторни тўхтатиб бўлмасди, у қишлоқнинг гоҳ нариги бошига, гоҳ бу бошига отини елдираркан, ўқ узгани-узган эди.

— Ҳеч бўлмаса шунаقا урушиб хуморидан чиқсан, — деди Надъка жаҳл билан. — Ана керак бўлса генепул!

У дон солинган қопга ўтириди ва секин-секин жаҳлидан тушиб, қайғу-ҳасрат билан деди:

— Ландавур эрим жөнини асраб қололмади-я... Намунача менга тикилиб қолдинг? Нима, ютўгрими? — деди

у таажжубланиб қараб турган Настенага дағдаға қилиб.— Болаларни қаторлаштириб қўйиб... мардларча ўлибди. Хўш, унинг мардларча ҳалок бўлганидан менга нима фойда, энди мен нима қиласман? Анавиларни боқаманми ўшанга?— Надъка учта боласи қолган уй томонга ишора. қилди ва чанг босган юзига кўз ёшлирини суркаб йиғлади.— Бир этак бола билан энди мени ким ҳам оларди? Энди йигирма еттига кирдим. Йигирма етти ёшимда адойи тамом бўлдим. Э, қуриб кетсин-е ҳаммасиям.

Шу куни бошқа ишлашмади. Тозаланган арпани йигиштириб олишди-да, уй-уйларига кетишиди, йўл-йўлай омборчи хотинга омборларни беркитиб қўйишини таинлашиди.

Үйида ҳатто Семёновна ҳам печкасидан тушибди, иҳраб-сиҳраб, ҳар қадам қўйганда икки букилиб, қотиб қолган сёқларини ёзарди. Ҳовлиқиб, гангиг қолган Михеич унинг ёнида ғимиirlарди. У хурсанд бўлиб Настенага деди:

- Эшитдингми, Максим Вологжин келибди?
- Эшитдим.
- Ўша томонга ўтмадингми?
- Йўқ.

— Бориш керак эди... балки у Андрей тўғрисида зора бир нима билар.

— Ўзинг бойсанг бўлаймиди, чол,— деб иҳради Семёновна.— У-буни билиб келайдинг. Настена ёлчитиб сўролмайди ҳам.

— Ниманиям сўрарди? Бирон гап бўлса, ўзи ҳам айтади.

- Вой-ей, билганлайингни қилинглай.

Кейинги вақтларда, Андрей дом-дараксиз бўлиб кетгандан кейин, Михеич ўзини одамлардан олиб қочиб юришини Настена пайқаб қолган эди. Отхонада, албатта, одамлардан қочиб қутулолмасди, аммо уйга келгач, ивирсиб юарди, илгаригидек қариялар олдига чиқиб, чекишмасди, гаплашмасди. Ҳатто, борди-ю, унинг олдига битта-яримта кирганида ҳам, у кўпроқ жим ўтиради. У гаплашиб ўтирганда ким нима деса, сеники маъқул дегандек бош қимиirlatiш одатини чиқарди, аниқроги, ўзи кам галириш учун шундай қиласарди. Гоҳо у бир ўзи хаёлга чўмиб, хира кўзлари билан бир нуқтага тикилиб ўтирганида ҳам бошини иргаб қўйиши мумкин эди. Бундай пайтда унинг бошини нима қотираётганини, у ёлғиз ўтириб, нимани маъқуллаётганини ўзи ҳам билмасди,

аммо у қандайдир ҳали номаълум, яқин-орада рўй берадиган бир кўнгилсизликни ҳис этиб, ниманидир комил ишонч билан кутарди.

Бу йил у роппа-роса олтмиш бешга кирди. Унинг урушдан олдин йигитларга ўхшаб юқорига бураб қўйилган мўйлови энди осилиб, сарғиш тусга кирганди. Боз устига Михеичнинг башараси ҳам жуда ҳоргин, ноchor кўринарди, бундай пайтда на уйқу, на дам олиш фойда берарди. У юрганида бошини орқасига ташлаб, қаддини гоз тутиб юрарди, кейинги йилларда у биринчи герман урушида ярадор бўлган оёғини ҳаддан ташқари судраб босадиган бўлиб қолганди, аммо Михеич ўтирди дегунча дарров бошини қуи соларди-да, кўзини юмарди, кейин ичини қурум босган катта қорнини шишириб, қаттиқ-қаттиқ йўталарди. Печка устида ётган Семёновна сабри тугаб, бас қилсанг-чи, деб бақираварди. Михеич эса, индамай йўталгани-йўталган эди, у шу йўталганича ҳовлига чиқиб кетарди-да, бирон ишга уриниб, секин-аста тинчиб қоларди, лекин анчагина кучаниб, ўпкаси фижиллаб нафас оларди. Кўпинча у йўталини яна шу тамаки билан босарди — бу абадий хуморбостига бир умр пона уриб, пона чиқаришга ўхшарди, вақт ўтган сари бу ҳол баттар авжига чиқарди, шундай қилмаса, чидаб туролмасди. Унинг овози бўғилиб, жаста бўлиб қолганди, кўзлари, гўё оғирликдан чўкиб кетгандай қисилганди, озғин юзининг суюклари янада туртиб чиққанди — Михеич бир йил ичиди ўзини шунчалик олдириб қўйганди, Настена шуларни ўйлар экан, буёги нима бўларкин, деб юраги орқага тортиб кетарди.

— Бора қол, ойим қизим, бора қол,— деб у Настенани жўнатди.— Мен ҳали отхонага ҳам боришим керак.

Вологжинларникига бир ўзим бормайман, деб Настена ғизиллаб Надъканикига кирди. Надъка, одатдагидек, болалари билан олишиб ётганди. Отаси урушга кетгандай кейин туғилган энг кичкина Лидка, чамаси ҳозиргина шапалоқ еган бўлса керак, полда ўтириб, бор овози билан чириллаб йигларди; каравот ёнида Петъка ҳиқиллаб туарди: энг каттаси Родъка деразага қараб ўгирилиб олганди. Надъка тор кутда<sup>1</sup> даранглатиб идиш-товоқларни иргитар, аҳён-аҳёнда томогини йиртиб, жим бўлинглар, деб болаларга ўшқиради.

— Нонни бир амаллаб икки кунга етказай девдим, келиб қарасам, аллақачон еб ютишибди,— деб шикоят

<sup>1</sup> Кутъ — хонанинг ошхона вазифасини ўтовчи бурчаги.

қилишга тушди у Настенага.— Қани, ўзинг айт, ахир бунар юҳо эмасми, юҳо эмасми! Бу текинтомоқларнинг топиб олганини қара-я. Ейишга ебди, тиқилиб ҳам ўл мабдид. Энди сизларга овқат бериб бўлман, энди уч кунгача увоқ ҳам бермасман сенларга. Бас қиласанми-йўқ-ми?— деб бақирди у яна Лидкага.— Жонимни бўғзимга келтирдинг, бир адабингни бериб қўймасам, қараб тур ҳали. Нонни қорнига урган бу бўлсаю чириллатанига ўлайми, тагин айбордor мен эканман-да. Вой худойим-эй! Нега сенларни ер юта қолмайди-я! Энди мен сенларни нима билан боқаман, нима билан? Бор-йўги бир хамирлик уним қолган, кейин ҳаммамизни бир қопга тиқиб, Ангарага ташлаб юборса ҳам бўлади. Мен шу савил қолгур унни йиглаб-сиқтаб юриб, икки марта ёздириб олувдим. Энди менга ким ҳам ун берарди. Қани энди бу зумрашалар сал тушунса. Ахир анави лапашанг, кичик эмас-ку,— Надъка қўли билан Родъка томонга ишора қилди,— сал ўйлаб кўрса бўлмайдими — йўқ, дозирию ҳузури, юта қолса, фақат онани алдаш пайида. Нима, мен уни ўзимга яшириб қўйибманми, ўзимга асраб қўйибманми? Сенларга асраб юрувдим, текинхўрлар, очкўзлар, эртага амал бўлар деб. Очликдан ўлиб қолманглар дебман. Шунақа бўлса, энди ўлсаларинг ўлаверинглар, сираям ачинмайман.

— Ҳадемай Ангарада муз эрийди, балиқ тутаман,— деди Родъка тўнгиллаб дераза олдида.

— Сен унингни чиқармай тур: балиқ тутар эмиш-а. Утган йили тутган балиқларингни еб улгурмовдик, мана, ҳали ҳам еб ётибмиз. Суякларини қаерга қўйсак экан деб бош қотириб ётибман. Тек тур, овозингни эшитмай. Ҳе, сендақа балиқ тутувчидан ўргилдим-е. Сен Ангарада эмас, қазноқда яхши балиқ тутасан.

Настена зўрга унинг гапини бўлди.

— Юр, Надъка, Максимни кўриб келамиз. Эркаклар қанақа бўлиб кетганини кўрамизу қайтамиз.

— Э, э, нимасини кўраман? Бекорга ярангни янги-лайсан. Бироннинг бахтидан менга нима, занги юқариди.

— Нима, бормайсанми?

— Э, шошмай тур, бораман. Сал у ёқ-бу ёқни йигиши-тириб олай, манавилардан кўнглим тўқ бўлади. Қоқиай қозиқдай тураверма у ерда,— деб қичқирди у Родъка-га.— Утин олиб келиб печкани ёқ. Кўзимни шамгалат қилиб қочишини хаёлингга келтирма. Вой-бўй, қовогини осилганини-я, бирон ёққа жуфтагини растлаб қолмоқчи-

да. Билиб қўй, уйдан бир қарич қимирламайсан. Бирон-  
тагдам орқадан дум бўлма.

Лидка онаси кетаётганини фамқлади-да, яхининга  
тушди:

— Мен ҳам бораман. Мени ҳам олиб боринг, олиб  
боринг.

Онаси унга бурчакдан товани кўрсатди, шундан ке-  
йин Лидка тушунгандай жим бўлиб қолди.

— Кўрдингми? Ана шунача. Дамингни чиқармай,  
ўтирган ерингда ўтиравер. Мен билан борармиш-а. Бир  
ками бировларнинг олдида сенлар билан бигиллашишим  
қолувди ўзи. Бошқаларнинг болалари бинойидек, бу  
расволар, билмадим, худонинг газаби. Булар ким бўли-  
шаркин-а, ким бўлишаркин-а, биронта одам айтсаиди  
менга.

Настена Лидкани полдан кўтарди-да, деярли унинг  
огирлигини сезмай олиб бориб каравотга ётқизди. Лидка  
каравотда шу заҳоти гужанак бўлиб олди-да, ҳиқиллаб,  
ҳиқиллашдан муштдеккина вужуди титраб, бугун ўйин-  
кулги деган нарса сувга уриб кетганини ва энг яхиси  
эрталабгача тош қотиб ухлащ эканини тушуниб, кўзини  
юмди. Настена қизчанинг бошини силади, лекин бу эр-  
калашдан Лидка баттарроқ титрарди, шунинг учун Нас-  
тена қизчанинг ёнидан нари кетди.

Надъканинг шанғилигини ёқлаб бўлмаганидек, уни  
қоралаш ҳам қийин эди. У урушдан олдин ҳам лафзи  
тез аёл эди, айнича унинг инжиқ феълини ёқтирмаи  
қўйган қайноаси у билан сира муроса қила олмади,  
шунинг учун Надъка билан Витя орадан кўп ўтмай рўз-  
горларини бошқа қилиб олишларига тўғри келди. Надъка-  
нинг қариндош-уруглари қаердадир. Ленада туришарди,  
Надъка бу ерда келгинди, бегона ҳисобланарди. У пешона-  
си ярақлаб Витяга йўлиқиб қолди: Витя меҳнаткаш, ваз-  
мин, хушфеъл йигит эди, Надъка юз жигибийрон бўлиб  
гапирса ҳам, у оч сариқ сочини пешонасида осилтирга-  
нича кулимсираб тураверарди. Жуда жонига тегаверса,  
Надъкани маҳкам қучоқлаб оларди-да, ҳазиллашиб, бел-  
куракдек кенг кафти билан нозик бир ерига уриб қўяр-  
ди, шунда Надъка гул-гул очилиб кетарди. Умуман у  
ўзи жанжалкаш аёл эмасди, шунчаки, шўх, тўполончи  
эди; Надъка қаерда бўлса, албатта, ўша ерда шовқин-  
сурон, ўйин-кулги, ҳазил-мутойиба авжга чиқарди, бу  
ҳангома ҳаммадан кўпроқ Надъка туфайли бўларди, ле-  
кин у бўлмаса, бунача ҳангома бошланмасди ҳам. Агар  
уруш бўлмагандагу, у тезроқ ҳовуридан тушиб, бола-

лари билан Витяйнинг олдида ипакдай бўлиб қоларди-я, кейинги вақтларда ўзи ҳам анча қуиилиб қолувди, аммо уруш бошланиб қолиб, қишидаёқ Витяйнинг ҳалок бўлиши Надъкани гангитиб, серзарда қилиб қўйди. Надъка Витя, га шунчалик куйиб-пишдики, унинг дод-войидан юраи қинидан чиқиб кетай дерди. У ўшандаги энтигина кўзи ёриган эди. Надъка гоҳ ўрмонга, гоҳ соҳилга кетиб қолавер ганидан Атамановкадагилар Надъка ўзини бир бало қи-либ қўймаса эди, деб қўрқиб, бориб қизчангага қара, дея уни уйига жўнатишарди. Аммо ҳаммаси ўтиб кетди: куя, қуя куймай қўйган Надъка яна ишга чиқа бошлади, бола, ларни боқиш учун ўзини ўтга, чўққа урди. Суянадиган одами йўқ эди: қайноаси Надъкани ёмон кўрганидан набираларига ҳам рўйхуш бермасди. Надъка қанчалик елиб-югурмасин, топган-тутгани доим учма-уч эди. Ҳа-лок бўлган фронтовик оиласига ажратилган қўшимча дон-дунни Надъка қишидаёқ олиб бўларди-да, кейин ўзи-ни минг ёқса урадди-ю, барibir на овқатга, на кийим-кечакка ёлчирди. Болаларнинг ҳаммаси Витяга тортган-ди; соchlари оч сариқ, камгап, уруш ва асабийлашиб қолган Надъканинг феъл-атвори эса болаларни қўрқон, ювош қилиб қўйганди. Чамаен, болаларнинг ўзлари ҳам омон қолишлирига кўзлари етмасди. Учалови ҳам кўча ёшик олдига чиқарди-да, оналарининг йўлини пойлаб, кўзлари тўрт бўларди, удар шунчалик гарис, ғамзада әдиларки, киши юраги туздай ачишиб кетарди. Раҳмдил одамлар Родъкани чақириб, әргаштириб боришарди-да, қўлига бирон нима тутқазишарди. Родъка эса олмайман ҳам деб қўярди. Настена ҳам қўлидан келганича Надъканинг болаларини ардоқларди, айниқса қизчасини, аммо кейинги ҳафталарда ўз ғами билан бўлиб болаларни деярли унутиб юборганди, ҳозир эса, йиглаётган Лидкани кўтариб, каравотга ётқизар экан, қизча олдида гуноҳкор эканлигини ҳис этди.

У Надъкани кутиб тураркан, қош ҳам қорайиб қолди, кундузи иссиқдан ғоваклашган қор қотиб, оёқ остида ёқимли гичирларди. Қишлоқнинг бутун қуий чеккаси гўё биёбон эди — на бирор овоз, на тиқ этган товуц әштиларди, фақат уч-тўрт кампирнинг уйидагина чироқ хира милтиллаб турарди. Ҳатто итлар ҳам Вологжин-ларнига югуриб кетганди, ўша ердан уларнинг эрка-ланиб акиллашлари қулоққа чалинарди. Болаларнинг тўполони, бақириқ-чақириқлари ҳам ўша ерда әшти-ларди. Настена билан Надъка индамай қадамларини ростлаб, сиполик билан борар экан, умумий шодлии

қаяжони уларга ҳам таъсир қилганди. Бир одам булар билан бирга қолиш учун анави ёқдан, урушдан, жаҳаннам оташидан келди — барча эркаклар номидан чо-пар, хабарчи бўлиб келди: озгина сабр қилинглар, ҳадемай ҳаммаси узил-кесил маълум бўлади: бирорвлар сўнгги умидини ҳам узиб, зор-зор йиғлайди, бирорвлар эса, суюнади, ҳаммаларинг эса, биргаликда янги ҳаётни бошлашларинг керак.

Вологжинларнида одам кўп, гала-говур эди: шифтга осилган иккита ўнинчи лампа катта меҳмонхонани чароғон қилиб юборганди. Стол бошида озиб, қорайиб кетган, сочи худди маҳбусларга ўхшатиб калта қирқилган, кўзлари катта-катта Максим курсандлигидан бўшишибгина ўтиради. Бинт ўралиб, дока билан тортиб қўйилган ўнг қўли бўйини оғритиб осилиб туради. Ўнинг чап тиззасида отасининг гимнастёркасидағи медалларни жиринглатиб ўйнаб, Вологжинларнинг иккинчи, қичик қизлари, олти яшар Верка ўтиради. Олдин Надъя келди, қўл бериб Максим билан сўраши-да, кейин деди:

— Эсон-омон қайтганинг билан табриклайман!

Ундан кейин Настена ҳам:

— Эсон-омон қайтганинг билан табриклайман, — деди.

Жисплаб қўйилган икки стол атрофидаги скамейкаларда чоллар, хотин-халажлар ўтирганди; Максимнинг ёнида, ўнг томонида Максимнинг отаси Ефим бувани ўғлидан суреб, аллақачон қайфи тароқ бўлган ҳам дўст, ҳам оға Нестор тарвайиб ўтиради, чап томонда эса Лизага жой қолдиришганди, лекин у ўчоқбошидан меҳмонхонага, меҳмонхонадан ўчоқбошига югуриб аранг улгуради. Одатда қонсиз, маъюс юзли Лизани таниб бўлмасди, у гул-гул очилиб кетганди, хурсандликдан энтикар, кўзлари чақнарди, мовий кофточкаси остидаги чўккак кўкси қайта тепчиб, яйраган эди. Лиза бутун борлиги билан кулар, яйрар, порлар эди. У Настена билан Надъкани ўтиргизди-да, чидаб туролмай, уларни қулоқлади, бағрига босиб, шивирлади:

— Эрталаб ҳеч гапдан хабарим йўқ эди. Ахир бирга арпа тозаладик-ку. Арпа... — у энтикиб қўйди-да, кулиб юборди ва қочиб кетди.

Максим кулимсираб, уларга — Настена билан Надъкага қаради. Иккала жувон столнинг бошқа томонида, нариги бошида шундоқ рўпарасида ўтирганди. Настена ерга қаради ва Максимнинг:

— Хўш, Настена, сен энди эрингни қачон кутиб оласан? — деб сўраганини эшитди.

— Настена қисмийиб, қызарив, кетди; у сеҳин бошини кўтариб, иложи борича хотиржам жавоб берди:

— У билан дийдор кўришинга ҳам ақлим бовар үзимай қолди. Эрим негадир дом-дараксиз...

— Ким, Андрей дом-дараксизми?

— Жа, госпиталда ётувди... у ҳам ярадор эди. Госпиталдан кейин яна фронтга жўнатишганди,— Настена ганирар экан, ҳаммадан ҳам Иннокентий Ивановичниң синчковлик билан тикилиб турганини пайқади.— Шундан бери дом-дараксиз. Билмайман... Ҳеч нимадан жа-барим йўқ.

— Гам ема, топилиб қолади.

— Ахир у... чиндан ҳам ном-нишонсиз,— деб тунутира бошлади Иннокентий Иванович, Настенага қараб қўйиб.— Суриштириб келишди, сўрашди. Ҳужжатларга қараганда, ҳеч қаерда йўқ шекилли.

— Кетаётганда йўлда бошқа қисмга ўтказиб юбо-ришган бўлса керак. Бунақа ҳодиса жуда кўп бўлади. Ҳатларнинг ҳаммаси ҳам жой-жойига етиб боравермайди,— деди Максим комил ишонч билан, Настена ишонч билан айтилган бу гапдан шу заҳоти енгил торти, гўё у чиндан ҳам Андрейга нима бўлганини билмайдигандай эди.

Қизиқ: на умид қилган, на-да кутган Лиза бунча нарсаларни қаёқдан топа қолди — столнинг устида минг хил ноз-неъмат. Турган гапки, товуқни бугун сўйишган, аммо тузланган тўш ҳойнаҳой ёздан бери сақланиб келаётгандир, бу тўш ҳам бир эмас, икки эмас, бир неча йилдан бери чирпитда интизор бўлиб турган самогон сингари атайлаб мана шунаقا кунга асраб қўйилганди. Бироқ кимсасини кутаётган бошқа хотинлар ҳам ана шунаقا: ўзи оч қолади, болаларни тузуккина тўйдирмайди-ю, аммо висол чогига ғамлаб қўяди. Бу аёллардан қанчадан-қанчаси кўз ёши тўкиб, яшириб қўйганиларни дастурхонга тортмади дейсиз! Утган йили қузда Агафья Сомова ўғлидан қорахат олди, дастлабки кунлари дод-фарёд қилиб юрди-да, кейин хотин-халажларни йигди, уруш вақтида борлиги ҳам эсларидан чиқиб кетган спиртни олиб стол устига қўйди, қўймоқ, кисель билай бирга яна ҳар хил майда-чуйдалар ҳам тайёрлади, ўша спирт ўғлининг маъракасида ичилди. Ҳа, бундай кулфат биргина Агафьянинг бошига тушгани йўқ, энди бунақани санаб, саногига етолмайсан, яна кимнинг қисматида бундай кулфат борлиги ҳали маълум эмас. Ҳозирча фақат Лизанинг орзуси ушалиб турибди.

Лиза меҳмонларга ароғ қўйгач, дастурхон атрофида гиларнинг ғала-ғовури авжга чиқди. Нестор ашула айтишта тушди, аммо ҳеч ким унга жўр бўлмади, унга, умуман, негадир ҳеч ким ёътибор бермасди. Чөллардан баъзи бирлари столдан турди-да, девор ёнига бориб чўнқайди ва тамаки ўраб чека бошлади: қариялар шу ерда ўринларидан турмай, Лиза узатган стаканларни олар ва уришириар эдилар. Иннокентий Иванович туриб, Максимнинг ёнига ўтириди ва билагонлик қилиб Америка тўтрасида, унинг қандай урушаётгани ва у ерда қачон революция бўлиши ҳақида жиддий гап бошлади. Максим истар-истамас жавоб қайтарарди — Иннокентий Иванович бу ҳақда, айниқса революция хусусида кўп нарсани билиши кўриниб турарди. Верка отасининг тиззасида мудрай бошлади; Лиза уни олиб бориб ўрнига ётқизмоқчи эди, аммо Вера отасига ёпишиб олиб, чириллади — уни ўз ҳолига қўйишга тўғри келди. Кимдир Максимдан қўли хусусида сўраб қолди, кейин Максим — биринчи марта бўлмаса керак, госпиталда қўйни кесмоқчи бўлишганини, лекин у унамаганини,— чан қўли бўлсаям майлийди-я, ахир асосийси ўнг қўли-ку, у бўлмаса бутунлай ногирон бўлиб қолади-ку,— аммо ҳали ҳам бу қўли кўп овора қилишини гапириб бера бошлади. Бир стакан самогонни отиб олган Надъка қизиқиб сўради:

- Уни... бир четга сурса бўладими?
- Бир четга? Нимага энди?
- Ахир кечаси ҳалақит бермайдими?

Максим кулиб юборди:

- Ҳалақит берса, Лиза кесиб ташлайди.
- Мен сени, Надъка, бунақа гапинг учун колкоздан ҳайдайман,— деди Нестор ишшайиб.

— Овозингни ўчир. Ҳайдармиш-а. Ишқилиб ўзингни думингни туғиб қўйишмасин тагин,— деди Надъка баланддан келиб, аммо зарда қилмай, фақат узиб олди.— Йигитлар келишса, қўлтифингга сув пуркаб қўйишади. Хўп зугумингни ўтказдинг, шуниси ҳам етар. Одамларни оёғингнинг учи билан кўрсатдинг. Пичоғинг ҳамиша ҳам мой устида бўлавермайди.

— Мен сизларни оёғимнинг учи билан кўрсатдимми?— деди хафа бўлиб Нестор,— А, хотинлар? Кеккайдимми?

Аёллардан биронтаси миқ этмади.

— Унинг гапини қўявер,— деди йўгон, дўриллаган овозда Василиса Рогова Несторнинг ёнини олиб. Семиз,

қўпол, уруш даврида заррача озмаган бу аёлни қишлоқ-дагилар Доно Василиса дейишарди.

— Нимасини қўяди? Нимани?! Нима, нотўғрими?

— Оғзингга келган гапларнинг ҳаммасини ҳам Надежда, кўпчилик олдида айтиб бўлмайди,— гердайиғ насиҳат қилди Доно Василиса.— Фронтовик ҳали осто-насидан ҳатлаб ўтмасидан бурун сен унга пичинг отяпсан.

— Қанақа пичинг экан? У, авваламбор тун бўйи сен билан менинг валақлаганимизга қулоқ солиб, Лиза ёсига ҳам келмайди дейсанми? Аслини олганда, унини битта қўлигина шикастланган, холос, бошқа ёқлари бинойидек.

Максим яна кулиб юборди, унинг кетидан чоллағ ўйтал аралаш ҳахолашиб кулишди.

— Биламан,— деди Надъка унга ёпишиб,— сен Василиса, мендан қўрқасан. Қўрқмасанг ҳам бўлмайдида: Гавриланг келса ҳаш-паш дегунчча бошини айлантириб, ўзимга қаратиб оламан. Мен сендан анча ёшман менга тенг келолмайсан.

— Гавриладан кўнглим тўй,— деб жавоб берди Василиса истехзо билан.

— Қизиқ, нима сабабдан ундан кўнглинг тўқ-а? Нима, у авлиё эканми?

— Авлиёликка-ку авлиё әмас-а, аммо сен билав овора бўлиб юрмайди. Шундай яхши қушини ҳаккага алишириб нима қилади? Сен бир ҳакка бўлсанг, шақашақа қилишдан бошқасини билмасанг.

— Вой, аnavининг ўхшатишини қаранглар-а!— деди Надъка хурсанд бўлиб тез-тез.— Майли, мен ҳакка бўлақолай, аммо сен қанақа яхши қуш экансан-а? Аnavи қағиллашдан бошқани билмайдиган қора қарға сен әмасмисан-а?

— Йўқ, Надежда,— қизгиш соқолини селкиллатиб, айёрлик билан жилмайганча, гапга аралашиб Иннакентий Иванович.— Сен Василисанинг тагига етолмайсан, унинг таги мустаҳкам. Ахир Гаврила фронтдан посилькаларни сенга әмас, унга юборяпти-ку. Бу йил, чамамда, бешта посилька олдинг шекилли, а?— у Василисага юзланди.— Еки кўпроқми?

Василиса тутилиб:

— Санаганим йўқ,— деди.

— Василиса ҳатто уларни очгани ҳам йўқ,— деб кесатди Надъка.— Курси ўрнида ишлатиб юрибди.

— Нима қилсам қиласвераман, бу сенинг ишинг эмас.

Аммо Надъка қизишиб кетганди, энди уни тўхтатиш осон эмасди.

— Сен, Лиза, қизил аскарингдан нечта посилка олдинг? — деб сўради Надъка.

— Биттаям олганим йўқ.

— Агар мен бўлсан, шунача қилса уни остонаяга яқин йўлатмасдим. Нима бало, ўзинг ҳам ўлгудай лапа, шанг, ҳеч нимага тушунмайдиган овсармисан дейман? Яна оғзинг қулогингда-я.

— Менга посилка-мосилкаси керак өмас,— хурсанд бўлиб қулиб юборди Лиза.— Мен бугун сигирни сўйлик дедим. Ёлгон гапирсам, мана, дадам гувоҳ: зиёфат зиёфатдай бўлсин-да, келинглар, сигирни сўйлик дедим! Улар мени авраб қўйишмади. Ундан бўлса, товуқларни битта қўймай сўйинглар, қайтиб турқуни кўрмайин дедим. Улар товуқларга ҳам қайишишди. Худо хоҳласа, ҳаммасини топамиз, ишқилиб бирга бўлсанк бўлди. Бир ўзим икки букилиб тамом бўлдим, қайғу-ҳасратдан икки букилиб қолардим ё бўлмаса ўзимни бир бало қилиб қўярдим.

— Демак, икки букилиб қолардим дегин? — деб чўзib, имлаб чақириб қайта сўради Надъка.

— Ҳа, икки букилиб қолардим.

— Ё бўлмаса ўзингни бир бало қилармидинг?

— Бўлмаса-чи.

— Намунча олиб қочмасанг-а, Лиза? — деб Надъка муғамбирлик билан гап бошлади-ю, аммо чидаб туролмади, аламидан овози титраб, юрагидагини тўкиб солди: — Бу нима деганинг, демак, мен ҳам, манави Катерина, Вера, Капитолиналар ҳам ўзимизни бир бало қилишимиз керак экан-да, а? Шунақами? Нима, сен уни ҳаммадан кўра кўпроқ севардим, ҳаммадан кўра кўпроқ кутган эдим, демоқчимисан? Демак, сенингча, уларни биз ўзимиз йўқ қилган эканмиз-да? Сен, Лиза, биз кўрган кунни кўрганинг йўқ, шунинг учун бунача дема. Ўзимни нима қилсам ҳам менга ярашарди, хўш, болалар-чи, улар нима бўларди? Бу ёруғ оламда ундан қилган нусхайи нишона ана шу болалар-ку, қанақасига уларни нобуд қилиб бўлади? Сен қаёқдан биласан, чала-дай тутаб тамом бўлдим, энди куядиган жойим ҳам қолмади, кул бўлган нарса эса, секин-аста учиб, тўзиб кетади. Мана, энди сен пошшо ойим бўлиб яшайверсан, қучоқлашасан, әркаланиб, тантиқланасан, хўш-

мён-чи, чўриман, нима иш бўлса, балогардонман, бўқув-чиман, энди мен ўвимни деб ящамайман. Агар шунаҳа кўнларга қолишимни билганимда олдинроқ маза қилиб яшаган бўлардим, кейин лоақал кўрган кўнларимни эслаб юрардим, мен бўлсам, кейин бўлар, кейин бўлар, деб юраверибман, беками-кўст яшайин деб умримни ўтказиб юборибман, мана, оқибати. Энди ётганда ҳам, турганда ҳам кўз олдимга уруш келади, буни ҳеч нима билан эсдан чиқариб бўлмайди, қолганлари унтилиб, ўчиб кетди — йўқ энди.

Лиза дарров гуноҳини бўйнига олақолди.

— Вой, мени ёзгирманглар, хотинлар, оғзимдан чиқиб кетибди.

— Сени нима деб ҳам ёзгирадик. Модомики, толеяниг бор эканми, биз учун ҳам маза қилиб яшайвер. Аммо кўзингни оч: агар ёмон яшасанг, ўзингдан кўр! Аяб ўтирумаймиз — гапнинг пўскалласи ана шу сенга. Виринчи бўлиб ўзим сенга чоҳ қазаман. Эркакларимизнинг уерда ҳалок бўлиб кетишига биз айбдор эмасмиз. Тўрими, Максимушка, айбдор эмасмиз-а? Очигини айт бизга.

— Айбдор эмассизлар.

— Гап бундай бўпти. Пешонамиз шўрлигидан биз хафа бўлсан арзиди. Энди бу алам ўла-ўлгунимизча кўкрагимиздан кетмайди. Сенинг эса, Лиза, армонинг йўқ. Энди сизлар фақат ўйнаб-кулиб яшашларинг керак, бу ёғи ҳаммаси ўзларингга боғлиқ. Агар бирор гап бўлса, билиб қўй: мени, уни, анавини — ҳаммамизнинг бошимиизга тушган савдони элдан бурун сен бахтинг билан юзимизга соласан, агар пешонамизда бўлганда бди, бизнинг ҳам бахтимиз кулиб боқармиди. Биз эса, бундан бенасиб бўлдик. Ортиқча гапга тоқатимиз йўқ — тушунарлимис?

Тарақлаб эшик очилди-да, хонага болалар кириб келди. Лиза уларни ҳайдаб чиқаришга отилди, лекин улар бир овоздан чугиллади:

— Манавига беришмади — манавига.

— Бу ҳозир келди.

— Максим амаки, бунга беришмади.

Болалар Родъкани стол олдига итариб чиқарди. Надъка уни кўриб, бақириб берди:

— Сен қаёқдан келиб қолдинг бу ерга? Мен сенга нима деган әдим-а? Мен сенга нима деган әдим. Қани, дарров туёғингни шиқиллат-чи.

Родъка қимирламасдан эзилиб, кўзларини лўқ қилиб, Максимга қараб турарди. Максим унинг мўлтиллаб бо-

ҳаётганини кўрди ю, қиачасини секин полга тунирди да, урнидан турди.

— Бу сенмисан, Родион? — деб у бўгиқ овозда секин сўради.

Родъка шоша-ниша бош иргади.

Қани, бир сўрашиб қўйайлик бўлмаса,— деди Максим боланинг олдига келиб за соғ қўлини узатди.— Қара-я, ўсиб кетибсан, кап-катта йигит бўлиб қолибсан. Қандингни ур. Нега бунча кеч келдинг?— Максим токчадан бошиқа болаларга ҳам берган гулдор думалоқ прянникдан олди-да, уни Родъкага узатди. Родъка прянникни олди.— Бор совға-саломим шу, бошиқа ҳеч нимам йўқ. Бир маза қилиб егин, ука. Эртага кундузи вақтинг бўлса, кел, гаплашамиз. Бугун, ўзинг кўриб турибсан, вақти эмас. Эртага келасанми?

Родъка яна бошини иргади ва эшик томонга тисарилди. Болалар унинг кетидан уймалашиб, чугурлаганича ташҳари чиқди.

— Қара-я, кап-катта бўлиб қолибди,— Максим қайтиб ўрнига ўтиаркан, ҳайрон бўлганича маъюс тақрорлади.

— Ҳа, катта бўлишяпти,— деди Нестор дадил, у одати бўйича сухбат жиловини ўз қўлига олишга шошилаётганди.— Уларга уруш ҳам писанд эмас.

— Уша уруш яқин-орада тугай дейдими ўзи?— тўсатдан сўраб қолди Лиза.— Сен, Максимушка, ўща ёйдан келдинг, қани, айт-чи, ҳали яна кўп кутамизми?

— Сен учун уруш тугади,— деди Надъка секингина, аммо Лиза эшитиб қолиб, хафа бўлди:

— Нега энди мен учун тугар экан? Нима, сен эри келди, энди унинг бошиқа нарса билан иши йўқ, деб ўйлаяпсанми мени? Гапингни қара-я. Ҳаммага ёмон бўлса ҳам, менга яхши-ку, деб юрадиган бағри тошлиардан эмасман. Бир овлоқ ерда яшаб, бурнининг остидан нарини кўрмайдиганлардан ҳам эмасман, эл ичидаман.

— Ҳадемай тугайди, хотинлар, оз қолди,— деб жавоб берди Максим.— Ўзларингиз биласизлар, бизниклар нақ Германиянинг ўзига кириб борган. Энди қолган-қутларини янчапти.

— Орқага қайтаришмайдими, ишқилиб? Ахир, не мис ҳам Москва остоналарига келувди, аммо ҳайдаб юбориши.

— Қайтаришмайдими дейсанми?— Максим кўзини қисди ва фақат бир ўзига маълум бўлган олис ерга тикилиб қарамоқчи бўлгандек, олдинга энгашди. Унинг

ози хиёл буришиб кетди.— Иўқ, ҳайдаб юборишолмайди, Лиза. Мен бир қўл билан бўлса ҳам қайтиб бораман, бир оёғи йўқлар, майиб-майриқлар боради, аммо чекинишмайди. Бас, етар, орқага қайтаришлари мумжим эмас, йўл қўймаймиз. Ким билан ўйнашишганини кўрсатиб қўямиз.

— Тўрт йил-а, тагин қами бор өканми?— деб бош иргаб қўйди Доно Василиса.— Бу ерда биз ҳам жуда адойи тамом бўлдик.

Надъка дарров унинг оғзига урди:

— Адойи тамом бўлганинг сезилмаяпти-ку.

— Уҳ, Надежда... Ким сенинг тилингни тийиб қўяркин-а? Жиддий гап кетяптию, у бўлса пичинг қилгани-қилган.

— Биз ҳам кўрадиганимизни кўрдик,— деб илиб кетди Лиза.— Тўгрими, хотинлар, кўрадиганимизни кўрдикми-йўқми? Эсласанг юрагинг орқага тортиб кетади. Колхоздаги иш майли-я, ўз ишимиз. Фаллани йиғиштириб олдинг дегунча қор ёғади, ёғоч-такта тайёрлаш бошланади. Бу ёғоч-такта тайёрлашни ўлсам ҳам эсимдан чиқармайман. Йўл йўқ, отларнинг бўлса, тинка-мадори қуриган, тортолмайди. Ишдан бўйин товлаб бўлмайди: меҳнат фронти, жангдаги йигитларимизга ёрдам. Дастрлабки йилларда ёш болаликларни ишга ҳайдашмади. Ким боласиз бўлса ёки боласи каттароқ бўлса, уларга ёпишиб олишди, ҳайдашгани-ҳайдашган. Ана, Настена бир қиши ҳам ишдан қолмади. Ҳатто мен ҳам икки марта бордим, болаларни дадамга ташлаб кетдим. Ёғочни кесасан, кубометр қиласан, кейин чанага ташийсан. Бойловсиз бир қадам ҳам жилолмайсан. Гоҳ қор ўюмига кириб кетасан, гоҳ яна бирон ерга: қийналмаган, жон чекмаган хотин йўқ. Баъзи ердан осонгина чиқиб кетасан, баъзи ерда ботасан-қоласан. Мана, ёлғон гапирсан, Настена гувоҳ: бурноғи йили қишида байталим жарликка думалаб кетди, уялаб қолиб, туролмади — чана ёнбошлаб қорга кириб кетди, байтални мажақлашига сал қолди. Шу уриндим, шу уриндим, бўлмади — эплолмадим. Ҳа дейишга ҳолим йўқ. Йўлга ўтириб йигладим. Орқадан Настена етиб келди. Мен бўлсам кўз ёшимни шашқатор қилиб, боладай йиглайман.— Лизанинг кўзларига ёш келди.— Настена кўмаклашди. Кўмаклашди, кейин бирга кетдик, мен бўлсам сира ўпкамни босиб ололмайман, йиглаганим-йиглаган.— Лиза хотираларга берилиб кетиб ҳиқиллаб йиглай бошлади.— Шу йиглайман-еї, қани энди ўзимни тутиб ололсам. Тутиб ололмайман.

— Лиза, Лиза! — деб чақириб уни тұхтатди Максим.

— Бұлди, Максимушка, бұлди, йиғламайман. Эсим йүқлигидан йиғладим да. Сизлар гаплашиб ўтиинглар, йиғламайман.— У күтга кетди ва шу ондаёқ қайтиб, яна аввалги жойига, стол чеккасига келиб турди.— Облигация-чи?— деб еслади Лиза, у қаттиқ ҳаяжонланғанидан энди үзини дарров босиб ололмаёттанди.— Охирги картошкани күкламда Кардага, леспромхоздагиларга соттани олиб бордик. Қанчага ёзилган бұлсаң түлайлик, ишқилиб фронтта ёрдам берайлик, дедик. Ҳаммамиз ҳам фронтдагиларга сал енгил бұлсина деб ўйладик да. Нима бұлғандаям биз бу ердамиз, биыни ҳеч ким отаётгани, ўлдираётгани йүқ. Анави отинг үчгур фриц нариги дунёдаям азобгинасини тортсина. Бөшімизга шунча кулфат солғани учун илон, чаёнларга ем бұлсина.

— Тушунмай қолдым, қайси биримиз — менни әки сенми әрини кутиб олаёттан?— деб сұрады Надька Лиза-га ўғирилиб.

— Мен, Надька, мен. Бұлди, энди ҳасрат құлмайман.

— Ҳамма ишимиз телба-тескари,— деди құзлари сузила бошлаган Нестор овозини гулдиратиб.— Қанақа одамлар үзи! Эркакларини урушға жүнаташтанды ашула айтишганди, кутиб олишша келганды худди азадағидай. Надьканинг гапига қулоқ солганимиз ҳам етар энди, келинглар, ашула айтамиз.

Надька бир құзғалиб қўйди-ю, аммо жавоб беришга улгурмади. Настенанинг орқасида турган Лиза ҳаяжон ва йигидан сал титраёттан овозини барадла қўйиб, «Катюша»ни бошлади. Бошқалар унга жүр бұлди, қўшилғанлар орасида Иннакентий Иванович ҳам бор эди. Фақат девор ёнидаги чолларгина ўзаро секин гаплашиб ўтиради. Доно Василиса ҳам, Максим ҳам ашула аитаётганди, Нестор қўлларини силкитаради. Бирпас туриб Надька ҳам қўшилди-ю, бирдан тұхтаб, бошини столга қўйди-да, вужуды титраб, ўксиб-ўксиб йиғлади. Орқасида турган Лиза уни елкасидан қучоқлаб олди, «Катюша»ни яна ҳам баландроқ айта бошлади, ашула ҳатто Надьканинг кетидан Вера Орлова қаттиқ ўкраб йиғлаб юборганидан кейин ҳам бўлинниб қолмади. Надька столдан бошини кўтарди да, Настенанинг олдида турган самогонли стакани олиб, дам олмасдан ичиб юборди ва кўз ёшлирини ҳам артмай, яна ашула айта бошлади.

Настена индамасдан писиб ўтиради. У илгаригиден бирор билан гаплашолмасди, йиғлолмасди, бошқалар билан бирга ичолмасди, бунга ҳақи йўқлигини ҳозир, бу

ерда аник тушуни. У нима қилмасин, ҳаммаси сокта бўлиб чиқади, риёкорлик бўлади. Унинг ичидагини бирорга сезидирмай, бошқалар дикқатини ҳам ўзига жалб этмай, одамлар нима қилаётганини зидан кузатишдан, нима деётганига қулоқ солишдан ўзга чораси қолмаганди. У бу ерга келганига пуштаймон ҳам бўлди, аммо энди кетиш ҳам ўнгайсиз эди. Буларнинг ҳаммаси мана ман деб ўтирибди: бахтиёр, гул-гуя очилган Лиза; ўз уйидагидан ганг'иб қолган, меҳрибонлари чехрасини кўришдан кўзлари тинган Максим; ўзини йўқотиб қўйган, бир кундаёқ ранги кетиб қолган Нестор; колхоз ҳисобчиси айёр саводхон-ҳисобдон, ҳамма нарсани бошқалардан олдинроқ билишга интилувчи Иннакентий Иванович; ўзига ишонган, ҳаётда дадил, вазмин қадам қўйиб келаётган Доно Василиса; содда-баёв, шўх Надъка — ҳаммаси қисинмай-қимтимай, бемалол ўтирибди, борди-ю, бирор нимани ичиди сақлаётган бўлса ҳам — бусиз одам яшамайди-ку, — фақат ўзларигагина тегишли бўлган нарсанинг озгинасини, кераклисими бекитяпти. Настена яшираётган нарса эса, ҳар бири бугун қандай ниятда бу ерга келган бўлмасин, шуларнинг ҳаммасига тааллуқли бўлиб, ҳаммасига — Надъкага қарши, Доно Василисага қарши, ҳатто Лизага ҳам қарши эди. Ана шу сир-асрор уларни бирлаштириб, бир-бирига боғлаб туради. Настена-ни эса, улардан ажратиб қўйганди, одамлар ўрганиб қолганларидан уни ҳозир ҳам ўз одамимиз деб ўйлар эдилар. Настена эса алалқачон бегоналашиб, четлашиб қолганди, уларнинг кўз ёшларига ҳам, шодликларига ҳам шерик бўлолмасди, гапга ҳам, ашулага ҳам қўшила олмасди.

Витяни мен гумдан қилганим йўқ, у ўзи душман ўқидан ҳалок бўлди, деб Надъка қувлик қиляпти. Ўз айбини сезиб тургани учун ҳам у гапиряпти, бу ҳақда сўраб-суриштиряпти; ҳолбуки, ўша гуноҳ нимадан иборатлигини ўзи билмайди. Ўшанда Витяга қандай ёрдам бериши мумкин эканлигини тушунмайди, аммо сезиб, азоб чекяти. Ё керагидан камроқ ибодат қилдимикин ёки камроқ изтироб чекиб, камроқ уни ўйладимикин? Нега Лиза ниятига етди-ю, бу етолмади? Нега Доно Василиса ҳали уруш тугамасдан туриб, Гавриласининг соғ-саломат келишига заррача шубҳа қилмайди? Келади ҳам — Дона Василиса билан Гаврилага ўхшаганларга жин ҳам урмайди — ҳамма абжаги чиқиб, ўлиб кетади-ю, аммо бу иккалови соғ-саломат қолиб, тинчгина кун кўриб юраверади. Нега бунақа бўларкин-а? Йўқ, бу ерда бир гац

бор, бир томони хотинларга ҳам борлиқ бўлса керак. Азалдан хотинлар бу жумбоқдан қийналиб, уни ечишга уринган бўлсалар керак, ечишга кўзлари етмаса ҳам, ҳар қалай бир харакат қилишган: асрлардан асрларга ҳар бир хотин ўзининг кўр-кўрони, ҳозиросли сезгиси, шубҳали афсунлари билан яшаб келди, бордию унда ана шундай ишонч, умид бўлмаса, яна ўша гуноҳдан азоб чека бошларди.

Настена ҳам Андрей уйдан чиқиб кетган ўша вақтдан бошлаб унинг бошига тушган савдоларга қиттаккина бўлса ҳам аралашиб қолганига ишонарди. Ишонарди-ю, аммо фақат ўзимни деб яшадим, фақат ўзимни ўйладим, фақат менга керак, деб кутиб юрдим, дея қўрқиб кетарди. Мана, оқибати; ма, ол, Настена, ҳеч кимга кўрсата кўрма. Танҳо, одамлар ичиди бир ўзи-я: ҳеч кимга дардини ёролмайди, йиглолмайди, ҳаммасини ичиди сақлаши керак. Хўш, кейин-чи, бу ёғи нима бўлади? Уни бу фалокатдан қандай қутқарса бўларкин, ўзи қандай яшаса керакки, унга юнглишмасдан, адашмасдан ёрдам берини керак? Энди унга бирор кор-ҳол бўлса, у ҳам жавоб беради.

Настена секингина столдан турди-да, киши билямас кўчага чиқди. Анча кеч бўлиб қолганди, болалар ҳам, итлар ҳам уй-уйига тарқаб кетганди. Қишлоқнинг қўйи чеккаси қоп-қоронги, жимжит эди. Настена Вологжинларнинг ашула эштилиб турган ёруг деразаси остида бирпас турди-да, кейин Ангарага қараб кетган тор кўчага бурилди. У одамлар ийқлигидан енгил тортди ва ўзидан гина қилиб, бошини чайқади: шу кунларга қолдими — илгари таскин топиш учун ўзини одамлар орасига уради, энди бўлса, аксинча, улардан қочиб юради. Ичидаги дард сал босилгандай бўлди, аммо негадир хўрсишиб-хўрсиниб қўярди. Настена кўкрагини тўлдириб, чуқур нафас олди-да, беихтиёр пайдо бўлган аламини босди ва қиргоқ ёқалаб, йўлида учраган ўйиқларни айланиб ўтиб, муздан пастга қараб кетди. Настена бораркан, нариги соҳилга, оролнинг орқасидан аранг кўзга чалинаётган, Андрей беркиниб ётган кимсасиз бурчакдан кўзини узмасди. У Андрей шундоққина ёнида әканига гоҳ ишонарди, гоҳ ишонмасди; бир неча дақиқа хаёл уни олиб қочди, шунда, назарида, бир минут олдин ҳаммасини — Максимнинг тўғриликча, Андрейнинг қочиб келганини хаёлида ўзи тўқиб чиқаргандек бўлди, ҳатто бунинг қандай рўй бериши мумкинлигини кўз олдига келтириб, ишонди ҳам. Гўё Настена ҳозир Андреевскка борса, у

ердан ҳеч кимни тополмайдигандек туюлди. Аммо шайтон васвасаси юрагида ғам, алам қолдириб ўтиб кетди, ҳақиқат эса шафқатсизлик билан унинг кўзи олдидা яна ҳам яқъолроқ намоён бўлди: ҳеч нимани тўқигани йўқ, аслида қандай бўлса, ҳаммаси шундай.

Настена ўзи кетаётган соҳилдан жарлик тепасига кўтарилиди ва Андреевск томонга сўнгги марта нигоҳ ташлади-да, оғир-оғир қадам босиб, уйига равона бўлди — Максим Андрей тўғрисида ҳеч нима билмас экан, деб ҳали Михеичга айтиши ҳам керак. Ўзидан бошқа ҳеч ким ҳеч нима билмайди, аммо бу ҳақда ҳатто ҳушидан кетиб ётганида ҳам бирорга чурқ әтмаслиги керак.

## 10

✓ Настена эрталаб ҳам бирон ёққа бормоқчи эмасди, аммо тушга келиб ҳавонинг авзойи ўзгарди-да, бўралаб қор ёғадиганга ўхшаб қолди: Настена ёғоч бочкадаги сув таккинасида қолганини әслади-ю, ҳаво бутунлай айнимасидан туриб сув қелтиргани Ангарага югурди. Ангарада шамол ҳайқиради, чирпирак бўлиб, шиддат билан пастга — дарёйнг юқори оқимиға урилаётган ҳўл, ёпишқоқ қордан ҳаво хиралашиб кетган эди. Настена одати бўйича ҳозир тўс-тўполон ичидаги қолган нариги томондаги соҳилга қаради-да, мана, ўша ёққа боришга айни фурсат, ҳеч ким кўрмайди, деб ўйлади. Настена шунчаки бирор ҳаёлига келтирди, аммо бу фикрдан ичи пишиб, юраги ҳаприқиб кетди: агар чиндан ҳам ғизиллаб борса кима бўлади? Ҳаммасига қўл силтаса-ю, ғизиллаб бора-версá-чи? Бундай қулай фурсат яна қачон келади-ю, қачон йўқ? У сувни олиб, шоша-пиша орқасига қайтди-да, югуриб кетаётганини сезиб, ўзини қўлга олди. Кўз очиб юмгунча шундай қарорга келганидан у ўзини қўярга жой тополмай қолди, шер бўлиб кетди; агар ҳозир ким уни йўлдан қайтармоқчи бўлса ҳам, чап бериб, қочиб кетарди.

Аммо уни йўлдан қайтарадиган одам йўқ эди: Михеич отконада, қайнонаси эса, одатдагидек, печка устида мудраб ётарди. Настена ғизиллаб ертўладан бир челяк картошка олиб чиқди, кечқурун қариялар қайнатмоқчи бўлса, қидириб-туртиниб юрмасин, деб устидан пича картошка олиб, чўян дегчага солиб қўйди, қолганини брезент сумкага ағдарди. Югуриб қазноққа бориб, илгари нўхат солиб яшириб қўйилган халтани олиб келди, ярим бухан-

ка нон кесиб олди. Нон сап-сариқ, нўхатдан қилинганни — қишлоқда ҳозир нўхат жуда расм бўлганди, кимни кўрсанг қорни қулдираиди: колхоз сахийлиги тутиб, яқинда колхозчиларга қарийб ўн центнер нўхат берганди, шундан бери бўтқани ҳам нўхатли нон билан ейишарди, ҳамманинг емиши нўхат бўлиб қолган эди.

Настена кийимларини тезгина алмаштириб, әрталаб илиб олган бошмоғи ўрнига пиймасини, фуфайка ўрнига баҳмал нимчасини кийиб олди ва ўтиб кетаётиб, уялигинага ойнага қаради. Фуфайкада Ангарадан ўтиш анча қулай эди-ку, лекин у эрининг кўзига сал ясаниб кўришмоқчи бўлди. У-ку, балки ҳеч нимани пайқамас ҳам, Настенани солишириб кўрадиган бошқа аёлнинг ўзи йўқ, аммо унинг ўзи оҳорли кийимда ёзилиб, ўзини енгил ҳис этарди, кийими билан бирга елкасидан оғир юк тушгандай, аравадаң чиқарилиб, абзали ечиб олинган отдай бўларди, ахир ишда ўзингнинг кимлигингни ҳам — хотинмисан, қизмисан, ёшмисан, қаримисан — кўнглингда нима бору нима йўқ унугтиб қўясан, фақат «бўл, ҳа бўл-бўл, ҳа бўл» билан умринг ўтади. Шунинг учун Настена кечқурунлари ҳамма ишини саранжом-саришта қилиб бўлгандан кейин бирпас бўлса ҳам тоза кийимларини кийиб олишни яхши кўради, шунда бебаҳо бойлик — ёшлик ва гўзаллик гаштини суриш туйгуси пайдо бўларди, бу бойликни қанчалик узоқ яширсанг, шунчалик кам эслайсан, шунчалик тез сўлиб, хазон бўлади. Настена кийиниб бўлгач, гўё нимасигадир зиён етадигандай чўчиб, оҳиста ҳадам босарди, яна қандайдир ўзиникини, фақат ўзгагина тегишли сирни авайлаётгандай, меҳр билан илиқ жилмайиб қўярди, бу сирни ошкора этиш вақти ҳали етмаганди. Ана шундай дақиқаларда Настена урушни ҳам, муҳтоҷликни ҳам, ёлғизликни ҳам писанд қилмай, ўзини эҳтиётлаб, келажакдаги бахтиёр ҳаётга тайёрланарди. Настена йиллар ўтиши билан секин-аста қариворишини биларди, аммо кўнгил бемаҳал совиб, чўкиб қолиши мумкин — ҳаммасидан кўра кўпроқ ана шундан қўрқарди. Парвардигор томонидан ато этилган ўз ҳисстийгуларини бошқалар, кўпчилик ҳисстийгусидан фарқ қилмайдиган соглом, бақувват кишилар озмунчами. Бундай одамлар гўшага кириб ётганларида ҳам фақат қорини тўқлаш мақсадида дастурхонга ўтирувчи кишиларга хос иштиёқ билан ётадилар. Улар куладилар ҳам, йиглайдилар ҳам, аммо йиглаётганимиз, кулаётганимизни бошқалар кўряптими, эшитяптими, тагин беҳуда кўз ёши қилиб ўтирайлик, деб атрофга аланглар эди. Булар

**тамом бўлган одамлар:** булар бошқача муомала қилсанг; тушунмайди, акс садо бермайди, кўнгил торларининг бирортаси ҳам жавобан сеагирлик билан титрамайди: вақт ўтган — сўниб, тошдек қотиб қолган, энди бу торлар бошқа бироннинг ҳам меҳрини товлолмайди. Бунинг сабаби аниқ: бундайлар пайти билан ўзларига ўзлари хисоб беришнинг уддасидан чиқа олмаганлар, хисоб беришдан қочганилар, баръакс, мутлақо эсга тушмайдиган, унут бўлиб кетиш даражасида ўзларини сондан чиқариб қўйганлар.

Игиширинишга Настенанинг ўн минутча вақти кетди, аммо азбаройи ошиққанидан бу ўн минут унга бир соатдек туюлди. Настена ниҳоят, сумкани олди-да, гизиллаб кўчага чиқиб, тўхтади, шоша-пиша атрофга аланглаб, шамолнинг ҳадисини олган бўлди. Ортиқча эҳтиёткорлик жалақит бермайди, шунинг учун у бузоқхона орқали ўтди: борди-ю, битта-яримта фавқулодда кўриб қолса ҳам, шундай қаттиқ қор бўронда мўрчада бирон иши бердир-да, деб ўйлаши мумкин. Бу ерда мўрча атрофида қор шундай чапарастасига ураётган эдики, ҳатто яқин ўртадаги уйлар ҳам гира-шира кўринарди; Настена энди қўрқмасдан музда сирпаниб пастга тушди-да, ўнгта, йўл дарёга бурилиб кетадиган томонга қараб юрди. Шундан кейинингина у йўлни қор босиб қолган бўлиши мумкинлигини эслади, бундай ҳолда фақат таваккалига иш кўриш керак бўлади, бу эса жуда хатарли: бундай бўронда адасиб кетиши, қирғоқни йўқотиб қўйиши, худо кўрсатмасин, шамол бирон ёққа олиб кетиши ҳеч гап эмас, шамол шунақангি қутуриб, одамни суриб кетардики, қаёқ-қа кетаётганингни билолмасдинг. Аммо йўл, хайриятки, ҳали кўриниб турарди, уюлиб ётган музлар олдини қор босганди, умуман, шамол қорни йўлдан учириб кетганди.

Чапараста ураётган нам қорда нафаси қайтиб кетмаслиги учун Настена юзини беркитиб, букилиброқ юришига тўғри келди. Шамол кучли бўлиб, тўхтовсиз, бир зайлда қутуриб эсади, худди трубадан чиқаётгандек, тўхтовсиз гувилларди, аммо шу гувиллаш ичидан ҳам учиб келиб ураётган қорнинг шитир-шитири аниқ эшитилиб турарди. Гарчи теварак-атроф ёруғдай туюлса ҳам, уч қадам наридаги нарсани кўриб бўлмасди, аммо бу ёруғлик худди тумандагига ўхшаш оқиш бўлиб, сузиб, липиллаб ўтиб кетарди-ю, ҳеч нимани кўриб бўлмасди. Қаққайиб чиқиб турган музлар чирсилларди, қор уларга урилиб, атрофга сачаради, шамол эса уларни илаштириб, олисларга учириб кетарди.

Бу бўрон қаёқда турган экан а? Настена шу якин йилларда, бунақа пайтда шундай бўрон бўлганини эслолмайди. Мана сенга баҳор — ҳа-я, март эшик қоқиб турибди-ку.

Настена йўлни йўқота бошлади, аммо бутунлай эмас, йўл ҳадеб чап томондан чиқиб қоларди: Настена қанчалик уринмасин, шамолга қараб ўзини ўнглаб олмасин, уни суриб, пастга оғдириб кетаётганди. Агар йўл бўлмаса, бўрон уни қаёққа адаштириб юборишини тасаввур қилиш мумкин. Аммо чана юриб силлиқлаб қўйган эски йўлни топиб олиш борган сари қийинлашаётган эди. Ёр уюмлари катталашиб, бирбирига қўшилиб кетаётганди. Настена пичанзорда пичан ташиган вақтда тушиб, йўл четида музлаб ётган хашакларга қўзиқориндай дўмишайиб, қорайиб кўринадиган от гўнгига қараб-қараб бўради. У чарчаб қолди, аввалига бўри қувлагандай жонҳолатда ошиқди, энди бирдан силласи қўриди, оғир сумка қўлинни узиб юборай дер, шамолдан нафаси қайтарди, дам-бадам қорга ботиб, пиймаси оғирлашиб кетганди, шол рўмоли билан нимчаси жиққа ҳўл бўлганди. Тўғри, шамол изғиринли эмасди, илиқ, жануб шамоли эди, аммо совуқ бўлмагани учун ҳам ҳаммаёқ ҳўл, шилта эди — қайси бири яхшилиги маълум эмасди.

Настена чап томонга тикила-тикила оролни қидирди; ишқилиб, ўша ерга етиб олса бўлгани — у ёғи осон, у ерда ирмоқ тор, тўппа-тўғри кесиб ўтса бўлади. Настена етиб боролмайман, деб қўрқмасди — етиб бормай жуда нимайди, аммо қирғоққа етиб боргандан кейин орол қаердайкин, деб сарсон бўлмаслик учун иложи борича айрилишга яқинроқ ердан чиқишини истарди. У шу бўронда овора бўлиб келаётганига заррача ачинмасди: унинг келиши учун бундан қулай фурсат борми, балки уни ўзгалар кўзидан яшириш учун ҳам бугун бўрон тургандир. Негадир у фақат иссиқ скойга етиб олишига, пиймасини ечиб ташлаб, сирқираётган оёғини узатадиган, қўзларини ҳузур қилиб юмиб ётадиган дақиқалар келишига ишонмасди — бу унга негадир жуда олисдек, сал бўлмаса эртакдагидек туюларди.

Барибир ҳам у йўлинни йўқотиб қўйди, уни қайтиб тополмади ҳам — оёғи остидаги ҳамма нарса бир-бирига қўшилиб, жимиirlаб турарди. Шундан кейин Настена қачон бўлса ҳам соҳилга чиқаман-ку, ирмоқ шу атрофда, ўнгроқда бўлиши керак, деб кўпроқ шамолга қарши юришга жазам этди, Шундай бўлса ҳам Настена йўлни

йўқотиб қўйганидан хафа бўлди: у қўрқмаса ҳам хафа бўлганидан, тинкаси қуриганидан пиқиллаб йиглади ва негадир қичқириб, Андрейни чақирди. Овозини битта-яримта эшитади, деб умид қилиш тентаклик эди, албаат-та, шамол шу ондаёқ овозини юмалоқ-ясси қилиб пастга учириб кетаётганди.

Настена қаёққа кетаётганини аранг эслаб, яна кўп юрди, аммо бир маҳал бошини кўтарди-ю, ногаҳон дар-ров юзини беркитиб олмаётганини пайқади. Шамол ан-ча бўшашиб қолгандай эди. У тўхтаб, атрофга алангла-ди: орқа томонда шамол ҳамон боягидек кучли эсаёт-ганди, аммо бу ерда нимадир унга халақит бераётганди, рўпарасидан эсаётган шамол йўлда нимагадир урилиб, дами кесилаётганди. Настена яна пича олдинга юрди-да, қирғоқни кўрди. Бу орол эмасди, у оролни пайқамасдан ўтиб кетиб қолибди — бу катта ер эди. Худога шукур, Ангарадан ўтибди, энди Андреевскни қидириш керак. Настена қирғоқнинг бурилиб кетганига қараб, орол орти-даги ўзи билган ўрмонли баланд бурун чап томонда қол-ганини тушунди, чамаси, шамолни тўсиб турган шу бу-рун эди. Демак, у ўзи чамалаганидек, қирғоқ ёқалаб қўйи томон юриши керак. Энди етиб олдим деса бўлади, энди олис эмас. Тепаликдаги қарағайзор бўғиқ шовил-ларди, тик кетган қирғоқ лабидаги энсиз ўтлоқда ялон-гоч қайнин ва тоғтераклар шамолда чайқаларди. Нас-тена иложи борича ўнг томонга бурилмасликка ҳаракат қиласарди, у ёқда ҳамон бўрон қутураган эди. Шамол Нас-тенанинг орқасидан итарарди, шунинг учун у қадам босишига улгуrolмай қоқилиб кетарди, бир марта йиқи-либ ҳам тушди, сумкасидан икки дона картошка қорга думалаб кетди, аммо у негадир беихтиёр хўрлиги келиб, музлаб қолса қолаверсин, дегандек картошкаларни ол-гиси келмади.

Настена бораркан, билмай ирмоқдан ўтиб кетишига сал қолди, аммо биқинидан қор гупиллатиб уриб турга-нини ўз вақтида пайқади-ю, шартта тўхтади. Йўқса, Риб-наяга бориб қолиш ҳеч гап эмасди. Настена бугун иши ўнгидан келадими-йўқми, тушуна олмасди: Ангарадан, чамаси, кўнгилдагидек ўтиб олди, адашмади, бирон ерда қолиб кетмади, ҳеч нимани кўриб бўлмайдиган шундай ҳавода ортиқча йўл юрмади,— агар унинг ўрни-да бошقا одам бўлганида ҳамма иши ўнгидан келаёт-ганига хурсанд бўларди, унинг нимагадир назарида эса ҳаммаси аксинча бўляпти, ҳамма иши чаппасига кетяп-ти, кўнгилдагидай бўлмаяпти. У фақат чарчаганидан ав-

валбошдаёқ адашиб, руҳи тушиб кетмаган эди, яна бир нима ҳам бор эди; у ана шу «бир нима» нохуш гаплигини олдиндан сезиб бу ҳақда ўйлашдан қўрқарди.

Кўп ўтмай Настена қишлоғга чиқиб борди.

Андрей шу ерда әкан: томдаги трубадан тутун чиқиб турарди. Бир ками шунча азоб чекиб, эски ҳаммому ёски тос деганларидай, ҳувиллаб ётган қишлоғга келиши қолувдими әнди. Настена ўтган сафар эрининг кападагини учирив юборганини өслади-да, туйқусдан эшикни очиб кирмади. У нафасини ростлади, кафти билан ҳўйозини артди ва фақат шундан кейингина деразачани оҳиста тиқиллатиб чақирди:

— Андрей, бу мен! Андрей!

Андрей эшитиб, отилиб чиқди, уни елкасидан қучоқлаб, бир нималар деди-да, эшикка қараб итарди,— Настена ҳеч нарсани англамасди, ногаҳон бир лаҳзадаёқ уни шундай даҳшатли ҳорғинлик боодики, қимирилашга маъжоли йўқ әди. У остонаядан ўтаркан, қоқилиб, ағдарилиб тушицига сал қолди — бу эса шундоқ ҳам кўз ёши тилтиллаб турган жувонни ўртаб юборди: у ортиқ ўзини тутиб туролмай ийғлаб юборди. Андрей нима қилишини, ўзини қандай тутишини билмай, унинг ёнида оёғи куйган товуқдай питирларди, ҳа, у келган жувон чиндан ҳам Настена әканига ишонмаётганга ўхшарди.

— Йўлимга чиқсанг бўлмайдими,— деди Настена йиги аралаш терслиги қўзиб, жаҳл билан.— Етиб келолмасман, деб ўйладим, бирон ерда йиқилиб қоламанми, деб ўйладим, бу бўлса ўтирибди, ўлсанг ҳам иши йўқ.

— Бугун келишингни мен қаёқдан билай, ахир?!

— Қаёқданмиш-а! Билиш керак әди! Қаёқданмиш!

Ниҳоят, Андрей унинг рўмоли билан нимчасиги ечиб олиш кераклигини фаҳмлаб қолди, бўкиб, бир пуд бўлиб қолган пиймасини Настенанинг ўзи оёғини силтаб, жирканиб отиб юборди. Андрей пийма пойларини олиб, қўлларида оғирлигини салмоқлаб кўрди-да, таажжубланиб бошини чайқади ва қуритиш учун печка ёнига қўйди. Печка ёниб турарди, ичкари иссиқ, тинчгина эди, ёнаётган ўтинлар майин чирсиллаб, учқун сочарди, боз устига дарча ойнаси зирилларди — ташқарида нима ҳодиса юз берётганини эслатиб турувчи бирдан-бир нарса шу дарча әди.

Андрей катга, Настенанинг ёнига ўтириди-да, оҳиста сўради:

— Нимага келдинг? Бирон ҳодиса юз бердими?

— Нимага келдинг? — деди яна Настена ўдағайлаб,

унинг жигига, тегиб.— Сенинг олдингга, келдим — биздинми! Яна сўрайди я! — кейин ҳовридан тушиб, бошмача овозда жавоб берди: — Ҳеч гап бўлгани йўқ.

— Юрагингга балли-е. Сени бунаقا оловлигинги билмовдим. Бугун йиртқич ҳайвонларни ҳам уриб инидан чиқаролмайсан, сен бўлсанг, юрак бетлаб келибсай.

— Сен, умуман, ҳеч балони билмайсан. Кўрсичонга ўхшаб қоронги ерга кириб олиб ётибсан. Хотинингга ҳам тузуккина қарамайсан.

— Кўрсичонга ўхшаб деганинг тўғри, — деб Андрей унинг фикрига қўшилди, аммо қувонч, хурсандликдан энтикиб, кайфиятини бузмади.— Оч қолган бўлсанг керак, а? Тушлик қиласизми? Е кечки овқат маҳали бўлиб қолдими, мен ҳаммасини адаштириб юбордим.

— Қизиқ, мени нима билан меҳмон қиласизсан ўзи? — Андрей шу ҳақда гап очиши билан Настена чиндан ҳам овқат егиси келаётганини сезди. У эрталабдан бери туз тотмаганди, ҳозир бўлса, кун кечга яқинлашиб бораётганди. Иннайкейин эри унинг кўнглини олишга ҳаракат қилаётганини, бирон нима билан ажаблантиromoқчи, ўзини хўжайнинг кўрсатмоқчи бўлаётганини кўриб тургани учун ҳам Настена йўқ дея олмасди.

— Балиқ шўрва қилсак ҳам бўлади. Мен унча-мунча балиқ тутиб турибман.

— Аммо мен энди ўлдирсанг ҳам ташқарига чиқмайман.

— Утиравер, ўзим қиласман.

У эшикни қия очди-да, остоидан ҳатламай, чўзилди, тепадан яхлаб қолган, уч килограммча келадиган яхшигина ўлжа — елимбалиқни олди-да, дўқиллатиб столга қўйди.

— Қараб турсам, бу ерда биздан яхшироқ яшаётгана ўхшайсан,— деди Настена таажжубланиб.

— Э, кеча омад бир келиб қолди-да. Атайлаб сенга тушди шекилли ўзиям. Бундан чиқди омадли экансан...

— Бўлмаса-чи, омадим келмай ҳам кўрсин-чи,— деди Настена унга жавобан тушуниб бўлмайдиган, босиқ оҳангда.

Андрей қандай қилиб балиқ тутаётгани тўгрисида оғиз очмади. У буни Настенага айта олмасди. У ҳали яқингинада ҳам бирорвинг нарсасига кўз олайтириши мумкинлигини хаёлига ҳам келтиргмаган эди, мана, энди бўлса, шу даражага етиб борди. Рибнаядан бирор қишилоқдан олис оролча ёнидан жимгина оқадиган ирмоқнинг лойқали соҳилига қармоқлар қўйиб қўйиган экан, у

бўлса бир куни кечаси қармоқларни кўриб қолди-ю, чи-  
даб туролмади. У бу ерга ҳеч ким ҳар куни овора бўлаш  
мисранг олиб келиб, олиб кетмаслигини биларди, шундай  
учун қидириб, уни буталар орасидан топди, ёнида сопи  
калта белкураги ҳам бор эди — овчи, афтидан, ҳамма  
нарсанинг шай бўлишини яхши кўрадиган одам экан.  
Қармоқлар одатда эрталаб текшириларди, Гуськов эса, то  
эрталабгача ўйиқчалар яна музлаб улгурсин, деб қоронги  
тушгандан кейин қармоқларни кўздан кечириб чи-  
қарди. У шу йўл билан тўртта елимбалиқ олди. У жуда  
усталик билан ишларди, ўзидан кейин ҳеч қандай из  
қолдирмасди; эгаси ҳам бирон нимадан шубҳаланиши  
гумон эди, бунинг устига кўжайин кечаси, эҳтимол, энг  
кўп тушган балиқни олиши мумкин эди.

«Ишларди» ўринли айтилган сўз-да, илгари бунаقا  
ишдан Андрейнинг ўзи ҳазар қиласарди.

Муҳтожлик, хиппа томогидан бўғиб оладиган муҳ-  
тожлик уни шундай тубан ишга қўйл уришга маъкбур қи-  
лаётган эмас эди. Унда ҳали гўшт бор эди, Настена до-  
имо у-бу келтириб ташлаб кетарди. Маълумки, ортиқча  
давлат бош ёрмайди, аммо бу ерда ўзидан ўкиниб, дили-  
дан сақлаб юрган қаттиқ кек Гуськовни зимдан йўлга  
солиб гижгижларди, ҳафсала билан яшириб, ҳар томонла-  
ма ниқоблаб қўйилган бу истак ўзига ўхшамаган, очиқ-  
ойдин яшайтган, бекинмасдан, қўрқмасдан юрган киши-  
ларнинг йўлидан лоақал кесиб ўтиб, уларни пушаймон  
едиришга ва шу билан гўё ўзини уларнинг тақдирига  
аралашиб қолгандек ҳис этишга ундарди: Наздида, ўзи  
аралашмаса бошқача-ю, аралашса бошқача бўларди.  
Уни кўришмаса ҳам, унинг тўғрисида эшлишмаса ҳам,  
уни бор деб ўйлашмаса ҳам майли, аммо у тирик, унинг  
борлиги ё у, ё бу хилда бошқаларга таъсир қилиши ке-  
рак, йўқса у мурда, бир соя, аҳамиятсиз одам. Бу унга  
ҳузур-ҳаловат баҳш этмасди, роҳатланиш учун бироя  
нима қилаётганингни билишинг керак, аммо негадир  
унга ана шу кичик, арзимас иш ҳам хуш ёқарди, қандай-  
дир кўнглини кўтарарди. Аммо у айнан нимадан енгил  
тортишини, нима қиласа осон бўлишини ижикилаб суриш-  
тириб ўтирмасди, қайтанга буни билмагани маъқулроқ.

Иссиқ печкадаги балиқ шўрва бирпасда билқиллади,  
шундан кейин улар овқатланишиди, дарвоҷе Настена учун  
мана шунаقا шодиёна кунга Андрей атайлаб ясаган ало-  
ҳида чўп қошиқ ҳам топилди. Андрей секин-аста рўзго-  
рининг кам-кўстини бут қилаётган эди, улар шўрванни  
манёркада эмас, уч литрли дегчада пиширишди, бу дег-

чани ўтган сафар Настена фуфайка билан бирга мўрчага келтириб берганди.

Улар ўшанда бир-бирини кўришганди, аммо мўрчада бир-бирини пайпаслаб кўришганди. Ана шу учрашувлардан сўнг Настена ҳеч ниманинг фарқ-сарқига етмаслигидан, виждонсизлигидан жирканиб, дили сиёҳ бўлиб қоларди; гарчи у бирор билан сира ҳам дон олишмаганини яхши тушунса ҳам, аммо назарида бирор билан ётгандай, алдагандай бўлаверарди-ю, бунақа ишга ҳарқалай кўнига олмасди, кўнгли жойига тушмасди: у Андрейнинг овозига қулоқ соларди — бу овоз ўшаникимикин? Андрейнинг феъл-атворидаги ўзгаришни изларди, — излаганингдан кейин топасан-да, албатта, — ва унинг хатти-ҳаракатидан илгари сира пайқамаган қилиқларни тошарди-ю, ўринсиз бўлса ҳам мияси ғовлаб, юраги орқасига тортиб кетарди. Аммо айниқса муздек, сурилиб кетаверадиган, ачимсиқ қуйинди ҳиди анқиб турган хазон тўшалган баланд сўрида ётиш жуда нохуш эди, бу сўрига ҳам әмаклаб чиқишга тўғри келарди: Настенанинг назарида, бир зумда аъзойи баданидан ҳайвон юнги ўсиб чиққандай, агар истаса, худди ҳайвонга ўхшаб бўкириши мумкиндай туюлар эди.

Бу ерда эса бошқа гап. Улар бу ерда бир-бирининг кўзига қараши мумкин эди, у Андрейнинг юзига қараб, нимани ўйлаётганини пайқарди, уларнинг дон олишуви ҳам илгариги турмушлари туфайли айбга буюрилмасди, аммо шунчалик гайритабиий, ажуба ва бир шароитда рўй бераётган бу яқинлик эса ташвишли, нотаниш, аммо бундай пайтлардаги оддий иш туйгуси чегарасидан ўтиб кетадиган ихтиёрий ҳаяжонини ошириб юборарди.

Эр хотин бўла туриб аҳён-аҳёнда яширинча учрашиб юрган шу аянчли аҳвол туфайли туғилган ранж, алам учун Настена ана шу учрашувларнинг ўзидан товоң олмоқчи бўларди; Настена бу учрашувларнинг ҳар бири бир неча йилларга татишини алоҳида мазмун, алоҳида бир куч-қудрат ва меҳр-муҳаббатга тўлиқ бўлишини истарди. Аммо унга қандай эришишни, турган гапки, Настена гасавтур қила олмасди; у эртанги кунни ўйлаб қўрқар, қийналар, азоб чекар экан, ўзи мұяссар бўлиши мумкин бўлган қандайдир катта бир нарсани орзу қиласди ва ҳарқалай, борди-ю, ўша орзуси ушалгудай бўлса, бармоғини тишлаб қолмаслигига сал-пал ишонарди.

Бир куни орзуси рўёбга чиққандай туюлди, аммо қаҷон, қайси учрашувида шунақа бўлганини ўзи билмасди, бу ҳам уни қийнарди: у қандай қилиб буни сезмай қол

ди, а? Нима бало, ёгочга ўхшаб ҳеч нимани сезмайди-  
ган бўлиб қолганми ўзи? Тўгри, Настена шундай ҳодиса  
чиндан ҳам юз берганига уччалик ишонмасди, лекин  
кўп нарсалар унга, ҳа, шунаقا бўлди, деб айтиб турар-  
ди — шунинг учун ҳам у бугун ғоят ҳаяжонланиб, ган-  
гиб қолган эди. Настена стол ёнидан турди-да, сирқираёт-  
ган, зил-замбил бўлиб қолган оёқлари оқсоқланиб, катта  
чиқди-ю, ётиб олди. Мана энди нима важдан келганини  
Андрейга айтса бўлаверади.

— Биласанми, Андрей, нима гап?

— Нима?

Аммо Настена фикридан қайтди:

— Ҳа, майли, кейин.

Настена Андрейнинг ёнига келишини кутди. У ҳамон  
стол ёнида ўтиарди; Настена Андрей имиллаб овқат-  
ланаеттанини пайқади — афтидан, кейинги пайтларда  
ҳеч қаёққа шошилмаслик одатини акси ургангага ўхшарди.  
Ниҳоят, у ўрнидан турди, аммо овқатдан терлаб кетгани  
учун сал совиб олгани эшикни очди. Настенага музден  
совуқ шамол гуп ётиб урилди, шунинг учун у:

— Тезроқ эшикни ёп,— деб бақирди.

— Ёпдим, ёпдим. Шамол сал пасайганга ўхшайди.

— Ҳа, шунаقا шекилли.

Андрей келиб, унинг ёнига чўнқайди.

— Нима бало, ҳали ҳам исимадингми?

— Исишга-ку исиб олдим-а, аммо ҳадемай қайтиб  
кетишимни ўйласам, аъзойи баданим жимирилаб кетяпти.  
Бу ерга келгунча она сутим оғзимга келди.

— Пича тура тур, дамингни ол. Бир ўзинг кетмайсан,  
мен кузатиб қўяман.

— Қандоқ қилиб қоламан, Андрей? Шипиллаб жўнаб  
қолган бўлсам, ҳеч кимга индамаган бўлсам. Мени йўқо-  
тиб қўйиб, ҳайрон бўлиб ўтиришгандир. Яrim кечада  
борсам, кимнинг кўзига яхши кўринаман? Мен шундоқ  
ҳам кечалари санқиб юрадиган бўлиб қолдим. Мана ке-  
линнимизнинг аҳволи... деб ўйлашади-да.— Настена бери  
эшикни қандай тақиллатишни тасаввур қилди-да, кўз-  
ларини юмди.

— Отам бу тўғрида бирон нима деб сўрамаяптими?

— Ҳозирча сўрагани йўқ. Жим. Шу чоққача ми-  
тиқнинг ғойиб бўлганини пайқамаганига ҳайронман.  
Ҳадемай ҳаммаси очилади.

— Сезиб қолса, нима дейишингни ўйлаб қўйдингми,  
ахир?

— Ўйлашга ку ўйлаб қўйдим а... Настена афтаний бужмайтириди.

— Хўш, нима демоқчисан?

— Ёлғон-яшиқ гапларимни сенга айтиб нима қиласман? Айтмайман. Ўзим бир ўйуни қиласман.

Андрей уқувсизлик билан унинг бошини силади:

— Қийналяпсанми, Настена?

— Э ўйқ,— Настена кўзларини очиб жилмайди. Унинг шамолда қотиб қолган юзи иссиқда қизиб, анор донасидай қип-қизариб турарди, юзида кезган табассум беколгина эди.— Аммо сенга ичим ачиди.— У ўзи севган нарсаларни унга гапириб ўтирмади, гапиришни истамади.— Менга жин урармиди? Шукур, отдайман, чидайвераман. Нима, сен мен йўғимда ялло қилиб юрган деб ўйлайсанми? Худонинг берган куни нима бўлдийкин, ўликмикин-тирикмикин, деб юрагингни ҳовучлаб юрасан. Бу ерда лоақал тириклигингни биламан-ку.

— Ё сен пича дам олгунингча беш-олти кун кўришмай турайликмикин, а? Ҳамма нарса бор, бир куним бўлса ўтади.

— Сен нега бунаقا дейсан? Дам ол, дейди-я. Сен аввал сўрагин-чи, мен дам олишни истармикинман! Ҳадемай Ангаранинг музи эрийди, то эрувгарчилик тугаб, йўл очилгунча дам олаверамиз, улгурамиз. Боз ўстига лоақал сени кўриб турмасам, бу ёруг оламда нима қилиб юрибман ўзи. Ҳеч нимани, ҳеч нимани билмайсан.— Настена хиёл жим бўлди, чуқур хўрсинди ва айтишга жазм этиб, шошилмай, оҳиста, чўзиб, ўз сўзларига эътибор бермаётгандай деди:— Бўйимда бўлиб қолганга ўхшайди, Андрей.

— Нима?!— унинг оғзидан жўнгина «нима» эмас, «оҳ» ҳам қўшилиб чиқди.— Нимо-оҳ!— У ўрнида ўтиролмай сакраб кетди.— Шу гапинг ростми, рост айтишсанми?

— Ҳали ўзим ҳам аниқ билмайман. Аммо сира бунаقا бўлмасдим. Аниққа ўхшайди.— У аввалгидек шошилмасдан, гўё эрининг бу гапига қанаقا муносабатда бўлишини аниқлаш лаҳзасини атайлаб чўзаётгандай оҳиста жавоб берди.

— Нега шу чоққача индамадинг?— деб иккиланиб гап бошлади у. Оғзига келган шу сўзларни айтар экан, өриб кетди, рўй берган ҳодисанинг бутун маъноси Андрейнинг онгига этиб, аъзойи баданини қиздириб юборди.— Настена!— у секин, аммо сидқидилдан илтижо қилди ва бўшашиб, туриб ўтирди-да, Настенанинг қўли-

ни ушлади.— Мана бу ажойиб иш бўлибди! Қойил! Энди бунинг нималигини биласанми?! Тушуняпсанми? Тушуняпсанми, Настена? Ҳа, мана, мана... Биламан, энди билаб турибман. Настена: мен бу ерга бекорга, беҳуда келмаган эканман. Тақдир деганлари мана шу бўлади.. Тақдир мени шу йўлга бошлабди, пешонамда бор экан. Ўзим ҳам билгандим, тушунасанми, билгандим. Қўнглим сезувди. Мен аҳмоқ бўлсам, қўрқиб юрибман. Ахир шуни деб... — У бақирмади, айни пайтда йўталиб, қулар экан, бу сўзлар ичидан тинкаси қуригандай қовжириб чиқарди, кўзлари ёниб, гўё деворни тешиб юбормоқчи бўлаётгандай олис-ғлисларга боқарди: гарчи у Настенага гапираётган бўлса ҳам, афтидан уни қўрмаётганди, пайқамаётганди — у ўзига гапириб, ўзини ишонтираётган эди.— Оразу-умидим шу эди — энди ҳеч қанақа важ-карсон керак эмас. Ҳар қандай важ-карсон бунинг олдидан ўтаверсин. Агар шу тўғри экан, рост у мендан кейин қоладиган экан, энди нима бўлса бўлаверсин, эртага десанг ҳам қора ер қўйнига киришга розиман... Демак, энди менинг зурётим бор. Демак, уругим тугамабди, қирон келмабди, қуриб кетмабди. Мен ҳам охиргиси эдим, ўлсам, наслимиз тугайди, деб ўйлаб юрувдим. Шунақа деб ўйлабман-а. Зурётим эса яшайди, ҳаёт риштасини давом эттиради. Гап ана шунақа, билдингми! Ана шунақа! Настена! Сен менинг Биби Марямимсан!— У катта отилди-да, Настенага ёпишиб, уни қучоқлади ва сочи тўёвб кетган катта бошини чайқаб, бир нималар деб шивирлади.

Аввалига унинг хурсанд бўлганидан суюнган Настена қулоқ солиб ётаркан: нега у нуқул ўзини ўйлайди? Мен-чи? Ҳаётда менинг ўрним борми-йўқми ўзи? Бор бўлса, қаерда?— деб хафа бўлди-да, ташвишга тушиб қолди.

Унинг ғам-ташвишлари ўзи билан бирга эди — шу сабабдан дарров кўзга кўрина қолганди. Настена бир ҳафта олдин, илк бор вужудида янги бир ҳаёт куртаги ниш ура бошлаганини сезганида бир вақтлари рад этилган, таҳқирланган, кесак бўлиб ётган сезгилари энди уйгониб, ўзини оқлаганини пайқаганида хурсандлигидан бўғилиб қолаёэди: ё раҳматингдан, наҳотки! Наҳотки, у ҳам эл қатори она бўла олади? Наҳотки парвардигорнинг раҳми келиб, унга шундай баҳтни ато этган бўлса? Наҳотки, шунча йил эр-хотин бўлиб юриб, шунчалик беҳуда хоҳиши, даракат ва тоат-ибодатлардан кейин, энди, ҳамма оразу-умидлари пучга чиқай деб турганда қандайдир бир

мўъжиза билан ҳиммати қўзиб, тирноқ ато қилибдими. ә? Нима бўлди, а? У кечаси ётмоқчи бўлиб лампани ўчирди, худди шу пайт ана шу «наҳотқи» уни ҳангманг қилиб қўйди, у шоша-пиша ўрнидан турди-да, кейин ёточ каравотнинг четига ўтириди, сал нафасини ростлади, кейин эшик пардасини зичроқ қилиб тортиб қўйди, она-сидан қандай туғилган бўлса, ана шундай қипялангоч бўлиб ечинди ва дераза олдига бориб, ўзини атайлаб паст сузаётгандай, тиниқ тўлин ой ёғусига солди, жонсараклик билан ўзида бирор ўзгариш бўлган-бўлмаганини кўришга уриниб, синчилаб у ёқ-бу ёгини қаради. Унинг кучли, қуйиб қўйилгандай ниқ, соғлом, тўла бадани иссиқ бўлиб, худди янги соғилган сутдек товланарди, ҳаяжон ва синчилаб қаращдан титрарди, аммо унга ҳеч нимадан дарак бермасди, шунда Настена кўкрагига дераза панжарасининг катта, ваҳимали хочга ўхшашиб сояси тушиб турганини кўриб, бир чўчиб тушди ва нари кетди. У ўрнига бориб ётди, лекин икки қўлини икки ёнига ташлаб адёлнинг устида ётди ва хиёл кўзини юмди, заррача ҳам халал бермасин, деб нафасини ичига ютди, шундан кейин у ичининг қайси бир олис ерига яширинганди нуқтага бутун вужуди билан қулоқ солди ва ўша нуқтани топди — топди-ю, бошқа жойларини қўйиб, ўша ерини силади, нуқта ҳам унга жавобан заифгина, билинар-билинмас жавоб берди: бор. Настенага шундай туюлди,— ҳаёлида ҳомиладорга ўхшади, кейин шу лаҳзадан эътиборан интизорлик торта бошлади: бўлгани ростмикин, алданиб қолмадимикин? Бордию рост бўлса, ўзини қандай тутиши, бундан буён нима қилиши керак?

Чиндан ҳам ўзини қандай тутиши, нима қилиши керак? Бахтликка баҳт-а — баҳт бундан ортиқ бўладими!— аммо бу баҳт шундай ноқулай вақтда боққан бўлса, ундан нима фойда? Ахир, кута-кута кўзлари тешилган бу баҳт илгари қаерда эди, нега энди келиб-келиб ҳозир кулиб боқди? Ахир у тул хотин эмас, аммо эрим бор деб ҳам айтмолмайди, бугун ўзининг кимлиги маълум эмас, эртага қанақа хотин бўлиб қолиш ҳам номаълум. Настенанинг назарида ҳамма нарса остин-устун бўлиб кетди, ҳамма нарса изидан чиқиб, оёғи осмонда бўлиб қолди. Ахир, у умрида ўз эридан бошқа одам билан сира ётмаганини билмайди дейсизми, билади, аммо қишлоқقا бошқа нарса маълум — у эри билан тўрт йилдан бери дийдор кўришмаганини бутун қишлоқдагилар билади. Ҳўш, бу баҳтни у кулга ағанаб топибдими? Қулга ағанаб топдим, деб қутуладиган бўлса, нур устига аъло нур.

аммо бунақа важ кетмайди-да, тирик одамни толиши керак. Аммо ўшандай одамни нега қидиради, нега бутун айбни гуноҳсиз ўша кишига ағдараради, ахир бундай одам, умуман, бўлмаган-ку? Асли бор одам тўғрисида эса, чурқ этиб оғиз очолмайсан.

Ҳаммаси, ҳаммаси айқаш-уйқаш бўлиб, чалкашиб кетди, кейин бундан баттар чигаллашади.

Балки ҳеч гап йўқдир, эҳтимол, бекордан-бекорга ўз ёғига ўзи қоврилаётгандир, беҳуда ич-этини еяётгандир? Э, бу хотинларни билиб бўлармиди, турган гапки, ҳамиша ҳам бир мартада ушлаб қўя қолмайди. Шунинг учун Настена икки ўт орасида қолди — балки бу ташвиши ўринисиздир? Илгари бўлмовди, ҳозир ҳам йўқ. Кейин ҳам бўлмайди.

Қайси бири яхши — ҳозир бўлганими ёки умуман бўлмаганими? Агар танлашга тўғри келса, чиндан ҳам қайси бири маъқул? Ҳомиладор бўлганими ёки шундоқ ўтганими?

Настена ана шу чигалларни озгина бўлса ҳам ечиб олиш, бирор қарорга келиш, сал бўлса ҳам кўнгли жойига тушиши учун Андрейнинг олдига юрган эди. У ёнг охирги дамгача бу ҳақда оғиз очишини ҳам, ёки Андрейнинг ёнида исиб, эркаланиб, ўзини босиб, нафасини ростлаб ўзи аниқ ишонмагунча кутиб туришини ҳам билмасди. Унга кўп нарса керак әмас — у тақдирни қўшилган кишининг ёнида бўлишни истарди, холос. Бу одам эса, уни элдан ажратиб, тобора ўзига боғлаб қўяётганди. Боз устига Настена шунинг олдига бормаса, кимнинг олдига боради-ю, ким уни юпатади?

Аммо у юрагидагини ёрди, эрининг пала-партиш, азбаройи хурсандлигидан пичирлашга тушиб қолган гапларини эшитиб, бекорга айтибман, деб ачинди. Андрей шундай маҳобат қилдики, Настена бунақа гапларни хаёлига ҳам келтирмаганди.

— Мен-чи? — деб сўради Настена катдан сал кўтарилиб. — Мен нима қиласман? Ахир, мен одамлар орасида яшайман-ку, ё буни уннутдингми? Қизиқ, мен уларга нима дейман? Онангга, отангга нима дейман? Ахир, улар бўлса-бўлмаса сўраб-суриштиришади-ку.

Бу савол шундоққина тил учиди айланиб турарди, аммо Андрей негадир буни кутмаганди. У ўрнидан турди-да, яна ўтириди, шошганидан ажабланиб, унга тикилди.

— Билмайман, — деди у елкасини учириб. — Қўявер, ҳаммаси бир пул.

— Сенга айтишга осон, бу ерда бир ўзингсан.

— Нималар деяпсан-а, Настена? Нима, ўзине курсанд эмасмисан?

— Нега курсанд бўлмасканман, энди бу ёғи нима, бўлади деяпман? Қандай қилиб севдирмай юраман? Акир ҳадемай кўзга кўриниб, маълум бўлади-ку.

— Эсингдами, қанчалик кутгандик, қанчалик умид қилгандик? — Андрейнинг овозида ранжиш оҳангси бор эди, у аввалгидек ҳеч нимани тушунишни истамасди.

— Эсимда... нега әсимдан чиқаркан. Сен нега буна қасан-а, Андрей? Нега мени авраяпсан? Сендан бола кўрсам, деб кечалари ибодат қилиб чиқсан мен эмасмидим. Менга ҳеч нима керак эмасди, фақат сенга туғиб берсаму фойдам тегса дердим. Ҳаммасидан ҳам бепушт деган ном олишдан ўлгудай қўрқиб юрган мен эмасмидим? Ҳамма айбни бирорга эмас, менга қўйишарди. Сен ҳам айбни менга қўярдинг. Сенга қараганда менга анча оғир эди. Мен ҳамма томондан ҳам алдоқчи, ўғрига ўхшаб қолгандим! Мен ҳам отам билан онамнинг тилаб олган фарзандлари бўлганман, мендан ҳам орзу-ҳавас кўришни ният қилганлар, сен ҳам умид билан мени олдинг, мен бўлсан чирқиллаб юриб, шарманда бўлиб қолавердим. Назаримда, бирорнинг ўрнини эгаллаб олгандай, бирорнинг бахтига кўз олайтираётгандай бўлардим. Мен дунёга келганимдан минг-минг пушаймон бўлганимни билмайсан. Агар иложини топсан, аллақачон ими-жимида бирон гўрга бошимни олиб кетардим ё бўлмаса мендан қутулишинг учун ўзимни Ангарага ташлардим. Сен ўзинг қўймагансан. Кейин, манави уруш. Сен бўлсанг, эсингдами дейсан-а. Мен эсламасам, ким эсласин тагин? Ҳозир ким суюниши, хурсандлигидан ким ўйинга тушшиб, ким ашула айтиши керак? Мен, эҳтимол, онадан бошқатдан туғилгандекдирман. Э, худойим! Аммо сен йўқ-ку, акир! Сен йўқсан, Андрей, йўқ! — деб Настена ингради ва гўё рўпарасидаги соchlари тўзиган, бесўнақай арвоҳни ҳайдаётгандай қўлини силтади. — Менинг бу ердалигимни бирорга айта кўрма, деб тайинлаб қўйиган бўлсанг. Де-мак, йўқмисан — йўқ-да, индамай юрибман, кейин ҳам оғиз очмайман. Буни тушунаман. Лекин бордию бола бўлса ҳам, у сенини бўлмайди-да. Битта-яримтасидан, де-йишади-ю, аммо сендан дейишмайди. Чунки сен йўқсан, ўлиқ-тиригинг ҳам маълум эмас. Ё сен бўлмасанг ҳам болани этагимга солиб, кўтариб борсан, ота-онанг менга раҳмат дейишармикин? Ё одамларнинг раҳми келармикин? Ҳа-ҳа. Агар улар сени ўлганга чиқаргандаиди, унда бир нави эди, акир битта-яримтаси тушунарди, бил-

май-нетмай айбламасди. Лекин ҳозир, одамлар сени ана келади мана келади деб юрибди. Жўш, мен-чи, уларнинг назарида мен нималар қилиб юрибман сени кутиб? Унда ит ҳам, бит ҳам гапиради менинг гапирмай нима қилади? Тўғри-да, кўзигиги очиб юр! Бу юким билан одамлар ичиди бир ўзим юришим қийин эплолмайманни деб қўрқаман.

Андрей индамай, бир бурчакка ёўмрайиб тикилиб ўтиради. У анчагача миқ этмади, шунинг учун Настена аввалига ўнгайсизлана бошлади, кейин эса, ўз гапларидан қўрқиб кетди. Гапларидан туғмасам, деган маъно чиқиб қоларкан. Балки ҳозир айни бир ёқли бўладиган пайтдир, хиёл илиниб турибди — ё насл ҳолади-ю, давом этади, ё бутунлай бўғилиб ўлади. Йўқ десанг — ҳеч нима бўлмайди. Энди ҳаммаси ўзига боғлиқ. Бўлса ҳам бир бало, бўлмаса ҳам бир бало. Аммо у гумонасидан воз кечишни истамасди,— йўқ, бу даҳшат-ку, назарида бундай оғирликни ўзига олиш ўз орзу-умидидан воз кечиши деган гап эди; у қани энди бирон иш ҳам менга боғлиқ бўлмай қўя қолса, дерди, аниви қорнидагини-ку энди ҳеч нима қилиб бўлмайди.

— Билолмай қолдим, Андрей,— Настена нажот истаб унга гапиракан, гуноҳкорлардек қўшиб қўйди.— Нима қилишимни билмайман. Бошим қотиб қолди.

— Пешонада борини кўрасан, Настена,— деди ниҳоят Андрей.— Узингни минг у ёқ-бу ёқса урма, баридан пешонада бори бўлади.— У гўё бу ҳақда бошқалардан кўпроқ биладигандай маъқуллаб, маъюс кулимсиради, соқолини ўйнаб, бирпас жим ўтириди, кейин жаҳл билан дадилроқ гапирди:— Мени урушдан олиб, бу ёқса бошлаб келган ҳам ана шу тақдир, ҳа, тақдир. Улишидан олдин хотини билан дийдор кўришсин, деб раъйимта қарамасдан бошлаб келган бўлса ҳам ажаб эмас. Нима, сенингча, ўрмонда ваҳший ҳайвонга ўхшаб яшириниб ётини менга осон эканми? А? Осонми? Улар у ёқда урушаётган, мен ҳам бу ерда эмас, ўша ёқларда юришим шарт бўлган бир пайтда-а? Мен бу ерда бўридай ули тортишни ўргандим. Кўрсатайми?— Андрей унинг розилигини кутиб ўтирмай, ўрнидан турди, вазмин қадам ташлаб, эшик олдига келди, уни ланг очиб, энгашиб бошини чиқарди-да, дарроў бошламасдан, гўё керакли овозга тушиб олмоқчи бўлгандай, томогини қириб ҳиқиллай бошлади, кейин овозини мослаб, ингичка, узуандан-узоқ, тирик жонни титратадиган, аянчли,

ваҳимали ули торти. Настена даҳшатдан кўкрагини ушлаб чўккаласб олди. Ногаҳон Андрей ули тортишдан тўхтаб, эшикни ёпди ва йўтала-йўтала, қайтиб келди.— Ўхшайдими?— деб сўради у ва ўзи жавоб берди:

— Ухшайди. Эшитган замонинг билгинки, бу мен. Бўриларни эса, бу ерлардан аллақачон қўрқитиб қочириб юборганиман, ҳаммаси сизларнинг қирғоқларингизга ўтиб кетган бўлса керак.- Кўрдингми, қандай эрмак топганимни. Бекорчиликдан деяпсанми? Йўқ, Настена, бекорчиликдан эмас, бошқа важдан. Баҳузур яшаётганимдан. Нима, сен охирги орзу-умидимни ҳам пучга чиқармоқчимисан, нима, мен шунчаки кўнгилхушлик учун бу ерга келибманми? Нима, бекордан-бекорга шарманда бўлай деб келибманми? Кўрсатиб, юрагимга ўт ёқиб, энди мени ҳаммасидан бенасиб этмоқчисан. Энди мен ундан баттар бўламан. Агар туғиб берсанг, мен ўзимни оқлайман, бу менинг охирги умидим. Мен демоқчиманки, бу ягона оразум, ҳаётда кўрган-боққаним, ортирганим шу. Одамлар билмаса ҳам майли, аммо зурёдим менини эканлигини билади. Сен билан мени кейин фақат зурёдимиз эслайди.

— Балки ўша гумона ҳали йўқдир,— Настена бўшашиб эътиroz билдири.— Мен сенга айтдим-ку, ҳали аниқ эмас деб. Кутиш керак.

— Йўққа товоң ҳам йўқ. Агар бўлса, қўй, нобуд қўилма, менга раҳминг келсин. Агар истасанг, эртагаёқ ғойиб бўламану қайтиб сени ташвишга қўймайман, кейин ўз билганингча иш тутавер...

— Мен сенга гойиб бўл деяпманми, керак эмас! Нималар деяпсан ўзи?!

— Тўрт йил бирга турдик. Яхшими-ёмонми, ишқилиб, бирга турдик. Устига яна тўрт йил уруш. Минг чақирим олисда бўлсак ҳам, кўнгил риштаси бир-бирига боғланган эди. Наҳотки, шу умримиз бекордан-бекорга, беҳуда ўтиб кетаверса-ю, биргаликда кечган ҳаётимиздан бирон нима ёдгорлик бўлиб қолмаса! Сен мендан кейин ҳам яшайверасан, ҳали ёшсан, чиройлисан, аммо шу ўтган умринг барибир қайтиб келмайди. Ўтгани ўтиб кетди. Мендан кейин турмушинг қандай бўлмасин, барибир, ҳаётингда мен ҳам бор эдим. Ахир, мендан кўз юма олмайсан-ку? Қанчадан-қанча хотинлар уруш туфайли гала-гала бола билан қолди, сен бўлсанг, биттасигаям йўқ деяпсан. Агар шу бола урушдан олдин бўлганида нима қиласардинг?

— Нима, мен бола кўришни истамас эканманми, Андрей! Истамайманми?! Кўнглим тилайди. Нега ҳадеб мени беланги қиласверасан? Нега бунақасан?

— Сен урушдан қочиб келганимни кўриб ҳам мендан юз ўғирмадинг. Ҳайдаб юбормадинг, бировга сотмадинг, омон қолишимга шароит яратдинг, агар сен бўлмасанг, эҳтимол мен тамом бўлармидим. Сен ўз зимманга қандай оғирликни олаётганингни билардинг, шунга қарамай, шу оғирликни олдинг, қўрқмадинг. Энди оила барбод бўлган бир пайтда... Қанақа оила бўлди энди?.. Шунақа бўлади, деб ким ўйлабди дейсан... Сен унда зор, мен бунда зор, келиб-келиб шунақа пайтда бир марта эркаклигимни кўрсатибман умримда. Эркакман деб бекорга калла кўтариб юрмаган эканман. Нима ҳам дердим?! Илгари фақат у ёқдаги, Ангара-нинг ўнг томонидаги одамларни ўйлардинг, ҳозир бўлса икки томонни: одамлар билан мени ўйлайсан. Уларни бирлаштириб бўлмайди: бунинг учун Ангара қуриб қолиши керак. Албатта гапириш менга осон, чунки мен қорнимни қаппайтириб юрмайман. Мен бу ерда вакт-соатим етгунча яшириниб юраман.

— Бас қил, Андрей! Бўлди, бунақа дема.

Андрей щаштидан тушди-да, катга ўтириди ва нафасини ростлаб, чалқанча чўзилди. Аммо у ичидаги гапини айтиб тугатмаганди, шунинг учун бирпас жим ётдида, қолган-қутган алами гиж-гижлаганидан яна гап бошлади, аммо бу сафар энг муҳими айтилганини билиб, анча хотиржам, осон гапирди.

— Сен одамларнинг ғийбатидан қўрқяпсан... Улар билан нима ишинг бор? Одамлар итдай гап: битта-яримта сал мундоқ қадам қўйса, бўлди, дарров акиллайди. Акиллаб-акиллаб қолаверади — битта-яримтаси бирон ишқилиб қўярмикин, деб яна пойлайди. Турган гап, сени чайнашади — чайнамай иложлари йўқ. Гапириб-гапириб хумордан чиқадилар. Овқат ейишмаса ҳам, сенинг қоринингни ғийбат қиласидилар. Қўявер, ғийбат қилса қиласидар, тилларининг қичигини босишади, тил қичиги ҳам одамларга теккан дард, албатта, битта-яримтани ғийбат қиласидар. Сен эса, индама, билиб ишингни қиласвер, уларнинг жигига тегма — шунда тезроқ тийишиб қолишади. Кейин яна битта-яримтасига ёпишишади, шундан кейин сен яна одамларга аралашиб кетасан. Нима, биринчи марта шунақа бўляптими? Уша ўзлари ғийбат қилган нарсалари учун кейин сени мақтай бошлайди-

лар. Одамлар... Агар шундай кўргилик ўзларининг бошига тушса, ким билади, ўзларини қандай тутишаркин. Одамларга эмас, виждонингга қулоқ сол. Нима бўлганини ўзинг биласан. Сен ҳеч кимнинг олдида гуноҳкор эмассан. Ота томондан суриштирганда ҳам ўз боланг, шу билан ўзингни ҳимоя қил, шу билан ўзингни қутқар, шу билан. Албатта, сенга осон бўлмайди. Нима, ҳозир осонми сенга?

— Нолиётганим йўқ-ку.

— Нолимасанг ҳам кўриниб турибди.

Улар дарча ойнасининг тисир-тисир қилиши тиниб қолганини, ичкари аввал бир ёришиб, кейин секин аста ёренглилос босаётганини пайқамай қолишиди. Шамол ўтиб кетганди, аммо аҳён-аҳёнда қаердадир бир гувиллаб, ҳаммаёқни тўзитарди-да, гоҳ у, гоҳ бу деворга урилиб, тиниб қоларди. Ўтини ёниб бўлган печка ҳам қорая бошлаганди.

Андрей гапни бўлиб, ўрнидан турди, иссиқ чиқиб кетмасин, деб қопқоги билан трубани беркитиб қўйди-да, дарчадан ташқарига қаради. Тоғ томонидан ҳам анчамунча қор уюлиб, дарчага етай деб қолган, нам қор дарахтларининг таналарига ёнишган эди, шамол хиралашиб бораётган пастгина осмонда тарқалган қора булут парчаларини ҳамон ҳайдаб юради.

Настена бошини буриб, Андрейни кузатарди. Андрей қайтиб келиб, яна унинг ёнига ётди. Ҳеч нима ўзгаргани йўқ, аммо унинг заруратиз ўрнидан туриши ҳар иккисига ҳам мана орадан шунча гап ўтди, энди яна чўзишиниг ҳожати йўқ, деган маънени билдирар эди. Дарҳақиқат кутиб туриш керак. Тағии: қани энди мешинг ҳам болам бўлеа, қани энди тоби қочимаса эди... деб саннаб йиглаган хотинига ўхшаб қолишмасин. Керакли гапларнинг барини Андрей айтди, Настена эшитди — шу кифоя. Сабр қилиб туриш керак — яқинда ҳаммаси узилкесил маълум бўлади.

Настена енгил тортиб нафас олди ва увишган баданини ёзиш учун оҳиста керишиб қўйди. У ҳамиши ўзи шунаقا: сал ҳаяжонланса, кўнгли гаш бўлеа, назарида, салгинага зўриқиб кетадиган дарди сиртига тенгади-ю, изтиробдан аъзойи бадани сирқирай бошлайди ва ҳадеганда тарқаб кетавермайди.

Настена ҳамон эрим билмай, эсидан кўтарилиб, бир-биримизга индамай, ўзимизча қилган, шу боисдан ҳам омонат аҳду лайменимизни бир нул қилиб қўймасмакин, деб чўчиб, унинг оғзини пойларди.

Андрей қимиirlагач, Настена қотиб қолди.

— Бир вақларда, икки йилча олдин, эсимда, сени бир туш кўрувдим,— деб тўсатдан гап бошлади у ва Настена хаёлини йигиб, гапга қулоқ солишини кутиб, индамай турди.— Ҳаммаси қандоқ бўлса, шундоққина кўз ўнгимда турибди — қаерда тўрганимиз ҳам, мен билан бирга жанг қилган одамлар ҳам, шундоққина ёнимда ётганилари ҳам — шуларни туш кўрибман. Мен ётган әмишман, қайин олдидан — нарироқда қайинлар бор эди — бир қиз менга қараб келаётганимиз. Бутунлай хотаниш әмиш. Кўйлаги тўзган, ўзи чўпдан озгин, оёқяланг — сираям сенга ўхшамайди, мен бўлсам, негадир буни сен дермишман.

— Ўша мен эдим-да, ахир,— деди Настена таажжубланиб.— Сенга тегмасимдан олдин, унда сен мени танимасдинг ҳам. Сочлари ҳам ўғил болаларникига ўхшаб олинганимиди?

— Сочлари ҳам олинганди.

— Мен бўлганман.

— Нега сен бўларкансан? Мен сени бу аҳволда сира кўрмаган бўлсам, қанақасига менга шунаقا кўринасан?

— Унисини билмайман. Балки ўзим гапириб бергандирман. Аммо ўша мен бўлганман, мен.

— Мен ҳам айтяпман-ку ахир, бу негадир сен эдинг деб. Ўша қиз олдимга келди-да: «Нега бу ерда ивиришиб қолдинг? Мен у ёқда болалар билан қийналиб кетяпман, сенинг бўлса парвойингга келмайди», — деди. Мен ундан: «Қанақа болалар, бу болаларни қаёқдан топдинг? Нималар деяпсан? Қайтиб бориб қара-чи, болаларинг борми-йўқми?» — деб сўрадим. Қиз кетди.

— Кетдими?

— Назаримда, гапимга кириб, кетди. Кейин яна турганимиз. Яна худди биринчи мартадагидай соддалик билан: болалар билан қийналиб кетдим, дермиш... Мен унга сал иўписа қилиб: «Жўна, менга ҳадеб осилаверма, ҳеч қанақа болаларинг йўқ», — дермишман. Қиз бўлса бир нарсани тушунгандай хაёл сурисиб турди-да, қайтиб кетди. Туш ҳам ғалати бўлади-да: гўё тушимда ҳам ухламоқчи әмишман-у, ухломасмишман. Кўзимни юмдим дегунча ўша қайинлар ортидан ҳалиги қиз чиқиб келаётганини кўрармишман, шу туш ҳадеб такрорланаверар экан. Ушта кеча қиз тинкамни жуда қуритди-да.

Ногаҳон Настенанинг бир нима лоп этиб эсига келди, эсига келди-ю, у жиёл кутаёнлиб, сўрашга уни нима маж-

бүр этаётганини ҳали-ўзи ҳам тушунмасдан, тез, шопашниша сўради:

— Охири нима бўлди? Охирида сен унга нима дединг? Охирги марта?

— Эсимда йўқ. Ўша гапларни айтган бўлсам керакда. Мен нимаям дейишим мумкин эди?

— Раҳм қилсанг, йўқ демасанг бўларди,— деб жавоб берди Настена шу ондаёқ нафаси ичига тушиб, қуруққина.

— Нега энди?

— Нега бўларди? Шунча илтижо қилибди-ку.— Настена рўпарасидаги бир нимага диққат билан тикилди ва гўё кўрганини гапираётгандай деди:— Ўшанда олдила-рингда тўплар ҳам турганди. Мен чиқиб борган пастлика-да эса, машиналар бор эди. Катта-катта, кўм-кўк. Сен терлик устида ухлаб ётган эдинг, шинелинг устидан брезент ёпиб ётган экансан. Сен четда ётгандинг, ёнингда эса, учтами-тўрттами ўртогинг ётувди. Мен ўша сен ётган томондан борувдим...

Андрей тирсагига таяниб кўтарилди-да, унга тикилиб сўради:

— Сен қаёқдан биласан?

— Мен ҳам шунаقا туш кўрувдим. Аммо мен ўзимча туш кўрганман. Тавба, уни қара-я?!— Настена таажжубланиб жимиб қолди ва кўнглим буни очиқ айтавер ё айтма, дейдими-йўқми деб қулоқ солди. Икковининг туши бир хил, Настена шу ёшга кириб, бунаقا тушни билмасди. Икковининг туши — бир хил, бу беҳуда эмас, бунда бир ҳикмат бор. Унинг таъбири нима деб бош қотирмаса ҳам бўлади, ҳаммаси шундоққина мана ман деб турибди. Биргина имодан нафаси ичига тушгудек бўлиб турган Настена эслаб, эҳтиёткорлик билан гап бошлиди:— Менга бир кампир ақл ўргатганди. Қанақа кампирлигини ўлдирсанг ҳам айттолмайман, эсимдан кўтарилибди. Ўша кампир эрингнинг олдига бориб, болаларни гапиргир, деди. Борди-ю, бўйнига олса, рози бўлса, ниятларингга етасанлар, агар йўқ деса, тирноққа зор бўлиб ўтасанлар, деди. Бордим. Сен сира унамадинг. Мен кетиб, қайта-қайта олдингга бордим. Сен бўлсанг ҳеч нимага тушунмасдан нуқул йўқ дейсан. Мен шама қиласай дейману, гапиролмайман. Сен бўлсанг жаҳлинг чиқиб мени ҳайдаганинг-ҳайдаган. Аммо охирги марта борганим нима билан тамом бўлганини эслолмайман. Эсимда, бу сафар аввалгидек қизлигимча эмас, сенга таъсир қилиш учун хотининг бўлиб келибман. Олдинига шунаقا бўлиб келув-димми?

- Келувдинг.
  - Хўш, кейин менга нима дединг?
  - Биямайман. Эсимда йўқ.
  - Ахир бир нима дейишинг керак эди-ку?
  - Шунаقا шекилли.
- Мана, кўрдингми! Энг муҳимини билмаганмиз.— Настена ўзини тийиб туролмай гина қилди.— Нима, хўп десанг ёки жуда бўлмаса индамай қўя қолсанг, бир нима бўлармидинг? Энди ҳаммаси бошқача бўларди.
- Бир ками ҳар қанақа тушга ишониш қолувди ўзи,— иккиланиб эътиroz билдири у.
  - Кўриб турибсан-ку, қанақа туш бу. Ахир икки ёқда бўлсак. Тағин бир кечада икковимиз ҳам туш кўрсак-а, тавба. Кўнглим сенга кетган бўлса керак-да. Тушимизнинг бир хиллиги ҳам шундан.— Настена ҳамон нимадандир умидвор бўлиб, сўраб-суриштираверди:— Ушандан кейин бир мартаям, бир мартаям мени бола билан кўрмадингми? Яхшилаб эслаб кўр.
  - Йўқ, бир мартаям.
  - Балки эsingдан чиққандир? Манави уруш... кўп нарсани эсдан чиқариб юборади. Уруш ҳаммасини барбод қилди.
  - Йўқ, бунақа нарсани эсдан чиқармасдим-ов. Мана, сенинг борганинг эсимда турибди-ку, ахир. Икки йилдан бери эсимда.
  - Барибир охирини унутибсан-ку? Энди қаёқдан эслайсан уни?
  - Ҳеч қанақа охири йўқ эди шекилли. Парвардигор пешонасидагини кўрсин деган-да. Тушда эмас, ўнгимизда кўрсатмоқчи бўлган-да. Мана, кўрсатди, кўрсатганига шукур қиласанми-йўқми, ихтиёринг.
  - Нимагадир сен тақдирни кўп гапирадиган бўлиб қолдинг. Илгари бирон марта бўлсаям тилга олганингни билмайман.
  - Бошингга тушса гапирасан-да...— у истеҳзоли кукиб, ўзини маъқуллаётгандай бошини қимиратиб қўйди.— Сен ҳам келиб-келиб шуни таъна қиляпсанми? Кўргилик шундай олдинда, оёғинг остида турганида гапирасан-а. Энди бу кўргилик соядай эргашиб юради. Энди қочиб ҳам, тониб ҳам қутулиб бўпсан. Нима кўйга солса, ҳақ деб тураверасан.
  - Таъна қилини хаёлимга ҳам келгани йўқ. Оғзимдан чиқиб кетди.
- Аммо Настена Андрей бош иргаб кўрсатган оёқлаға қаради.

— Энди шу кўргилик сени менга қўл-оёқларингни баттарроқ боғлаб берди.— Андрейнинг чўчиганини ҳам, ачинганини ҳам билиб бўлмасди.— Мундоқ қараб турсам, сен бир бало қилиб қутулиб кетмоқчига ўхшайсан.

— Қутулиб нима қиласман? Мен сен билан. Энди нима бўлсак, бирга бўламиз.

## 11

Ҳарқалай Настена анча енгил тортди. Кўнгли анча бўшашгандай эди. Елкасидан оғирлик тушмади — йўқ, бу оғирлик уни баттароқ эзаётганди, бу юқдан қутулишини ўйлашнинг ҳожати ҳам йўқ эди, аммо баъзи нарсалар равшанлашганди. У илгари ўзини адашиб, тинкаси қуриб мўлжалидан анча олислаб, ундан ҳам нарига, тўпконнинг тагига бориб қолгандек ҳис этарди, ҳозир эса у қаерга бориб қолганини, бу ердан қандай йўл топиб, қутулиб кетишини биладигандек эди. Аммо пешонасадагини бошдан кечириб, қутулиб кетишга кучи етадими-йўқми, бу бошқа гап, лекин қаёққа бориши, қайси йўлдан юриши энди унга маълум эди.

Бу нарса Настена учун типирчиламаслик, борига шукр қилиб, тақдирга тан бериш керак, деган гап эди. Э, энди нима бўлса бўлар. У ҳали узил-кесил шундай қарорга келмаганди, аммо у энди ундан қочиб қутулиб бўлмаслигини аниқ тушунарди. Кўриниб турибди, бошига тушган мусибатларга охиригача чидашга тўғри кела-ди. Баҳридан ўтломайди, кечикди. Унинг ўзи ҳам баҳридан ўтмоқчи эмасди, бу эса Настена учун ўзидан ҳам кечиши деган гап эди, у Андрейга ҳам гаплари ярамга малҳам бўлармикин, деган умидда эътиroz билдира бошлиганди. Бу малҳамни кўпроқ қаердан қидирсин? У Андрейни умидвор қилиб қўйди, энди шу умиднинг илинжика юради, бу энди Андрейга худди сув билан ҳаводай бир гап эди. Андрейнинг нима дейишини олдиндан билиб олиш қийин эмасди.

Модомики, жилов қўлдан чиқдими, қўяверинг, от чарчаб, ўзи тўхтагунча чопиб кетаверсин. Тўғри-да, энди у қанақа ҳам қаромат кўрсатарди. Ахир, от айланиб қозигини топади деган гап бор-ку.

Ха, дарҳақиқат, кейин, вақти келганида от айланиб қозигини топади.

Ҳар ҳолда бир оз ташвиши ариб, кўнгли ёришиди-ку. Таваккал, бўлганича бўлар. Настена кўп ишлар қилиб қўйган экан, кўп нарсадан қўрқиб-писиб юриши керак экан, шунинг учун, яхшиси, ҳеч нимадан тап тортмай,

рўйи рост юравериши керак. Пешонасида борлиги учунми ёки худонинг шунаقا суйган бандаси эканми, Настена ўзини гўё худонинг назари тушгандай, одамлар ичидаги ажралиб тургандай ҳис қилас әди.— Бўлмаса бирданига бошига шунча кулфат қаёқдан қараб турувди. Бунинг учун кўриниб туриш керак экан. Албатта, ҳозир унга қийин, аммо ҳўл ўтиндай тутаб, умрини бекор ўтказгани, қисқа, ҳар қаерга олиб бормайдиган, ҳеч қандай муроди ҳосил бўлмайдиган йўлдан бориб-келавергани яхшими? Унга раҳм-шафқат қилишса керак, лозим бўлганда ёрдам ҳам беришар, кейин, нарироққа бориб, қарабсизки чеккан машақватлари эвазига бардор-бардор қилишса ҳам ажаб әмас — жон чеккандан кейин мукофотини ҳам оласан-да. Борди-ю, рўшнолик кўриш пешонасига ёзилган бўлса, тош келса кемиради, сув келса симиради, аммо умрини беҳуда ўтказиб, ҳеч ниманинг уддасидан чиқолмайдиган хотин бўлиб юришга сира тоқати - йўқ — ундан кўра ўлгани яхши.

Настена муштдайлигиданоқ бошқа одамлар қатори баҳтли бўлишни орзу қилас, йил сайин бу баҳт ҳақидаги тасаввури ўзгариб бойиб бораради. Настенанинг қизлик вақтида баҳт қуши ҳам енгил, эркин қанот қоқиб, тепасида айланиб юрарди, истаган вақтида қайси томондан бўлса ҳам учиб келарди, баҳт қуши учун тўрт томони очиқ әди. У ширин хаёлларга бериларди: гўё ўзи ўртада турибди-ю, баҳт қуши ўйнаб, гоҳ чапдан, гоҳ ўнгдан учиб келади, ҳавасини келтириб, қанотлари билан бир тўқиниб, қитиқлаб ўтади, кетидан юришга чорлайди, яна келишга ваъда берив, учиб кетади. Бу баҳт шунчалик мўл-кўл бўлиб, унда шунчалик жозиба, нашъаси татиб кўрилмаган шодлик, ишқ-муҳаббат, ҳузур-ҳаловат жилва қилиб турардики, у шу ондаёқ ўзини бу уммонга отиб, чўмилавергиси, ўз баҳтига ўзи зомин бўлмаслиги учун оқбатини ўйламай, ҳар куни, ҳар соатда ўйнаб-кулавергиси келарди. Айни пайтда қандайдир ёқимли, юракни орзиқтирувчи бир орзу туфайли висол онини пайсалга солишни истарди, чунки бу учрашув баривир мұқаррардек туюларди унга. Настена эрга тегаётганида ҳам нари-берисини ўйлаб ўтирмади, баҳтли бўлиш учун барча йўллар ичидан фақат биттасини танлаб олди-да, шу йўлга қадам босди, аммо у ҳозирча жуда кенг, бепоён йўлни танлаган бўлиб, бу йўлда яхшилик билан ёмонликка тўқнашмай ўтиб кетадиган жойлари ҳам бор әди. Турмуш унга саранжом-саришта, мустаҳкам, аммо серташвиш, иш кунлари тез ўтиб, байрамлар ҳам гаштли

бўладигандай, эри билан завқ-шавққа тўлиб, яйраб юрадигандай туюларди. Албатта, баъзан у бирон нимадан кўнгли тўлмай, таъби тирриқ бўлиши ҳам мумкин, ахир ҳамма вақт йўл бирдай равон бўлмайди-ку, аммо кейин ҳаммасини, албатта, уддалаб кетади ва эри билан апоқ-чапоқ бўлиб яшайверади. Эри уни қанчалик суюши, меҳрибонлик қилишидан қатъий назар, Настена аввал бошданоқ эрини қаттиқроқ севишини, унинг атрофида парвона бўлишини орзу қиласди—шунинг учун ҳам у хотин-да, биргаликда кечадиган ҳаётда умр йўлдошининг оғирини енгил қилиши, жонига малҳам бўлиши керак, шунинг учун ҳам унга бир ажойиб куч-ғайрат ато этилганки, унинг бу куч-ғайратидан қанчалик кўп фойдаланилса, у шунчалик гаройиб, назокатли, гўзал бўлади. Настена ана шунаقا хотин бўлишига ишонарди, фақат ана шу хусусда у чамаси, янглишмади. Бахт эса... дастлабки пайтларда узоқдан имлаб, умидвор қилиб кўриниб турган бахт кейин тирноққа зор қилиб, сароб сингари қаёққадир чекинди, у бахтини ўша ёқлардан топиши керак эди, аммо улар топишиб олиши мумкин бўлган йўл энди аввалгисига қараганда икки баробар тор бўлиб, гарчи ҳали ҳам равshan кўриниб турган бўлса-да, сўқмоққа айланиб қолган эди.

Настена сира орқасига қайрилиб боқмас, ўтган ишга ачинмас, қачонлардир, қаердадир бу ёққа эмас, у ёққа бурилиш керак, деб ўйламас эди. Турмуш кийим эмаски, уни ўн мартараб кийиб кўраверсанг. Нимаики бўлса — ҳаммаси сеники, унинг нимасидан тонасан, энг ёмони бўлса ҳам майли, тониш ярамайди. Андрей билан Настенанинг бошига оғир кунлар тушди, аммо у шу кунларга ношукурчилик қилишни ҳатто хаёлига ҳам келтирмади; бундан бу ёғини эплаб-сеплаб юраверди-ю, аммо ҳозирию ҳузури деб бошқа бир эркак билан бирга бўлиш тушига ҳам кирмади. Унда кўнгли кўчасига кириб, ўзи ҳам бутунлай бошқача бўлиши керак, хўш, шундай қилишга ким йўл қўйиб қўяркан? Майли, бошқалар билганини қилаверсин, аммо у эса, битта йўлни тутдими — бўлди, шу йўлдан кетаверади, ўзини тўғри келган ёққа уравермайди. У ўз бахти кулиб боқишини истайди, бошқалар бахтига кўз олайтирумайди.

Айтишларича, ҳамма ҳам толели бўлавермасмиш, у кимга кулиб боқармишу кимга йўқмиш. Аммо бу ёруғ оламда Настена ўзини танҳо деб билганидан ўрнимни боса оладиган ҳеч ким йўқ деб ўйларди. Модомики, шундай экан, нега унга толе кулиб қарамаслиги керак?

Бахтни шунаقا қилиб улашадиган ким экан? У бахтли бўлиб яшаш учун туғилган бўлса-ю, бу бахт унга насиб этмайдиган бўлса, унда нега унга жон ато этишди? Унинг бутун ҳаёти ўзига боғлиқ, унинг юраги, гайрат-садоқати, вужудига боғлиқ, бошқа икир-чикирлар, гарчи шундоқина ёнида турган бўлса ҳам, аммо сал нарида, бир четда, бу икир-чикирлар у борлиги учун ҳам мавжуд, модомики шундай экан, унга аталган баҳт қуши нега уни атайлаб четлаб ўтаркан-у, бошқа бир одам бошига қўнар-кан? Йўқ, инсонга бундай муомала қилиш ярамайди. Қани энди инсон кўрмаганини кўриш учун иккинчи, учинчи марта туғилиб, яшаса, зўр бўларди-я, аммо қайта туғилиб ҳам, кўрмаганини кўриб ҳам бўлмайди-да, Кўрадиганингни тириклигингда кўра қол, кейин кўраман, деб пайсалга солма — армонда қоласан.

Уруш Настенанинг баҳтига узоқ вақт ғов бўлиб турди. аммо Настена уруш йилларида ҳам бир кунмас-бир кун баҳти қулиб қолишига ишонарди. Уруш ҳам тугайди. Андрей ҳам келади ва шу йиллар ичida ўлда-жўлда бўлиб қолган барча нарса ўрнидан қўзғалиб, юришиб кетади. Настена ўз ҳаётини бошқача тасаввур эта олмасди ҳам. Аммо Андрей бемаврид, ғалабадан олдинроқ келиб қолди-ю, ҳаммасини чалкаштириб, чигаллаштириб, изидан чиқариб юборди — Настена бунаقا бўлишини сезмаганди. Энди баҳтни эмас, бошқа нарсани ўйлаш керак эди. Баҳт эса, чўчиб, қаёққадир уриб кетди, келар йўли ҳам кўринмай, ҳеч қанақа умид ҳам қолмаганга ўхшайди.

Кун кундан баттар.

Наҳотки умрининг охиригача баҳтсиз ўтса-я? Настена ҳеч қачон бундай даҳшатли аҳволга тушмаган эди. Бундан буёғи қоп-қоронғи зимистон, ҳеч қанақа рўшнолик йўқ. Дарҳақиқат, кун ўтган сайин баттароқ бўлаверади, аҳволи бугун ёмон бўлса, эртага яхши бўлиб қолмайди. Аммо ҳозир унинг бутун ўй-хәёлида баттарроқ деб юргани — бола-ку, ахир, шунга зор бўлиб армонда эди-ку. Настена орзу қилган баҳт, назарида, шу бола эди. Ахир Настена шундоқина баҳтининг ёнида турибди, деган гап эмасми? Фақат бу баҳт унга орқа ўгириб турибди, холос. Ё у баҳтга орқа ўгириб турибди. Нима фарқи бор? Ишиқилиб, ўшанга етишса, қуруққа чопиб қолмаса бўлгани.

Аммо ҳозир унга бу баҳтдан қандай, қандай наф бор?

Йўқ, нимадир юз бериши ва унинг ҳаётини изга солиб юбориши керак, йўқса жинни бўлиб қолиш ҳам ҳеч гап эмас. Шундай воқеа юз берди ҳам: унинг бўйида бўлди. Демак, тақдирда бор экан — кун кўради. Боласи бўл-

тандан кейин унга яна нима керак? Бола эса қочиб кетмайди, туғилади, у қимирилаяпти, ой-куни яқинлашыпти.

Энди Настена нима қилишини ва нима қилмаслигини яхши биләрди. Ўз ҳолига қўйиб бериш, вассалом. Етишолмаган, эришолмаганидан азоб-уқубат чеккан Настенанинг ўз қонуний бахти уни қаердадир — яқиндами, олисдами кутиб туриши керак-ку, ахир.

Мана, ўзи чўзилиб ётиби, бу вақтда эса жиловдан чиққан от чопиб борган сари олислаб кетарди.

Улар айтилган энг муҳим, нозик ва мўрт нарсани арзимас мулојим гаплар билан ўраб-чирмашаётгандай, оғизларига келганини қайтармай гаплашиб ётишарди. Етганингда шунаقا гаплардан гаплашиб осон: кўзингни юмиб оласан-да, юзига айтишга ботина олмаган гапингни айтаверасан, уялмай-нетмай жимгина ётсанг ҳам, ўзингни тийсанг ҳам, ўз ўй-хаёлларингга берилсанг ҳам бўлаверади, кейин яна гапинг уланиб кетаверади.

Қош қорайган бўлса-да, чироқ ёқишмади, гарчи ой кўринмаса ҳам, ёққан қорнийг сокин, совуқ ёруғлиги дарчадан тушиб турарди. Андрей билан Настенанинг юзи бу ёруғликда оппоқ кўринарди, гавдалари латтадай бўшашиб, жонсиздай, бошқа бир куч туфайли қимирилаб қўяётгандай туюларди. Овозлари ҳам олисдан бирорларни-кига ўхшаб эштиilarди. Ҳатто Андрей ҳам, Настена ҳам ушбу дилгир ва хилват соатда жисму жойлари ўзлариники эмасдай, бегонадай ҳис қилмоқда эди — шу қадар юракни безилматадиган жимжитлик ҳукмон эдики, атрофда ҳеч нима қилт этмай турган, хайрлашув олдидан ҳамма нарсани кечириш мумкин бўлган тафсилотга бой бу кун ниҳоясига етаётганди. Улар ана шу жимжитлик таъсирига берилиб, оҳиста, деярли шивирлашиб гаплашар эдилар. Суҳбат ҳам бирор хусусда бормай, эркин, енгил-елпи бўлиб, бир мавзуда кўпроқ, батафсил сўзланса, бошқасида калта-кўтоҳ, лўнда-лўнда гапирилар, бамисоли хоҳлаган ерида туриб қоладиган ва яна у ёқ-бу ёққа бориб келадиган соат капирига ўхшар эди. Бир вақт жим қолган дақиқалардан бирида Андрей томдан тараша тушгандай:

— Сен, Настена, мендан нима истардинг? — деб сўраб қолди.

— Вой, бу нима деганинг? — у тушунмади.

— Мана мен, сендан нима истаётганимни биламан. Буни ўзинг ҳам биласан. Бугун биз мириқиб гаплашдик, шунинг учун ҳаммасини бошидан қайтариб ўтирмоқчи

эмасман. Аммо ҳали анавидан ташқари мени деб яна кўп иш қилишинг керак. Менга нон ҳам, кийим-кечак ҳам келтириб беряпсан. Бу ердаги нарсаларниң ҳаммаси сенинг қўлингдан ўтган. Мен сени зулудек сўраверса-му, сўраверсаму эвазига ҳеч нима қайтармасам, уятда, ахир. Ахир сал бўлсаям виждоним бор менинг. Мен бутунлай сени қарамоғингдаман, нонхўр бўлгандаям ўн-танинг ўрнини босадиган нонхўрман. Ўнта нима эмиш, ундан ҳам кўп! Сен ана шу нонхўр туфайли одамлардан қўрқиб юришинг керак. Мен қўрқсам арзиди. Негаки, бунинг сабаби бор, аммо сен-чи? Хўш, сен нима деб бу ёруғ оламдан икки қўлинг тепангда кетади? Биламан, сен менга ачиндинг. Мана, бугун ҳам шунча гапларни гаплашдик, шунга ҳам ачинасан. Сен асли ўзи шунаقا-сан. Мана кўрасан, ҳали ҳеч иш қилмайсан. Мен сенга ҳеч нима демайман — йўқ, мен сени биламан. Борди-ю, ўзинг истаганингда ҳам, шундай қилолмайсан. Қўлингдан келмайди, Настена, шу гапларим эсингда бўлсин. Мен ҳамма ишни сенинг гарданингга ағдаряпман-у, аммо ўзим, нима бўлгандаям, бир четга чиқиб томоша қилиб турибман, бир ўзинг оғир юқ остида эзилиб ёти-шинг керак. Боя сен тўғри гапирдинг. Хўш, қўлимдан нима келарди? Нима келарди, Настена? Ўзинг ўйлаб кўр. Жон-жон деб сенга ёрдам берардиму, аммо ило-жим қанча? Ёрдам бергим келади, мен тайёрига айёр бў-лишга ўрганмаганиман, жон-таним билан бирон иш қиласай дейман-у, аммо иложим йўқ. Хўш, шундай бўлгач, нима қилишим керак?

— Нима қилишим керак? Ҳеч нима керак эмас.

— Мана, кўрдингми, ҳеч нима керак эмас деяпсан, — деб илиб кетди у, гўё бошқача жавобни кутмагандек. — Мана, кўрдингми, менга керагу, сенга керак эмас. Мана шу аҳволга тушиб қолдим: мендан бирор нафи тегар, деб кутишнинг ҳожати йўқ. Буни ўзим ҳам билардим, аммо баъзи бир нарсалардан умид қилувдим. Ҳар ҳолда бирон нимани илтимос қилиб қолар деб ҳам ўйладим. Йўқ, бундай бўлмади. Лоақал бирон-бир арзимаган нарсани сўрар-ку, дедим, уни ҳам сўрамадинг. Демак, энди фақат зиёним тегар экан, мен билан умринг азобда ўтаркан-да. Турган гап, энди мен тамом бўлган одамман, ҳамма учун ҳам тамом бўлганиман. Мен буни билиб шу ўйлга қадам қўйдим. Тўсатдан, балки сен учун ҳали тамом бўлмагандирман, дея ўйлаб қолдим. Шунда зора-мора раҳм-щафқат қиласар, кўнглида мен учун лоақал заррадек жой топилар деб келдим. У қалби қаъридан оти-

либ чиқиб, аъзойи баданини ўртаётган дард-аламга қарамай, шошилмасдан, хотиржам гапираётган эди, назарида, у ўзини таҳқирласа, бу аламга чидаса, лаззатланаётгандай эди.— Бундан чиқди, сен менга фақат ачинар экансан. Албатта, бу ҳам жонимга ора киради, лекин фақат ачиниш билан узоқ жон сақлаб бўлмайди—бу ришта жуда ҳам ингичка, салга пирт этиб узилиб кетиши мумкин.

— Нималар деяпсан, Андрей?! Нима бўлди сенга?!— Настена қўрқиб кетиб, унинг гапини бўлди.— Мен сени шунчаки сўради қўйди-да, дебман, шунинг учун мен ҳам шунчаки айтдим, тавба, олиб қочганингни қара-я. Шунақаям бўларканми одам? Нега бунақасан-а? Ҳеч гапдан ҳеч гап йўқ, роса олиб қочдинг-да, менинг ҳам миямни ғовлатиб юбординг. Қотмаган бошимни қотириб нима қиласан, кераги йўқ. Ҳали бир кунингга яраб қоларман. Агар истасанг, мен сенга ҳозир ҳам минг хил иш топиб бераман.

— Масалан, қанақа?

— Аввалига лоақал сал тилингни тийсанг. Айтсанг айтмасанг ҳадемай азобимни тортиб қоламан, бунинг устига яна сен ҳам ишонмасанг, унда ҳолим нима кечади?

— Турган гапки, агар мен бўлмасам, сенга анча яхши бўларди.

— Бўлмаса-чи! Албатта яхши бўларди,— деди Настена унинг гапига қўшилиб.— Агар ўзим бўлмасам, ундан ҳам яхши бўларди. Ҳеч нимани билмасдим, кўрмасдим, әшитмасдим; ҳеч нимага куймасдим, азоб ҳам чекмасдим—оҳ-оҳ, шундоқ яхши, тинч бўлардики! Ғалатисан-а, агар мен манавидаقا — қорним дўўмпайиб турса, нима ҳам қиласман? Нега тағин сен мен бўлмасам, сенга яхши бўларди дейсан? Бунақа гапни эшитишни ҳам истамайман, билдингми? Сен мени ўзингдан ажратмай қўя қол кераги йўқ.— Настена нафасини ростлаб олиб, давом этди:— Энди нима бўлса, биргамиз. Сен у ёқда гуноҳ қилиб келибсанми, энди мен ҳам сен билан бирга гуноҳ корман. Бирга жавоб берамиз. Борди-ю, мен бўлмасам балки шу гаплар бўлмасмиди. Шунинг учун сен ҳаммэ айбни бир ўзингга олаверма. Мен сен билан бирга бўлдим, наҳотки шуни кўрмаган бўлсанг? Сен қаерда бўлсанг, мен ҳам ўша ердаман. Сен эса бу ерда мен билағ бирга бўлдинг. Икковимиз ҳам бир хил туш кўрибмиз бу бежиз эканми? Оҳ, Андрей, бу бежиз эмас. Сен истайсанми-истамайсанми, биз қаерда бўлсак ҳам бирга бўлганимиз, ярмимиз бу ерда, ярмимиз у ёқда. Нима, сеғ қаҳрамон бўлиб қайтиб келсанг, бунинг менга алоқаси

йўқмиди, сенингча шунақамиди? Нима, сен билан бирга хурсанд бўлишга ҳаққим йўқмиди? Э, қўйсанг-чи? Менинг әrim деб бошим осмонга етарди. Мана, қаранглар, хотинлар, ҳавасларинг келсин, мен мана шунақаман, мана, кимлигимни кўрсатиб қўйдим, деб қишлоқда керилиб юрардим!

— Э, сен бунақани эсламасдинг ҳам, фарқига ҳам бормасдинг...

— Нега энди? Нега фарқига бормасканман? Бодшингга шундай кун тушибдими, демак, мен сени яхни әҳтиёт қилолмабман. Модомики чидолмабсанми, демак, ё сен менга ишонмагансан, ё шунча гидрикапалак бўлганим сенга камлик қилиби, ё яна бирон нима етишмаган. Сен мени оппоқ дема, бари бир ўз айбимни ўзим кўриб турибман. Масалан, дейлик, борди-ю, мен сени кутмасдан битта-яримтага тегсам-у ҳаммасини ташлаб, ўша билан бирон ёқларга ҳайё-ҳуй деб кетиворсам, унда бир мени айбдор деб ҳисоблармидинг?

— Бўлмаса кимни айблардим?

— Йўқ, ўшанда ҳам сен бу ишга аралашган бўласан. Нега энди сен бир чеккада туравераркансан? Шундай қилишимга сен ёрдамлашган бўласан. Бу иш анча олдин пишиб қолган бўлиши мумкин, қачон пишириб қўйганимизни ўзимиз унтиб юборгандирмиз ҳам, аммо бирга пиширган бўламиз, бир ўзим бунақа ишга ботина олмасдим. Эй худойим-еј, нималар деяпман-а. Мен зинҳор-базинҳор бунақа қилолмасдим, шунинг учун бу айб сенга, бу айб менга, деб бўлиб ўтиришнинг ҳожати йўқ демоқчиман. Сен билан мен бирга яшаймиз, деб бир ёстиққа бош қўйганимиз. Тўрт мучалинг соғ бўлса, бирга туриш осон, бу худди тушга ўхшайди, ўйин-кулгингни қилиб ўтаверасан. Бошга ёмон кун тушганда бирга бўлиш керак, ана шу мақсадда одамлар бир ёстиққа бош қўйишади. Мен сенга туғиб бермадим, аммо сен мени ҳайдаб юбормадинг-ку. Боримга кўниб юрдинг-ку, яхшироғини қидириб қолмадинг-ку. Хўш, қани айт-чи, сендақ ажраб кетишингга ким қўйиб қўяркан мени? Қайтанга ўзим адойи тамом бўлардим, ўзимни ўзим ердим.

— Ёмон билан ёмоннинг фарқи бор, Настена. Мен жиноятчиман, қонуннинг ўзи менга қарши. Нима, сен ҳам менга қўшилиб, жиноятчи бўлишинг керакми?

— Энди сўрашнинг ҳожати йўқ. Шу ишга қадам қўймасингдан олдин ўйлаб кўриш керак эди. Шу йўлга юрдингми, демак, мени ҳам ўзинг билан судраб кетдинг. Мен бошқача йўл тутолмайман. Ахир ўзинг кемага чиқ-

ҳанинг жони бир, деб айтгандинг-ку. Бу тўппа-тўғри. Аммо менга ишон, ишон, йўқса икковимизга ҳам ёмон бўлади, ўзимизни ўзимиз қийнаймиз.— Настена Андрей нима деб жавоб беришини кутиб жим бўлди, аммо Андрей ҳадеганда жавоб беравермади, шунинг учун Настена ўйлаб турди-да, қўшиб қўйди: — Мен, эҳтимол, тақдирим бошқача бўлишини ҳоҳлардирман, аммо бошқача тақдир бошқаларнинг ўзига буюрсин, менинг кўз очиб кўрганим мана шу. Уни ҳеч кимга бермайман.— Настена яна жим бўлиб қолди, кейин яна қўшимча қилди: — Ҳаммаси яхши бўлиб кетади, Андрей. Яхши бўлмай иложи йўқ. Мана кўрасан ҳали.— Андрей бари бир жавоб бермади.

— Менга эса ҳозир ҳам яхши. Ахир ўзинг биласан-ку, менга кўп нарса керак эмас. Сен билан турганимнинг ўзи менга катта давлат, бошқаси бунинг олдида бир пул. Нима бўлгани эсимда йўқ, кейин нима бўлиши билан ишим йўқ. Яна бирон гап бўлишига ҳатто ишонгим ҳам келмайди. Бир умр шундоқ қолади шекилли: сену мен, икковимиз. Фақат шу соқолингни қириб ташласанг бўлармиди, бу соқолинг билан бирорларга ўхшайсан. Нима қилсанг ҳам мана шу соқолингга сира кўнига олмайман, вассалом.

Настена хиёл кўтарилиб, унга ўгирилди, шунинг учун Андрей уни кўрмаса ҳам нафас олишининг ўзгаришидан хотинининг жилмаяётганини сезди. Шунгача улар гўё бир-бирига эътибор бермаётгандай, гўё иккови ҳам ўзига ўзи гапираётгандай юқорига, шифтга қараб қимир этмай чалқанча ётарди. Андрей бошдан-оёқ кўзларини юмиб ётиб гапиради — чиндан ҳам шу қулай экан. Аммо ҳозир у Настенанинг табассумига жавобан кўзини очди, унинг меҳрибонлик билан мулоим боқиб турган нигоҳларини кўрдию бу нигоҳларга тоб беролмай кўзларини олиб қочди.

— Нега илгари бирон марта ҳам мана шунаقا гаплашмабмиз-а?— деди у ва ўз гапини исботлаш учун ичидан зил кетиб, хотиржам бошини чайқади.— Ахир, ҳаммаси бошқача — тескариси бўлиши мумкин эди-ку. Ёки бу шунаقا туолдимикин. Э, ким билибди дейсан! Аммо бунаقا гаплашганимиз йўқ, буниси аниқ, гаплашганимиз йўқ. Кўп гаплашганимиз у, ҳар куни қаёқдаги икир-чикирларни, кимнинг арзимас дарди бўлса, шуни гаплашганимиз. Ахир, шу тўрт йил ичida бир-биримизнинг кўнглимизга қўл солиб, ким нимани ўйлаётганини сўрашга, гаплашишга вақт бор эди-ку. Бундан чиқди, мен сени яхши билмасканман. Юзингга қараб

юраверибман. Борми бор, бўлди дебман, сенинг кўнглиңгда нима бор, ўзимнинг дилимда нима борини билмабман. Қара-я, сенга қўл кўтарибман-а.

— Менга қўл кўтартганинг йўқ.

— Кўтартганинг йўқ?

— Йўқ.

— Демак, ёмонликни өслагинг йўқ экан-да. Ҳаймайли, өсламасанг өслама. Агар өсласанг, менга сал енгил бўлармиди девдим-да. Менга сендача хотинни ким қўйибди? Сендан жуда катта қарздор бўламан, аммо қарзимни узишга, ўзинг кўриб турибсан, ҳеч нимам йўқ. Эҳ, Настена-Настена! Сен мени эмас, бошқа бирорнинг этагидан тутсанг бўларкан. Сен шунчаки айтди қўйди дема, жиддий гапиряпман. Ахир, сен фариштасан-ку! Нима қилиб менга учраб қолдинг ўзи? Сира ақлим етмайди.

— Менга эса, сен яхвисан, бошқанинг кераги йўқ. Ҳали ҳам айтиувдим. Шунинг учун бу ёғи билан ишинг бўлмасин.

— Яхши бўлмагандада нима қиласдинг энди...

— Ҳеч нимани тушунмайсан-ей, Андрей.— Настена ранжиб, алам билан хўрсаниб шивирлади ва бошини яна ёстиқ ўрнига думалоқлаб қўйилган нимчасига қўйди.— Гапларинг қизиқ-а, менга яхши-ёмонлигини нега билмас экансан, қаёқда эдинг?— Андрей жавоб бермади, унинг жавоб бериши шартмаслигини пайқаб, Настена гапида давом этди.— Сен мени бу ерга олиб келганингда, мен бу ердагилардан биттасиниям билмасдим, ҳаммаси, ҳаммаси бегона эди. Аслини сўрасанг, мен кўзимни чирт юмиб, сенга эргашиб келавергандман. Қаёқка олиб борсанг ҳам бари бир эди. Мен ҳатто ўзингни ҳам тузуккина билмасдим, нима энди, номигагина икки-уч марта учрашдик, яна номигагина ҳазил тариқа келишиб ҳам олдик. Мен охирги дақиқагача ҳам боришингга ишонмовдим. Нима, одам қўрқмайдими, ахир? Бутун ҳаётингни бошқатдан бошлийсан, илгариги ҳаётингдан ном-нишон қолмайди, бир ўзим, ўзимми ёки бошқами, ақлим етмай қолди. Ҳу эсингдами: пароходдан бирга тушдик, у ёқ-бу ёққа қарашга қўрқаман, текис ерда ҳам туртиниб кетаман. Эсингдами? Шунақа бўлувди: жардан чиқаётганимизда оёқларим чалишиб, йиқилиб тушувдим. Одамлар куларди, шундай изза бўлдимки, оёғим остидаги ерни кўрмасдим. Юрагим ёрилганини сездинг-у, қўлимдан ушлаб, стаклаб кетдинг. Уйга келдик, сен, мана, хотиним мана

шу, дединг. Отанг исминг нима, деб сўради. Настя, дедим. Отанг бошқача қилиб, Настена деди. Ўша-ӯша исмим Настена бўлиб кетди. Онанг бўлса чурқ этмай ҳараб турарди, Қарасам, онангга унча ёқмадим шекилли, балки онанг бошқачароқ келин келишини кутгандир. Сен буни сездинг. Сездинг-у, менинг тўғримда гапириб, бир ўзи, қовурғаси қайишадиган одами йўқ, ҳўйинглар, хафа қилмайлик, дединг. Қулиб, ҳазил қилгандай бўлдинг, аслини олганда, ҳазилнинг ўрнимиди? Ана ўшанда сенга тегиб, панд еб қолмаслигимга ишонгандим, тақдир мени қаёққа улоқтиурсаям, барибир сен билан яхши туришимга амин эдим.

Ўша куни кечқурун сен мени одамларникига етаклаб бординг. Эсингдами? Витя Березкинникига, Максим Вологжинникига ва бошқаларникига кирдик. Айтаман деб унутибман: яқинда Максим қайтиб келди. Қўлим қаттиқ шикастланди, дейди ҳозиргacha ҳам боғлаб юрибди.— Андрей бу янгиликни эшитса ҳам, нафасини ичига ютиб, чурқ этмади, шунинг учун Настена давом этди:— Сен мени одамларга кўрсатиб, мақтаниш учун олиб юрмадинг, йўқ, мени тезроқ одамларни таниб олсин, буларнинг ичидаги бегонасираб юрмасин, деб олиб юрдинг. Ростдан ҳам эрталаб Витянинг Надъкасини учратиб қолдим, кўрдим-у, кўзларим косасидан чиқиб кетаёзди: менинг танишим бу ерга қаёқдан келиб қолди, деб ўйладим. Ахир мен уни биламан-ку, биламан-ку ахир, аммо қаерданлигини, кимлигини тополмайман. Кейин эса, ё тавба, ахир куни кеча танишдим-ку, деб ўйлаб қолдим, уларникига ўзинг олиб борувдинг, мен ақлсизнинг бўлса миям ачиб кетганди. Ўшани кўрдим-у, худди туғишганимни кўргандай хурсанд бўлиб кетдим. Ўшанда биз, эсимда, омборда тунаган эдик. Сен, шу ерда ётамиз, деб туриб олдинг, кейин ўша ерга ўрин қилиб беришди. Аввалига менга жуда ғалати туюлди, аммо омбор озода, саранжом-саришта эди — ҳу ҳовли томондаги кичиги. Аммо деразасиз, қоп-қоронги эди. Мана шунаقا кати бор эди, кейин ўша кат нима бўлди, ким уни бузиб олди? Ҳа, айтгандай, ўзинг бузувдинг. Тўғри, ўзинг бузувдинг: қандук қилиш керак бўлиб қолувди. Э, аттанг, жуда шинам кат эди-да. Худди зиндандай қоронги эди-ю, аммо ёғоч-тахта, қиринди ҳиди анқиб турарди, отанг ўшангача дурадгорлик қилган эканми? Ҳозиргидай эсимда, ўшанда сендан ҳам қиринди ҳиди келарди. Сен мендан қўрқмайсанми, деб сўрадинг, мен эса, йўқ, сен бўлсанг қўрқмайман, дедим.

Шунда девор орқасидаги қўндоқдан хўroz худди гапимизни эшитиб, синааб кўрмоқчи бўлгандай жазаваси тутиб қичқирганди. Менинг жон-поним чиқиб кетувди.— Настена оҳиста, майнингина кулди-да, сўнг жимиб қолди. У енгил хўрсиниб қўйди.— Эрталаб эшикни вўрга қидириб топдим. Қайси томондалигини сира қидириб тополмайман. Сен бўлсанг, тушгача донг қотиб ётдинг, ёш хотинингни ҳам эсингдан чиқариб юбординг. Мен Анграга бориб, полизларни кўрдим — унисини ҳам, бунисини ҳам. Сенсиз нонуштага ўтирамадим, сени кутдим. Ойинг чидаб туролмасдан сени уйғотди. Эсимда, ҳаммамиз бирга — отанг, ойинг, сен, мен чой ичдик. Сен бўлсанг, гўё кечаси мен аллақаёқларда юргандай, киши билмас шилқимлик қиласдинг, тегишардинг. Чойдан кейин сен, қани бўл, дединг. Мен қаёққа, десам, сен қаёққа бўларди, адирга-да, дединг. Кейин чиндан ҳам мени адирга, сайхонликка олиб кетдинг, экин ерларини, бекор ётган ерларни кўрсатдинг, ҳаммаёқни кўрсатдинг, гапириб бердинг, кечгача айланиб юрдик. Қайтиб келсақ, оғайниларинг ўтирган экан. Оғайниларинг, модомики, уйланган бўлсанг, қани тарасунни<sup>1</sup> келтир дейишиди. Ўшанда Витя ҳам, Максим Вологжин ҳам бор эди. Витя ҳалок бўлди, билсанг керак? Биласан, ёзгандим-ку. Эри йўқлигида Иадъканинг қиз кўрганини ёзган-ёзмаганим эсимда йўқ. Надъканинг боласи учта, шўринг қургур қийналяпти, жуда қийналяпти. Иложи қанча?

Настена чапга, Андрей ётган томонга кўз қирини ташлаб қўйди. У ҳатто нафас олаётганини ҳам сездирмай, кесак бўлиб ётарди, шунинг учун Настена Витяни беҳуда тилга олганини пайқаб қолиб афсусланди. Андрей Витя билан оғанини эди. Аммо Настена бирон нимани аралаштириб, бу гапни бўлиб қўйишга шошилишни истамасди. Эҳтимол, у бунинг уддасидан чиқа олмас ҳам эди. Шодлик ва ташвиш билан тўла бу хотиралар бутун борлиги билан равшан гавдаланиб, мени ташлаб кетма, бүёғини ҳам гапиравер, деб илтижо қилаётгандай кўзи олдида липиллаб турарди. Настена қаерда тўхтаб қолса, ўша воқеа қалқиб, шундоққина кўз олдига келарди-да, гўё биз ҳам бормиз дерди-ю, уни қўлидан тутиб, эргаштириб кетарди. Чиндан ҳам ўша пайлар жуда маза эдида, кунлари хуш-хурсандлик, ўйин-кулги билан ўтарди, келажакда бундан ҳам яхши бўладиганга ўхшарди! Шун-

<sup>1</sup> Тарасун — тозаланган қимиз ёки икки марта тортилган сутдан тайёрланган ароқ. (Тарж. изоҳи.)

дай бўлса ҳам Настена ҳарқалай хотираларга берилишни бас қилди: шуниси ҳам етарли. Настена кейинги пайтларда кўрган кунларини ўйлаб, авзойи ўзгарди ва кулимсизраб сўради:

— Сен ҳу анави курсда ўқиб юрганингда олдингга, районга борганим эсингдами?

Улар турмуш қурғанларининг иккинчи йили қишида колхоз Андрейни ҳисобчилар курсига юборди. Ҳарқалай унинг олти синф ҳажмида маълумоти бор эди-да, шунинг учун гарчи у тракторчилар курсига боришни мўлжаллаб турган бўлса-да, айнитишиб, ҳисобчилар курсига юборишиди. Гарчи тракторчилликка ўхшамаса-да, бу ҳам ҳарқалай тузуккина, кўзга ташланадиган иш, аммо доимо уйда, бир ерда бўласан, бордию МТСга ўралашадиган бўлсанг, ўйлаб бегона ерларда, бегона одамлар ичидаги юрасан, касб танлашда худди мана шу жиҳати Андрейни тўхта-тиб қолди.

Андрей янги йилда уйига келиб, то рождествогача турди, февралда эса, Настена унинг олдига боришга отланди. Район марказигача етмиш чақирим келарди, йўлда бир кеча ётиб бориларди. Бир чанани қўшиб, Иннакентий Иванович, нима иш биландир касалхонага бориши зарур бўлган Доно Василиса ва Настена жўнашди. Иннакентий Иванович билан Настена вақт ўтказиш мақсадидага у ёқ-бу ёқдан гаплашиб бораарди, Иннакентий Иванович гапиришни яхши кўрарди. Доно Василисанинг эса, ҳар бир сўзи тилла эди, беҳуда гапирмасди. Улар эртанисига кечқурун районга етиб боришиди. Ишларни бир кунда битириб олишга келишишди-да, ҳар қаёққа тарқаб кетишиди. Настенанинг эса Андрейни кўришдан бошқа иши ҳам йўқ эди, бунақа ишга неча кун бўлса ҳам камлик қилади, албатта.

Андрей сой соҳилида, Ангарага қуйиладиган жойдан сал наридаги кўримсизгина уйда туради. Настена борганига уй эгаси — кампирнинг таъби тирриқ бўлиб кетди, Андрейнинг ҳамхонаси — ёши қайтган, бадқовоқ, чўтирик, кўзойнак тақиб юрадиган мужикнинг эса, ундан баттар диққати ошди, кўзойнагининг шишалари ҳам ҳар хил — бири сроқ, бири тўққора бўлиб, худди отларнинг кўзпасишига ўхшарди. У каравотда қўлда китоби билан ётганича ётаверди, ўрнидан ҳам турмади, лоақал кўнгил учун «келинг» ҳам демади. Андрей ҳовлиқиб, шошиб қолди ва тунаш учун Настенани Колхозчилар уйига олиб борди.

Настена илгари, ҳали эрининг олдига боришни ўйлаб юрган кезлари бир нимадан сал-пал умидвор бўларди,

бироқ бу илинжини чўчтиб юборишдан ўзи ҳам қўрқиб, уни сир сақларди. Андрейга-ку бу илинжини ўлса ҳам айтмасди, албатта. У уйимизда-ку иккиқат бўлолмадим, балки бу ерда бўларман деган андишада эди. Уйда улар бир-бирига ўрганиб, синашта бўлиб қолган, бу ерда эса, ишлар бошқача бўлади, бу таъсир этиши мумкин.

Қайтанга ҳаром-ҳариш юрсанг, беихтиёр, дарров ушлайди, деб бекорга айтишмайди, бунақа пайтда бола бўлиб қолишини ҳам унутиб қўясан, кейин бир маҳал қарабсанки, салом-алайкум деб чиқиб турибди-да! Настена эса ҳалолу пок, иштиёқ билан бўлишини истайди, фақат шуниси борки, уйидан олисда-да, шунда ҳам ноиложликдан. У бу хомхаёлдан бирон нима чиқишига ишонмасди, аммо қанчалик ишонмаса, ўзини синаб кўришга шунчалик қизиқиб, шунчалик ошиқарди.

— Эсингдами, ўша куни эрталаб сен ўқишингга бормадинг, мени олиб кетгани келдинг, кейин икковимиз яқингинадаги, йўлнинг нариги бетидаги чойхонага бордик. У ерда, стол устида каттакон самовар турган экан, мен умрим бино бўлиб бунақа самоварни кўрмовдим. Жўмраги бузуқ экан, сув оқиб турарди, шариллаб оқарди, тагига атайлаб чуқур ликопча қўйишибди. Нега уни тузатиб қўйишимаган экан, билмайман. Ўша чой дамлаб берадётган хола, шартта ликопчани олди-да, ўшандан сенга стаканга чой қўйди, сен сезиб қолдинг. Сен, йўқ, самовардан қўйинг, дединг. У бўлса баҳсласиб, ахир бу самовардан оққан-ку, деди. Сен бўлсанг, йўқ, томган, бу чой эмас, чайинди, дединг. Хола бўлса, сираям чайинди эмас, дейди, сен эса, чайинди, дейсан. Ҳарқалай хола тан олди, самовардан қўйиб берди. Эсимда, сен менга қоғозли конфет ҳам олиб берувдинг, мен ўшани оққанд ўрнида кумир-кумир қилиб тишлаб, чой ичувдим. Конфетлар асалли эканми, жуда ҳидли, чўзиларди есанг, мазаси анчагача оғзингизда қолади, кетмайди.— Настена, гўё ўша унутилмас хушбўй ширинлик таъми ҳамон оғзидан кетмагандай, тилини тақиллатиб, лабини ялаб қўйди.

— Кейин чойни ичиб, қоринни тўқлаб, яна сен турган уйга бордик. Шишалари ҳар хил кўзойнақ таққан анави мешҳорин йўқ экан, кампир уйда экан. Унга ҳисобчиликка ўқишининг ҳожати йўқ эди — булар нима иш қиласак, шунга қараб ўтираверди. Ёмон кампир экан: биз ҷаҷон кетаркин, деб кутиб турганимизни кўриб турса ҳам жўрттага, ўтириб олди. Шундан кейин сен уни жўнатишнинг йўлини топдинг: магазинга бориб, чоракталик олиб келинг, деб пул бердинг. У бўлса, кейин ўзинг

айтиб берувдинг, пулни ўзи олишни яхши кўраркан, бу ишни бирорга ишонмас экан. Кампиримиз ғимирлаб қолди, чоракталикка десанг, майли, чопқиллаб бориб келаман, аммо бошқа ишни буюрсанг, ўлсам ҳам ўрнимдан қўзғолмасдим, деди. Сен унга чопқиллаб нима қиласан, секин бориб келсанг ҳам бўлади, улгурасан, дединг. Кампир бўлса, мен-ку улгураман-а, аммо сен, қарогим, эшикнинг илгагини ҳарқалай илиб қўй, ман уйимга одамга ўхшаб келай, деди.

Настена илиқ, бадани силкинмасдан мулоийим кулди, гўё сув юзида кичиккина ҳалқача тилдираб, аста тойиб бўлди.

— Кейин икковимиз куни билан юравердик, юравердик — бормаган жойимиз қолмади,— у яна овозини пастлатиб, сўзларни чўзиб, шивирлаб гапираверди.— Сен мендан бир қадам ҳам нари жилмадинг, бирга юрганимиздан ҳатто хурсанд эдинг, хурсандлигингни шундоққина кўриб туардим. Мен бўлсам, эҳ, қанчалик хурсанд бўлганимни қўяверасан энди! Қиши совуқ бўлсаям, хурсандлигимдан қизиб кетувдим. Ёнингда кетяпман-у, юзим ловиллаб, қўлларим титраётганини сезиб боряпман. Ахир, мен аввалига нимага келдинг, деб сўрайсанми, деб қўрққандим-да. Рост-да, нимага, ахир? Гап билан тушунтириб бўларканми, ахир? Аслини олганда, сенда ҳеч қанақа ишм ҳам йўқ әди-да, ўзи. Бордим, холос. Ҳолингдан бир хабар олай деб бордим! Бир ўйнаб келай дедим-да, сени ўқишдан қолдирдим. Кино кўрдик!— дея тўсатдан хитоб қилди Настена, деярли бақириб.— Эсингдами? Кино кўрувдик! Қара-я, сал бўлмаса әсимдан чиқай дебди. Хотирам ҳам ўлгудай сийқаланиб кетиби: энг муҳимлари әсимдан чиқиб қолади. Эртанисига, қайтиб келаётганимизда кўрган киномизни айтиб бера бошладим, шунда Доно Василисанинг ҳам тили чиқиб қолди. Сен билан мен энг охирги қаторда, кино кўрсатадиган дарча тагида ўтиргандик. Ниҳоят, сен менга энгашиб, эртага кетмасанг яна бирон кун қолсанг бўлармиди, деб шивирладинг. Мен бош чайқадим. Қўзимдан эса дув-дув ёш оқяпти. Ўзинг қол деяпсан, ўзинг. Юрагим қинидан чиқиб кетайдерди...

Хўш, кейин, кейин нима бўлгани эсингда борми, Андрей? У ёғи жуда қизиқ бўлувди. Мени Колхозчилар уйига элтиб қўйишингдан олдин, яна сеникига кирдик. Кампир энди анча юмшаб қолганини билардик. Бордик, борсак, кампир қани қарогим, чоракталикка чўзиб қўйтгинг-у, шу ерда, ошхонамда қолавер, мен эса, ўртогимни-

кига бориб ётаман, ўртоғим билан отамлашиб ўтирамиз, деди. Сен пул бердинг — кампирнинг илтимосини рад әтиб бўларканми? Кампир чиқиб кетди, орадан кўи ўтмай, биз ҳали ётишни ўйлаб улгурмасимиданоқ қайтиб келди: магазин берк экан, чорактам бўлмаса, ўртоғимнига бориб нима қиласман, деб қолди. Шундан кейинг ўзинг чопиб чиқиб кетдинг, қаёқдантир топиб келдинг, кампирни жўнатдинг. Кейин қарасак, анови қовоги солиқ мешқорининг ҳам келмади, бирон жойда тунаф қолди шекилли. Бутун бошли уйга ўзимиз бек, ўзимиз хон бўлиб қолавердик. Эҳ, Андрей! Сен бўлсанг, мендан хафа эмасмисан, деб сўраб юрибсан-а. Нималар деяпсан ўзи?! Эй худойим! Ўзинг ўйлаб кўр. Менга яна нима керак, ахир?

Аммо Андрей энди унинг гапларини эшитмас, тушунмас эди. У аввалига Настенанинг гапларига қулоқ солиб ётаркан, аъзойи бадани ёқимли живирлаётганини, бу живирлаш бора-бора кучайнб, юрагини орзиқтириб юборганини ҳис этди — шу ишлар чиндан ҳам бир вақтлари бўлгани учун юраги орзиқиб кетди, бу ишлар унинг ҳам эсида бор эди, аммо у буларнинг қандайдир юзаки, фира-шира, эътибор бермай, шоша-пиша эсларди, гўё бу воқеалар унинг бошидан эмас, унгача бошқа бирорнинг бошидан ўтгандай, ўша киши ўз саргузаштини бунга бериб қўйгандай эди. Энди у бу хотиралардан гангид қолганди. Бу ишлар энди худди кечагидай кўз олдига келиб, аъзойи баданини ўртаб юборарди: ўтган куни билан ҳозирги куни сира бир-бирига ўхшамасди. Бу хотиралар бир-бирига мутлақ зид эди, улар бир идиш ичидан бутунлай бошқа-бошқа жойни эгаллаб, бир-бирига қўшилиб кетолмасди, белгиланган чегарадан ўта олмасди. Аммо Андрейнинг ўз хотираси даҳшатлироқ, кучлироқ эди, у истаган пайтида бошқасини босиб тушиши мумкин эди.

Бу сафар ҳам шундай бўлди. Настена сал ҳаяжонланниб гапиравди. Андрей эса, жавоб бермасдан эшитарди, баъзисини илғаб қоларди, баъзисини илғаб ололмасди, ўз саргузаштининг майда-чуйдасигача ўйлаб қоларди: гарчи у Настенага әргашиб, у очиб берган текис йўлдан кетаётган бўлса-да, барибир қийналиб, тез-тез қоқилиб кетарди, у мени қаёқца бошлаб кетяптийкин, деб қўрқиб, атрофига алангларди. Ниҳоят ўз саргузаштлари эсига тушганида у ажабланмади — шундай бўлиши керак эди, у гўё саргузаштларига интиқ бўлиб тургандай, тортадиган азобини тортиб, бошига тушганини кўриб, яна тезроқ Настенанинг ёнига қайтишни умид қиласарди.

Бу, шу хотиралар ўз-ўзидан, аллақандай бир ўргимчак тўридан бошланди шекилли, у эҳтиётсизлик қилиб, шу тўрни ўз йўлига ёзиб юборди, Андрейнинг йўлини тўсишга шунинг ўзи кифоя бўлди-қўйди, кейин эса, бошقا манзара пайдо бўлди. Бу манзара бугунги кунига жуда ўхшаб кетарди, ундан воз кечишга Андрейнинг кучи етмасди. Кейинги, урушга доир воқеалар ҳамиша тўсатдан эсига тушарди-да, анчагача кўз олдидан кетмай, ҳар бир икир-чикиргача аниқ, равshan кўринарди-ю, уни шафқатсизлик билан эзиг, титратиб юборарди, Андрей Гуськов бир неча марта айнан бир нарсани бошидан қайта-қайта кечиришга мажбур бўларди. Аслида эса, ўшанда юз берган воқеа туфайли унинг ишлари чаппасига кетди: у аввал госпиталга тушди, кейин бу ёққа жўнаб қолди.

...Илиқ ёз оқшоми артиллерия тайёргарлиги вақтида яширин ўт очиш позициясидан отиша-отиша янги жойга кўчиб ўтмоқчи бўлишди. Кузатувчилар билан аллақачон алоқани тўхтатишганди, ўнг томондаги батарея ҳам кўчган эди, чап томондаги эса, ҳали ивирсиб юрганди. Унчалик шошилтиришмади ҳам. Андрей жанг қилаётган гаубица расчёти ҳар қалай прицелни олишга, станокни чиқариб, беркитишга улгуришганди, энди филофи билан овора бўлиб ётишганди. Дарахтлари сийрак, ўркачсимон дўнглик орқасида бирин-кетин келаётган тягачларнинг моторлари гувилларди, шалоқ бўлиб кетган кузовлари чайқалаётган икки машина тўпларнинг олдига ўрмалаб келиб қолганди.

Тягачларнинг мотори, чамаси танкларнинг гувиллаган овозини босиб кетганди. Йиғишириш ва кўчиб ўтишгá одамлар шунчалик бепарво қарашардики, уларнинг хавфхатарга нисбатан туйғулари шунчалик ўтмаслашиб қолган эдики, улар бегона, қуюқ гувиллаган овозни эшитиб, билиб ҳам бу овозга эътибор беришмади. Немис танклари рўпарадаги дўнглик устига чиқиб, бир лаҳза эсанкираб туриб қолди, сўнг физиллаб пастга туша бошлади, ана шунда ҳанг-манг бўлишини кўринг унинг! «Қаёқдан келиб қолди? Олдинда ўзимизникилар бор-ку! Қаёқдан келиб қолди?» Бир-икки батареяда қичқириқлар эшитилди, расчёtlар типирчилаб, филофларни ечишди, станокларни очишиди, тўпларнинг стволларини тушириб, буришди. Андрей (у ўқловчи эди) снарядлар яшигига қараб югурди, тўсатдан снаряд портлаб у гаранг бўлиб ерга ағдарилиб тушаётганида гёё юмуқ кўzlари билан ҳам қўшни гаубица фидирагининг оқиста сузиб, айланиб, гоҳ юқорига кўтарилаётганини, гоҳ яна пастга тушаётганини кў-

раётгандай бўлди. Андрей тирик эканини сезгач, олдинга сакради ва яшикни кўтариб келди.

Танклар бешта эди. Аммо чапдаги биринчи батарея уришга улгурганди, бир танк ёнаётганди. Андрей турган томондаги иккинчи батарея эса ҳали биронта ҳам ўқ, узолмаганди. Командир бир нималар деб кучаниб, бўғилиб бақиради, аммо нима иш қилиш кераклиги командализ ҳам равшан эди. Танклар дўнгликдан ўрмалаб тушиб, бўлинди: иккитаси биринчи батареяга, иккитаси эса, иккинчи батареяга қараб юрди, аммо улар ўқчилар бир-бирини ўққа тутсин деб атайлаб батареялар ўртасидаги чизиққа чиққанди. Аммо буни ўйлаб ўтиришга вақт йўқ эди.

Батареядаги биринчи Андрей Гуськов ўқлаб бериб турган асосий гаубица биттагина тўп узишга улгурди.

Кейин ёнида бир нима қасирлади, бир лаҳза жаранг-журинг қилди, шундан кейин у, назаридан ўмбалоқ ошиб, бир четга бориб тушди.

Қаердандир олис-олисдан Настенанинг овози қулогига чалинарди. Меҳрибонлик билан тўхтовсиз чорлаётган бу овоз сеҳрли оҳанг билан Андрейнинг баданини жимирлатиб юборди. Сўзларни у ажратолмади: чўянларнинг чўян билан қисқа, даҳшатли тўқнашувидан ҳосил бўлган гумбурлаш унинг қулогини қоматга келтириб турарди, ҳозир бу ерда одамларнинг зарурати ҳам йўқдек эди, унинг кўзлари олдидан жанг манзараси лип-лип ўтарди, аччиқ тутун бурқсирди, жанг авжига чиққан жойда қичқириқлар эштиларди, мустаҳкамланмаган тўп тиргаклари ўйдим-чуқур қилиб ташлаган ер қоп-қорайиб ётарди, тягачлар шоша-пиша қайтиб ўзларини пана-нага олаётганди, тўп наводчиги Коротъко бошини кўтариб, осколкадан дабдала бўлган қорнига қаарарди, снаряд портлаб, ствол гилофини осмонга учириб юборган — бу ҳаммаси щарақ-шуруқ қилаётган гусеницалар ваҳима солиб, юракни ёраётган вақтда содир бўлди.

Ногаҳон Настенанинг овози эштилмай қолди. Андрей ҳали ўзига келмай, сўнгги жанг хотираларидан қутулмай туриб, оҳиста ўгирилди ва Настенанинг кўзларида бутунлай бошқа нарсани кўрди — унинг кўзлари ўз саргузаштларидан илиқ боқиб турарди. Андрей ортиқ чидаб туролмай, бошини унинг кўксига қўйди-да, инграб юборди.

— Андрей, нима бўлди?! Нима бўлди?! Нима бўлди сенга?! — у қўрқиб кетди. Андрей сал бўлмаса йиглаб юборай деди-ю, аммо ўзини тутиб қолди.

— Ҳеч нима, ҳеч нима бўлгани йўқ, Настена. Сен шу ерда, ёнимдасан.

Лекин у ҳозиргина кўзига кўринган жанг шу лаҳзада ҳам давом этаётгандек ҳамон қўрқиб, атрофига аланглар эди.

— Нималарни ўйлаяпсан-а? — Настена эркалаб унинг бошини силади-ю, аммо ўзининг гапидан қолмади.— Вой тентаквойим-ей. Нималарни ўйлаб топасан-а. Балки мен билан бўлганинг учун ҳам шу кўйга тушгандирсан, аммо мени қўявер. Мен эса, ҳамиша сендан миннатдорман, ҳамиша — шуни бир билиб қўй. Сен бўлмасанг, бу ёруғ оламни бошимга ураманми? Қанақасига сенсиз яшарканман? Шунча йилдан бери, ахир, сени кутдим, бошқа бирорвни эмас, сени кутдим. Етаётганимдаям ўзимча аввал сен билан бир гаплашиб олиб, кейин ётардим, эрталаб тургаётганимдаям худди сен ёнимда ётибсан-у, сени бир сийпалаб қўймасдан, сенга нима бўлганини билмасдан ўрнимдан турмасдим. Мен чиндан ҳам сени кўриб тургандай бўлардим, аввалига ҳеч ким кўринмасди, худди шамолга ўхшаб гувиллаган овоз әшитиларди, кейин секин-аста пасайиб, тинчиб қоларди — демак, шу яқин ўтадасан, кейин ўзинг пайдо бўлардинг. Негадир доимо бир ўзинг кўринардинг. Солдатча энгил-бошингда ўтиардинг ё турардинг, шундай хомуш, қайгули, ёнингда ҳеч ким бўлмасди. Мен соғ-саломатлигингни кўрадим-у, орқамга қайтардим: тўхтаб туриш ё гаплашиш мумкин эмасди. Мана шунаقا қилиб чидаб, кун ўтказдим. Мен, эҳтимол, ҳаддан ташқари кутгандирман, сени ўз ҳолингга қўймай, жанг қилишингга халақит бергандирман. Нимани қилиш мумкину нимани қилиш мумкин эмаслигини мен қаёқдан билай, қўлимдан келганини қилдим, тамом, ҳеч ким ўргатмади, айтмади. Сен ҳам индама-динг. Эҳ, Андрей, Андрей...

Андрей бошини чангллади-да, худди оғир юкни олиб ташламоқчи бўлгандай, сарак-сарак қилиб ингради:

— Эй, худо, мен нима қилиб қўйдим-а?! Нима қилиб қўйдим-а, Настена?! — кейин қўлларини тушириб, Настенага юзланди.— Энди менинг олдимга келма, келма — әшиздингми? Мен ҳам кетаман. Бутунлай кетаман. Бу аҳволда яшаб бўлмайди. Бас. Ўзимни ҳам, сени ҳам қийнаганим етар. Ортиқ тоқатим йўқ.

Настена гангиб, қотиб қолди.

— Э, йўқ,— деб уни тўхтатди Настена.— Сен-ку, кетарсан, мен-чи? Мен нима бўламан — ўйлаб кўрдингми? Гумонамни ортириб олиб, энди қаёққа бораман — одам!

лар ичидა қаппайтириб юриб бўларканми. Нима бўлсак, бирга бўламиз. Кутуб турайлик, Андрей, кутуб турайлик, шошилма. Ҳаммаси ўтиб кетади, ўтиб кетиши керак. Онам бир вақтларда кечирилмайдиган гуноҳ йўқ, деганди. Нима, улар одам эмасми? Уруш тугасин, кўрамиз. Ёки бориб тавба қиласан, ёки яна бирон йўли чиқиб қолар. Фақат сабр қил, кетма. Бир ўзинг гумдан бўласан. Мен ҳам гумдан бўламан, аммо аввал мен гумдан бўламан. Бу ерда лоақал сенинг қаердалигингни биламан. Борди-ю, бўйимда бўлиб қолгани рост бўлса-чи? Ўз боланг эканини, бирордан эмаслигини сендан бўлак ҳеч ким билмайди-ку, ахир. Ахир, мен дардимни кимга айтай, юрагимни кимга бўшатай? Ахир, мен энди одамларга аралашолмай қолдим. Қани, айт-чи, кетмайсанми?

Эри дарров жавоб бермаса ҳам, йўқ, кетмайман дегандай, бошини чайқаб қўйди.

— Мана бу ишинг маъқул, маъқул, кетишининг керағи йўқ,— Настена хўрсиниб қўйди ва хиёл жим тургач, деразага ўгирилиб, деди:— Вой-буй, жуда қоронғи бўлиб қолибди-ку. Кетишим кераклигини ҳам унтиб қўйибман. Тур, Андрей, юр, кузатиб қўяман, деб айтдинг-ку, ахир! Юра қол — ҳарна яна бирпас бирга бўхамиз. Ҳеч нимани хаёлингга келтирма. Сен ёлғиз эмассан. Агар бир ўзинг бўлсанг, билганингни қиласдинг.

Унинг кўз ёшлари юзларидан шашқатор бўлаётгани қоронғиликда кўринмас эди.

## 12

Шу учрашувдан кейин орадан уч кун ўтди, шамол учирив келган қорлар камайиб, эскиси кўриниб қолгач, Андрей Гуськов Атамановкага отланди. У кўпдан бери қишлоқ ёнига боришга юраги тўкилиб турарди, аммо у бирор тасодиф туфайли ёки эҳтиётсизлик қилиб, ўзини сездириб қўйищдан қўрқиб, боришга ошиқмасди. Энди бўлса, Настена билан гаплашиб, бор гапни ундан билгач, ўзини тийиб туришга ортиқ тоқат қилолмади. Таажжуб: у бу ерда юришга аллақандай бир ҳақи бор одамдек, ўзини энди анча дадил ҳис этарди, камроқ қўрқарди, таҳдид қилиб турган хавф-хатар билан унчалик иши ҳам йўқ эди. Бунинг устига ҳаво ҳам илиб қолди, ҳаммаёқда баҳор нафаси кезарди, бу ҳам унга айни муддао бўлди, агар сал сусткашлик қилса, кутуб турса, кечикиб қоларди.

Юлдузлар мусаффо осмонда чараклаб турган, бўзарб бораётган тонг палласида Гусъков Ангарадан ўтиб, қишлоқни қуий четидан айланиб ўтди-да, тепаликка кўтарилди. У қайтиб келганидан бери қишлоғини шу томондан кўрмаган эди, шунинг учун қишлоғи аввалгисига қараганда кўзига кичикроқ кўринди. У кўчаларнинг икки томонидаги гўё қаддини кўтаролмай, ётиб олганга ўхшаб турган пастаккина уйларга қаради. Чўкиб қолган уйларнинг деразалари ҳар хил бўлиб (баъзиларида дера-за қопқоги бор эди, баъзиларида йўқ), шу паллада қу-роқча ўхшарди, уйларнинг томлари нақ ерга тегай деб турарди, бесўнақай деворлари турли томонга чўзилиб кетганди, шунинг учун у уйларни зўрға таниди. Гусъков кимнинг уйи қаердалигини ёддан биларди, аммо у ҳозир бу уйларга тикилиб қаарarkan, деярли ҳар бир уй тўғри-сида бош қотирарди: ўшанга ўхшайдиям, ўхшамай-диям — жойига қараганда ўша, албатта, кўринишидан эса, билиб бўлмайди. Ёки бу тонг ҳали яхши ёришмаганидан, ҳавонинг хира, гира-ширалигиданмикан ёки уруш даврида эркаклар йўқлигидан қишлоқ шунчалик хароб бўлиб қолганмикин?

У анчагача ўз уйига қарамади, унгача сал бўлса ҳам қишлоғимга кўникиб олай, унинг яқинлигини ҳис этай, уни хаёлимда эмас, ўз кўзим билан кўриб турганимга ишонай, деб атайлаб нигоҳини undan олиб қочди. Аммо кўришга жуда унақа орзиқиб тургани йўқ эди: у шунча йил умр кечирган, айниқса бир неча ой ёнма-ён яшаган Атамановкани энди эсингдан чиқар, деб ўзига-ўзи буюриб қўйганидан бу вақт ичидан қишлоқдан бегоналашиб ҳам қолганди. Илож қанчалик: қишлоқ ўрнида тураве-ради, у бўлса атрофда гирдикапалак бўлиб юришга маж-бур. Энди у қишлоқда яшай олмайди, ҳатто у ерга дафи ҳам этилмайди, демак, бекорга эзилиб, ич-этини еб, бе-фойда қайгуриб юришнинг ҳожати ҳам йўқ. Гоҳо Гусъ-ковнинг кўзи Ангаранинг нариги томонидан кўриниб турган Атамановканинг бир четига тушиб қоларди-да, қандайдир эринчоқлик, пала-партишлик билан, ҳатто қандайдир ўзини масхара қилиб эслай бошлади: у ерда унга нима керак эди? Ахир бир вақтлари унга нимадир керак эди-ку, аммо нималиги эсидан чиқиб қолганди.

Ўзи туғилиб ўсган, бу ёруғ оламдағи энг азиз кишилари яшаётган уй шундоққина рўпарасида, пастга қараб кет-ган кўчадаги уйлар қаторида эди. Ниҳоят, Гусъков шай-ланиб бутун диққат-эътиборини тўплаб, уйга нигоҳ таш-

лади: тепаликкә, унга қараган ўша учта дераза, уйнинг олд томондаги чап бурчаги (отаси, уй ҳам эгасига ўхшаб маймоқ, дерди) қийшайиб турибди, унга тақаб ёғочдан қурилган яхшигина, кенг-мўл даҳлиз ҳам ўшандогича, нишаби бир томонлама томи ашқол-дашқолларга тўлиб ётиби. Уй мустаҳкам эди, ҳали кўпга чидарди, лекин ўз вақтида қарадмагани учун бурчаги чўкди, худди ўша ёзда, уруш бошланадиган йили ўрим-ийғимдан сўнг мужикларни ҳашарга чақириб, қазиб юрмай шартта бурчакни кўтариб, тузатиб қўйишибмоқчи эди. «Хўб чақиришди, хўб тузатиши!» Энди бўлса чол буни ўйламайди ҳам, албатта. Ё бутунлай қулаб тушмагунча, ё бирор дурустроқ хўжайинга учрамагунча мана шундоқ қийшайиб тураверади. Турмай нима қиласди? Отаси билан онасининг тўридан гўри яқин, Настена эсә... Настенанинг бу ерда қолиши гумон, қолганда ҳам бир ўзи қолмайди.

Гусъков гўё уй ичида нималар бўлаётганини кўрмоқчи бўлгандай, зўр бериб деразага тикиларди. Ўнг томондаги энг четки дераза — ошхонанини, дераза ёнида товуқхона бор, рўпарада кейинги пайтларда онаси кечасию кундузи тушмайдиган пеъч бор. Печни ҳали ёқишмабди — тутун чиқмаяпти. Ҳа, мана, ҳозир туриб қолишади, онаси Настенани чақиради, у тутантириққа ёпишади. Настенанинг деразаси чапдан охиргиси, оғган бурчакда. Ҳозир у ухлаб ётиби, ҳадемай туради, ҳозир у оёқларини узатиб, қорнини ушлаб чалқанча ётиби — одати шунаقا, агар Настенанинг бўйида бўлгани рост бўлса, бу одати энди жуда ярапади. Уни қарангки, киши шу кунларни ўйлаб, анча аввал, бир неча йил олдиндан тайёргарлик кўриб келаркан-а. Настена урушдан олдин ҳам, худди тантиқлик қилаётгандай, бўлар-бўлмасга қорнини ушлаб ётиш одатини чиқарди — худодан фарзанд тилаб, илтижо қилгани эди бу. Орзу-умидлари чиппакка чиқишичиқмаслигини Андрей бўгун аниқ билиб олади. Настена бугун маълум қиласди. Агар бирон ўзгариш бўлмаса, у кечқурун мўрчани иситади. Аммо Настена унинг шу яқин-ўртада юрганини билмайди, шунинг учун у Андреини мўрчада кутмай кетиб қолади. Андрей унга Ангара га чиқаман, деб айтганди, холос.

У ҳозир Настенанинг ўринда ётганини кўз олдига келтирди: қимиirlамай, бемалол чўзилиб, иссиққина бўлиб ётиби, ичкўйлагини қорни устидан сурib қўйган, юзи кечаси сал кўпчиб, оқаринқираган, ниманидир эслашга уринаётгандай сал титраб туриби, соchlарини ёзиб юборган. Андрей ҳозир Настенани эрталабки уйқуда тасав-

вур қилди-да, қотиб қолди ва ички бир хўрликдан томоғига ёш тиқилди. У оғир хўрсиниб қўйди-да, чап томонда бир қатор бўлиб турган омборларга нигоҳ ташлади, Настена биринчи кечада тунаганини эслаб, тилга олган ҳовли четида шу омбор-бу ердан кўринмасди. Настенани қўрқитиб юборган хўрз ёмонлик аломати бўлиб туюлганини яширди, у анча вақтгача шу гапига маҳкам ёпишиб олиб юрди. «Ёмон, ёмон», — дерди у ҳадеб, Андрей эса, уни тинчтишига уриниб: «Хўрзларнинг қичқириғига кўпроқ қулоқ сол, уларга кўпроқ ишон, улар ҳар дақиқада қичқиради», — деганди.

• Ниҳоят, бутунлай тонг отиб, ҳаммаёқ ёп-ёруг бўлиб кетди, қишлоқ ҳам бор бўйича аниқ-равшан кўринди. Мўрконлардан тутун чиқиб, ҳали уйқусираган, заиф, ноаниқ товушлар эштила бошлади. Настена ҳам уйғонди: печка рўпарасидаги дераза аҳён-аҳёнда қизариб кўринарди. Эшик очилаётисб, бир бурчаги кўриниб қолди, кимдир чиқди, аммо ким, Настенами ёки отаси? Кўришга девор ҳалақит берарди. Настенанинг сигир соғишга борадиган вақти бўлди, у сигир соққунча отаси молга ем-хашак берса қерак, балки бу иш ҳам энди Настенага қолгандир — бу ёгини худо билади. Борди-ю, бирдан онаси кўнглига ғулғула тушиб, иҳраб-сихраб кўчага чиқиб, гўё уни бирор бу ёққа чақиргандай, энди нима қилишини, қаёққа боришини билолмай кутиб турган бўлса-я? Наҳотки, онаси унинг шу ерда, ёнгинасида юрганини сира, лоақал заррачалик сезмаса-я?

У икки кўзини узмай қараб туар, ўтмишни кўз олдига келтиради, аммо сира таъсирланмас, ҳаяжонланмас, юраги жиз этмасди — ё унинг ҳис-туйғулари ҳали уйғонмаган, қўзғолмаган ёки у ҳаммасини сўндириб юборган эди. У тўрт йилдан бери жонажон қишлоғи билан биринчи марта юзма-юз бўлганини, бундан буён бошини у тошдан-бу тошга урса ҳам, эҳтимол, мана шундай қараб туриш насиб этмаслигини тушуниб турса ҳам ўзининг хотиржамлигига ҳатто ўзи ҳам ҳайрон қоларди. У ёқда унинг ичидан ич қиринди ўтди, тортадиганини тортди, лоақал охирги марта, ҳеч бўлмаса ўз Атамановкасига бирров кўз ташлаш учун ҳамма нарсага тайёр эди, очигини айтганда, шуни деб бу ёққа келди — мана, келди ҳам, аммо кўнгли ҳувиллаб турарди. Наҳотки, ҳаммаси ёниб битгани рост бўлса?

У ўзини синаб кўриш учун Москва остоналарида ҳалок бўлган ошинаси, тенгқури Витя Березкиннинг уйига назар солди. Таниш уй — у ердан ҳам тутун чиқяпти, ҳо-

зир ўша уйда Надъка болалари билан турибди, Витя рўзгорини онасидан бошқа қилгандан кейин Андрей унинг нарсаларини қишлоғнинг нариги чеккасидан бу ёқса ташишда ёрдамлашганди. Нимани ҳам тапишарди? Отни қўшишди, аравага икки-учта тугун, каравоту ёғоч катни ортишди — бор рўзгор шу эди. Скамейка ва столни шу ерда ясашди, асбобларни Андрей уйидан олиб келди. Ўшанда улар ясаган нимадир Надъкага ёқмай қолди ва у шангиллайвериб иккаласининг миясини қоқиб қўлига берди. Кейин юз чириллашига, юлиб-юлқинишига ҳам қарамасдан икковлашиб Надъкани томга тиқиб қўйишиди. Ўша ердан туриб унинг бутун қишлоғни бошига кўтариб ҳўнг-ҳўнг йиглашини томоша қилиб, роса кулишди. Агар яримта олиб берсанг, тушириб қўямиз дейишиди, Надъка ҳўп деди. Надъканинг бошқа иложи қолмаганди — томдан сакрашга қўрқарди, нарвон эса йўқ эди.

Айниқса бу воқеа осонгина эсига келди, осон ва аниқтаниқ эслади — чунки барча хотиралари ичидаги шуниси тез юзага қалқиб чиқди. Аммо Витянинг ҳозир жуда яқиндан аниқ кўриниб туриши уни сергаклантириб қўйди: юзи ҳам, овози ҳам, юришлари ҳам, имо-ишоралари ҳам—ҳаммаси. Гўё ҳозиргина ёнида эди-ю, бир минутгина нарига кетгандай эди. «Қизиқ,— деб ўйлади Гуськов,— у йўқ, мен бўлсам уни худди тирикдай кўриб, эшитиб турибман. Шундай бўлишига Витянинг ўзи ҳаракат қилдимикин ёки хотирамда яхши сақланиб қолганимикин? Битта-яримта ҳам мени худди мана шунаقا яхши кўра олармикин? Мен борман, мен одамларга яхши кўринишими керак, тирикларга тирикдай! Йўқ, бу ерда гап-бошқа нарсада шекилли,— деб ўзини ўзи тўхтатди у.— Витянинг паймонаси тўлди, ёшини яшаб бўлди, унга нима бўлганини ҳамма билади. Сенга нима бўлгани эса, ҳеч кимга маълум эмас. Одамлар ҳозирданоқ сени эсламасликка ҳаракат қиляпти, сени эслаб юришлари учун баҳона бўлгулик қароргоҳинг йўқ, сен одамлар назарида, гарчи тирик бўлсанг ҳам, бултурги қордай эриб, йўқ бўлиб кетгансан. Иннайкейин, инсон тўғрисида одамларда қоладиган хотиранинг ҳам қадр-қиммати бўлса керак, шунинг учун ҳозир ўзинг қандай яшириниб юрган бўлсанг, одамлар ҳам сени эслашдан бир умр уялиб, ерга қараб юради. Умид қилма, тамагир бўлма — бу ерда ҳам ҳеч нима жонингга ора кирмайди».

У бирон нимани ўйласа ҳам куйиб-пишмасдан хотиржам ўйларди. Бўлмаса бўлмас-да. Ўлгандан кейин унга барибир, одамлар нима деса дейишаверсин, У ёнда бу

таплардан суягинг сирқирамайди, ҳамма бир хилда бўлади. Гусъковнинг диққат-эътибори ҳамон ўз уйи билан банд бўлиб, ундан кўз узмасликка ҳаракат қиласади. Шунинг учун ҳам у дарров отасини кўрди. Назарида, ҳатто эшикнинг гийқидлаганини ҳам эшитгандай бўлди. Отаси эшикни ёпиб, бирпас турди, гўё Андрейнинг бу ерда турганини фаҳмлагандай, у турган тепаликка синчиклаб тикилди, кейин одатдагидек, оқсаб-оқсаб кўчдан ўнг томонга қараб кетди, оғзидан ҳовурми ё тамаки тутуниими чиқарди — олисдан нималигини билиб бўлмасди. «Ана менинг отам,— деб ўйлади у ҳафсаласи пир бўлиб, бўшашиб.— Бу ўша». У отасининг елкаларига қаради, отаси қарилкни бўйнига олмай, ҳамон қаддини ғоз тутиб бораркан, эсанкираш, ҳафсаласизлик ҳис-туйғуси борган сари Андрейни кўпроқ қуршаб ола бошлади. Отаси ярим йўлга етганда тўхтаб, икки буқчайиб қолдида, бошини силтади — уни йўтал тутди шекилли. Андрей, назарида, бу йўталишни эшитаётгандай, ваҳимали қаттиқ овоз қулогига етиб келаётгандай бўлди. Отаси сал ўзига келгач, оқсаб йўлида давом этди ва бирор минутлардан кейин қироатхона муюлишига етиб, кўздан ғойиб бўлди.

Андрей яна бирпас ерга шуурсиз тикилиб турди-да, ногаҳон эсига тушиб, худди югургудай бўлиб шоша-пиша тоққа қараб жўнади, қишлоқ кўздан яширингандан кейин ўнгга бурилди ва ҳамон шоша-пиша, тез-тез одим отиб, то олдиндан йўл чиқмагунича ўрмон ичидан кетди. У йўл билан яна пастга, ёш қалин арчазор ёнига тушди, шу ерга келганда йўл арчазорни айланиб ўтарди. Андрей йўлни кесиб ўтди-да, тўғри кетаверди. У арчазор этагига етиб, иморатлар кўрина бошлагач, тўхтади — у юқори томондаги қўраси ўрмонга тақалиб келган отхона олдиндан чиқиб қолган эди. У отасини шу ерда яқиндан кўрмоқчи эди.

Ота-боланинг бир-бирига муносабати ўртамиёна — на ёмон, на яхши эди, иккови ҳам ўз билганича яшарди, деса бўлади. Тўғри, Андрей болалигида отаси ундан кўз-қулоқ бўлиб юрди, аммо фақат кўз-қулоқ бўлиб юрди холос, унинг ишлари, ташвишларига деярли аралашмади. Қорни тўқ, усти бут — ҳеч нимадан камчилиги йўқ, отасининг қилгани шунчаликдир-да, ахир, тирикчилик йўлини ўзи билиб олсин, ўз калласи, қўл-оёғи бор. У ўғлига ақл ўргатмади, уни тарбияламади, иннайкейин, тарбия нималигини, уни қандай сингдириш көраклигини ўзи ҳам билмасди; у ҳаётнинг ўзи ҳам ҳар қандай одам-

ни ўргатади, тарбиялайди, феъл-хўйига яраша қилиб қўяди, деб ўйларди. Лозим бўлганда жиловини торти, лозим бўлмагандан ўз ҳолига қўйиб қўйди. Борди-ю, Айдрей бирон нимани сўраб қолгудай бўлса, у ўғлим қизиқиб қолибди, деб суюниб, тушунтириб берарди, тушунтирганда ҳам, атрофлича, бамаъни қилиб тушунтиради, кўрсатиш, айтиб бериш эса унинг қўлидан келарди: агар у ўғлининг бирон фойдали ишга уринганини кўрса, рагбатлантиради, қўлидан келганича кўрсатарди, аммо биронта ишни зўрлаб қилдирмасди, бунаقا одати йўқ эди. Узи, ҳаммасини ўзи билиб олсин, ана ўшанда ўз ишига нишиқ-пухта бўлади. Андрейнинг эсида бор, отаси фақат бир марта яхши билан ёмонни ажратиб олишда унга ёрдам берганди: Андрей бир куни бемаъни иш қилиб қўйиб, айни қўшниси Мишкага ағдарганида, отаси илгақдан чарм жиловни олиб, индамай роса савалаганди — одам бўлиб ургани шу.

Шунинг учун отасининг йўриги бошқа эди. Отаси эркалатиб қўймасди ҳам, онасига ўхшаб фифони фалакка чиқмасди, онаси баҳор ҳавосидай тез-тез ўзгариб қоларди: бугун бир хил бўлса, эртага бутунлай бошқача бўларди. Андрей хоҳлаган пайтда отасининг олдига бориб, дидидагини дадил айтаверарди: аммо онасига рўпара бўладиган бўлса, аввал унинг авзойи қанақалигига қаарди. Онаси асли сўзларни «й»лаб, «ш»лаб гапиришадиган Братск атрофидан эди. Ангарада атиги бир неча қишлоқ шу талаффузда гапиради, одамлари ҳам худди саралаб қўйгандай чиройли, баланд бўйли, меҳнаткаш бўлади — айниқса хотин-қизларини қўяверасиз,— бу тоифа эл бу ерда қаёқдан пайдо бўлиб қолганини ҳеч ким билмайди. Шу қишлоқларнинг юқорисида ҳам, қуйи томонларида ҳам бинойидек гапиришади, бу ердагилар эса негадир бошқача гаплашолмайдилар, гўё бу тил уларга алоҳида, маҳсус илаштириб қўйилгандай эди. Бу тил бошқа қулоқча қандайдир галати, тушуниб бўлмайдигандай эшитиларли, албатта, бу тилга кўникиш керак эди. Атамановкада унинг онасини то қаригунча ҳам мазах-қилиб кулишарли, онасининг эса жаҳли чиқарди, жаҳли чиққанини олира олмасди ҳам, шунинг учун у ўзини одамлардан слик қочиб юради, танҳо қолишга ҳаракат қиласди. Аммо онасининг куйиб-пишишига бундан бошқа сабаблар ҳам бор эди: гражданлар уруши вақтида унинг уругимоқлари тухумигача қуриб кетганди — отаси, онаси, ҳам ака-укаси — ҳаммаси. Бир вақтлари Колчакда хизмат қилган укаси партизанлардан жонини сақлаб қолиш

учун Атамановкага, опасиникига қочиб келувди, аммо бу ерда ҳам уни топиб олишди. Андрей энди бешга қадам қўйганида дастлабки, биринчи марта гира-шира, ўзуқ-юлуқ эсида қолган нарсаси шу эди. Ўшандада бегона, серсоқол одамлар тоғасини яшириниб ётган жойидан судраб чиқиб олиб кетишганди. Кейин онаси укамни ажратиб ололмадинг, деб отасига бир умр таъна қилиб юрди. Отаси тиқ этмасди: ўзи герман урушидан майиб бўлиб келгани учун қайтиб қўлига қурол олишни хаёлига ҳам келтирмасди. У колхозга кирган кунидан бошлаб отбоқарлик қилди.

Отаси отларни яхши кўрарди. Андрей бирор киши отаси каби отларга ачинишини, уларнинг қадрига етишини билмасди. У ўз оғилидан, агар той ҳам ҳисобга олинадиган бўлса,— учта отни жамоат отхонасига элтиб топширгани учун бошқа бироннинг ёлчитиб қарашига ишонмаганидан отбоқар бўлишни ўзи илтимос қилган бўлса ҳам ажаб эмас. Агар гап хиёл отларга бориб тақаладиган бўлса, одатда вазмин, бўштоб бўлган отаси ҳеч кимни юз-хотир қилмасди. Бир куни, колхоз тузилган дастлабки вақтларда мужикларнинг кўзи олдида, ўша пайтдаги тиркишчи, ҳозирги колхоз раиси Несторни роса тузлади-да. Ўшандада Нестор Чақмоқ лақабли айғирни ўлгудай сийласини қуритиб, ҳаммаёғини кўпиклатиб, лабарини қонатиб, аллақаёқдан елдириб келган эди, у Несторни шундай бопладики, Михеични тўхтатишига ҳеч кимнинг юраги дов бермади. Аслини олганда айғир то колхоз тузилганига қадар Несторнинг акаси Ульянники эди (акаси кейинчалик фин урушида ҳалок бўлганди), шунинг учун Нестор айғирни ўзиники ҳисоблаб, шунчалик чоптирган бўлса керак, аммо отаси ҳеч нимани юз хотир қилмади. У от гўштини ейишдан ҳазар қилган одамлардан жаҳли чиқарди, барча ҳайвонлар гўштидан ёнг ҳалоли деб исботларди, аммо ўзи ҳам от гўштини емасди: ея олмасди. Отларни яхши кўрганидан, ҳатто ўлиқ бўлса ҳам уларга ачинганидан ея олмасди. У: «Ўлсам ўламан, аммо от гўшти билан одам гўштини оғзимга олмайман», дерди. Андрей Сталинград остоналарида очликдан қутулиш учун от гўшти ер экан, отасининг шу гапини тез-тез эсларди ва мен кўраётган кунларни отам кўргани йўқ, бўлмаса бунаقا гапни айтишдан тилини тиyrди, деган холосага келган эди. Бир куни ўша ерда ҳаром ўлган отни майдалаб, пиширишга тўғри келгандага — улар шунга ҳам хурсанд эдилар, шуни ҳам ўқлар дўлдай ёғиб турганда олиб чиқишганди.

Андрей арчазорда бекиниб, отам бўйинчалар турадиган хонадан қачон чиқаркин, деб кутиб турарди. Ҳовли ўртасида, эски жойида бутун ёғочдан йўнилган иккита узун охур турарди, улар таглик устига қўйилганди,— унинг ёнида сув ташийдиган арава бор эди, унинг шотиси худди Ангарани нишонга олаётган тўп сингари баланд кўтарилиганди. Чап томондаги қўра бўйлаб пичан ташийдиган ва енгил аравачаларнинг шотилари кўтариб ё боғлаб қўйилганди, от ва арава ашёлари учун ҳозирлаб қўйилган қайин оғочлари ва тўғалар қалашиб ётарди, ўнгда, отхоналар орқасида отлар ҳайдаб қўйиладиган жой бошланиб кетарди, у ердан отларнинг елкалари қимирлаб кўринарди. Шунча йилдан бери бу ерда ҳеч нима ўзгармабди, фақат эскирган бўлиши мумкин. Ҳовли пиchan чириндинг қуюқ бадбўй ҳиди гупиллаб димоқка уриларди; Андрей нафас олди-ю, эсидан чиқариб юборгани учун дами қайтиб кетди, аммо дами қайтса ҳам ҳузур қилди, қувониб шу ҳиддан маст бўлгиси келди.

Ҳовлида қорнининг икки ёни қизғиш тимқора чиройли қулун ёлғиз айланиб юарди, қулун бўлиққина, яхши парвариш қилинган, ингичка оёқлари бақувват эди, тимқора сағриси йилтиради, ёли ва пешонасидағи кокили кесилганди. Андрей қулунни томоша қилас экан, буни ҳайф қилишмас, айғирликка олиб қолишса керак, деб кўнглидан кечирди. Қулун чиндан ҳам жуда чиройли эди. Аммо жуда сезгири экан: у Андрейнинг шу ердагигини сезди ва рўпарасидағи қўра олдига келиб, ёғочлар орасидан бошини суқди-да, таниб олмоқчи бўлгандай, узоқ тикилди. Андрей уни чўчитди, қулун орқасига бир сакради-да, шу ердамикин дегандай, отхонага қайрилиб қараб қўйди ва яна бегона, шубҳали одамга қаради. Шу-шу қулун нишхўрдларни титаркан, ҳар титгандан кейин қараб-қараб қўяверди.

Андрейнинг хаёли паришон бўлиб, поён-поёнига ҳам столмай, гангид қолган эди, хотираси сусайиб кетганди. Гоҳо у нега ўрмонда яшириниб юрганини тушунолмасди, ахир бир неча қадам босса, шу қўрадан ошиб ўтса, ёруғликка чиқади-ку, нега шартта чиқавермайди — нимани кутяпти ўзи? Гоҳо у чиқиши зинҳор-базинҳор мумкин эмаслигини, чиқа олмаслигини эслаб қоларди-да, илгари ўзига таниш бўлган, бошидан кечирган, исланиб, қорайиб ётган ҳаёт бурчаги қандай қилиб унинг олдидан чиқиб

қолганига сира ақли етмасди, ахир у, Андрей кўпдан бери бошқа оламда юрибди-ку. Қаёқдан келиб қолди? Хаёлида кўриндими, сеҳрлаб қўйдими? Нимага? Бунинг кимга кераги бор? Бунинг унга қандай алоқаси бор? У қандай қилиб бу ерга келиб қолди?

Андрей отасининг бўйинчалар сақланадиган хонадан чиққанини пайқамай қолди, бир маҳал қараса отаси бияни жиловидан тутиб, уни отхонадан олиб чиқяпти. Бия бўғоз бўлиб, ой-куни яқинлашиб қолганди, биқинлари чиқиб кетиб, қорни осилиб турарди, у оғир, секинаста оёқ босарди. Андрей аввал ана шу бияга эътибор берди, уни ҳаммадан кўра ана шу бия ҳайратга солган эди. Нимагалигини унинг ўзи ҳам: ё кўпдан бери бўғоз бияни кўрмагани, уларнинг қанақа бўлишини, ҳатто бу ёруғ оламда уларнинг борлигини ҳам эсидан чиқариб қўйгани учунми, ё дарров кўзини йириб-йиртиб отасига қарамаслик, кўниши ва учрашувга яхши ҳозирланиш учун кўз қирини ташлаб туришга қулай баҳона топилганига суюниб кетганиданми, буни тушунтириб беролмасди. Отаси бияни олиб чиқиб тўхтади, сайд қилдириш керакмикин, дегандай уни айланиб ўтди, кейин яна нўхтасидан ушлаб, етаклаб кетди. Отаси пастки қўра бўйлаб, бурчаккача борди-да, кейин тепаликка, Андрей турган томонга қараб юрди... Андрей шошиб, типирчилаб қолди, у ўрнида қолишини ҳам, арчазор ичкарисига кириб кетишини ҳам билмасди, аммо охири шохлар уни яхши пана қилишига ишониб, ўрнида қолди-ю, лекин ҳар эҳтимолга қарши чўнқайди.

Отаси уни фронтга жўнатаётганда сўнгги марта хайрлашаётib, титраб кетди. Ўзини тутолмай, беихтиёр: «Яна дийдор кўришиш насиб этармикин, насиб этармикин?» деб юборганди. Ўшанда отасининг назарида икки йўл бор эди холос: ё қачон бўлмасин бир-бири билан дийдор кўришади, ё абадий кўришмайди. Аммо шулардан бири иккинчисини кўришини-ю, иккинчиси эса, биқинчисини кўра олмаслигини хаёлига ҳам келтирмаган бўлса керак. Содда одамнинг калласига бу гап қаёқдан ҳам келарди, дейсиз. Ҳозир эса, худди ана шу ҳодиса рўй бериб турибди. Отаси яқинлашиб келарди; әгнида фуфайка, белини камар билан қисиб танғиб олибди, сошидаги қўлбола пахталик қулоқчинининг қулоқлари юқорига қайтариб қўйилган, оёғида чориқ. У секин, ҳоргин келарди; унинг ҳоргинлиги шалвираб осилиб турган қўлларидан, оёғини сургаб аранг қадам ташлашидан, оқсаб қадам босганида гавдасининг қаттиқ

лапанглашидан сезилиб турарди — у ҳозир кўпроқ таъқибга бардош беролмай беихтиёр ҳаракат қилаётган ярадор қушга ўхшарди. Андрей энди ундан кўзини узмасди. Отаси яқинлашиб келарди, у яқинлашиб келгани сари Андрей ҳам эҳтиёткорликни унтиб, ўрнидан турди, қаддини ростлади, у ўрнидан тураркан, гўё тахта бўлиб ботин-ботинигача қотиб қолганга ўхшарди, кўз олдини қоронгилик босиб, яхши фикр юрита олмасди. Қўрага озгина қолганида отаси йўталиб, тўхтади. Орқасидан келаётган зийрак бия унга тушунгандай қараб турарди. У қўллари билан кўкрагини ушлаб олганича, юзини бир четта буриб, хириллаб, ўпкаси узилгудек бўлиб узоқ йўталди, тинчлангандан кейин эса бошини кўтариб, тўғри рўпарасига, Андрейга қаради. Уларнинг ораси йигирма қадамча келарди. Андрейнинг юраги орқасига тортиб кетди. Агар отаси яна бирпас шундай қараб турса, Андрей чидаб туролмасдан унинг олдига чиқсан бўларди, аммо отаси ерга қараб, отни етаклади. Андрей отаси ташлаган нигоҳдан кўзлари қамашиб, унинг юзини яхшилаб кўролмади, бу юзнинг қанчалик ўзгарганини пайқай олмади, у фақат бу юзни, отасининг опроқ мўйлови осилиб турган юзини кўра олди холос: кейин, узоқлашиб кетаётган отасига орқадан қарап эсан, назарида, вужудида ҳар қанақа икирчикирни ҳам илғаб олишга қодир аллақандай бир туйғу уйғонгандай бўлди. Лекин бу туйғу кечикиб уйғонган эди. Отаси ён дарвозадан бияни отхонага олиб кириб, кўздан ғойиб бўлди, беш минутлардан кейин Андрей отаси паншахада бир талай пичан кўтариб чиққанини бирров кўриб қолди. Кейин отасини кимдир чақирди. Андрей кетадиган вақти бўлганини пайқади.

### 13

У йўлга чиқиб олди-да, яширинмасдан, шошилмасдан юқорига қараб кетаверди. Қаёққа? — Узи ҳам тасаввур қилолмасди, шунчаки одамлардан узоқроқда, ҳозир кўриб-боққанларидан олисроқда бўлиш учун қадам ташлаб кетаяпти. Аммо у қўра олдига борганига ачингани йўқ, у отамини кўрай деб ҳаллослаб борди-ю, лекин отаси ҳам рўпарасига келиб туришини хаёлига ҳам келтирмаганди. Ким билади, балки у ҳозиргидек бир сабаб билан кутилмаганда бехосдан учрашиб қолсак-а, деган умидда бугун бу ёққа югуриб келмадимикин, умуман Ангарадан ўтмадимикин? Турган гапки,

у таваккал қилди, аммо бунинг эвазига унинг тамом бўлай деб қолган юраги эзилмади, аксинча, энди янада кўпроқ тобланди — бу унга асқотади ҳали.

Э, нимасини айтасиз! У отасини, ўз отасини кўрди, бир вақти келганда бу ҳам ҳисобга олинади. Бундан буёғига бехижил яшайди: битта қарзидан қутулди. У отасини кўриши шарт эди: ўлим олдидан фарзанд отага бир нима деб кетадиган удум бор шекилли. У бугун эрталаб рози-ризочилик сўраб, унинг рўпарасида турди-ку, шунаقا қоида бўлиши керак. Отаси ҳам рози бўлади. Отаси нега уни пайқамадийкин-а? Ахир нақ кўзларига қараб турди-ку. Балки кўргандир ҳам, аммо тан олгиси келмагандир, ўзини бўшлиққа қараб тургандек қилиб кўрсатгандир. Йўқ, пайқамади. Бўлмаса сўрадику-я. «У-ку сўради-я, аммо сен нима дердинг? Шундан кейин сен нима қилардингу қаерга борардинг? Ўз юкингга, яххиси, бировни шерик қилмай қўя қол, бир ўзинг кўтаравер. Мана, Настена ёрдамлашяпти, шунинг учун ҳам юки икки ҳисса оғир. Чамаси, энди секин-аста Настенани ҳам бу юқдан ҳалос қилиш керак бўлар. Ўзи, фақат ўзи кўтариши керак. Настенасиз-а? Ёлғон, Настена бўлмаса ўласан. Настена сенга ҳаёт баҳш этяпти, балки бу ҳаёт бундан кейин ҳам узоқ вақт, ҳатто сен ўлгандан кейин ҳам давом этиши мумкин».

У қуёшнинг чиққанини ҳам сезмай қолди, баландликда, атрофидаги дараҳтлари кесилиб, йўл очилган ўрмонда қуёш нақ кўзига тушди, Гуськов эса кўзини қисди, шу заҳоти бутун атроф тўсатдан ҳаракатга келди — ҳозирча заиф, оҳиста, аммо тез ёйилиб кетадиганга ўхшайди. Кун яхши бўлиб, жаранглайди чамаси, осмон очиқ, тиниқ эди, ҳаво қуёш тафтидан юшшаб, йўлдаги муз эрий бошлади. Ўрмонда ҳали қор бор эди, аммо энди у юпқалашиб, айрим жойларда бултурги буталар қақ-кайиб чиқиб турарди, ер олачалпоқ бўлиб қолганди. Ҳали бутунлай уйғонмаган дараҳтлар баданларига сув югуриб, ўзларини ростлаб, исиб, секин-аста ғимирлаб қолишганди. Кечаги эрувгарчиликдан пайдо бўлган ҳид кўтарилиб кетмаганидан ҳаво тахир эди. Қуёш нури гүё ерга етмаса-да, ер бетига узунасига ёйилганга ўхшарди, аммо борган сари пастга қия бўлиб бораради.

Гуськов қишлоқдан тезроқ кетиш учун шошилиши керак эди, лекин шошилишни истамасди. Шу сабабдан у латтадай бўшашиб, каловланиб қадам босарди. Отаси билан учрашув унга таъсир қилмай қолмади: Андрейни

лоқайдлик түйғуси чулғаб олди. Қаерга, нимага боряпти, бу ердан нима қидиряпти? Ўз инида жимгина ўтиравергани, бу ёқларда тентиб юрмай, иссиқ ўрнини совутмагани яхши әмасмиди, ахир. У ўша инида анча кўнишиб қолганди, тинчланиб қолганди, бу томонларга келиб, фаят ярасига туз сепишини олдиндан билар әди-ку. Э, йўқ, шундай қилиши керак эди, шарт эди — кейинчалик ўзига осон бўлади. Уй ҳайвонлари борлигини кўрмасдан туриб, ўзингни чинакамига ваҳший ҳайвон ҳис этолмайсан, эски киндигингни кесиб ташламасдан туриб, янги ҳаётни бошлолмайсан, ўша эски киндик эса, Андрей уни яширишга қанчалик уринмасин, ликиллаб халақит бериб юрибди. У яқиндан ўз кўзи билан кўриб, жонажон уйига энди сира қайтиб келолмаслигига, отаси, онаси билан гаплашолмаслигига, анави ерларни ҳайдолмаслигига ишонч ҳосил қилиш учун бу ерга келиши керак эди. Шунинг учун у аччиқни аччиқ кесади, деган қадимиий ақидага амал қилиб, бу ерга келди. Энди у бу томонларга келиш учун унга йўл йўқлигини узил-кесил тушунади. У әртами-кечми бошига шундай кулфат тушишини сезарди, сезарди-ю, олдиндан олиб орқасига ташларди, энди эса азобини тортиб юраверади.

Отаси билан учрашув, унинг назарида, ичиде яшириниб, қулай пайт келишини кутиб ётган дард-аламини янгила, аъзойи баданини бошқатдан шиддат билан сирқирагиб юборадигандек эди. У ортиқча ўртаниб юрмаганини пайқарди. Энди бу учрашув худди лип этиб эсга келадиган туш сингари унинг кўзи олдида турарди, турганида ҳам ҳар дақиқада қаққайиб мана ман деб, юришга, ўйлашга халақит берарди. У дам-бадам шу учрашувни эсларди, эсларди-ю, отасини шунчалик яқиндан кўрганига таажжубланиб қотиб қолар, гоҳ отам мени кўриб қолиши мумкин эди-ку, деган ваҳимадан титраб кетарди, лекин у бу учрашувни эсласа, баттар изтироб чекишидан чўчиб, ўзини авайлаб, чалгитиб, оҳиста, эҳтиёт бўлиб қайта хотирларди. Бугун изтиробларнинг ўрни әмас: у Бегона жойда. Бегона жойда? Гусъков ишшайиб, ўз фикрига қўшилди: ҳа, бегона жойда — бу ерларда қулоқни динг қилиш керак, ҳиссиётга берилсанг қимматга тушиб кетади.

Негадир унинг эсига ҳу анавинда, Иркутскда уйида беркиниб турган гунг хотин Тания тушиб кетди, бирон-бир туртки сабаб бўлмаса ҳам шундоқ эслаб қолди. Таняниң юзи, бир нимани сўрамоқчи бўлаётгандай қиммирлаб турган лаблари шунчаки кўз олдидан бирров ўтди, шундан

кейин ногоҳ Гусъковнинг яна ўша ерга боргиси келиб қолди. Ўша ерга борса-ю, Таняни олиб, дунёнинг бир чеккасига, одамлар йўқ жойга жуфтагини ростлаб қолса, гаплашишни унутса, Таняни таҳқирилаб, ўч олса-ю, хумордан чиқса, кейин унга ачинса-ю, яна уни хўрласа — Таня ҳаммасига чидайди, уни бахтиёр қилиш учун кўп нарсанинг кераги йўқ. Гунгларнинг юзи жуда ғалати бўлади-да: жилмайса, кўзлари совуқ, лоқайд босиб тураверади; лабларидан бошқа ҳеч ери қилт этмайди, без бўлиб тураверади. У, албатта, Таняга ҳам муносиб эмас, лекин у шундай гуноҳ қилишдан тап тортмасди. Таня шундоқ ҳам аламзада, шунинг учун уни бундан буёғига ҳам ранжитса бўлаверади. Айтайлик, учрашиб қолдинг, хўш, уни нимага хафа қилишинг керак экан, деб сўради Андрей ўзидан. Шунинг учунки, гуноҳ қилган кишининг яна гуноҳ қилгиси келади, яъни ялангоч сувдан тоймайди. У, эҳтимол, бундан бошқача йўл тута олмаса ҳам керак, унинг ўзининг шу кўйга тушиб қолганини тасдиқловчи далил доимо керак. Ана шунда у ўзини анча дадил ҳис этарди.

Гусъков далага чиқиб, ўнгга, олисдаги сайхонликка томон бурилди, у кунни шу ерда ўтказмоқчи эди. Бунака пайтларда у ерда одамларнинг қиласидан ишлари йўқ эди: омонлик-сомонлик йилларида ҳам одамлар у ерга гўнг ташимасди, ҳозир бўлса, яна шундай пилчирарамада сира ҳам келмайди. Бирорта тинчимаган одамнинг ҳам келиши гумон: ўрмондан бирон нима керак бўлса, ўша қишлоқ ёнидагидан олиши мумкин. Борди-ю, битта-яримда адашиб келиб қолса, келаверсин, қўрқинчли ери йўқ, одамлар энди ундан қўрқсан, у бугун қўрқиб-писиб юрмоқчи эмас. Ундай одамни таниб оладиган даражада яқин йўлатмайди ҳам, узоқдан эса, хоҳлаганча қарайверсин, ким экан деб бош қотираверсин, Андрейнинг парвойига келмайди. Унинг бу ерларда хўжайнинг айланиб юришга ҳақи бор, у мана шу далаларда эл қатори ишлаган, уларнинг қанчадан ери борлигини, урушдан олдин қаерга нима экилганини, қанчадан ҳосил олинганини ёддан билади. Бу ерларнинг тўқай бўлиб кетмай, ҳали ҳам буғдой беришида унинг ҳам ҳиссаси бор — ҳозир эмас, илгари меҳнат қилиб қўйган, албатта. У бу ерда бегона эмас, йўқ. Унинг топилиб, ерларнинг ёнидан ўтиб кетаётганини ҳаводан ҳам билса бўлади, ерлар ҳам уни таниб, ястаниб, қотиб ётибди, энди у фақат ана шундай хотирага ишснарди. Одамлар бир-бирларини эслай олмайди, оқим уларни жуда тез олиб кетади; одамлар ўзлари яшаган

ерларни эслаши керак. Ер эса, одамга нима бўлганини билолмайди, ер учун одам покиза мавжудотдир.

Қуёш борган сари баланд кўтарилиб, қиздиради, шунинг учун йўлда томчилар йилтираб, қўшилиб, қисқа-қисқа сизиб оқа бошлаганди. Атрофда кўкиш товланаётган ҳор бўкиб, оғирлашиб бораётганди, ҳаво ҳам секин-аста нам тортиб, оғирлашаётганди. Гусъков пиймада бораётганди (унинг бошқа пойафзали йўқ эди, Настена қейинги марта учрашганида унга эски, ташландиқ чоригини келтириб беришга ваъда қилганди), ҳаммасидан ҳам ҳозир шу пийма Гусъковнинг жонига тегаётганди. Пиймалар уни сездириб қўяётганди, ўз одами бўлиб кўринишига қўймаётганди: пийманинг бемаврид кийилиши, беўхшовлиги, яроқсизлиги гўё юриб бораётган ердан уни ажратиб турарди. Ҳозирданоқ пиймада юриш қийин бўлиб қолганди, у уч-тўрт соатдан кейин кун обдон қизиса, қандай ҳаракат қилишини тасаввур этолмасди. Чамаси, бирон ерда писиб ўтиришга тўғри келади, шекилли; охиригай сайхонликдаги жига бўйида қишлов бор, ўша ерда ўтириса бўлади. Йўқ, у бугун қишловда писиб ўтиришни сира хоҳламаяпти, жонига тегиб кетди, бу ёққа бекинаман, деб келмаган-ку, ахир. Зўр келса пиймасини ечиб олиб, оёқ яланг шалоп-шулуп қилиб кетаверади, атрофга қанча кўп нафаси тегса шунча яхши, қайтиб шунаقا кунларни кўрмаслиги ҳам мумкин.

Андрейнинг эсига кўрган-кечиргандари — далалар, уватлар, экин ери ўртасида қаққайиб турган қари, ғадир будир тилоғоч, энсиз ўрмондаги арча остидан чиқиб турган булоқча, ҳатто ўрмон ортидан шу ернинг қиёсда тенги йўқ осмони бирин-сирин кела бошлади, аммо Гусъков саргузаштлардан қўрқиб, улардан тонарди, ўзига юқтири масликка ҳаракат қиласиди, шунинг учун улар бошланаиди-ю, шу заҳоти узилиб, қаёққадир пастга қараб тўзиб кетарди. Хотираларга асло берила кўрма, берилдингми, тамом, кейин қутула олмайсан. Ҳозир ҳеч нимани ўзгартириб бўлмагандан кейин бу хотиралар, бу қийноқнинг нима ҳожати бор? Афсус, хотира бунаقا нарсани тушунмайди-да. Уни қарангки, бир-бирига етти ёт бегона бўлган икки одамнинг хотираси бир хил, қани энди шу хотирани иккига тақсимлаб бўлса, бўлмайди. Қани энди у илгари кўрган-боққанларини йўқ қилиб ташласа, бутунлай унубиб юбора олса, анча ёнгил бўларди-я, аммо иложи йўқ-да: ўша илгариги одам ҳали бор, эзилиб, эрксиз бўлиб юраверади, узоқ яшайди — ундан қочиб қутулиб бўлмайди. Шунинг учун у, Гусъков, тинчлик нималигини

бilmайди, бўзодлик юзини кўрмайди, умрининг охиригача сарсон-саргардон бўлиб юраверади.

У шу фикрга кўниб, ўзини шунга ишонтириб кетаёт-танини ҳайқаб қолди-ю, бирдан ҳаммасига ўчакишиб, яна нимадандир умид қила бошлади: қитдек умид индамай ҳалбининг чуқур бир ерида шундай яшириниб ётардики, гоҳо унинг ўзи ҳам бу умидни пайқолмай қоларди, аммо бу умид бор эди, нафас олаётганди, ахён-ахёнда унинг ҳадиксираб оҳиста қимирлаб қўйганини эшитарди. Аммо умид қиласидан нарса йўқ, ҳеч нимадан умид қилиб бўлмайди, ҳеч қандай мўъжиза юз бермайди, чамаси, Гусъковнинг ҳақиқий айби биринчи марта қандай бўлса, шундоққина кўзи олдида шафқатсизлик билан очиқ-ойдин намоён бўлди. Назарида у ҳақиқатни жисман ҳис этаётганди, гўё, у ёқ-бу ёғидан ўтиб кетгандай эди: у бу ҳақиқат совуғидан титраб кетди. У нега бундай аҳволга тушганини ўзи ҳам билмасди. Олдин ҳам, кейин ҳам сира бунаقا бўлмаганди; фақат шу тобда, қадрдон, дилига жо бўлиб қолган ерларга кўтарилаётган пайтда шунаقا бўлди, тўхта-тўхта, уни ўлимга маҳкум этган айнан шу ерлар эмасмикин? Гусъков атрофга кўз қирини ташлади ва ўзини қаттиқ койиб, заҳархандалик билан кулиб қўйди. Сабр қил, мана ҳозир бир қушча учеб келади-ю, одамдек гапириб, ҳа, тўғри топдинг — сени маҳкум этгани ўшалар дейди. Гусъков ўзини тетик тутишга ҳаракат қиласар, лекин ичиди бир нимадир пайдо бўлаётганди, тушуниб бўлмайдиган ёқимсиз бир нима ўсиб-улғаяётганди, гарчи у шошилса ҳам, катта-катта қадам ташлашга уринса ҳам, оёқлари чалишиб, нафас олиши тезлашиб, ҳансирай бошлади. «Қушча,— деган фикр ногаҳон миясига келди.— Мен ўзим бу ерларда эркин қушдай яшагандим. Яна нима керак эди менга? Нима?»

Шундан кейин қулф, тамба, қатағон бўлиб, қўл-оёқ-ларини бойлаб турган барча туйғулар чилпарчин бўлди. Энди ўзини босишга, тинчтишишга қодир эмасди.

«Агар шу уруш бўлмаганда, шу лаънати уруш бўлмаганда,— деб ўзини ўзи оқлади у,— илгаригидай яшайверардим, илгаригидек ишлайверардим. Нечага кирибман жуда, бор-йўғи ўттизга, лоақал умримнинг ярми ҳам эмас. Ҳали умримнинг ярмини ҳам яшамабман-у, аллақачон ҳаммаси тугади, тамом. Нега фақат мен шунақаман? Бу ёруғ оламда озмунча одам борми... Мен худога нима ёмонлик қилибман, нега у мени шу кўйга солиб қўйди, гуноҳим нима?— у инграб, қаерга

ўтирасам бўларкин, деб жой қидира бошлади, сёқлари қимирламай қолди. Олдинда, йўл ёнида ифлос, ҳўл гўла думалаб ётарди, у шу ғўлага ўтирди.— Ахир мен ҳам эл қатори яшашим мумкин эди-ку,— у миясига келган шу фикрга ёпишиб олди,— ишлардим, ахир мен яхши ходим эдим-ку, ҳамма биларди-ку. Ҳозир бирон иш билан бу ерга келардим... Мана, ҳозиргидек келардим, мана шундай ўтирадиму маза қилиб чекардим, кейин ишларни битириб, қишлоққа қайтиб кетардим...— Бу имконият шунчалик яқин, шунчалик амалга ошадигандек туюлдики, у эсанкираб, ўзини йўқотиб, шундаймикин деб ўйлади ва чинга йўйиб, нима иш билан бу ерга келган бўлсам, тезроқ шу ишни тугатай-да, кейин қишлоққа қайтай, деб атрофига чўзилиб қаради. Йўқ, олам тескари бўлмабди, ҳаммаси жой-жойида турибди. Бу ширин уйқудан уйғониш эмасди, бу ҳар куни унинг мавжудлигини, ким бўлиб қолганлигини таъкидловчى талай-талай ҳодисалардан бири эди, холос: бу ҳақиқат, айниқса, ҳозир жуда аччиқ ва даҳшатли бўлиб туюлаётганди, шунча вақтдан бери аранг тиклаган мудофаа истеҳкоми бир зумда қаёққадир гойиб бўлди, энди у ҳимоясиз қолди; бир мулоим, ёқимсиз лоҳаслик унинг аъзойи баданини қамраб олди, ҳатто ўзига пўписа қилиб қўйишига ҳам унинг ҳоли келмасди, у негадир бу лоҳасликдан хурсанд ҳам эди, чунки у бу лоҳасликни енгишига қодир эмасди.— Ҳаммасига уруш айбдор, ҳаммаси уруш туфайли,— у яна ўзини ўзи оқлашга, аврашга тушди.— Унга шунча ўлиб кетганлар, майиб-майриқ бўлганлар камлик қилибди шекилли, яна менга ўхшаганлар ҳам керак бўлиб қолибди. Бу уруш қаёқдан чиқди ўзи? Бирдан ҳамманинг бошига тушди-я! Даҳшатли, гоят даҳшатли жазо. Мени ҳам, мени ҳам ўша ёққа, жаҳаннам оловига юборишиди, бир ойга эмас, икки ойга эмас, бир неча йилга-я. Буёғига ҳам чидаш учун сабр-тоқатни қаёқдан оласан? Кучим етганича чидадим, ахир дарров жуфтакни ростлаб қолмадим-ку, фойдам тегди. Нега мени бошқаларга, ёмонлик қилишдан бошқа нарсани билмаган ашаддийларга тенглаштиришади? Нега ҳаммамизга бир хилда жазо берилар экан? Ҳатто уларга осонроқ, лоақал уларнинг жони азоб чекмайди-ку, менинг жоним қачон энди ҳеч нимани ҳис қилмай қўяди, тинчийди... Мана, қишлоқ ёнига келдим дегунча юрак бўлганича бўлди, шалвилладим-қолдим. Ахир, мен ўз одамларимизга қарши борган бирон-бир власовчи эмасдим-ку, мен

ўлимдан чекиндим. Наҳотки, ҳисобга олинмаса? Ўлимдан чекиндим,— деб такрорлади ўринли сўз топганидан қувониб ва бирдан ўзига қойил қолди:— Қара-я, шундай даҳшатли уруш-а! Мен эса боплаб жуфтакни ростлаб қолдим. Буни ҳам эплаш керак-да, қойил-е!»

У бошини кўтариб, ўзи ўтиб келган далалар устидан қаёққадир қаради-да, ўчакишгандек қаттиқ-қаттиқ қаҳ-қаҳ уриб кулди.

У шу алпозда ўзича алланималарни узоқ пицирлаб ўтириди, ит кунига тушганидан интрагиси келган пайтларда латтадай бўшашиб кетарди-да, жонини сўгуриб олаётган оғриқдан тахта бўлиб қоларди, азоб чекиб, ўзига келгач, то қайгу-ҳасрат уни яна ўз гирдобига тортунича қандайдир умидсизликка тушиб, ғараз ва истехъо билан ўзидан-ўзи куларди.

Кейин у бу азоб-уқубатлар ҳаммаси ҳаракат қилмасликдан, ҳеч иш билан шугулланмасликдан келиб чиқинти, деб ўйлади-да, ўрнидан турди, ўзи ўтирган ғўлани эса, битта-яримта четга олиб қўйисин, деб думалатиб йўлга чиқарди. Атрофга бир сидра кўз юргутириб Гусъков йўлида давом этди, кўнгли муздай, ғаш эди, аммо у тез-тез одим отиб кетаётгани учун чиндан ҳам ўй-хаёлларга берила олмади, ўй-хаёллари ортда қолиб кетди.

Эрталабки қуёш ҳам астойдил қиздира бошлади, зриган қор сувлари унсизгина, зўр-базёр бир-бирига қўшилиб, оқа бошлади: тоғ этагидаги далалар тепасида ҳаво тўлқинланиб, жимиirlарди, унинг ортидаги ўрмон эса, офтобда оқариб, айлантириб-эйлантириб тортилган узун чизиққа ўхшарди. Қишлоқдан эса, ташқарига чиқарилган хўрзозларнинг мастона, тантанавор қичқириқлари эшитиларди: учиб кетаётган қарглар жонга тегиб, қаттиқ-қаттиқ қагилларди, майин шабада ер бетида айланниб эсарди, Гусъковнинг юзи шабададан эмас, офтобдан ачишаётганди, шабада эса фақатгина қувлашмачоқ ўйнаётгандек гоҳ югуриб кетар, гоҳ тўхтаб қоларди. Қишлоқ олдидағи хирмонда ифлос, хурпайган чумчуқлар чирқиллашиб, иккита ёввойи каптар ғуғулашиб тўпонни титишардӣ, Гусъков яқинлашиб келгач, паррандалар гур этиб кўтарилиди-да, шувиллаб унинг ёнидан ўтиб кетди.

Гусъков хирмон ёнида тўхтаб, чумчуқларни кузата бошлади. Андреевскда, одамлардан олис ерда чумчуқлар йўқ эди. У ўзидан чумчуқлар неча йил умр кўяркан, деб сўради ва шу оч, жонсарак қушлар галаси ичиди

мен шу ердалигимда учиб юрган чумчуқлардан ҳам бормикин, деб кўнглидан кечирди. Лекин у чумчуқларнинг қанча умр кўришини билмасди, илгари бунақа беҳуда нарсалар уни қизиқтирмасди, шунинг учун унга яна алам қилиб кетди. У чумчуқларни чўчитиб юбориб, қишлоғга келди ва қор-намдан шишиб қолган эшикни аранг очди. Ичкари совуқ, ҳувиллаган эди; Гуськов тирикчиликка ярайдиган бирон нима бормикин, деб у ёқ-бу ёқни қаради, лекин ҳеч нима тополмай, қайтиб чиқди. Уни нимадир толиқтираётганди, овқатлангиси келяптими ёки уйқуси келяптими, буни ўзи ҳам билмасди. У ўзи билан озгина овқат олиб олганди, аммо уни кейинроқ ейишга асраб қўйиши керак эди. У нимагадир шу ердан, гарчи бу ердан топишнинг сира иложи бўлмаса ҳам, бирон егулик топаман, деб умид қилган эди: ахир, у тиланиб қишлоққа бормайди-ку, қишлоқдан бошқа жойда эса, бу пайтда ҳеч нима ўスマйди, сақланмайди.

У нима қилишини билмай, анчагача қаловланиб турди, кейин, қаерга жойлашишини чамалаб, синаб кўрмоқчи бўлгандай, тоғ томондан офтоб тушиб турган қишлоғ орқасига ўтди ва у ердаги гўлага ўтириб, деворга суюнди. У бир вақтларда, ўттиз учинчи йилдаги очарчиликдан сўнг шу сайхонликдан ер очганди, нақ унинг рўпарасида ўзи ҳайдаган икки ярим гектарлик дала ястаниб ётарди. Гуськов кераксиз хотираларга берилишдан қўрқиб, ҳадиксираб, пастки томондан қорај бошлаган, чўгиrtаклари қаққайиб қолган ангизга қаради, аммо рўпарасида дала уни очиқ чеҳра билан кутиб олиб, тасалли бераётгандай туюлди: Гуськов офтобда исиниб, бўшашиб, чиндан ҳам мудради. Гоҳо-гоҳо оғир қовоқлари очиларди; фақат унинг кўзларигина ҳеч нимадан ташвишланмай, бирон ерда бегона шарпа пайдо бўлмадимикин, деб одатдагидек кузатарди. Ҳаммаёқ тинч эди.

Гуськовнинг кўзи илиниб қисқа, узуқ-юлуқ, бир-бирига боғланмаган, пойинтар-сойинтар туш кўрди. Тушига разведкачилар ротасининг командири капитан Лебедев кирди. У взводни қидиришга жўнатаётисб, негадир унга, Гуськовга, агар немислар томонига қочиб ўтсанг, сени генералга алмаштираман, аммо отиб ташламайман, йўқ, бу сен учун жуда катта шараф!— лекин уч кечаю уч кундуз жазолайман. Шундай жазолайманки, асти қўявер!— деб писанда қиласмиш. Яна тушига Смоленскдаги бетараф минтақа кирибди-ю, ногаҳон Атамановканинг

тегирмонини кўрибди, у шу тегирмонга ишга тайинланганмиш. Иккала томондан ҳам унга аёвсиз ўқ ёғдирармишлар, фақат у туфайли уруш давом этаётганмиш, қайси томон уни отиб қулатса, ўша томон енгармиш. Кейин у ўзини Новосибирск госпиталида кўрди. Шопмўйлов хирург, медицина подподковниги уни ўз кабинетига чақириб, спирт ичишни таклиф қилибди, у спирт ичаётганида подполковник унга ҳозиргина қазо қилган зўр полковник ўрнида ишлашни таклиф этганмиш. У яна фронтга бориб қолганмиш, энди гаубица батареясида хизмат қиласмиш: у прицел<sup>1</sup> солинган яшикчани йўқотиб қўйганмиш-у, уни трибуналга беришганмиш. Прожекторларнинг равшан нуридан ёп-ёргуғ бўлиб турган узундан-узоқ, торгина дала бор эмиш: у шу даладан кетаётганмиш, иссиқдан нафаси қайтармиш, нур эса борган сари қиздирармиш, секин-аста кўкиш тусга кириб, ловиллаб ёнармиш.

У уйғонди, лекин анчагача бу бетайнин, ёмон тушлардан эзилиб, ўз ёғига ўзи қовирилиб, қимирламай ўтириди. Бу тушларнинг биронтаси ҳақиқатга тўғри келмасди, ҳеч қачон уни бирор ёмон деб ўйламаганди. Аммо унинг сўнгги қадами бутун умрини хазон қилди: ҳатто унинг тушлари ҳам алоқ-чалоқ бўлиб кетди, ҳатто ўзи кўраётган тушлар ҳам унинг ўзига қарши чиқаётган эди. Хўш, бошқалардан нима гина?

Тушига кирган тегирмон унда ўша ёққа бориш фикрини туғдирди. Тегирмон олис эди, аммо Гусъков учун ҳам кун энди бошланганди. Бўлса-бўлмаса тегирмонда ҳозир ҳеч ким йўқ, тегирмон тортадиган вақт эмас. У негадир чумчуқларни ёмон кўриб қолди-ю, яна уларни тўпондан учириб юборди ва дала, четидан пастга ўрлай бошлади, сўнгра, дала тамом бўлгач, шартта ойга қараб бурилди. Ўрмондаги қор деярли эримаганди, бу ерда ва очиқ жойларда офтобнинг тафти сайхонликдагига қаранганди кучсиз эди, ўрмон яланглигидаги дарахтларнинг ерга тўшиб турган соялари гўё сиқиб чиқарилган, очилиб қолгандек аниқ-тиниқ эди. Гусъков бу ерда пиймаси ботиб кетавермаганидан яна дадилланиб қолди. У аввалиги йиллардагидек яна ҳаяжонлана бошлади — у бир вақтлар тегирмонга келишини яхши кўрарди. Ким ёмон кўрар-

<sup>1</sup> П р и ц е л — мўлжал асбоби, тўпчилар уни эҳтиётлаб қутичада олиб юришади. Жанговар ҳолат чогида тўпдан мўлжалга олиш учун ишлатилади. (Ред.)

ди дейсиз? Ахир, тегирмон тортиш, бу — бир байрам, хурсандлик, меҳнат самараси-ку. Йигим-теримдан кейин одамлар бу ерга келардилар, навбат кутардилар, жон-жон деб тунагани қолардилар, лекин ухламасдилар, чоллар чекиб, гурунглашиб ўтирадилар, бўйдоқлар ва ёшлар эса, ўйин-кулги қиласдилар, буталар орасидан қизларнинг чинқириқлари эштиларди, ҳар хил эрмак ўйлаб топардилар, гуриллаб турган гулханда кетма-кет чой қайнатиларди, тегирмон тоши эса, гув-гув этиб айланга-ни-айланган, оғзи очиб қўйилган қопларга эса иссиққина, янги тортилган ун тушгани-тушган эди.

Бу хотиралар Гусъковнинг чеҳрасини очди, у жилмайиб қўйди, назарида, кўнгли ҳам анча илиб, ёришгандай бўлди. Аммо унинг бу кайфияти узоқча чўзилмади: у тегирмонга яқинлашиб келаркан, сергакланиб, қулогини динг қилди ва олдинга энгашиб тўхтади-да, ўзига ўзи ҳушёр бўл деб, оҳиста лабларини қимтиди. Одам зотининг арвоҳи ҳам йўқча ўхшарди: юқоридаги эшик ҳам, пастдаги эшик ҳам қулфлоглиқ. Фалла олиб чиқиладиган зинада эса, қор бор эди. Гусъков шошилмаслик учун яна бирпас ўзини тийиб турди, кейин яқинидаги самбиттол буталари олдидан эшикка қараб юрди. Эшикдаги қулф илгаригидек номигагина осиб қўйилганди: Гусъков бир торган эди, қулф очилиб кетди. Шуниси маъқул, йўқса Андрей зулфини билан суғириб оларди, ё бўлмаса, ромни кўчирарди, аммо шаштидан қайтмасди.

Ичкари совуқ, чанг босган эди, полда пиймаларнинг оқ излари қоларди. Гусъков аввал тегирмончининг ҳужрасини қаради, у ердаги токчадан катта, сирланган кружка, икки бош саримсоқпиёз, ярим қути туз топди, деворда дастарра осиглиқ турарди. У буларнинг ҳаммасини скамейка остида ётган чилта қопга тиқди, кейин тегирмоннинг ҳаммаётини бирма-бир кўздан кечиришга тушди. У юқорига икки марта чиқди, барча тешик-туйнукларни қаради, лекин яна бир қопу муқоваси йиртилган китобдан бўлак фойдали нарса тополмади. Андрей уларни ҳам олди: яраб қолар.

У ташқарига чиқиб, яна эшикка қулфни илиб қўйидида, атрофга кўз югуртирди, ногаҳон уни тегирмонга ўт қўйиб юбораман, деган тийиқсиз, даҳшатли истак қамраб олди. Нима, қийин эканми, ана, анави ерда қайин пўстлоги ётибди, гугурт бўлса бор, қурилганига анча бўлган, жангиллаб турибди, бирпасда лов этиб ёниб кетади. Бироқ ўз ҳоли ўзига маълум эди, ёндириб юбориш мумкин эмас эди ва пировардига ўт қўйишга қодир эмасли-

гини тушунди, аммо ўзидан бир мудҳиш хотира қолдириш истаги шунчалик кучли эдики, у ўз иродасига ортиқча ишонмай, ақли бовар қилмай, қопини кўтариб, гуноҳдан узоқроқ юриш учун тезроқ тегирмондан жўнаб қолишга шошилди. У ҳовуз олдига етгандагина тоза, кўкиш музнинг ойнадай ярақлаб турганини кўриб, бир лаҳза тўхтади, муз остида киши кўзини ўйнатиб, ҳавасини келтириб сув жимиirlab турарди. Гусъков чўғ-чалаларнинг учиб келиб музга тушиши, уни ифлос қилиши ва писиллаб туташини кўз олдига келтирди, унинг дилида бир шунаقا қилмайсанми, деб яна нимадир тиқилинч қила бошлади, шундан кейин у яна тоқقا, далалар томонга қараб кетди.

У кун бўйи гоҳ очиқ ерга чиқиб, гоҳ ўрмонга беркиниб сайхонликларда дайдиб юрди, баъзан шундай бир иштиёқ билан ёнар, шундай жазаваси тутар эдики, у одамларни кўрсам, одамлар ҳам мени кўрсин, кўрсин-у, бу ким экан, деб ташвишлансин дерди, кейин ҳеч нимадан ҳеч нима йўқ ваҳимага тушарди-да, қимирлашга ҳам юраги бетламай бир ерда узоқ туриб қоларди. Сувлар жилдираб оқарди, офтоб тушиб турган ерлардан буг кўтариларди, маст қилувчи ўткир ҳидлар бошни айлантиради. Шунданми ёки яна бошқа нарсаданми, Гусъков ёнини бўлаёзди: тушдан кейин куннинг икки-уч соатлик катта бир бўлаги бекордан-бекорга ўтиб кетди; кейинчалик у ана шу вақтда қаерларга боргани, нималар қилганини эслаб кўришга уринди-ю, аммо эсига ҳеч нима келмади, ана шу беҳуш бўлиб юрган дамлардан эсида фақат қишлоқда қичқирган хўрзозларнинг унинг юрагини тимдаловчи товуши-ю, жилдираган сувлар қолиби. Унинг пиймаси шунчали шилта бўлиб қетган эдики, сикиб ташласа ҳам бўларди, оёқлари пилч-пилч қилиб зирқиради, у эса йўл танламай, қаер қаттиғу қаер қуруқлигини суриштирумай ҳамон тайинсиз кетиб борарди.

Кечқурун у вақтга ҳам қарамади, қош қорайиб қолгандага қишлоққа тушиб келди. Теваракдаги нарсаларни, биноларни ҳали кўрса бўларди; у синчиклаб қараб, ўз мўрчасини қидириб топди, аммо тутунни кўрмади. Гусъковнинг аъзойи бадани музлаб кетди: у куни билан негадир тутунни кўраман деб сира шубҳа қилмаганди, ҳатто мана ҳозир Настена сув ташияпти, ҳозир у мўрча печини ёқди, деб жуда ишонч билан тахмин ҳам қилганди... Нажотки, умиди чиппакка чиққан бўлса? Чамаси, Гусъков сарсонлик-саргардонликка тушгандан бери биринчи марта: «Э, парвардигор, бенасиб этма. Эй, худоё худовандо,

шундай қилки, мўрча исиган бўлсин, қўлингдан келади, ҳали ҳам кеч эмас. Фақат бир сафар марҳаматингни дариф тутма, кейин мени нима қилсанг қиласвер, ҳаммасига розиман», — деб худога илтижо қилди. Тўсатдан унинг аъзойи бадани дағ-дағ титрай бошлади, обдон абжагини чиқариб, гўё унга бир нимани уқтиргандек, яна кутилмаганда титроғи босилди; шундан кейин унинг ҳаммаёғи сирқираб, латтадай бўшашиб кетди. Гуськов дуч келган тўнкага ўтириб, тунни кута бошлади.

Итлар ҳам акиллаб-акиллаб жимиб қолди, одамларнинг юмуш билан у ёқ-бу ёққа юргандаги қадам товушлари, гоҳ-гоҳ уларнинг овозлари қулоққа чалинарди, лекин буларнинг ҳаммаси Гуськовга негадир элас-элас, узуқ-юлуқ, заиф етиб келаётганди. У яна хўдди аzonдагидай муз-муз бўлиб қолди, уни энг муҳими: Настенага нима бўлди, деган ўй қийнаётганди. Аммо деразалардан тушиб турган ёруғлик уни ҳарқалай ҳаяжонлантиради. У стол устида турган самоварни, ёниб турган каминни, оловнинг деворга тушиб турган шуъласини, каравотдати шишириб қўйилган ёстиқларни, яланг оёқлар остидаги пойандозни кўз олдига келтириди — ҳаммасидан таниш ҳид келиб турарди, бундан Гуськовнинг юраги орзиқиб, ночор симиллади, сирқиради, яна симиллади ва бир нарсадан таскин топгандай яна босилди. Гуськов чироқлардан юз ўгириб, кўзларини юмди, у қуюқлашаётган қоронғиликда тўнгакка ўхшарди.

Қишлоқ жимжит бўлиб қолгандан кейин у мўлжаллаб қўйган лаҳзасида шартта ўридан турди-да, қўлини қимирлатмасдан бошини қисқа-қисқа чайқаб, чўқиниб олди ва пастга, Ангарага қараб тушиб кетди. У муз устидан юриб, мўрча олдигача келди, тирмашиб жардан юқорига чиқди, у эҳтиёткорликдан эмас, қадамйнинг муҳимлигини ўйлаб, панҷара олдида тўхтади, кейин синч остидан ўтди. У эшик олдидалигидаёқ ичкари исиклигини сезди.

У мўрчага кирди-да, кетидан эшикни ёпиб, шошилмасдан оғир, жиққа ҳўл, куни билан жонидан безор қилган пиймаларни ечди ва шундан кейингина ўзини ўнглаб, жаҳл билан ғолибона томоқ қириб, кулди. У ҳаммаёқни тўс-тўполонга солмаслик учун шовқин-сурон кўтаришдан, бақиришдан, ашула айтиб юборишдан — қувончи ичига сигмаётганини ошкора этишдан ўзини аранг тийиб турарди.

Бу ерда у Настена билан ўзини ёнма-ён ҳисо қилганиданми, у эсига келгани ҳам йўқ, мўрчанинг иссиқ бўлиши унга кифоя эди.

## 14

...Тамом, бошланди энди, Настена қанчалик эҳтиёткорлик қилиб, қанчалик тайёргарлик кўриб юрмасин, тўсатдан бошланиб қолди.

Апрелда, ердан қор кетиши билан Михеич Настенани ёнига олиб, иккови ўтин тайёрлашга киришди. Улар бўш вақтлари бир пайтга тўғри келган кезларда гизиллаб бориб, бир соатми, икки соатми арра тортишиб, баҳоли қудрат ўтин тайёрлаб қайтиб келиш учун қишлоққа яқин ердан ўтин кесишаётганди. Ўтин ёришга кўпинча Михеичнинг бир ўзи борарди. Кейин Настена бир борганида ёрилган ўтинларни тахлаб келарди. Аммо энди ўтин арралаш анча оғир кўчаётганди, Михеич ҳар қачонгидан ҳам тез чарчаб қоларди ва ҳар бир ғўладан кейин дам оларди. Илгарилари ҳам кундаларсиз иш битмасди, энди эса, чамаси, келгуси қишида ҳамма умид шу кундадардан эди.

Михеич милтиқни ўзи билан олиб кетмасди, милтиқнинг бу ерда, қишлоқдан бир чақирим нарида сира кераги йўқ эди. Аммо ўрмондаги иш ҳарқалай овга ишқибоз Михеичнинг кўнглига ғулғула солиб қўйди шекилли: у йўқ тайёрлашга тушди, милтигини тозалади, кейин бир куни ўрмонга чиқиши олдидан омбор ичида анча ги-вирлади, сўнг эшигини беркита туриб, ногаҳон сўраб қолди:

— Менга қара, ойим қизим, мабодо Андрейнинг «Тулка»сига кўзинг тушмадими? Ҳаммаёқни қидирдим, худди ер ютгандай, йўқ.

Кетишга шай бўлиб, қайнотасини кутиб турган Настена қўлда арра билан қўр ўртасида қотиб қолди. У мудом шу саволдан қўрқарди, унга қандай жавоб беришни ўйлаб қўйганди, шундай бўлса ҳам у шошиб қолди. Афсуски, ҳозир қайнотаси билан гапни очди қилиб оладиган фурсат әмасди-да, эҳ аттанг, бошқа сафар бўлса ҳам майлийди, ҳозир жуда ноқулай.лайт.

— Ҳеч қаерда кўрмадингми?— қайта сўради Михеич ундан нари кетишга чоғланиб.

— Кўрдим,— деб тан олди Настена гангиб, бемаънилик билан жилмаяр экан, у қаттиқ гапирмаслик учун Михеичга яқин келди.— Мен уни сотганман, дада.—

Айрим пайтларда у Андрей сингари Михеични дада дерди.

— Сотдим? Қачон сотдинг, кимга?

— Анча бўлди. Сизга айтишга қўрқиб юрувдим, уришиб берасиз деб қўрқувдим. Вакилни Кардага олиб борганимда... Ўшанда облигация туфайли мендан жаҳлингиз чиққанди, кейин рост-а, шунча пулни қаёқдан оламан, деб ўйлаб қолдим. Ахир эсим йўқлик қилиб лақиллаб қўйибман, шунча пулни қаёқдан оламан?— Ўша одам милтиқни кўрди, унга жуда ёқиб қолди. Кейин сотчи деб ёпишиб олди. Кейин сотдим-да... бир амаллаб кўндириди.

— Сен, ойим қизим, нималар деяпсан ўзи? Ким кўрди? Ким кўндириди? Ҳеч нимага ақлим етмаяпти.

— Кардадаги бир одам-да. Мен уни танимайман. Фақат ҳарбий шинелдалиги эсимда бор. Аммо Катя Хлистова, Афанасий Хлистовнинг келини уни билади, улар ўзларича бир нималарни гаплашиши. Унинг кимлигини суриштиришга уялдим. Келишдик — бўлди-да.

— Нима, сен уни, милтиқни, ўзинг билан олиб кетганимидинг?

— Ҳа. Борди-ю, қайтишда қоронғида қолсам, керак бўлар, деб ўйладим-да... киши қўрқади-да.

— Кейин сотдим дегин?

— Сотдим.

Бу янгиликни омбор олдидаги супада туриб эшитган Михеичнинг азбаройи танг бўлганидан юзи тиришиб, бедаво бўлиб кетганди, оғзи очилиб, боши олдинга, Настена томонга чўзилганди, ҳеч нимага тушунмай, кўзлари пирпираради.

— Сен, Настена, менга ҳазиллашаётганинг йўқми? Рост айтяпсанми?— ҳамон унинг ишонгиси келмасди.

— Рост айтяпман. Дарров айтишим керак эди-ю... қўрқиб пайсалга солдим.

— Ҳўш, сен, нима, Андрей келса, милтиқни сотганинг учун бизга раҳмат айтади, деб ўйлайпсанми? Е индамайди деяпсанми?

— Келса, топиб берармиз. Бир амаллаб қутулай, дебман-да. Ўзим учун қилмадим-ку, ахир.

— Топиб берамиз эмиш-а,— деб такрорлади Михеич ва Настенанинг гапига қўшилишдан кўра кўпроқ ўзининг миясига келган қандайдир ноxуш фикрдан бошини пиқиллатди. У бу фикрини пухта ўйлаб, тагига етиб олгунинг қадар индамай турди, кейин эсига тушиб, хиёд

юзини бурди, яхши эшитиш учун қулоғини тутди-да, сўради: — Хўш, кейин... қанчага сотдинг?

Энди бу воқеанинг энг диққатга сазовор, энг қалтис жойи бошланганди.

— Ҳозир,— деди Настена ва уйга қараб юрди, токчадан латтага ўралган, бир вақтда Андрей унга берган соатни олди. Настена қайтиб келганида Михеич супадан тушиб, зинада ўтирарди.— Мана,— деди Настена соатни унга узатиб.

Қайнота ўзини соатдан олиб қочиб, ўрнидан турди.

— Бу... нима ўзи?— сўради у шоша-пиша, астойдил тикилганидан унинг юзи баттар тиришиб кетди.

— Соат. Бу соат,— шоша-пиша тушунтирди Настена.— Мен уни, милтиқни пулга сотмагандим, мана шунга сотганман, алмаштиридим ҳисоби. Соатни эса, сотиш осон, ўша одамнинг гапига қараганда, бу бошқача, чет элники эмиш, бозори чаққон эмиш. Қаранг аввал, учта стрелкаси бор.— Настена чамаси, илгари ҳам соатни бир неча бор қўлига олган бўлса керак, дарров ҳам берадиган мурватини буради-да, Михеичнинг қўлига тутқазди.— Қаранг: анави узун, ингичкаси кўз олдингизда югуриб кетяпти, шундай дик-дик сакрайдики, асти қўяверасиз. Умрим бино бўлиб бунақасини кўрмаганман. Вой тавба, шунаقا нарсаларни ҳам ўйлаб топишибди-я, бирар чиройлики... ҳамиша тўғри кўрсатади, алдамайди.— Михеич худди бомбадан қўрқандай капалаги учиб, бир кафти билан иккинчи кафтини ушлаб, соатни қўлида айлантириди-да, сўнг қайтиб берди.— Қоронгида манави нуқтачалари худди оловга ўхшаб ёниб туради, ҳам маси кўринади,— деб қўшиб қўйди Настена бу тасодифдан тараддулданиб ва жим бўлиб қолди.

— Милтиқни соатга, ўйинчоққа,— деди қайнота ўзига келиб.— Ҳай ат-танг...

— Соатни сотиш осон... Бу ерда ҳаммада милтиқ бор, соат эса... яна бунақаси... кўрсатсанг, қўлингдан юлқиб олади.

— Шунинг учун, ойим қизим, буning эвазига бирон дурустроқ нарса олсанг бўларди. Билмай ҳар нарсага ёпишишдан кўра, озгина ўйлашинг керак эди. Уни кимга сотасан, ким оларди уни?! Ана, қуёш бор! «Қоронгида ёниб туради»,— деди у жаҳл билан Настена соатнинг шу жиҳатини пеш қилганини эслаб ва ерга тупурди.— Унинг ёритишини бошимга ураманми? Нима, ёргугида бит боқармидим?

— Иннакентий Иванович олади,— деди Настена бўш

көлмасдан.— Биламан, соат унга ёқади, у бунақа нарсанни яхши кўради, кўрсатсанг, бас. Ҳу мен элтиб қўйган вакил шу соатта икки минг бераман, деб ялинганди,— деб қўйди у ишончли бўлиши учун.— Шундай ялиндики...

- Қанча, қанча?
- Икки минг.
- Шундай аҳмоқ топилганда нега бера қолмадинг?
- Балки ундан қимматроқ турар.
- Кўп берадиганини топиб бўпсан. Кўраман, қандай топаркинсан. Икки минг сўм-а!!! Ўша, сен айтган вакил, сени бир лақиллатмоқчи бўлган, сен бўлсанг, ишониб юрибсан. Ҳўп, бўпти,— деб Михеич гапни бўлди,— кетдик. Сенинг соатинг деб шунча вақтимиз кетди. Мени жуда хурсанд қилдинг, шуниси ҳам кифоя. Кўзимдан нари қил, нари қил, худо хайрияни бергур.

Улар йўлга тушдилар. Лекин Настена гап шу билан тугамаганини, Михеич чидаб туролмай яна шу мавзуга қайтишини олдиндан сезиб турарди — энди улар анчагача иккови ёлғиз қолади, тутақсан одамнинг эса, шундан кейин бошқа хусусда гапириши амримаҳол. Настена гарчи бугун энг даҳшатлиси ўтиб кетди, деб умид қилаётган бўлса-да, бари бир қўрқарди, энди энг муҳими айтган гапида туриш, адашиб кетмаслик, ўзини боягидай калтафаҳм қилиб кўрсатиш эди. Аммо тинкани ҳуритиб, андармон қилиб, қийнаб юрган нарса ҳақида гап очилди, йўқолган нарсага яхшими-ёмонми важ топилди, агар бундан буёғига ҳам сир очилмай бораверса, ишлар енгил кўчаверади, бу албатта, то ўша нозик пайт— йўқолган нарса учун эмас, балки орттириб олгани — гумонасига важ-карсон топиши лозим бўлган пайтгача давом этади. Аммо ҳали ҳозирча ўша кунга узоқ, энди бунга асло шубҳа қилмаса ҳам бўлади.

Улар ўтин кесадиган ерга етиб боргач, иккиланиб ўтирмай, илгари белгилаб қўйилган қарағайни ағдаришга киришдилар. Михеич қарағай оғиб турган томондан тагига болта уриб чопди, кейин нариги ёғидан арра солишиди. Даражат йўғон эмасди — осонроғи танланганди, аммо арра негадир жуда оғир бориб-келиб, кучни кўп олиб қўяётганди: сал ўтмай Михеичнинг нафаси тиқилиб, йўтала бошлади. Настена Михеичнинг тинчишини кутиб, ерга чўнқайди ва ногаҳон бултурги ўтлар орасидан униб келаётган кўкиш майсани кўриб қолди, майса бир кўринди-ю, яна йўқолиб қолди, аммо Настена энгашиб, уни яна топди, унинг ёнида бошқалари ҳам кўрин-

ди. У майсалардан бирини узиб олди-да, қўлида авай лаб ўйнаб хаёлга чўмди, назарида, бу майса қандайдир муҳим фикрга ўхшаб, кейин юзага чиқадиган эзгу умид сари бошлаб кетгандай әди, аммо бу фикр Настенанинг ҳавасини келтириб, сира тутқич бермай, ундан ўзини олиб қочарди. Обдон йўталиб бўлган Михеич келди, Настена унга майсани кўрсатиб деди:

— Қаранг-а, янги ўт чиқибди. Бу йил биринчи кўришим.

Михеич жавоб бермай, аррани тортди. Настена гап бошлаб қўйганига пушаймон бўлди: назарида, қайнотасига ялтоқланиб, шу ўт билан ўз гуноҳини шиббалаб кетмоқчи бўлганга ўхшаб қолди.

Кун ёруғ бўлса ҳам, аммо чарақлаган эмасди, тўниқ, худди мудраётганга ўхшарди. Бўлмаса-ку осмонда қуёш бор; қуёш ёна-ёна кичрайиб, юпқалашиб қолгандай, унинг заиф нурлари ерга етмай, ҳавода муаллақ осилиб тургандай әди. Қаердадир бурундиқ чийиллади, олис тоғда ит ҳурди, кекса дараҳт ғижирлади, бироқ бу товушлар жимжитликни бузмасди, унинг оғирлигини камайтиради. Кун ҳам бугун майсалар қоронгиликдан қўрқмай чиқаверсин, дараҳтлар ҳам пиндиқ ёраверсин дегандек, атайлаб мана шунаقا жимжит, тўниб турарди.

Ниҳоят арраланаётган қарагай қисирлади, учи бир силкинди, ўзини тутиб туришга ночор уриниб, бир лаҳза қотиб қолди, аммо бўлмади, бир томонга оғиб қолган тўқималарини узиб, букиб ағдарилиб тушди. Михеич билан Настена ўзларини бир четга олишди. Тупса тўнкага айланди, танаси эса, ҳавода айланиб, гумбурдаб тушди, узилган шохчалар осмонга қараб учди, буталар тебранди, дарёнинг нариги ёғидан акс садо эшитилди. Михеич саржин устидаги болтани олиб, шохларни кесгани кетди, Настена, одатдагидек, уларни бир ерга ташиб тахларди.

Кейин, қарагай танасини бутаб, арралашга тайёр қилишгач, дам олгани ўтиришиди, шунда Михеич сўради:

— Сен, Настена, чиндан ҳам Андрейнинг қаердалигини билмайсанми?

Настена ҳар нарсани кутган эди-ю, аммо бу саволни кутмаганди, ҳа, фақат шу саволни кутмаганди; қўрқишига арзийдиган савол бу.

— Андрейними? — деди у бошини кўтариб, у шундай сўрадики, Настенани қўрқувини таажжубга йўйиш

мумкин эди.— Мен қаёқдан билай? Нега мендан сўраяп-сиз?

— Демак, билмағ әкаансан да, а?

— Ҳеч нимадан хабарим йўқ. Сиз нимани билсангиз, мен ҳам шуни биламан. Мен қаёқдан ҳам билардим? Чамамда, ҳаммамиз бир уйда турамиз шекилли.

У Настенага тешиб юборгудек бўлиб тикилди, шунчаки қаради эмас, балки унинг сўзларига ишонмагандай, Настенанинг башарасидан, ўзини тутиб ўтиришидан бирон гапдан хабари борлигини билиб олмоқчи бўлиб, синчковлик билан тикилди.

— Мен балки сен бирон нимани биларсан деб ўйлагандим да. Балки айтгинг келмаётгандир. Сен ўша... айт, Настена. Бир ўзимга айт. Мендан яширма.

— Нимани айтай, ахир?— Настена ўзига келиб, дадилроқ жавоб берга бошлади.— Қизиқ, мен сизга нимани ҳам айтардим? Агар бирон айтадиган гап бўлса, айтмай ўтиармидим? Сиз нимани билсангиз, мен ҳам шуни биламан.

— Мен шунчаки сўрадим да... Сўраганимнинг боиси шуки, кейинги пайтларда сенда қандайдир ўзгариш борга ўхшаб қолди.

— Қанақа ўзгариш экан?— Настена таажжубланиб оҳиста, ўсмоқчилаб сўради.

— Ўзингга ўхшамай қолгандайсан. Эҳтимол, менга шундай туюлгандир... Аммо мен милтиқни сўроқсиз аллақандай бир соатга алмаштирасан, деб сира-сира ўйламовдим. Илгари сен бунақа эмасдинг. Милтиқдан ташқариям сенга бир нима бўляпти ўзи, қизим. Доимо бир нимадан кўрқиб юрганга ўхшайсан... доимо питиллаб юрасан... Ё биздан кетиш нияting борми?

— Йў-ўқ, қаёққаям кетардим? То ўзларингиз ҳайдамагунларингизча юравераман,— деди у очиқкўнгиллик билан силқидилдан.— Ахир уруш ҳадемай тугайди, бирон гап бўлар.

— У қаерда, ахир?

— Билмайман дедим-ку унинг қаердалигини.

— Ҳа, әнди буни сендан сўраётганим йўқ, қизим.

Улар яна арралашга тушдилар; Настена аррани у ёдан-бу ёққа итариб-тортаркан, ер остидан қайнотасига кўз қирини ташлаб, қайнотаси гапига ишондими-йўқми, шуни билиб олишга уринарди. Битта нарса, қайнота келинининг Андрей тўғрисида ундан ташқари нимандир билишидан шубҳаланиб қолгани яхшиликдан дарак бермасди. Шу кундан бошлаб Михеич ундан кўз-қулоқ

бўлиб юришини пайқаб олиш қийин эмасди. Гарчи чол ҳозир Настенанинг гапига ишонгандек бўлса ҳам, уни беихтиёр кузатиб юради, чунки киши шубҳадан осонлик билан қутула олмайди: шубҳа пайдо бўлдими у мустақил яшайверади, кейин бора-бора киши шубҳасини жиловлаш ўрнига ўзи унинг таъсирига берилиб қолади. Энди икки баравар, уч баравар эҳтиёткор бўлиш, ҳар бир қадамингни ҳисоблаб босишга тўғри келади. Хўш, энди, икки ойлардан кейин қорнинг дўппайиб турса, қанақасига эҳтиёткор бўласан, қанақасига қадамингни ҳисоблаф босасан? Милтиққа важ топган бўлсанг ҳам, бунга важ тополмайсан, бу соат тўхтамасдан қаттиқ чиқиллаб туради. Настена қандай кунларга қолишини кўз олдига келтиролмасди, ўйлаб ўйига етолмасди; унинг бошига тушадиган ишни ҳеч нимага қиёслаб бўлмасди, унга нима бўлгани то элга ошкора бўлмагунча, ҳеч ким унга бармоғини бигиз қилмагунча ва суриштирмагунча бирон иш қилмай, тақдирга тан бериб кутиш керак,— ошкора бўлгандан кейин эса бу шармандалик ботқогидан фақат ўз кучи билан, урина-урина чиқиб олиши керак, чунки ҳеч ким унга ёрдам бермайди,— ҳа, фақат ўз кучига ишониши керак, чунки бир ўзи уч кишини қутқариб қолиши лозим. Қурби етармикин, буни ҳали унинг ўзи ҳам билмасди, олдиндан бу ҳақда бош қотиришни истамасди ҳам. Ҳарқалай у ўзини заифлардан эмасман, деб ўйларди-ю, айни пайтда куч ва сабртоқатдан бошқа яна бирон нарса ҳам талаб қилинар, эҳтимол, ўша нарса менда йўқдир, деб чўчирди ҳам. Ҳар қандай шармандалика чидаш мумкиндири-у, аммо бор ҳақиқатни ҳеч ким ҳеч қачон билмасин, деб барча одамларни, бутун оламни бирваракайига алдаш мумкинми? Шундай қилиши учун бир одам, гарчи у жуда қув, устамон бўлиб, ҳамма ишни дўндириб ташласа ҳам камлик қилмасмикин? У ўз зиммасига гуноҳи азимни олмаяптимикин? Бу гуноҳ унинг ўзига ҳам, қолган умри илтижо билан ўтадиган ҳаётга ҳам кўплик қиласди.

Бир қулай фурсат келганда Настена ҳомиладорлигини қайнотасига айтмоқчи, шу билан келгусида бундан, юрагини ҳовучлаб шармандаи-шармисор бўлишдан қўрқиб юришдан ҳам биратўла қутулмоқчи бўлди. Бу ҳам бир таваккал-да. Қайнотаси ҳам майли, унга ҳам оғир, секин-аста кўниссин, аммо охир-оқибатда бунга кўни-кади,— унда Настенанинг кўнгли анча тинчирди, бошқа барча ғам-ғурбатларга чидарди. Лекин Настена Михеичга ачинди. У ҳали дилидагини айтмасдан бурун қайнотаси

чўчиб, қотиб қолишини, оғир, қайгули ўй-хаёлларга ботиб, бошини қуи солишини, бундай пайтларда билиши лозим бўлган нарғани сўрашга журъат этолмаслигини кўз олдига келтирди,— йўқ, бугунча унга шу милтиқ машмашаси ҳам етарли, ўзига эса, шу гапларнинг ўзи ҳам кифоя. У ҳомиладорлигини бўйнига олиб, қайнотасини баттар шубҳага солмаслиги керак, эҳтимол қайнотаси фақат гумон қилиб юрган бўлиши мумкин, у шу гумонни ростга чиқариб, ишонтириб қўймаслиги лозим. Настена Михеич мени ҳаммадан кўра яхшироқ билади, ҳар қанақа бемаъни баҳоналаримга ишонавермайди, деб қўрқарди. Унда ҳамма гап бир-бирига боғланади-ю, тўппа-тўгри бориб, Андрейга тақалади — Настенанинг бундай қилишга ҳаққи йўқ: ҳар қандай шама, ҳар қандай эҳтиётсизлик унинг учун тақиқланган.

Улар қарагайни арралаб бўлиб, қайтиш тараддудига тушдилар: вақт кетиб қолганди. Қуёш оғир, анча пастга инганди; осмоннинг икки бурчагида қуёш билан ой кўриниб турарди, ингичка ой ўроғи қуёшнинг хира ёруғида ўжарлик билан милтиради. Настена ҳар сафар уларни бирга кўрганида нимагадир қўрқарди ва нима учун уларнинг одатдагидек ажраб кета олмаётганига тушуна олмасди. Шунинг учун у ҳозир ҳам алланечук бўлиб кетди. У кўзларини қисмай, катта-катта очиб қуёшга қаради ва назарида ойнинг тикандек қадалувчи совуқ нурлари унга тушаётганини сезгандай бўлди.

Кетиш олдидан Михеич ғўлага ўтириди, шунинг учун Настена Михеич яна Андрей ҳақида гап очишидан ҳадиксираб, сергакланди. Аммо бир ўзи кетишга юраги дов бермади; Настена қайнотаси мендан ўзини олиб қочяпти, деб ўйлашини истамади. Чол чекиб, бир-икки минут тутатиб ўтириди-да, сўнг ўрнидан турди; Настена қайнотаси йўл юриб чекиши ёқтираслигини эслади. Улар иккови ҳам ичидаги ёқимсиз дардини ёрмай, индамасдан қишлоққа қайтиб келдилар.

Кечқурун рўзгор юмушлари билан ғимирлаб юрган Настена бугун Михеични адаштиromoқчи бўлган бир одам уни адаштиришдан кўра кўпроқ сергаклантириб қўйганини бир неча бор пайқади-ю, чўчиб, шошиб қолди,— ўйласанг юрагинг орқага тортиб кетадиган, келажаги шу яқин ойлар ичida бутунлай барбод бўладиган ўша одам нима бўлишини билади-ю, ўзини ҳалок этиш учун, худди атайлаб қилгандек кетма-кет бемаънилик қилали, бугуни эса ҳар хил, бутунлай бир-бирига ўхшамайдиган бўлакларга ажралиб кетган ўша одам худди ана

шу Настенанинг ўзи әди. Уни ваҳима босди, бу уни ўтга ҳам, сувга ҳам ташлайдиган, гўё узоқ муддатга чўзила-диган ва беқарор ваҳима әди: исталған пайтда бу ваҳима ҳали ҷонуний вақтимга бор дегандек босилиб қоларди, кейин яна бошқатдан қўзиб, қийнарди-ю, дилини сиёҳ қилиб, яна тийиларди. Настенанинг ташвиши ортиб, борган сари шу билан ўралишиб қолаётганди. У ҳаётида юз бериши лозим бўлган нарса борасида бугун кескин ўзгариш бўлганини кўриб туради; фақат ўзигина билиши лозим бўлган сир бошқалар кўзи олдида йилт этиб қўйганга ўхшайди. Энди хотиржам юриб бўлмайди. Бунинг учун Настена ўзидан гина қила бошлади: демак, дурустгина баҳона тополмабди, бошқачароқ гапириб қўйибди, жуда авайлаб, эҳтиёт қилиб сақлаши лозим бўлган нарсани яхшилаб беркитолмабди, ўзининг ҳамон ўша очиқ кўнгил, итоаткор келин эканлигига Михеични ишонтира олмабди...

Ўзини қўйишга жой тополмай қолган Настена қайнотасининг ишдан қайтишини сабрсизлик билан кута бошлади, қани кўрсин-чи, қайнотаси унга нисбатан ўзини қандай тутади-ю, нима дейди, Настена унинг ёнида бўлиши зарур бирон дилсиёҳлик бўлса ҳам майли, шунда ҳам у енгил тортади, тушуниб олади, мияси ачиб, бекордан-бекорга ҳадиксираб юрмайди. У агар Михеичнинг кўнглида бирон гали бўлса, чидаб туролмасдан айтади, борди-ю, айтмаса ҳам бирон нима билан сездириб қўяди, деб ишонарди. У ичимдан топ дейдиган одамлардан эмас, қувликни билмайди, бор гапни тўкиб солишини хуш кўради.

Лекин Настена Михеичнинг отхонадан кеч, қоронги тушгандан кейин келишини биларди — шунинг учун у беҳуда тентираб юрмаслик, ўзини бирон нима билан банд қилиш учун рўзгор юмушларини саранжом-саришта қилиб бўлгач, Надъканикига жўнади.

Надъкаларнида овқатланишашётганди, тўгрироғи, энди овқатланишга ўтиришашётганди. Столда болаларнинг ҳар бири олдида ёшига қараб тақсимланган картошка турарди: энг кичиги Лидка олдида тўрт дона, Петъка олдида бешта, Родъка билан онаси олдида олтитадан картошка, бир бурдадан нон бор әди. Настенани ҳам дастурхонга таклиф этишди, у овқат емайман, деди-ю, аммо ўзига чой қўйиб олиб, Лидканинг ёнига ўтирди. Лидкани кўрган кишининг юраги туздай ачишиб кетарди, у ҳаш-паш дегунча ўз нонини ютиб бўлди-да, картошкага ёпишди, картошка ер экан, акаларининг нон-

ларига очкўзлик билан тез-тез қаарди. Надъка тагин тиқилиб ўлма, деб унга ўшқирди. Настена Лидкани кузатиб ўтиаркан, одатдаги оғир ўй-хаёлдан тинкаси қуриётганини ҳис этди: бу ҳол қачон тугаркан? Қачон бирорларнинг қандайдир зуғумидан, қандайдир жаҳаннам оташидан қутулиб, киши ихтиёри ўзида бўладиган яхши кунларга етишаркин-а? Лоақал болалар тўййиб-тўйиб овқат ейдиган кунлар ҳам келармикин? Бу болаларнинг гуноҳи нима?

Лидка шоша-пиша картошкани ҳам тушириб бўлдида, өлдида ейдиган бошқа нарса тополмай, қўлини кўтарганича ҳайрон бўлиб тўхтаб қолди ва атрофга суклик билан кўзини жовдиратди.

Ҳеч ким унинг гангиг қолганига эътибор бермасди: шунинг учун ҳам она фақат ўз улушингни бил, бошқа жарникидан тама қилма, деб тақсимлаб берган-да.

— Чойингни ичгину бориб ётгин,— деб туртиб қўйди онаси, қизалоқ итоаткорлик билан стаканини олди.

Настена чида буролмай, ўрнидан турди-да, эртага олиб қўйилган бир думалоқ нон сочиқ остида дўппайиб турганини сезиб, кутга борди, гарчи у Надъканинг шовқин солишини билса ҳам, таваккал қилиб ноннинг бир четидан озгина кесиб олди-да, келтириб Лидкага берди, Лидка шу нон билан тўймаса ҳам ичини таталаётган очликни ҳарқалай алдарди. Надъка индамади. Аммо кейинроқ, Настена Лидкани тиззасига олиб, унинг титраб турган озгин гавдасини бағрига босганида Надъка хафа бўлиб, қитмирлик билан деди:

— Шуни асраб олмайсанми?

— Сенинг болангни олиб нима қиласман? Эҳтимол, ҳадемай ўзим ҳам туғиб қоларман — сен билиб ўтирибсанми.

У шундай деб жавоб берди-ю, пушаймон еди: нега оғиздан гуллаб ўтирибди? Кейинчалик Надъка бирон ишқални сезиб қолса, дарров бу сўзларни эслайди, бу сўзлар шу ишқални ҳаммадан олдин яхшилаб билиб олишига жуда қўл келади-да. Ҳа, ҳозир ҳам овозидан, орият қилиб, комил ишонч билан берган жавобидан бу шунчаки бир баҳона эмаслигини, унда бир гап борлигини пайқаб қолмадимикин?

— Бўлмаса нега илгари тугмадинг? — жўяли қилиб сўради Надъка.

— Хоҳламагандим.

— Сени қара-ю, хоҳламаган эмиш-а. Урушнинг тугашини кутгандирсан-да, шундайми? Мундоқ қарасам, ҳам-

манглар ҳам ўлгудек айёр әкансизлар. Агар уруш бўлишини мёнга ҳам шипшитиб қўйғанларингда, мен ҳам қарабсанки, ҳар сафар қорнимни кажавадай қилиб юрмасдим, ўзимни тиярдим.

Настена Надъкани урушдан олдин беш йил, уруш бошланганидан бери бу ёғи тўрт йил ҳеч кимни — на Витяни, на бошқа бировни йўлатмай юришини кўз олдига келтирди-да, кулиб юборди. Буни Надъкага айтган эди, у ҳам хаҳолаб кулиб юборди.

— Вой гапингни қара-я,— деди у Настенанинг фикрига қўшилиб.— Мунақасига чидаб бўларканми! Агар ўзимга қўйишиша, йилда түғсам дейман. Кейингисига яна уч ой вақт қоларди. Пуштим жуда зўр-да, бир марта даёқ шаппа ушлайди. Бизники доим тайёр, баъзи бировларни кига ўхшамайди,— у чидаб тиролмасдан Настенани бир узиб олди.— Агар ўзимни эҳтиёт қилмасам, ҳали бир этак бола туғиб ташлардим—фақат боқиб олсанг бўлди. Менга ҳеч қанақа ҳарам ҳам бас келолмасди. Ҳарам деганини эшитганмисан? Менга Витя ҳарам тўғрисида қайси бир китобдан ўқиб айтиб берганди. Қанақа хотинлар экан, билиб бўлмайди, бир эркакка шунча хотиннинг нима кераги бор? Ўша одам хўрзога ўхшаб хотинлар олдида айланниб юрармиш-да, истасам сенга чопаман, истамасам, зор бўлиб юраверасан дермиш. Қани энди ўша хўрз ёнимга келиб, қанотини қоқса, мен унинг суробини тўғрилаб қўярдим, мен уни, ўша хотинбоз капиталистнинг адабини берардим. Тўғри-да, нима энди, бола кўпайтираман деб хотинларни галалашиб юрадими? Мен бир ўзим ҳаммасини йўлда қолдириб кетардим.— Надъка ўзини маломат қилиб, ўзидан ўзи кулди, аммо ўзини таҳқирларди-ю, фахрланарди: у хотинлик бурчини адо этди, бу жиҳатдан унга ҳеч нима дея олмайсан. Илгари балки, Надъканинг мақтанчоқлиги Настенанинг иззат-нафси га текка н бўлармиди, аммо ҳозир бу гаплар ҳатто унга куш ёқарди.

Лидка Настенага эркаланиб ухлаб қолди: Настена ухлаб ётган қизалоқни кўтариб ўтириб ҳам ҳузур қилаётганди, назарида ҳомиласи рашик қилиб, ўзининг борлигидан далолат бериб, шу лаҳзада ҳар вақтдагидан ҳам тез-тез қимирлаб қўяётгандай эди.

Настена уйга қайтиб келди-ю, ҳанг-манг бўлиб қолди: Михеич Семёновнани қўлтиқтаёқда юришга ўргатаётган эди: у буни сира кутмаганди. Михеич қўлтиқтаёқни аллақачон тайёрлаб қўйған эди-ю, аммо Семёновна ўламан саттор қўлтиқтаёқда юрмайман деганди, лекин Михеич

қандайдир бир мўъжиза билан бугун кампирига гапини ўтказганди. Семёновна қийналётганди: у қўлтиқтаёқни қўлтиғига қисиб олиб, худди кишанлангандай, оёқларини тўп эткизиб олдинга ташлар ва йиқилиб кетмаслик учун оғирлигини дардчил, узилиб кетай деб турган оёқларига солар эди, соларди-ю, қўллари билан дуч келган нарсани ушларди ва оҳ-воҳ қилиб саннашга тушарди.

— Сен оёқларингни галма-гал қимирлат,— деб ўргатарди Михеич.— Намунча ношуд бўлмасанг-а? Сакрама, обдан сакраб бўлгансан, шу ҳам етарли. Одамлар оёқсиз ҳам юрибди, сенинг бўлса, оёқларинг бор, озгина машқ қилсанг бўлади. Сен аввал битта-битталаб қадам босишни ўрганиб ол, кейин тез-тез босасан.

— Э, худойим-эй!— деб ингради Семёновна.— Кайиган чоғимда намунча мени кийнайсан-а? Лоақал шени яҳминг кешин Биби Майям. Манави мияши айниган чолга тушунтий, гўйимга буни қўлтиқтаёқлайишиз ҳам бояман. Лоақал шен бу зой колгуйлайнги тобутимга шолма,— деб кампир Михеичга ёпишди,— мени шайманда қилма. Топган ишингни кая-я: печкадан тушийиб юй дейди-я, қаёққа юяй? Қаёққа юяй?

— Бўлти, ўтири, ўтири,— Михеич уни катга ўтиргизди.— Дамингни ол, чарчаган бўлсанг. Оёқларинг оғрима-яптими?

— Нега оғиймашкан? Нега оғиймашкан? Ловиллаб ёнляпти. Эй худойим-эй... оғиймалптими, дейди-я.

Настена самоварни печка ёнига қўйди, карнай тирсагини мўрконга тўғрилади ва лампани ёқмоқчи бўлди, лекин Михеич керосин тугаяпти, эҳтиёт қилиш керак, деб уни чироқ ёққани қўймади. Михеич каминни ёқди. Настенанинг дили ранжиди, назарида, агар у чироқ ёқмаганида қайнотаси бирпасдан кейин уни ўзи ёқкан бўларди, ҳозир бўлса, Настенага ўчакишиб, атайлаб шундай қилаётгандай туюлди. Камин эса, мана, рост бир ой бўлди, ёқилгани йўқ, қайнонаси бўлса; бугун каминни әслаб қолди, мум олиб келгани борди, тихирлик қилмаяптими ўзи, миқ этмайди — нима бало, шунчалик ичикиб қолганмикин?

Самовар шифиллади, камин гувиллади, оловнинг узунузун фусункор шуъласи деворларга, деразаларга тушиб турарди, хона ичи исиб, жон кириб қолди. Семёновна юзини бир четга буриб, ичимдан топ деб ўтирас, энгашиб, заиф қўллари билан оёқларини уқалар эди.

— Хўш, кампир, яна юрамизми?— деди унга Михеич.

— Нима, мени ўлдиймоқчимишан? — зарда қилиб, йигламсираб деди у.

— Ҳа.

— Ўлдийшанг ўлдия қол. Шия ачинма.

У жаҳл билан ўзини зўрлаб ўрнидан туришга ҳаракат қилди. У аввал катдан хиёл кўтарилиди, унинг оёқлалири ўтирганида қандай бўлса, шундай бувланиб турарди, кейин қўлларини тиззаларига тираб, оҳиста қаддини ростлай бошлиди. Михеич яна унинг қўлтиғига қўлтиқтаёқни тиқди. Настена қайноасини суяш учун унинг бошқа томонидан ёнига кирди. Аммо таажжубки, ҳаш-паш дегунча Семёновна бу сафар ўзи учун янгича бўлган бу юришда қандай қадам босишни билиб олди: у битта қўлтиқтаёққа суюниб, иккинчи оёғини беўхшов олдинга ташларди да, оғирлигини ўша оёғига соларди. Кампир эндинина йўлга кирган болага ўхшаб фурурланиб, сабрсизлик билан инжиқланиб деди:

— Қани, қочинглай-чи, ушламанглай, ўжим.

Семёновна меҳмонхонанинг у бурчагидан бу бурчагига борди, анча овора бўлиб, инқиллаб-синқиллаб бурилди, орқасига қайтиб, катга келди ва хурсанд бўлганидан уҳ тортиб ўтириди. Михеич уни кузатар экан, овозини чиқармасдан куларди, унинг елкалари силкиниб, мўйлови ликилларди. Семёновна унга қарамасдан ҳорғинлик билан маъқуллади:

— Чакки әмаш, оёқлайим юйишга яйайди. Юйганда бошшам бўлади энди.

— Мана кўрдингми,— деди Михеич хурсанд бўлиб.— Йўқса икковимизга битта менинг оёғим нима бўларди, бу оёқ билан икковимиз қаёққа ҳам борардик? Энди ишимииз чакки бўлмайди: учта соғ оёқ, мундок қарасам, иккитасини тузатса бўлади, биттаси керак бўлганда ишлатилади.

— Эҳ, қани энди қўлтиқтаёқда юйишмни Андюшка бий кўйша эди, яшо кулайди-да... Эҳ йошт-да, бийов кулади, бийов йиглайди.

— Энди, кампир, сен билан менга печкага чиқиб олиб ётиш асло тўғри келмайди,— деди Михеич меҳри товланиб, шу билан бирга қандайдир комил ишонч билан, бу гап Настенага тасодифий әмасдек туюлди.— Қўлтиқтаёқда бўлса ҳам майли, аммо қимирлаб туриш керак.

Настена бу гап замирида бир маъно борлигини пайқадию уни бугун бўлиб ўтган гапга тақади. Йўқ, бугунги гап қайнотасининг у қулогидан кириб, бу қулогидан чиқиб кетавермаган экан, қайнотаси ниманидир пайқабди,

қандайдир қарорга келибди, модомики, пайсалга солмай Семёновнага қўлтиқтаёқ бериб, уни юришга мажбур этяптими, демак, бир гап бор. Чол яқин орада Настенанинг қош-қовоғидан қутулиб қўя қолиш учун кампирни юришга ўргатмаяптимикин? Хўш, нега? Нега?

— Мана кўрасан, ёз келса, оёқларинг бинойидек бўлиб, йўрғасаб қоласан ҳали,— деб далда берди у кампира.

Кампир ҳам чолнинг фикрига қўшилиб деди:

— Кошкийди, эҳ, умйимнинг охийида яхши бўлайди.

— Хў, эсингдами, илгари ҳаммадан олдин сайхонликка югуриб чиқардинг?

— Эшимда... нега эшимда бўлмашкан... Шен, Федой, эшимга шолмашсанг, яйамга туз шепмашсанг бўлайди.

Настена титраб кетди, қариялар кўпдан бери бир-бирининг исмини айтиб гапиришмасди, шунинг учун у қайнотасининг исми Федорлигини ҳам унугиб қўйганди. Бу исм ўтиб кетган қувноқ ёшликларининг тасодифий акс садосидек әшитилди. Настена қарияларга разм солди, улар ўз хотираларига берилиб, индамай ўтиришди.

Ногаҳон Настенанинг дили қандайдир беихтиёр, сабабини ўзи ҳам билмай ғаш бўлди-ю, ўзини шунчалик ёлғиз, шунчалик баттол, бахтсиз, беҳуда нобуд қилинган, алданган, бегона ҳис этдики, шу заҳоти томогига бир нима тиқилиб, бўға бошлади ва ҳаммаёқни бошига кўтариб, аччиқ-аччиқ ўқраб йиғлагиси келди. Аммо у ўзини босди: йиғлаши мумкин эмас, унинг учун ҳатто кўнглини бўшатиб олиш ҳам тақиқланган эди. У қулай фурсат келишини кутиб турди, Михеич кутга кириши билан Настена кетидан ғизиллаб борди-да, шоша-пиша шивирлаб сўради:

— Дада, милтиқ учун мендан жаҳлингиз чиқмаяптими ишқилиб? Жаҳлингиз чиқаётгани йўқми, а?

— Милтиққами?— у ҳали хаёлан бошқа оламда эди, шунинг учун Настенанинг нима ҳақда гапираётганини ҳам дарров тушунмади.— Э, йўқ, қизим, жаҳлим чиққани йўқ. Э, гап милтиқда әканми...

Охиригача айтилмаган бу гап ҳам Настенанинг адашган қалбини баттар ташвишга солиб қўйди.

## 15

Гуськов мўрчага охирги марта апрелнинг ўрталарида омонат, лиқиллаб турган муз устидан ўтиб борганди. У полка остидан пайпаслаб каттагина қопни топиб олди-

да, орқалаб қишлоға олиб кетди. Қонда картошка, бир неча бош пиёз, икки дона турп бор эди, ёстиқ жилдига әса, аввалгидек озгина нўхат уни солинганди, ун ичидан әса ўнтача тухум, бўзга ўралган думалоқ нон, пайтавага мўлжалланган бошқа дагал бўз халтада әса эски чориқ бор эди, чориқ ичига бир парча чарм, мумланган ип, жуволдиз солинганди; бундан ташқари конда кирчил кўйлак, занглаған юнг қайчи, калтагинъ сапсар қалам, озгина туз, пича тамаки барги, қора олқинди, яна Андрейни ҳайратга солған чоракта самогон ҳам бор эди. Андрей мана шу нарсалар билан неча кун яшаши номаълум эди, аммо то музлар кетиб, Настена қайиқда сузуб келмагунича лоақал бир ой кун кўриши керак эди. Андрей қопни бўшатаётганида нарсалар кўзига анча кўп, етиб ортадигандай кўринганди, аммо уч кундан кейин әса ҳар бир дона картошка, ҳар бир чимдим унни ҳисобга олишга тўғри келиб қолди! Тамакини йўсин билан тенгма-тенг қилиб аралаштириб олди, аммо шу ярамас нарсанни ҳам тежаб кунига уч марта, кейинроқ әса, кунига икки марта — эрталаб ва кечқурун ўраб чекишига аҳд қилиб қўйди.

Қишики Ангарадан бутунлай файз кетганди, музлар хунук кўкариб турарди, фақат қирғоқларни эмас, қирғоқлардан бошқа жойларни ҳам кўлмаклар босиб кетганди. Ангара орқали ўтган йўлнинг икки томони эриб, йўл қорайиб, кўзга яққол ташланиб турарди, қаргалар домангирлик билан қагиллаб йўлда ивирсиб юарди. Оролчадаги қінғир-қийшиқ тилоғочлар мусаффо баҳор ҳавесида гўё бирор атайлаб гараздан шунақа қилиб қўйгандай ҳазин, хунук кўринарди, ҳолбуки доимо шамол гувиллаб турадиган бу ерда дарахтлар силлиқ, бежирим ўсиши маҳол эканлигини тушуниш қийин эмасди. Дарвоқе, ҳамма ерда ҳам, ҳатто оппоқ бўлиб турадиган ҳар қандай қайназорда ҳам энг мунгли, файзсиз пайт бу, маълумки, қор кетиб, ҳали ҳеч нима уйғонмаган, яшил либося бурканмаган пайт бўлади. Бундай пайтда инсон туйгуси ўткирлашиб, ниманидир кўмсайди, нимагадир ташна бўлади ва ҳувиллаб ётган, қорайиб, бўрсиб кетган нарсаларга кўника олмайди, кузда әса бунақа бўлмайди.

Гуськов, ниҳоят, меъдасига тегиб кетган пиймаларини ечиб ташлаб оёқ учун қулай бўлган енгил чориқларни кийиб олди-да, обдон юрди, унинг учун энг яхши; энг катта давлат — бу юриш, дуч келган томонга бориш эди. Юрданда ҳам ортиқча бош қотирмайсан, йўлда учра-

ган нарсаларни ўйлаб кетаверишинг мумкин. У милтиғини олиб олганди, аммо ҳали ўқ чиқармаганди, қолаверса, отадиган нарсанинг ўзи йўқ эди: ҳайвонлар апрель-май ойларида ўзларини жуда эҳтиёт қиласи, қарқур қўналғаси бу яқин атрофда йўқ эди, қушлар, умуман әкинзори бўлмаган бу ерлардан аҳён-аҳёндагина учиб ўтарди.

Ёз яқинлашиб, ҳаволар исий бошлаган сари Гуськовда овлоқ, соя-салқин жойларда ҳали ҳам сақланиб қолган қиши қолдиги — қорни қидириб топиш иштиёқи шунчалик ортиб борар эди. У ифлос, юпқа, эриб увадага ўхшаб қолган қорни топарди-да, унинг олдида тўхтарди, қимирламай, оғир хаёлларга чўмарди ва қайтиб янги қорни кўрмаслигига амин бўлиб видолашиб жўнаб қоларди. У сўнгги марта сайр қилаётганига, бу сайр қилишлар ҳам ҳадемай ниҳоясига етишига ўзини кўнигираётган эди: у сўнгти куз, сўнгти қишини ўтказди, мана, сўнгги баҳор ҳам ўтиб боряпти, бу ёғи эса, сўнгги ёз. Гуськов эриб тугаётган қорга қааркан, ораларида қандайдир ўхашлик борлигини ҳис этарди: улар бир пайтда бор эди, қор ҳам, муз ҳам — булар ҳам охиргиси, буларни кўриб қолиш пешонасида бор экан, бошқа барчаси эса, ундан кейин қолади. У ўзича сўнгги бурилиш муддатини ҳам белгилаб қўйди, шундан кейин эса озгина умрининг охирги кунлари бошланади. У ана шу бурилиш муддати қилиб Ангарада шовуш бошланадиган кунни белгилади, шунда у юқори оқимдаги қишлоғвга бориб олади. У қишлоғини шунга тайёрлаб, энди бу ерда унга керак бўлмайдиган баъзи қақир-қуқурларини элтиб ҳам қўйганди, шоҳшаббаларни ҳам қурсисин, қачон синдирилганини битта-яримта пайқаб қолмасин деб кат устига ташлаганди. Шовуш бошланишидан олдин Гуськов ўзига ўзи шу куни — кўчиб ўтадиган куни зинҳор-базинҳор ўйлама деб қўйган эди, худди шу куни, дарёда шовуш бошланган ва бутун атрофида ҳаёт қайнаган пайтда у ўзининг сўнгти бошпанасига киради, васвасага тушган кўнглига бир муштлайди-да, бу ерларга қочиб келиб, яшаб юрган кезларидаги сўнгги армони—тошқин сувларни юқоридан туриб кўради. Бу нияти қанчалик олисдай туюлган эди-я, мана ҳаш-паш дегунча шу кунлар ҳам етиб келди-я! Гуськовнинг бошқа нияти йўқ эди. Унинг назаридаги то ёз келгунча вақт ҳали жуда кўпдек эди, мана, ўша вақт ғир этиб ўтди-кетди, мана ёз ҳам келиб қолди, хўш, энди нима қиласи? У Настена қопга солиб қўйган чоракталик самогонни олади ва орзузи ушалганига гувоҳ сифатида музлари кетиб, ҳайқириб оқаётган Ангарага қарайди-

да, ичади-ю, бир ўзи кайф қиласи, қизишиб, алам ва шармандаликни, ҳузур-ҳаловат ва орзу-умидларни, ғам-ғурбат ва қўрқувларини аралаш-қуралаш қилиб юборади, аралаштиради-ю, омихта ҳис-туйғулари билан юрагини жизғанак қиласи, кейин унда: мен борман, эртага шима бўлишидан қатъий назар, бугун мен борман, деган бирдан-бир оддийгина, салгина равшан этувчи бир туйғу пайдо бўлади. У шундай бўлишини олдиндан биларди, шўнинг учун шу кундан бир қўрқиб, бир хурсанд бўлиб, албатта шундай кун келади, деб номигагина ажабланиб кутарди.

Энди у онда-сонда ухларди. Сутдай ойдин кечалар уни безовта қиласи, у бекордан-бекорга қаттиқ ташвишга тушиб үйгонарди-да, қишлодан чиқиб кетарди. Ана шундай пайларда жароҳатланган кўкраги одатдагидан қаттиқроқ оғрий бошларди. Ой қанчалик чараклаб турса, шунчалик безовталаниб, бўғилиб кетаверарди. У нариги дунёда нима бўлишини кўз олдига келтиради, назарида у пастгина, худди шифтга ўхшаш ясси осмонда ҳеч адo бўлмайдиган, чиқмайдиган ҳам, ботмайдиган, негадир қўтсанлаган, қимиrlамайдиган тўлин ойни кўраётгандай бўларди.

У одатда Ангара соҳилига борарди-да, ўтириб, беҳуда ўжарлик қилаётган музга ҳавас ва завқ билан узоқ тикиларди. Ҳатто кечаси сув яхлаганда ҳам энди муз дош беролмасди: остидан сув ялаб ўтиб, музни сурарди, сурарди, устма-уст мингашиб ётган музлар парчаланиб тўкиларди, чарсиллаб, қисирлаб дарз кетарди, муз устидаги кўлмаклар бетини қоплаган юпқа шовуш чайқалиб, қисир-қисир қиласи. Гуськов худди йиртқич ҳайвон сингари ҳар бир овозга, ҳаётнинг ҳар нафас олишига ҳушёрлик билан қулоқ солиб, қотиб қоларди. У барча ҳис-туйғусини фақат бир туйғуга бўйсундириб, инсон илғаб ололмайдиган нарсани илғаб олишни ўрганди: назарида у музга тушиб турган ой нури узоқ, енгил, жарангдор куйни шошилмай, қайта-қайта чалаётганини эшитгандай бўларди. Ёки, астойдил тикилиб, устини кўкиш товланувчи муз қоплаган Ангаранинг шувиллаб оқаётган сувини кўради, ҳатто кейинги лаҳзада қаерга силжиши мумкин бўлган бирон-бир нарсани ҳам илғаб оларди. У ана шунаقا тунги соатларда фақат сезги билангина яшарди, ҳеч нимани ўйламасди, сезги эса, уни тонготарга яқин яна қишлоғга бошлаб келарди, шундан кейин у уйқуга тушарди.

Қолган уйқусини у кундузи олишга ўрганганди, ўр-

моннинг бирон ерига, офтобрўяга жойлашиб оларди-да, ухлайверарди. У бир неча минут осмонга қараб ётарди, кўп ўтмай унинг ёп-ёруғ, беспоён мовий бўшлиғига қарашдан тинкаси қуриб, ухлаб қоларди, кейин эса, соvuқ еб, оч қолиб уйгоарди-да, домангирилик билан атрофга алангларди: энди қаёққа? Бу савол мудом унинг олдидаги кўндаланг туради, кўпинча Гуськов бу саволга жавоб тополмасди-да, боши оққан томонга қараб кетарди, ишқилиб судралиб юрса бўлди эди.

У юриб борар экан, ҳавони ҳидлаб кўрарди, ҳар бир нарсага тикилиб қарапди, атрофга алангларди, баъзан кимдан бекинаётганини ўзи ҳам билмай яширинишга ҳаракат қиларкан, ҳатто болалардан ошиб тушиб, шунчаки бирор бемаъни, хаёлий эрмак ўйлаб топарди: назарида у гўё бировнинг кетидан изма-из бораётгандай ёки аксинча, таъқибдан қочиб қутулиб кетмоқчи бўлгандаи, эҳтиёткорлик билан қадам қўярди, очиқ ерларни айланиб ўтарди, арчазорга беркинарди, кейин эса, ўйнаб бўлгач, ўз устидан ўзи куларди, думбуллик билаң очиқдан-очиқ, қаттиқ, аччиқ-аччиқ куларди. Бундай лаҳзаларда гўё мияси суюлиб қоларди-ю, у урушда бўлганига, одамлар орасида яшаганига ишонмай қўярди, назарида доимо мана шу хилда бир ўзи, худди иши йўқ, мажбуриятий йўқ, пешонасига азалдан шунақа битилиб, тентира буравергандай бўларди.

Нуқул унинг овқат егиси келарди, шунинг учун атрофидаги барча нарса кўзига ўзига ўхшаб оч, ютоққан кўринарди. Уни ҳатто юракни эзувчи, қўргошиндай ҳаво ҳам тинкасини қуритарди, бир кишига бу ҳаво жуда ҳам кўплик қиласи. У бу ҳаводан энтикиб, нафаси тиқилиб қоларди, Гуськов ҳаддан ташқари кучаниб нафас оларкан, бор кучи ҳам тугаётганини ҳис этарди.

Май арафасида у Ангаранинг юқори қисмига чиқиб, ов қилиш мумкин бўлган жойларни айланиб келишга отланди. У керакли нарсаларнинг барини: милтиқдан ташқари болтани, ҳар эҳтимолга қарши қопни олди, тунаб қоладиган бўлса, униси ҳам, буниси ҳам керак бўлади. Айланиб келишга бир кун етмаслигини чамалаб кўрди, унинг қишлоққа яқин бирон ерда дайдиб юргиси, одамларни кўргиси келарди, қишлоққача эса, ўттиз чақиримча юриш керак эди. У қишлоққа яқин боришини аниқ билмасди, аммо боришига юраги тўклиб турарди, қандайдир тийиб бўлмайдиган гижгижловчи муддат яқинлашиб, одамларнинг жигига тегишига, агар иложини топса, уларни ташвишга солишига қистарди. Балки уларни

безовта қилишнинг ҳожати ҳам йўқdir, шунчаки бир четда туриб уларни кўриш, одамларнинг овозини эшишиш, нималар ҳақида гаплашаётганларини, тирикчиликлари қалайлигини билиш етарлидир, шу билан ҳувиллаб таталанаётган, безовта бўлаётган кўнгли ҳам тўлиб, қайтиб кетар. Рибнаяга боришга юраги дов бермади, борса, у ердагилар кўриб, таниб қолишилари мумкин, бунинг учун энг яхшиси биронта бегона қишлоқча боргани маъқул. Ҳеч гап бўлмайди, деб бўладими, ахир??

У эрталаб барвақт, тонг ёриша бошлиши билан йўлга тушди ва тушга қолмай Камений сроли рўпарасидаги қирғоқча, қишида эчки овлаган ерига етиб борди. Офтобдан ва сув ялашидан юпқаланиб, кўкиш товланиб турган муз ўртасидаги срол ҳозир жуда ялангоч, хунук кўринарди, аммо Гусъковнинг имилламай, шу ондаёқ оролга боргиси келди, у ов қилиб юрган пайтида тунаган, ови бароридан келишига сабаб бўлган ўша горни деб боргиси келди. Агар у шу горда қолмаганида иши ўнгидан келармиди ёки келмасмиди, номаълум эди. Унга ўхшаб ўз сири ўзи билан бўлган гор уни қандай бир бошқача, зимдан имлаб чорлади, имлаганда ҳам сирлашгани имларди, бу сирни шу ерда ошкора этиш ҳам, шу ерга яшириш ҳам мумкин эди. Гусъков то ҳануз бу гор кўзимга бежиз учрагани йўқ, деб ишониб юради, мен худонинг иродаси билан бу горга дуч келдим дерди. Умуман, кейинги вақтларда ўрмонда учраган барча хилват жойлар, ҳатто энг кичик, бефойда жойлар ҳам унинг диққатини торта бошлаганди. Масалан, у тўсатдан сичқон ини олдида тўхтарди-да, унинг нимага яраб қолишини мўлжаллаб, таёғи билан титкиларди, агар чоққина чуқурча кўриниб қолса, ичига тусиб, чўнқайиб ўтиарди-да, яшириниш мумкини-йўқми, текшираси: агар ичидаги сув бетида қор сузуб юрган ҳақиқий чуқурликни кўриб қолса, анчагача кетолмай, унинг тик тушган четини томоша қиласарди, чуқурлигини чамалаб кўрарди; у бўш турган айиқ уясини топиш орзуисида ағдарилган дараҳтларнинг илдизлари остига синчиклаб қаарди; у жарликларда юришни, тинчгина одим отиб кетаётиб бирдан ўзини дараҳт панасига олишни, атрофга аланглашни, хилват чакалакзорга уриб кетишини хуш кўрарди — гўё у кўзга кўринмайдиган одам бўлиш ниятида ўзини қисмларга бўлиб-бўлиб, у ёқ-бу ёқча яширилаётгандек эди. Шунинг учун кимсазиз, ташландиқ оролдаги гор унга маъқул келиб қолганди, у қидириб, қиттак-қиттак топаётган имкониятларнинг ҳаммаси бу ерда худди кўнгилдагидек муҳайёэ эди.

Орол рўпарасидаги соҳил кенг, яйдоқ бўлиб, намчиллиги кетган ердян янги, ҳарир оч-яшил рангдаги барра майсалар чиқиб турарди. Ангарадан музларнинг бўғиқ торс-торс қилиб ёрилаётгани эшитиларди. Тез кунда, ҳадемай, шу яқин кунларда музлар кўчади-да, бирбирини туртиб-суриб, пастга оқиб кетади — қасир-қусур қиласидиган ана шу фурсатнинг яқин қолгани бутун атрофдан сезилиб турарди. Ҳамма нарса ана шу фурсатни сабрсизлик билан кутаётганди: гўё Ангара шовиллаб, ҳайқириб оқа бошлаши билан ёз ҳам бирдан, имилламай, бир зумда бошланади-ю, ҳамма ёқ чарақлаб, ловиллаб кетадигандай эди — буни ҳеч нима билан тўхтатиш, тутиб туриш мумкин эмас. Шундан кейиноқ қандайдир янги, бошқача кунлар бошланади. Гуськов ҳам тўсатдан ўзининг жонсарак бўлиб қолганини ҳис этди: бирон иш қилиши, қаёққадир ошиқиши, бирон нима билан шуғуланиши керак эди. У наридан-бери тамадди қилиб олдида, муз устида қилқиллаб турган ҳалқобдан ҳовучлаб сув олиб ичди ва йўлига қараб кетди.

У йўл-йўлакай булдуруқни отиб олди. Унга ўқ сарфлаш ҳайф эди, албатта, аммо Гуськов кечга бориб тинкамадори қуришини, эртага эса, яна қанча йўл юриши, шунинг учун тузукроқ овқатланиб олиши кераклигини биларди.

У кундузи Ангара қайрилишидаги қишлоқни кўриб қўйган эди-ю, аммо унга яқин келмади, аксинча, орқасига қайтиб, тепалик томонга кетди, у қанчалик чарчаган, қийналган бўлмасин, нарироқ кетишга ўзини мажбур қиласиди. У кўпдан бери йиртқич ҳайвонлардан қўрқмай қўйганди, аммо одамларга ўз қорасини кўрсатишни истамасди. Шунинг учун у эрталаб уйларга қараб бораракан, тепаликларда анча наридан юриб, қишлоқни юқори томонидан айланиб ўтди.

У яна хўрозларнинг қичқиришини, ҳар бир қишлоқдан келадиган ноаниқ, тушуниб, ажратиб бўлмайдиган, мужмал, ўқтин-ўқтин шангиллаб, ғувуллайдиган ўша овозни эшитди. Қизиқ, бу ердаги хўрозлар Атамановладаги хўрозларга қараганда бошқача, ажойиб қичқирап әкан, ўз қишлоғидаги хўролар эса зўр бериб кекирдақларини йиртарди. Бошқа район шунақа бўларкан-да. У гарбда, фронт йўлларида хўрозларнинг қичқириқларини эшитганида, ҳар сафар бу ерлардаги хўролар Ангарадаги хўроларга қараганда заифроқ, пишиқроқ, босиқроқ, айёроқ әкан, деб кўнглидан ўтказарди, аммо

энди билсаки, Ангарада ҳам хўроздар ҳар-хил қичқи-  
паркан.

Гусъков тоғдан тушгач, яйловга дуч келди, яйловнинг  
юқори томонидаги ғов паст-баланд, қингир-қийшиқ бў-  
либ, қайинзор оралаб кетганди. Бу ғовни хотин-халажлар  
қилганга ўхшайди. Уруш даврида қилинган шекилли,  
ёғочлар пала- partiш тўсилганди: баъзи ерида устуни  
Сўлса, баъзи ерида йўқ, шундоқ ерга қоқилган ёки да-  
рахтга боғлаб қўйилган, шунинг учун қийшайиб, осилиб  
ётарди, уни тузатишга ҳали қўл тегмаган чоги. Буғдой-  
ни экиб бўлгандан кейин тузатишга тўғри келади. Гусъ-  
ков бўйини чўзиз, чапга, бир чақиримми ёки ундан кўп-  
роқми нарида турган чекка уй томонга қаради ва қандай  
қилиб қишлоққа яқинроқ бориш ва у ерда нималар бўла-  
ётганини кўриш тўғрисида хаёл суриб қолди. У ҳам қўр-  
қарди, ҳам ўзини хавф-хатарга қўйиб таваккал қилишга,  
бирон каромат кўрсатишга, ўзининг ҳам, бошқаларнинг  
ҳам капалагини учиришга кўнгли жиқиллаб турарди.  
Унинг баданида йигилиб қолган ҳаром қони қизиб, но-  
аниқ, телба-тескари истаклари хуруж қила бошлади. У  
нимадан сабабдан ўттиз чақирим йўл босиб бу ерга келгани-  
ни ўзи ҳам билмасди — ғов олдида мана шундоқ қақа-  
иб туриб-туриб, кейин қайтиб кетгани келмагандир,  
ахир. Йўқ, у нима мақсадда шунча йўлдан овора бўлиб  
келган бўлса, ўша нарсани топиши керак.

Нарироқда шоҳ қисирлади, Гусъков сесканиб кетди.  
Шундагина у яйловда, шумурт бутаси ортидаги катта-  
катта қора ҳолли ёки аксинча, катта-катта оқ ҳолли ола  
сигирни кўриб қолди. Ола-була қайин орқасида турган  
Гусъков сигир ҳам қайнинг ўхшаб ола-була бўлгани учун  
уни олдин пайқамаган эди. Сигирнинг ёнида онаси син-  
гари ола, ҳали ёшига етмаган, уч ойли ёки тўрт ойли  
бузоқ ўтлаб юрарди. Иш топилганидан хурсанд бўлган  
Гусъков ҳайвонларни кузата бошлади. Сигир бўйини  
чўзиз, ердан ниманидир қидиради, ҳолбуки майсалар  
ҳали тузуккина чиқмаган бундай пайтда ўтга эмас, шуд-  
рингга қорин тўйдиради, холос. Бузоқ буни онасидан кў-  
ра яхшироқ тушунарди шекилли, онасининг елинига ёпи-  
шиб, тумшугини нуқиб-нуқиб қўярди, бироқ сигир эм-  
гани қўймасдан секин юриб, нари кетарди. Бузоқ яна  
ёпишарди, шунда онаси ўгирилиб, шохсиз боши билан  
бузоқни туртиб ташларди.

Гусъков бундан бир ой илгари отасини пойлаб тур-  
ганида отхона қўрасидаги қулунни қандай кузатган бўл-  
са, у буларни ҳам ана шунақа диққат билан кузатди,

энди унинг кўзи яна ҳам ўткирлашган, қулоги динг бўлган эди, чамаси, бу беҳуда эмасди; у гёё бундан буён инсон учун фойдали бўлган уй ҳайвонига иши тушмаслигини сезаётганди, шунинг учун ҳам уй ҳайвонларини соғиниб қолган Гусъков уларга қанчалик узоқ қараб турса, юраги шунчалик қаттиқ орзиқаётган эди. Бошқа жудоликларга қараганда бу муҳим бўлмаса ҳам, аммо негадир ғалати тўюлиб, наша қилаётганидан, у бунга қандайдир кўнига олмаётганди.

Сигир бир бало бўлгану боласини ҳовлидан эргаштириб келган, албатта: биронта бека ҳам эмадиган бузоқни бундай маҳалда далага чиқариб юбормайди. Сигир боласини ҳар қанча сузмасин, шарталамасин, бугун у уйга сутсиз қайтади. Гусъков курсанд бўлиб кулимсиради, назарида бошқа бирор әмас, худди ўзи бузоқни уйдан қочириб юборгандай эди. Агар у келмаганида бузоқ ҳам уйда қолавериши мумкин эди. Энди, модомики қочиб келибсанми, бўш келма бузоқча, уни эмавер, эмавер, сўнгги томчисигача сўриб ол — кечқурун бекангга гап топилади.

Лекин секингни қишлоққа борадиган пайт ҳам бўлиб қолганди, қишлоқда унга ҳозирча ўзига ҳам маълум бўлмаган, аммо шуни деб келган қандайдир иш маҳтал бўлиб турган эди. Бироқ уни йўқламаган ерга кун ботгандан кейин кириб борса яхши бўлармиди, аммо у кутишни истамасди, аввалгидек юраги орзиқиб, сабри чида маётганди, бу иштиёқ борган сари безовта қилиб, ичэтини еяётганди. Гусъков ўзини ўтга урмаслигини, аҳмоқона ишлар ҳам қилмаслигини биларди, агар иш чаппасига кетгудай бўлса, қочиб бекинишга кўзи етарди. Қуруқ қўл билан уни тутиб бўпсан.

У қўра ёқалаб эҳтиёткорлик билан бораркан, тёз-тез тўхтаб, атрофга алангларди. Кўп ўтмай қишлоқ четига келиб қолди, қишлоқ кўриниши билан гармонь овози эшитилди. Гусъков шоша-пиша бугун оддий кун әмас, балки байрам — Биринчи Май эканини өслади. Уни қаранг-а: демак, байрам қилишяпти экан. Уруш кетаётган бўлса ҳам байрам қилишяпти, ўйнаб-кулишяпти, ҳу ана, қизил байроқ осиб қўйишибди, асраб қўйиган гармонни топишибди, кечқурун тўда-тўда бўлишиб, уйма-уй юришади, ашула айтишади, ўйин тушишади, кўнгилларида борини чиқариб, ёзилишади, ўйқ, кўриниб турибди, халқ руҳини ҳеч нима билан сўндириб бўлмас экан. Ҳозир Атамановзода ҳам ўйин-кулги қилишяпти. Гусъков ғам ҳам емади, хафа ҳам бўлмади — энди нимагаям хафа

бўларди! У.қайтанга шубҳаланиб, ажабланди: байрам қилишяпти-я. Худди урушдан олдингидай, ҳудди уруш бўлмагандай. Улар Гусъковнинг шу яқин-ўртада тентираб юргани билан ишлари ҳам йўқ, улар учун бу ерда у йўқ.

Бузоқнинг қандай қилиб қўрадан чиқиб кетгани энди маълум бўлди. Ҳамма ўйин-кулги билан банд. Бугун майда-чуйда ишларга ҳеч ким қарамайди: одамлар байрам қилияпти. Гусъков қайрилиб орқасига қаради: ўтлаб, секин-аста қайнизорга қараб кетаётган сигир боя Гусъков турган ердан сал нарида эди. У нарироққа юрди, ногаҳон миясига даҳшатли бир фикр келди-да, яна орқасига ўгирилиб, бузоққа тикилди. Бузоқ, худди бир нима чаққандек ёки туртгандек, тепинди-да, шаталоқ отиб, ўзини бир томонга олди ва кўп ўтмай тинчиб, эринчоқлик билан думини силкитди. Гусъков ўгирилиб энди қишлоққа қаради — яйловга олиб келадиган йўл кимсасиз эди, шунинг учун у шартта орқасига қайтди.

Қуёш баланд кўтарилиган эди, жазирама мусаффо ҳавода қуёшдан таралиб, борлиқни тўлдираётган енгил, шодиёна наво янграрди. Қишлоқ кўздан гойиб бўлиши билан гармонь овози ҳам тинди-да, барча товушлар бирбирига қўшилиб, кенг, бепоён, чексиз оқимга айланиб кетди. Гусъков ўзини тийишга уриниб, ошиб ўтмоқчи бўлган ғов олдида бирпас тўриб қолди, яна бир оз қулоқ солиб, атрофига кўз югуртириди ва шоша-пиша, айни пайтда эс-ҳушини йигиштириб олишдан қўрқиб, паст ғовдан ошиб ўтди. Гусъков йўл-йўлакай қуруқ хипчин топиб олди-да, пастлиқдан юриб, сигирнинг орқа томонидан борди, сигир уни пайқаб, бошини бурди ва каттакатта шилпиқ кўзларини унга тикди, сигирнинг кўзлари шунчалик шилпиқ, маъсум эдикни, ҳатто Гусъковнинг кўзларига ёш келди. У сигирни хипчин билан уриб, ғовнинг тоғ томонга қараган тешигига ҳайдади, сигир итоат қилиб йўлга тушди. Бузоқ — калта-калта тўмтоқ шохли новвосча онасиning пинжига тиқилди. Аммо сигир қўрадан чиққач, тўсатдан ўзини чапга, қишлоққа қараб урди, яхши ҳамки сигир қайнизорда тез чополмади, Гусъков уни қайтаришга улгурди. Сигир тўхтаб, жонжаҳди билан маъради, новвосча ўзини у ёқдан-бу ёқка ура бошлади, шундан кейин Гусъков ташвишланиб, баттар шошилди.

Гусъков сигир билан бузоқни эрталаб ўзи тушиб келган сой томонга ҳайдади. Андрей у ерда, хилват жойда бугун ҳеч кимни учратмаслигини биларди. Аммо сигир

худди шу томонга қараб юришни сира истамасди, у одамдан қутулиб, орқага қайтиш учун ўзини гоҳ ўнгга, гоҳ чапга уради: новвосча ҳам иш чатоқлигини сезиб, онасидан қолмасди. Сигир оғир-оғир нафас оларкан, йкки биқини чиқиб кетар, лабларидан сўлак оқар эди. Гуськов ҳам ҳансираб қолди, елкасидаги милтиги халақит бераверганидан уни қўлига олди. Бу уч тирик жон ўрмонда ярим соатдан бери у ёқдан-бу ёққа югуради-ю, аммо сой ҳали олис эди.

Бир-бирини алдашга уриниб, ҳар тўхтаганида сигир билан инсон бир-бирига нафрат билан қаравади: сигир ҳорғин маърарди, унинг оқ холларидан тер сиза бошлагани кўринди.

Обдан тинкаси қуриган Гуськов бошқача йўл тутиши кераклигини тушуниб қолди. У белидан камарини ечиб олди-да, сигирни ўз ҳолига қўйиб, новвосча кетидан писиб кела бошлади. Бу ишни қишлоқдан олисроқда қилса яхши бўларди, албатта, аммо унинг бошқа иложи йўқ эди. Лекин новвосча ҳам тутқич бермади, охирги дақиқа шаталоқ отиб қочиб қолди. Гуськов камар ҳалқани бузоққа ташлаб, кетидан сакради, лекин улгурмади. Унинг жони ҳиқилдогига келди, у чўзилиб кетган бу аҳмоқона овни биратўла тугатиб қўя қолиш учун милтиқ тепкисини босишга ҳам тайёр эди-ю, аммо ўзини сездириб қўйишдан қўрқиб, бу шаштидан қайтди.

Ҳарқалай омади келди: ниҳоят, у новвосчани чакалакзорга ҳайдаб кирди, новвосча буталар орасида тиқи-либ қолганида Гуськов камарини унинг бўйнига ташлади. Новвосча чўйкалаб қолди, иргиб ўрнидан турди-да, сакради, чиқиб кетиш учун ўзини у ёқ-бу ёққа урди, аммо одам бундай пайтда қандай иш тутишни билади: Андрей иккинчи қўли билан бузоқнинг думидан ушлаб, буталар орасидан сургаб чиқди. Новвосча азбаройи қўрққанидан бўкириб юборди. Одам уни ўзига келишга қўймай, югуртириб сой томонга судраб кетди. Сигир маърарди, маҳкам қисилган томогидан миёвлашга ўхшаш хириллаган, бўғиқ овоз чиқарди.

Гуськов нафасини ростлаш учун сой олдида тўхтади, у жуда ҳансираб қолганди. У бузоқни тоғтерак ниҳолига боғлади-да, сигирни ҳайдаб юборишга уринди, аммо сигир кетмади, у садъ нарига қочарди-да, тўхтарди, кейин Гуськов бир неча қадам нари кетиши билан сигир яна боласи олдига келиб уни ҳидлар, ялар ва ҳозир ҳам ғанимат, камарни узиб қочиб қолиш керак, деб уни йўлга сола-

ётгандай боши билан туртарди. Онаси қўрқа-писа эркалаётганча дилдираб турарди: уринавериб ҳолдан тойган, тинкаси қуриганди, эси чиқиб кетганди, ҳеч нимани англамасди, сезмасди — у бутунлай адою тамом бўлганди.

Гусъков нафасини ростлаб олгач, яна бузоқни ечиб, судраб кетди. У муз сигирни тўхтатиб қолса деган умидда сойдан ўтиб кетмоқчи бўлди, йўқ, бундай бўлмади: сигир заррача ўйламай, улар кетидан музга тушди, оёқлари сирпанди — унинг олдинги оёқлари икки томонга уқувсизлик билан йирилиб кетиб йиқилиб тушди, туришга кўп уринди-ю, туролмади, шундан кейин тиззалари сурилди, сурилди эмас, нариги қирғоққа сирғаниб борди. Гусъков яқин йўлатмай унга қўндоқ билан ўқталди, сигир жон-жаҳди билан олдинга ташланиб, қирғоққа чиқиб олди.

Энди Андрей қишлоқдан кам деганда уч чақиримча олисда эди. Гусъков ҳар эҳтимолга қарши бузоқни яна пича тоққа қараб судради, қуруқроқ, аммо панарақ жой топди-да, новвосчани яна дарахтга боғлади. Сигир нарида туриб, инсоннинг ҳар бир ҳаракатини кузатар эди. Ногаҳон Гусъков тутақиб, белидан болтани суғуриб олдида, сигирга қараб югуриб қолди. Сигир пишиллаб оқсаб, оёқлари чалишиб, шохларни синдириб қочди, аммо Гусъков тўхташи билан у ҳам тўхтади. Сигирдан қутулишнинг сира иложи йўқ эди. Одам қайтиб келиб бузоқнинг ётганини кўрди, у шунчалик ҳолдан кетган эдики, ҳатто оёғида тура олмаганди. У қўрқиб, яқинлашиб келаётган одамга бошини бурди, одам болта муҳраси билан унинг пешонасига шундай тез ва аниқ туширдики, бузоқ хиёл «ҳим»лади-ю, боши шиллэ этиб тушиб, тасмада осилиб қолди. Худди шу лаҳзада орқадан сигир бўкирди. Бутунлай қутуриб кетган Гусъков сигирни ҳам тинчитиш мақсадида унга қараб юрди, аммо сигирнинг ундан қочмаётганини кўриб, тўхтади. Бугун биттасини ўлдиргани ҳам етар унга, йўқса тиқилиб ўлиши мумкин.

У бузоқ терисини шилаётган пайтда сигир турган ерида одамдан кўзини узмас, ўз навбатида у ҳам одамии чўчиб кузатишга мажбур этар ва аҳён-аҳён заиф, аянчли маърарди. Буги чиқиб турган, учиб-учиб қўяётган гўнгидан Гусъковнинг кўнгли беҳузур бўлди. У бузоқнинг икки сонини, яна бир парча лаҳм жойидан кесиб олди-да, ҳаммасини қолга тиқди, қолганини эса, айикқа ўхшаб, бултурги хазон ичига кўмди ва устидан эски-тускиларни ташлаб қўйди. Гусъков кетиш олдидан сигирга сўнгти марта қаради. Сигир бошини сал энгаштириб, боягидай

қимирламай тикилиб турарди, у сигирнинг кўзлари даҳшат билан боқиб турганини кўрди, бу сигирнинг дўқиёнинеси бўлмай, қандайдир бошқача, шу яқин орада юз берадиган фалокат эди. Гусъков жўнашга шошилди.

Гусъков қайтиб келаётib, Каменний ороли рўпарасидаги ўрмонда тунади. Бу жой негадир Гусъковнинг юрагини жиғиллатиб, шу томонга тортиб турарди; кечга бориб Гусъков рамақдажон бўлиб қолди-да, бир амаллаб судралиб, бу ерга етиб олди. У ярим кечада Ангара томондан эшитилаётган муттасил гувиллашдан уйгониб кетди: музлар ёрилаётганди. Гусъков ҳайрон ҳам бўлмади, хурсанд ҳам: қопда ётган манави нарса гўё унинг жонини суғуриб олгандек эди. У ҳозир ҳам фақат гўшт деб бузоқни ўлдирдими ёки бу ерларга келганидан бери кўнглига маҳкам тугиб қўйган бирон-бир мақсадда шундай қилдими, ўзи ҳам билмасди.

Юқори оқимдаги қишлоққа кўчиб ўтган Гусъков бир ҳафтадан кейин бир куни туш пайтида Атамановка томондан тез-тез узилаётган пала-партиш ўқ овозларини эшиди. У уруш тугаганини тушунди.

## 16

Уруш тугади.

Кардадан чопар келди-ю, шу сўзларни қичқириб айтиб, узоқ кутилган хушхабарни бутун қишлоққа етказди. Кейин қишлоқ тўс-тўполонга тушиб қолди.

Биринчи бўлиб, одатдагидек, Нестор милтиғига ёпишиди, унга бошқалар ҳам қўшилди — қасира-қусир бошланди, Атамановка бино бўлиб бунақасини кўрмаганди; хотин-халажлар бир-бирларига ёпишиб, шангиллар, ув тортиб йиғлашар, бир лаҳзадаёқ сабр-тоқатлари тугаб, юракларидағи қувончлари, дард-аламларини одамларга тўкиб солардилар, болалар шу пайтгача бошларидан кечирганларига қараганда анча катта бўлган бу янгиликни ичларига сифдира олмай гангиб қолиб, у ёқдан-бу ёққа югурап, бирининг кетидан бири келар, бу хушхабарга экавобан нима қилишни, уни қаёққа етказишни билмас эдилар. Аммо шу пайтгача унча-мунча нарсага парво ғилмайдиган катталар ҳам бу сафар ўзларини тутолмай, гангиб қолган эдилар. Дастробки дақиқаларда йиғлаб-чиқташган, қучоқлашишган, бир-бирларини силкитишган одамлар, гўё баҳтга бардош беролмаётгандек, эс-ҳушларидан айрилиб, бекордан-бекорга у ёқдан-бу ёққа юри-

шарди, тарқалиб кетишарди, яна тўпланишарди, нимагадир, қандайдир команда берилишини кутишарди. Қаёқдандир Нестор етиб келиб, байроқлар осишини буюрди. Гарчи Нестор бир ой бурун ўзининг раислик ўрнини Максим Вологжинга бўшатиб берган, энди ҳеч қандай амал бўлмаса ҳам, аммо одамлар унга бўйсуниб, қизил мато қидиришга тушиб қолган эдилар. Бирор топди, бирор йўқ, аммо қишлоқ баҳоли қудрат ясатилди, одамлар йиллар бўйи асраб келган яхши кийимларини топиб кийдилар, болалар у ер-бу ерга — дарвозалар, уйлар устига ўзлари ясаган байроқчаларни осиб қўйдилар. Агафья Сомова ўтган иили кузда ҳалок бўлган ўғлидан қолган, аммо ҳали яхши, ўнгмаган қизил кўйлакни ходага боғлаб қўйди; отини елдириб келган Нестор унга ечиб ол, деб бақирди, аммо Агафья эшитишни ҳам истамади, ўзи йўқлигига ечиб олмасликлари учун эшик олдида пойлаб турди.

Эрталаб хўмрайиб турган ҳаво ҳам очилиб кетди: осмондаги булутлар тарқади, қуёш чарақлаб, ердаги барча нарсани оромбахш, хуррам нури билан мунавар этиб қиздира бошлади.

Қишлоқдан варанглаб ўқ овозлари эшитилганда Настена Доно Василиса билан бирга яқиндаги сайхонликда олдинма-кетин қўш солиб, нўхатлик ерни ҳайдайтганди. Доно Василиса биринчи бўлиб нима гаплигини пайқадида, шоша-пиша отларни қўшдан чиқара бошлади, унинг кетидан Настена ҳам отларни чиқарди. Улар Атамановка айни қозондай қайнаб турган бир пайтда отларини елдириб келиб қолишиди. Тутақиб кетган, ҳарсиллаётган Настена отларни дарвоза олдида қўйиб юборди, югуриб келиб уйга ўқдай отилиб кирди-да, қарияларнинг капалагини учириб юборди: скамейкада ўтирган Семёновна қўрқиб, унга пешвоз турди, дераза олдида турган Михеич кескин ўгирилди — бу хушхабардан ҳаяжонга тушган қариялар, бошқа хабарни кутишаётганди. Остона олдидаётқа Настенанинг нафаси ичига тушиб кетди: у қаёққа югуряпти, уларга нима демоқчи ўзи?

— Ўқ узишаётганларини эшитиб қолдик,— деб тушунира бошлади у, шундоқ ҳам маълум бўлган нарсани. Кейин зўрга, таваккалига, гўё бирор гапини бўлиб қўйгандек тугатди: — Фаҳмлаб қолдик.

— Эй худойим! — деб илтижо қилди Семёновна ва бутга қараб чўқиниб қўйди. — Наҳотки, шундай кунлайга ҳам етган бўлшак-а? Энди Андюшкамиз каейдалигини айтишай, ахий?

- Айтишади, кампир, айтишади,— деди Михеич, секингина Настенага қараб қўйиб.
- Энди ҳаммашини уй-уйига... оналайи, хотинлайи олдига жавоб бейиб юбойишади...
- Бирдан ҳаммага жавоб бериб бўлмайди.
- Нега бўлмайди?
- Нега эмиш... Ким билади нима бўлишини. Қўшиниз қолиб бўлмайди.
- Анави уюшда ҳеч ким омонлик-сомонлик деб эълон қилмаганди,— деди Семёновна бир оз жим тургач, эслаб.— Тугаган-тугамаганлигини ҳеч ким билмовди... Гейманлайни ташлаб ўзайо бўғишишганда, э, ундан ҳам баттай эди. Мундоқ тинчлик куннинг ўзи йўқ эди. Коммуна деб уюшишди, колхоз деб уюшишди. Бийон кун тинчлик йўқ эди ўжи.

Настена ён томондан хонасига ўтди-да, кийимини алмаштириди. Унинг ўша даладаёқ тօғдай кўтарилиган, шодликка тўлган кўнгли ҳовлиқиб, одамлар ичига ундарди, аммо нимадир уни шаштидан қайтариб, бу сенинг куннинг эмас, бу сенинг ғалабанг эмас, ғалабага сенинг ҳеч қандай алоқанг йўқ, деб писанда қилиб турарди. Ҳамма-ҳамманинг алоқаси бор-у, битта Настенанинг алоқаси йўқ. Настена ўзини қаёққа уришини билмай, каравотнинг четига ёнбошлади ва одатдагидек қорнини сий-палади, аммо меҳри товланиб эмас, балки довдираф, хаёли қочиб сийпалади — қўли шунчаки ўз ўрнини топди-да, жим бўлиб қолди. Қўчадан шовқин-сурон эштиларди, кимдир тасира-тусир от чоптириб ўтди, бир нотаниш эркакча овоз дона-дона қилиб хиргойи қилди:

Пўлат отларда биз  
Бутун далани кезамиз —  
Ҳам ҳайдаб, ҳам экиб, йигамиз — қолмас хору-  
хас.

Настена сакраб туриб, деразадан қаради: наҳотки, битта-яримта бугун урушдан қайтиб келган бўлса? Кўча ўртасида, болалар қуршовида Настенага нотаниш бир новча, қотма, фуфайкасининг олди очиқ, бош яланг мужик оёқлари чалишиб кетиб бораради. Настена меҳмон-хонада Михеичнинг Семёновнага шундай деб тушунираётганини эштириб қолди:

— Кардадан... хабар олиб келган шу-да. Одамлар суюниб, нақ бурнидан чиққунча ичирибди. Ўзи ҳам нағсини тиймабди, йўқ... кўрар кун бор экан-ку...

— О-о-дам-лар! — ҳалиги мужик ўзини тутиб туриш учун қўлларини икки томонга ёзиб тўхтаркан, тўсатдан қичқирди.— Ҳамманглар намо-йиш-га чиқинглар! Гитлер капут! — у охирги сўзга монанд болохонадор қилиб сўкинди ва гўё бақиришдан қутулгандай, бошини чайқаб, гандираклади-да ашуласини давом эттириди:

Қадамимиз мусти маҳкам,  
Ҳеч қачон душман ҳам,  
Республикамиизда сайр этолмас.

Бу мужикниң бақириши ҳам, бугунги кунга ярашмайдиган, вақти ўтган ашуласи ҳам Настенанинг юрагини баттар тилка-пора қилди; унинг ёниб, зирқираётган, изтиробга тўла юраги ўз хатосини тўсатдан пайқаб, қаёқ-қадир талпинарди, қафасдаги қушдай типирларди. Настенағов олдига борди ва бошини тўсиқ орасидан чиқариб, кўчанинг юқори чеккасида бирор юрганини пайқади, аммо юрган одам ким экан, деб қараб ўтиrmади-да, орқасига, уйга қайтди. У бирров Аンドрейни эслади-ю, тўсатдан жаҳли чиқиб кетди: ҳа, ўшанинг касофатидан Настена эл қатори ғалаба нашъасини суришга ҳақи йўқ. Кейин Настена агар у урушнинг тугаганини эшитса, юраги баттар сиқилишини — ўзини ўйлаб юраги сиқилишини кўнглидан ўтказди ва дарҳол ҳушини йиғиб олди, шаҳдидан тушди, лекин ҳарқалай у алам билан афсусланиб, эрига ачинди, кейин бирдан бирга бўлиш учун унинг олдига боргиси келиб қолди. Улар бугун бирга бўлиши керак, албатта: эр-хотин қўши ҳўқиз, барча одамлардан, уларниң оламшумул байрамларидан икковигина бир четда қолибди. «Ҳеч ҳам четда эмасман-да,— деди у хафа бўларкан, ўзининг тарафини олиб ва ўзини одамлар ичида тасаввур қилиб.— Нима, мен уруш йилларида ишламабманми, ҳаракат қўлмабманми? Шундай кун келиши учун бошқаларга қараганда кам тер тўкибманми? Мана, ҳозир шартта боравераман-да. Боравераман». У ўрнидан жилмай тураркан, ўзини ўзи ундарди, гўё у бирорнинг ўрнидан тургазиб, одамлар ичига жўнатиш учун қаттиқ туртиб юборишини кутаётгандай эди.

Чиндан ҳам унинг кутгани бўлди. Отнинг дўпирдўшири, дераза остида так-таклаган овоз эшитилди, ҳамон аввалгидек тиниб-тинчимайдиган, гулдур Нестор эгардан осилиб, ойнани қаттиқ-қаттиқ тақиллатди-да, жон-жаҳди билан бақириди:

— Ҳой, тирикмисанлар, ўлиkmисанлар? Ҳамма қироатхонага, мажлисга! Йиғилиш-мажлис-нишонлашга! Михеич! Қаёқдасан! Настена!

— Ҳов, сал секироқ,— деди Михеич, шошилмасдан дераза олдига келар әкан.— Намунча бақирасан?

— Йиғилиш-мажлис-нишонлашга. Ғалаба муносабати билан. Шошилинч буйруқ бор. Ниманг бору ниманг йўқ — ҳаммасини ўзларинг билан қироатхонага олиб боринглар. Тўкмага. Таrasундан олиб бор, Михеич, аяма. Таrasундан олиб бор деяпман сенга, тушундингми?

— Тушундим, тушундим,— деб тўнғиллади Михеич.— Сенга таrasун бўлса бас. Бешқа ҳеч нима керак эмасми? Нуқул ичкилик бўлса сенга.

Аммо Нестор энди унинг гапини эшита олмасди, у аллақачон отини елдириб кетганди.

— Вой, яйамаш-ей,— Семёновна чўчиб, томоғини тақиллатар әкан, бошини чайқаб қўйди.— Улай, Ага-повлайнинг ҳаммашиям жай шолишни яхши қўяди, аммо манавиниси гийт тентак.

— Борақол, Настена,— деди Михеич, осилган мўйловини қимирлатиб ғамгин, хаёл суриб жилмаяркан.— Таrasун ҳам бор. Бора қол,— деди у яна бошини кўтариб дадилроқ.— Мен ҳам кейинроқ бораман. Бугун уйда ўтириш гуноҳ. Таrasун бўлса, ертўлада, ўнг қўлдаги тахта орқасида, ола қол. Бир байрам қилишсин. Сен ҳам байрам қил. Борақол.

— Тайашунни-ку бериб юбояшсан, Андрюшка келша, нима қилашсан?— деб гапга аралашди Семёновна.

— Андрюшка келса— топамиз. У қачон келади ю қачон йўқ? Бунақа кун бошқа қайтиб келмайди. Бор, Настена, ола қол!

Бу урушдан олдин буғдой яхши бўлган йилларда тайёрланган оддий самогон эди, аммо уни бу ерларда қадимдан бурятча сўз билан «таrasун» деб аташарди. Настена самогоннинг қаерда туришини биларди: у эрта баҳорда картошка олаётуб, ердан худди пиликка ўхшаб чиқиб турган тиқинни кўриб қолиб, пайпаслаб чирпит кўымиб қўйилганини пайқаган эди. Чирпитни ундан, Настенадан ҳам, бошқа бирордан ҳам яшириб қўйишмаганди албатта, шунчаки то вақт-соат келгунча кўзга ташланиб, бекорга киши нафсини койитмасин деб яшириб қўйишганди. Кейинчалик Настена чирпитдан чоракталик шишага қўйиб олиб, Андрейнинг қопига тиқишитирган эди: нариси билан бир-икки соат эрини овутади, далда беради,

кўзини жимиirlаштиради. Ахир у бу ғам-ғурбат, кулфатлардан бошини қаёққа урсин-у, қандай қилиб ўзини чалғитсин? Уззукун ёлғиз. Ҳафталар, ойлар мобайнода якка ўзи. Настена эса, мана, ҳозир эл ичига боради. Нима, боришга ҳаққи йўқми? Ахир қўл қовуштириб тургани йўқ-ку, бунинг ҳам мөҳнати сингган!

Семёновна ҳар қалай айтганини қилдирди; тўла бўлмаган чирпитдан ярмини банкага қўйиб, яшириб қўйишиди, қолган ярмини эса, чирпитда кўтариб бориб, уялиб қолмаслик учун Настена уни бидончага ағдарди. Настена бидончани кўтариб кўчага чиқди-да, тўхтади, сал дадилланиб, худди кампирлар сингари секингина кўчанинг у томонига ҳам, бу томонига ҳам қаради.

Кўча кўпдан бери бунчалик ғала-ғовур бўлмаганди. Қироатхона қишлоқ ўртасида, Гусъковларнинг уйидан уч ҳовли нарида эди, ўша ердан қаттиқ-қаттиқ ҳовлиқдан овозлар эшитилиб турар, тутун буралар эди. Одамларнинг тўс-тўполонга тушиб қолганини кўрган итлар қутуриб, у ёқдан-бу ёққа югуриб акиллар эди, хўроzlар қанотини қоқиб қичқиради, товуқлар қақағларди, чўчқа болалари чийилларди, эшиклар тарақлаб очилиб-ёпиларди, кўча эшиклар гижирларди, тўда-тўда бўлиб югуриб юрган болалар дупур-дупур қиласарди. Аммо бу беҳуда тўполон, қий-чувлардан ташқари яна қандайдир бир ўзгача ёқими, тиниқ, шодиёна, Настенага яхши таниш бўлган, аммо унүтилганми ёки ҳеч ким эътибор бермай қўйганми, бир овоз жаранглаб, турланиб ёйилаётган эди. Настена бу овоз қаёқдан келаётганини қидириб, бошини кўтарди — сарой томида учта қалдирғоч қатор бўлиб ўтирас ва вижир-вижир қилиб, шўх-шўх сайрап эди. Булар ҳам вақтида учиб келибди. Билганини қаранг; кеча ҳам эмас, эртага ҳам эмас, айнан бугун-а. Жониворлар, учиб келибди, ёзни ўтказиш, ин қуриб, тухум босиш, бола очиш учун ўз ватанларига қайтиб келибди. Мана, тинчлигига раҳна солинган жонажон ерларда осойишта ҳаёт ҳам бошланяпти, бу дабдала қилинган, алғов-далғов бўлган, аламдийда ҳаёт бўлса-да, чиндан ҳам омонлик-сомонликдир энди. Кишининг ишонгиси келмайди: юракларни қон-зардоб, ваҳима босиб қолганидан бундай осойиш ҳаёт одамларнинг эсидан чиқиб кетган экан. Қалдирғочлар вижир-вижир қиляпти, нималарнидир ваъда қилиб, нимадандир миннатдор бўлиб, ўзларининг нозик биллур жомларини чаляпти, аммо анави хабарни, уруш тугаганини эса, билмаса ҳам керак. Эҳтимол, билар ҳам, эҳтимол, одамлар овозимизни эшитиб, бошларини кўтариб қара-

син-у, тамом, бугун барча қайгу-ҳасрат битганлигини тушунсин, деб атайлаб шошилиб учиб келгандир.

Шу пайтдан бошлаб, Настена юраги сув бўлиб, эриб кетаётгандек ҳис этди ўзини. Уни қандайдир қувончли, бемаъни ҳорғинлик, қандайдир ҳузур-ҳаловат, кўринган нарсадан таажжубланиш, ҳатто шу қалдиргочлардан ҳам ҳайратланиш туйғуси, ҳаммасидан ҳам кўпроқ — ўзини бошқалардан кам әмаслигини ва ҳеч нимадан қўрқмаслигини кўрсатиб қўйиш истаги вужудини қамраб олди.

Иннакентий Ивановичнинг беш қанотли, томи тик, баланд, кўркам уйи шундоққина қироатхона ёнида эди, ўйнинг ярмида қариялар — Иннакентий Иванович билан кампирি Домна, иккинчи ярмида эса асрандилари Васька (уларнинг ўз болалари йўқ эди) туради, ўйнинг Васька турган қисми улгайиб қолган Васькани фронтга олиб кетилгандан бўён, икки баҳордан бери бўш эди. Уй бўш турса ҳам, кўриниши аввалгидек бўлиб, вақтида олов ёқилиб, қараб туриларди, дераза токчаларида гул ўстирилган туваклар туради, деразаларнинг икки ёнида эса, пардалар кўзга ташланарди. Ҳозир қариялар ўйнинг қайси қисмida туришини ҳам билиш қийин эди: Иннакентий Иванович ўзига тўқ турса ҳам, ейиш-ичишдан кам бўлмаса ҳам, беш-ўнта одамни кутишга қурби етса ҳам, меҳмон кутишга унинг ҳуши йўқ эди, шунинг учун бўлса керак, одамлар униқига камдан-кам кирди-чиқди қиласарди. У ҳамиша ҳам ўзига тўқ эди. У мана шунақа фаровон ҳаёт учун туғилганди: худди баланд бўйли, норгул кишига ёш боланинг кийими тўғри келмагани сингари, унга ҳам бошқача ҳаёт тўғри келмасди.

Настена ўтиб кетаётганида дарвоза лўқидони шарақлади-ю, дарвоза кенг очилиб, Иннакентий Иванович кўринди. У анча яшарган, ясаниб олган эди, тўқ кўк френчининг катта-катта металл тугмалари ялтиради, френчи остидан бўйнида ёнёқаси кўриниб туради, шими ҳам худди шунақа тўқ кўк бўлиб, сал уринган, аммо ҳали бақувват, почаси яхши, ёш сигир терисидан тикилган, қатрон билан қалин мойланганидан хушбўй ҳид келиб турган этиги қўнжига тиқилган эди. Настена Иннакентий Ивановични худди ўз қариндошидай кўриб севиниб кетди-да, унинг башанглигига ҳаваси келиб жилмайиб, унга томон бир неча қадам босди.

— Иннакентий Иванович, шу кунларга ҳам етиб келдик-а! — деб қичқирди у.

— Ҳа, етиб келдик, — деб сиполик билан жавоб берди у ва сўради: — Сеникidan ҳеч қандай хат-хабар йўқми?

— Йўқ,— Настена хақолаб унинг кўзига тик қарап-кан, жавоб берди.— Йўқ, Иннакентий Иванович. Ҳеч қанақа хат-хабар йўқ.

Настена ўйлаб турди-да, кейин қўшиб қўйди:

— Унинг қаердалигини балки сен биларсан, айта қол?

Иннакентий Иванович ўзини орқага ташлади.

— Мен қаёқдан билай?— деб таажжубланди у.— Сен, хотин, қаёқдаги қуракда турмайдиган гапларни гапирасан-а.

— Бирон нимани билсанг — айтавер, Иннакентий Иванович, яширма,— деб яна қўшиб қўйди у ҳамон ўшандайича шубҳали хақолаб.— Агар бирон нимани билсан — сенга айтаман. Бундан хотиринг жам бўлсин, Иннакентий Иванович.

Қироатхона жойлашган ҳовлида оловлар ёқилиб, икки катта қозонда шўрва қайнаб туради. Артелнинг янги раиси Максим Вологжин ғалаба муносабати билан колхоз қўйидан сўйдиртирган экан. Ғулалар устига жойлашиб олган хотин-халажлар картошка артарди. Ҳовлига одам тиқилиб кетганди: бутун қишлоқ шу ерда эди. Бино ичига бир қатор стол қўйилиб, устини ким нима олиб келган бўлса, шу билан ясатилганди. Оз-оздан бўлса ҳам талай нарса йигилганди: чуқур товоқларда карам, бодринг, хурмачаларда сузма, тарак, янги тутилган балиқ, қирилган турп, калач нонлар, булка нонлар, тухум, шумурт солинган яримта пирог — ҳеч ким ҳеч нимасини аямай, бор топган-тутганини кўтариб келган эди. Борди-ю, олиб келинган ичимлик етмай қолса, қуйиб ўтиришга яраб қолади, деб майдароқ болалардан бир гуруҳини қайин шарбатидан олиб келишга жўнатилганди; улардан тикроқ бир гуруҳ болалар Ангара лабида балиқ тутиб ўтиради. Тутилган ҳар бир елимбалиқ, тошибош, ҳаммадан ҳам хариус дегани шу заҳоти тириклигича келтириб столга қўйиларди, балиқчалар сакраб-сакраб гоҳ идишлар ичига, гоҳ полга тушарди. Деразалар ланг очиб қўйилганди, дераза токчасидаги патефон овози борича бақириб ашула айтарди, унинг ёнида Надъканинг Лидкаси патефон зеҳига кўксини босиб тик турарди. Надъка ҳам картошка артаётганди. Настена унинг олдига келди-да, чўнқайиб ўтирди ва Надъканинг қўлидан ушлади.

— Шу кунларга етганимиз ростмикин-а, Надъка?— деб кўзлари ёш овлаб турган Настена тантиқланиб сўради. Надъка жавоб бермай кўзларини олиб қочди.

Настена Лиза Вологжинани тошиб, уни қучоқлади.

— Қалайсан, Настена, қалайсан,— деди қозон олдида оловдан юзлари қизарган Лиза Настенага ўгирилар экан, хотиржамлик билан.— Хурсандмисан ишқилиб?

— Хурсандман.

— Андрейингни кутяпсанми?

— Кутяпман.

Настена одамлар олдида Максимнинг бўйнидан маҳкам қучоқлади-да, ўпиб олди, гангид қолган, мамнун бўлган Максим:

— Яна ким? Лиза ийиб турганида келиб қолинглар,— деб қичқирди.

— Ийишимни кўрсатиб қўяман сенга!— деди Лиза яrim ҳазил, яrim чин қилиб.— Мен фақат Настенага индамадим-да. Шунда ҳам то Андрей келгунча дедим, аммо бошқалар тўғрисида оғиз оча кўрма.

Настена овози титраб, ялтоқланиб одамлар орасига суқилиб кирад, сал хижолат чекиб, гуноҳкорлардай жилмаяр ёки ҳудди эси пастрлардек ҳихилаб, сўрабми ёки эслатибми: «Шундай кунга етдикми, а?» деб шивирлар эди. У бундан ортиқ ҳеч нима дея олмас эди. Лекин бугун ҳаммаси айни муддао эди. У бирорни қўлтиқлар, бошқалар эса, уни қучоқлар эди, у кўз ёши қиласди, унга жавобан бошқалар ҳам кўз ёши тўкар эди; агар кулгудек бўлса, бошқалар унга қўшиларди. Настена аҳён-аҳёндагина юз берадиган руҳий хасталикдан лол бўлиб, эси киравчиқарли бўлиб қолган эди. Унинг гоҳ йиғлаб-сиқташга, гоҳ шарақлаб кулишга, гоҳ гул-гул очилишга, гоҳ даҳшат ва қўркувга соловчи oddий, тушунарли, зўр талаб, умри югуриб-елиш билан ўтадиган ҳаётга кўнишиб қолган, бугун эса, умуман, гангид, безиллаб қолган ҳис-туйғулари унга бўйсунмай қўйган эди. Шунинг учун одатда вазмин, кейинги вақтларда жуда эҳтиёткор бўлиб қолган, фақат жавоб беришни билиб, савол беришдан ўзини олиб қочиб юрадиган Настена дил амрига қулоқ солиб, у бошлаган ерга келди. Бир оздан кейин у хотин-қизларга ёрдам беришга ақли етмай, тайёрига айёр бўлиб қолганидан ўзини ўнғайсиз сеза бошлади. Унинг назарида, бугунги кун одамлар билан бирга бўладиган охирги кун эди, эртага эса, бир ўзи, кишини ютиб юборадиган жимжит зулмат ницида танҳо қоларди.

Ҳамма столга ўтирди. Максим Вологжин фронтовик сифатида ҳам, раис сифатида ҳам тўрга чиқди. Унинг Бир томонига Нестор жойлашди, албатта, бошқа томонига эса, Кардадан келган чопар — аҳён-аҳёнда кўзла,

рини юмиб, қалқиб кетаётган, аммо яна силкиб-силкиб бошини кўтараётган киши жойлашди. Максим медалларини жиринглатиб, ўрнидан турди.

— Қадрдонлар! — деб у ингичка, худди ичиди туриб қолган бир овозда гап бошлади, ҳамма сув сепгандек жим бўлиб қолди. — Қадрдонлар! Мен гапга чечан эмасман, ҳозир бошқа бировнинг гапини эшитсан бўларди. Қолаверса, нимани ҳам гапираман! Ғалаба қозонгандан кейин нимани ҳам гапиради киши! Бундай кунда айтиладиган гап ҳали ўйлаб тошилганича йўқ. Бардош бердик, ёпирилиб бордик, йиртқич ҳайвоннинг, лаънати Гитлернинг умуртқасини синдиридик. Мен у ерда бўлганман, нималар бўлганини биламан. Юрагинг тошиб кетади... — Максим кўкраганинг тўлдириб нафас олди ва титраб нафасини чиқарди. — Ҳаммангиз биласиз. Ҳозир менинг барча ўртоқларим, омон қолган жангчиларнинг ҳаммаси бундан буёнги ҳаётимизни изга солиш учун уйига ошиқяпти. Кўрган талафотимиз кўп. Уруш бўлган жойларда ерлар қабрлардан дўмпайиб кетган. Ер кўпайди-ю, аммо ишлайдиган одам кам. Нимасини ҳам гапирай?! Агар сизлар, бу ерда қолганлар бўлмаганларингизда, биз сира-сира бардош беролмаган бўлардик. Чунки мужик жанг қиласди, аёл эса, уни едириб-кйидиради, мужик қаҳру ғазаб билан душманга ташланади, аёл эса, мужикнинг юраги тош бўлиб кетмаслиги учун минг чақирим беридан туриб, ўзи, оиласи биргаликда қалб қўри билан унинг юрагини илитиб, юмшатиб туради. Агар сизлар бўлмаганларингда, бизлар ҳеч ниманинг уддасидан чиқа олмасдик, унда ҳозир манави кун ҳам бўлмасди. Мамлакатимиз улуғ, бепоён мамлакат, аммо бизнинг Атамановка ҳам қараб тургани йўқ. Бизлар у ерда жанг қилган бўлсак, сизлар бу ерда ёрдам бериб турдинглар. Ўринларингдан туринглар, қадрдонлар, шу бугунги кунимизга яхшилаб қарайлигу бир умрга өслаб қолайлик. Бунақа уруш шу чоққача бўлган эмас, демак, бунақа ғалаба ҳам бўлган эмас. Шуни нишонлайлик, халойиқ.

Стол атрофидагилар ўринларидан турдилар, стаканлар жиринглади, ҳамма оҳ тортиб, хўрсиниб, индамай жойига ўтириди. Настена стаканинни уриштириш учун ёнида ўтирган Надъкага чўзилган эди, аммо Надъка ҳаммадан олдин ичиб бўлибди. Ҳайрон қоларлиси шу эдик, бу сафар у чурқ этмай ўтиради, гап-сўзларга аралашмасди ва гўё азоб-уқубатли, аммо кўнишиб кетилган ҳаёт тартиби нега бузилдийкин, деб бўладиган воқеани

тушунмаётгандай, атрофига диққат билан разм соларди. Бошқа ҳар қандай ҳаёт сингари унинг учун ҳам тинчлик керак эди, аммо шу тинчлик куни етиб келганида Надъка ташвишга тушиб, бирорларнинг бахтли-ю, бирорларнинг бахтсизлиги энди шундоққина аниқ-равшан бўлиб қолади, деб ўйлаётган эди.

Кардалик чопар отиб олгач, яна хиргойи қилишга тушди:

Қадамимиз мустаҳкам,  
Ҳеч қачон душман ҳам  
Республикамизда сайр этолмас.

Кимдир ҳазил йўсинида таъна қилиб деди:

— Ҳой, яхши одам! У уйига қандоқ кетаркин энди?

— У тағин уруш тугади, деган гапни ўзи тўқиган бўлмасин? Ахир гирт маст-ку. Кайфда хаёлига ҳар нима келиши мумкин.

— Мен тўқибманми?!— деди чопар эшитиб қолиб ва ўрнидан тура бошлади, аранг қаддини ростлади, кейин кўзларида ёш йилтиради.— Мен тўқибманми?— деб сўради у ҳаммага бирма-бир маъюс, илтижо ва жаҳл билан қарап экан.— Нималар деяпсизлар ўзи? Нималар деяпсизлар?!— қаттиқроқ бақирди у ва нафаси тиқилиб, ҳадеганда овози чиқавермади.— Бичиб-тўқишига кимнинг ҳадди сигаркан! Нималар деяётгандарнингни ўйлаб кўрояпсизларми ўзи?! Мен... билиб қўйинглар деб отимни қора терга ботириб келдим. Э, раҳмат-е... Қайси ифлос шунаقا дейди, ахир? Нималар деяпсизлар-а?!

Одамлар уни тинчтишга тушди:

— Э, йўқ, йўқ, ким тўқиган деяпти ахир... Нима, ўзимиз кўрмаяпмизми?

— Тўғри-да, шунаقا дейишга кимнинг тили боради?

— Ахир, у келганида ҳушёр эди. Кейин шу ерда битта-яримтаси хурсандлигидан қўйиб бергандир-да.

— Бекорга одамни маломат қилаверасизларми... Йигирма чақирим ердан от чоптириб келиш ҳазилми.

— Қўйинглар унга, бир маза қилиб иссин, биз уятсизларни кечирсин. Тўғри-да, шарм-ҳаё йўқ ўзи бизда...

Шундан кейин чопар бир стаканни сипқорди-да, одамларнинг узрини қабул қилди, сўнг ғалаба тўғрисидаги гапни қандай эшитгани ва Атамановкага келишга қандай рози бўлганини айтиб берди.

— Одамларимизнинг ҳаммаси ҳам бу гапдан хабар-дорми-йўқми? — деб баланд овозда сўради Максим, чунки, гала-ғовур кучайиб кетган эди.

— Ҳам-ма-си — ҳеч ким қолгани йўқ!

— Шундоқ қасир-қусур қилиб отишдики, ҳатто ўликлар ҳам эшитди.

— Бобо-чи? — деди ногаҳон эсига тушиб қолган Лиза. — Степан бобо-чи? У кечадан бери тегирмоннинг бир балосини тузатяпти. Бобонинг хабари йўқ-ку ахир!

— Ўқ овозларини эшитгандир, ахир?

— Эшитгандирмиш-а! Бутунлай кар-ку.

— Яхши эмас, унга одам юбориш керак.

— Вой, бобо, рост, ҳозиргача урушиб ётиби.

Чопар «энг охирги одам — бобогача хабар қилиб, ўз бурчини адо этиш» мақсадида тегирмонга бориш учун ўрнидан қўзғалди, аммо уни ўрнига ўтқазиб қўйишиди, қолишига кўндиришиди. Нестор сакраб ўрнидан турди, унинг куни билан у ёқдан-бу ёққа чоптириб юрган оти ҳовлида ҳамон эгарлоқлик турарди, унинг кетидан икки йигит ҳам отилиб чиқди. Хотин-халажлар бошларини дeraзадан чиқариб, уларнинг кетидан қичқирди:

— Унга ҳеч нима деманглар. Тўғри бу ёққа олиб келинглар.

— Йўл-оёғини боғлаб олиб келаверинглар.

— Боғлаб-нетиб юрманглар, тағин ўлиб қолмасин.

Яна столга ўтирилди, яна ароқлар қуйилди, аммо бу сафар Иннакентий Ивановичнинг уйидан олиб келингандан суслодан<sup>1</sup> қуйилди. Ҳамманинг ичидаги битта у ичкилик олиб келмаганди, у қулай фурсат келишини кутиб, суслоси борлигини эълон қилди. Одамлар Иннакентий Ивановичнинг суслоси эканини билиб қўйишин-да, ахир. Аммо сусло чиндан ҳам аъло экан, у ютуми яхши, мазаликкина, кайфи ўткир. Хотин-халажлар оҳоҳ қилиб, лабларини чапиллатарди. Кейин урушдан олдин уни қандай тайёрлашларини, байрамларнинг қандай тўкин-сочин бўлишини, ўйин-кулги кимнинг уйидан бошланишини эслашга тушиб кетишиди.

— Ҳали кўп ўйнаб-куламиз, сулувлар, ўйнаб-куламиз, — деб қичқирди хушчақчақлик билан юзлари қипқизил Максим, ярадор қўлини кўтариб қўйиб. — Одамларимиз қаерларда қолиб кетмади дейсиз! Ҳаммаси бўлади. Ҳадемай мужиклар келади...

— Кимники келаркин-а? — деб оҳиста, аммо ани-

<sup>1</sup> Дон ёки картошкадан тайёрланадиган ичимлик. (Тарж. изоҳи.)

таниқ, ҳаммага әшитиладиган қилиб сўради бир ўғилчалиси билан бева қолган ёшгина Вера Орлова.

— Ахир...— Максимнинг тили курмакланиб қолди,— битта-яримтаси келади-да...

— Менинг билишимча,— деди ўрнидан туриб Иннокентий Иванович,— олти киши келиши керак.— У кўз югуртириб Настенани қидириб топди.— Дом-дараксиз кетган Андрей Гуськов билан бирга.

— Яна кимлар?

— Нима, ўзимиз билмас эканмизми? Сўраб нима қиласизлар!

Аммо Иннокентий Иванович санашга тушди.

— Меникини нега санамадинг?— деб бирдан жаҳл билан сўраб қолди Надъка, Иннокентий Иванович санаб бўлгач.— Ёки у ёгини санашни билмайсанми, ҳисобчи ходим?

— Чунки сен қорахат олгансан,— Иннокентий Ивановични гангитиб қўйиш осон эмасди, у нима деб жавоб беришими биларди.

— Хўш, олган бўлсан нима қипти? Сен эса, уни саноқча қўш. У келади. Мен сенга айтяпман: у келади,— деди Надъка иддао билан ҳаммага қарапкан, қизишиб кетиб.— Мана кўрасизлар. Келмайди деб ўйламай қўя қолинглар. Бир куни келади-ю, ҳисобингни чиппакка чиқаради. Шунинг учун ҳозирдан ҳисобга киритавер. Олти киши эмас, етти киши — ана шундоқ деб айт.

— Унда меники ҳам келади,— деди секин Вера Орлова ҳеч кимга қарамай.

— Сеникини билмайман, аммо меники келади.

Хотин-халажлар ўнгайсизланиб, бирин-сирин гапира бошлади:

— Ажаб эмас — шунақаси ҳам бўлади. Кардадаги қудам Настасьянинг...

— Айтишларича, Братскда бир хотиннинг эридан икки марта қорахат келибди, хатлар икки жойдан эмиш, бирида ундай ўлди, дейилган бўлса, бирида бундай ўлди дейилганмиш. Эри бўлса, худди осмондан тушгандай; кириб келганмиш... Ана, энди ишонавер.

Шу пайт тегирмончи Степан бобони олиб келиб қолишиди. Нестор қўюли орқасига боғланган бобони милтиқ билан олдига солиб олиб кирди. Кимдир ўйламасдан гапириб юборган эди, у ҳам тентаклик билан шунақа қилибди. Бобо оstonонада қоқилиб кетди, қуюқ қалин қашлари остидаги кичик кўзларини лоқайдлик билан стол атрофида ўтирганларга югуртирди, унинг кўзлари-

дан на таажжуб, на қўрқувни билиб бўларди, у гўё бу ердагиларни ҳозир бораману ўшаларни кўраман, деб келган кишига ўхшарди.

Нестор бошини кўтариб, йигилган халойиқдан кўра кўпроқ девордаги портретларга қараб жекирди:

— Хабарсиз унсур сизларнинг буйруқларингизга биноан олиб келинди. Тегирмонга беркиниб олган экан.

— Сенга сира ақл кирмади-да, Нестор,— деди биринчи бўлиб эс-ҳушини йиғиштириб олган Надъка,— тагин ҳам шунаقا аҳмоқ билан бош кўтариб юрибмизми-а?

— Бобожон!— деди бир неча киши бирваракайига.

Одамлар югуриб келиб, бобонинг қўлларини ечди-да, кўтариб олиб бориб ўтқазди. Улар бир-бирларининг гапларини бўлиб, оғизларини қариянинг қулогига яқин қилиб қичқирадилар:

— Бобожон, уруш тугади!

— Ўргилай бобожонимиздан, қаерларда юрибсиз?

— Биз сизсиз бу ерда ўйин-кулги қиляпмиз, сизни эсимиздан чиқариб қўйибмиз, тагин жаҳлингиз чиқмасин. Ҳаммамизнинг ҳам эсимиз оғиб қолибди.

— Шу дегин, ўтирибмиз-у, қарасак, кимдир йўқ-да. Ким йўқ деб қолдик-ку. Қарасак, бобожонимиз етишмай турибди-да. Эй худо!

Қария индамай, хотиржамлик билан сочи ҳурпайган бошини у ёқ-бу ёққа буриб, тушуняпман, гуноҳларингдан ўтаман дегандай, шошилмай, маънодор иргаб қўярди. Кўзлари ёш овлаб турган хотин-халажлар унга қарап экан, бирдан ўзларини тутолмай йиғлаб юбордилар. Фақат, ҳозир, Атамановкадаги охирги киши ҳам улардан нима бўлганини билгач, ниҳоят ўзлари ҳам уруш тугаганига ишондилар.

## 17

Ҳамма қайигини сувга тушириб, у ёқ-бу ёққа бориб келиб туарди, аммо Михеич, худди атайлаб қилаётгандай, сира шошилмас эди. Унинг қайиги ҳали ҳатто мойланмасдан ёлғиз ўзи қирғоққа тўнкарилиб ётарди. Настена оёғи куйган товуқдай типирчилаб қолган бўлса ҳам қайнотасини қисташга юраги дов бермас эди: қайиқ унга нима учундир зарур бўлиб қолганини чолга билдириши мумкин эмасди. Аммо энди, эрининг олдига бориб келишга йўл очилган пайтда, Андрейнинг ҳоли нима кечеётганидан бехабар ўтираверишга, индамай юраверишга унинг ортиқ тоқати қолмаган эди.

Настенанинг назарида модомики уруш тугадими, энди, шу яқин орада эрининг тақдиди бир ёқли бўладигандай эди, демак, унинг ҳам, Настенанинг ҳам тақдидирида бирон ўзгариш бўлади,— шунинг учун у зудлик билан эрини кўриши, унинг авзойини, ўзини қаёққа уришини билиши керак эди. Ана шу, эри билан учрашмай юрган, ҳар бири бир йилдай туюлган узоқ ҳафталарда Настена бир неча марта эрини тинчтиб, ўзи ҳам тинчиши учун унинг олдига учиб боришга ҳам тайёр эди: Настенанинг хаёлида энди, ёз ўзининг бутун кўркини кўз-кўз қилиб турган, ердан ўтлар ўсиб чиқиб, ўрмонлар яшил лиbosга бурканган, Ангара ҳам музлари, кетиб, ўз ҳаракати, мовийлиги билан мафтун этиб, ўзига чорлаётган пайтда, инсон қалби ҳар қачонгига қараганда ҳозир, сал нарсага ҳам таъсиirlаниб, ийиб кетадиган пайтда Андрей чидолмасдан ўзини-ўзи бир бало қилиб қўядигандай эди. Настенанинг тушлари ҳам алоқчалоқ, поинтар-сойинтар, мужмал эди: гоҳо номаълум, кўзга кўринмайдиган бирор қитиқлармиш, у эса шарақлаб кулиб, шох ташлаб, оғини қўлига олиб, кўрна остига кириб беркиниш учун ўрнига қараб югуармиш: гоҳо Майка деган сигир билан сўзлашармиш, сигир унга бамаъни, пухта жавоб берармиш; гоҳо у ўзини, Иркутск ёнида болалиги кечган дамларни туш кўради, тушида у катта қиз эмишу турмушга чиқиб, Ангарада сузишни ўзига ўзи ўргатармиш; яна бир балолар. Настена бу тушлардан юраги дук-дук уриб уйгониб кетарди-да, қимирлашга қўрқиб, Андрейни ўйлаганича анчагача жим ётар, эрини севганидан гоҳ ғам-аламга ботар, гоҳ унга меҳри товланар эди. Настена раҳми келганидан уни севарди, севганидан раҳми келарди — бу икки туйғу бир-бирига омикхта бўлиб кетганди. Шу боисдан Настена ўзини ҳеч нима қила олмасди. У Андрейни, айнича, ҳозир, уруш тамом бўлгандан кейин қоралай бошлади, унинг назарида, бошқа омон қолганлар қаторида Андрей ҳам зиён-заҳматсиз қоладигандек туюлгани учун ҳам қораларди, аммо у гоҳо эридан жаҳли чиқиб, нафрлатланиб, ғазабланиб қораларди-ю, яна ахир мен унинг хотиниман-кӯ, деб ҳовуридан тушарди. Модомики шундай экан, ё мен сен айтган одам эмасман, мени ҳеч қандай гуноҳим йўқ, деб бутунлай ундан юз ўгириб, бир четга чиқиб туриш керак, ё охиригача, ҳатто ўлимга ҳам бирга бориши керак. Ҳа, ўхшатмаса учратмас, деб бежиз айтишмаган. Унга минг чандон оғир, унинг тепасида энг расво, шармандали ўлим қанот ёзиб айланиб

юрибди, бунинг устига ўзидан ёмон ном қолдирмаслик учун ҳеч кимга, бирон кишининг ҳам кўзига кўринмасдан юрганини айтмайсизми. Гуноҳкор, ким айтади уни гуноҳкор эмас деб! Асли ҳолига қайтиш учун у куч, иродани қаёқдан олади энди, ахир у қош қўяман деб кўз чиқариб қўйди-да. Шунача куч, ирода учун ҳеч нимасини аямасди-ю, аммо уни қаёқдан олсин?

Йўқ, тезроқ Андрейни кўриш, нималарни ўйлаб юрганини билиш керак.

Настенанинг қорни анчагина чиқиб қолганди, у кечаси ухлаш олдидан қорнини очиб қаради, бинойидек дўппайиб қолгани сезилиб турарди. Настена қорнини секин, оҳиста силаб қотиб қолди, кейин шу кўйи сал нафасини ростлаб олди-ю, баттар қотиб қолди. Настена хаёлан жимгина қаёққадир, арши аълога чиқиб кетгандай, қандайдир гаройиб, сокин бўшлиқда танҳо юргандай ва бу ёруғ оламдаги барча нарсани унтиб, ўзининг ҳар бир қатрасини кўриб, ҳис этаётгандай бўлар эди. Шунинг учун у секин-аста болага айланиб бораётган ҳомиласини ҳам кўриб турарди: ҳомиласи билан боғлиқ бўлган туйғуси ҳаммасини — ҳомиланинг қандай ётганини, қандай ялқовлик ва муттасил талабчанлик билан оналик шарбатини сўраётганини очиқ-ойдин айтиб турарди. Ҳомиласи Андрейнинг кўнглига боқиб ўғил эди, шунинг учун Настена бир оз чўчиdi: агар қиз бўлганда эди, ака-укалар, опа-сингиллар туғилиб, ўзидан кўпайиб кетади, деб умид қилса бўларди, ўғил ёлғиз ўзи қолиши мумкин. Аммо у бу тўғрида сезгирилик билан қорнига қулоқ солиб, қотиб қолгандан кейин, гўё ўзини ўзи бир четда туриб кузатган, арши аълодан пастга тушиб, қаердалигини, ўзига нима бўлаётганини гира-шира англагандан кейин хаёл суриб қоларди. У иккиқатлиги сезилиб қоладиган кун келишидан қўрқарди, қўрқарди-ю, ўша куннинг тезроқ келишини истарди, унда қорнини танғиб, қисиниб-қимтениб юрмасди, бир ўзи эмаслигини, қорнида боласи борлигини битта-яримта кузатиб, кўриб қолмадимикин, деб атрофга олазарак бўлмасди. Ҳа, ўша куннинг келишини кутиш ҳам Настенани қўйнаётган эди. Настена ҳозир тўлишиб кетган, нариси билан бир ой-бир ярим ой пайқашмайди, кейин ҳамма бирдан ёқа ушлаб қолади. Настена кўпинча, назарида, тақдир уни қандайдир тор кавакка зўрлаб киритаётгандай, то нафас ололмай қолгунича шу кавакка итараётгандай, кейин эса, эзилиб, бўғилиб, чалажон бўлиб қолган охирги дақиқада қаёққадир олиб чиқаётгандай бўларди.

Настена ана шу янги ҳаёт қандай бўлишини билмасди, бу ҳаёт унинг учун номаълум, тўрдай қоп-қоронги эди.

Ангаранинг у ёғига ўтиш учун бир баҳона топиш керак эди, шунинг учун Настена бакенчи Матвей бува олдига жўнади. Унинг будкаси қишлоқнинг юқори четидан ярим чақирим наридаги баланд, тик жарликда әди. Матвей бува Иннакентий Ивановичнинг туғишган акаси эди, аммо ака-укаларнинг борди-келдиси унчалик әмасди. Ҳаммага маълум, машҳур Иннакентий Ивановични ҳурмат қилишарди, уни саводи бор эди, сиёсатни турушарди, урушдан олдин у қаёққадир олис-олисларга бир неча марта бориб, нима гаплигини кўриб ҳам келган эди, аммо Матвей бувани исм-шарифини айтиб чақиришга эса ҳеч кимнинг тили бормасди, у шунчалик тўпори, содда, оддий эди, Матвей бува Атамановкадан наридаги Кардадан бошқа ерини кўрмаганди. У колхоздан алоҳида, мустақил яшарди, аммо дала ишлари қизиб кетган пайтда ҳамиша колхозчиларга ёрдамга келарди, айниқса, мужиклар ёқтирмайдиган нўхатни ўриб-йигиши, пичан ўриб, гарам босишни яхши кўрарди.

Настена Матвей буванинг олдига борди, кеча бува Максим Вологжиндан бир кунгинага одам бергин, бакенларни ёзги хизматга тайёрлаб, сувга тушириб, қўяйлик, дёб илтимос қилгани Настенанинг эсига тушиб қолганди.

— Энди бутунлай кучдан қолибман,— деди у.— Бир ўзим эплолмаяман. Сўрамасдан битта-яримтани олиб кетсанг яхши әмас. Ҳозир экиш-тиқини ишларини авжиди. Мен ҳам, худо хоҳласа, ўрим-йигимга қарашиб юборардим. Менда ҳам қолиб кетмасди.

Настена бу гапга эътибор бермаганди, энди бўлса, бирдан эсига келиб қолди: Матвей бувагэ мен қарашиб юборай бўлмаса, дейиши керак экан, шунда бир йўли топилиб қолармиди. Нега дарров эсига шу гап келмади-я? Тўгри, Настена сувда сузишни билмасди, шунинг учун сувда ишлашдан қўрқарди, аммо бир кунгинага амал-тақал қилиб чидаса бўларди-ку, ахир. Ҳозир шундан қўрқиб ўтирадиган пайт эканими?

У будкага кечки пайт, қуёш Ангара ортига, Андреевск қишлоғи жойлашган уфқдаги яланглик нишабига ўтиб кетгандан кейин келди. Ҷарёнинг ярмигача юпقا, билинар-билинмас соя тушиб турарди, аммо у ерда оқим дарёning қуёш нури тушиб турган ярмига қараганда тез,

кучлига ўхшарди. Қуёш нури тушиб турган ерда эса, сув ярақлаб кўзни қамаштиарди, ялт-юлт қилиб ўйнарди, гўё сув чалғиб айланиб, ошиқмаётгандай эди. Балиқлар — жон-жаҳди билан кетма-кет бир неча марта осмонга сакраб, ортларидан сув бетида доиралар ҳосил қилаётган майдаларидан тортиб, то қаердадир олисларда сувни салобат билан ёриб, мамнун шалоплатаётган катталари-гача — қандайдир ўзларича завқланиб, шувиллаб сузуб юрарди. Тик жарлик остида ҳали муз бор эди, ейилиб, четлари ўткир бўлиб қолган, тешилган, ифлос музлар эриб, қум ва тошлар орасида жилдираб оқарди. Соҳилда жонсарак, йўрга, абжир, ингичка думи узун қушчалар учиб юрарди, бу қушчаларни Настена туғилиб-ўсган ерларда синчалак, бу ерда эса жиблажибон дейишарди. Шунингдек, қирғоққа яқин ерларда майда балиқлар гала-гала бўлиб сузуб юрарди, буларни у ерда малёк, бу ерда эса уларни Ангарада учрамайдиган машҳур Байкал омулининг шарафига омулча атар эдилар. Омулчалар Настенанинг қадам товушларини эшитиб, сувни шапир-шупур қилганича ўзларини сув остига урди, улар бир айланиб, пича оқим билан сузди-да, одамни ўтказиб юборгач, яна қирғоққа ошиқди. Настенанинг тепасидан шувиллаб узунқанотлар учиб ўтди, ўткир рутубат нафасни бўғарди; ўз-ўзидан пайдо бўлган тўлқинлар дўхиста чўлпилларди, чунки ҳаво тинч, сокин эди: олислар, Покосний оролининг юқори бурнидан сувнинг шовиллапши эшитиларди. Соя узайиб келарди, унинг ҳаракати кўзга ҳам ташланиб туради. Қуёш ботиши билан ёруғлик бетига ниқоб тортилгандаи бўлди-ю, шабада ҳам тинди. Энди Ангара у соҳилдан тортиб бу соҳилгача тез оқа бошлади; Настена бир қаричлик вақтидан бери сув ёруғ вақтдагига қараганда қоронгида тез, кучли оқади, деб ишониб келарди.

Матвей бува қайиқлар атрофида гимиirlаб юрарди, унинг бакенчи сифатида тўртта қайиги бор эди, буларнинг ҳаммасини ўзи ясаган эди. Бакенлар соҳил тошлопгида сузишга тайёр қилиб қўйилганди, ҳаммаси — учта қизил, иккита оқ бакен янги мойланганидан ярақлаб туради. Настена худди зинага ўхшатиб ўйилиб, тахта ҳоқиб қўйилган поғоналардан пастга тушди ва Матвей бува билан сўрашди, бакенларни астойдил қизиқиб томша қилди.

— Хўш, буважон,— деб дарров сўради у,— Максим сизга ёрдамлашгани кимни берди?

— Кимни берди эмиш-а...— Бува шошилмай қўлини

сувда чайиб олди-да, иштонига артиб, қайиқдан бу ёқса чиқди.— Максим жуда қув йигит, кимни кўндиранг, ўшани олиб кетавер, менинг эса, бунақа ишга одам тайинлашга ҳақим йўқ дейди.— Бува инқиллаб энгашдида, оёғи тагидан бир нимани қидира бошлади.— Пиликни йўқотиб қўйганга ўхшайман,— деб тушунтириди у.— Қара-чи, сенинг кўзинг ўткирроқ. Энли пиликлар йўқ энди, уларни ҳеч ердан топиб бўлмайди. Ҳозирги на қўлимдан ушлаб турувдим-а, қаёққа ғойиб бўлди бу сабил?

Пилик қайиқ ичида, ўриндиқ остидан топилди. Бува уни чўнтағига солиб қўйди.

— Менга иккитасинигина тушириб олишга ёрдамлашишса бўлгани, қолганларини ўзим ҳам эплайман. Шерик бўлмаса, манави иккитасини тушириб бўлмайди. Биттаси орол ёнида, у ернинг суви, худо кўрсатмасин, жуда чатоқ, эплаб бўлмайди. Бошқа биттаси, у ҳам оқ қишлоқнинг нариги ёғидаги тепалик қаршисида, тақир бурунда. Ўтган йили уларнинг қаерда турганини билсанг керак, ахир. Қизилларини эса, бир ўзим ҳам секин эплайвераман. Бориб, битта яримтани авраб олиб келмасам бўлмайди, чоги, йўқса бугун бўлмаса эртага катер келади-ю, текшириб қолади. Бошқаларницидан ёмон бўлиши яхши әмас-да, ахир.

— Мени ола кетинг, буважон. Қўлимдан келганича қарашаман,— деди Настена ва яна бакенларга қараб қўйди, у энди юраги орқага тортиб, энг оғир оқ бакенларни ажратиб олган эди.

— Аммо,— деди бува секингина ва Настенага ишониш-ишонмаслигини билолмай жимиб қолди.— Агар ҳазиллашмаган бўлсанг, нега олиб кетмас әканман. Бошқа кимни ҳам олиб борардим. Сен ростдан ҳам бормоқчимисан?

— Рост, буважон. Аммо кечқурун қайиқни бериб турасиз-да. Оролдан пича тол кесмоқчиман. Ўзимизнинг қайигимиз ҳали ҳам мойланмасдан турибди.

— Э, тол керак бўлса, ўзим ҳам кесиб бераверман — шу ҳам иш бўлтими!

— Йўқ, йўқ, буважон,— Настенанинг капалаги учиб кетди.— Ўзим шошмай кесавераман.— У қўрққанимни чол сезиб қолмасин деб қўшиб қўйди:— Майли, бир гап бўллар...

— Ихтиёргинг. Хўп десанг, кесиб бераман, бунинг нимаси қийин. Худо сени менга қаёқдан етказди-я, қизим?— қошлари, киприклари ўнгигиб, оқариб қолган Мат-

вей бува кутилмаганда иши ўнгидан келиб қолганидан хира кўзларини қисиб, хурсанд бўлганича пишиллади.— Мен бўлсам, энди кимга бориб ялинаман-а, деб бошим қотиб турувдим. Ҳеч ким ўзидан ортмайди. Аммо борадиган бўлсак, вақтлироқ борганимиз маъқул. Тағин ухлаб қолмагин. Ростдан келасанми, алдамайсанми?

— Келаман, буважон, келаман. Кун тифи уриши билан шу ерда бўламан, ундан ҳам барвақтроқ келаман. Аммо сиз тағин Максимга ўзи бораман деди деб юрманг. Бир амаллаб кўндиридим денг. Эртага яна анави ер ҳайдашга сира боргим йўқ, жонимгаям тегиб кетди, сал дам олай.

— Э, ҳа, шунақа де. Ҳа, турган гап, албатта. Нима десанг шу-да.

Настена бутун кунни дарёда ўтказди. Улар тонг сал ёришиши билан йўлга отландилар, ҳаво муздай, салқин, жимжит, мудраётган эди, фақат олисдан ёйилиб оқаётган жойдан сувнинг шовиллашию оқимнинг сезилар-сезилмас чўлп-чўлпи эштиларди, холос. Ангара қоп-қора, қуюқ кўринарди, соҳил жимиirlарди, икки қирғоқ ўртасида сув ёйилиб, худди мойга ұхшаб ярақлаб оқарди. Улар баркасга ұхшаш катта, оғир қайиқда кетишаётганди, аммо қайиқни ҳайдаш, кетидан оғир, бесўнақай бакенини судраш кўп куч талаб қиласарди. Аввалига қайиққа арқон боғлаб юқори оқимга қараб тортиши, кейин Настена парракни бошқара бошлади. Матвей бува эса, қуйруқдаги эшкакни эшиди. Улар қирғоқдан бурилдилар, шундан кейин Настена сувга қарамасликка ҳаракат қилди, у кўзларини оёқлари остига тикканича ҳали замон ўрнидан туришга, бирон иш қилишга, Матвей бувага қарашишга тўғри келишини ўйлашдан қўрқиб ўтиради.

Шу биринчи бакен билан улар анча овора бўлдилар. Улар сузив борар экан, озгина янглишдилару керакли жойга этиб олиш ўрнига пастроқда қолишибди, дарё ўтрасидан оқимга қарши сузив, юқорироққа чиқиб олишга уринишлар эса, ҳеч қандай натижа бермади. Юқорига чиқишдан умидвор бўлиш ҳам кулгили эди, албатта. Бу ерда оқим жуда кучли эди, шовиллаётган сув сачраб, қайиқ четидан ошиб тушаётганди. Матвей бува аҳмоқлик қилгани учун ўзини койиб қаттиқ пушаймон қилди. Улар қайиқни соҳилга, энди яқинроқдаги чап соҳилга қараб ҳайдадилар. Настена ҳаммасидан ҳам ана шу соҳилга этиб олишга ошиқаётганди, аммо бакен билан ҳам, бобо билан ҳам бирга бормоқчи әмасди, албатта. Шундай бўлса ҳам улар соҳилга этиб олгач, Настена би-

рон баҳона топиб қолишга, мени кечга яқин келиб, олиб кетарсизлар, деб Матвей бувани кўндиришга юраги жуда жуда орзиқиб кетди, шунда манави лаънати бакенни ҳам bemalol ўрнатишарди. Лекин Настена бундай қилиш мумкин эмаслигини биларди. Улар нафасларини ростлағач, яна юқорига қараб суздилар, аммо бу сафар анча юқорига суздилар-да, орқага қайтдилар, йўл-йўлакай олд томонга тутиб турадиган лангар тош ташлаши, шусабабдан дам-бадам уни оқиздириб кетиши учун силташга тўғри келарди. Настенанинг қиладиган иши эшқак эшишу буванинг буйруғига мувофиқ қайиқни бошқариб боришдан иборат эди. Бакенни кўнгилдагидек ўрнатишгач, Матвей бува енгил нафас олди ва чекди.

— Энг оғири мана шуниси,— деб тан олди бува.— Буни ёқишиш ва ўчириш учун ҳаммасидан олдин сузид келаман. Кўрдингми, сув қандай қутуриб оқяпти. Ўзиям бир сўрса, сира тутиб бўлмайди.

Чиндан ҳам иккинчи бакенни осонгина ўрнатишди. Настена уччинчисини ҳам ўрнатишга рози эди, ҳали вақт бор эди, аммо бува унамасдан унга жавоб берди.

— Бўлди. Иккитасига келишиб олувдик,— деди ичиди иккита бакен ўрнатилганидан хурсанд бўлган қария хушчақчақлик билан.— Анавиларидан бўлса-ку, ташвиш тортмасам бўлаверади. Мен ўзим уларни эртага секин олиб бориб ўрнатавераман. Энди борадиган ерингга боравер, ҳали вақт бор. Элтиб қўяйми ё ўзинг борасанми?

— Ўзим боравераман, буважон, ўзим.

— Ундей бўлса, ихтиёринг.

Матвей бува унга енгил, чаққон шитикни<sup>1</sup> тайинлади, аммо Настена ўша қайиқда қолди: у кун бўйи шу қайиқка ўрганиб қолганидан энди камроқ қўрқарди. Ихчам, енгил, сал тўлқин ва шабадага ҳам лопиллайверадиган шитикда бориши қўрқинчлироқ эди: ногаҳон ер багирлаб эсадиган шамол туриб қолса ёки бирон бошқа фалокат рўй бериб қолса, тамом-да, гумдан бўлади. Тез борган жойга секин борса ҳам бўлади. Инсон ётган ўрнида ҳам, юриб кетаётганида ҳам тасодифан, қувиб келган ажалдан ўлиб қолиши мумкин, лекин албатта, ерда, оғинг остида мустаҳкам замин бўлганида, ўпканг билан нафас олиб турганда жон беришинг керак. Настена фақат бир марта, урушдан анча олдин, сувга чўкиб ўлган одамии кўрган эди. Шу-шу ўша воқеа эсига тушса, аъзойи бадани живирлашиб кетарди.

<sup>1</sup> Кичик дарё кемачаси (тарж. изоҳи).

Настена бобони будка олдида туширди-да, чойга ҳам қарамасдан Ангарадан ўтиш ҳаракатига тушди. У энди бир ўзи қолгач, ниҳоят, турли гаплар гапириб (аслида битта ҳам тўғриси бўлмасди) деярли икки ой жудоликда яшагандан сўнг Андрей билан дийдор кўришиш онлари яқинлашгач, тараддуланиб қолди, шу лаҳзани киши билмас чўзиш, ҳаммасини аввал қандай бўлса, шу ҳолича қолдириш истаги туғилди. Ҳозир у Андрейга нима дейди? Уруш тугади, қицилоққа яна битта фронтовик, собиқ партизан, камган, ёши ўтиб қолган, олдинига отлиқ аскарликка олинган ва бутун уруш давомида от ёндан жилмаган — аравакаш бўлиб хизмат қилган Лука Смолин келди, дейди-да. Михеич бундан уч кун аввал Андрейнинг қисматини сўраб, қидирув бўлимига хат ёзишга Настенани мажбур қилган эди, Михеичнинг ўзи у хатни почтальонга берганди. Семёновна ҳозир анча яхши, ҳатто қўлтиқтаёқсиз юрадиган бўлиб қолганди, ким билсин, ҳаволар исиб кетгани ёрдам бердимикин? Кампирнинг ўзи юриши яхши, албатта, аммо Настена кампирнинг юриб кетишида қандайдир бир бошқача, ноҳуш аләмат борлигини сезаётгандай эди. Тағин нима? Қорни... Қорнини Андрейнинг ўзи ҳам кўради. Ҳа, айтгандай, яқинда ҳарқалай юрак бетлаб соатни Иннакентий Ивановичга сотди, турган гап, арzon-гаровга сотди, Иннакентий Иванович қанча берган бўлса, Настена ҳаммасини облигацияга тўлади: тўлов муддати келган эди, ундан қочиб қутулиб бўларканми.

Хўш, Андрей бу гапларга нима деркин-а? Унга ўзи нима дейди? Настена уни кўради-ю, учрашмай юрган пайтларида Андрейнинг ҳоли не кечганини, ичиди нималарни ўйлаб юрганини — ҳаммасини гап-сўзсиз шундоқ ҳам тушуниб олаверади. Энди бу аҳвол узоққа чўзилиши мумкин эмас, ниманидир ҳал қилиш, бирон ердан бош суҳадиган жой топиш керак. Ҳўш, қандай, қаердан?.. Яқин қолди, одамларми, худоми ёки ўзими, бир ёқли қиладиган кун яқин қолди, аммо шу кун яқин. Бу ёруг оламда ҳеч бир иш шундоқ қолиб кетмайди.

Қуёш ҳали тиккада бўлса ҳам, аммо сув анча салқин эди, шимолдан шабада эсади. Настена доимо ёзда шамол қанақа қилиб оқимга қарши эсаркан, деб ҳайрон бўларди, хаёлида, кенг ёйилиб оқаётган сув қудратли ҳаракати билан ҳавони ҳам ўз кетидан эргаштириши керак эди.

Настена шошилмай эшкак эшарди, оғир кураклар бир кундаёқ одатланмаган кишига кор қилди: унинг қўл-

лари ловилларди, бир хилдаги узлуксиз ҳаракатдан елкалари қотиб қолиб, сирқирар, жимиirlар эди. Қулоғига сувнинг шовиллаши ёқимли урилар, гўё чалингай кичик қўнгироқчаларнинг тиниб бораётган майин, оҳанрабо жингилашига ўхшарди. Иккинчи овоз оғир эди, ғижирловчи бу кучли овоз ичдан сувни сураётган кураклардан чиқаётган эди. Дарё ўртасида эса, узоқ-узоқ ерларгача ҳамма нарса худди кафтдагидек кўриниб турарди, уйлар, ўрмон, осмон, адирлардаги экинзорлар, соҳил — ҳаммаси чайқалиб, сузиб ўтиб кетарди, уларнинг ҳаммаси омонатга, ҳаммасининг ости ўпирилиб, дарё қаърига кириб кетадиганга ўхшарди. Ангаранинг баланд мовий осмонида кичик бир нуқта сингари қарчигай парвоз қилар ва нимагадир тикилиб, нимагадир жазм этарди. Шунинг учун Настена умрида биринчи марта негадир бу йиртқич қушга ачииди: қуш ҳам осонлик билан овқат топиб емайди, ахир. Настена, умуман, кейинги пайтларда бирон нимани — инсонни ҳам, ҳайвонни ҳам, қушни ҳам қоралашга ҳаққи йўқдек ҳис этарди ўзини, ахир ҳар жонивор ўз кунини ўзи кўради, кўради-ку лекин зинҳор-базинҳор ўз ҳаётини ўзгартиришга қодир эмасди.

Настена оролнинг қуий соҳилини ёқалаб, бошқа томондан, қишлоққа кўринмайдиган томондан яна юқорига сузиб борди-да, ниҳоят қайиқ тумшуғини қирғоққа тиради. Энди ирмоқдан ўтиш қолганди, холос, бу эса, сузиб келган йўлига қараганда уч ҳисса кам эди. У тўхтади, аммо унинг тўхтани ҳоргинликдан эмасди. Настенанинг вуқудини бир нарса — руҳий тушкунлик қамраб олаётганди. Настена ўй-хаёллари ҳам, ҳис-туйгулари ҳам арапаш-қуралаш бўлиб кетганини сезарди, шу сабабдан у ҳозир бир Андрейни кўришдан қувонса, бир бу учрашувдан, зулматдай қоронги бўлган келажагига нигоҳ ташлашдан қўрқарди. У сал ўзини қўлга олиб, эпақага келиши, шундан кейингина у ёғига бориши керак эди. Настена шуурсизлик билан сувга тикилиб ўтиаркан, зўр-зўраки жилмайди, шу жилмайиш билан бирга безовта қўнглига тасалли худди қуюқ мойдай қўйилиб келиши керак эди. Аммо у истаган тасалли қўйилиб келмади, наидо бўлмади, шунинг учун унинг безовталиги босилмади. Настена энди жилмайиб эмас, балки афти бужмайиб, Иннакентий Ивановичга соатни қандай сотганини эслаб ўтиарди. Бошқа ҳар қандай нарса унга таскин берини мумкин эди-ю, аммо бу хотира уни сира овунтира олмасди.

Иннакентий Иванович соатни қўлида узоқ айлантириб кўрди, қўзига тутди, қўзига яқин олиб келиб қаради, Настенага синчковлик билан тикилди. Кўринишдан соат унга ёқсанга ўхшарди, аммо Иннакентий Ивановични соатни сотиб олиш истагидан кўра кўпроқ соатнинг сир-асорини билиш, унинг қандай қилиб, кимлар орқали бу ерга келиб қолганини аниқлаш истаги қийнаётган эди. У бирон нимани билдирадиган, равшанлаштирадиган бирон из-ёзуми ёки белги қолганмикин, шуни яхшироқ кўриш мақсадида кўзига яқин олиб келган эди. Аммо йўқ, ҳеч қандай из қолмабди. У ҳовлишиб қолганини яшириш учун бирпас индамай турди, ўзи ҳам кутди, Настенани ҳам интизор қилди ва ниҳоят, гўё шунчаки, йўлига сўради:

— Бу сенга қаёқдан келиб қолди? Нима, Андрей юбордими?

Жавобини Настена олдиндан тайёрлаб қўйганди, шуннинг учун ҳам у Иннакентий Иванович билан бекинмачоқ ўйнаётгандай деди:

— Қаёқда Андрей... Мен унга, Андрейга деб ўтган йили Кардада сотиб олгандим. Мана, энди сотишга тўғри келяпти. Облигацияяга тўлайдиган ҳеч вақо йўқ. Келса, ўзи топиб олар. Олганимгаям юз пушаймон бўлдим ўзим ҳам.

— Ҳай, қанчага олувдинг?

— Икки мингга.

Настена унга, худди Михеичга айтганидек, бу соатни милтиққа алмаштирдим дейишга қўрқар эди: бунга ипнинг учини кўрсатиб қўйсанг бас, ҳаммасини чуватиб олади.

— Э, йўқ, менда бунақа пул нима қилади,— деб бошини чайқади Иннакентий Иванович.— Вой, сени қара-ю, тагин нуқул ўзларингни камбағалликка соласизлар. Икки минг-а! Шунча пулни топиб, худди икки сўм бергандай берибсан-қўйибсан-а. Кардада буни сенга ким сотди?

— Мен у одамни ўзи ҳам тузуккина билмайман. Бир ҳарбий одам эди шекилли, шинелда эди. Соат менга жуда ёқиб қолди, маҳкам ёпишиб олдим, кофтамни, шол рўмолимни сотдим, пул тўпладим,— деди ёлғон гапириб таваккалига Настена ва пинагини бузмай Иннакентий Ивановичнинг юзига қаради.— Ҳозир бўлса олармидим буни?

— Менда икки минг йўқ. Сенга ўхшагац бадавлат эмасман.— Иннакентий Иванович чамалаб ўзини гўл-

ликка солди ва боягидай дикқат билан Настенани кузатди.— Мингни, эҳтимол, бир амаллаб топарман, аммо бошқасига кучим етмайди.

Настена ўйланниб, хўрсиниб қўйди:

— Хайр, майли, минг бера қолинг. Ҳозир буни кимгаам сотардим бу ерда? Кардага бориб-келишга бир кун, бир кун ҳам гапми: икки кун кетади. Ҳозир бунаقا ишга қўл тегармиди.

Иннакентий Иванович минг сўм санаб берди, лекин у Настенага ишонмади, ишонмаганини Настена ҳам кўрди. Унинг олдига бормаслик керак эди, аммо бундан бошиқа кимнинг ҳам олдига борарди: Атамановкада фақат шунда пул бор эди. Бундан ташқари нимадир изм-ихтиёрига бўйсунмай, Настенани фақат ўшанинг олдига боришига қистаб турарди. Иннакентий Иванович ўзгалар изини искашни, дуч-келган нарса тўғрисида бошқаларга қараганде кўпроқ, олдинроқ билишни жуда яхши кўрарди: мана, керак бўлса, ол, исказвер, ҳиди анқиб турган бу луқмани ўзим сенга беряпман. Ўша узун бурнинг билан хоҳлаганингча ҳиддайвер, ҳадемай, яна бир далил топиб бераман — қўрқмайман.

Аммо қўрқиш керак эди: Настена фаришта бўлтими. Бинобарин, унинг қилаётган ҳар бир иши кўнгилдагидек чиқмаётган эди.

## 18

Андрейнинг ҳозир юқори қишловда бўлиши Настенанинг эсидан, чиқмаган эди, аммо у қайиқни нима қилишини билмасди: ё пастга тушиб, уни анҳорчага яшириб қўйиши, ё орол қаршисидаги қирғоқ остида қолдириши керак эди. Нариги томондан кўринмайди, бу томондан эса борди-ю, битта-яримта келиб қолса, барибир яшириб бўлмайди. Шунинг учун яширмагани ҳам маъқул. Ангаранинг бу томонига ўтишига баҳона кам дейсизми! Тўкиш учун қайнотасига хивич кесиб боради, вассалом. Тол хивичлари эса, бу ерда мўл-кўл. Бир куни Михеич ҳам оролга бориб новда кесиб келинса, ёмон бўлмасди, деб айтганди, тўғри, у оролга деганди, соҳилга эмас, аммо ҳар икки жойнинг узоқ-яқинлиги деярли бир хил эди. Михеичга оролдан хивич кесдим дейди, у ажабланади-ю, аммо бир нима деб эътиroz билдира олмайди: ҳа, тўғри-да, ўзи айтганди, Настена эса, шу ишни қилибди. Агар Настена кўнгилдаги ишни қилиб борса, у нима деб ҳам эътиroz билдирарди — Настенага, назарида, қаерга

борса, ҳатто овлоқ ерларда ҳам, одамлар ишонмаётган дай, замдан разм солаётгандай туюларди.

Аммо бу сафар уни кузатишаётган экан. Настена сузуб келиб, қайиқ тумшуғини қуруқликка тортиб чиқаргач, атрофга бирров кўз югуртириб, пастгина қирғоққа чиқа бошлиши билан ўнг тарафда сув устига гуж бўлиб осилиб турган буталар орасидан бир киши чиқиб келди. Настена унинг ҳандай чиқиб келганини пайқамади, фаят орқа томонда шагалнинг гижирлаганини эшитиб, чўчиб орқасига ўгирилди-да, қайиқ устига энгашганича кучаниб, уни тошлоққа силжитаётган кишини кўрди. Настена қичқириб юборди.

— Қайиқни нега шу аҳволда қолдирасан? Ахир, сув олиб кетади-ку,— деди у ва хиёл энгashiб, Настена томонга қараб юрди.

Бу Андрей эди. Қўрқув ва қувончдан ўтакаси ёрилган Настена дағ-дағ титраб, оҳ-воҳ қилиб унга отилди, аммо Андрей уни қучоқлагани қўймади-да, тезроқ буталар орқасига олиб ўтди, бу ер Ангарадан кўринмас эди, буталар ортига ўтгач, унинг ўзи Настенани қаттиқ қисиб қулоқлади, оғир-оғир нафас олиб, юзига тикилди.

— Бугун келишингни билгандим, эрталаб билгандим,— у шунчалик яқиндан қўриб тургани учун кўзларини қисиб қарап ва ҳансираф гўлдирап эди.— Эрталаб ирмоқда одамларнинг овозини эшитдим, сенинг овозингни танидим. Келишингни пайқадим. Шунинг учун куни билан пойлаб ўтиредим. Кейин қарасам, сузуб келяпсан.

У Настенани яна ҳам маҳкамроқ бағрига босди.

— Секинроқ, айиқполвон,— деб Настена ундан ўзини тортди ва қоринни олдинга чиқарди.— Эзиб қўясан. Нима, кўрмаяпсанми?

— Борми?— Қисқа қилиб сўради Андрей бў хушхабардан маст бўлиб.

— Нима, бўтқа билан шишиб кетган деяпсанми мени?

Кулишни ҳам унута бошлаган Андрей ўҳҳўлаб узуқюлуқ, беёҳшов кулди ва қориннинг таранглигини текшириб, уни куракдай келадиган кенг кафти билан оҳиста сийпалади. Унинг сийпалавиши Настенага хуш ёқарди, у эркаланиб, чуқур тин олди.

— Ҳали ҳеч нима маълум эмас-ку,— деди Андрей.

— Маълум эмасмиш-а...

У Андрейнинг кафтини бола нимаси биландир тиранниб, дўппая бошлаган жойга олиб бориб қўйди.

— Маълумми?

— Бир нима борга ўхшайди.

— Ўқшайди эмиш... Ўзинг ўхшайсан. Бор бўлганда қандоқ. Мен аниқ биламан: бу ўғил.

— Биламан эмиш,— деди Андрей ҳиҳилаб.— Сен қаёдан биласан?

— Гаров ўйнаймизми, қиз эмас, ўғил бу!

— Аввал буни туғиб ол.

— Тугаман ҳам. Нега тугмас эканман? Ҳали ҳеч кимнинг боласи ичидан қолиб кетгани йўқ.— Бу сўзлари Настенанинг ўзига ҳам қизиқ туюлиб, кулиб юборди.

Аммо у Андреяга яхшилаб зеҳн солар экан, ҳовуридан тушди-қолди ва кутилмаганда тез, белгиланган муддатдан олдин дийдор кўришишдан қувониб, ҳайконланиши босила бошлади. Андрейнинг юзи жуда чўзилиб, фақат бурни қолибди, ёноқларининг халта бўлиб қолгани ҳатто соқоллари орасида ҳам кўриниб турарди. Кўзлари киртайиб, косаси ичидан дард-алам билан тикиларди. Соқоли ҳам энди қора эмас, балки иркит, мош-гуруч бўлиб, чигаллашиб кетганидан баттар хунук кўринарди. У бoshини ҳам сал энгашиб, худди доимо рўпарасига қараб ёки бир нимага қулоқ солиб тургандек, олдинга чўзид турарди. Ҳа, худди шунаقا эди. Сочини яқинда олибди, тийпасланиб олганидан сочи тутам-тутам бўлиб, нотекис осилиб қолганди. Кўзларини айтинг, ҳаммасидан ҳам кўпроқ Настенани қўрқитаётгани ана шу кўзлар эди: ўша охирги марта учрашганларидан бери бу кўзлар шунчалик ўзгариб, ғам-гуссадан қаърига тортиб кетган эдик, улардан сергакликдан бошقا ҳеч қандай маънони уқиб бўлмасди... Андрей Настенанинг юз азоб-уқубат билан қараб турганини пайқади-да, титраб кетди:

— Нима, ёқмаяпманми?

— Андрей...— Настена жавоб бермаслик мақсадида бошини унинг кўксига қўйди ва ўзи энг муҳим деб ўйлаган гапини бўғилиб, пичирлаб айтди:— Андрей, ҳали хабаринг йўқ: уруш тугади.

— Биламан,— деди у хотиржамлик билан.

Настена ўзини орқага ташлади:

— Қаёдан биласан? Ким айтди?

— Салютларингни эшитдим.

— Ҳа-а, ўқ отишганди... тўғри.

— Энди кўзим билан қулогим шунаقا бўлиб қолган... у-зоқ-дан кўраман, у-зоқ-дан эшитаман.— У ё гапни чалгитмоқчи бўлди, ё чиндан ҳам мақтангиси келди.— Ўзимга-ўзимнинг ҳавасим келади. Эрталаб сизлар ҳали катта Ангарада эшкак эшадигандага ёки сузид

келаётганингни билганман. Тағин ҳу аnavи ердан, тоғдан, қишлоғдан эшитдим. Ирмоққа чиққанларингдан кейин сени танидим.

— Мен бўлсам, сенга тишга босгулик деярли ҳеч нима олиб келмадим ҳам,— деди Настена бошқа нарса тўғрисида ўйларкан, секин, бегонасираб,— озгина нону тухум олиб келдим, холос. Сезиб қолиши масин деб қўрқдим.

— Менга ҳеч нима керак эмас, энди очдан ўлмайман, тайга боқаверади. Менга чивиндан сақлайдиган тўр бўлса бас, Настена. Ҳадемай чивинлар ғужғон ўйнайди. Тўр бўлмаса, мени еб қўяди.

— Тўр... Рост-а, келиб-келиб тўрни эсимдан чиқарганимни айтмайсанми?

— Янаги сафар олиб келарсан.

— Олиб келаман...

Настена энди тўрни қаёқдан топсам бўларкин, деб ўйлай бошлади. Унинг, Андрейнинг от думидан қилингани эски тўри аллақачон титилиб кетганди, уйда ортиқчиаси йўқ эди. Қаердан бўлса ҳам топиш керак: чивинлар йиртқич ҳайвонлардан ҳам баттар, у эса бу ерда бир ўзи, чивинларнинг ҳаммаси шунга ёширилади.

Улар ҳамон бўйлари баравар келадиган, барг ёза бошлаган ёш қайин ниҳоллари ёнида, бир-бири билан бақамти тик оёқда туришарди. Қайинларнинг пиндиқ ёриб чиққан найчасимон барглари ёзила бошлаганди, аммо улар ҳали кичик, буришиқлари чуқур бўлиб, қуёшда оқишиб товланарди.

Қайин ниҳоллари орасидан Ангара кўринарди. Қишлиқни орол тўсисб турарди; қуёш оғиб, у ерга қия нур сочарди. Бу ерда соҳил кенг, чиройли эди — одам кўзидан пана, кимсасиз, сув томон хиёл нишаблиги бор жимжит майсазорларнинг у ер-бу ерида шумуртлар, қайинлар тарвақайлаб ўсиб ётарди. Ўтлар ичида елкаси бурундуқларни кига ўхшаган йўл-йўл, бўйни узун қандайдир майда қушчалар чуғурламасдан пир-пир этиб, учиб-қўниб юрарди. Фақат олисда, аммо шу қирғоқнинг қаериладир какку анчадан бери бир зайлда «кук-ку, кук-ку» деб сайрарди. Настена ҳали сувда сузиг келаётганидаётк каккунинг сайрашини санамоқчи ҳам бўлди, аммо қўрқди, мана, энди унинг сайраши икки юзтага этиб қолди, истасанг, шунча йил яшайвер<sup>1</sup>.

<sup>1</sup> Русларда какку неча марта сайраса одам шунча йил умр кўради деган ақида бор. Бу ерда шунга ишора қилинганипти (Ред. изоҳи).

— Хўш, энди қишлоғга борамизми йўқми? — деб сўради Андрей негадир атрофга аланглаб.

— Анча олис-да,— деди Настена тугилиб.— Қайиқни қолдириб кетсам, битта-яримта ҳайдаб кетиб қоладими.

— Бу ерда ким ҳам...

Настена қайиқнинг олдига тушиб, унинг тумшугидан озиқ-овқат ўралган тугунчасини олди. Лекин улар ҳар-қалай қишлоғга бормадилар; шу ерда ўтириш учун жой қидирдилар, улар ўрмоннинг ҳилват яланглигига ётган гўлага дуч келдилар, гўла суяқ сингари оппоқ бўлиб, тарам-тарам ёрилган, аммо қаттиқ эди. Улар шу гўлага ўтиридилар. Настена тугунчани Андрейга берди; Андрей қаергадир олисга қараб, тугунчани ечди, аммо ионни кўрди-ю, ўзини тутиб туролмай нонга ёпишди. Настена унинг очкўзлик билан ион ейишига қарамасликка ҳаракат қиласади, шунинг учун у сирғаниб, гўладан ерга тушди ва қайиқда қотиб қолган сёқларини бемалол узатди, аммо у дам-бадам бошини кўтариб, зимдан Андрейга кўз қирини ташларди, у Андрейдан ҳам, унинг оч қолганидан ҳам ҳайратланиб, ҳанг-манг бўлаётгани йўқ эди, у ҳозир соқолига илашган ион увоқларини териб оғзига солаётган ана шу жулдуровоқи, өзиб-тўзиб кетган кимсани деб тунларни бедор ўтказганига, кучи борича унга талпинганига ҳайрон бўлаётган эди. Ё раббий, инсон туйғуси ҳам шўнчалик инжиқ, муросасиз бўладими! Қаранг, у нақадар талабчан, нақадар ўзгарувчан! Ҳали Настена мана шуни деб, шу одамни деб сузуб келдими, шуни деб изтироб чекдими, гаҳ деса қўлига қўндирадиган қилиб олган одам шуми ҳали? Ишониб бўлмайди. Настена хаёлларини жиловлади. Андрей ҳам фронтдан келиб, уни биринчи марта кўрганда: мен кимни деб қочиб келдим, кимни деб шу номаъқулчиликни қилдим, деб сўрамаганимкин? Ахир, Ангарадан эмас, ундан даҳшатлироқ нарсалардан кечиб ўтишга тўғри келди-ку. Настенанинг юраги бедаво қайғу-ҳасратдан сиқиларди: инсон ўзи тўғрисида ҳеч нима билмайди. Шунинг учун у ўзига-ўзи ишонмайди, ўзидан-ўзи қўрқади.

Какку эса, овозини ўзгартирмай, дарахтлар, дарё, тошлар, сизларга қанча умр керак? — деб бир зайлда сайрагани-сайраган эди. Оролга бош уриб оқаётган сув шовилларди: анча пастлаган қуёшнинг ён томондан тушаётган нурида дарахтларда эрта баҳордаги ўргимчак иллари йилтириарди. Кўкаламзорлар, яшил лиbosга ўранган дарахтлар кўзларни хумор қилиб сузилтириарди, нам, ўткир ҳидлар гўпиллаб димоққа уриларди. Тепадан ялангликка

капалак учиб тушди ва қалин буталарга урилиб, анчагача учиб чиқиб кетолмади. Аммо шоҳлар орасидан Ангара, ҳатто соҳилдаги қайиқ қўйруғи ҳам яққол кўриниб турарди, шунинг учун Настена тез-тез ўша ёққа қараб қараб қўярди, у қайиқдан хавотир олиб әмас, умуман нимадандир қўрқиб, қандайдир муқаррар бир нимани кутиб қарап эди!

Андрей овқатланиб бўлди, шунинг учун Настена гап чалғиб кетмасин, деб дарров сўради:

— Уруш-ку тугади, энди нима қиласиз, а, Андрей?

— Билмасам,— деди у елкасини қисиб, бундан Настенаники жуда тутиб кетди, унинг назарида, Андрей «билмасам»ни жуда хотиржамлик билан айтгандай, у бирон нимани билишни истамаётгандай туюлди.

— Хўш, биз билмасак, ким билади? Ахир бирон нима қилиш керак-да, Андрей.

— Хўш, мени нима қил демоқчисан ўзи?

— Нега мен унаقا дерканман... Мен әмас... Аммо... ё ҳеч нима қилмайликми, ёки бирон йўли борми? Айтда, ахир.

У Настенага ўгирилди ва бирпас жим тургач, оғзига келганини қайтармай, дабдурустдан деди:

— Нима қилиш керак дейсанми? Сен туғишинг керак — сенинг қиладиган ишинг ана шу. Ўлсанг ҳам туққин, бизнинг ҳаётимиз, биздан қоладигани ана шу. Сенинг ихтиёринг ўзингда, аммо билиб қўй, сен туғишинг керак. Ана шунинг ғамида бўл.— У гапни дабдурустдан, ҳатто бир оз кескин бошлади, лекин овози бўғилиб қолди, Настена, умуман, унинг овози тез-тез ўзгариб туришини — ёки доимо бир ўзи индамай юраверганиданми, ёки бошқа бир сабабданми, гоҳ керагидан ортиқ қаҳрли, гоҳ шу ондаёқ худди йиглаётганга ўхаш аянчли бўлиб қолишини пайқади. Андрей йўталиб бўлиб, давом этди:— Хўш, мен-чи? Мен нима қилардим? Билсам-бильмасам, сен эрим ўша ёқларда юрганида жин ҳам урмасди, деб хўп ўйлагансан. Йўқ дема, ўйлагансан, биламан. Ўзим ҳам шундай деб ўйлайман. Мана энди, уруш тугагандан кейин ўйлаб ҳайрон қоласан, киши. Ростдан ҳам ҳеч бало урмасмиди, омон қолиб қайтиб келармидим.— У Настенага энгашиб, юзини яқин олиб келди, кўзларини одатдагидан кўпроқ қисиб, яшириб, ваҳимали, бўғиқ овозда хириллаб пичирлади:— Борди-ю, бирон кор-ҳол бўлганида, сен билан ҳозир мана шунача ўтирамидим? Ҳеч ким айттолмайди. Мана, мен эса, ёнингда ўтирибман. Шунинг учун мендан ҳеч нимани сўрама, мени бирон ишга ундама. Қўй

тимдан фақат бир иш келади.— У қаддини ростлаб, қўлини силтади.— Шошма, ганимни бўлма. Биламан, сенга инонаман. Ҳў ўшандаги сенга ёзгача дегандим. Мана ўша ёз ҳам келди. Ҳали яқингинада эди, олдимга қор-чапқинда келувдинг, бугун бўлса, мана, сувдан келдинг. Ӯлим, Настена, бу буюм эмас, бари бир пешонангда боридан қоччиб қутулолмайсан. Мана шу ердаги тўрт ой менга қирқ йилдай ўтди, устига яна ўзимнинг ўттиз ёшим. Мен сенга айтипман, ўлим бу буюм эмас, аммо мен умрим беҳуда ўтмаганини билишим керак. Мен ҳали сенга керак бўлишимга, сенинг бу ерга мени деб эмас, ўзингни деб келишингга жуда-жуда ишонгим келади. Кўнглиминг чигалини ёзай дейсан.

— Мен ҳозир ҳам кимни деб келганимни билмайман,— деб тан олди Настена.

— Ҳеч нарсага парво қилма, ҳаммасини олдингдан олиб орқангга ташла-ю, туғавер. Ягона нажотимиз—бала. Бу ишимга сен ҳам анча-мунча аралашиб қолдинг. Аммо—сен виждонли, шунинг учун безовта бўляпсан. Туғсанг—енгил тортасан. Бала сени мусибатдан сақлаб қолади. Бу ёргу оламда боламиз юваб кета олмайдиган гуноҳ бормикин ўзи? Бунақа гуноҳ йўқ, Настена. Шуни билиб қўй. Ҳозирлик кўр, деб айтиш учун сени кутдим, ҳар соатда кутдим. Юрагингни тош қил-у, ҳеч нарса кўрмагандай, билмагандай юравер, одамлар нима дейишса деяверишин. Биламан, бош кўтариб юришинг қийин... аммо чида, Настена. Аммо болангга зиён-захмат етказма. Жуда тўлиб кетсанг, физиллаб кел, келавер. Ҳамиша кўзим йўлингда. Мен сени деб яшайман, бу ерда бошқа қиласиган ишми йўқ. Агар жуда тинкангни қуритадиган бўлишса — ҳаммасини ўлдираман, ҳаммасига ўт қўяман, туққан онами ҳам аямайман...

У титраб-қақшаб, бежо кўзларини Ангаранинг нариги томонига тикар экан, бошини ىчига тортди.

— Андрей! Андрей!— Настена қўрқиб кетди.

У паришонлик билан Настенага қаради ва симиллаб бўгувчи ғазабидан тушиб, сал ўзига келди-да, анчагача миқ этмай ўтириди. Настена ҳам нима дейишини билмасди. У ўзи эмасу бошқа бировга ўхшаб новда кесгани келганини, аммо кесишга ҳеч нимаси йўқлигини тўсатдан заҳархандалик билан эслади: на пичоқ олиби, на болта. Йўқ, уларнинг ҳар бири елкасида қўл-оёқли одамлардан биттадан эмас, бир нечтадан ўтириби, шунинг учун бу одамлар уни турли томонга қараб тортишади, то гўрга әлтиб тиқмагунча бурда-бурда қилиб юбориша-

ди. Бу бечора бўлса, гўё ўз кўнглини салгина силган-дай, яна одамнинг оласи ичиди-я.

Настена тагидан совуқ ўта бошлади, шунинг учун у ўрнидан туриб, ғўлага ўтириди. Андрей унга яқинроқ сурилди, аммо Настена кутганидай уни қучоқламади, балки олдинга хиёл эгилиб-эгилиб тебрана бошлади. Офтоб ялангликдан кетиб, дарёга етиб қолганди. Қайиқ қўйругида синчалак думини ликиллатиб, сакрарди — у учиди кетиб кўздан фойиб бўлди-ю, яна шу заҳоти қайтиб келиб, бўйинини чўзиб, тез-тез сувга қарай бошлади. Шарқда, кунчиқар томонда оппоқ момик булутлар пайдо бўлди, шунинг учун Настена ҳаво айниб қолмасайди, деб ташвишга тушди.

— Балки Ленага бориб келарман,— деди ногаҳон Андрей.

— Ленага? — ҳайрон бўлди Настена.— Нега?

— Ўша ерда бирга жанг қилган бир ошнам бор, Коля Тихонов.— У худди томоғига бир нима тиқилган-дек қалқиб кетди-да, такрорлади:—Коля Тихонов. Тўғри, биз бошқа-бошқа взводда эдик: мен биринчида, у учинчида. Взводлар эса, разведкага навбатма-навбат борарди. Аҳён-аҳён учрашиб қолардик. Фурсат топилди де-гунча, ҳаммамиз бирга бўлардик. У пайтда у ҳали бўйдоқ эди... Ундан яхши мужик чиқарди. Хушфеъл, содда йигит эди. Уддабурро, қўлидан келмаган иш йўқ. Кийиб турган кийимини ҳам, еб турган нонини ҳам аямасди. Юзидаги чандиги ўзига ярашарди, кулдиргичга ўхшарди. Ешлигига муштлашганда биттаси паншаха санчган экан. Биз ўша билан биттамиз ўлсак, омон қолганимиз бориб айтамиз, деб келишиб қўйгандик. У Ленадан, мен Ангарадан— ҳамюртмиз, орамиз олис эмас. У сал ғалатироқ эди. Мен унга икковимизни ҳам ўлдиришса-чи; кейин нима бўлади, десам, у менга икковимизни ўлдиришолмайди, бундай бўлиши учун Ангара билан Ленанинг суви қўшилиб кетиши керак, деганди.— Андрей бир ҳиҳилаб қўйди-ю, чўзиб, узоқ тин олди.— Мен билағонлик қилиб, унга айтсанг-айтмасанг денгизга қўйилиб қўшилиб кетади дедим. У бўлса денгиз — бу ўлим, дейди. Дарёлар ўз ўзанидан оқиб тургандагина мавжуд бўлади, денгизга қўйилдими — тамом, ўлди деявер. Ўлгандан кейин биз ҳам бирлашиб кетамиз деганди. Бир куни тонгга яқин «қидирув»дан қайтиб келсак, менга Колянинг ўлигини олиб келишди, деб айтишди. Бориб шуни айтсаммикин деяпман-да,— деб тўхтамасдан гапида давом этди.— Қаерга кўмилганини биламан, эсим-

да бор, ўзим кўмганман. Ваъдага вафо қилиш керак-да...

— Қанақа қилиб борасан? --- оҳиста сўради Настена.

— Узимни олисдан келган одам қилиб кўрсатаман. Унинг қишлоғи кичкинагина. Бирпас ўтираману гаплашиб, қайтиб келаман. Кўмганимизда йиғламадим, у ерда бунақа одат йўқ. Яқинда эсимга тушиб қолди, шунда кўз ёши қилдим. Ахир, юрагим тош эмас-ку, Настена. Агар тош бўлса, яхшироқ бўларди, ҳеч ниманинг қайғусини қилмасдим. Ўйлайвериб-ўйлайвериб жинни бўлиб кетасан, миянгта келган фикрлар бир-биридан баттар... Узиб олади, ҳа, узиб олади... Баъзан борайину таслим бўлай деб ўйлаб қоламан, қилмишингга ярашасини олавер, қанча кўп бўлса, шунча яхши. Қилғилиқни қилдингми — жазонгни е! Узимга-ўзим қўйл кўтаргандан кўра, тиқиб қўйишгани ҳам дуруст, кимга шу иш топширилса, ўша унимни ўчиради қўяди. Улар ҳам тинч, мен ҳам.— Настена бирон сўзни эшитмай қолмасликка ҳаракат қилиб, қотиб қолди, аммо Андрей шартта бошини кўтарди-да, қаттиқ-қаттиқ чайқади.— Йўқ, бормайман. Мен ўзимдан қўрқаётганим йўқ, ўзимга қолса-ку, кўксимни жон-жон деб ўққа тутардим-а. У ерда лоақал кўмишади-ку, бу ерда эса, кўмадиган одамнинг ўзи йўқ. Сизларни иснодга қўйишни истамайман. Агар боланинг мендан бўлганини билишса, сени тириклайн ейишади. Мени қўявер, менинг йўригим бошқа, хўш, сенинг эса нима гуноҳинг бор? Мана, тугасан ҳам, аммо бола гапга қолади, бир умр таънадан қутулмайди. Йўқ, бормайман. Сен бўлсанг, нима қиласай дейсан. Нима, мен ҳам ўзимни нима қиласай деб қийнамаяпманми? Сабр қилиб турамиз— маълум бўлиши керак. Ёки чиндан ҳам Ленага бориб келарман. Ёки қўрқсан, бормай қўя қоларман. Сендан узоққа кетишини ўйласам, юрагим орҶага тортиб кетади, мен фақат сенинг ён-верингдагина тирикман. Эрталаб уйгонаману ҳозир Настена турдимикин-йўқмикин, деб ўйлайман. Кундуз кунлари дайдиб юриб, ҳозир Настена қаердайкин, деб ўйлайман. Настена мени яхши деб эслармикин, ё ёмон деб эслармикин, дейман. Қейин ўзимча сабр қил, Настена, сабр қил. Бирорвга индама. Яна, худо кўрсатмасин, оғзингдан туллаб қўйма, дейман. Аслини олганда сен менга хотин ҳам эмассан, киши хотини билан уйида яшайди, сен менинг ёруғ жаҳонимсан, сен менинг бору йўғимсан. Сени мендан жудо қилиб бўлмайди.

— Унақа дема, Андрей, нега бунақа дейсан? — у Андрейнинг пинжига тиқилди ва адашиб әрталабми ёки кечқурунлигини ажратолмай қолган одам сингари юраги жижил құлувчи, ташвишли бир қувонч билан тепа бошлади.

— Гапим ичимда йигилиб қолган, бүшатмасам бүлмайди. Эсингдами, Ильин куни<sup>1</sup> анҳорнинг нариги ёнидаги дүңгликдан пичан ўргани борган әдик? Ўз пичан зоримизда ўт камдек әди, шунинг учун ўша ёққа борувдик. Иссиқ әди, ўргимчак инлари тинкани қуритарди, қулочкашлаб чалғи тортиб бүлмасди, текис ер йўқ. Энг ёмони — ўришни ҳам, ўрмасликни ҳам билмасдик. Байрам әди, чоги. Одамлар ўйин-кулги қилмасди, аммо ишламасди ҳам. Шу куни чақмоқ чақай-чақай деб туарди. Эсингдами?

— Эсимда, нега эсимдан чиқаркан? Урушдан олдинги йили ёзда әди-да. Сен ўша ёзда ҳисобчиликдан кетувдинг, Инниакентий Иванович сенинг ўрнингга ишга кируди.

— Ҳа-а, бир-биrimizga ўқрайиб юрадик. Нима сабабдан, қайси важдан ўқрайишиб юришимизни ўзимиз ҳам билмасдик. Ўшанда сенга қараб бир нима дейину дилингни сиёҳ қилиб, бир йиглатай деб ўйловдим. Агар йигласанг, яна бир нима деб кўнгилдаги чигилимни ёзардим. Қарасам, сен ҳам лабингни қимтиб, кўз қирингни ташлаяпсан. Бундан, кел, қўй, шу жин ургур ишни ташлайлигу қишлоққа кетайлик, деган маънони уқиб олса бўларди. Йўқ, дилимиздагини сиртимизга чиқармадик, пишиллаб-пишиллаб қўйсак ҳам бир-биrimizга индамадик. Шу пайт ногаҳон, худди томдан тараша тушгандек, момақалдироқ гулдираши ўрнига ёмғир ёғди. Шундай ёқимли, илиққина әдики, асти қўявер. Қаёқдан ёққанини билиб бўлмасди, ахир осмонда биронта ҳам булат йўқ әди-да. Осмонни кейин булат босди, унгача ойнадай тиниқ әди. Биз тўхтаб бир-биrimizга қарадик. Эсингдами? Ўшанда ёмғир ёққани жуда яхши, зўр бўлди-да, икковгинамиз бўлсак ҳам ишқилиб ғижиллашиб қолмадик. Гўё биз олдин келганимизда бошқа әдигу ҳозир бир-биrimizни энди кўриб тургандаймиз. Биттамиз ҳам эмас, иккаламиз ҳам бирдан ўзгариб кетдик. Шуни нимага йўйиш, қандай изоҳлаш мумкин? Ҳаммаси шу ёмғир туфайли, иш туфайли бўлувдими?

<sup>1</sup> 20 июль. (Тарж. изоҳи.)

— Сўнг нўхатга кетдик...

— Нўхатга кейинроқ бордик. Чалғини ташлаб, бир-биirimизга илашиб кетдик. Ёмғир ҳам қандайдир ғалати эди, тушшаптию йўқ бўлиб кетапти. Худди туман ёки қандайдир оби раҳматга ўхшарди. Ё ўша ёмғир бизни сеҳрлаб қўйдими ўзи. Нўхатга эса сен юр дединг, ўшанда дунёнинг нариги чеккасига десанг ҳам кетингдан кетаверардим. Мана шулар эсимга тушиб кетди-да, ахир...

— Ҳозир ўтирган шу ўзимизми, Андрей? Ё анавилар, ўт ўргани борган бошқаларми?

У бошини ёнига ташлади-да, оғир, чуқур хаёлга чўмди.

— Билмайман, улар ҳам, булар ҳам эмас, яна бошқалари бўлса керак. Уруш бўлди... Ҳаммаси бўлди. Йўқ,— деди ногаҳон бир сесканиб.— Бу ўзимиз, ўзимиз, Настена. Ҳозир ўзимиз. Бўлмаса, мен эсламасдим. Бу ўзимиз. Бу бутунлай йўқолиб кетганий йўқ. Ахир, фақат ёмонлик эмас, яхшиликларни ҳам кўрганмиз — тўғрими, кўргандикми?

— Ёмонликни эслаб нима қиласан?

— Ҳаммасини эслаш керак, Настена. Ҳаммасини эслаш керак, аммо ёмонлик уятли жойдай гап, уни бўлар-бўлмасга кўрсатмаслик керак.

— Эслайсанми?..

Қалб торларини ғамза билан чертиб ўтган хотира-лардан сеҳрланган ва кўнгли тоғдек кўтарилиган Настена энди ҳеч нимани: унинг кийимлари дабдала бўлиб ўзи озиб-тўзиб кетганини ҳам, кир-ягир юрганини ҳам пайқамасди. Бу унинг Андреий, кўз очиб кўргани, қувончли ҳаёт кечирган ўзининг меҳрибон кишиси эди. У шунчалик баҳтиёр экан-а! Настена қуёш ботиш олди-дан ўрмоннинг нариги ёғида тарам-тарам нур сочиб, ҳаво қуюқлашиб, қорайиб, ўт-ўланлар совиб қолган пайтда ўзига келди. Настенанинг кўзи олдида қаёқдан-дир пайдо бўлиб қолган тилоғоч шохи қимирлаб турарди, сўгалга ўхшаган ғадир-будир, хунук куртаклардан чиройли нинабарг попуги ёриб чиқаётганди. Ёнида Андрей ҳоргин пишиллаб ўтиради. Настена ўзига келдию қўрқиб кетди:

— Вой худойим, уйга новдасиз боролмайман-ку!  
Ёнингда лоақал пичогинг борми?

— Бор.

— Тезроқ юр.

Андрей уни кузатаётиб:

— Менга айт-чи, Настёна, мен бу ерга келганимдан кейин қишлоқдагилардан битта-яримтаси ўлмадими? Қорахат келмадими? — деб сўраганда Настена эътибор бермади, бу гапнинг фаҳмига кейингина етди.

— Мен келганимдан кейин дейсанми?

— Ҳа.

— Чамамда йўқ, йўқ, ҳеч ким. Охиргиси Володя Сомов эди. Кузда қорахат келганди.

— Шунача де.

У ўз гуноҳини енгиллатиш йўлини қидира бошладанди. Шундан кейин Настена нега, нима учун, деб ўйланиб қолди. Буни ўзи учун сўраяптими ёки кўнглида бошқа бир гап борми?

## 19

— Бир неча кундан кейин Настена яна келди, аммо бу сафар у, ниҳоят, Михеич сувга туширган ўзларининг шитигида келди. Эрталабдан эзib майда, совуқ ёмғир ёға бошлади, шунинг учун далада иш тўхтаб қолди. У ўз томорқасида ер чопиб, бодрингга жўяқ тортмоқчи бўлди, аммо ёмғир бунга ҳам қўймади, у бекорга ивиб, таъби хира бўлди. Шунинг учун у кун бекор ўтмасин деб аранг топган тўрини, чивинга қарши ишлатиладиган бир шиша қатронни эрига элтиб беришга, яна бир ташвишдан қутулишга жазм этди. У Михеич уйда йўқлигидан хурсанд бўлди, энди унга баҳона ҳам қидириб ўтирамайди, Семёновнага эса, балиқ овига бораман, деб қўя қолди — кампир анчадан бери, «мана, одамлай бинойидек, балик тутяпти, биж бўлсак, бу Ангаядаги омулнинг думини ҳам кўйганимиж йўқ», деб ҳиқиллаб юрган эди. Настена пиёда борадими ёки қайиқда сузуб борадими, тушуниб бўлмайдиган қилиб бораман деди, ахир унисининг ҳам, бунисининг ҳам маъноси бориш-да. Семёновна жавоб беришга ҳам, уни тўхтатишга ҳам, рухсат этишга ҳам улгуролмади, Настена эса, гизиллаб ташқарига чиқди-да, тез-тез одим отиб, Ангарага жўнади. Эшкаклар мўрча даҳлизида сақланарди, ёғоч қозиқларга ўралган балиқ овлайдиган эски перемётлар<sup>1</sup> ҳам шу ерда ётарди. Настена уларни олди-да, шоша-пиша соҳилга тушиб, қайиқни итарди. У юқорига қараб сузиш ўрнига қаттиқ-қаттиқ эшкак эшиб, шитикни пастга, оқимга қа-

<sup>1</sup> П е р е м ё т — осма қармоқ, бир неча ўнлаб қармоқ осилган узун ип бўлиб, бир учидан қозиқ қоқиб, иккинчи учига тош боғлаб, дарёга ташлаб қўйилади. (Ред. изоҳи.)

раб ҳайдаб кетди. Беш минутлардан кейин, шивалаб ёга-ётган ёмғир худди парда сингари қишлоғни түсиб қўйгач, у қайиқни дарё кўндалангига қараб бурди.

Ёмғир сувга шовиллаб келиб уриларди; дарё сурранг, хира эди. Орол ювилганга, хиёл бўртиб чиққанга ўхшарди, шу туришида паст булутни, ифлос доғни эслатарди. Осмон ҳам ювилган эди, тўғрироғи, осмон, умуман, йўқ эди, худди қуёш ботиб кетгандай, у ҳам қаёққадир гойиб бўлганди, энди шу ер қорайиб турарди. Настена мартда, қутурган ва серёмғир бўронда қаердадир шу ерларда муз устида югуриб борганди: вақт ўтиб боряпти, унинг ҳаётида эса, ҳеч қандай ўзгариш бўлмаяпти, қишида ҳам, ёзда ҳам ўша ерга, унинг олдига бориш учун ҳавонинг айнашини кутишга тўғри келади. Настена резинали ёмғирпўшда эди, кофтаси устидан ташлаб олганди, лекин аллақачон ёмғирпўшнинг путури кетганди, шунинг учун ёмғирдан сақлаб қололмади, ёқимсиз сув елкасида тўпланиб, илиб, ичига сизиб тушарди. Ҳўл кофтаси куракларига ёпишиб, гашини келтиради; Настена дам-бадам елкаларини қимирлатиб, баданига ёпишган кофтасини ижирганиб кўчиришга уринарди-да, эшкак әшиш маромини бузарди.

У Ангарадан ўтди-да, анҳорни қидириб топиб, шитикни ўша ерга ҳайдаб кирди ва юқорига қараб анча ергача итариб борди, кейин битта-яримтанинг кўзи тушмасин, ёмғирда қолиб кетмасин, деб қайиқни анҳор устига энгашиб турган, тарвақайлаган қайнин остига қўйиб қўйди. У перемётдан биттасини олиб, иккинчисини қайиқда қолдирди ва қирғоқча чиқиб, ҳоргинлик билан нафас олди: уйдан қочиб чиқиб, мана, етиб ҳам келди, гўё кўз очиб-юмгунча етиб келгандай эди. Аммо у қайтиб кетиши кераклигини эсдан чиқармаслик учун ҳам перемётни олиб олди. Ҳозир уларнинг ҳамма иши ҳам телба-тескари эди: одатда одам олдинга қараб боришдан кўра, ўз изи билан орқага осонроқ қайтиб келади, уларники эса, аксинча. Қани энди Андрей ўз оёғига ўзи болта урган ерга қайтиб борсин-чи, боролмайди! Қани энди Настена ҳам бундан ярим йил олдинги Настена бўлсен-чи, бўлолмайди! Бугун яна қайтиб кетиши унга жуда оғир, ўша Ангара кўзига беш баравар кенг кўринади, эшқаклар ҳам ўша бўлса-да, жуда оғир бўлади, сув ҳам ўша, аммо даҳшатли, чуқур. Қани энди қайтиб кетмаса-ю, шу ерда, тегишли жойда, тегишли одам билан қола қолса, айёрлик ҳам қилмасди, ёлғон ҳам гапирмасди, борига шукр қилиб, bemalol яшайверарди.

Настена қайтиб Ангарага тушди ва сув тез, тўғри оқиб кетаётган тошлоққа перемётни торти. Перемёт билан шу кунларда балиқ тутса бўлади, бир-икки ҳафтадан кейин сув тиниб, одатдаги меъёрига тушганида, бу перемёт ярамайди. Ўтган йили Настена муз кетгандан кейин бир неча марта ўз қирғонига иеремёт тортиб, ель ва хариуслардан тутиб келганди. Михеич эса, кексаларга хос камтарлик билан фақат мордани<sup>1</sup> тан оларди, балиқ тутишнинг бошқа усувларини сира назар писанд қилмасди. Унга, Настенага эса, хўжакўрсинга бугун очидан ўлган энг майда ель балиқчалар бўлса ҳам кифоя қиласди. Энг муҳими, гапдан қутулиш учун далил керак, бошқалар ишонадими-ишонмайдими, унга бир пул. Ундай бўлса ҳам, бундай бўлса ҳам иш ҳар қалай ниҳоясига етяпти. Настена қоп-қорайиб турган жардан, илдизларидан новдалар ўсиб чиқсан тўнкаларни, юмшоқ ерни ағдариб чувалчанг терди, уларни қармоққа тиқиб, перемётнинг бир учи боғлаб қўйилган тошни сувга ташлади. Илин, балиқжон, катта бўлсанг ҳам, кичик бўлсанг ҳам, ишқилиб илингин-да. Настена кетар экан, агар ҳеч нима илинмаса, лоақал қармоқда қолган чувалчангни олиб ташламаслик керак, чиндан ҳам қармоққа чувалчанг тиқсаним, ростдан ҳам балиқ овлаганим, бошқа иш билан шуғулланмаганим кўриниб турсин-да, деб ўйлаб борди. Михеич бадгумон одам, кўнглига ҳар кил гап келиши мумкин.

Ёмғир әзиб ёққани-ёққан эди; Настена, назарида, чўзиқ, қаттиқ ғижирлаган нарсанинг ерга тушганини өшитгандай бўлди. Ўша нарса ҳали ўсиб, яхши етилмаган майса ичига шовқинсиз тушди, дараҳтларнинг барглари совуқ егандай титраб туради, Ангара устини, жудди куздагидек, ёмғир аралаш қалин туман босган әди. Осмонда билинар-билинмас ҳаракат бошланганга ўхшарди, ё бу ҳам шундай туюлиб, бўшлиқни ёқтири-майдиган кўзлари олдидан сузиг ўта бошладимикин? Настена юқори қишлоғга бормаган эди, шунинг учун тусмол билан кетаверди — у аввалига қирғоқ бўйидаги ёски, ташландиқ сўқмоқдан юрди, тақир сўқмоқнинг икки ёнида ўтлар ўсиб ётарди, кейин тоққа бурилди. Назарида, у илгари ишлов берилган ерларни дарров топиб оладигандек әди, аммо нишабликда оқариб турган парча-парча ерлар кўп эди, бу ерлар ўзи азалдан

<sup>1</sup> Балиқ тутадиган сават. (*Тарж. изоҳи.*)

шунақами ёки ташландиқ экин ерими, билиб бўлмасди: у бир ердан иккинчисига, иккинчисидан учинчисига ўтиб, борган сари юқорига кўтарилади, аммо бинодан эса ҳамон дарак йўқ эди. Ёмғирда узоқни кўриб бўлмасди, у то булоқча дуч келгунича яна анча адашиб-улоқиб юрди, булоқни кўргач, пастга тушиши лозимлигини фаҳмлади ва қархисидаги сийрак тоғтераклар ичида қишлоғининг вақт ўтиши ва қор-ёмғирдан қорайиб кетган тарам-тарам тахтали томини кўрди. Настена бир вақтлардаги сингари яна деразачани тиқиллатди ва шу ондаёқ Андрей овозимни танисин, қўрқиб кетмасин, деб чақириди. Андрей яна ўшандагидай югуриб чиқдида, уни ичкарига олиб кирди ва ҳўл кийимларини ечишида ёрдамлаши. Аммо гап бу сафар Настена биринчи марта қайиқда сузиб келиб, улар қирғоқда учрашган вақтларидағига қараганда бошқача бўлди.

Бунга Настенанинг ўзи айбдор эди. У Андрейнинг гапларига қулоқ солар экан, унинг таъсирига тушиб, у нима деяётган бўлса, ҳаммаси тўғри, унинг бу ерда яшириниб юриши-ю, менинг эса, у ёқдан бирорвга оғиз очмай юрганим маъқул, бундан бўлак чорамиз ҳам йўқ деб унга ишонди. Ҳа, у тишини-тишига қўйиб чидаши, индамаслиги керак, худди учи ўткир, қиррали тошлар орасидан ўтаётгандек, ҳар кунни юз азобда ўтказиши керак, қандайдир ҳали номаълум, ноаниқ нажот йўлига чиқиб олмоги лозим. Аммо у ёлғиз қолди дегунча умид-сизликка, ваҳимага тушиб, азоб-уқубатдан қон-зардоб ютарди: ахир улар нима иш қиляпти ўзи? Нима қиляпти, нимага ишоняпти? Ҳақиқат — у тошлар орасидан, Ангаранинг ўртасидан, сув жуда тез оқадиган, чуқур жойдан гапирувчи дарахт бўлиб ўсиб чиқади. Ҳеч қандай куч уни яшира олмайди. Ҳарқалай Андрей бекиниб юрган еридан чиқиб, айбига иқрор бўлиб борса яхши бўлмасмикин? Ахир, эгилган бошни қилич кесмас дейишади-ку. Ахир, одамлар ҳам шундай гуноҳи азим қилган киши қайтиб бирон гуноҳ қилишга қодир эмаслигини тушунишлари керак-да. Шунинг учун у яна ўз олдида Андрейнинг соқоли патак бўлиб, халтадай осилган юзини, азоб-уқубатдан қаърига тортган тийрак кўзларини, ёйдек букилган, кир-чир кийимдаги эпчил гавдасини, ёмғирдан сўнг заҳ, қоронғи, ҳавоси тахир, диққинафаас қишлоғни кўриб, ҳис этиб, алами янгиланди-да, титраб кетди.

— Печка ёқмайсан шекилли, а? — деб сўради у газабини босолмасдан.

— Бу ерда печка йўқ,— деб у оҳиста жавоб берди Настенанинг авзойини сезиб.

Настенани шундай қайғу-ҳасрат босдики, юраги қонга тўлди, аъзойи бадани латтадай бўшашиб, боши лўқ-лўқ қила бошлади, у инқиллаб деди:

— Андрей, балки кераги йўқдир, а? Бунаقا қилиб юрмай, чиққанимиз дурустми? Мен сен билан қаёққа бўлса ҳам, дунёнинг нариги чеккасига десанг ҳам кетаверафдим, сен қаерда бўлсанг, мен ҳам ўша ерда бўлардим. Бундан ортиқ чидолмайман. Сен ҳам чидолмайсан, ўзинига бир қара, қай аҳволдасан, ўзингни ўзинг нима қилиб қўйдинг? Отиб ташлашади, деб сенга ким айтди? Уруш тугади... ахир, шундай ҳам ўлиб бўлдик-ку...

Настена шоша-пиша гапирав экан, Андрейнинг узоқлашаётганини, бақрайиб, заҳархандалик билан бужмайиб кетаётганини кўриб турарди. Андрей шундай деди:

— Мендан қутулгинг келиб қолдими? Хўш, хўш, майли.

— Андрей! — Настена қўрқиб кетди.

— Қутуласан, Настена, қутулиб қоласан,— у овозинигоҳ кўтариб, гоҳ тўхтаб-тўхтаб, гоҳ овутувчи бир оҳангда пасайтириб давом этди.—Гапинг тўғри—тинканг қуриб кетди, қачонгача чидаш мумкин, ахир? Киши ўз иззат-хурматини ҳам билиши керак. Ўзим тушуниб олишим керак. Қутулиб қоласан, Настена, аммо сен ўйлаганингдек эмас. Сен билан кетавераман деяпсанми?— у аввалгисидан ҳам баттароқ юракни сиқиб кулди-да, овозини баландлатди:— Ахир сени менинг ёнимга тургазиб, отиб ташламасликларини ўзинг ҳам биласан-ку. Сенга раҳмлари келади. Мени эса, отишади. Сенга ҳеч бўлмаса қорнингдаги боланг туфали раҳм қилишади. Кейин, жонгинам, бир ўзинг кетаверасан, шу билан виждонинг ҳам пок бўлади. Ҳа, чакки эмас.

— Бас қил, Андрей, бас қил деяпман сенга. Шундай дейишга уялмайсанми, а?

— Мен сени, Настена, ўзим қутқазиб қўяман. Ҳадемай, шу яқин орада, кўп куттириб қўймайман. Мен сени бир умр мана шунаقا сарсон қилиб қўймоқчи эмасман. Модомики, гап шунаقا бўлса, эртагаёқ ёки истасанг, ҳозироқ қутуласан, Ангара ёнгинамда. Қўмаман деб овора бўлиб ҳам юрмайсан. Арқончам ҳам бор, ҳў музлама пайтида тегирмонга кирувдим, ўша ердан арқонча топиб олувдим. Бақувват — беш кишини кўтаради. Сенинг қайғингдан сакрайман, сен эса, то чўкиб кетгунимча қараб турасан. Ахир сен, барибир Ангарадан

кетишинг керак-ку, мени эса йўл-йўлакай ташлаб кетасан, ярим йўтгача сенга қарашиб, эшкагингни эшаман.

Настена, гўё ўзини ҳимоя қилаётгандек, қўлини кўксига босиб, эшитмаслик, тушунмаслик учун бошини сараксарак қилиб ялина бошлади:

— Мени нега бунча қийнайсан, нега? Мен сенга нима қилдим? Мен шуниси маъқулмикин дегандим... Ахир, мен сени йўлдан ураётганим йўқ-ку, мен ўзим ҳам билмайман. Миямга келганини айтдим-қўйдим-да. Сен бўлсанг, гапингни қара-я? Нега унақа дейсан?

— Менга ақл ўргатмай қўя қол, ўзим биламан. Мен сенга ўша дастлабки куниёқ дангал йўқ деб айтганман. Шунинг учун сен мени йўлимдан қайтаролмайсан, ҳаракат қилмай қўя қол. Ҳеч иш чиқмайди! — Андрей бақириб, ўзини тутиб туролмай, шундай қаҳр-ғазаб билан унга ёпишиб кетдики, Настена эсанкираб қолди. — Вой сендақа меҳрибондан ўргилдим, яхшилик қилмоқчи бўлибдилар-а. Биламан, мақсадинг нима. Қанақасига гумдон қилиш йўлини топибсан-да. Чамаси, кечаси билан ухламай, ўйлаб чиққанга ўхшайсан. Бундан дуруст йўлини тополмабсан-да! Қўл-оёғимни боғлашганида чивин чақмасин, деб яна тўр ҳам топиб келибди-я. Ўзим эвини қиласман. Тўрингсиз ҳам эвини қиласман. Энди менга ҳеч нима керак эмас, ташийвериб жуда қийналиб кетдинг. Бас энди. Шунча ташиганинг ҳам етар, дамингни ол. Энди бу ерда қорангни кўрсатма, барибир мени кўролмайсан. Бу ҳам тўғри: хотинга боқим бўлиш — оғир! Аммо сенга яна эслатиб қўйяй: менинг шу ердалигимни бирорга айтсанг, барибир топиб оламан. Ўлсам ҳам қўлим ёқанга бўлади. Шуни унутма, Настена.

Настена уни гапдан тўхтатиш, ҳовуридан тушириш мақсадида унга томон қадам ташлади. Андрей жиркангандек, зумда афти буришиб кетди-да, бошини елкаси ичига тортди.

— Менга қара, Андрей,— деди у мулоийимлик билан илтижо қилиб.— Менга қара. Йўқ, қарагин, юзингни ўғирма. Аввал қарагину кейин ўша сен айтган одамга ўхшайманми-йўқми, айтгин. Тепангда худо бор, Андрей, нималарни валдираяпсан? Қани, айт: ўхшайманми?

— Балки сендан узр ҳам сўрашим керакdir ҳали? Оёғингга бош уриб, сени бекорга айблабман дейинми? Ё бошқа муддаонг бўлса, айт, қилайин.

— Узр сўрашингнинг кераги йўқ. Оёғингга эса, ўзим бош ураман, фақат бунақа дема. Айтган гапларингга ишонма, ўзингни-ўзинг алдама. Менинг раъйимга қара-

майди, деган фикр миянгга қаёқдан келиб қолди, ўзи, а? Вой тавба, гапингни қара-я, Андрей! Унақа дема, қўй, кераги йўқ... Сен яхшилаб қара, менга қара, мен шунақами-йўқми? Наҳотки кўрмаётган бўлсанг?

Кейин у кўзини Андрейдан узмай, йиглаб юбормаслик учун лабини тишлади, ўпкаси тўлиб, гуркираб келаётган бўзлашдан ўзини аранг тутиб, қалт-қалт титрай бошлади.

— Демак, ўзимга ишонмайину унга ишонай... Жуда соз,— деб тўнғиллади у гангид тескари қааркан. У ҳамма нарсадан, атрофдаги барча нарсадан жаҳли чиқиб, ўринсиз зарда қиласади.

Улар анчагача чурқ этишмади, ниҳоят Настена кетиши учун ўрнидан турди, аммо у эса, жойидан қимирламади, қандай турган бўлса, шундай тураверди — кузатгани бормади.

Настена бор-йўғи уч кунгина чидаб юрди. Кейин имконият туғилиши билан ҳеч кимга ҳеч нима демай, қайиқни сувга туширди-да, сузиг кетди, Андрейнинг шу ердами-йўқлигидан, тирик-ўликлигидан бехабар юришга унинг ортиқ тоқати йўқ эди. Шунинг учун кечаси қоронғида Настена унинг дарчасини тиқиллатганида Андрей чиққач, қувончдан ўзини йўқотиб бўйнига осилиб олди, Настена Андрейнинг шу ердалигини, тириклигини кўриб, бутун дард-аламини, қаҳр-газабини унутганди. Учрашувдан йиглаб юборишига сал қолган Андрей уни эркалаб ўтиаркан, пушаймон қиласади, ўзини аҳмоқ дерди, хафа бўлма, айтган гапларимга ишонма, агар сен келмаганингда биронта қайиқ топардиму сени пойлаб юрадим, кечирим сўтардим, деди. Бу гаплардан баттар ийиб, эриб кетган Настена шундай деди:

— Агар сен ўзингни бирон нима қиласанг, мен ҳам ўзимни бир бало қиласман, шуни бир билиб қўй.

## 20

Кейинги ишлар ҳаммаси худди томдан тараша тушгандай рўй берди-қўйди.

Настена шанба куни мўрчани иситди, эшикларини ёпди, Семёновнанинг аввал бўлиб чўмилмаслигини билгани учун улардан олдин мўрчага кетди. У эндиғина бошига совун сурганида (Лиза Вологжина ҳаердандир бир кулча қора совун топиб, ўшанинг ярмини унга берган эди) кимдир келиб, даҳлизада ечина бошлади; Настена қотиб, таниш иҳраш-сиҳрашдан қайнонаси

әканини билиб олди. Настена Семёновна кириши билан мен ювиниб бўлдим деб чиқиб кетиш учун наридан-бери бошини чайиб олишга югурди, аммо кейин ўйлаб кўриб, бу ниятидан қайтди: модомики қайноаси бир ўзи келибдими, демак, уни барибир кетказмайди. Йўқ, энди бошга тушганини кўз кўрар. Бу кампири тушмагур нега келдийкин-а, ахир сира бирга ювинишмаган эди-ку! Аксига олиб, худди билганда-я, ахир унга бу ерда ҳеч кимнинг кўзи учиб турмаганди-ку. Балки, чиндан ҳам атай-лаб келгандир, чиндан ҳам билгандир: илгари кузатиб юрган бўлса, пойлаб келиб текшириб кўрмоқчи бўлгандир. Агар шунаقا бўлса, ҳозир майна бўлади-да, Настена мўрчанинг бурчагига борди-да, шайка<sup>1</sup> билан ўзини тўсиб, қорнини ичига тортишга уриниб кўрди — дўппаш-жаб чиқиб тургандан кейин уни қаёққаям тортардингу қанақасига ҳам яширадинг? Юз қилсанг ҳам кўриниб турибди-ку, кўриниб турибди-ку ахир.

Аммо таажжубланадиган ери шундаки, бу сафар ҳамма иш силлиқина ўтиб кетди. Семёновна ё ҳеч нимани пайқамади, ё пайқаган бўлса ҳам ишонмади, унинг сабабини бошقا нарсага, келинининг қорин қўйганига йўйди, чоги. Шундай бўлса ҳам чўмилишаётганди Настена кампирнинг икки-уч марта тикилиб-тикилиб қараб қўйганини пайқаб қолди, ана шунда у қорнини ичига шунчалик тортиб, шунчалик қисиниб-қимтиндики, кучанишдан ёноқлари тортишиб кетди. Кейин, кийиниб ташқарига чиққач, Настена афсусланди: яшириб нима қиласарди? Жуда қулай, айни пайти эди, аксинча, у ўзининг бор гўзаллигини кўз-кўз қилиши, агар сўраса, бор деб айтиши керак эди. Ҳатто қайнанаси бошقا одамлардан эмас, ундан, Настенанинг ўзидан эшитганида, қайтанга яхши бўларди. Ҳарқалай қайноқ сув сепиб юбормасди, аммо бақириб-чақиради, жигибийрон бўларди — майли эди-да, аммо Настена ниҳоят уззукун кутиб юришдан, қўрқувдан қутуларди-қўярди, ахир бу қанча чўзилса, шунчалик даҳшатли, чидаб бўлмайдиган бўлади-ку.

Аммо мўрчага тушишнинг оқибати Настена учун ҳарқалай яхши бўлмади. Шундан кейин Семёновна уни қандайдир кўзини қисиб, зимдан зехн солиб кузатиб юрадиган бўлиб қолди, унинг бу қилиғи яхшиликдан дарак бермаслигини Настена биларди. Демак, кампир

<sup>1</sup> Егоч ёки металлдан ишланган тогорага ўхшаш идиш. (Тарж. изоҳи.)

бир нимани пайқабди, бўлмаса бунақа қилмасди. Қайнона астойдил келиннинг пайига тушганди: кампир бир кунда йигирма мартараб қаққайиб туриб оларди-да, ҳаёққа, қаерга кўз ташлаётганини ҳам яширмай, унга зеҳн соларди, Настена эса, бекинарди ёки қисиниб-қимтиниб ёни билан лип этиб ўтиб кетарди, ё бўлмаса қўли билан қорнини пана қиласади, Андрейнинг кенг-мўл камзулини кийиб ўраниб оларди, ёки сал олдинга энгашиб, кўкрагини чиқариб юради. Қорни эса, кейинги пайтларда ошган хамирдай кўтарилаётганди, энди уни ҳеч қандай қувлик, айёрлик билан яшириб бўлмасди.

Бир куни кечки пайт, Настена билан Семёновна ёлғиз ўзлари қолишиди, иккови ҳам рўзгор юмуши билан — Настена ҳовлидаги, Семёновна эса уйдаги юмушлар билан ғимирлаб юришганда Семёновна, гўё Настенанинг қорни дўппайиб қолганини биринчи марта кўраётгандек, шартта сўради:

— Шен, кижалогум, ҳомиладой эмашмишан? Нега бунчалик тайвайиб кетдинг?

Настенанинг юраги шув этиб кетди: мана сенга керак бўлса! Дард устига бу чипқонни кўр. Бўш келма, Настена. Энди тона олмайсан, яшириб юролмайсан. Шунинг учун ҳам Настена чўрт кесиб, ўша сўзнинг ўзи билан жавоб бериб қўя қолди:

— Ҳомиладорман.

— Вой ўлай! — деди чўзиб Семёновна таажжубланниб, у ҳатто шубҳаси бежиз әмаслигидан қувонди ва ногаҳон дардчил оёқлари билан ғизиллаб унинг олдига келди-да, жони чиқиб кетганидан бўғилиб, нафаси тиқилиб, бақириб юборди, у анчагача бир оғиз ҳам гапиромлай фақат бошини силкитди.

— Каншиғ! — деб қичқирди у кейин, шунинг учун Настена бу «қанжиқ» эканини дарров тушуна олмади. Илгари қайноаси сира койимасди. — Каншиғ! Вой шў-ўйи-им! — у бошини чанглаб, ув тортиб йиғлашга тушди. — Ана шаймандалигу мана шаймандалик! Эй худо! Мукаддаш Биби Майям! Ўжинг жазошини бей, туйган ейида жазола. Айланишибди. Кутиб туёлматти! Тагин мик этмай юйганини-я бу каншиғни! Андюшканинг келишига бу манжалаки туғиб ўтияди... шайм-ҳаёнг кани шени? Ой-номушинг кани, нима килдинг уни? Кани энди ичингдаги бола бўлмай, куйт-кумушка бўлша эди! Кани энди бий умй тўғмашанг эди! Кандай яхши бўлайди-я, қандай яхши бўлайди-я! — Семёновна ўз қарғишларидан ўзи қўрқиб кетди-да, тўхтади, томоғига

бир нима тиқилгандек йўталди ва сўнгги умид билан сўради:— Балки ёлғон гапийаётгандийшан-а? Балки ҳеч нима йўқдий?

— Бор,— деди Настена юрак ютиб ночор, у бундан бошқача жавоб бериш мумкин эмаслигини биларди, шунинг учун беихтиёр қорнини дўппайтириб олдинга чиқарди.

— Бой эмиш-а,— Семёновна ихраб-сихради.— Бой дейди-я. Гёй шунака бўлиши кейакдай. Шайманда, ҳаёши колмабди — йўқ. Мабодо мушук эмашмишан? Шайманда, ҳаёшиз мушук эмашмишан ўши?— У янги сўз топди ва худди мушукка бақиргандек қўли билан эшикни кўрсатиб қичқириди:— Пишт! Кет уйдан, шайманда! Нахш бошган туйкингни кўймайин бу ейда. Ҳожийоқ туёғингни шикиллат! Каёда ойттийган бўлшанг, ўша ейга жўна. Андюшка келشا, биж унга нима деймиж? Кимни олиб юйибмиз-а? Ишнодга колиб, кимни аллада ажиж қилиб юйибмиж-а? Ахий, кишлокда ҳамма билади-ку, кишлоқдагилай билади-ку, эй худойим! Мен, шен кижни, ўша келган кунингдаёқ йажм шолиб, билиб олувдим, канакалигингни дайлов пайковдим. Мана, айланишдингу ойттийиб келдинг! Нимани кутиб туйибшан, оташкуйак билан тушириб колмашимдан жўнаб кол. Бу ейдан койянгни ўчий.

Настена қанақа кийимда бўлса, шу кўйи ташқарига чиқди. Зинада челакни олди, бу челакда бузоқча ардоб олиб бориб берганди-ю, шопшилинчда эсидан чиқариб зинада қолдирганди, у челакни элтиб скамейкага қўйди. Уй ичидан кампирнинг шанғиллаб қарғаши эшитилиб турарди; Настена бу қарғишлилар ўзига тегишли эканини, чиндан ҳам уни уйдан ҳайдаганларнга гёй тушунолмай, ишонмай бирпас турди, кейин нимагадир имирсилаб, ниманидир кутиб, бўшашибгина эшикни очди. Нарироқдаги майдонда болалар бақай ўйнашаётганди, Родъка ҳам ўшалар ичиди эди. Настена ундан ойинг уйдами деб сўради, у ҳам уйда бўлса керак, деб жавоб берди. Бошқа борадиган жой йўқ эди — Настена Надъканинига кетди.

У Семёновнадан хафа бўлмади, рост-да, унинг нимасидан ҳам хафа бўларди? Шунақа бўлиши турган гап эди. Аммо Настена охирги дақиқагача ҳам ўзини-гуноҳсиз деб ишонар ва модомики айбим бўлмаса, ҳақ жойида қарор топади-ю, мени бундай жазодан сақлаб қолади, деб юрар эди. Настена адолат ҳам қидиргани йўқ — ҳозир нима адолатли-ю, нима адолатсизлигини ҳам тушу-

тиб бўлмайди, унинг ўзи ҳам кўпдан бери икки жаҳон овораси бўлиб юрибди, аммо аслини олганда қайнонаси оғина ачинса бўларди, индамай юриб, бола бўлиб қолганини фаҳмлади-ю, тўполон кўтарди, ахир бу бола унга бегона эмас-ку. Наҳотки, ўз қони қулогига пич этиб қўймаган ёки юрагини бир жиз этказмаган бўлса. Унда одамлардан нима умид? Мана ўша чипқон, кўпдан бери йиринглаб, унинг сабр-тоқатини битирди, силласини қуритди-ю, ниҳоят ёрилди, энди бу ярага қўядиган ҳеч нима йўқ. Ўзини ўзи авраб юрган билан бирон наф кўрармиди, қандайдир бир нимани деб чидаш керак, кейин ҳаммаси кўрмагандай бўлиб кетади, деб тасалли топишдан бошқа нима бор? Хўш, кейин қанақа яхши кунлар келади? Йўқ, кутишдан фойда йўқ.

Настенанинг кўнгли шу чўкканича чўкди-ю, қайтиб кўтарилимади, юраги номаълум бир жойдан заифгина телиб турарди. Ёки у ичидаги боласининг юраги билан яшаётганмикин? Ўзи билан унинг заррача иши йўқ эди, фақат уни, болани қутқариб қолса, бошига тушган қайғу-кулфатдан нобуд қилиб қўймаса, ёруғ олам юзини кўрадиган вақт-соати келгунча эсон-омон кўтариб юрса, бас эди. Эҳтимол, одамлар болани кўргач, кўрадиган эрмак топилгач, раҳмлари келар, уни ҳозир ўз уйидан ҳайдаб чиқаришгандек қувиб юборишмае ахир. Ўз уйи бўлиб қолувди, саккиз йил умр ўтди. Шунача бўлганига хафа эмас, йўқ, хафа эмас, фақат уятли бўлди; у ўзидан сира уялмайди, ўз йўлини билади, бу йўлга кўнишиб қолган, шунинг учун шундай воқеъ юз бердики, бу йўл тунаб туришга одамлардан бошпана сўраш даражасига олиб келди. Унинг бирон ерга кетиши мумкин эмас, қўл-оёги икки қават қилиб боғлаб қўйилган, қолаверса борадиган ери ҳам йўқ. Ёлғиз ўзи, бутунлай ёлғиз.

У Надъканикига келди-да, бутун оғирлиги билан, эшик кесакисига суюнди, то уй эгаси кир демагунича ичкарига ўтишга юраги дов бермади. Ким билсин, эҳтимол, Надъка кирма дер: энди ҳар бир одамни бошқатдан билиб олиш керак; одамлар кўришга одатланиб қолган ерингдан жилишинг билан дарров сенга нисбатан ўзгариб қолади, сени бошқача ном билан чақиришга жон-жон дейди! Надъка бозиллаган печка олдида тимиirlаркан, сўради:

- Нега серрайиб турибсан?
- Уч-тўрт кун туришга йўқ демайсанми? — гапни

чўзиб, чайналиб ўтиришга тоқати қолмаган Настена шундай деб гап бошлади.

— Кимга — сенгами?

— Менга.

Қўл силтамоқчи бўлган Надъка диққат билан унга разм солди:

— Нима гап ўзи?

— Ҳайдаб юборишиди.

— Сени-я?

Настена қорнини кўрсатди.

— Кўряпсанми?

— Вой-вой-й-й,— деди Надъка ўзига хос бўлмаган овоз билан ва оҳ-воҳ қилди:— Ростданми? Уни қаёқдан орттиридинг? Шошмай тур, шошмай тур,— Надъка гизиллаб унинг олдига келди, уни ёғоч каравотга ўтириғизди, ўзи эса энгашиб рўпарасида турди.— Бу ёруғ оламда нималар бўляпти ўзи? Ҳа, мана ман деб турибди. Ҳеч ким ҳеч нима... Кимдан орттиридинг, а? Боплаб қўйибсан-ку? Аломат гап бўпти-да ўзи! Бошинг балога қопти! Сен ҳам ўзингга етганчасан! Сени ким йўлдан урди?

— Арвоҳ,— деди Настена. У бирор бирон нимани сўраб-суриштириб, жонидан безор қилмаслиги, ўз ҳолига қўйишлари учун ҳеч нимани аямасди. Меъдага тегиб кетганди.

— Арвоҳ бўлса бордир,— деди Надъка унинг ёнига келиб.— Одамнинг билгиси келади-да, ахир. Агар сир бўлса, айтмай қўя қол. Назаримда, биронта ҳам эркак айланишмаган эди шекилли. Йўқ, сен менга гапни айлантиримай, пўскалласини айт. Борди-ю, ўша арвоҳни ўзим суриштириб тагига етсам-чи?

— Етолмайсан, Надъка,— Настена фақат шу Надъка-га айтса бас, бошқа бирорга тушунтириб юришга ҳожат қолмаслигига ақли етди-ю, айтишга жазм этди. Қандай жирканчли-я, аммо на чора, бир нима дейиш керак-да. Бу унинг биринчи ҳам, охирги ҳам гуноҳи бўлмаса керак.— Ҳу анави келган вакил эсингдами?— сўради у.— Келиб облигацияга ёздирган эди-ку?

— Хўш?

— Мана сенга хўш!— Настенанинг жаҳли чиқди.— Чанани қўшиб кетдик, кейин.. Орттириб келдим. Эпчил одамга гап эканми?

— Ҳеч гапмас, ҳеч гапмас, биламан,— Надъка шошапиша унинг гапига қўшилди.— Бирпаслик ишу кейин жазонгни тортиб юраверасан. Оббо Настена-ей! Ўзингни шундай ювощ, қобил қилиб кўрсатардинг-а, бирор галир-

са, қизариб жетардинг-а. Мана сенга ювощ одам. Хўш, энди нима қилмоқчисан? Борди-ю, Андрей келиб қолса-чи? У ўлдиради-ку, ахир сени.

— Ўлдирса-ўлдирап. Нега ҳадеб нима қиласан деб сўрайверасан? Мен қаёқдан билай?! Ундан кўра айт, уйингда уч-тўрт кун турсам бўладими-йўқми? Қўясанми-йўқми?

— Ҳа, турсанг-туравер. Қаёққа бораардинг. Бирон гап бўлса, бирлашиб ўзимизни ҳимоя қиласиз. Кампир сенга ачинмайди, албатта. Ҳозир унинг кўзига балодай кўринасан. Ҳароми набира туғиб берасану яхши кўринасанми,— Надъка чидаб туролмай хихилаб кулди.— Эртаю кеч сендан кўз-қулоқ бўлиб юради. Э, хотин кишини пойлаб эплаб бўларканми? Хотин киши бошқалар у ёқда турсин, ўзини-ўзи алдайди-ю. Мана, ким сени шуна-қа деб ўйлабди? Оббо Настена-еий! Жуда қалтиссан-да, қалтис, ҳали кўп азоб чекасан. Ҳечқиси йўқ, биргалашиб азоб чекамиз. Мен ўрганиб қолганман. Сен икки қўлингни бурнингга тиқиб келаверган бўлсанг керак, а? Ҳеч нима олмадингми? Бориб нарсаларингни йиғиштириб келаймикин, а?

— Кераги йўқ. Кейин ўзим олиб келарман.

— Ўзим эмиш. Ўзим-ўзим деб этиб келган еринг шу бўлди. Э, гам ема, гам ема, бир кунинг бўлса ўтади. Бундан бешбаттарлари ҳам бўлган. Қадимда ит бўри билан яшаган экан. Бир кунимизни кўрамиз. Шунинг учун ҳам номимиз хотинд-а. Йўқ, сен аввал туғиб ол, туғиб ол, у ёғини ўшанда кўрамиз. Унинг исми нима?

— Кимни?

— Кимни эмиш... Яна кимни бўларди? Анавингтни, сени заёмга ёзган одамни? Жуда уддабурро экан! Ҳеч бўлмаса исмини сўраганимидинг?

— Йўқ.

— Исмини сўрамовдингми? Тентаксан, Настена. Ахир бола кимнингдир номига ўтиши керак-ку. Туғиб кўрмагансан-да, билмайсан. Ахир гувоҳномага отасининг исмини ёзиш керак, у ерда сўрашади-ку. Ҳа, қўявер, топамиз. Иш шунга бориб тақалса, болангга энг яхши ота топиб берамиз.

Надъка яна анчагача оҳ-воҳ қилди-ю, лип этиб ўзини ташқарига урди. Барибир қишлоқ билади— биринчи бўлиб гап тарқатиш имкониятини қўлдан чиқариб бўларканми! Настена эса ёлғиз қолгач, ўзини каравотга ташлади, кўзларини юмди, нафаси тиқилиб, томоги жазиллаб ачиштиради. У йиғлаб ҳам юборгиси келди — чек-

сиз бемаъни дард-аламларга тўлиб қолган ичини бўшатиб олиш учун шунчалик ҳўнграб йиглагиси келарди-ю, аммо кўз ёшлари болага зиён қилишидан қўрқарди. У аячагача аъзойи бадани тортишиб инграб, каравотда ўзини у ёқдан-бу ёққа ташлаб ётди — гоҳ туриб ўтирди, гоҳ яна ётиб олди, аммо заррачалик енгил тортмади, тинчимади, азоб чеккан кўнгли ором олмади.

Алламаҳалда Михеич келди, Родъка орқали Настена-ни ғов олдига чақиртириди. У серкўз, болта билан ўйдим-чуқур қилинган тўнкага ўтирди. Настена ғов олдиди тураверди. У оёғида аранг турарди, аммо бир жойда тек ўтира олмасди, тик тўрганда оғирлигини у оёғидан бу оёғига солиши, қимиirlashi мумкин эди, қимиirlamaslik эса уни эзиб юбораётганди. Михеич ғадир-будир, титроқ бармоқлари билан трубкасига тамаки босди, анча овора бўлиб, чақмоқтош билан ёндириб чекди. У тутунни ютди-ю, тиқилиб, йўталди, тескари ўгирилиб, ерга энгашди, ичаги узилгудек бўлиб узоқ йўталди, анчадан кейингина нафасини ростлади. Настена кутиб турарди. Михеич нафасини ростлагач, тинчланиш учун яна бир нечә марта тортди, ёшовлаган кўзларини Настенага тикиди ва ҳорғинлик билан, хиёл пўписа қилиб деди:

— У шу ерда, Настена. Йўқ, дема, биламан. Ҳеч кимга оғиз очма, фақат ўзимга айт. Айта қол, Настена, менга раҳминг келсин. Ахир мен отасиман-ку.

Настена бошини сарак-сарак қилди.

— Айта қол, умримнинг охирида бир мартағина кўриб қолай. Худо ҳақи, ёлбораман, Настена, айта қол. Агар мендан яширсанг, худо ҳам кечирмайди сени... Мен ундан нимадан умид қилаётганини сўрайман, холос. Ҳўш, у сенга айтмадими? Авлодимизда ҳар хил одамлар ўтган, аммо биронтаси бунчалик... Аблаҳлик қилибида-қилиби, майли. Ўзини-ўзи расво қилиби... Бизни юзлаштириш, Настена,— деб талаб қилди у деярли дағдага билан.— Худо ҳақи, илтижо қиламан, юзлаштириш. Бутунлай мурдор бўлмасидан уни қайтариш керак. Ўзинг кўриб турибсан, бундан ортиқ ўйнашиб бўлмайди. Шуниси ҳам етарли. Менга раҳминг келсин, Настена, ёрдам бер. Ўзинг ҳам енгил тортасан.— Унинг ялиниб-ёлборишлиаридан ийиб, хаёлга чўмиб қолган Настена яна бошини чайқади:

— Нималар деяпсиз, ота? Мен сизга нимани айтай, ахир. Айтадиган гапнинг ўзи йўқ. Ҳеч ким йўқ, ўзингиз ўйлаб чиқаргансиз. Йўқ, ахир.

— Ёлғон гапирма, Настена,— Михеич ўрнидан турди

ва трубкасини оёғига уриб қўйди. — Кимга ёлғон гапиряпсан? Мен сен билан яхшиликласига гаплашмоқчидим. Анави, қорнингдаги, ўшандан-ку, акир! Иўқса кимдан бўларди?! Худди мен сени билмагандა-я, сенинг қанақалигингни мен билмас эканманми? Сен кампирга, бошқа аёлларга айтгин бу гапингни, аммо менга эмас. Милтиқни ҳам ўшанга элтиб бергансан, бошқа кўп нарсаларни ҳам ўшанга ташидинг. Мана, сенга исботи,— у трубкасини Настенанинг қорнига тегизай деди-ю, яна тортиб селди.— Буни қанақасига яширасан? Қанақасига? Мен сендан сўраяпман!

Настена гарчи айтмаслиги лозимлигини тушунса ҳам, аммо бошқа гап тополмай, ортиқ бир ниҳма дейишини билмай, тезроқ гапни бўлиш, тугатишга, тезроқ кетиб, бориб, яна ўзини каравотра ташлашга ҳаракат қиласкан, сохта, куракда турмайдиган, жирканч важ кўрсатди:

— Андрейингиз билан тўрт йил бирга турдим, ҳеч нима бўлмади. Сиз эса, мана далили дейсиз.

Михеич тахта бўлиб қолди, унга тикиларкан, қўрқиб кўзларини пирпиратди ва бурилиб, дарвозача томон оғир қадам ташлади. Шу пайт, чамаси, кимдир кўчадан ўтиб қолди; Михеич дарвозачани очди, орқасига қараб бир силтанди-ю, ўзини зўрлаб чиқиб кетди.

## 21

Настена то Надъка ва болалари тинчигунча кутиб, алламаҳалгача ўзини уйқуга солиб ётди, битта-яримтаси уйғоқ бўлса-я, деган андиша билан яна пича тишини-тишига қўйиб чидади, шундан кейингина у оҳиста ўрнидан турди, кўйлаги, фуфайкаси ва бошмогини қўлига олдида, оёқ учida юриб, уйдан чиқди. У ялангdevor остидағи пиллапояда кийиниб олди. Кийиниб олган, аммо бош яланг Настена юқориги зинада сал хижолат чекди, да-диллашиб, шу ўйлаган ишимни қилсаммикин-қилмасаммикин, ё ҳеч қаёққа жилмасдан, яна кириб ўрнимга ётсаму ниҳоят танама тақдир қўйиб, оз бўлса ҳам айни муддаодек бир ухлаб олсан, яхши эмасмикин, деб ўзини синааб кўрди.

Тун ваҳимали эди — нам, жимжит, ҳаддан ташқари қоп-қоронғи эди. Утган куни кечаси ёмғир ёғди, эрталаб ҳам ўқтин-ўқтин йирик-йирик томчилаб турди, булутлар ташлаган сўнгги томчилар ҳудди шамол дараҳтларни силкитганда сачраб кетадиган томчиларга ўхшарди,

аммо қайтиб ёмғир ёғмаган бўлса ҳам кун бўйи ҳаво қовогини солиб, тунарилиб турди, ҳозир эса қоронғилик баттар қуюқлашиб кетганга ўхшарди. Қоп-қоронғи тунда иморатлар деярли қўринмасди, шу яқин-ўртадаги уйларни кўриш, ҳатто кўриш учун ҳам эмас, шунчаки қайси уй қаерда турганини билиб қўйиш учун ҳам астойдил тикилиб, кўзни йириб-йиртиб қарашга тўғри келарди. Оғирлашган осмон шунчалик паст осилгандики, унинг ердагига қараганда бошқачароқ совуқ нами, ҳавонинг қандайдир бошқача, айланиб-буралиб ўтаётгани сезилиб турарди. Агар қоронғиликнинг бунчалик қуюқ, ваҳимали эканлигидан Настена қўрқмаганида-ку, тун бекиниш учун айни муддао эди-я, у ерда, Ангарада тун бундан баттар қўрқинчли бўлади.

Настена пиллапоядан қўзғолганида Ангарага боришини ўйлаб қўйганди, кечаси, айниқса ҳаво айнаган пайтларда у одамлардан беркиниб юриб, кўпдан бери фақат бир йўлни билиб олганди. Настена бирон нимага қоқилиб кетмаслик, бирон ерини майиб қилиб олмаслик учун майда, тез-тез қадам босиб, бузоқхона орқали уч кун бурун ўзиники деб юрган мўрчага ўтди ва пийласланиб, курак билан ходачани топди. Настена бир қўл билан ишлайдиган эшкакка тегмади, буни қанақа ишлатишни у ҳали тузуккина ўрганиб олмаганди. Настена энди, Гусъковларницидан кетганидан бери Михеичнинг қайигидан сўроқсиз фойдаланиш ўғирликка ўхшарди, аммо унинг бошқа иложи йўқ эди. Бутунлай бегона одамларникини олиб бўладими, ахир? Е итларини олкишлашади, ё қўнгилларига бошқа ёмон гап келади. Бошига тушган бу савдо унга етиб-ортади. Худди унинг қўрққанини сезгандай, қишлоқ ўртасида нима сабабдандир бир ит тўсатдан вовиллаб қолди, унга бошқаси ҳам қўшилди — Настена қўрқиб кетди-да, юраги гуп-гуп уриб, итларнинг тинчишини кутиб, гов ёнига чўнқайди. Бугун у ҳамма нарсадан: унга жуда қўл келган қоронғиликдан ҳам, ҳар қачонгига қараганда жимжит, тиқ этган товуш эшистиладиган сокинликдан ҳам, манави бекордан-бекорга ҳуриган итнинг (ит—ит-да) акиллашидан ҳам — чунки тезгина овози учиб қолди,— қўрқарди, буларнинг ҳаммасида унга қандайдир бир бараз, ҳийла-макр, ёмонлик аломати бордек туюларди. Настена оҳиста, нақ эмаклагудай бўлиб, ҳар қадамда энгашиб, қулоқ солиб, жарлик остига тушди, аммо тошлиқда оёғи остидаги шағалнинг гижирлаши қулогини қоматга келтираётгандай бўлди, сувга итарилаётган шитикнинг шиқир-шиқири ҳам қат-

тиқ, кар қиладигандай әшитиларди. Настена қайиқни сувга сураб, ичига ошиб тушди-да, әнгашиб тек ўтириб қолди, оқим шитикни қишлоқ орқасига қараб олиб кетди.

Бу ерда, Ангарада тун у қадар зим-зиё эмасди; дарёдан, сув ичидан хира ёруғлик милтираб кўтарилиб турарди, сув гўё буралиб, пастга тушиб кетгандай шу ёруғликда йилтираб гойиб бўларди. Ундан юқорироқдаги хира нур чизиги устида бошқа, ундан ҳам хирароқ, қаёқдан пайдо бўлаётгани маълум бўлмаган заиф, тарам-тарам ёруғлик кўринарди; ундан у ёги эса зим-зиё эди. Настена кўз югуртириб, оқ бакенниң чирогини қидириб топди, бу Настена Матвей бувага қарашиб ўрнатган бакенниң иккинчиси эди, шунинг учун Настена бакенниң шу ердалигидан, гойиб бўлмаганидан, ўчиб қолмаганидан, йўқолпіб кетмаганидан сал енгил тортиди. Сувнинг шовқини саёз ерда кечаси бўғиқроқ, пастроқдай эди, аммо шўх, ўйноқлаб бир маромда шилдиарди, сувнинг майин шилдираши ҳозир жуда яхши әшитиларди. Субҳидам шабадаси ўқтин-ўқтин айланиб, гур-тур эсарди-да, яна сусайиб қоларди...

Энди эшкакларни ишлатса бўларди, қанчалик зимзиё бўлмасин, ёз туни барибир қисқа. Настена аввалига тонг отмасдан қайиқни жойига элтиб қўйишни мўлжаллаганди, аммо энди улгурмаслигини тушунарди. Ўрнида узоқ чўзилиб ётди, пиллапояда анча ўтирди, хийлагина эшкак эшмади, сув оқиздиришини кутиб тек ўтирди, вақт эса кутиб турмади. Кун ёришганда ҳам қайтиб борса ёмон бўлмайди, аммо ўшанда ҳам то одамлар ўринларидан туриб дарёга чиққунларича бориш керак, ҳамманинг кўзи олдида бориб қайиқдан тушсанг, ортиқча гап-сўзга, гийбатга баҳона топиб берасан. Эҳтимол, бу охирги марта келишидир, бундан кейин керак бўлмас ҳам. Бундан бу ёғига таваккал қилиб бўлмайди — шуниси ҳам кифоя. Чамаси у, Настена, шусиз ҳам қаердадир, қачонлардир бир янглишганга ўхшайди, бирон нимани керагидан ортиқча кўрсатиб қўйган шекилли — қаерда, қачон, нимани? Энди суриштириб ўтиришнинг нима кераги бор? Бундан ҳеч иш чиқмайди. Ишқилиб Андрейни огоҳлантиришга, у билан гапни бир ерга қўйишга улгурса бўлди, кейин нима бўлса бўлар. У ўзини шундай қаттиқ чарчаган, жонида жон қолмаган ҳис этдики, нарироққача қайиқни ҳайдаб боргач, эшкакни қўйиб, чўзилишни, кўзларини юмишни истарди — майли, қаёққа оқиздириб кетса кетаверсин, бундан баттари бўлмайди.

Семёновна уйдан ҳайдаб чиқаргандан бери орадан уч

кун ўтган бўлса ҳам Настена ҳамон қаердадир одамлар орасида яшаётганига, илгаригидек ўз хонасига ўтиб, кийимини алмаштиришига, ёғоч каравотига ўтириб, ётиш олдидан ийманиб қорнини силаши мумкин эмаслигига сира ишонгиси келмасди. Энди, ҳомиладорлигини яшириб юришнинг ҳожати қолмагандан кейин, унинг сири ошкор бўлиб, эринмаган ҳар қандай одам худди ширин нарсани ичиб, ҳузур қилгандек, кўзини лўқ қилиб турадиган бўлгандан сўнг, унинг борлигини тўлдириб, ҳаяжонга солиб, титратиб турган сезгири ҳис-туйғуси ич-этини кемиришга тушгач, болага меҳри ҳам сўна бошлади. Унда қўрқувдан бўлак нарса қолмади: нима бўларкин? Уззукун одамларнинг айбситиб, тешиб юборгудек бўлиб тикилишларига ҳам чидаш осон эмас-да, ахир қарашганда ҳам синчковлик, шубҳа, нафрат билан қарайдилар; Настена бошига тушган бу ишлар ҳақиқат эканини тушунишга қодир бўлмаганидек, бошқалар ҳам бу ўша ўзлари билган Настена эканига ишона олмасдилар ва ҳар сафар Андрей шу ердамикин, қорни пучайиб қолмадимикин, гойиб бўлмадимикин деб, миш-мишларнинг далилини қидиришарди. Ҳеч ким, биронта одам ҳам, ҳатто tengқури Лиза Вологжина ҳам лоақал, қўявер, бардам бўл, гап-сўзларга қулоқ солма, туғадиган боланг ўзингники, биронники эмас, шунинг учун авайлашинг керак, одамлар әса, вақти келиб, тинчиб қолади, деб кўнглини кўтариб қўймади. Агар сал вақт тўғри келганд-ка-ку, Лиза ҳам Максим уникига кириб-чиқиб юрмаганимикин, деб шубҳаланиб ўқрайиб юради-я. Балки энди ўйланиб қолгандир, ҳисоблаб чиққандир — ким билади дейсиз уни? Анави Катерина, Несторнинг хотини озмунча жаҳли чиқиб, олайиб, сасиб юрдими, ахир унинг олдига бориб, ўзингни бос, бунга сенинг Несторнингнинг ҳеч қандай алоқаси йўқ, деб тушунтиролмайсан-ку.

Ҳар ким ҳам Настенанинг вакил тўғрисидаги чўпчагига ишонмасди — шунаقا бўлиши турган гап әди, аммо Настена бу важ-карсондан сира енгил тортмасди. Хотин-халажлар майли, уларга-ку бир йўлини қиласар, у хотин-халажлар олдида гуноҳкор эмаслигини, лоақал улар бунга тақишиган айбни қилмаганлигини билар әди, шунинг учун Настена уларга уялмай-нетмай қаарарди: аммо ҳақиқатга яқинроқ гапга шама қилишганидан ноқулай аҳволга тушиб қоларди. Настенанинг гуноҳи маълум бўлиб қолган куни биринчи учрашувдаёқ Иннакентий Иванович айёр, суллоҳ кўзларини қисиб, тушунаман дегандай бөш чайқаб, азмойиш олиб деди:

— Менга қара, ҳой хотин, сени бунақа медаль билан ким тақдирлаганини ҳали аниқлаш керак. Тўғрими?

У шундай деди-ю, бутун вужуди кўз-қуллоқа айланиб, бирон ери қилт этармикин, сездириб қўймасмикин, тасодифан оғзидан гуллаб қолмасмикин, дегандай унга тикилди.

— Аниқлайверинг, суришираверинг, Иннакентий Иванович,— деди кейинги пайтларда унга тап тортмай муомала қиласидиган Настена Иннакентий Ивановичга сал ён бериб.— Аммо мен ҳозирча бола Иннакентий Ивановичга ўхшайди деб тураман.

— Туф-е, тұф-е, мараз!— деб тупурди Иннакентий Иванович ва кетаётиб дағдага қилди:— Ҳечқиси йўқ, аниқлаймиз, у кимга ўхшаркин.

Бу гап Настенанинг ўтакасини ёриб юборди, энди нима қилишини у ҳатто тасаввур ҳам эта олмасди. У умуман нима қилиши кераклигини заррача кўз олдига келтиролмасди, тузукроқ ўйлаб кўриб, бирор қарорга келишга қодир эмасди: биринчи куни Семёновна қичқирганида у қандай караҳт бўлиб қолган бўлса, бу караҳтлик ҳамон ёзилмаганди. Атрофдаги барча нарса қўзига ҳунук кўринарди, бегонадек, унга қарши қаратилгандек туюларди, унинг ҳар бир қадамини кузатиштаётгандек, кўнглига келган ҳар бир гапни билиб туришгандек бўларди. У тахта бўлиб қолмаслик, ҳушидан айрилмаслик учун қимирлаб юради, ишга чиқарди, бирон нимани сўрашса, бир нималар дерди, аммо нимани гапирганини, нима иш қилганини, қаерга борганини дарров эсидан чиқариб қўярди. Кечалари у бирон најот йўлини тополмай қолган кезларида аччиқ дард-аламдан тўлгониб деярли ухламасди, ёруғда эса, эрта билан кечни ажратолмасди ва адашиб, боши айланиб, бутунлай ўралашиб қолганди. Надъка уни гоҳ столга, гоҳ ўринга, гоҳ далаға туртиб олиб борарди, бақириб-чақиради, Настена нима талаб этилса, шуни бажаарди ва итоаткорлик билан ҳаракат қиласиди, яна аввалгидек караҳт бўлиб, тинкаси қуриб, рўпарасига шуурсизлик билан тикилиб ўтираверарди. У негадир юраги орзиқиб, бугун-эрта бошланадиган пичан ўримини кутарди: негадир у хушчақчақ, илгари жон-дилидан яхши кўрадиган ўрим даврида бир ўзгариш бўлишига, азоб-уқубатли, ўралиб чигаллашиб кетган ишларидан қандайдир натижа чиқишига ишонарди. Бас-да, қанча чидаш мумкин?!

У бугун Андрейнинг олдига бормоқчи эмасди, аммо кечқурун Надъка ўтиришдан келди-ю, шундай деди:

— Менга қара, Настена, одамлар сенинг түгрингда нималар дейишаётганини биласанми ўзи... Одамлар сени бирордан эмас, ўз эридан ҳомиладор бўлган деяпти.

Настена аъзойи баданидан олов чиқиб кетганини сезди.

— Уз эримдан қандай ҳомиладор бўлар эканман, а?... у ўзини зўрлаб ҳихилади.— Ахир, тўрт йил — ҳомила учун бу кўплек қилмасмикан?

— Менимча, Иннакентий Иванович тусмол билан шунаقا деяпти шекилли. Ҳамма гап ўшандан чиқяпти, чамамда,— деб тушунтириди Надъка.— Бу алжиган чол сира тинч юрмади-юрмади-да. Ўзи-ку хотинларга асқотмайди. Шунинг учун бирон қизиқроқ гап топиб, одамларнинг бошини айлантириб юрибди-да.

— Эримдан бўлса, эримдандир-да,— деди Настена нима десанглар деяверинглар, менга нима, демоқчи бўлгандек унинг фикрига қўшилиб.

Шу гапдан кейин Настенанинг юраги орқасига тортиб кетди: тагига етади, бу искович, тагига етади. Бу бруғ оламда Иннакентий Ивановичга ўхшаган одам йўқ. Еир изига тушдими, бўлди, то тагига етмагунча кавлаштираверади, қўймайди. Ҳа, районга боради, вакилни қидириб топади-да, унга ҳадемай Атамановкадаги ўйнашинг туғиб беради, деб шама қилади. У эса, турган гап, тонади, ғазабланади, ана шундан кейин гап катта бўлади. Йўқ, Андрей кетиши керак — қаёққа бўлса ҳам, қайси томонга бўлса ҳам майли, аммо кетиши керак. Еки келиб таслим бўлиши керак: ўз ихтиёри билан бўлса, шафқат қилишлари мумкин. Эй худойим-ей, калава қанчалик чириалиб, чалкашиб кетган бўлмасин, бир кун уни чиқади-да. Жуда чакки иш қилди-да, жуда чакки иш қилди... нима кераги бор эди! Борди-ю, у бирон сўқа кетиб, гўё умуман йўқдек умрбод гумдон бўлиб кетгандаям,— Настенанинг ўзи ҳам нима истаётганини билмай қолганди!— барibir бола шундан кейин бадном бўлиб қолаверади, Андрей эса, ҳаммасидан ҳам, ишқилиб, боланинг отаси урушдан жуфтакни ростлагб қолган бир қочоқ эди, деган гап-сўзларга қолмасин, дерди. Кейини бу доғни ҳеч нима билан кетказиб бўлмайди; инсон табнати ўзи шунаقا, агар унга фалончи шайтондан туғилган десанг, у ишонадими-ишонмайдими, аммо ҳарқалай у шайтонни эсидан чиқармайди, ҳатто ўшандан, шайтондан бўлган деб юзлаб далил-исбот топади. Демак, туғилган бола ҳам иснодга қолар экан, кейин умрбод бу исноддан қутулолмай юрар экан. Йўқ, бундан ҳам

ҳеч иш чиқмас экан, уларнинг ўйлаганлариdek чиқмас экан. Ота-онанинг даҳшатли, аянчли касофати болага ҳам урар экан — бу гуноҳ билан у ёқса қочиб қутуларди? Бола ҳам кечирмайди, ота-онасидан домангири бўлиб юраверади — қилмишларига яраша-да.

Зулмат, атроф шунчалик қоп-қоронғи, зим-зиё! Осмон бор оғирлиги билан елкасидан босиб турибди; қирғоқлар ҳам кўринмайди — фақат сув, бу сув тўхтамасдан исталган пайтда ёйилиб, яна йигилаверади. Вакеннинг милтиллаб турган чироги яна ёнармикин, ўчиб қолмадимикин — сира тушуниб бўлмайди, гоҳ йилт этиб қолади, гоҳ йўқолади. Кечаси сувда кетаётганингда атроф жуда бефайз, руҳсиё бўлади, худди сув босиб кетган эски қабристонга ўхшайди, томонинг худди бўрсиган тахир нарсадан чақа бўлгандай ачишиб-қичишиб туради, юрагинг ҳам орқага тортиб, ноаниқ унлардан яшириниб, бир бурчакда қапишиб тураверади; назарингда, ичингдан қандайдир бир овоз чиқади-ю, қандайдир бир мудҳиш ҳақиқатни айтгандай бўлади, шундан кейин у ёғига сузид боргинг ҳам келмай қолади.

Настена эшқакларни оҳиста, шалоплатмасдан сувга туширди ва уларни эҳтиёткорлик билан ўзига тортиб, щитикни олдинга сурди. Назарида, у жимгина сузид бораётгандек эди, ҳар бир овозга — дарё шовқинига ҳам, бошқа товушларга ҳам, дарёнинг нариги томонидаги садоларга ҳам — ҳаммасига сезгирилик билан қулоқ солиб, ҳар ишга шай бўлиб бораётганди. Шунинг учун қирғоқда худди ёғочни тахлашгандек қисқа бир тўқ этган овоз эшитилганда, Настена шу заҳоти бу овозни илғади-ю, қотиб қолди. У шу ондаёқ қайиқни тошлиқдан сувга итариб туширилаётган пайтда чиқадиган таниш гижирлашни эшитди. Сув шалоплади, кейин ҳаммаёқ жим бўлиб қолди, аммо кўп ўтмай Настенанинг қулогига бир маромда эшилаётган бир қўлли эшқакнинг чўлп-чўлли чалинди.

Шубҳаланмаса ҳам бўларди: кимдир кетидан сузид келяпти. Кимдир пойлаб, то Настена сал нарига кетгунча кутиб турган-да, кейин кетидан йўлга тушган. Ким — Михеичми ёки бошқами? Жарлик остида бир-бирига яқин яна иккита — Иннокентий Иванович билан Агафья Сомованинг қайиги турувди — қайси бирини олса бўлаверади, икковиям қулфланмаганди. Настена қиммир этмади: сув унинг шитигини буриб суриб кетди, икки томондаги эшқаклар сувни тилиб борарди. Ундан

у ёғига боришни ўйлашнинг ҳожати қолмаганди: у эшитдими, демак, уни ҳам эшитишади. Мана, сузид ҳам борди, огоҳлантириб ҳам бўлди! Орқага қайтиш керак. Михеич бўлса-ку, майли-я, қўрқинчли ери йўқ, борди-ю, бошқа одам бўлса-чи? Ким бўлса ҳам Настена унга ўзини билдириб қўйди.

Настенани йўқотиб қўйгач, анави қайиқ ҳам жим бўлиб қолди, кейин яна қуйруқдаги эшкакнинг эшилгани эшитилди. Настена ўша қайиқ овозига қараб эшкак эшиб, қирғоққа чиқиш кераклигини англаб қолди. Соҳил анча олис эди, аммо Ангаранинг анча қуийи өқимида сув ичига суқулиб кирган тепалик бор эди, ўша ерда сув тошларга урилиб шовиллаб оқарди. Ишқилиб ўша ерга етиб олса, бас — қўрқмасдан эшкак эшаверасан, тақиллатмасанг бўлгани. Нарёқдаги эшкакнинг бир текис билинار-билинмас шилпиллаши Настенанинг тўғрисига келди-да, ёнидан ўтиб кетди, нарироқ бориб жим бўлди; Настена ўзини сездириб қўярмикин деб кутиб туришди, кейин ҳеч нима эшитмагач, яна йўлларига қараб кетишиди.

Настенанинг назарида тонг ёришаётганга ўхшади; ҳавода хира, қўнғир тусдаги тарам-тарам ёруғлик пайдо бўлди. Тонгга яқин совуқ тушиб, шабада кучайди-да, орқадан эса бошлади, шитикнинг ён-берида сув айланиб жимиirlарди. Настена ҳамон биқиниб, ниҳоят тепаликка етиб келди ва ёғоч билан итариб, шитикни соҳилга сурди. Мана, энди эҳтиёткорлик қилмаса ҳам бўларди, аксинча, анави кетидан пойлаб юрган одамга мен Ангарадан ўтмоқчи әмасдим, ўзим уйқусизликдан шунчаки соҳидан узоқлашмай айланмоқчи, гам-туссанни ёзмоқчи бўлувдим, ҳа, шуни билиб қўй, дегандай тарақ-туроқ қилиши керак эди. У чарчаганди, бўлиб ўтган ишлар уни чарчатганди. Қаттиқ ҳолдан тойган эди. Тезроқ бир ёқли бўла қолсайди; ахир бунақа ҳаётдан ё у ёқлик, ё бу ёқлик бўлгани яхши-да. Унинг уйқуси келарди, аммо иши юришмаганидан, Андреевска бора олмаганидан у ухлай олмаслигини тушунарди. Фақат ишни расво қилди: Ангарани бой бериб қўйди.

У соҳилга чиқиб, нима сабабданdir тирмашиб жардан кўтарилди. Чиндан ҳам тонг ёришиб қолибди: қоронги осмонда тоғ томондан тушаётган хира ёруғлик кўринарди. Тун чодирини йигиштираётганди, ҳаво ҳам жўнашиб кетганга ўхшайди, тушга бориб, осмондаги хўмрайган булутлар ҳам тарқаб кетса ажаб әмас. Қўрқинчли, машъум тун, бундай кечада юраги тоза одам-

лар ҳам қийналиб кетади, унинг, Настенанинг эса, эзилган, бебош юраги адою тамом бўлганди, у сирқирагани сирқираган эди, нуқул нолаю фарёд қиласди-ю, ҳеч нарсага умид боғлаёлмас эди.

Настена тўсатдан ўзини орқага ташлаб, қийшайиб қолган хочни ушлаганча бақириб юборди. Э худоё худовандо, қаерга келиб қолди? Қаерга келиб қолди?! Ахир, бу сувга чўкиб ўлганлар қабристони-ку. Қўрқанидан аъзойи бадани музлаб, оёқлари латтадай бўшашиб, ўзига бўйсунмай қолди. Настена эмаклаб ўпирилган қабрдан чиқди ва сирғаниб пастга, қайиқ ёнига туғди. Эй худо, раҳм қил! Қандай гап ахир бу?! Нимага, нима сабабдан? Ўзининг жонини ҳовчулаб юргани етмасми? У битта-яримта эшитиб қолади деб ўйлаб ўтирмасдан шартта ёғочни олди-да, бу расво, ваҳимали жойдан кучи борича қайиқни юқори оқимга җараб ҳайдаб кетди. Бу қабристон ёзда, Мишка батрак келгандан кейин пайдо бўлди, у уруш бошларидаёқ болалар уйидан Атаманқвага келган бўлиб, ҳозир каттагина йигитча бўлиб қолганди.

Ҳозир сув гарқ бўлганларни ҳар қачонгидан ҳам кўпроқ оқизиб келарди — сабаби нимайикин? Ҳрушку тугади, умид кўпайди ёки ҳаёт кескин оғиб кетди-ю, бурилишда ҳамма ҳам тоб беролмай, заифлари Ангара-га қулаги тушяптиимикин? Ким билади дейсиз... Шу ерда ишлаб, қўл учиди, кун кўриб келаётгани учун батрак лақабини олган Мишка мурдаларни тутиб олиб кўмишдан ҳазар қилмасди, ҳар бир қабр учун қишлоқ советидан ўн сўмдан пул оларди. Пул топиши унинг ўзига ёкиб қолганди, Мишка батрак кун бўйи дарёда йўқ бўлиб кетарди-да, қиргийникига ўхшаган ўткир қўзлари билан ўлжасини қидирарди, у ҳозир мурдалардан тўртасини пастдаги ўтлоқча кўмган эди, кўмганда ҳам пала-партиш, ҳафсаласизлик билан кўмганди, справкани колхоз тасдиқлаб берса бўлди-да, шу справка бўйича қишлоқ совети пул тўлайверади.

Шунинг учун Настена қайиқни ҳайдаб бораркан, бора-боргунча даг-даг қалтираб кетди. Ахир, эсида-ку, эсида-ку, кундузи бир чақирим наридан айланиб ўтарди, ўша томонга қарашга юраги бетламасди, кечаси бўлса келиб қолганини-я. Тўпна-тўгри қабр ичига тушиб кетибди-я — бу нима деган гап ўзи?! У даҳшат ва нафратдан қалт-қалт титраркан, энди ўзидан қўрқа бошлиди, роса қовун туширди-да. Шундан кейин у қўлини қайта-қайта ювди, ахир у шу қўллари билан қабрининг

ёпишқоқ тупрогини ушлади-ку, аммо барибир ҳамон қўлидан хамиртурушга ўхшаган бир ниманинг ҳиди келарди.

Аммо у текшириб кўришни ҳам унутмади: кетидан сузив келаётган киши Агафья Сомованинг қайифини олган экан.

## 22

Эрталаб Настена ишга чиқмади. Надъка ҳам ишга бормади, бунинг бирон ёмон ери йўқ эди: эртага ўримга кетишлари керак, охирги кун эса кимга керак бўлса, одатда у ёқ-бу ёғини йигиштиришга рухсат бериларди. Мана, ниҳоят, Настена пичан ўримига чиқадиган кунга ҳам етиб келди, гарчи бу куннинг унга қандай нафи тегишини аниқ-равshan билмаса ҳам, аммо шу кундан қандайдир унинг умиди катта эди. Аммо бу пичан ўриш-ку, ахир... У доимо мана шунаقا пайтларда ўзини гул-гул очилган, шод-хуррам ҳис этарди, ўрим-йигим пайтидаги ҳар қандай ишга жон-жон деб ёпишарди. Яна у қуёш тиғ тортмасдан бурун, шудрингда, далага чиқиши, чекига тушган пичанзор четида чалғисини ерга тираб туришни ва синаб кўриц үчун чалғисини илк дафъя қулочкашлаб пичанга солиб, дам олмай тортишни яхши кўрарди, кейин бутун вужуди билан ўрилаётган ширадор ўтларнинг ширт-ширт этишини ҳис этиб, қулочкашлагани-қулочкашлаган эди. У яна тушдан кейин, иссиқнинг тафти қайтмаган, қўллар безиллаб турса ҳам ўжарлик билан бориб-келаётган пайтда ўрилаётган ўтларнинг нола чекаётгандек бир меъёрда ширт-ширт қилишини яхши кўрарди, қўллар бориб-келар экан, қизиб кетарди, киши маҳлиё бўлиб, қўллари ишлаётганини, әрмак учун бориб-келмаётганини биларди; қалб хушчақчақ, жўлиқин эҳтирос билан ёнади, ана шунда ўзингни ҳам унуссан, ҳазил-ҳазил билан ишга киришиб кетиб, ўт ўтаркансан, худди қандайдир өсингдан чиқариб яшириб қўйган қимматли нарсангта санчаётгандек кетма-кет қулочкашлаб чалғи соловерасан. У ҳатто жазирамада йигиштираётган пичанларнинг чирс-чирс қилишини, турли-туман бўлиқ ўтларнинг маст қилувчи ўткир ҳиди гупиллаб туришини ҳам яхши кўрарди; у кечгача, то ўрилган пичанлар гарам босилгунча баҳслашгандай осмонга қараб-қараб қўйиб ишлашни ёқтиради; у ҳар бир ишнинг бошланишидан — бошидан то охиригача, дастлабги кундан сўнгги кунгача жон-жаҳди билан югуриб-слишини севарди.

Аммо бу бошқа Настена эди. У бошқа Настена эди, ўша пайтларда у, гўё бутун тақдири шу билан ҳал бўла-дигандек, пичан ўримини сабрсизлик, қандайдир бир орзу-умид, кўркўронга ишонч билан орзиқиб кутарди. Бу ҳам тўғри: назарида, пичан ўрим-йифими пайтида унинг қаерда бўлиши, ким билан яшashi, кимдан жаҳли чиқиши-ю, кимга ялиниши — ҳаммаси аниқ-равшан бўладигандек тууларди. Шунинг учун у қуёш чиқмасдан бурун бир ўзи далада бўлишни, белга урадиган ўтлар орасидаги марзада туришни ва то нариги бошига йўл очиб чиққунича тўхтамасдан, ўчакишиб, ўжарлик билан қулочкашлаб чалғи тортишни истарди. Ана шунда у орқасига қайрилиб қаарди-ю, эркин нафас оларди. Ахир одамлар: иш одамни гўрга тиқади, аммо у, шу иш уни то гўргача тўйдиди, асрайди, деб бекорга айтишмаган. Энг муҳими ҳам шу-да — асрайди.

Аммо бу гаплар кеча бўлган эди, бугун эса, тундан кейин, уни Андрей билан кўриштага қўймаганларидан сўнг у бутунлай гангига қолди; ҳоргинлик айни муддаога айланиб, кекини кучайтирди. Энди у ҳеч нимани истамасди, ҳеч нимадан умид қилмасди, ичи ҳувуллаб, кўнглини нохуш қоронғилик босди. Кеча, назарида, иложи бордек, умид қиласа бўладигандек туулган барча нарсалар бугун қалин девор билан ўралиб қолди. У кечаси билан мижжака қоқмади, илгарилари оғрийдиган боши ҳам энди оғримай қўйди, балки мияси муттасил азоб-уқубатдан отилиб кетаётгандай эди. Негадир ичи, бола турган ери тиқилиб, сирқиради, шунинг учун у аслида ўзи шунаقا бўлиши керакми ёки унга зиён етказиб қўйдими, билмасди. «Ҳа, не-не ниятларни қилиб юрувдинг,— деб ўзини койиди у ва хаёли қочиб кетди. — Энди азобингни торт».

У ҳеч бир ишга қўл урмади, бирон юмушга тутинмади ҳам, у ҳамма нарсадан ҳафсаласи пир бўлиб, гўё бир нимани қидираётгандай, бир нимани кутаётгандай, уйнинг у бурчагидан бу бурчагига бориб-келар, уйдан кўчага, кўчадан уйга кириб-чиқар эди-ю, аммо излаган нарсасини тополмасди, кутгани бўлмасди. У Лидкани тутиб олиб, бағрига босиб, эркалатаверганидан Лидка безор бўлди. Лидка энди уни кўрса бекинадиган бўлиб қолди.

— Нима бало, жинни-пинни бўлиб қолдингми? — деб ўшқирди унга Надъка.— Кечаси қаёқларда санқиб юрдинг ўзи?

Настена таажжубланмади ҳам, чўчимади ҳам, тўғрида, санқиб юрди, нега сўрамасин энди?

— Эримнинг олдига бормоқчи әдим, фикримдан қайтдим,— деб жавоб берди у. Тўғри гапни айтсанг, осонлик билан ишонишмайди. Ҳақиқатни айтиш эса, унга осон. Алдаш ҳам жонига тегди. Ҳаммаси ҳам жонига тегди.

— Ақлдан озибсан,— деди Надъка.— Жин урсин сени, мундоқ одамнинг гапини тушунмасанг. Тезроқ туғиб олгин-у, ҳадеб ўзингни қийнама. Бола тугасан-ку, кучук эмас-ку, ахир.

Тағин ҳам Надъкага раҳмат, ахир қувлаб юбормаяпти-ку. Настенанинг бошқа сұянағидан одами ҳам йўқ-да. Нима, келиб-келиб одамлардан унга шикоят қиласинми? Ахир, унинг ўзи одамларга қўшилмай қўйди-ку. Шундай очиқ кўнгил билан муомала қилаётган Надъкага ҳам Настена ҳудди ашаддий душманларга муомала қилгандек ёлғон гапирияти-я. Надъка содда, ишонади, аммо у ҳам бир кунмас-бир кун уни лақиллатганларини билиб қолади, бунинг учун ундан миннатдор бўлмайди. Йўлдан озди, борадиган ери йўқ.

Тушга яқин Михеич хилват ерлардан юриб келди-да, Настенани яна ғов олдига чақирди. У шошиб турганидан Настенага тик қаради-да, ямланиб ўтирмай, сира юз-хотир қиласдан, ачинмасдан шартта-шартта шундай деди:

— Менга қара, ҳой қиз. Агар у шу ерда бўлса, тезроқ қорасицини ўчирсинг, бўлмаса тутиб олишади. Мужиклар бир балони ўйлаб юрибди. Уларга Иннакентий Иванович комиссарлик қиляпти. Нестор бугун Кардага кетди. Бу бежиз эмас...

Настена чурқ этмади. Михеич кетмоқчи бўлиб тескари бурилар экан, боягидай қуруқ зарда билан қўшиб қўйди:

— Сен, қизни, ўғлим билан юзлаштирганинг учун дусибад қиласдим-ку, аммо сен шундоқ ҳам худонинг назабига учрайсан. Бунга сен гуноҳкорсан, бу гуноҳингдан қочиб қутулолмайсан,— кейин ичидаги аччиқ дардламини яшиrolмай ошкорасига деди.— У ҳам одам эмас экан ўзи: отаси билан гаплашгани қўрқди-я. Э-э, сенларни...

Михеич шундай деди-ю, қайтиб девордан ошиб ўтди ва маймоқланиб, оқсоқ оёгини ғалати тарзда судраб кетди.

Настена эса, қўра ўртасида анчагача қимир этмай наққайиб туриб қолди, у бирор йўлини топиш, муҳим, зарур қарорга келишга уринар эди-ю, аммо мужмал ғикрлардан мияси ғовлаб, бир фикрга келолмас эди.

Ҳаммаси тамом бўлди, кейинги пушаймон ўзингга душман. Ҳа, энди нимаям қилардинг? Кечикдинг.

Энди у ҳеч нимага — Михеичнинг келиб-кетганига ҳам, кечаси Ангарада кимдир кетидан тушганига ҳам ишонмасди. Назарида, у буларнинг ҳаммасини мияси айниб қолганда ўзи тўқигандай, тўқиганини унутиб қўйгандай эди. У илгари ўзини бошига қизиқ воқеалар тушган киши қилиб тасаввур этишни яхши кўрарди, кейин у тасаввуридаги бу воқеага шундай қизиқиб, берилиб кетардики, баъзан қайси тўғри-ю, қайси нотўғрилигини зўрга ажратса оларди. Ҳозир ҳам шунаقا бўлди шекилли. Боши чиндан ҳам тарс ёрилай дерди. Настена ҳозир ўз терисини шилиб олишга ҳам тайёр эди. У камроқ ўйлашга, қимиirlащга ҳаракат қиларди — ҳеч нимани ўйламаслик, ҳеч қаёққа қимиirlамаслик керак. Етар шу.

Кечқурун Надъка янги хабар топиб келди; Бурдак деган милиционер келибди. Настена ичида шубҳаланди: балки келгандир, балки йўқ. Ҳеч ким аниқ билмайди. Уларга ишонсанг, валдираиверишади. Ҳўп, келди ҳам дейлик, хўш, нимаси қўрқинчли? Атамановкада бирон иши бордирки, келгандир-да? Масалан, балиқ тутишгами ёки солиқ тўламаганларга амалини кўрсатиб, пўписа қилиб қўйгани келган бўлиши ҳам мумкин. Атамановка ўшанинг участкаси, у ҳар куни шу ерда ўралашиб юрса ҳам ихтиёри ўзида. Келган бўлса келибди-да, хўш, нима бўпти?

Настена Надъканинг болалари гимирлаб юрганига ҳам қарамай барвақт ётди, у дард-дунёси қўронги бўлиб ухлаб қолди. Худди мўлжаллаган вақтда уни кимдир туртиб уйғотгандай бўлди. У ўзини анча тиниқдан, тетик ҳис қилди, боши ҳам лўқилламасди. Настена туннинг қанчаси ўтганлигини билолмади — девордаги тоши осилиб турган соат тўхтаб қолганди, аммо Настена — кечикиб қолмаганига, ундан олдин ҳеч ким жўнамаганига ишонарди. У bemalol кийинди, шунингдек bemalol ташқарига чиқиб, кетидан эшикни маҳкам ёпди. Қайтанга яширинмасанг, қисиниб-қимтимасанг, ишнинг бароридан келади, бу сафар эса ишининг бароридан келиши унга жуда зарур эди.

Фақат ҳөзиргина Настена ҳавонинг сал-пал очилганини, энди осмоннинг у ер-бу ерида юлдузлар миътиллаб турганини пайқади. Тун жимжит, қоронги эди, аммо гира-ширада ҳарқалай атрофдаги нарсалар тузуккина кўриниб турарди, узун, кенг йўлакни эслатувчи Ан-

гарада эса, аҳвол бундан ҳам яхши эди. Настена соҳилдан қайиқни олиб, уни сувга итариб туширди-да, шу заҳоти эшкакни сувга урди. Етиб бориш керак, эрини огоҳлантириши керак. Видолашиб керак. Умрбодга видолашиб керак, қиёматгача бўлса ҳам ажаб эмас.

Номус... нега Андрейнинг олдида ҳам, одамларнинг олдида ҳам, ўз олдида ҳам номусдан ўлай-ўлай дейди? Уни шунчалик ерга қаратиб қўйгани гуноҳни у қаёқдан орттириди экан?

Бахтиёр кунларда маза қилиб яшаш қанчалик осону, бошингга кулфат тушганда кўрган кунинг қанчалик заҳар-заққум, қора бўлади-я! Нега инсонга ўзгаларнинг оғирини енгил қилиш учун эзгуликдан кўпроқ ато этмаганийкин? Нега яхшилик билан ёмонлик ўртасида доимо зиддият бор? Эй инсон, сенинг қисматинг шу деб пешонангга ёзаётганиларида сен қаерда эдинг, қайси қўғирчоқларни ўйнаётган эдинг? Нега тақдирга тан бердинг? Нега сен, фалокатдан әмаклаб эмас, учиб қочиб кетиш лозим бўлган пайтда ўйламасдан энг зарур бўлган қанотларингни кесиб ташлашларига йўл қўйиб қўйдинг?

Настена юз бераётган воқеаларни ўйларкан, пешонасига ёзилганига тан бериб, кўниб, эшкак эшарди: ҳа, кўриниб туриби, шунаقا бўлиши керак, қилмишига яраша-да... Ношуд одамга ишонганинг билан барибир у — ўлиб қайта туғилса ҳам, кўзи очилмайди, яшашни билмайди. Осмон шунчалик жимжит, сокин-а, тавба. Кечакечаси жуда ваҳимали эди: қоронғида кўзинг ҳеч нимани ажратолмагандан кейин юрагинг орқага тортиб кетади-да, назарингда ҳозир бир бало бўладиганга ўхшайверади. Юлдузлар турган ерида пастда бўладиган ишларни анча олдиндан кўради дейишиади, шу гап ростмикин? Уни, Настенани кечаси кўриб-билиб турган юлдузлар қаердайикин, улар нимани сезишдийкин? Бугун юлдузлар зўрга мйлтиллаб туриби, қаёқдан ҳам башорат қиласади? У мулзам бўлиб, файрӣтабии, оғир, беҳуда ўй-хайларга ботиб эшкак эшаркан, кўнгли шу ўйхайларига жавоб беришга уринаётганидан ажабланарди.

Негадир унинг кўнгли ҳам худди қадимий чўзиқ юшулаки эшитиб, бу овоз кимники — ҳозир яшаб турсан одамникими ёки бундан юз йил, икки юз йил олдин таган одамнинг овозими, деб гангид қолгандай эди. Мор жимад юлади, иккинчиси бошлайди... Кейин учинчи чўгади...

Йўқ, яшаш ҳам лаzzатли, ҳам даҳшатли, ҳам иснод.

У шу ўй-хаёлларга ботиб бораркан, ногаҳон ашуладати овозлардан бошқа, бутунлай бошқа овозлар қулоғига чалинди. У ажабланиб қайрилиб қаради-да, соҳилда одамларнинг қорасини кўрди.

— Ана у, ана! — деб қичқирди Нестор. Сувда ким гапиргани ҳам, нима дегани ҳам яхши эштиларди. Нестор болохонадор қилиб сўкинди, Настена Нестор уни сўкаётганини фаҳмлади.— Вой юмшоқ супурги-ей, биздан олдин жўнаб қолмоқчи экан-да. Бориб бўпсан, вой бегуноҳ-ей, бориб бўпсан. Етиб оламиз.

— Иккинчи қайиқни тушир,— бу энди Иннакентий Ивановичнинг овози эди.— Тезроқ, нега имиллайсан?

— Етиб ола-а-миз!

Настена юраги ёрилганидан кучи борича эшкакни эшмоқчи бўлди-ю, аммо шу заҳоти эшкакларни туширди. Қаёққа? Нимага? У шусиз ҳам кераклича сузуб келди, у ёғига сузишнинг ҳожати йўқ эди.

У жуда чарчаганди. Қани энди бирон киши унинг қанчалик чарчаганини, қанчалик дам олгиси келаётганини билса эди! Қўрқмаслик, уялмаслик керак, эртанги кунни юрагингни ҳовучлаб кутмаслик керак, бир умр ўзингни ҳам, ўзгаларни ҳам эсламасдан эркин бўлишинг керак, бошингга тушганларнинг заррачасини ҳам эсламаслик керак. Мана сенга, сен кутган, юз азобуқубат билан эришган баҳт — нега у бунга илгари ишонмаган эди-я? У нимани излади, нимага эришди? Беҳуда, ҳаммаси беҳуда экан.

Номус... Агар сенинг ўрнингда бошқа одам бўлганда, яхшироқ яшави мумкин бўлган пайтда сенинг шундай яшашинг шармандалик эканини ҳамма ҳам тушунармикин? Шундан кейин ҳам одамларнинг кўзларига қараб бўларканми... Аммо номусдан ҳам ном-нишон қолмайди, номус унугилади, ундан қутулади...

У ўрнидан туриб, Андреевск томонга қаради. Аммо у ёқ, Андреевск томон қоронги эди...

Қайиқлар яқинлашиб келаётганди. Мана, ҳозир, ҳозир ҳам кечикяпти.

Настена қўйруқ томонга қадам ташлади-да, сувга қаради. Сувнинг қаъридан худди ваҳимали, гаройиб эртаклардагидек бир нима милт-милт этарди — осмон акси тушиб жимиirlарди. Қанчадан-қанча одам сув қаърига кетишга жазм этган, ҳали яна қанчаси жазм этади!

Ангаранинг кўндалангига қараб кенг соя сузуб борар-

ди: тун чодирини йигиштираётганди. Унинг қулогига тиниқ, эркаловчи, ундовчи шовуллаш чалинди, бу овоз ўилаб, юзлаб, минглаб қўнғироқчаларнинг жиринглашига ўхшарди... Уша қўнғироқчалар кимнидир ўйинкулгига чорларди. Настенанинг назарида уйқу элитаётгандай бўлди. У қайиқ четига чўккалаб, борган сари пастроқ энгашди, у бундан кейинги бир неча йилларни яқъол кўриб турган кўзларини йириб-йириб, сув қаърига тикилди ва тубида тугуртнинг чирт этиб ёнганини кўрди.

— Настена, эсингни йиғ, тентаклик қилма! Насте-е-о-на! — у яна Максим Вологжиннинг жонҳолатда щундай деб қичқирганини эшитди. Бу у эшитган сўнгги гап эди, шундан кейин у оҳиста сувга думалаб тушди.

Ангара шалоплади, шитик лопиллади, туннинг хира ёргулигига доиралар ҳосил бўлиб, ҳар томонга ёйилиб кетди. Аммо Ангара тез оқиб, бу доираларни ғижимлади-да, йўқ қилиб юборди. — у ерда эса, ҳатто оқим уриладиган чуқурча ҳам қолмади.

...Фақат тўртинчи куни сув Настенани Кардадан нарироқдаги қирғоққа чиқариб ташлади. Атамановкага хабар қилишди, аммо бу пайтда Михеич ўлар ҳолатда ётганди, шунинг учун Настенанинг жасадини олиб келишга Мишка батракни юбориши. У Настенани қайиқда олиб келди, олиб келгач, ўз билганича уни гарқ бўлганлар мозорига кўммоқчи бўлди. Аммо хотин-халажлар унамади. Шундан кейин Настенани қишлоқ мозорининг чеккарогига, қийшайиб қолган панжара ёнига дағи этишди.

Дафндан сўнг хотин-халажлар Надъканникига маъракага йигилдилар ва Настена жувонмарг кетди, деб кўз ёни қилдилар.

## СҮНГИ МУҲЛАТ

### I

Анна кампир печка ёнидаги энсиз темир каравотда ўлимини кутиб ётарди. Унинг назарида вақт-соати етгандай эди: кампир саксонга яқинлашиб қолганди. Кампир узоқ вақт кексалигини бўйнига олмай қимирлаб юрди, аммо уч йил бурун бутунлай кучдан қолгач, ноилож ётиб қолди. Ёзда у ўзини анча тузук ҳис этарди, шунинг учун у ўрмалаб ҳовлига чиқарди, офтобда исинарди, баъзан дам олиб-дам олиб бўлса ҳам кўчани қесиб ўтиб, Мирониха кампирникига чиқарди, аммо кузга бориб, дастлабки қордан олдинроқ жуда ўзини олдириб қўйди, шунинг учун у ҳатто эрталаблари набираси Нинкадан қолган тувагини ҳам ташқарига чиқариб қўйишга ярамай қолганди. Айниқса, кампир пиллапояда икки-уч марта ийқилиб тушгандан кейин унга умуман ўрнингиздан қўзғалмайсиз деб тайинлашди, энди унинг умри каравотида туриб ўтириб, оёгини осилтиришу яна ўрнига ётиш билан ўтарди.

Кампир умрида анча-мунча фарзанд кўрди, аммо ҳозир шулардан фақат бештаси бор эди. Бунинг сабаби шу эдики, аввало уларнинг оиласидан ўлим худди тезуқхонадаги товуқларнинг додини бераётган сассиқ-кузанга ўхшаб бирин-сирин болаларни олиб кетди, кейин эса уруш бошланиб қолди. Аммо шундай бўлса ҳам бештаси омон қолди: уч қизу икки ўғил. Бир қиз районда, иккинчиси шаҳарда, учинчиси бўлса жуда олисда — Киевда яшарди. Армиядан кейин шимолнинг қаериадир қолган катта ўғли шаҳарга келиб қолди, кампир эса қолгаи умрини қишлоқдан ҳеч қаёққа жилмаган кичик ўғли Михаилнида ўтказаётганди, кампир иложи борича ўглиниң оиласида кўзга тушган хас бўймаслик-ка ҳаракат қиласарди.

Бу сафар эса кампирнинг қишдан эсой-омон чиқишига умид йўқдай эди. Ёздан бошлабоқ кампирнинг мазаси қочиб, тез-тез ҳушидан кета бошлади, бундай пайтларда Нинка чопқиллаб бориб айтиб келаётган фельдшер аёлнинг уколларигина кампирни нариги дунёга жўнашдан олиб қолаётган эди. Кампир ҳушига келгач, ўзига хос бўлмаган ингичка овозда иҳраб-сиҳарди, кўзларидан ёш думалаб тушарди, шунда у йиглаб дерди:

— Ахир мен сизларга бир неча марта айтганман, менга тегманглар, қўйинглар, тинчгина жойи ростонимга кетай деб. Агар анави фельдшерларинг бўлмаганда ҳозир мен, эҳ-ҳе, қаёқларда юрган бўлардим-а.— Шундан кейин кампир Нинканинг қулогига қуярди:— Энди сен уни чақириб келмагин, бормагин. Агар ойинг сенга айтиб кел деб буюrsa, сен мўрчага кириб беркин, бирпастдан кейин келиб, уйида йўқ экан, дегин. Мен сенга конфет — жуда ширин конфет бераман.

Сентябрнинг бошларига келиб, кампир бошқа дардга чалиниб қолди: у уйқудан бошини кўтара олмасди. У энди на ерди, на ичарди, фақат ухларди. Агар уйготишса, у кўзини очарди, паришонлик билан хира кўзларини тикарди-ю, яна уйқуга кетарди. Кампирнинг тирик ёки ўликлигини билиш учун тез-тез уни қимиirlатиб кўришарди. Кампир чўпдай озиб кетди, ой охирига келиб сарғайиб, мурданинг ўзи бўлиб қолди, фақат танасидан жон чиқмаганди, холос.

Кампирнинг бугун-эрта кетиб қолиши жуда анцқ бўлиб қолгандан кейингина Михайл почтага бориб, акаси ва опа-сингилларига, келинглар, деб телеграмма юборди. Шундан кейин у кампирни қимиirlатиб огохлантириб қўйди:

— Шошмай тур, ойқ, акам, опа-сингилларим келишади. Улар билан кўришиб, рози-ризолик тилашинг керак.

Энг олдин, эртасига эрталабоқ кампирнинг катта қизи Варвара келди. Унинг келиши осон эди, район олис эмасди, бор-йўғи эллик километр эди, йўловчи машинага тушса бўлди, келаверарди. Варвара дарвозани очди, ҳовлида ҳеч кимни учратмагач, бирдан овоз солиб йигини кўтарди:

— Вой ойижон, вой ойижон!

Михайл отилиб пиллаояга чиқди:

— Э, овозингни ў chir! Тирик ҳали, ухляяпти. Лоақал кўчада бақирмасанг-чи, бунақада бутун қишлоқни тўплийсан-ку.

Варвара унга қарамасдан ичкарига кирди, кампирнинг каравоти ёнига гурс этиб чўккалади-да, бошини сарак-сарак қилиб яна ув тортди:

— Вой ойижон,вой ойижон!

Кампир уйғонмади, унинг юзида сира қон қолмаганди. Михаил онасининг ичига ботган юзларига секин-секин урди, шундан кейингина юмуқ қовоқлар ичидаги кўзлар ҳаракатга келди, очилишга уриниб қимирлади, аммо очилолмади.

— Ойи,— деди Михаил қимирлатиб.— Кўзингни оч, Варвара келди.

— Ойижон,— уни гапга солишга ҳаракат қилди Варвара.— Бу мен, катта қизингман. Мен сени кўргани келдим, сен бўлсанг ҳатто менга қарамайсан ҳам-а. Ойи-жо-он!

Кампирнинг қовоқлари худди тарози паллаларидек лип-лип этди-ю, тўхтаб қаттиқроқ қисилди. Варвара ўрнидан туриб йиғлагани стол ёнига кетди — шу ер қулаироқ эди. У бошини столга тўқ-тўқ уриб, ўксис, юм-юм йиғлади ва анчагача ўзини босиб ололмади. Унинг ёнида беш яшар Нинка ғимирлаб юрар ва нега Варваранинг кўз ёшлари полга томмаяпти деб энгашиб қарап эди. Нинкани ҳайдаб юборишарди, аммо айёр қизча биқиниб кириб яна стол олдига келар эди.

Кечқурун уларкинг тахмини тўғри чиқиб, ҳафтада фақат икки марта қатнайдиган пароходда шаҳарликлар — Илья билан Люса келди. Михаил уларни пристанда қутиб олди ва ўзлари туғилиб-ўсган уйға бошлиб келди. Улар йўлда чурқ этишмади: Люса билан Илья тахтадан қилинган энсиз, лопиллаб турган йўлкадан, Михаил уларнинг ёнида, лой ғудда-ғудда бўлиб қуриб қотиб қолган ердан келарди. Қишлоқдагилар Люса ва Илья билан саломлашишарди-ю, аммо уларни гапга тутишмасди, одамлар ўтиб кетишар ва қизиқиб орқала-рига қайрилиб қарапашар эди. Деразалардан кампирлар ва болалар келганларга бақрайишарди, кампирлар эса чўқиниб қўйишарди.

Варвара укаси билан синглисини кўргач, ўзини тутиб туролмади:

— Ахир ойижонимиз... Ойи-жо-ни-миз!

— Э, бас қилсанг-чи,— деб уни Михаил яна тўхтатди.— Улгурасан ҳали!

Ҳаммалари кампирнинг каравоти олдига тўпланди — Михаилнинг хотини Надя ҳам, қизи Нинка ҳам шу ерда эди. Кампир қимир этмай ётарди, ё ҳаёти-

нинг охирни бўлгани учунми, ё ҳозиргина жони узилганниди — бадани совиб қолганди. Варвара дод деб юборди:

— Жони чиқибди-ку.

Ҳеч ким унга жим бўл демади, ҳаммалари қўрқиб қимирлаб қўйишиди. Люся шоша-пиша кафтини кампирнинг очиқ оғзига тутди ва унинг нафас олаётганини сезмади.

— Ойна тутиш керак,— деб эслаб қолди у.— Ойнани беринглар.

Надя столга қараб юурди, йўл-йўлакай ойна парчасини этагига артиб, уни Люсяга узатди: у наридан-бери ойна парчасини кампирнинг қони қочган лабларига тутди ва бир минутча ушлаб турди, ойна сал резаланди.

— Тирик,— деб енгил нафас олди у,— ойижонимиз тирик.

Варвара гўё бу гапни эшитмагандай яна ийглашга тушди, Люся ҳам кўз ёши тўкиб, бир четга кетди. Ойна Нинканинг қўлига тушиб қолди. У кейин нима бўларкин деб ойнага қараб пуфлайверди, бироқ ўзини қизиқтирадиган бирон нима тополмагач, пайт пойлаб туриб, уни кампирнинг оғзига тутди. Михаил кўриб қолди-да, Нинкани ҳамманинг кўзи олдида туртиб-туртиб, хонадан ҳайдаб чиқарди. Нинканинг жариллаши Варваранинг йигисини босиб кетди, шунинг учун у жим бўлишга мажбур бўлди. У хўрсиниб:

— Эҳ, ойижонимиз, ойижонимиз,— деб қўйди.

Надя, қаерга — шу ерга, столга дастурхон ёзайми ёки ошхонага жой қиласми, деб сўради. Ҳаммалари ойим безовта бўлмасин, яхшиси, ошхонага олиб бора қол дейишиди. Михаил бир шаша ароқ, бир шиша портвейн олиб келди, ароқни ўзи билан Ильяга, портвейнни опалари ва хотинига қуйди.

— Татьянамиз бугун келмайдиганга ўхшайди,— деди у.— Уни кутиб ўтирумаймиз.

— Ҳа, бугун кўз тутмасак ҳам бўлади, тўғри,— деб унинг гапига қўшилди Илья.— Агар кеча телеграмма олган бўлса, бугун самолётга чиқади, шаҳарда бошқасига тушади. Ҳозир районда ўтирган бўлса ҳам ажаб эмас, кечаси эса бу ёққа машина бўлмайди, тўғри.

— Ёки шаҳарда.

— Эртага келади.

— Эртага албатта келади.

— Агар эртага бўлса, улгуради.

Михаил уй әгаси сифатида биринчи бўлиб қадаҳни кўтарди.

— Қани, олинглар, дийдор кўришганимиз учун олайлик.

— Уриштириб ичса бўладими? — Варваранинг капалаги учеб кетди.

— Бўлади, бўлади, ахир бу поминки<sup>1</sup> эмас-ку.

— Унақа деманглар.

— Энди гапирсанг ҳам, гапирмасанг ҳам...

— Анчадан бери мана шунаقا тўпланишиб ўтиргандик,— деди тўсатдан Люся маъюсланиб.— Фақат Татьяна йўқ-да. Агар Татьяна келса, ҳеч ким ҳеч қаёққа кетмагандай бўлиб қоламиз. Ахир биз доимо мана шу стол атрофида тўпланишиб ўтирадик-да, хонада эса фақат меҳмонларга дастурхон ёзиларди. Мен ҳатто илгари ўтирадиган еримда ўтирибман. Варвара эса ўз жойида әмас. Сен ҳам, Илья.

— Қаёқда, ҳеч қаёққа кетмагандай эмиш-а! — Михаил хафа бўла бошлади.— Қораларингни бутунлай кўрсатмай қўйдиларинг-ку. Варвара бўлса-ку: картошками ёки яна бирон нима керак бўлганда бир кўриниб қолади. Сизлар бўлсанглар, тўё бу ёруғ оламда йўқдай.

— Ҳа, энди Варвара яқин-да.

— Ҳа, сизлар нақ Москвадан келасизлар, ахир,— деб Варвара узиб олди.— Бир кунда пароҳодда етиб келасизлар. Бизни жигарлиқдан чиқариб қўйғанларингдан кейин лоақал жим ўтиранглар бўларди. Шаҳарлик бўлиб кетдинглар-да, энди қишлоқдагиларни назаралинг илмайди!

— Сен, Варвара, бунаقا дейишга сира ҳақинг йўқ,— деди Люса қизишиб.— Шаҳарлигу қишлоқликнинг нима алоқаси бор бу гапга? Нима деяётганингни ўйлаб гапир.

— Ҳа, тўғри, бунаقا дейишга Варварани ҳаққи йўқ. Варвара одам әмас. У билан гаплашиб нима баҳра топардинг? Шунчаки юриби-да. Сингиллари-ю, укаларига опа бўлмай қолган. Қани, ўзинг айт-чи, уйга охирги марта қачон келувдинг ўзи? Варвара одам әмас, Варвара келиб ойисидан хабар олиб турибди, гарчи Варваранинг рўзгори сеникidan катта бўлса ҳам йилига бир неча марта келиб кўриб кетади. Энди ким айбдор, Варвара айбдор.

— Кўпдан бери келганинг йўқ, нимасини гапирансан! — деб Михаил Варваранинг ёнини олди.— Сен ке-

<sup>1</sup> Поминки — русларда марҳумни хотирлаб қадаҳларни чўкини оркаш ичишади. (Ред. изоҳи).

либ-кетганингда ҳали Нинкамиз туғилмаган ҳам эди. Илья бўлса-ку, охирги марта шимолдан кўчиб кетаётганида келувди. Ўшанда Надя Нинкани энди кўкрагидан ажратган эди. Эсингдами, ўшанда сийнасига горчица сурган эди, роса кўлган эдинг?

Ильянинг эсида бор эди, бош иргаб қўйди.

— Иложи бўлмади, шунинг учун келоммадим,— деди Люся хафа бўлиб.

— Истасанг, келардинг,— деди Варвара ишонмай.

— Иложи бўлмади деганимдан кейин келардинг дейишингга бало борми? Соғлигимни мазаси йўқ, агар отпускада қараттирмасам, кейин йил-ўн икки ой касалхонама-касалхона югуриб юраман.

— Ҳа, энди нима кўп, баҳона кўп.

— Баҳонанинг бунга нима алоқаси бўр?

— Шунчаки айтдим-қўйдим-да. Сизларга гапириб ҳам бўлмайди. Катта одам бўлиб кетгансизлар.

— Бас қилинглар,— деди Михайл.— Яна биттадан олайлик. Айниб қолмасин тагин, а?

— Э, бўлди,— деб огоҳлантириди Варвара.— Сиз, эркакларга ичкилик бўлса бас. Ойимиз ўлим тўшагида ётибию булар бўлса кайф-сафо қилиб ўтиришибди. Мабодо ашула айтманглар тагин.

— Ҳеч ким ашула айтмоқчи ҳам эмас. Аммо ичиш мумкин. Қачон мумкину қачон мумкин эмаслигини ўзимиз ҳам биламиз — ёш бола эмасмиз.

— Вой-буй, сенларга гапирангу қочиб кетаверсанг.

Улар бундан эллик йилча бурун марҳум оталари ясанган узун ёғоч етол атрофида мана шу хилда гаплашиб ўтиришарди. Улар алоҳида-алоҳида ватанли бўлиб кетганиларидан кейин бир-бирларига жуда кам ўхшар эдилар. Агар Варварага қарасанг, у буларнинг онасига ўхшарди, бўлмаса-ку ўтган йили элликдан ошган эди, аммо башараси жуда қари кўринарди, ўзи ҳам кампирга ўхшаб қолганди, уларнинг зотида ҳеч ким бунақа семиз, йўғон, тепса-тебранмас эмасди. У бир жиҳатдан онасига тортганди: у ҳам бирин-кетин туғиб ташлайверади, аммо Варвара туға бөшлаган вақтга келиб болаларни ўлимдан сақлаб қолишни анча ўрганиб олишганди, бу пайтда ҳали уруш-пуруш деган гап ҳам йўқ эди. Шунинг учун уларнинг ҳаммаси соғ-саломат эди, фақат бир ўғли турмада ўтирганди. Варвара болаларининг роҳатини жуда оз кўрди: улар ўешиб-улғайгунча унинг сна сути оғзига келди, бир кунгина тинчлик йўқ эди, болалар-ку, ҳозир вояга етган, аммо ҳозир ҳам ўша-ўша

қийналиш, уриш-жанжал бор. Ана шу болаларнинг орқасидан у бемаҳал қариб қолганди.

Кампир Варварадан кейин Ильяни, кейин Люсяни, Михайлни, энг охирида эса ҳозир Киевдан келишини кутишаётган Татьянани туққан әди.

Ильяни бўйи пастлиги учун то армияга олишгунларича Илья пакана дейишарди, ҳолбуки қишлоқда баланд бўйли бошқа Илья йўқ әди, шу-шу бу лақаб унга ёпишиб қолди. У шимолда ўн йилдан ортиқроқ яшагани учун сочи жуда кўп тўкилиб яйдоқ бўлиб қолганди, боши ҳаво яхши бўлган кунларда худди артилган тухумга ўхшаб ялтираб турарди. У ўша ерда, шимолда уйланди, аммо хотиндан унча баҳти йўқ экан, чуви чиқиб қолди, у эс-ҳушли, оддийгина, бўй-басти ҳам ўзига мос хотин олди, бирга тура бошлаганларидан кейин хотини ўзига нисбатан бир ярим баравар келадиган бўлиб семириб кетди, шундан кейин хотиннинг тили чиқиб қолди, ҳатто қишлоққа ҳам хотини Ильяга жуда зуғум қилармиш деган гап етиб келди.

Люся ҳам қирқдан ошиб қолганди, аммо ҳеч ким уни қирқдан ошган демасди: у бу ердагиларга қараганда бошқачароқ — юзи тиниқ, тоза, силлиқ, худди фотосуратидагига ўхшарди, кийимни ҳам пала-партиш киймасди. Люся уруш тугаши билан қишлоқдан кетганди, орадан ўтган шунчай йил ичидаги шаҳарликлар сингари ўзига қараб юрищни ўрганиб олганди, албатта. Ҳа, шуни ҳам айтиш керакки, болалари бўлмагандан кейин бошқа қанақа ташвиши ҳам бор дейсиз? Худо Люсяга фарзанд бермаганди.

Михайл эса Ильяга сира ўхшамасди — соchlари лўлиларникуига ўхшаш қалин, жингалак әди, соқоли ҳам гажак-гажак бўлиб буралиб турарди. Унинг юзи ҳам қора әди, аммо бу қоралик офтобдан, қишида совуқдан әди — ёзда дарёда юк ортарди, қишида эса ўрмонда дарахт кесарди — йил-ён икки ой у очиқ ҳавода юрарди.

Мана шундай қилиб улар узун стол атрофида жони узилаётган оналарига халақит бермаслик учун гаплашиб ўтиришарди, улар шу оналарини деб келган ва бир неча йилдан бери қадрдан уйларида биринчи марта йигилишган әди. Фақат Татьяна камлик қилиб турарди. Михайл билан Ильянинг ичадиган нарсаси бор әди, аёллар қадаҳларини нари суриб қўйишиди-да, аммо туришмади — улар бу учрашув, гап-сўзлардан, бугун кўриб турган барча нарсаларидан бўшашиб, эртага бошларига тушадиган ҳодисадан қўрқиб ўтиришарди.

— Биратўла Володькага ҳам телеграмма жўнатсам бўларкан,— деди Михаил.— Ҳозир ёнимизда ўтирган бўларди. Ҳозир қанақа бўлиб кетганикин, жуда кўргим келяпти.

— У ҳозир қаерда?— сўради Илья.

— Армияда, иккинчи йили ҳам тугай деб қолди. Ёзда отпускага бораман деб ваъда берувди, аммо бирон гуноҳ қилиб қўйди шекилли, жавоб беришмади. Бўлинмамдан биттаси постни ташлаб кетиб қолибди, командир бўлганим учун мени жазолашди, деб ёзибди, балки ўзи бирон бало қилиб қўйғанми, бирон иш қилиш қийин эканми у ерда. Сен нима дейсан, бувимнинг тоби йўқ экан, деса, жавоб беришармикин-йўқмикин?

— Жавоб беришлари керак.

— Кечак телеграмма берсам бўларкан. Жуда аҳмоқлик қилибман да. Қандай ёсам, қилдан қийиқ қидирмасдан жавоб беришаркин деб ўйлаяпман. Нима бўлгандаям набира да, ўғил эмас.

— Бувингни аҳволи ёмон, тез ётиб кел, деб ёзсанг, бўлаверарди,— деб маслаҳат берди Варвара.

Ўғли кетиб ҳаловатини йўқотган Надя ҳозир ўғлини шундоққина олдида кўргиси келиб, аъзойи бадани тортишиб кетди.

— Мен унга шунақа дегандим, аммо у кошки гапга қулоқ соладиган одам бўлса?

— Бир оз сабр қилинглар энди,— деди Люся.

— Ҳа, кутган маъқулроқ. Бўлмаса ҳамма ишни расво қилиб қўйиш мумкин. Кейин дарров гап шундай-шундай, деб ёзасизлар. Кўмиш маросимига жавоб беришлари керак.

— Вой-вой, вой-вой-ей,— деб хўрсинди Варвара.— Шуни ўйламабсизлар, ақлларингга келмабди. Ахир ҳаммамизнинг онамиз биттагина-ку, мана оқибати.

— Сенга нечта она керак ўзи?— деди ҳим-ҳимлаб Илья: Варвара хафа бўлди.

— Тавба, худди ўгайга ўхшайсан-а! Гапингни турган-битгани пичинг-а! Мени жинни қилмоқчи бўляпсан шекилли. Аммо мен сенчалик аҳмоқ эмасман. Пичинг қилмасанг ҳам бўлади.

— Мен ҳали ҳам сени аҳмоқ деяётганим йўқ. Намунча сапчимасанг?

— Ҳа, демайсан-а!

Люся Надядан секингина сўради:

— Тикув машиналаринг борми?

— Борликка бор-а, аммо тикидими-йўқми билмайман. Кўпдан бери тутганим йўқ.

— Бугун у ёқ-бу ёқни титкиладим, аксига олгандай биттаям қора кўйлагим йўқ экан,— деб тушунтириди Люся.— Гизиллаб бориб магазиндан газлама олдиму аммо тикишга сира вақт бўлмади, фақат бичиб келдим. Шу ерда тикишга тўғри келади.

— Бугун биткизолмайсиз-ов.

— Битказаман, мен тез тикаман. Кейин, ҳамма ётгандан кейин, шу ерда — ошхонада тикаман.

— Хўп, бўпти, олиб келай, ўзингиз кўрарсиз.

Улар ётищдан олдин яна оналари олдига тўпланишиди, улар анигини билиб ётишмоқчи эди. Люся кампирнинг қон томирини бир амаллаб топиб, ушлаб кўрди — кампирнинг жони билинар-билинмас эди. Михайл чидаб туролмай, онасини елкасидан ушлаб қимиirlатди, шу пайт ногаҳон кампирнинг ичидан инграш бўлиб инграш әмас, хуррак бўлиб хуррак әмас, гўё умуман оналарининг әмас, бегона бир овоз чиқди, гўё ўз иши билан кампирга чанг солиб турган ажал уларни жеркиб бергандек эди. Ҳаммалари Михайлга қараб жим дейишди, аммо бу овоздан ҳаммаларининг ўтакалари ёрилиб кетди, ҳатто Нинка ҳам онасининг пинжига кириб, писиб қолди.

— Лоақал эрта чошгоҳгача турсаям майлийди,— деди пиқиллаб Варвара ва жим бўлиб қолди.

Улар ётишга тараффуд кўра бошлишди. Хона кенгмўл эди, аммо қишлоқ одатига кўра ўртасидан иккига ажратилганди: бир томонида кампир ётарди, иккинчи ярмида Михайлнинг оиласи яшарди. Надя ўзи билан Михайлга полга ўрин солди, ўзининг каравотини эса Люсяга берди. Варварага эса буклама каравот топилди, уни, онамиздан хабардор бўлиб ётсин, деб кампирнинг бўлмасига қўйишпди. Ильяга ҳам ўша ерга ўрин солиб беришмоқчи бўлишди-ю, аммо у мен мўрчада ётаман деди. Михайлнинг мўрчаси озода эди, қурум босган, сасени әмасди, ўзи ҳам гов ёнида эди. Ильяга остига тўшашга пўстин, фуфайка, устига эса кўрпа беришди, у агар бирон гап бўлса дарров уйготинглар, деб чиқиб кетди.

Кампирнинг бўлмасидаги электр чироқни ўчиришиб, лампа ёқишиди. Лампа кечаси билан ёнишини назарда тутиб, пилтасини пасайтириб қўйишди.

Надя машинани топиб келди-да, уни ўзлари ўтирган ўша стол устига қўйди, шундан кейин Люея аввал бир

парча латта қўйиб, унинг юришини текшириб кўрди, машина яхши тикарди.

— Энди ёт,— деди Люся Надяга.— Иложи борида ухлаб ол. Ким билади кечаси нималар бўлади.

Надя кетди. Михаил пичирлаб ундан бир нимани сўради, у ҳам пичирлаб бир нима деб жавоб берди.

Машина қаттиқ тиқир-тиқир қилди, шу боисдан Люсянинг ўзи ҳам қўрқиб кетди-да, тутқичини қўйиб юборди, машинанинг тик-тики худди отишма овозидай туюлди. Эсхонаси чиқиб кетган Варвара оёқ яланг югуриб кирди, аммо Люсяни қўриб, сал ҳовуридан тушди.

— Ўзингга шукур, эй худойим! Нима экан деб ўйлабман. Аъзойи баданим титраб кетди. Намунча сенга шунчалик зарур бўлиб қолди?

Люся жавоб бермай тикаверди.

— Нима бало, азага мўлжаллаб қора тикипсанми?

— Сенга ҳам тушунолмай қолдим, наҳотки кўриб туриб шуни сўраш керак бўлса?

— Хўп, нима бўпти, мен нима дедим сенга?

— Ҳеч нима.

— Тикавер, бир нима деганим йўқ-ку сенга. Ёнингда бирпас ўтирай, кейин кетаман. Сенга халақит бермайман.

Варвара курсини яқинроқ сурини, унинг ёнига ўтириди. Варвара ечиниб ўтирмади, у шунчаки пайпогининг ҳалқасини бўшатиб тушириб қўйди, оёқларига ёпишиб турган пайпоқлари тиззасидан пастда осилиб турарди.

Қаердадир—олисдаги дарёда пароход кетма-кет бир неча марта бўғиқ гудок берди.

Варвара бошини кўтариб диққат билан қулоқ соларкан, афти бужмайиб кетди:

— Нега ҳадеб чинқиряпти?

— Билмасам. Битта-яримтага сигнал берадётгандир-да.

— Сигнал берадиган бошقا жой қуриб қолибдими. Ҳамма ёқни бузиб юборди-ку.

У яна бирлас, ўтириди-да, истар-истамас ўрнидан турди:

— Борай энди. Сен ҳали кўп ўтирасанми?

— Тикиб бўлиб ётаман.

— Бугун ётмасак ҳам бўларди, уҳ, ётмасак бўларди,— деди Варвара бошини чайқаб.— Гаплашиб ўтирасак бўларди, зорикмасдик. Кўнглим сезяпти: бир гап бўлмасайди ишқилиб.

Варвара кетди, аммо кўп ўтмай қайтиб келди, Люсяни қўрғитиб, деворга суюнди.

— Нима гап?— сўради Люся.

— Е менга шунаقا туюлди, ёки рост. Бор, бориб қара-чи.

Люся ишонмади, аммо ишонмайман, деб айтишга оғзи бормади, онасидан хабар олгани кетди. У онасининг қўлини ушлади, аммо орқасидан Варваранинг хириллаб оғир-оғир нафас олаётганини эшилди. Варварани ҳайдаб юборишга тўғри келди, шундан кейингина, шунда ҳам анчадан сўнгтина у кампирнинг қон томири худди бир неча юз километр нарида юз бериб, яна йўқ бўлиб кетган турткига ўхшаб жуда секин ураётганини аранг пайқаб олди. Назарида ўтган сафаргига қараганда бу сафар қон томирининг уриши яна ҳам заифлашиб, шунда ҳам бир текисда кетма-кет эмас, аҳён-аҳёндагина ураётган-дек эди.

— Сен бориб ёт,— деди Люся опасига ачиниб.— Мен то тикишимни тугатгунча хабар олиб тураман, кейин сени уйғотаман.

— Э, ҳозир уйқу келарканми?— деди Варвара болалар сингари зорланиб.— Илья айёр экан, билганларингни қилинглар дедио кетди-ворди. Э, энди уйқуга бало борми? Энди нима қилиш керак, нима қўйиш керак деб ўйлайвераман. Яхсиси, сени ёнингда ўтира қолай.

— Ўтиранг, ўтиравер.

— Миқ этмай ўтираман.

У яна Люсянинг ёнига ўтирди-да, хўрсаниб, газмолни ушплаб кўрди, унинг тикишини томоша қилди.

— Кейин бу кўйлакни қайтариб олиб кетасанми-йўқми?— сўради у:

— Нима эди?

— Агар олиб кетмасанг, менга бера қол демоқчи-ман.

— Бошингга урасанми? Ахир бу кўйлак сенга сифмайди-ку.

— Ўзимга эмас. Қизимнинг бўйи сенга етай деб қолди. Унга жуда лойиқ келарди.

— Нима, қизингни киядигани йўқми?

— Ҳа, очигини айтсан, йўқ ҳисоби. Кўйлаги бор эди, аммо ҳаммаси ҳам жуда эскириб, тўзиб қолди. Ўзинг биласан, қиз бола ясан-тусанин яхши кўради.

— Қора кийим ясан-тусанга бўларканми?

— Қизим унаقا инжиқ эмас. Ёғин-сочинда кийиб юрарди. Ёмғирда гулли кўйлакда юрмайсан-ку ахир.

Люся ваъда берди:

— Кетаётганимда бераман.

— Унга холанг берди деб айтаман,— деди хурсанд бўлиб Варвара.

— Нима десанг, ўзинг биласан.

Улар жим бўлиб, Люся машинани тўхтатгач, Михалининг бўлмасидан бироннинг хуррак отгани эшитила бошлиди. Варвара диққат билан қулоқ солди:

— Ким бўлдийкин?— хуррак кучайгандан кейин жаҳли чиқди:— Вой уятсиз-эй. Зап вақтини топибдида. Одамларда на шарм-ҳаё, на инсоф бор. Яна ўғил эмиш-а.— Варвара жим бўлди ва тўсатдан ялиниб-ялворди:— Юр, яна бир хабар олайлик. Бир ўзим қўрқаман.

Кампир бояги-боягидай эди: на ўлигу на тирик. Унинг аъзойи бадани совиб қолганди, фақат узоқ умр кўришга ҳиддатли куч олган юраги ҳали базўр тепиб турарди. Аммо унинг кўпга бардош беролмаслиги шундоққина кўриниб турарди. Нариси билан эрталабгача етиши мумкин эди. Люся то кўйлагини тикиб бўлмагунча Варвара ётмади. Шундан кейин ҳам Люся ўз каравотини опасига беришга мажбур бўлди, ўзи эса буклама каравотда ётди — шундай қилмаса Варвара бари бир уни ухлагани қўймас эди.

## 2

Фурсат етиб тонг ҳам отди, атроф ёриша бошлиди, аммо қуёш чиқмасдан олдин дарё томондан қуюқ, қалин туман босиб келди-ю, туманда ҳамма нарса ғойиб бўлиб, кўринмай қолди. Қишлоқда сигирлар аянчли маърашарди, хўроздар кекирдакларини йиртиб қичқиришарди, одамларнинг худди балиқ сувни шалопплатаетгандага ўхшаш қисқа, бўғиқ овозлари эшитиларди — ҳаммаёқ оппоқ, ҳавонинг заҳри томчилаш турарди, бундай ҳавода ўзингдан бошқа нарсани кўролмайсан. Ҳаво ўзи анча кечикиб ёришди, бунинг устига туман тушди-ю, расво қилди, пайпасланиб юришга мажбур этди.

Кампирнинг уйида ҳаммадан олдин Надя турди. Яқин-яғингача ҳам қайнонаси сигирнинг маъраганини эшитиб, уни уйғотарди, шунинг учун Надя гарчи уйғоқ бўлса ҳам бари бир қайнонаси ўз каравотида ётиб уни чақирганидан кейингина ўрнидан турарди. Мана, ҳозир ҳам у дарров ўрнидан тургани йўқ, аксинча, гарчи у кампирнинг чақирмаслигини билса-да, унинг овозини кутди. Кампирнинг овози эшитилмади, аммо соғилмаган сигир чўзиб мўътарди, шу боисдан Надя туришга мажбур бўлди. Кампирни бир зум ҳам эсидан чиқармаган, аммо унинг тирик ё ўликлигини билишдан қўрққан

Надя секингина кийинди ва биқиниб хонадан чиқди-да, даҳлиздаги михдан сут соғиладиган идишни олди.

Унинг кетидан эрта туришга ўрганиб қолган Варвара ҳам турди. Қараса Надя йўқ, бошқалар эса ухлаб ётибди, у полда ухлаб ётган Михаилни уйғотиш учун кетма-кет беш мартача қаттиқ-қаттиқ ва оғир-оғир хўрсинди, у ҳар хўрсингандаги охирини чўзиб инграб қўярди. Аммо Михаил ҳатто қимирламади ҳам. Шунда Варвара яна хўрсинди, аммо хўрсинганини ўзи ҳам пайқамай қолди, тириклар гўё тил биринчиришгандай донг қотиб ухлаб ётган уйда уни ваҳима босди. У битта-яримтасига ўзини сездириб қўймасликка ҳаракат қилиб, оҳиста, ҳадиксираб, кампир ётган иккинчи бўлмага ўтди ва эшик олдидаги тўхтади. Уйда кириш эшигидан бошқа эшик йўқ эди, фақат эшик ўрни бор эди. Варвара ним-қоронги хонага чўчиб тикиларкан, шу ерда туриб қолди. У кампирнинг юзини кўра олмади, уни каравот суюнчиги тўсиб туради, аммо адёл остида тирикли-ўлики бир нима бор эди, лекин юриб боришга, унга қарашиб Варваранинг юраги дов бермади, шу сабабдан у бош қашишга қўл тегмай қолган пайтда шошиб қолмаслик учун аввал ҳовлига чиқиб бўшаниб келиш керак, деб ўйлади-да, орқасига қайтди. Варвара ташқаридан Надя билан бирга қайтиб келди. Надя ошхонада сутни докадан ўтказишга кириши, Варвара ҳам шу ерга кириб Надянинг атрофига ивирсив юрарди. Стол устида машина Люся қандай қолдирган бўлса, шундайлигича туради, шунинг учун Надя шивирлаб сўради:

— Кечаси тикдими-йўқми?

— Тикди,— деб жавоб берди Варвара ҳам шивирлаб.— Баъзи икир-чикири қолди шекилли.— Шундан кейин у ортиқ чидаб туролмай ялинди:— Юр, бориб уйғотайлик уни, сира бўлмаяпти.

— Ҳозир, сутни элтиб қўяй.

Варвара даҳлизда Надянинг кетидан худди соядек эргашиб юрарди, Надя яна ошхонага кирди, чунки бир банка қолиб кетибди, уни олиб олиш эса Варваранинг эсига ҳам келмаганди, у шунчаки у ёқдан-бу ёқса бориб келарди. Ниҳоят Надя бўшади ва қўлини латтага артида, биринчи бўлиб кампирнинг бўлмасига кирди.

Люся ухлаб ётарди, ухлаб ётгани шундоққина кўриниб туради, аммо кампир хусусида ҳеч ким бунақа деб айтольмасди. Надя қайнонасига нигоҳ ташлади-ю, дарров кўзини бир четга олди, Варвара эса қарашиб қўрқиб, Люсяни қимирлата бошлади. Люся дарров

кўзини очди-ю, шу ондаёқ сақраб турди, унинг турткисидан буллама каравот бир томонга сурилиб кетди.

— Нима гап? — сўради Люся. — Нима гап?

Варваранинг ўпкаси тўла бошлади; — Билмайман. Ўзим ҳам билмайман. Сен ўзинг бир қара.

Люся ўзига келиб, қўллари билан соchlарини силаб, тартибга солди, ёнидаги курсида ётган халатини кийиб олди ва онасининг олдига келди. Жон бор-йўқлигини аниқлашни ўрганиб олган Люся кампирнинг қўлини кўтарди-ю, шу ондаёқ туширди ва орқасига тисарилди; кампир ногаҳон аянчли ингради-да, яна жим бўлиб қолди. Варвара саниашга тушди:

— Ойижоним, жон ойижоним! Кўзгиналарингни очсанг-чи!

Михаил иштончан югуриб келди. Уйқусираб нима гаплигини тушунолмасдан сўради:

— Узилдими? Эҳ, онажон, онажон... Володъкага телеграмма бериш керак.

— Нималар деяпсан?! — деб уни тўхтатди Надя. — Нега бунақасан-а?

Люся онасининг қон томирини ушлаб кўрди-да, енгил тортиб деди:

— Тирик.

— Тирик?! — Михаил Варварага ўгирилди-да, қизишиб деди: — Ундей бўлса нега сен ув тортиб, аза тутяпсан? Бор, кўчага чиқ, Нинкани уйготиб юборасан! Зап нағмани бошлапсан-да.

— Секинроқ! — деди Люся. — Ҳаммаларинг бу ёқقا келинглар.

Унинг ўзи эса нонуштагача, Надя картошка қовуриб келгунича ўтириб, янги қўйлагининг ёқасини чатиб, тугмасини қадади, тутгалини ҳам шаҳардан ўзи билан олиб келганди.

Варвара қўз ёши қилиб мўрчага борди, Ильяни туртиб уйготиб:

— Ойижонимиз тирик, тирик, — деди.

Илья тўйниллаб:

— Тирик бўлса, нега уйғотдинг? — деди.

— Сени хурсанд қиласай дедим-да.

— Калла пингандан кейин ҳам айтсанг бўларди-ку. Сен бўлсанг каллайи саҳарлаб уйготиб юрибсан.

— Каллайи саҳар қолдими. Бу туман-ку.

Туман анчагача, то соат ўн бирларгача тарқалмади, кейин қандайдир бир куч уни юқорига кўтарди. Шу заҳоти қуёш ловиллаб, чарақлаб кетди. Ҳаммаёқ пурга

тарқ бўлиб, борлиқ жилва қилди. Сентябрь бошланган бўлса ҳам, аммо ҳали куз ҳиди келмасди, ҳатто полизлардаги картошка палаклари кўм-кўйк эди, ўрмонда эса унда-бундагина жазирама иссиқ кўйдирганга ўхшаш жигарранг доғлар кўзга кўриниб қоларди.

Кейинги йилларда ёз билан куз худди ўрин алмаштиргандек эди: Июнь, июль ойларида ёмғир қуяди-ю, кейин эса Покровгача<sup>1</sup> ҳаво очиқ, кунлар ёруг бўлади, ҳавонинг бунақа бўлиши бир жиҳатдан яхши, чунки очиқ, ёруг, аммо иккинчи томондан ёмон, сабаби — ҳамма нарса ўз вақтида бўлгани яхши-да. Мана энди хотин-халажлар картошкани қачон қазиб олишни ўзларинг билиб олаверинглар: эски ҳисобга қараганда қазиб ола-диган вақт бўлган, аммо бошқа жиҳатдан эса ҳозирча ҳаво яхши бўлиб турганида кўз қиймайди, яхшилаб етилиб пишсин дейди киши. Картошка ёзда, худди сувда сувзган балиқдек сув ичидан ётганида қаёқдан ҳам етилиб пишади дейсиз. Бордию кутишса, бирдан ҳаво айнисада, шариллатиб ёмғир қуйиб қолса, кейин билч-билч лойнинг ичидан қазиб олиб бўпсиз. Бир қазиб олгилари келади, бир кутиб тургилари, нима хаёну нима зиёнигни ҳеч ким билмайди. Пичан ўриш ҳам шунақа: баъзилар эски ҳисобга биноан пичан ўриб қўйди-ю, аммо ёмғирда ҳаммасини чиритиб юборди, баъзилар эса ана чиқаман, мана чиқаман, деб ичиб олиб маст-алааст бўлиб юрди-ю, қайтанга фойда қилди. Ҳаволар ҳам эсини еган кампирга ўхшаб айнаб қолган шекилли. Одамлар об-ҳавонинг бу аҳволга тушишига, денгизлар сабабчи, чунки қайси бир дарёга қараманг, денгиз қўриб ташланган, дейишарди.

Эрталаб Надя ҳозиргина қазиб келинган янги картошкадан қовуриб келди, унинг ёнига чуқур товоқчада тузланган рижикдан<sup>2</sup> қўйди, уни кўриб Люсянинг кўзи ўйнаб кетди-да:

— Вой рижик! Асил рижиклар-а! Мен бўлсам бу ёруг оламда шунақа нарса борлигини ҳам эсимдан чиқариб юборибман, емаганимга юз йилча бўлди ўзиям. Ҳатто ақл бовар қилмайди,— деди.

— Рижик — асил нарса-да ўзи,— деди Илья лабини чўпиллатиб.— Бу сизларга анов-манов нарса эмас. Агар шу рижикларнинг ёнида яна бир нимаси бўлганда эди, унда кўраверардинглар!

<sup>1</sup> Дастлабки қоргача (*Тарж. изоҳи*.)

<sup>2</sup> Қўзиқориннинг бир тури. (*Тарж. изоҳи*.)

— Нега буни кечা қўймадинг-а,— деб Михаил Надяга ёзгирди.— Ичкилика жуда кетарди-да. Ҳа, аттанг-а, аттанг! Надя қизариб, меҳмонларнинг кўнглини топганидан суюниб, тушунтириди:

— Мен кечча қўймоқчи бўлдиму аммо ҳали яхши туз емаган бўлса керак деб ўйладим, ахир ўзини ҳам яқинда тузловдим-да. Эрталаб кириб татиб кўрдим, қарасам бинойидай. Кейин кел, олиб борай, битта-яримтага маъқул келар-ку, деб ўйладим. Агар ёққан бўлса, олинглар, енглар.

— Таги мўлми ўзи?

— Озгина бор. Теришга вақт йўқ, иннайкейин ким ҳам терарди. Одамлар ташигани-ташиган, ҳар куни кўраман, мени бўлса қўлим сира тегмайди, гоҳ у, гоҳ бу иш чиқиб қолади. Шу ёз бор-йўғи икки марта бордим, шунда ҳам шу яқин атрофга чиқдим.

— Илгари фақат Татьянамиз рижик теришни яхши кўтарди,— деб эслади Люся.— Қаерда борини биларди. Мен бир марта у билан бирга борувдим, унда ҳали кичкина қизча эди, қарасам, ҳаш-паш дегунча бир челак териб қўйибди. Мен ундан: «Буларни қаердан тердинг?»— деб сўрасам, у: «Шу ердан»,— дейди. Мен унга: «Булар нега сенга кўринади-ю менга кўринмайди»,— десам, у:— «Билмасам»,— дейди. Мен унга: «Сен буларни бирон ердан олдин териб, яшириб қўйгансану энди менга кўрсатяпсан-да»,— дедим. Татьяна хафа бўлиб ёнимдан кетиб қолди. Шунда уйга бошқабошқа қайтиб келдик, у бир челакни тўлдириб олиб келди, менини челакнинг таггинасида.

— У сираям бир бошдан териб кетавермасди,— деб изоҳ берди Михаил.— Агар майда бўлса — қолдиарди, эртанисига бориб қарасаки катта бўлиб қолибди. Ҳаммаси эсида турарди. У мени ҳам бир марта жон-ҳолимга қўймай олиб борувди. Мен кўринганини тезроқ терсаму уйга жўнасам, дедим-да, теришга тушдим. У бўлса майдаларини ҳам тераётганимни кўриб қолди-ю, менга ёпишиб кетди. Бир куни ўрмонда айтишиб қолдик. Мен кўпроқ подосиновик<sup>1</sup> теришни яхши кўтардим—тез терасан, улар тўп-тўп бўлиб ўсади-да.

— Ҳаммамиздан ҳам ичимизда Илья қўзиқоринни яхши терарди,— кулди Люся.— Челакка босиб ўт солярди-да, устидан бир нечта қўзиқорин ташлаб қўярди, гўё челак тўла қўзиқорин.

<sup>1</sup> Қўзиқориннинг бир тури (*Тарж. изоҳи*.)

— Ҳа, шунақа бўлувди,— деб бажонидил тан олди Илья.

— Эсларингдами, ойим бир куни ҳаммамизни юқори дарёнинг нариги ёғига сассиқ пиёз тергани юборган эди? Ўша ерда аллақандай ботқоқ бор эди, пиёз эса ботқоқ дўнгликларида ўсади. То териб бўлгунимизча шалаббо бўлиб, балчиққа қорилиб кетардик — кўрган кишининг кулгиси қистарди. Қопларни қуруқ ерга қўярдик-да, дўнгликдан дўнгликка сакрардик. Тағин, ким кўп теришга мусобақалашардик-а, ҳатто бир-биримизни кини ўғирлардик. Саримсоқ пиёз тергани эса ўша ерда-ти юқори дарё рўпарасидаги оролга сузиб ўтардик...

— Қорақарағайзорга,— деди Михаил.

— Ҳа. Қорақарағайзорга,— ўша ерда колхозга пичан ҳам ўриларди, ўрим пайтида бутун қишлоқ кўчиб борарди ўзням. Пичанни қандай тўплаганим ҳали ҳам ғосимда: иссиқ эди, ўргимчаклар чақарди, соchlарим орасига, ичимга хашак кириб кетарди...

— Ўргимчак эмасдиру сўна бўлса керак,— деб тўнғиллади Варвара.— Ўргимчак бурчак-бурчакларга ин солади, аммо чақмайди.

— Сўна бўлса бордир. Бари бир уларнинг номи қандайдир бошқача, бу ерда шунақа дейишади. Ўзимиз учун биз бошқа оролдан пичан ўрадик... Ўша оролнинг нима деб аталишини ҳозир эслайман, унинг ҳам номи дарахт номида эди.— Тилоғоч.

— Ҳа, Тилоғоч. Эҳ-ҳе, у ерда қорагат жуда кўп эди-да! Мевасининг кўплигидан буталари ерга ётиб қоларди. Еяверасан, еяверасан, кейин ҳатто тилларинг оғриб, тишларнинг қамашиб кетарди, қорагатлар йирик-йирик, ширин эди. Бир соатда бир челак терардинг. Ҳозир ҳам у ерда қорагат кўп бўлса керак.

— Э йў-ўқ, қаёқда дейсиз!— Надя қўл силтади.— Ўша буталар қолмади ҳисоби. Леспромхоз бўлгандан кейин ҳаммасини олиб кетишиди. Гоҳо кўнглинг тусаганда, қидириб-қидириб аранг топасан...

— Афсус, афсус!

— Теналикдаги четанлар озмунча мева қиласиди! Улар ҳам йўқ. Моллар топтаб юборди, одамларнинг эса сира парвосига келмайди.

— Нега шунақа қиласизлар ахир?

— Ҳам қиласиди? Худди қайтиб бормайдигандай олиб кетишияти. Бутаси билан бўлса бутаси билан, барги билан бўлса барги билан олиб кетишияти.

— Ҳайр, рижик бор деяпсизларми?

- Бу йил рижик бор, одамлар олиб келишяпти.
- Бориб лоақал рижик олиб келиш керак экан.
- Рижикка борса-ку бўларди-я, аммо телеграммасиз келиш керак эди-да,— деб Варвара узуб олди.

Бу гапдан Люсянинг жаҳли чиқиб кетди.

— Сен, Варвара, сира гаплашиб бўлмайдиган бўлиб қолибсан-ку. Бирор бир нима деса, дарров гапидан қийиқ топиб, ундоқ эмас, бундоқ дейсан, сира гап тўғри келмайди сенга. Катта бўлганинг учун ҳар бир сўзимиздан қийиқ топиб, бунақа деяверишинг яхши эмас-да, ахир. Ҳаммамиз ҳам кап-катта, кап-катта бўлиб қолдик, шуни унутма, қолаверса, нима қилаётганимизни тушунсак керак. Нима деган гап ажир бу?

— Сенга ҳеч ким ҳеч нима деяётганий ўқ, билмадим, нега мендан жаҳлинг чиқади.

— Яна менинг жаҳлим чиқармиш-а!

— Нима, бўлмаса менинг жаҳлим чиқдими?

— Қўйинглар, овқатдан олинглар,— деб Надя илтижо қила бошлади.— Бўлмаса картошка музлаб қолади. Совигандан кейин маза қоладими унда. Рижикни бўлса мақтадинглар, мақтадинглару ўзларинг олмайсизлар, олинглар, тушликка ҳали узоқ.

— Татьяна келиши керак. Яна бир тўпланамиз-да.

— Ҳа, тушга етиб келиши керак.

— Агар райондан бўлса, вақтлироқ ҳам келинчи мумкин.

— Меҳмонхонадами ёки бирорникадами ётиб қолган-да, бизникига кирмаган, ҳазар қилган,— элдан бурун шикоят қилишга тушди Варвара.

— Йўқ, Татьяна албатта киради,— деди Михаил.— Татьянамиз жуда содда.

— Содда эди, қани келсин, кўрайлик-чи, қанақа ўлиб кетганийкин,— деб гапида туриб олди Варвара.— Нечча вақтдан бери уйга келганий ўқ.

— У ҳаммамиздан олисда туради, у ёқдан келишининг ўзи бўладими.

— Ўша ёқка бор деб бирор буюрибдими унга? Агар унга ҳарбий керак бўлса, шу яқин ўртадан топса ҳам бўларди, ҳозир ҳарбийлар ҳамма ерда ҳам бор. Худди эр уругига ўт тушгандай ҳеч қаёқча қарамай кетди-қолди.

Люся секингина бошини сарак-сарак қилди.

— Яхшиси Варварамиз билан баҳслашмайлик. У доимо ҳақ.

— Ана шунақа, тўғри гапни ёқтирмайсизлар.

— Мана кўрдингларми, шу-да,— Люся столдан турди, миннатдорчилик билдири:— Раҳмат, Надя. Рижикларни маза қилиб едим-да.

— Сиз унга деярли қўл ҳам урмадингиз-ку. Раҳмат айтишнинг ҳожати ҳам йўқ.

— Менга шу ҳам кўп. Бунақа нарса эсимдан чиқиб кетгани учун ошиқозонимга тўғри келмайди, шу боис бундай нарсани кўп ейишдан қўрқаман.

— Рижик ичкетар қилмайди,— деди Варвара бўғимига тушиб.— Бу қоринга сира зиён қилмайди. Ўзимдан қиёс-да, болаларим ҳам рижик еб юрганини билмайман.— У Люсянинг нега оҳ-воҳ қилиб туриб кетганини тушунолмади, шунинг учун иниларидан сўради:— Нега унақа қилиб кетди?

— Ким билади.

— Чурқ этиб оғзингниям очолмайсан-а.

— Сен у билан бунақа эмас, шаҳарчасига, интеллигентчасига гаплаш-да,— кулиб маслаҳат берди Илья.

— Мен шаҳарчасига муомала қилишни билмайман, умрим бино бўлиб шаҳарга бор-йўғи бир марта боргандман, хўш, у-чи, ўзи ҳам қишлоқдан чиқсан-ку, мен билан қишлоқчасига гаплашса ҳам бўларди.

— Балки эсидан чиқариб юборгандир.

— У эсидан чиқарган бўлса, мен ўргана олмадим, хўш, энди нима қилайлик, бир оғиз ҳам гапирмайликми?

Нонуштадан кейин Михаил билан Илья чеккани пиллапояга чиқиб ўтиреди. Ҳаво очилиб кетди, осмон туман билан бирга чекиниб, борган сари юқорилаб борарди, увада булутлар орасидан кўрицаётган мовий кўкка энди инсон кўзи етмасди, бу тубсиз гўзалликдан қўрқсан кўзлар дам олиш учун яқинроқдан бирон нимани ахтарар эди. Қуёш ардоқлаётган ўрмон кўм-кўк товланиб, қишлоқнинг уч томони ва тўртинчи — дарё томондан борган сайиқ очилиб, кенгайиб борафди. Ҳовлиларда, мужикларнинг кўзлари олдида, товуқлар шундоқ, ўзларидан-ўзлари қақаглаб, қанотларини қоқишарди, жўжалар чириқ-чириқ қиларди, полиз гови ёнида ағанаб ётган ахта чўчқа иссиқдан ҳузур қилиб чиийларди. Нинка чиқди, уйқудан энди турган қизчанинг кўзлари офтобда қамашиб кетди, у қўлини кўзига соябон қилди, афтини бужмайтири, кейин кўзлари кўнижандан сўнг, лип этиб тахлаб қўйилган саржинлар орқасига ўтиб ўтиреди. Бир товуқ орқа томонидан хираклик қилиб келаверди, Нинка товуқни киш-кишлаб қув-

лаб бехосдан саржинлар ортидан чиқиб қолди. Михаил унга қараб бақирди:

— Нинка, менга қара, мен сени худди мушукчадай бурнингни ерга ишқаб қўйман, шуни билиб қўй. Саржинлардан нарироқ юр, деб сенга неча марта айтиш керак ўзи!

Нинка чекинди, хафа бўлиб:

— Товуқлар еб кетади,— деб баҳона қилди.

— Мен сенга товуқларни кўрсатиб қўйман.

Эрталабки юмушлардан сўнг қишлоқ тинчib қолди: ишга кетадиганлар — кетиши, мол-ҳолларини саранжом-саришта қилган бекалар энди уйларида жимгинағимирашиб, ишларини қилишарди, болалар ҳали кўчага ёпирилиб чиқишимаганди, ҳаммаёқ сув сепгандай әди, фақат аҳён-аҳёндагина моллардан биронтаси маъраб қўярди ёки бирон эшик тижирлаб қоларди, ёки бирон ердан туйқусдан одам овози әшитиларди, булар одатдаги овозлар әди, бу овозларни әшитиш, уларга жавоб қайтариш шарт эмасди, булар қишлоқ бутунлай ҳувиллаб қолмаганидан тирик жон борлигидан дарак берарди. Эрта билан туш орасидаги бу тинчликда шовқинсурон, ҳаракат әшитилмай қоларди, тиниқ, очиқ осмондан тушиб жимирлаётган ҳарорат тундан кейинги қишлиқни иситиб, унга оҳиста, зимдан шукуҳ баҳш этарди.

— Ҳарқалай онамиз чакки эмаскан,— деди Михаил, ёқимли, жозибали жимликдан ийиб кетиб.— Ойимизнинг кўнглига боқиб кун ҳам ажойиб бўлди-да. Ҳар кимга ҳам бунаقا кун насиб этавермайди.

— Ҳа, ҳаво очилиб кетди,— деди унга жавобан Илья.

— Аммо биз бир ишни қилиб қўйишимиз керак. Ҳозирча магазинда оқи бор, ўшандан олиб қўйишимиз керак. Бўлмаса, эртага пул олиб келишса, ҳаммаси қўлма-қўл бўлиб кетади. Кейин югуриб юрасан.

— Нима, ароқми?

— Ие, оқ деяпман. Анави қизилни хуш кўрмайман. У мен учун на бору на йўқ. Ўшандан, ўша жин ургурдан бош эрталаб оғрийди-да.— Михаил бош оғриқни эслали билан аъзойи бадани жимирлаб кетди.— Куни билан ўлат теккан одамдай караҳт бўлиб юрасан.

— Бари бир хотин-халажларга олишга тўғри келади.

— Озроқ оламиз, ўша етади. Кўп олиб нима қиласан? Ҳозир хотин-халажлар ҳам уни кўп ичавермайди. Кўпроқ оқидан олади.

— Ҳамма жиҳатдан баравар бўлиш талаб этиларканда, а?

— Бўлмаса-чи.

Улар бир-бирларини тушунишиб, қувлик билан жилмайишди, аммо эркакларнинг тенг ҳуқуқлилик тўғрисидаги бу қувноқ сұхбатини давом эттириш фурсати эмасди, шунинг учун улар бу гапни бир четга йигиштириб қўшишди, Илья ундан:

— Нечта ароқ оламиз? — деб сўради.

— Билмасам,— деди Михаил елкасини қисиб.— Камода бир яшик керак. Ундан ками озлик қиласди. Қишлоқнинг ярми келади-я. Шармандалиknинг нима кераги бор, ойимиз ҳам хасис эмасди чоғимда.

— Ҳа, бир яшик оламиз.

— Ёнингда унча-мунча пулинг борми?

— Эллик сўм бор.

— Мен ҳозир Надядан оламан. Етиб қолар.

— Опа-сингиллардан ҳам оламизми?

— Варварадан нима ҳам олардинг. Люсядан сўрасак бўлади, унинг пули кўп бўлса керак. Майли, берсин. Үҳам ўз қизи-ку, ўгай эмас, уни қанақасига ажратиб қўясан? Тағин хафа бўлиб юрмасин.

— Ҳозир бориб келамизми?

— Чўзиб нима қиласан? Мен Надяни топай, кейин борамиз. Йўқ, олиш керак, бўлмаса уни эртага, ойликни олиб келишса, битта ҳам қолмайди, бу аниқ. Мен биламан, бизда шунаقا. Сал анграйсанг, бўлди, кунинг сувга қолади. Бошқа пайт бўлса-ку чидаса ҳам бўлади, аммо ҳозир, бошимизга бунаقا иш тушиб турганда, шарманда бўлиб қолиш ҳеч гап эмас. Йўқ, ойимизни иззат-ҳурматини ўрнига қўйиб кузатамиз, ойимиздан нолийдиган еrimiz йўқ.— Михаил биринчи бўлиб ўрнидан турди, гапидан тўхтамай деди: — Бундай қилайлик: мен хотинимнинг олдига борай, ахир ўзимизга ҳам озгина қолиши керак-да, сен эса опамнинг олдига бор, менинг мезбон сифатида ундан пул сўрашим ноқулай. Кейин у ёққа борамиз. Зап ақлимизга келиб қолди-да, олиш керак, олиш керак, энди кутиб ўтиришининг ҳожати йўқ.

Кўп ўтмай улар ичклилик олгани, олганда ҳам кўп олгани кетаётгандаридан ҳовлиқишиб йўлга тушишди, ахир шунчани бир киши олиб келолмайди-да. Магазин олис эмасди, ойлик олиш олдидан магазинда ҳеч ким йўқ эди, шунинг учун улар у ерда кўп тўхтанимади, шишаларни жиринглатиб, яшикин кўтариб келишди-да, омборчага қўйниб қўйишиди.

— Мана бўлди,— деди Михаил,— жойида турса, кўнгил тўқ-да. Тураверсин, бу ерда жин ҳам урмайди. Аnavи портвейнни истаган пайтда олса бўлаверади, унга ишқибозлар йўқ ҳисоби.

Ногаҳон хонада Нинка чинқириб қолди, Михаил қишига ўшқирмоқчи бўлиб эшикни очди, аммо уни учала хотин ўртага олиб сўроққа тутаётганини кўрди-да, қулоқ солди.

— У ўзи,— деди Нинка чўзиб.

— Нима ўзи? Нима?— дерди Люся қизчани жон-ҳолига қўймай.

— Мен э-мас, у ўзи-и...

— Хўш, нима у ўзи? Айта қолсанг-чи? Тилинг борми?

— У кўзини очиб, мени кўрди...

— Хўш, нима бўпти?

— Ўзи буни кўрганиши-а,— деди Надя Нинкани қалака қилиб.— Мен ўзим кўрдим-ку сени, нега унинг чамадонига тегдинг? Сени бирор ўша ерга боргин дедими? У ерда ниманг бор эди?

— У ўзи менга кўрсатди-да,— деди Нинка қичқириб.

Сен кўрганинг йўқми, бўлди, гапирмагин.

— Вой тавба, она билан ҳам шунаقا гаплашарканми. Вой одатинг қурсин. Кимдан ўрганяпти-а, бунаقا одатни.

— Шошмай тур, Надя,— деб уни тўхтатди Люся ва жна Нинкага энгашди.— У сенга қаёқни кўрсатди?

— Қаёқни... қаёқни... Каравот остини.

Надя тушунтириди.

— Кампир каравот остидаги чамадонида шу эркатоғига конфет сақлаб юради.

— У сенга қанақа қилиб кўрсатди?— деди Люся ўсмоқчилаб.— Бизга бир бошдан айтиб бергин. Қандай кўрсатди? Хўш?

— Мен унга қарадим, у бўлса менга қарамади, кейин кўзларини очди-да, менга қарай бошлади. Кейин кўрсатди.

— У сенга ҳеч нима демадими?

— Ҳеч нима демади.

— Вой тавба-ей,— деб Варвара оғир хўрсинди.— Охири нима бўларкин-а?

— Умуман ўзи ёмон эмас,— деб Нинканинг ёнини олди Михаил.— Бунақа қилганини сира кўрмаганмиз. Ўҳтимол, ўлим олдидан ойим ҳунига келиб, кўзи разшашлашиб кетганими, шунда Нинка дуч келиб қолганми?

Улимнинг эсга олиниши уларни ҳушёр торгтириб, ҳовурларидан тушириб қўйди, ҳатто улар гўё нариги дунёнинг аччиқ, қўланса ҳавоси бу томоннинг ҳавосини ҳам заҳарлагандек, ҳадиксираб нафас ола бошлашди. Кейин оёқ учida юриб, кампирнинг каравотига яқинлашишди, улар кампирдан бирон ўзгариш топишга ҳаракат қилишди, аммо топа олишмади: энди, кун эрталабкига қараганда ёп-ёргул бўлганда кампирнинг юzlари баттар оқариб мурданикига ўхшаб қолгандай кўринарди, аммо юраги аввалгидек уриб турарди, уни одамлардан жудо бўлишга қўймас эди.

Михаил ташқарига, Ильянинг олдиға чиқди, у шу вақт ичida нонни увоқлаб товуқларга бериб ўтирган эди. Михаил Ильяга:

- Нинка бувим кўзини очди деяпти,— деди.
- Уни қара-я! — деб ажабланди Илья ва хўрозни оёғи билан ҳайдаб юборди.— Нима демоқчи бўлганийкин?
- Билмасам.
- Тирикми ахир?
- Тирик. Кўрдик.

Куннинг бунчалик яхши бўлиши бежиз әмасди, бу бежизликнинг кампирга даҳли бор эди, албатта, ҳаво мулојим, оромбахш бўлиб, нақ қишлоқ тепасида, қолаверса, кампирнинг уйи устида жимиirlаб турарди. Вақт тушга яқинлашиб қолса-да, бирон ҳодиса юз бермади, кун жимгина кечмоқда эди, гўё у кимнидир фалокатдан асрар, ўз паноҳига олгандай эди. Эрталабданоқ осмон бетини хиёл булат қоплади. Сентябрда кунлар ҳам эскириб, баҳордан бери кўп нарсани кўра-кўра инжиқ бўлиб қолади, аммо бу кун эса ердаги барча нарсани билиб тургандай, бирон жиҳатдан кампирга ёрдам бермоқчи бўлаётгандай, кампирнинг кўзига ортиқ даҳшатли кўринмасликка, қиёматни эслатмасликка уринаётгандай эди. У фақат сездирмасдан кампирни ё у ёқлик, ё бу ёқлик қилиб аросатдан чиқариб қўйса бўлди эди.

Михаил билан Илья ароқни келтириб қўйишидию энди нимага қўл уришларини билмай ҳайрон эди: бошқа ишлар бу иш олдида бир пулдек эди. Шунинг учун улар ҳар лаҳзани юз азобда ўтказаётгандай эди, улар Татьянадан ҳамон дарак йўқ, ҳолбуки бу вақт ичida ўн марта келиб-кетса бўларди, деб гапиришди. Илья Михаилда қачон ишга борасан, деб сўради, у уч-тўрт кунга жавоъ олдим, деди,— сўзлар ҳам тузсиз, кераксиз, бир-биригэ қовушмас эди. Ака-ука ҳозир энг муҳими кутиш эканини билишарди, аммо кутиш ҳам турлича бўлади-да, шу-

нинг учун улар киши билмас ташвишга түшиб қолишганди — улар кераклигича кутишяптими ёки вақтларини беҳуда ўтказишяптими. Ўлаётган она мияларидан сира нари кетмасди, аммо ортиқ даражада уларни қийнамасди ҳам: нимаики қилиш лозим бўлса, улар шу ишни қилиб қўйишди—бири хабар қилди, бошқаси келди, мана, ароқни бирга олиб келишди — энди қолган ишларнинг ҳаммаси оналарига ёки яна бирор зотга боғлиқ эди, аммо буларга боғлиқ эмасди, ўлмаган одамга гўр қазилмайди-ку ахир! Уларнинг доимо ишлари бор эди, энди бўлса тўсатдан бу ерда бекорчи бўлиб қолишди, чўнки остонаяга келиб тикилиб турган мусибат олдида бошқа ишга қўл уриш яхши эмас-да ахир, аммо ўша мусибатнинг ўзи ҳали-ҳозирча тикилишдан нарига ўтмаяпти.

— Ҳарқалай ўнуни айт менга, а,— деб яна гап бошлиди Михайл.— Ахир, абадий яшамаслигини, пишиб қолганини билардик-ку. Ахир кўнишиб боришимиз керак эди, биз бўлсак, ич-этимизни еб ётибмиз.

— Ие, бўлмасам-чи,— деб унинг гапини маъқуллади Илья.— Она-да.

— Она... бу тўғри. Отамиз йўқ, мана энди онамиз ҳам кетади, кейин ҳаммамиз ҳам етим қўзи бўлиб қоламиз. Ёш эмасмиз-ку, аммо ёлғиз қоламиз. Айтайлик, кўпдан бери ойимиздан ҳеч қандай наф йўқ эди, аммо аввал навбат уники, кейин бизники деб юрадик. Худди бизни шикасту рехтдан тўсиб тургандай эди, қўрқмасдан яшайверсак бўларди. Энди қадамингни ўйлаб босасан.

— Э, буни ўйлаб нима қиласан? Ўйласанг-ўйламсанг...

— Ўйлашни-ку ҳожати йўқ-а, аммо бари бир. Худди тақир ерга чиқиб қолгансану ҳамма сени кўриб тургандай.— Михайл жингалак сочли бошини буриб, жим бўлиб қолди.— Мана, яна шу ўз болаларимизни олайлик. Бувилари тирик пайтіда улар кичик боладай, ўзинг ҳам ёшдайсан, бордию бувилари ўлиб-нетиб қолгудай бўлса, ҳаммаси сенга ёпишиб олади, сенга орқа қиласди. Бу жин ургурлар куида бир яшайди, уларни тўхтатиб бўларканми.

Михайл гапини тугатишга улгурмади — уйдан Надя отилиб чиқди, ғалати бир овозда эркакларни чақирди:

— Ҳой, эркаклар, тезроқ келинглар, тезроқ.

— Нима гап?

— Ойим...

Улар то етиб келгуналарича кампир яна ҳушидан кетган эди, аммо ҳушидан кетишдан олдин тўсатдан ғўлди-

раб қандайдир бир сўзни айтди, лекин қанақа сўзлигини яхши эшитишолмади, Люся билан Варвара югуриб келганида эса кампир рўпарасига қараб ётарди, аммо энди кўзлари юмуқ әди. Гарчи кампир энди қимир этмаса ҳам, унда қандайдир бир ўзгариш юз бераттанди, ичиди бир нима ишлай бошлаганди — кампирнинг мана ҳозир тўхтаб қолган жойидан қўзғалиши шундоққина кўриниб турарди, ҳатто юзларида ҳам ўзгариш бор әди: юзлари яна ҳам ичига тортиб кеттанди, унинг қаърида қолган-қутган куч ҳаракатга келиб, кампирнинг юмуқ кўзларини пирпиратарди.

Улар оналарини ўраб, нима деб ўйлашларини ҳам, нимадан умид қилишларини ҳам билмай қўрқиб қараб туришарди, бу қўрқув шаҳар ва қишлоқ ҳаётида бошларидан кечирган барча илгариги қўрқувларига сира ўхшамасди, чунки бу қўрқув ҳаммасидан даҳшатли бўлиб, ундан ўлимнинг ҳиди келиб турарди, бу ўлим уларнинг ҳаммасини юзидан бирма-бир таниб олиб, уларни энди сира унумтайдигандай әди. Унинг қандай юз бераттанини кўриш ундан ҳам бешбаттар даҳшатли әди. Улар бир кун эмас бир кун бошларига тушадиган ажал худди мана шу эканини билишар, шу сабабдан доимо ажални ўйлаб юрмаслик учун унга қараши истамас эдилар, лекин ҳар ҳолда нарига кетишга ёки тескари қараб омишга қурбилари етмасди. Улар яна шунинг учун ҳам кета олмасдиларки, оналарига чанг солаётган ўлим улардан ранжиши мумкин әди, унинг эътиборини яна бир бор ўзларига қаратиши эса ҳеч ким истамасди. Шу боисдан улар қимирламай туришарди.

Нимадир лип-лип этиб, кампирнинг кўзларини қимирлатди, шундан кейин кўзлар жуда секин, аранг бўлса ҳам ҳар нечук очилди, ёруғ оламни кўришга ҳаракат қилди, бўлмади, юмилди. Кўзлар бир неча минутгача жимгина турди, кейин яна қимирлаб очилди, бу сафар улар дадилроқ боқар әди, шу сабабдан хира нурлари билан ниманидир кўрди, ўша кўрган нарсаси ҳам хира, чаплашиб кетган, босириқ тушга ўхшарди, кампирнинг юзида тушкунлик ва дард-алам ифодалари пайдо бўлди. Кампир мудҳишиш шарпаларни ҳайдаб юборишга уриниб кўзларини пирпиратди, аммо ҳайдаб юборолмасдан, яна кўзларини юмди, эҳтимол ўзи юмилгандир. Бироқ кўзига кўринган нарсалар сира кампирнинг миясидан чиқмасди — текшириб кўришга даъват этарди, чамаси, ўзининг тириклиги эсига тушиб қолганга ўхшарди, шунинг учун ҳозир ўзининг қаердалигини, эс-ҳуши жойидами-йўқми, билишни

истарди. Кампир оҳиста кўзларини очди, очишга ўзида куч топа билди ва атрофига нигоҳ ташлади, йўқ, шарпалар гойиб бўлмабди, кампир уларни яқиндан кўриб таниди — энди жим ётишга унинг сабри чидамади, унинг ичидан заиф, қуриллаганга ўхшашиб қалдироқ овоз чиқа бошлади.

Барвара, вой, деб юборди-да, кафтлари билан юзлари та урди ва қичқириб юбормаслик учун томогини ушлаб, ўзини тийди.

Кампир гўё рамақда қолган жонидан ҳам ажралган дай жим бўлиб қолди, силласи қуриб, кўзлари истаристамас юмилди, бироқ нафас олиши дадил эди, шундан кампир титраб ётарди, кейин нафас олиши ҳам сусайди, букин бутунлай йўқ бўлиб қолмади, кампирнинг устилаги адёл қимирлаётганидан ҳам бу аниқ кўриниб турарди.

Улар ўзлари кампирнинг ўғил-қизлари эканликларини жуда яқиндан ҳис этиб, унга ачиниб, ҳаммадан кўра кўпроқ ўзларига ачиниб кутиб туришафти, чунки кампир ияк қоқса, оналари туфайли бошларига қайғу-кулфат тушади, бу қайғу-кулфат тезгина тугаб қўя қолмайди. Боз устига улардан ҳар бири ўзича янги, илгари ўзлари сира туймаган туйғудан — шу ерда, она қошида, унинг охирги соатида ҳозиро нозир бўлиб турганидан ичидаги маминун эди, ахир жон бераётган она-отанинг қошида ҳозир бўлиш ҳар бир ўғил-қизга ҳам қарз, ҳам фарз-да, уларнинг ҳар бири ана шу билан маъзур бўлади, аммо бу кечиримнинг инсонга, онага деярли алоқаси йўқ эди, лекин ҳарқалай ҳаётда зарур эди. Бу — қўрқув ва дард-алам эди. Оналарининг узоқ жон талашиши буларнинг назаридан, ҳеч кимнинг назари тушиши мумкин эмас бир ҳодиса бўлгани учун ҳам уларни жуда қўрқитиб юборганди, шу туфайли улар ўзлари ўзларига ишонмай, ичларида, қани ёди тезроқ тугаб қўя қолса, дейишарди.

Кампир ҳамон нафас оларди.

Илья чидаб туролмасдан Михайлга бир нима деб пишрлади, кампир гўё бу пишрлашга жавобан тўсатдан ишна кўзини очди-да, юммасдан тикилиб ётаверди. Кампир йигламоқчи бўлди, аммо йиглай олмади, кўзларида ёш қолмаганди. Варвара жонҳолатда унга ёрдамлашишга шошилди, дарров уввос солиб йигини бошлади, кейин кеприкли овоздан далда топган кампир қолди, узилмади, у деярли тилдан қолган эди, лекин ҳар қалай, тилининг ичидаги турадиган ўша қадрдан сўзларни эслади.

— Лю-ся,— деди кампир кучаниб.— Илька, Варвара,

— Биз шу ердамиз, ойи, шу ердамиз,— деди Люся уни тўхтатиб.— Ёт, биз шу ердамиз.

— Ойи-жон!— деди Варвара тўлиб-тошиб.

Кампир ўзига ҳам, овозларга ҳам ишонди, сўнгги қувонч ва изтироблар ичидагимиб қолди. Кампир уларга қараб ётарди-ю ўзи назарида аллақандай чукурга тушиб кетаётгандай бўларди. Кейин ногаҳон уни бир нима тўхтатиб қолди, у қайтиб чиқди, юзлари буришиб, кўзлари кимнидир қидира бошлади. Варваранинг йигиси унга халақит берарди, шунинг учун уни йигидан тўхтатишиди.

— Танъчора,— деди кампир илтижо билан.

Улар бир-бирларига қарашиб-да, оналари Татьяна ни шунаقا деб аташини эслашиб, бараварига жавоб беришди:

— Ҳали келгани йўқ.

— Ҳали замон келиб қолади.

— Ҳадемай келади.

Кампир тушуниб, бошини хиёл қимирлатиб қўйди. Унинг юзидаги тиришлар ёзилиб, кўзлари юмилди. Кампир яна уйқуга кетган эди.

Болалари ҳам нари кетишиди — дам олиш керак эди. Кампирнинг ёнида ёлғиз Варвара қолди, у секин-гина йиглаб ўтиради, унинг йигиси ҳеч кимга халақит бермасди. Агар Варвара йигидан тўхтаса, ҳаммалари алланечук бўлиб қолишаарди.

### 3

Бу бир мўъжиза билан бўлдими ёки мўъжизасиз, ҳеч ким айтиб бера олмасди, аммо кампир болаларини кўриши билан тирила бошлади. У яна икки мартаими ёки уч мартаими ҳушидан кетди, гўё киши билмас қаергайдир, остидаги қоп-қоронги чоҳга тушиб кетгандай бўлди ва ҳар сафар яна ҳушига келаарди-ю, қўрқа-писа инграб, болаларим шу ердамикин ёки менга шундай туюлдимикин, деб кўзини хиёл очарди. Болаларидан кимдир албатта ёнида бўларди ва бошқаларини чақиради — кампир уларни танирди-да, кўнгли жойига тушиб, йиглашга уринарди. Кейинги марта у пича кўз ёши ҳам қилиб олди, унинг ўзи ҳам ўзининг заиф, адойи тамом бўлган овозини эшитди, бу овоз афтидан қайтиб ташқарига чиқишни истамаганидан бўлса керак, бир азобда чиқди.

Кампирнинг аъзойи баданига аста-секин жон кириб, ҳатто унинг сёқ-қўли қимирлай бошлади. Кечга бориб

кампир шунчалик ўзига келиб қолдики, ҳатто Надяни қақириб, ундан:

— Сен менга бўтқа пишириб берсанг бўлармиди... Нинканинг ёшлигида пиширганингдан. Ёрмадан. Суюққина қилиб,— деб илтимос ҳам қилди.

— Маннийданми?

— Ҳа-ҳа. Үшандан, томогимни ҳўллай, суюққина бўлсин.

Уйдагилар оёқларини қўлларига олиб югуриб қолиши. Худога шукур, Надяда манка бор экан, аммо тушдан кейин шу вақтга келиб печь бутунлай совиб қолган эди, шунинг учун бўтқани электроплитада пиширишмоқчи бўлишди, уни анчагача қидириб, зўрга топишди, бундоқ қарасаларки ҳали электр ёнмабди. Михайлни ҳовлидаги ўчоққа ўт ёкишга юбориши, бўтқани нимада пишириш хусусида Люся Варвара билан тортишиб қолди, чунки Варвара биратўла катта қозонда пишириб беришига, Люся эса бирдан кўп бериш мумкин әмас, зиён қилади, яхиси, керак бўлса яна пишириш керак деб туриб олди, Илья бўлса Михайлнинг атрофида ивирсиб нуқул:

— Ойимизни қара-я? Қойил-е! — дерди.

— Уруғимиз-да,— дерди Михайл унинг гапига қўшилиб.— Бизнинг уруғимизни осонлик билан гўрга элтиб тиқавермайсан.

— Ҳа, бўтқа егим келяпти, дейди-я, кўрдингми? Мен бўлсам, тўғрисини айтсам, ишонмагандим, ҳаммаси таомм бўлди, деб ўйловдим. У бўлса, бўтқа ейман, менга бўтқа пиширинглар, дейди-я. Демак, оч қолибди-да, оббо сен-е!

— Умуман кампирлар узоқ яшайди ўзи. Кампирлар қанча кексайса, шунча кўп яшашади — мана, масалан, ойимиз қартайиб, бўкчайиб, қилтиллаб қолишиша ҳам ғимирлаб юраверишади. Куч-ғайратни қаёқдан олишаркин-а.

Илья ажабланиб нуқул ўз гапини маъқуллади:

— Аммо ойимиз, ойимиз ажойиб-да ўзи! Ким шунақа бўлади деб ўйлабди! Биз бўлсак, худойисига деб ароқ олиб юрибмиз-а, у бўлса: «Ҳой яхшилар, шошманглар, ҳой қизларим, ўғилларим, мен ҳали бўтқага тўйганим йўқ», — дейди-я. Илья кулиб такрорлади: — «Бўтқага, — дейди, — ҳали тўйганим йўқ, бўтқа бўлмаса ҳеч нарсани билишни ҳам истамайман».

— Заифлашиб қолган,— анча босиқлик билан жавоб берди Михайл.— У шунча кундан бери оғзига нон увоғи ҳам олгани йўқ-да ахир. Хоҳлаган одамингдан суриштиравер.

Банкача-ю, шишаchalар кўтариб аёллар югуриб келишиди, печка атрофида кичик кастрюлкада оддий маний бўтқа эмас, худо билсин, қандайдир антиқа овқат пиширишмоқчи бўлгандек, олти қўл бир-бирига тегмасди. Нинка ҳам шу ерда — оёқ остида ўралашиб юарди. Надя уни ҳайдардию сира нари кетказа олмасди. Нинка қандайдир муҳим воқеа юз берганини тушунардию бу ёғидан бекабар қолищдан қўрқарди. Варвара печь олдиндан онаси олдига, у ёқдан-бу ёққа гизиллаб бориб-кела-вериб терлаб кетганди, у бориб-келаркан худди ҳомила-дор хотинлар сингари қорнини ушлаб, онасига далда бериб дерди:

— Ойижон, озгина сабр қил, сабр қил, ҳозир пишрамиз.

Бўтқани кампирга Люся берди, ойим устига тўкиб, юбормасин деб кружкани ўзи ушлаб турди. Кампир овқатни оз-оздан, оҳиста-оҳиста ҳўплади: икки марта ҳўплайдио дам олади, яна ҳўплайдио яна нафасини ростлайди. У овқатни ҳам кўп эмас, худди эмадиган боладай ичди, кейин ўзини орқага ташлади, обдан мадори қуриди, олиб кетинглар дегандек кружкага қараб қўл силтади ва анчагача нафасини ростломмади.

— Вой-ей, ҳаммаёғим қақшаб кетяпти, ишлагандан баттар-а. Ичим ҳам шундоқ тугун-тугун бўлиб кетганга ўхшайди. Энди уни қанақа қилиб ёзади киши?

— Ҳечқиси йўқ, ойи, ҳечқиси йўқ,— деди Люся.— Ҳозир шуниси ҳам тузук. Бирдан кўп овқат еб бўлмайди. Тағин бирон кор-ҳол бўлмасин. Аввал шу ҳазм бўлсин, кейин яна ичаверасан.

— Ичим шундоқ тугун-тугун бўлиб қолган-да ахир, — деди кампир заҳархандалик билан такрорлаб.— Э, Анна Степанна, янги фатерингга<sup>1</sup> кетдинг дедими. Кетдим-а, кетдим!— Кампир нафасини ростлаб олгач, шифтнинг қаеригадир шуурсизлик билан тикилди. Шунинг учун у алаҳлаётганга ўхшаб кўринарди.— Мен, имонсиз бўлсан уни алдадим, изига қайтардим, мана энди бўлса қалака қилгандай бўтқа тиқяпман. Бўтқани ҳазм қила олардимми, қаёқда дейсиз.

Ҳаво етишмаганидан кампир йўталди, Люся шоша пиша деди:

— Сен кўп гапирмаслигинг керак, ойи. Ҳали жуда бақувватсан.

— Нима, чурқ этмай ётаверайми?— сал керилиб жа-

<sup>1</sup> Фатера — квартира сўзининг бузиб талаффуз этилиши.  
(Тарж. изоҳи.)

воб берди кампир.— Неча йилда болаларимни бир кўр саму индамай ётаверайми?— Болаларнинг ҳаммаси шу ерда, кампирнинг атрофида эди. Кампир кўзига ишонмай, шундай бўлса ҳам фахрланиб уларга нигоҳ ташлади, кейин кўнгли анча жойига тушиб, кучанмасдан, хотиржам давом этди:— Кимдир биқинимга туртиб, болаларинг келди, дегандай бўлди. Мен ҳам йўқ, мен аввал болаларимнинг дийдорига бир тўйяй, кейин бемалол оёқ чўзиб кетаверсам ҳам майли, деб ўйладим.

Ҳарқалай кампир ҳали гапиришга қийналарди, шу важдан у ноилож жим бўлди. Аммо болаларини ўз олдидда кўриб турганидан хурсанд бўлиш туйғуси уни дам олгани қўймади, бу туйғудан юзи титрарди, қўллари қимирларди, кўкраги кўтарилиб тушарди, томоги тиқиларди. Фарзандларнинг бари оналари атрофида эди, онамиз бизга жавоб қайтариб ўтирумасин деб улар ҳам жим туршиарди, уни авайлашарди. Кампир бир неча бор йиғламоқчи бўлди, ҳозлиқиб, сабрсизлик билан уларга қаради, биридан кўзни узиб, иккинчисига тикканида муштдеккина боши қалтиради, аммо болаларни адаштиромади: бу Илья, бу Варвара, бу Люся дерди, лекин кўз ёшиданми ёки кўзларининг ўзи хиралашиб қолганмиди, ҳарқалай кампир уларни яхшилаб кўра олмасди, шунинг учун ўзидан жаҳли чиқар эди. Ногаҳон миясига яна атрофимда кўринаётганларнинг барчаси ёлғон туш ёки хаёлот, ўтган умримнинг сўнгги хотиралари, шу сабабдан кўз олдимда туман турибди,— деган фикр келди.

Кампир ўзича фол боқиб, қотиб, жим бўлиб қолди.

Хона ичини ҳаво очиқ қунлари қуёшнинг ботиш олдидан таратган шаффоф нурлари ёритиб турарди. Кампирнинг боши дераза томонда эди, шунинг учун қуёш унинг оёғига тушиб турарди, рўпарадаги деворга тушиб турган нур гўё девордан ўтиб нариги ёғидан чиқиб кетаётгандай хиралашиб совиб бораради. Шундагина кампир қуёшни кўриб қувониб кетди: узоқ вақтдан бери эси киравли-чиқарли бўлиб ётганидан кампир шу ондаёқ исиб кетди, бу иссиқлик унинг нафаси билан ичига кириб, баданига ёйилар, қонини юриштирас эди. Бу туш эмасди: тушда ҳатто қуёш ҳам исита олмайди, аёз ҳам совқоттирмайди. Қулоқлари ҳам худди олисдан эшитилгандек майин, ёқимли шингиллаб қўйди, бу шингиллаш қандай пайдо бўлган бўлса, яна шундай тўсатдан тишиб қолди. Кампир бу овоз қаёқдан қулоғимга чалиндинйкин деб эслай бошлади-ю, кейин, ҳа, бу ёшлигимда қулоғимга ўрнашиб қолган овоз экан, деб кўнглидан

кечирди,— ўша пайтларда у бу овозни тез-тез эшитиб, бир умр эслаб қолган эди. Бу овоз уни алдамасди.

— Э худо,— деб шивирлади кампир.— Э худо.

У ўзини зўрлаб кўзини очди. Болалари шу ерда эди, улар аввалги жойларида кутиб туришарди, аммо кампирнинг назаридаги улар яқинроқ келгандай эди. Энди кампир уларни равшанроқ кўтарди.

Энг чеккада, нақ эшик ёнида худди бегонага ўхшаб, Надя, унинг ёнида эса Илья турарди.

Кампир Ильяга ўтган сафардан бери, у шимолдағ қайтаётиб йўл-йўлакай уйга кириб ўтганидан бўён кўнига олмасди. Унинг тақир боши, юзи сира ўзига ўхшамаётгандек, суратга монанд эди, гўё Илья ўз бошини сотган ёки қарта ўйинида бирорга ютқазиб қўйгандек эди. У умуман бутунлай ўзгарган эди, анча шалдир-шулдир бўлиб қолибди, аслини олганда ёшига қараганда қўйилиб қолиши лозим эди, афтидан Илья яшаб турган жой дилига унча ўтиришмайди шекилли, шундан бўлса керак. Илья сира ўзига келолмайди чоги.

Кампир Ильяга узоқ, то кўзлари тингунча тикилди, у ундан ўзи туғиб ўстирган, эсида сақлаб қолган ўз Ильясини қидирарди-ю, гоҳ ҳозирги туриш-турмушини кўтарди, гоҳ яна йўқотиб қўярди. У бор эди, аммо жуда узоқда. Этига эт қўшилибди, қанча-қанча одамлар унинг ёнида кампир ўрнига юрибди, у шу Ильямикин деб гоҳ ишонарди, гоҳ ишонмасди, гўё унинг Ильясини катта, чаққон балиқ майдаги балиқни ютиб юборгандек ютиб юборгану энди улар бир вужудда яшаётгандек эди. Агар уни чақирсанг, эҳтимол, у дарров жавоб бермаслиги ҳам мумкин, атрофга аланглаб, мени чақиришлатими ёки бошқами, ким чақирияпти-ю, қаёқдан чақирияпти, деб ўлашиб мумкин. Кампир у ерда, ўғли кетган ерда унинг аҳволи яхши эмаслигига ишонарди. Қишлоқда яшайверса бўлмасмиди ахир... Люся тўғрисида бунақа деб ўйлаб ҳам бўлмайди, у шаҳарликнинг ўзгинаси, аслида уни қандайдир шаҳарлик аёл туғиши керак эдику-я, аммо янглишиб шу кампир туқкан, лекин барибир кейин Люся шаҳарлик бўлиб кетди. Илья эса йўқ. Илья на шаҳарликка, на қишлоқликка, на бегонага-ю, на ўзига ўхшайди. Ўғлининг чеҳраси хушнуд, аммо кампир унга қараб юраги ачишар, нега ачишганини эса ўзи ҳам билмас, ақли ҳам етмас эди.

Чиндан ҳам Ильянинг оғзи қулоғида эди. У кампирнинг тириклигидан ажабланиб ҳамон ўзига кела олмасди, шунинг учун ҳузур қилиб, ўзидан ҳам Михайлдан

ҳам, опа-сингилларидан ҳам: «Ойим бизни роса лақи-  
латди-я, оббо кампири тушмагур-ей! Яшасин ойим-е, қан-  
дини урсин-е!»— деб куларди. Тушлик олдидан ҳам  
уларнинг ҳаммаси ойимиз жон талвасасида қийналяпти  
деб ишонишган эди, кампир эса тирик қолиш ўчун азоб  
чеккан экан. Илья ҳаммадан кўра кўпроқ ўзидан кулар-  
ди: кечак у ишдан жавоб олаётгандек гаражда ойимни кўмга-  
ни кетяпман деб эълон қилган эди, ўзи ҳам заррача шуб-  
ҳаланмасдан, ҳа, худди шунга кетяпман, деб ўйлаганди.  
Хўш, энди у уларга нима дейди? Мана шуниси бор-да.  
Ильянинг кўнглига ойимиз бизни лақиллатибди, ҳамма-  
мизни ёнига йигиши учун ўзини ўладиган қилиб кўрсатиб-  
ди, деган гап келганди, аммо у бу гап бемаънилигини,  
буни ўзи тўқиганини билса ҳам, ҳар қалай у худди му-  
шук сичқон билан ўйнагандек ичидаги шу гапни эрмак қи-  
либ, миясидан чиқариб ташлашга ошиқмас эди. Кампир-  
нинг ўзи бўтқа сўраши, худди болага ўхшаб, фақат сўр-  
гичдан эмасу бошқатдан овқат ейишни ўрганиши Ильяни  
қувонтириб, ийдириб, унча-мунча ғурурлантариарди, шу-  
нинг учун у яна қанақа каромат кўрсатаркан деб онаси-  
га синчковлик билан қараб-қараб қўярди.

Кампир кўзларини дам олдиргандан кейин, оёқ томо-  
нида ўтирган Варварага қаради. Варвара онасининг ниго-  
ҳини пайқаб шоша-пиша олдинга әнгашди. «Ойижон! Бу  
мён, катта қизингман, мен сени кўргани келувдим, сен  
бўлсанг менга қарамайсан ҳам»,— деб кечак гангиб қич-  
қирганди Варвара. Мана кампир катта қизини ҳам кўр-  
ди, Варвара ниятига етди. Кампир уни кўрган заҳоти юзи  
учди, бошини билинар-билинмас иргади ва хўрсинди:  
бош иргаши — қариган чоғингда тинч бўл, деган дуога,  
Варвара эришиши мумкин бўлган ягона бахтга ишора  
эди, хўрсиниб қўйгани эса Варваранинг бу бахтга эриша  
олмаслигини, бу тўғрида ўйлашнинг фойдаси йўқлигини  
билдириарди. Кампир Варварага қарапкан, йиглаб юбо-  
ришдан аранг ўзини тутиб турарди. Кампирнинг ўзига-  
ку, энди ҳеч нима керак эмас, ҳаммаси ўтди-кетди, бў-  
лари бўлди, қолари қолди, Варвара эса ҳали яшаши ке-  
рак, кошки эди бундан бу ёғига жони роҳатда ўтса.

Кампир гарчи Михайлни ўзидан ҳам яхши билса-да,  
уни ҳам кўздан қочирмади. Кампир уни бир ўзини эмас,  
бошқа фарзандлари ёнида қандай кўринишини билишни  
истарди. Кампир қарияларнинг: биринчи ўғил худога,  
иккинчи ўғил шоҳга, учинчи ўғил ўзингга қарашибга, деган  
маталини тез-тез эслаб турарди. Худо билан шоҳга жуда  
кўп берди, энди уларни санайсану кўз ёши қиласан, хот

лос. Аммо тириклари ҳам бўйи чўзилиб, қўлидан иш келиши билан бирин-кетин ҳар қаёққа кетаверди, худди бирор кучукчаларни онасидан айриб, бошқаларга бериб юборгандай-а. Ёлғиз Михаил қолди, шунинг учун кампир уни қолган умримни ота-бобомдан қолган эски уйда ўтказиш ниятида ўзим учун туққанман, деб айтишга бемалол ҳақи бор эди. Чунки кампир яна қаердадир яшаши ҳатто тасаввур ҳам қила олмасди. У Михаилни бошқа фарзандларидан афзал кўрмасди — йўқ, пешонасига ёзилгани шу экан: Михаилнида яшайдио бошқаларини ҳар йил ёзда кутади, кутади, кутади...

Агар Михаилнинг армияда юрган уч йилини инобатга олинмаса, у онасининг ёнидан жилгани йўқ, шу ерда уйланди, эр йигит бўлди, бошқа эркаклар сингари ота бўлди, куч-қувватга тўлди, мана энди кўз олдида секинаста кариб боряпти. Кампир унга ўрганиб қолди, кўзлари кўнилди, наст-баландига чидади, шу боисдан Михаилда юз берган барча ўзгаришлар кампирга билинмай кетаверди. Кеча ҳам Михаил эди, бугун ҳам ўша Михаил эди. Илья энди бошқа гал шимолга кетаётгандা сочи бор эди, мана, келди, соч деган нарса йўқ, ҳатто кўр одам ҳам билади. Ҳатто деярли ҳар ойда келиб турадиган Варварада ҳам бирон ўзгариш борлигини пайқарди: янада семириб кетибди-ю, аммо кампирларга ўхшаб бўлар-бўлмасга кўз ёши қиласидиган бўлиб қолибди, сочига оқ оралабди. Илья, Люся, Варвара, Таньчоралар қанчалик ўзгариб кетганимизни ойимиз пайқасин, деб оналари ёнидан кетишганга ўхшайди-да, улар ҳар келганларида оналарига қанча сувлар оқиб ўтаётганини беозоргина эслатиб қўяр эдилар, кампир бунисининг охирги марта келганига мунча бўлди, бунисига мунча, бунисига мунча, дер ва ҳар келиб-кетганидан кейин умрдан яна бир неча йил ўтганини пайқаб қоларди. Кампир ўз умрига қараб эмас, болаларининг келиб-кетишига қараб қариётгандек эди, агар ўзи бўлса-ку то вақт-соати етгунча бир ерда секин-аста ғимирлаб, имирсилаб юраверардику-я. Аммо кампир бу ҳақда ўйлай оларди дейсизми? У болаларини кутарди, айниқса ётиб қолганидан кейин уларнинг йўлига кўзи тўрт бўлиб, бўғилиб кетарди, болалар эса кейинги пайтларда жуда кам келадиган бўлиб қолишиди. Уларнинг ҳар бирининг ўз оиласи, турмуши бор, улар ҳам ёш эмас, йиллар энди уларнинг бошини силаб ардоқламайди, кемиради. Кампир буни тушунарди.

Кампир Люсяга бирров қаради-ю, дарров қўзини олиб қочди, кейин унга оқиста, яширинча, худди зимдан қара-

гандай назар солди. Шундай қариб, заифлашиб, қоқсуюк бўлиб қолгани учун Люсянинг олдида ўзидан уяларди, кампирнинг назарида қизи ҳам ундан уялиши керак эди — қаранг, ахир, қандай чиройли, илмли, ҳатто гапирганда ҳам бу ердагиларга ўхшаб гапирмайди: сўзлари танишу аммо уларни тушуниш учун қулоқни динг қилиб туриш керак. Ундан нимани сўрама, ҳаммасини билади: хўп юриб, кўпни кўрган-да. Хўш, кампир ўз умрида нималарни кўрибди жуда? Куну тун, ишу уйқуни-да. Худди жувозкашнинг отидек шу ўртада айланиб, гимирилаб юраверди, у билан ёнма-ён яшаганлар ҳам ундан афзал әмас, ҳаёт шу экан, деб юраверишди. Люсянинг ҳаёти қандайдир бошқача, кампир тушунмайдиган, билмайдиган ҳаёт эди, бу ҳаётда кўпгина ишлар янгича қилинади, ҳатто ўлсалар ҳам бошқача ўлади — бу томони кампирга қоронғи. Кампир учун тарки одат — амри маҳол эди — у худо қандай раво кўрган бўлса шундай ўлиб ҳам кетаверади, керак бўлса юраги тўлганда йиглаб ҳам олаверади, шундай бўлса ҳам кампир ҳарқалай Люсянинг олдида ўзини тутишга, Люсянинг жаҳлини чиқармаслик учун ортиқча бирон сўз айтмасликка, ноўрин иш қилмасликка ҳаракат қиласарди.

Кампир юраги тўкилиб, шоша-пиша, ўнгайсизланиб болаларига қарагани-қараган эди-ю, аммо қараб сира тўймасди, қанча боқса шунча кам эди.

— Ўзингни бос, ойижон,— деди Люся.— Ўзингни бос, дамингни ол.

— Келдингларми-а,— кампир қўллари билан юзини беркитиб, йиглаб юборди.

— Келдик, ойижон, келдик,— деб ҳаммасининг ўрнига дадил жавоб берди Илья.— Ҳаммаси жойида.

Варвара титраб кетди, тўнгиллаган овозда пичирлаб унинг гапини бўлди:

— Намунча бақирмасанг. Нима бало, кўрмаяпсанми?

— Келдингларми-а,— деб хотиржам бўлиб такрорлади кампир ўзича.— Кўзларим тешилиб кетди-я,— кампир бу гапни бир неча йилдан бери қадрдон бўлиб қолган иккекекса киши гаплашаётгандек қилиб содда, кўнгилни енгил тортирадиган овозда айтди ва жим бўлиб диққат билан қулоқ солди, кейин ҳарқалай кўзини очмай, овозини ўзгартирмай давом эди:— Мана, мен уйғондиму аммо ҳеч нимага ақлим етмаяпти, шу ўзимманни ё йўқмабилолмайман, мен сира ўзимни билмай қолдим-да, на қўлу на оёқ бор.Faқат жоним қилтиллаб турибди, у ҳам ора йўлда. Мен энди ўлдим, шунинг учун ҳаммаёқ қоп-

қоронғи-да, деб ўйладим. Худойимга шукур, азобдан қутулибман, деб бундоқ қарасам, худди кундузгидай ҳаммаёқ ёп-ёргүр. Шунда күзларим ўзидан-ўзи очилиб кетган әкан. Ўзим бўлсам ҳеч нимани билмайман.— Кампир кўзларини очди, ҳеч кимга қарамай то кўзлари офтобга кўникунча индамай турди.— Шунчалик ёргу-а, бундан ҳам ёргу эди. Ким ҳаммаёқни шунчалик ёритдийкин деб ўйлайман. Сизларни кўрдиму ишонмадим, гумоним яна ошди. Ахир шундай бахтга эришишни ўйловмидим? Ҳаммаинглар шу ерда, фақат Танъчора йўқ... Ўзим ётибману: «Демак киши ўлгандан кейин ҳам охирги марта хурсанд бўлиш пешонасида бор әкан-да. Киши ўзидан кейин нима қолаётганини, кимлар деб уззукун жони ҳалак бўлганини бир кўрас экан-да»,— деб ўйлайман.

— Э, ойижон, ажойиб онасан-да, ўзи,— деди Илья севиниб ажабланаркан бои чайқаб.— Кўпдан бери бир оғиз ҳам гапиролмай ётувдинг, мана, булбулигё бўлдинг қолдинг. Гапларинг жуда бурро.

— Рост, ойижон, кўп гапирма, сенга мумкин эмас,— деб яна огоҳлантириди Люся, лекин аввалгидек дадил эмасди, у нимадандир ҳадиксиарди.

— Эй, қўявер, гапиролса, гапираверсин. Мен шунчаки дарров бурро-бурро гапираётганига ҳайрон бўляпман, холос. Худди эртаклардагидек-а, ҳа.

— Ҳаммасига сизлар сабаб,— деб жўнгина тушунтириди кампир.— Сабаби — сизлар. Ахир мен нариги дунёга ҳам бориб келдим. Ўша ёққа, ўша ёққа, биламан. Сизлар келдинглару мен ҳам қайтиб келдим. Уликманми-тирикманми, орқага, бу ёққа, сизларнинг олдилалингга қайтиб келавердим.— Ўнинг овози узилай-узилай деб турган ингичка ипга ўхшаб чўзилиб чиқар ва тоҳ йўқолиб, тоҳ пайдо бўлар эди.— Худо ёрлақади. Худо менга сал одамга ўхшасин деб куч ҳам ато этди. Болаларининг капалаги учеб кетмасин, деди-да.

— Гапларинг ҳам ажойиб-да, ойи.

— Қайси онанинг қўнгли болалари ичида тоғдай кўтарилмайди? Буни нимасини гапирасан! Устига яна уларни шунча кўрмаган бўлса. Ахир мен ҳам ўлар чотимда сизлар билан икки оғизгина гаплашай дейман-да. Мен қўлдан, оёқдан қолсам ҳам майли, фақат тилдан қолмасам бўлгани. Тилим ўзидан-ўзи ҳам гапираверади. Бир бошлаб олсам бўлди, сайрайверади, тўғри, фақат бошлаб олишим қийин. Худди аввал баланд тепага чиқиб олишдай бўлади. Кейин нафасим қисиб туради. Мана ҳозир ҳам. Сал шошмай туринглар.

Кампир нафасини ростлаб олиб, офтоб тушиб турган деворга узоқ қаради: кундузги ёруғ нурдан девор дилкаш, аниқроқ кўринарди, кампирнинг юзида секин-аста хотиржамлик ифодаси равшан пайдо бўла бошлиди, одатда кексалар кеч бўлганда бунақа хотиржамликни яхши ҳис этадилар. У ўзини ҳам, болаларини ҳам унуганга ўхшарди, ҳеч нимани, ҳатто ўзининг нафас олишини ҳам сезмасди, лекин бари бир қандайдир бошқа куч билан нафас оларди, девордаги офтобдан бўлак ҳеч нимани кўрмасди, лекин девордаги бу дод кенгайиб, унинг очиқ кўзига ўзи қўйиларди ва ўз ҳукмини ўтказиб юмилгани қўймасди — бари бир бу кўзлар сўнмасди, қамашмасди, балки равшанроқ, тийракроқ кўрарди, илгаригидек дунёга тўймай, очкўзлик билан йирилиб-йиртилмасди, ҳаётнинг ишончли паноҳида йилтираб турарди.

Болалар кутиб туришарди, кетиши мумкин эмасди. Ҳатто ўзаро гаплашиш ҳам ноқулайдай туюларди — улар оналари буюрганидек унинг оғзини пойлаб туришарди, бир-бирларига қарамасликка ҳаракат қилишарди.

— Ҳозир мени худди бирор қўлида кўтариб тургандай,— деди кампир уларга қарамай.— Остимда гўё ҳеч нима йўқдай. Сира чўчиётганим ҳам йўқ — худди ўзи шунақа бўлиши керакдай.

Кампир қимирламасдан яна бирпас жим ётди, кейин хаёlinи йигиб олди. Кўзлари ҳорғинлик билан пастга қаради, юзида кекса одамларники сингари табиий бир сабр-тоқат ифодаси пайдо бўлди, аммо у болаларини кўриши билан бу сабр-тоқат ўрнини мулойим, илиқ қувонч эгаллади. Кейин кампир яна ўзига ишонмади, Люсидан оҳиста сўради:

— Сизлар қачон келдинглар?

— Биз Илья билан кеча кечқурун келдик.

Кампир муддаосини дарров айтмади, кутиб турди-да, сўнг:

— Менга ҳеч қанақа қанд-қурс олиб келмадингларми? — деди.

— Жуда шошиб қолдик-да, ойи, қўлимиз тегмади, — Люся ўнгайсизланиб, ҳаяллаб жавоб берди.— Аранг улгурдик. Пристанда оёғимизни қўлимизга олиб югуриб-елдик.

— Э, мен ўзимга деяётганим йўқ,— деди кампир.— Менга ҳеч нима керак эмас. Манави гирдикапалагим Нинкага деяпман.— У қўлинин Варваранинг ёнида турган Нинкага чўзди, аммо қўли етмади — Нинка чўчиб

ўзини орқага тортди. Кампир хафа бўлмади.— Мен чамадонга солиб яшириб қўяман, кейин битта-битта бериб юраман. Мен ҳам хурсанд, у ҳам. У аллақачон ҳид олибди. Оддимга келиб: «Кел, бувижон, қарайлик-чи, чамадонингда нима бор»,— дейди. Мен унга: «Ҳеч нима йўқ»,— дейман. У яна қистайди. Мен ўзимни ҳеч нимани тушуммаганга соламан. Худди ёш боладай шу билан ўйнайман. У мени қанду асалим, доимо бувижони билан. У билан гаплашсам, анча ғубордан чиқаман. Нимасини айтай, қарию ёш бола — бирдек.

— Эрталаб магазинга бориб, бирон нима олиб келаман,— деб ваъда қилди Люся.

— Э, овора бўлиб нима қиласиз,— деди Надя хижолат тортиб,— нима Нинка очмиди, ширинлик кўрмабдими? Ўзи шундоқ ёпишқоқ-да, ўргатиб қўйишган.

— Борақол, борақол,— деди кампир.— Аммо ҳаммасини берма, озгина бергин. Қолганини келтириб менга бер, яшириб қўяман. Мен бергандай бўламан, Умримнинг охирида сийлаб турай.

Люся эслаб туриб:

— Мен сенга, ойи, узум жўнатгандим, ўшандан еб кўрдингми?— деб сўради.

— Анави кўм-кўк меваларними?

— Ҳа. Узум деб ўшани айтишади-да.

— Жин урсин ўшанингни. Есам, ичиди уруғи бор әкан, уни ажратиб ўтиришга тоб-тоқатим бор эканми. Нинкага бердим. Нинка уруғ-пуруғи билан курсиллатиб-курсиллатиб еди. Ёқса, еяверсин, дедим. Мен уни еб шохим чиқармиди? Менга, Люся, ҳеч нима керак эмас. Худойи таоло мени шундай ҳам суюнтириб ўтирибди-ю: ўлимим олдидан сизларни етказди. Нима, мен тушунмас эканманми?

Кампир яна йиги бошлади — кўзларидан ёш чиқмади, у хотиржам, қисқагина йиғлаб, енгил тортди ва тинчиб, қуруқ кўзларини артди.

— Ҳечқиси йўқ, ойи. Ҳечқиси йўқ,— деди Люся.— Аввал бир тузалиб олгин, кейин ҳаммаси ҳеч нима кўрмагандай бўлиб кетади.

Кампир жавоб бермади, у яна девордаги офтобга қаради. Охирги пашшалар ўша ерга ёпишиб турарди, у шу туриш-турмушида худди сеҳрлаб қўйилганга, тахта бўлиб қолганга ўхшардики, гўё у ҳеч ким тушуна олмайдиган нарсаларни кўриб, эслаб қолиши керакдай эди. Уйичи жимжит бўлиб қолганди, ташқаридан эса ҳеч қана-ҳа овоз эшитилмасди. Яхшиямки бу сафар у узоқ жимиб

қолмади ва хаста, сирли хабар берувчи, унинг иштиро-  
кисиз ичидан чиқаётгай бир овоз билан — кампир ҳатто  
кўзларини девордан узмади ҳам, деди:

— Мен-чи, Варвара, кечаке тепамда ҳўнграб йиглагага-  
нингни эшитдим. Сенинг овозинг эди, сеники эди, эсимда  
бор. Мен/фақат мен ўлиб қолибману шунинг учун йигла-  
яптиякан-да, деб ўйлабман. Ҳа. Мен илгари, эсим ҳали  
жойидалигида ётардиму: «Мен ўлсам, Варвара келиб,  
дод-вой қилиб йиглайди, ҳа, шунисига ҳам шукур-да», —  
деб ўйлардим. Умидим ҳам сендан эди ўзи, кейин эшит-  
сам: сен. Шунинг учун йигингни жон таслим қилаёти  
эшитгандай бўлдим, ҳа, шунаقا.

Варвара тахта бўлиб қолди, оғзини очганича онасига  
қараб бошини лиқиллатарди, у на гапира оларди, на йиг-  
лай оларди. Илья Михайлнинг ёнига келдида таажжуб-  
ланиб шивирлади:

— Ойимиз ажойиб-да. Сенга ҳам шунаقا туюляпти-  
ми?

— Қани, ким айтади, киши ўлгандан кейин яна қан-  
чагача эшитади, — деб қўшиб қўйди кампир. — Ким ай-  
тади? Ҳеч ким айтольмайди. Кўзларини-ку, беркитиша-  
ди-я, аммо қулоги очиқ бўлади-да.

— Сен нималарни гапиряпсан, ойи? — деб қаттиқ сў-  
ради Илья. — Нималарни гапиряпсан?

— Нималарни? — кампир овозига қараб Ильяни топ-  
ди ва жавоб беролмади, уялди, — мен сизларни кўриб  
хурсанд бўлганимдан, нима деяётганимни ҳам билмай-  
ман. Шунчаки лақиллаяпман-да, сизлар мен қариядан  
хафа бўлманглар тагин. Мен бутунлай эсимни еб қўй-  
ганиман.

— Гапингни қара-я, ойи! Нима, сен тузук бўлсанг,  
биз хафа бўлар эканмизми? Қўй бу гапларни, энди тез-  
роқ тузалгин, сен билан меҳмонга борамиз, ҳа. Уйда ўти-  
риб ҳам нима қилдик! Ҳаммамиз гаплашиб меҳмонга  
борамиз. Агар бормасанг, қўлнимизда кўтариб борамиз.  
Кимсасиз эмассан, қўлда кўтариб юрадиганларинг  
бор.

— Яна озгина ич, — деди Люся бўтқали кружкани  
онасига узатиб. — Энди бўлади, ошқозонинг ишлайти.

Кампир бошини кўтармоқчи бўлди, Люся унга кўмак-  
лашди. Кампир бу сафар кўпроқ ичди ва нафасини  
ростлагач, ўзидан-ўзи ажабланиб деди:

— Қаранглар-а! Худди ўририлган ўрага тушгандай  
кетди-я. Тан озиги жонга малҳам, деб тўғри айтишади.

— Ҳа, мана энди яхши бўлади. Кейин яна ичасан.

— Вой бўй, энди сиғмайди.  
— Ҳечқиси йўқ, ҳечқиси йўқ, сиғади.  
— Мен энди Танъчорани кўриб ўлсам майлийди,—  
деди кампир ғамгинлик билан.— Нега у бунчалик ҳаял-  
лаб кетдийкан-а? Ё бирон нима бўлдимикин?

— Келади, ойи, хавотир олма. Уни йўли олис. Ал-  
батта келади.

Кампир илтижо қилиб:

— Ишқилиб ўзларинг кетиб қолманлар,— икки-уч  
кун ёнимда бўлинглар. Танъчора келса, мен сизларни  
ушлаб турмайман. Ўзим ҳам биламан: кўп туриб қол-  
санлар бўлмайди.

— Ҳозирча ҳеч ким кетмоқчи ҳам эмас.

— Майли, пича туринглар. Мен сизларниң жонла-  
рингга тегмайман, тинчгина ётаман. Ётганим-ётган. Узоқ  
вақт кўрмаганимга тилим қичиб гапирдим-да ҳозир.  
Хурсандлигимдан ўзимдан кетдим қолдим. Кейин чурқ  
этмай ётаман. Сизлар кўнгилларингга ёқсан ишларингни  
қиласкеринглар, сизларни кунда бир марта кўрсам менга  
шу кифоя.

— Ойи, бу «жонларингга тегмайман», «чурқ этмай»,  
деганинг нимаси?— деди Люся кампирга писанда қилиб.

— Вой, ойи, бирор эщитса уят! Нималарни ўйлаб топ-  
япсан ўзи! Бизда узр сўрайдиган ҳеч қандай гуноҳинг  
йўқ сени, буни тушунсанг-чи, ахир, ойи.

— Унақа дема, ойижон,— деди Варвара гапни илиб.  
— Унақа дема, бўлмаса йиғлаб юбораман.

Илья ҳам чидаб туролмади:

— Ҳа, ойи-я, ҳа, ойи-я...

Кампир ичидаги қувониб жим бўлди, аммо хурсандли-  
гини яшира олмади:

— Кўзимни очдим дегунча сизларга тушади, ёним-  
да сизлар, ҳозир қани энди бир қуш бўлсаму баландга  
чиқиб, бирон ёқларга борсаму одамларга айтсам... Минг  
марта шукр...

Кун борган сари оғиб, пастлаб борарди, аммо хона  
ичи ёруғ, равшан эди: ботаётган қуёш нури тўғри дерава-  
га тушшиб турарди, кампир шу дераза остида ётарди.  
Қуёш нури энди шифтга тушарди, шифтдаги нур акси  
атрофга ёйиларди. Бу ердаги нарсаларнинг ҳаммаси  
кампирнинг болаларига таниш бўлган нарсалар эди, шу-  
парнинг ҳаммаси сезгирилик билан онанинг гапларини  
такрорлаётганга ўхшарди. Ҳаммаси гўё кампир билан  
баравар гапирад ёки жим бўлиб қолар, ҳам меҳр, ҳам  
фаҳр билан уларга тикилар, кампирнинг ўзи каби меҳ-

рибон ва ювош боқар эди. Уй кампирдан кейин ҳам жошида туравериши мумкинлигига кишининг ишонгиси келмасди, чамаси уй ҳам, кампир ҳам деярли бир хилда кўп йилларни бошидан кечирди, охир-оқибатда бир-бира гаплари эса деворларда, уй бурчакларида — ҳамма ерда бирдек акс-садо берарди.

Уй ҳавоси ҳам улар болаликларида нафас олган ўша ҳаво эди, бу ҳаво уларнинг хаёлини ҳув ўша болалик йилларига олиб қочарди, чорларди, аммо унда ҳам кампирга ўхшаб куч йўқ эди.

Дераза чўкиб, дарчага айланиб қолганди. Эшикдан ўтиш учун бошни ҳам қилишга тўғри келарди. Сувалмаган, оқланган ёғочлари дўўпрайиб чиқиб турган деворларни кўриш ғалати, гайритабиий туюларди. Харида бурунгидек беланчак ҳалқаси осилиб турарди, илгари беланчак деярли бўш қолмасди: бири катта бўлса, бошқаси туғиларди.

Остига стол қўйилган деразанинг икки томонидаги деворда икки рамкага суратлар зич ёпиширилганди. Уларнинг ҳаммаси шу ерда эди: Илья билан Михаил армияда — хизмат қилишган жойларидан салом йўллашган, мана Илья шимолда, машина рулида, Варвара эри билан, иккови тошдай қотиб, бир хилда кўзларини чақчайтириб туришибди, иккови ҳам гўё ииқилиб тушишдан қўрқандек студ суюнчигини ушлаб олган, Люся қаердадир курортда, катта гаройиб дараҳтлар орасида: ҳали қишлоқлиги қолмаган Татьянанинг юзи чўзинчоқ эди, чўчиб қараб турарди, гўё у ўлимдан қўрқиб суратга тушганга ўхшарди.

Ўнг бурчакдаги бут қўйиладиган жойга энди лампа қўйиб қўйишганди. Шу кеча лампа иш бериб қолди, бўлмаса уни турган жойидан ойлаб ҳам қўзғатишмасди, кампир унга қарамай чўқиниб қўярди. Ундан сал ўнгроқда, кампирнинг деразасига яқинроқ жойда бурноғи ўпли Леспромхозга олиб келинган плакат осиғлиқ турарди. Суратда бел ушлаган бир бола ўрмондан чиқиб келаётганди. Сурат остига: «Қанча кўп дараҳт ўтқазсанг, шунча узоқ яшайсан» деб ёзиб қўйилганди. Суратдаги ўрмон аввалига кўм-кўк бўлиб, кейинчалик пашшалар уни сарғайтириб юборганди, дарвоқе, шу йиллар ичидаги бола ҳам анча қариб қолди, аммо хонадондагилар ҳамон суратга тоқат қилиб, уни олиб ташланимасди.

Энди кампир болаларида анча хотиржам боқарди, бо-

лалари тўсатдан, ҳеч нимадан ҳеч нима йўқ чўчиб, го-  
йиб бўлиб қолмаслигига ишонарди, шунинг учун кампир  
энди қийналмасдан, керакли сўзни дарров топиб эркин,  
бемалол гапиради. У ҳали ҳам кўп гапиришдан толи-  
қиб қоларди, лекин энди ўзини-ўзи эпларди: дам олиш  
лозим бўлса, дам оларди, у яна ҳозирги бўлаётган ишлар  
учун жон чекмасдан келажакда бўладиган ишларга ўзи-  
ни сақлаб қолишни ўрганди.

Кечки ёруғлик ҳам поёнига етиб, уй ичи, на фақат  
уй ичи — ҳаммаёқ совиб, қоронги бўлиб қолди.

Люся онаси устидаги адёлни тўгрилаётib, уни қайир-  
ди-да, ногаҳон имиллаб қолди-ю, чақирди:

— Михайл, бу ёққа кел.

— Нима гап?

Кампир ҳеч нимага тушунмай, чўчиб, уялиб, оёгини  
ўша ердан тортиб олди.

— Ўзинг қара, Михайл,— деб кўрсатди Люся зарда  
 билан.

— Қаёққа?

— Манави ёққа, бу ёққа.

— Хўш, нима бўпти?

— Нега «нима бўпти?» Яна сўрайди-я! Наҳотки она-  
миз қанақа чойшабда ётганини кўрмаётган бўлсанг?  
Ахир қоп-қора-ку. Ўзиям бир йилдан бери алмаштирил-  
маганга ўхшайди. Касал, кекса онанг шунақа чойшабда  
ётса майлими? Удлмаганингни қара-я!

— Нега ҳадеб юзимга соласан? Нима, мен энди чой-  
шабларга ҳам қараб юрайми?

— Аммо қарасанг бўлармиди ахир? Буларни ювиб  
қўй десанг бўлармиди ахир? Бу осон-ку ахир. Ёки она-  
мизнинг қандай аҳволда ётгани барибирми сенга? Ахир  
бу ерда сен хўжайинсан-ку.

Люся ўзини қаёққа қўйишини билмай лавлагидай қи-  
зарип кетган Надяга қарамади ҳам, уни кўрмади ҳам.

— Люся, Люся!— деб унинг гапини бўлди кампир ва  
ниҳоят тўхтади. Люся унга ўгирилди. Кампир қўллари-  
ни беҳолгина силтади:— Сенга бақиравериб ҳам адойи  
тамом бўлдим. Нега мендан бир оғиз сўрамайсан? Зап  
гапирадиган гап топибсан-да. Чойшаб эмиш! Оқ чойшаб-  
ни мен бошимга ураманми? Бутун умрим шусиз ҳам ўт-  
ди, ўлмадим. Энди шунақа расм чиқаришибди: остига  
оқ нарса ёзib ётишармиш. Бу зормандаларни ювгунча  
қўлдан жудо бўласан-ку.

— Ойи, мен ҳозир Михайл билан гаплашяпман, сен  
 билан эмас.

— Сенга мен гапиряпману Михаилни нима қиласан ё гапингни маъқулламоқчимисан? Мана, кўриб туриб сизлар, овозим хаста, сизларга бақиришга куч борми менда. Надя алмаштирай, алмаштирай, деявериб қўнглимга зигир ёғдан баттар урди. Мени тинч қўйисин деб унга гапиравериб-гапиравериб чарчадим. Ётибманми-ётибман, мени қўзгатиб нима қиласизлар. Ўлсам, бари бир мен жин ургурни, ювиб-тозалайдилар, бусиз гўрга қўйишмайди.

— Нега яна бу тўғрида гап очиб қолдинг?

— Бу гап ҳам ёқмади! Нега дейди-я,— кампир ўкиниб жим бўлди, аммо узоқ чидаб туролмади: — Жонпосимни чиқариб юбординг, ҳалигача ўзимга келолмайман. Тагимда нима кўрдийкин, мен бирон бало қилиб қўйинбманни деб ўйлабман. Э, мени нимамдан хафа бўласизлар? Ёш боладан баттарман. Нима қилганимни ўзим билмайман.

— Аммо ўғлинг билиши керак, ўзини унутмайдими, сени ҳам унутмасин,— Люся ўжарлик қилиб гапида туриб олди.— Шунинг учун ўғил-да. Сен бизнинг онамиз, қанақасига шунаقا чойшабларда ётишингни сира-сира ақлимга сифдиролмаяпман. Бу билан ҳеч кимнинг иши ҳам йўқ, ҳаммаси ҳам, ҳа энди, шунақасиям бўлади-да, дейди шекилли. Бемаънилик-ку бу!

Шунчадан бери девор ёнида қўйқайиб турган Надя оҳистагина хонадан чиқди. Ҳамма ўнгайсизланиб, миқётмай турганда Михаил тўнғиллади:

— Зап баҳона топдинг-да ўзинг ҳам.

— Бекорга, Люся, бекорга Надянинг олдида гапирдинг,— деди кампир бошини чайқаб.— Унда ҳеч гуноҳ йўқ. Менга бир неча марта айтган. Мени эса сира қимирлагим келмасди, ҳа, қимирлагим келмасди, иннайкейин қўрқардим ҳам

— Аммо мен унга ҳеч нима деганим йўқ-ку.

— Унга айтмаган бўлсанг ҳам, барибир ўшанга тегади-да, яна кимга тегсин? Менга ўша қарайпти-да, Михаил эмас.

Варвара хўрсиниб қўйди-да:

— Ҳа, шўрим қурсин! Нима дейнишимниям билмай колдим,— деди.

— Билмасанг — индама,— деб узиб олди Илья.— Шуям гап бўлди-ю!

— Мен сенга ҳеч нима деяётганим йўқ-ку.

— Мен ҳам сенга гапирганим йўқ.

Бу кўнгилсиз гап-сўзларни босиш учун кампир сўради:

— Ҳушсиз бўлиб ётганимда мени кўргани Мирониха келмадими мабодо?

— Келмади шекилли,— деб жавоб берди Михайл.

— Келади. Тузалиб қолганимни эшитса, ғириллаб келади, бирон нимани гапириб беради. Агар ўша бўлмаса қандай кун ўтказардим, билмайман. Ўша билан гаплашсам яйрайман, келади, албатта келади,— деди кампир бош иргаб.— Келади-ю: «Ҳой, қизи тушмагур, нега сен ўлмайсан-а?»— дейди. Қандай ҳазилкаш бўлса, шундайлигича қолди. Қара-чи, даҳлизида ҳеч ким кўринадими-йўқми? Шу ердан, деразадан қара.

Варвара ўрнидан туриб, дераза токчасига тиранди.

— Йўқ. Эшик қулфланган шекилли.

— Бирон ёққа кетгандир. Сира бир ерда ўтиrolмайди, югуриб юргани-юрган. Майли, то оёқдан қолгунча юриб олсин. Ҳали кўп ётади. Ҳа, жонига ҳам тегади ётиш. Мен иложи бўлса, ҳозир унинг кетидан югурадим, қаёқда... Тамом бўлдим.

— Ойи,— деб кампирнинг гапини бўлди Илья ва Михайлга кўз қисди.— Ойи, бордию Михайл икковимиз сенинг соғайиб кетишинг учун озгина исчак йўқ демайсанми?

— Вой, эркаклар-ей, вой, эркаклар-ей,— деб Варвара бир сесканиб тушди.— Шусиз кунларинг ўтмайди сизларни.

— Ҳа, ўтмайди,— деб унинг гапига қўшилди Илья оғзининг таноби қочиб.

— Ичкиларинг келса, ичаверинглар,— деб кампир рухсат берди,— аммо бу ерда, менинг олдимда эмас. Ҳидига тоқатим йўқ.

— Хўп бўлади, кетсак ҳам бўлаверади. Ахир, биз, ойи, сен учун ичамиз. Қайтиб касал бўлмагин деймиз-да, ҳа.

— Э, менга десанглар, шайтон учун ичинглар. Бу ўшанга хуш келади.

— Сен ҳам шайтон учун деб қотирдинг-да...

— Бўлмаса-чи, ўшани деб-да. Уни нимаси яхши экан, бирон маза топармиди киши? Агар мени бошимдан зар тўксанг ҳам оғзимга олмасман уни. Булар бўлса тагин шу савилга пул сарфлашади-я. Ҳўш? Худди мен ичманглар десам, сизлар қулоқ соладигандайин-а... қаёқда. Ичкиларинг келибдими: ичинглар, аммо бадмаст бўлгунча эмас. Сен ичганингда қандай бўлишишингни бил-

майману, аммо Михаилимиз чатоқ, у маст келганида шўринг қургур Надя қаёққа қочиб қутулишини билмайди.

Хурсанд бўлиб кетган Михаил пинагини бузмай жавоб берди:

— Энди, сен, ойи, қанақа айб бўлса менга ёпиштира-верасан шекилли.

— Мен сира беҳуда гапирмайман.

— Э, йўқ, ойи, қиттаккина ичамиз. Шунчаки, ишта-ҳа очиш учун-да.

— Менинг Надядан шикоят қиласидиган ерим йўқ,— деб давом этди кампир эркаклар кетгандан кейин. У гўё ёлғиз унга гапираётгандай Люсяга қаради.— Ахир Михаил ўз туқсан ўғлим, у бўлса келин, аммо мен биронга келиним ёмон деб айтмолмайман. Ахир менга қарааш учун ҳам сабр-тоқат қерак. Худога шукр, у ҳали менга бирон марта ҳам қаттиқ гапиргани йўқ. Агар ёмонлик қилмаган бўлса, мен уни қандай қилиб ёмонлай. Об-овқатимни беради, грелкага сув қуийиб келтиради. Совуқ бўлса, мен шу грелка билан тирикман-да, ахир. Ҳаммаёғим музлаб, кесак бўлиб қолади, ҳеч нимани сезмайман.

— Яхшилаб ўраниб ётиш керак,— деб маслаҳат берди Варвара билармонлик қилиб.

— Яна қанақа ўранасан, Надя қўлига илингани билан шундай ўраб ташлайдики, ҳатто қимирлаб бўлмайди. Устим зилдай бўлса ҳам оёғим қалтирайди. Шундан кейин Надяни чақираман ё Нинкани уни айтиб келгани юбораман. У келиб, сув иситади — енгил тортгандай бўлламан. Агар Надя бўлмагандга мен аллақачон тамом бўлардим, э, нимасини гапирасан? Михаил ҳушёрлигида, баъзан ичмаганида — одам, ичдими, бас, жинни бўлади қолади, ҳеч кимда тинчлик йўқ. Менга ҳам, Надяга ҳам ёпишаверади. Унинг дастидан дунёнинг нариги бошига қочиб кетгинг келади.

— Қанақасига ёпишади?— деди Люся сергакланаб.

— Қанақасига... Шундай ўзи. Зўрга оёғида туради ю хотинини вино олиб кел деб қистайди. Ўлсанг ҳам топиб келасан деб туриб олади. Бечора Надя қаёқдан олади, қайси шимилдириғига олади? «Сен ўша ерда ишлайсан, сенга беришади»,— деб магазинга жўнатади, вассалом. Ахир у магазинда бор-йўғи супуриб-сидиради, холос, ўша винога яқин ҳам йўламайди. Ўзиям сал ўйласа бўлади. Бошинги деворга уриб ёрсанг ҳам, айтганини қилдира-

ди. Мен уни қайириб қўяй десам, менга қараб: «Сен, ойя, ётибсанми, индамай ётавер», — деб ўдагайлайди. Кейин тилимни тишлайман-қоламан. Худо кўрсатмасин, мен ундан маст бўлганида қўрқиб қолдим. Ҳа, кайфи тарақ бўлса, Нинкани ёнимда олиб ётаман.

— Э, гап бу ёқда дегин,— деди Люся вазминлик билан.

— Унда на шарм-ҳаё бор, на виждон,— деб ғазабланди Варвара эшикка ўгирилиб қааркан.— Ўз туққан онасига шунақа муомала қилиш учун ўтакетган сурбет бўлиш керак!

— Баъзан келиб ўтиради-ю: «Қани, ойи, бир гаплашайлик», дейди. Мен у билан, маст билан ниманиям гаплашардим, ўзи эси жойида йўғу. Кейин: «Ҳа, мен билан гаплашинг келмаяптими? Мен сени едиряпман, ичиряпману сен мен билан гаплашишдан ҳазар қиляпсанми?» дейди. Мен унга нега ҳазар қиларканман, эс-ҳушинг жойида пайтида кел, гаплашавер, бунақа маст келма дейман. Йўқ, билганидан қолмайди, бай-бай-бай!

— У билан ўзим бир гаплашиб қўяман,— деб ваъда қилди Люся.— У билан гаплашиб, попугини пасайтириб қўяман. Рост-да, нима деган гап бу, ахир?! «Едиряпман, ичиряпман...» Бир ками шу эди ўзи.

— Сен у билан кайфи борлигига гаплашма тағин, кераги йўқ. Қулогига гап кирмайди, қайтанга жаҳали чиқади. Ичса, расво бўлади, фирт расво бўлади, ҳеч ким уни яхши демайди. Ухлаб тургандан кейин яна ҳеч нима кўрмагандай бўлади. Агар мана шу қуриб кетгур виноси бўлмаса-ку, бутунлай бошқача одам бўларди-я. Мана шу вино расво қиляпти уни.

— Ичмаслик керак,— деди Варвара.

Кампир унинг гапини маъқуллаб бош иргади, хўрси-ниб қўйди:

— Ҳа, ким унга ич, деб айтади? Ҳозирги замонда ичиб, эс-ҳушини йўқотмаган киши тилла одам бўлади. Оғзига ичкилиқ олмайдиган одамни бошингда кўтариб юрсанг арзиди. Унақа одамни манави мўъжизани кўриб қўйинглар деб одамларга пулга кўрсатиш керак. Бизнинг Михаил оғзига тегса бас, кейин тешик бочкага ўхшаб қанча қуисанг ҳам кўрдим демайди.

— Билмабман-да, Михаилимизнинг шу даражага етганини билмабман-да,— дерди ҳадеб Люся таажжубланиб.

— Расво бўлиб қолган, расво бўлиб қолган,— деб қувватлади Варвара.— Ойимиз ёлғон гапирмайди.

— Нега энди ёлғон гапираканман? — деди хафа бўлиб камшир.— Ўз ўғлимни беҳуда сизларга ёмонлаб гапиришнинг нима кераги бор экан менга?

— Шунинг учун ойим ёлғон гапирмайди, деяпманда.

— Аммо ойим негадир ҳаммасига чидаб келяпти,— деди Люся унга монанд қилиб.— Михаил бўлса қўлидан келганича ойимизни хўрлаяпти, тагин ойимиз унинг ёнини ҳам олиб қўяди. «Ухлаб тургандан кейин яна ҳеч нима кўрмагандай бўлади» эмиш...— деди у кампирнинг жигига тегиб.— Мана энди қачон ухлаб тураркин деб кутиб ўтираверасан. Кутиб бўпсан. Уйдан ҳайдаб юбормагунича кутиб ўтирасан.

— Қачон мени ҳайдабди, бекорга гапириб нима қиласан.

— Ҳайдамаса, ҳар сафар бўш келаверсанг, ҳайдаб чиқарадијам. Ҳайдашига оз қолибди ўзи.

— Уругимизда ҳеч ким онасини уйдан ҳайдаб чиқаргани йўқ.

— Уругингда ҳеч ким онасига сенинг ўғлингга ўхшаб муомала қилмаган бўлса керак ахир.

— Ҳеч ким, ҳеч ким,— унинг гапини маъқуллади Варвара.— Мен бино бўлибманки, ҳеч ким бунаقا қилгани йўқ, фақат шу.

— Мана, сизлар хафа бўляпсизлар,— деб секин гап бошлади кампир бир оз жим тургандан кейин.— Хафа бўляпсизлар, кошки мен билан бирга турсанглар эди. Бошга битган бир бало бўлдим — нима, ўзим тушунмас эканманми? Гоҳ уни олиб кел дейман, гоҳ буни, баъзан шундай йўтал тутадики, ёргу олам кўзимга кўринмай кетади: уҳ-ҳу-ҳу-ю, уҳ-ҳу-ҳу. Тащарига ўзим чиқолмайман. Бундан ҳам ёмони борми? Аллақачон оёғимни узатиб кетишим керак эди, ўзимни ҳам, одамларни ҳам қийнаганим бас-да, аммо ажалингдан олдин ўласанми, Михаил ҳушёр юрганида ҳаммасига чидайди, ҳеч нима демайди. Турган гап, маст одамнинг ихтиёри ўзида бўлмайди. Аввалига хафа бўламан, кейин ичимда ўйлаб: нимага хафа бўласан, кимдан хафа бўласан? Шунча йил чидадинг, бу ёғига ҳам чида. Худонинг иродаси шу экан, дейман.— Кампир дамини олгач, қийналмай гапира бошлади. Худонинг эсга олиниши унга тасалли берди. У бемалол нафас олиб Люсядан илтимос қилди.— Унга ҳеч нима дема. Қўявер. Ахир мен ҳам тинчгина ўлай дейманда, тобутим кетидан бирор кесак отмасин дейман. Ушанда ажал ҳам елдай келиб, селдай олиб кетади. Ҳа-

да, бўлмаса-чи? Кейин менинг орқамдан бир-бирларинг билан жанжаллашиб юрманглар. Мен учун энг ёмони мана шу. Мен ўлиб кетаман, аммо сизлар ҳали кўп яшашларинг керак. Бир-бирларинг билан кўришиб тура-сизлар, борди-келди қиласизлар. Ахир ўгай эмассизлар-ку, бир ота-онадан-ку. Тез-тез борди-келди қилинглар, ака-укаларни унутманглар. Бу ерга ҳам келиб туинглар, жами уруг-аймогимиз шу хокда. Мен ҳам шу ерда бўламан, ҳеч қаёққа кетмайман. Тепамга бориб туинглар, келган-ларингни сезяпман, деб бирон-бир ишора қиласман, арво-ҳимни юбораман.

Хонага оҳиста Надя кирди ва халақит беришдан қўр-қиб эшик олдида кампирнинг каравоти орқасида тўхта-ди. Надяни кўришиб, унга ўгирилиши, шундан кейин у келиб стол ёнига ўтири, ишдан кейин оғирлашиб қол-ган қўлларини тиззаларига қўйди. У бир зумда ўзгариб кетди: ишда олов, ўтири дегунча қулогига ҳеч нима кирмайди, гўё кўзи очиқлигича ухлаб қолади, бу кўзлар қачон яна туриб, югуриб-елиш кераклигини пойлаб тур-ганга ўхшайди.

— Саранжом-саришта қилиб бўлдингми? — деб сўра-ди кампир Надяни гапга солиш учун.

— Саранжом-саришта қилдим. Сигирни кейин чиқа-риб юбораман, шу.

— Эркакларни кўрмадингми?

— Улар мўрчада.

— Ишқилиб кўп ичишмасин-да.

— Меҳмоннинг олдида-я, ўзини тияр.

— Ахир Михайл бир ўзи эмас-ку, меҳмони олдида.

Надя ниҳоят нима учун келганини айтди:

— Кечки овқатни шу ерда еймизми ё ошхонадами?

Ҳаммасини тайёрлаб қўйдим.

— Шу ерда ўтира қолинглар,— деб жавоб бер-ди кампир.— Бир ўзим қоламанми. Ҳали кўп ёлғиз ётаман.

— Унда чироқни ёқай бўлмаса.

— Ёқа қол, ким сенга ёқма деб айтди. Қоронғида ов-қат еб бўларканми?

— Эркакларни чақирайликми-йўқми?

— Нима, улар ўша савил қолгур билан тўйишарми-ди? — жиддий жавоб берди кампир.— Ҳеч нима еганла-ри йўқ-ку. Вино қорин тўйдиармиди. Чакир, келиш-ке-масликларини ўзлари айтишар.

— Мен уларга кейинроқ сузайми девдим.

— Икки марта овқат сузиб обора бўлиб юрасанми? Куни билан югуравериб шундоқ ҳам оёқдан қолдинг.

— Юрақол, Надя, мен сенга қарашиб юбораман,— деди Люся. Ҳарқалай у чойшаб хусусида Надянинг олдида анча хижолатга тушиб қолгани учун бирон нима билан унинг кўнглини олмоқчи бўлаётгани кўриниб турарди.

— Ўтираверинг, ўтираверинг, ўзим қиламан. Мен овқатни ҳали иситмоқчиман, совиб қолган бўлса керак. Ўтираверинг, мен ўзим бирпасда иситиб келаман.

Люся қолди.

Эркаклар худди буғхонадан чиққандай қип-қизариб келишди, шу важдан ҳам улар бир-бирига жуда ўхшарди. Ҳозир уларни кўрган ҳар қандай бегона одам ҳам: булар ака-ука, дерди: ёноқларининг бир хилда туртиб чиқиб туриши, қуюқ қошлигининг ҳурпайиб туришидан тониб бўларканми? Унисининг ҳам, бунисининг ҳам бўйни қизариб кетганди. Ильянинг қони кал бошига тепганидан боши чўғга ўхшаб кўринарди.

Улар тарақ-туруқ қилиб стол ёнига ўтиришди, Михаил бақириб сўради:

— Хўш, ойи, ишларинг қалай?

— Қалай бўларди?— унга Илья жавоб берди: улар ҳаммомда иккови гаплашишга ўрганиб қолишганди.— Ажойиб онамиз бор-да. Ўлимга панд берди, мана, кўриб турибсан-ку.

— Ўлимга панд бериб бўлмайди.— Кампир норози бўлиб уларга қаради-ю, дарров ичидагини айтмади.

— Алладинг, ойи, алладинг, йўқ дема. Аммо тўғри қилдинг. Нима, сендан бошقا ўладиган одам қуриб қолибдими? Топилади, ҳа. Оламда яхши одамлар кўп.

— Бўлмаса-чи,— деб хаҳолади Михаил.

— Сен, номуссиз, индамай ўтиранг яхшироқ бўларди,— Варвара Михаилнинг оғзини пойлаб туриб тўсатдан уни тўхтатди.

— Э, нима гап?

— «Индамайин ўтиранг, куёв жилмас қошингдан»,— деб Илья болалигидаги тез айтишни эслади-ю, ҳали ўзи ҳеч нимани тушунмасдан ҳарқалай Варваранинг гапини ҳазилга айлантиришга ҳаракат қилди.

— Уятсиз!— деди тўрсиллатиб яна Варвара ва ёнимни ол дегандай Люсяга ўгирилди. Люся гапни давом эттиришга мажбур бўлди:

— Агар мен сенинг ўрнингда бўлсам, Михаил, яхшиси индамай қўя қолардим.— У сўзларни дона-дона қи-

либ, Михаилнинг кўзларига тик қараб гапиради.— Сенинг онамизга қилган муомаланг сира ақлга сифмайди. Шуни билиб қўй: биз онамизни хафа қилдириб, сенга хўрлатиб қўймаймиз.

— Нима бало, эсларингни еб қўйдингларми?! Ким уни хўрлаяптиякан?

— Сен-да!

— Мен-а?! Қизиқ, мен унга нима қилибман? Бошлайдингми, гапиравер энди, гапиравер.

— Люся, Люся,— деб ялинди кампир.— Сен нега бунақасан-а? Худони шафе келтириб ылтимос қилдим-ку сендан. Жанжаллашманглар, менга раҳмларинг келсин.

— Йўқ, майли, гапирсин.

— Яхши, ойи, ҳозир гапирмаймиз,— ночор кўнди Люся.— Аммо эсингда бўлсин, Михаил. Сен билан ҳали гапимиз тугагани йўқ.

— Анавиларни қара-я,— деди Михаил Ильяга қарапкан, арз қилиб.— Талашларини-я. Яна туғишган опалар эмиш-а. Чакки эмас.

— Айтдим-ку, бу тўғрида сен билан кейинроқ гаплашамиз,— деб ваъда берди Люся.

— Ўтакамни ёрма, ҳеч ким сендан қўрқмайди.

— Сен, Михаил, онамизни хафа қилма,— деди Илья.— Онани хафа қилиб бўлмайди.

Михаил Илья билан баҳслашиб ўтирмади:

— Бу гапинг тўғри. Онани хафа қилиб бўлмайди. Гуноҳ. Мен ойимни сира хафа қилган эмасман.

— Онамиз бизга ҳаёт бахш этди.

— Бу гапни жуда тўғри айтдинг.— Михаил кайфдан ёшовлаган кўзларини артди.— Ахир ҳаммасини тушуман-ку. Мен улардан кўпроқ тушунаман.— У опаларига қараб бош ирғади.— Улар мени нима учун талашаётганини ўйлаб кўрдингми? Чунки алам қиляпти: мен уларнинг иссиқ жойини совитдим, телеграмма жўнатдим, онам бўлса, мана, ўлмади, мана энди мен уларни беҳуда чақирган, бекорга алдаган бўлиб қолдим. Мен ҳам тушуна-ман.

— Нима деяётганингни ўйлаб кўряпсанми ўзи? Ёки ҳеч нимага ақлинг етмай қолдими?— деди Люся дағдара қилиб.— Қайси юз билан шундай дединг-а?!

— Бунақа дейиш ҳам, Михаил, яхши эмас,— деди яна Илья силлиқлаб.

— Яхши бўлмаса, айтмайман-қўяман-да,— деди Михаил унинг гапига қўшилиб.— Сен мендан каттасан, сени ҳурмат қилишим керак.

— Гап бунда эмас.

— Тушунаман, гап бунда эмас.

Надя келди-да, шўрва қуя бошлади. Барибир икки марта стол тузашга тўғри келди: аввал эркаклар овқат·ланишиди, шундан кейингина Варвара билан Люся ўтириди. Кампирга ўша кружкада озгина сувидан беришиди. Индамасдан овқатланишиди.

Эркаклар лампани олиб кетишиди. Уларнинг кетидан кампир оғир хўрсаниб қўйди:

— Нима бало, анавидан яна борми дейман у ерда? Бу қандай кўргилик! Э, худо, ўзинг паноҳингда асра. Нималар қилишяпти-я?! Нималар қилишяпти-я?!

#### 4

Кампир яна тонгни кўрди.

У кун ёришишини кутиб, қўзларини очганича анча ётди: чунки у атроф кўрина бошласа, ўрнидан туриб ўтиromoқчи әди — орқаси ва эти устихонига ёпишган би·қинлари сирқираб огрий бошлаганди, аксига олгандай кун ҳам ҳадеганда ёришмасди, қоронғида қимиirlашга эса ҳеч нимани кўрмай йиқилиб тушаманувой дея ол·май ҳам қоламан, деб қўрқарди. Ниҳоят, тонгга яқин дераза бўзара бошлади, кампир деразадан ташқарини кўра бошлади, кейин иккинчи дераза ҳам бўзариб, турган ери билинди, шундан кейин икки томондан хонага тонготардаги совуқ, гира·шира ёруғлик туша бошлади.

Кампир кўпроқ ёруғ бўлишини кутди, кейин, ухлаяп·тими·йўқми деб Люсядан қўзини узмай, бош томонига чўацлди, сал нафасини ростлади ва қўллари билан оҳис·та оёгини сурниб полга туширди. Кампирниң боши айла·ниб кетди, шунинг учун у худо кўрсатмасин, тағин ўмба·лоқ ошиб тушмай деб, каравотни маҳкам ушлаб олди, ўзини тутиб қолди, ўзига ўзи ҳайрон қолди, бошини чай·қади: уни қаранг·а, ким ўйлабди дейсиз — ўтирадиган ҳоли йўқ, қуруқ суюк, аммо ўтириди·я. Кампир оёқлари·нинг қанчалик озғинлигини бирор кўриб қолмаслиги учун устидан адёл тортиб қўйди.

Кампир ўзини ўзи эплаб ўтирганидан бениҳоя хур·санд әди, узоқ ётаверганидан увишиб, деярли қотиб қол·ган орқалари, қўллари, оёқлари ёқимли симиллаб жи·мирлай бошлади. Энди қўзлари ҳам қийналмасдан бо·қарди, бу қўзлар рўпарасига қарапди, аланг·жаланг қи·лишга ҳам ҳожат йўқ әди, кеча қўзлари нақ қинидан чиқиб кетай деди, у шунчалик кучаниб у ёқ·бу ёққа қа·раганди. Кўп ўтмай кампир яланг оёқлари полда совуқ

еяётганини сезди, шунинг учун у оёқлари остига адёлнинг бир четини тўшади — мана, оёқларида ҳали жон бор экан, қон юришиб, бориб турибди.

Эрталаблари хонага қуёш тушмасди, аммо қуёш чиққанини кампир деразасиз ҳам биларди: унинг атрофидаги ҳаво худди бирор бир томондан пуфлаётгандай жимирларди.

Кампир нигоҳини кўтариб, осмонга қаради. Қуёшнинг ҳали ерга тушиб улгурмаган ўйноқи нурлари осмоннинг у четидан бу четига кўпприк солганди. Кўрган киши ундан оёқ яланг юриб ўткиси келиб кетарди. Кампир кўнгли яйраб шивирлади:

— Э худойим...

Кампир сигирнинг бўкирганини эшитди, аммо Надяни чақирмади: Қўй-е, ўзи ҳам туришга одатлансин-да, кампир эса бу ёруғ оламда уч-тўрт кунилик меҳмон. Айтгандай, чақирса, Люсани ҳам уйғотиб юбориши мумкин. Люся ўз шаҳрида чошгоҳгача ётишга ўрганиб қолган, қўявер: ётаверсин, туриб ҳам нима қиларди. Кампир ўтирганича Надяниг кийинаётганига қулоқ солди, кейин эшик гижирлаб очилиб-ёпилди, яна ҳаммаёқ жимжит бўлиб қолди, аммо кампир энди уй ошдай қайнашини биларди.

Ростдан ҳам кимдир шап-шап қилди — бу Нинка. У ҳозир ташқарига чиқмайди, албатта, туваги эса шу ерда, кампирнинг каравоти остида. Кампир энгашиб, шивирлаб Нинкани чақирди. У уйқусираб пилдираб келди-да, кўзларини ҳали очмай ёзилиб олди ва кампирнинг каравотига чиқди — илгари ҳам шунаقا эди. Нинка эрталаблари югуриб бувисининг ёнига келишни яхши кўёради, аммо ҳозир кампир худо уни яна бир хурсандчиликка етказганидан, марҳаматини дариф тутмаганидан йиғлай-йиғлай деб ўтиради. Нинка ҳарқалай ўзининг қаердалигини эсларди. Чунки у уйқу аралаш шундай деб ғўлдираб қўйди:

— Агар сен ўлсанг, мен доим шу ерда ётаман.

— Ётавер, ётавер,— деб суюниб шивирлади кампир, унинг устидаги адёл четларини остига тиқиб бостириб қўяркан.— Бу ерда, печка ёнида иссиққина ётасан, тўғри-да, ҳадемай қиши келади. Бу ерда сен худди онангни қорнида ётгандай ётасан, совуқ емайсан, қийналмайсан. Вой менинг ширин-шакарим! Худди катталардай ҳамма нарсани тушунади-я.

Нинкадан кейин уй яна жим бўлиб қолди, аммо ташқаридан, бошқа ерлардан ҳар хил овозлар эшитила

бошлади. Шунинг учун кампир қулоқ солиб, кимнинг сигири бўкираётганини, бекалардан ким бугун ухлаб қолганини билди. У Мирониханинг сигири бўкиришини кутди, шундан кейин дижқат билан қулоқ солиб, Мирониханинг овозини ҳам эшитиш мумкин эди, у сигир соғса, доимо уни қарғаб, вайсади. Агар жойида турмаса, қанақа сигир бўлди ўзи? Курсичасини кўтариб, сигир кетидан ҳовлида юришу бақириш Миронихага зарур кептими? Сотиб, бошқасини олиш қийин эканми? Ёки унинг ўзи шусиз туролмасмикин?

Йўқ, на Миронханинг, на сигирнинг овози эшитиларди, худди икковини ҳам ер ютгандай. Бордию ростдан ҳам шунақа бўлса-я? Кеча у бирон ерда қолиб кетганимикин, келмаганмикин? Бир ўзи туради, ҳеч ким ўйига бош суқмайди. Кампир Мирониханинг эшигини кўриш учун бўйини чўзди, аммо кўзлари томдан у ёғига ўтмади, каравотдан туриб нарироқ боришга эса юраги бетламасди, шунинг учун уҳ тортиб яна жойига ўтириди.

Ташқарига маҳлиё бўлиб қолган кампир Варваранинг кирганини пайқамай ҳолди ва унинг:

— Туриб ўтирибсанми? — деган овозидан сесканиб кетди. Варвара буни кутмаганди.

Кампир ўзига келиб мақтаниб қўйди:

— Кўряпсан-ку, ўтирибман.

— Туриб ўтирисанг бўлармикин ахир?

— Бўладими-йўқми деб кимдан сўрайин энди? Утирибманми, ўтирибман.— Кампир шу ўтириши қанчалик катта гаплигини Варвара тушунмаётганидан хафа бўлди.

— Кўзингга қара, тағин йиқилиб тушмагин.

— Кўп камситаверма. Нега йиқиларканман? Йиқилсан, сени йўғингда ҳам аллақачон йиқилиб тушардим. Мана, ўтирибман-ку.

— Сени каравотдан Нинка суриб чиқаргандир-да?

— Мени ҳеч ким суриб чиқаргани йўқ, бекорчи гапларни қўй. Мен у келмасдан олдин туриб ўтиргандим.

Уйқусираб турган Варваранинг кўзлари ёмон боқарди, соchlари ҳам бир-бирига ёпишиб кетганди. У ҳомузда тортиб деди:

— Тушимда нима балоларни кўрибман, ухлаб қолиб, нима кўрганим эсимда йўқ. Қандайдир ёмон туш эди.

— Эсингда бўлмаса ёмонлигини қаёқдан биласан?

— Уйғонганимдан кейин таъбим хира бўлди. Сенга бир гап бўлдими, деб наридан-бери кийиниб, бу ёққа келдим.

— Ҳозирча ҳеч нима бўлгани йўқ,— кампир безов-таланиб қолди.— У ёқ-бу ёғингни тузатиб, Мирониханикига бориб кел. Унга бирон гап бўлмаган бўлсин тағин? Ахир бир ўзи. Ўлсаям кўзлари чақчайиб ётаверади-да,

— Нега ўларкан энди у?

— Гапини совуқлигини-я! Нега дейди-я... Одамлар нега ўлади? Нима, курсандлигиданми? У жуда чаққон, куйди-пишди эди, аммо киши юзгачаям чопқиллаб юрмайди-ку. Бугун сигири ҳам маърамади. Мен жуда кўп қулоқ солдим. Йўқ. Бошқа кунлари то уйига етиб келгунча бўкиравериб бутун қишлоғни бузиб юборарди, бугун худди ер ютгандай жим. Ўзим яхши бўлсам-ку ҳолидан хабар олиб турадим-а...

— У ёқ-бу ёғимни тузатай, бориб келаман.

— Ҳа, бир бориб кел. У менга бегона эмас, бир умр бир-бири миздан жудо бўлганимиз йўқ. Гоҳ мен борардим, гоҳ у келарди. Ўшани ўйласам юрагим туздай ачишади.

Люся, эҳтимол, олдин, Варвара ҳали шу ердалигига уйғонган бўлса керак, аммо Варвара кетганидан кейин-гина қимириллаб, кўзини очди.

— Шангиллаб сениям уйғотиб юбордик,— деди кампир гуноҳкордек.— Бемалол ухлайвер, мен энди гапир-майман. Уларгаям секин юринглар деб айтиб қўяман.

— Уйқуга тўйдим.— Люсянинг юзи уйқудан кейин ҳам силлиқ, беажин, таранг эди.— Бугун жуда яхши ухладим.

— Туш-пуш кўрмадингми?

— Йўқ.

— Варвара ёмон туш кўрибди, аммо нималиги эсида йўқмиш. Мен унга Мирониханикига бориб келгин, дедим— тупи ўшанга тўғри келмасин тағин, а? Устига Танъчорадан ҳалиям дарак йўқ.

— Ҳовлиқма, келади. Бугун албатта келиши кера,

— Кечаям менга шунаقا девдинглар, қани келгани? Кечаси билан мижжа қоқмай чиқдим. Ҳаммамиз тош қотиб ухлаб қолсак, Танъчора келиб эшикни тақиллатиб қолса-я, деб ўладим. Ётибману қулоқ соламан, ётибману қулоқ соламан. Кечқурун одамлар юришувди-да, ўшаларга қулоқ солдим. Кейин Михаилимиз келиб қолди. Вой-бўй, то ётгунича шунаقا иҳраб-сихради, шунаقا оҳ-воҳ қилдики, худди бирор бўғаётгандай. У ўзи эмас,

уни ғўнгшитган анави вино, чамаси кечқурун анчамунча ичишганга ўхшайди. Худога шукур, кейин тинчиб қолишиди. Тағин бир ўзим қолдим. Ҳеч ким кирмайди-чиқмайди, гапирмайди, ётибман, ўзимга-ўзим қулоқ соламан. Назаримда, кечача жуда узун, худди бир йилдай бўлди-да. Э, нималарни ўйламадим дейсан? Онам билан ҳам гаплашдим, ҳадемай ёнингга бораман дедим. Худодан Танъорани илтижо қилдим, қаердан бўлсаям ўзинг етказ, кўрмаганимга кўп бўлди, дедим. Ишқилиб, бугун келсин-да, бўлмаса кўролмай қоламанми. Ҳа ўзимга маълум, пишиб қолганман, худойи таоло сизларни деб умримни чўзиб турибди, ахир ҳадеб чўзавермайди-ку, охири бор-да. Нега бўлмаскан — бор, ҳа.

Шунгача Люся ўринда ётиб эшилди, кампир чўзилган умр ҳақида гап бошлиши билан ўрнидан тура бошлади. Кампир гаплашадиган одам топилғанидан суюнди, кечаси билан дардини бировга ёролмади.

— Мен тонг отишидан ҳам умидимни узиб қўювдим — тун ўтиши қийин бўлди. Нима бало, энди тунлар ҳам тонг отмай, бир-бирига уланиб кетаверадиган бўлгану мен бундан бехабар қолганман шекилли, деб ўйладим. Э йўқ, қарасам, одамлар ухлаб ётишибди, уйғонишишмайди. Мен эса бўларимча бўлдим. У ёғини сўрасанг, уйқу қаёқда, жуда тўйганман, аммо кўз, барибир юмилаверади. Кечалари юмилашга ўрганиб қолган шекилли — бир нима деб бўладими? Мен бўлсам юмилгани қўймайман, ухлаб қолсаму қайтиб уйғонмасам-а, деб қўрқаман. Уйқу нима-ю, ўлим нима. Кейин хўрзларнинг қичқирганини эшилдим, гира-шира бўляпти. Ҳа, етдим, дедим. Кейин ёриша бошлади, қани бир туриб ўтирай-чи, дедим. Сира чидаёлмай кетдим, ахир қуруқ сякман-да, ётавериб, ҳаммаёғим тепшилиб кетди.

— Бугун туриб ўтирдинг, әртага юрасан,— деди босиқлик билан Люся ўрнини йиғиштираётуб.— Туриб юриб кетасан. Кейин қайтиб бировнинг умри билан яшайпман демайсан.

— Бировники бировники-да,— деб кампир гапини такрорлади.

Люся баҳслашиб ўтирмади, буклама каравотни йиғиштириди-да, ўзини силаб-сийпаб дераза олдида тўхтади. Кун жуда яхши бошланди, ҳаво мусаффо бўлиб, чарақлаб турган қуёш қишлоқ устига заррин нурини саҳийлик билан таратиб, уни бошдан-оёқ кўз-кўз қилиб туарди. Дарё живирлаб товланарди, дарёнинг нариги

Етидаги, тоғ ён бағридан юқорига қараб күтарилиб кетген ўрмон аслидагидан кўра яқинроқ кўринарди, аммо унинг бемаврид кўм-кўк ранги офтобда хирароқ товланаарди. Ҳаммаёқ тинч бўлиб, бир меъёрдаги нурда чўмиларди, фақат қишлоқда соялар бир жилда қорайиб туради, аммо уларни ҳатто итлар ҳам қоқилиб кетишдан қўрқандек айланиб ўтишарди.

Кечаки нега туман тушганини тушуниб ҳам, фахмлаб ҳам бўлмасди, бугун эса шунчалик сокинки, тиқ этган товуш эшигилмайди. Люся рижик тўғрисидаги кечаги гапни эслади-ю, бугун айни ўрмонга борадиган вақт деб ўйлади. Фақат ойиси яхши бўлса бас.

Люся Варваранинг осто наданоқ қичқиришини эшигиб, дераза олдидан қўзгалди, Варвара худо билсин, қандайдир бир хушхабар олиб келгандек:

— Эсладим, ойижон, эсладим,— деди.

— Нимани эсладинг?

— Тушимни! Тушим ростдан ҳам яхши эмаскан. Мен сенга шу заҳоти яхши эмас девдим-ку — ҳақиқатан ҳам шунаقا экан, эслаб олдим.

— Хўш-хўш?— деб кампир уни шоширди.

— Биз, хотинлар, давра олиб ўтиришган эканмиз, хотинлар қандайдир нотаниш эмиш, биронтасини ҳам билмасмишман, ўтирибмиз экану чучвара тугарканмиз. Биласанми, хамирга нима ўрайпмиз экан?

— Мен қаёқдан билай? Нега мендан сўраяпсан?

— Лой.

— Нима дейсан?

— Лой, сёғимиз ости лой экан, биз ўша лойдан олиб, гўшт ўрнига солармишмиз. Яна чучвара лойдан ҳам бўлар экан, деб шундай хурсанд эканмизки, асти қўяверасан. Хурсандлигимиздан нуқул куларканмиз, мен яна: «Хой хотинлар, нега ёмон лойдан оляпсизлар, қанақасига бу чучвара бўлсин? Мазаси чиқмайди. Манави мени лойим серёғроқ, шундан олинглар», дермишман. Улар мени лойимдан ола бошлишибди. Эслашим билан аъзойи баданим титраб кетяпти.

— Кейин бирон нима бўлдими-йўқми, ахир?

— Йўқ, бошқаси эсимда йўқ. Чучваралар ҳозир ҳам кўз олдимда турибди: бирам чиройли, оппоқ, яхшилаб терилган, яхши туш эмас, дарров айтдим-ку, ёмон туш деб.— Варвара қўрқиб бошини чайқади-да, сўради.— Буни таъбири нимайикин-а? Тавба! Агар билганимда, бунаقا туш кўрмаслик учун ухламай қўя қолардим. Энди нима қилсан экан-а?

— Тушингни айтмай қўя қолсанг ҳам бўларди,— деб унга насиҳат қилди Люся.

— Нима, шунаقا туш кўрсам кўрмадим деб айтишм керакмиди?

— Чучваралингни ўзинг еяверсанг бўларди. Оймининг кўзи ўша чучваралингга жуда учиб турибдияканми, наҳотки шуни тушунмасанг? У шундоқ ҳам бироннинг умри білан яшаяпман, деб ўйлаб ўтириби, буни устига сен чучварангни гапирасан. Шундай сезгирсанки, одам нақ ақлдан озай дейди.

Люся жаҳл билан чиқиб кетди, унинг кетидан эшик охиригача ёпилмади ва ёқимсиз гижирлаб, яна орқасига қайтди.

— Эшикни ёпиб қўй,— деб кампир илтимос қилди, аммо Варвара тушунмасдан нолиб, тўнгиллай бошлади:

— Тавба, биронга бир нарса деёлмайсан-а. Э худоийим-эй, нима бўлса Варвара айбдор, фақат Варвара, бошқа ҳеч ким эмас. Энди уни туш кўришгаям ҳақи йўқ. Ўзим ухлаб ётган бўлсан қанақа қилиб кирмагин тушимга дейман. Ахир мен атайлаб шундай туш кўрмайман-ку. Нима, энди бутунлай ухламайнми?

— Сен ким нима деса, қулоқ солавермагин-да.

— Олдимда гапириб тургандан кейин қанақасига қулоқ солмайман? Кар эмасман-ку, ахир. Улар гапирандан кейин қулоқ соламан-да.

— Эҳ, Варвара, Варвара! Кимга ўхшадинг-а, намунча содда бўлмасанг,— деб кампир унга ачинди ва эслаб ўз гапини ўзи бўлди:— Мен сенга Мирониханикига бориб келгин девдим, бориб келдингми-йўқми?

— Ҳали борганим йўқ.

— Нега бормадинг?

— Ҳозир бораман.

— Бориб кел, Варвара, бориб кел. У эрталабдан бери сира хаёлимдан кетмаяпти. Унга бирон гап бўлмадимикин? Шундоққина йўлни кесиб ўтсанг бўлди. Агар омон бўлса, айт, кампир йўқлади дегин. Ахир уни кўпдан бери кўрганим йўқ.— Варвара шап-шуп қилиб эшик томонга юрди, кампир кетидан қичқирди:— Эшикни ёпиб кет, ташқаридан ғуриллаб совуқ киряпти. Тағин оёғим шамоллаб қолмасин.

Кампир одатланмаганидан чарчаб қолди, аммо швақт Нинка каравот ўртасида талтайиб ётганидан, у сабр қилишга мажбур бўлди. Нинкани қимирлатишга кўзи қиймади. Кампир бели қақшаётганига қарамай энгашди ва қўллари билан қорнини ушлаб, икки букил-

ди, оғриқ сал босилгандай бўлди. Кампир сал нафасини ростлади, аммо узоқ вақт шу алпозда икки буқчайиб ўтиришни ҳам жавфли деб ўйлади, мункиб кетиши ҳам ҳеч гап эмасди, шунинг учун у яна қоматини кўтариб, қаддини ростлади. Ўрнидан бир чайқалиб хўрсинди.

Варвара ташқаридан деразани тиқиллатиб қичқирди:

— Ойижон, эшитясанми, ойижон, Мирониханг уйда йўқ. Надя уни эрталаб паст маҳаллага югуриб кетувди, деяпти.

— Ҳа-ҳа,— тушунди кампир ва бирпас жим тургач, ўзига-ўзи деди:— Яна бирон ёқса жўнаб қопти-да. Войвой-ей, бу юримсак кимга ўхшади-я?

— Ҳалиям ўтирибсанми?— сўради Варвара.

— Ҳа, ўтирибман.

Нариги хонада Михаил тимирскилана бошлади, инқиллаб-синқиллаб, қоқиниб-суқиниб даҳлизга судралиб чиқди, чўмични жаранглатди. Гёё у уйда бир ўзи яшайди-ю, бошқа ҳеч ким турмайдигандай эшикни ёпмади, албатта, кампир оҳ-воҳ қилди, аммо Михаилни чақиришга бўйни ёр бермади-да, оҳиста энгашиб, оёқларини адёлга ўрай бошлади. Лекин совуқ бари бир адёлдан ўтиб оёқларини музлатаверди. Эҳтимол, бу бошқаларга совуқ бўлмаса ҳам кампирга совуқ эди.

Кампир қунушиб, жим бўлиб қолди.

— Ерни туш кўрсанг, бу ёмон эмас, албатта,— деди у кейин ишонқирамай ва атрофига аланглади.

Кун одамларнинг айни муддаоси бўлиб, вақт билинмасдан тез ўтарди.

## 5

Михаил бир чўмич сувни ичиб бўлиб нафасини ростлади. Сув томогидан қуийлаётганида у сувнинг муздаклигини, жони кираётганини сезиб турди, энди яна кўнгли айний бошлади. Михаил бир ўқиб қўйди, сув қорнида беҳуда қулқуллади, у энди сув эмас, ювинди әди. У яна ичсаммикин деб ўйлади-ю, аммо ичмади — барибир фойдаси йўқ, фақат қорнинг шишиб кетадио ортиқча даҳмаза бўлади, кейин у икки қўли билан қорнини ушлаб, пиллапояга чиқди. Ҳозир унга офтоб ҳам, исий бошлаган ҳаво ҳам ёқмасди — ёмғир ёки шамол бўлса ҳарқалай яхши бўларди, нимадир хаёлинин олиб, чалғитарди, бунаقا қуруқчиликда ўзингга дарров келмайсан албатта. Михаилнинг устида майка бўлиб, оёқяланг эди, у ҳатто ичкари билан ташқарини ажратол-

масди, кўзига ҳамма нарса бир хилда чучмал, гирапшира кўринарди.

Михайл қаққайиб турмаслик учун бир пофона тушди-да, ўтириди, аммо шу ондаёқ дик этиб ўрнидан турди: заиф, элитувчи фикр ҳарқалай унинг эсига кечаги ароқни туширди, ароқлар қазноқда интизор бўлиб турарди. Қизиқ, уни шу чоққача бир мартаям ўйламабди-я, бу энди одати бўйича бўлса керак, ахир унда ҳеч қачон бирданнига шунча ичкилик бўлмаганди-да, иннайкейин, умуман кўпдан бери әрталабга қитдай ҳам қолмасди-да. Михайл бирпас имиллаб турди: у кеча Илья билан иккени билади-я, юз қилишса ҳам бир ўтиришда ҳаммасини ичib тугата олишмайди, аммо шундай бўлса ҳам ҳарқалай у ўзига ишонмасди; э, тушингни сувга айт... У эшиги даҳлизга қараган қазноққа кирди-да, бурчакдаги эски-тускиларни оҳиста кўтарди, хурсандликдан афти буришиб кетди — нимқоронғи қазноқда оғзи берк шишалар қандайдир бошқача, ҳавасни келтириб ялтираб турарди. Яшикдаги катаклардан фақат учтаси бўшабди, қолганлари эса магазиндагидан ҳам яхшироқ турганди, қараанг-а, кечаси билан турибди-я, жин ҳам урмабди-я. Михайл яна бир шиша олиб, наридан-бери шимицинг чўнтағига тиқди.

У яна туриб келган жойига бориб дам олгани ўтириди. Кўнгли беҳузур бўлиши ҳали босилмаган эди — йўқ, ҳали-вери босилмайди ҳам, аммо таниш ва кўнгилга ёқадиган хумордан аъзойи баданига жон киргандай бўлди. Сезади-да ахир, сезганда қандоқ! Энди бемалол ўтириб кўнглингдаги хумор дардию фикрини бирпасгина ҳайдасанг ҳам бўлади. Шунда дунёни кўзингга шунчалар қоронғи қилиб юборган лаънати хуморнинг жазоси бир қултумгина ютум эканини яққол сезасан-да, ана шу номсиз азобдан қутулиш нашъасини суриб, ҳузур қиласан. Инсон табиатан шунаقا ўзи. Ўзингни ўлгудай чарчаганингни сезиши жуда яхши, нақ ухлаш олдидан, ҳеч нимани эслаш лозим бўлмаган пайтда яхши-да. Бу ҳам қувликка киради. Нима бўлгандаям қувлик-да.

У яна бирпас ўтириши мумкин эди-ю, аммо полиздан Надянинг овозини эшитиб қолди ва кўзига кўринмай қўя қолай деб жазам этди. Кўришар ҳам. Ҳозир хотини унга нима дейишини шундоқ ҳам билади. У уйга кириб пойафзалини киймоқчи бўлди-ю, аммо чўнтағига шиша билан кийинишнинг ноқулайлигини кўз олдига келтирди, бунинг устига, кейин Надягами ёки опаларидан биронтаси билан тўқнаш келиб қолиши ҳам мум-

кин, шу боисдан уйга кирмасдан шу туришича, оёқяланғ аввал бошда қаёқни мўлжаллаган бўлса, ўша ёққа — мўрчага, Ильянинг олдига жўнади.

Илья ҳеч нима кўрмагандек ухлаб ётарди. У на ташвиш, на ғам-ғурбатни биларди, худди кечаси алла маҳалгача буғдой янчган одамдай ётарди. Михаил унинг олдига, кеча ҳовлидан олиб кирған пастгина фўлага ўтири ва шишани товуқ катаги орқасига тиқиб қўйди. Қишида товуқ сақлайдиган катак ҳам шу ерда, мўрчада турарди, ўрни келганда ундан стол сифатида фойдаланишарди. Мана, кеча ҳам шунда ичишди, бинойидай, шикоят ҳам қилишмади. Икки шиша шундоққина кўриниб турарди, учинчи шиша эса қандайдир бир мўъжиза билан катакка тушиб қолибди, бўлмаса-ку зшиги берк, ёнбошига ағанаб ётибди. Бу шишани тезроқ йўқотиш керак — агар битта-яримта кириб қолгудай бўлса, кўнглига ҳар хил гап келади. Ахир бу шишани товуқлар ичиб бўшатмаган-ку. Михаил шишани олмоқчи бўлди, аммо бунинг учун ўрнидан туриши, Ильянинг устидан ҳатлаб ўтиши керак эди, шунинг учун у тупирди: бўшми, бўш, майли ётаверсин, кейин бир гап бўлар.

— Илья! — деб чақирди у. Бу унинг бугун айтган биринчи сўзи эди, аввал синаб кўрмагани учун овози ғализ хириллаб чиқди. Вой-бўй, ичи ўзиям роса жизганак бўлиб кетибди-да, ҳатто сўзни ҳам тўғри айттолмайди-я. Михаил йўталиб овозини тўғрилади: — Менга қара, Илья!

Илья бу овозни уйқусида әшитди, нафас олиши ўзгарди.

— Тур, шунча ётганинг ҳам етар.

— Ҳали эрта-ку, — деб тўнғиллади Илья кўзини очмай, жойидан қимирламай. Агар Михаил индамай ўтириса ёки имиллаб гапирса, Илья яна ухлаб қолиши мумкин эди, чунки у бутунлай уйғонмаганди ва уйғонишини ҳам истамасди, у худди кечқурун ётқизиб, эрталаб турғизиб бўлмайдиган бола сингари бошини уйқудан кўтаратмасди.

— Э, эртангга бало борми! Кун ёйилиб кетди-ку.

— Нега ухламайсизлар-а? Кеча Варвара уйғотувди, бугун сен. Алламаҳалда ётдик-ку, ахир.

— Ҳўш, қалайсан? — деб сўради Михаил унинг гапига қулоқ солмай.

— Ҳозирча билмайман. Тирикка ўхшайман, — ҳар қалай Илья кўзини очди.

— Мен эса аъзойи баданимни майдалаб ташлашган-дайман. Қўлим қаёқдаю оёғим қаёқдалигини ҳам би-

лолмаяпман. Бир бало қилиб әмаклаб келдим бу ерга.  
Ушандаям дам олиб-дам олиб келдим.

— Ҳа, кечак кўп отворибмиз.

— Эрталаб ҳали қўзимни очмасимдан абжағим чи-  
қиб кетганини билдим. Ётишга ётолмайман, турсам ёт-  
гим келади. Мана сен ухлаб ётибсан, сенга ҳеч гап эмас.  
Мен әса, йў-ўқ!

— Мен эрталаб уйқуга тўйишим керак. Ҳа. Мен худ-  
ди ҳеч нима бўлмагандай маза қилиб ухлайвериш  
мумкин. Ана шунаقا! Ишқилиб безовта қилмасанг  
бўлди.

— Шунаقا де! — Михайлнинг ҳаваси келди. — Одам-  
мисан ўзи ё бошқа нарса? Ахир, туғишиган ака-укамиз-  
ку — фарқимиз бўлмаслиги керак чамамда.

— Ака-уками, йўқми, ичкиликка барибир.

— Йўғ-е! Аммо омадимиз бор экан ўзи, нуқул оқидан  
уримиз-да. Агар анависидан бўлса, роса расво бў-  
лардик-да, бугун мен ўрнимдан ҳам туролмасдим. Ту-  
ролмасдим, турган гап, туролмасдим. Ўзимни биламан-  
ку, ахир.

— Қизили менга ҳам ёқмайди.

— Жин урсин, касални ўзингга сотиб оласан.

— Нима?

— Касални сотиб оласан, — Михайл бошини кўрсат-  
ди. — Нақ пулга-я.

— Ҳа, бу аниқ.

— Беш йилча олдин жин ҳам урмасди менга. Ич-  
дим нима-ю, ичмадим нима, эрталаб туриб кетаверар-  
дим. Энди эс-ҳушинг жойидалигига ётсанг ҳам олдин-  
даноқ эрталаб қанақа қилиб турарканман деб юрагинг  
така-пука бўлиб туради. Бу ярамасни стаканлаб ичаса-  
ну аммо бир томчидан бўлиб чиқиб кетади-да. То пок-  
покиза бўлмагунча одам бўлмайсан. Тупурасану камроқ  
қолгандир деб ўйлайсан, қаёқда, минг тупурсанг ҳам  
фойдаси йўқ. Умр бўйи мана шунаقا қийналиб юраве-  
расан.

— Шунаقا бир латифа бор, — деб эслади Илья. —  
Она қизини отасини қидиргани юборади. Ҳа. «Бор, —  
дейди онаси, — газакхонага, отанг унақа, отанг бунақа,  
ўша ерда бўлса керак». Турган гапки, отаси ўша ерда,  
бошқа қаергаям бораради? Қизи бориб: «Дадажон, юр  
уйга, онам айтди», — дейди. Отаси эшитиб турибди,  
роқли стаканни қизига тутқазибди-да: «Ич!» — дебди.  
Інзи йўқ дебди, мен ичмайман, истамайман дебди.  
«Ич, — дебди отаси. — Мен сенга айтяпман!» Қизи ста-

кандан бир ҳўплабдию йўталибди, қўлларини силкитибди, кўкариб кетибди-да: «Вой-бўй, жуда заҳар экан-ку!» дебди. Шунда отаси қизига: «Хўш, каллаварамлар, нима, онанг билан икковинг мени бу ерда асал ичади деб ўйловдингларми?» деган экан.

— Ана,— деб кулди Михаил.— Улар бизни асал ичади деб ўйлашади шекилли. Жон-дилимиз шу ичкилик деб ўйлашади-да.

— Бу латифани эшитмовдингми?

— Йўқ, эшитмовдим. Жуда тўғри латифа экан. Ҳаётай.— Михайл индамай қолди, айтилган гапларга бошини сарак-сарак қилди, кейин чўзиб ўтиришнинг ҳожати йўқ деб ўйлади.— Шунинг учун, Илья,— деди у ва тоvuқ катаги орқасидан шишани олди.— Ўзимизга келиб олмасак бўлмайди.

— Олиб келибсан-да,— Ильянинг овози шундай титраб кетдики, унинг қўрққанини ҳам, суюнганини ҳам тушуниб бўлмасди.

— Утиб келаётиб, ола келдим. Кейин бориб юрмай дедим.

— Балки ҳозирча ичмаганимиз маъқулдир? Сабр қилиб турамизми?

— Сен ўзинг биласан, мен эса ичаман. Бўлмаса кечгача ҳам етиб боролмайман. Бош оғриқ қилсак, ёзib юбориши мумкин. Шундоқ ҳам аранг нафас оляпман. Шундоқ қилмасам онамнинг ўрнига мени кўмишларингга тўғри келади.

— Хўш, ойим қалай?

— Билмайман, Илья. Ҳеч нима дея олмайман. Олдига кирганим йўқ. Тузук шекилли, бўлмаса аёллар физиллаб келиб айтишарди.

— Ҳа, тўғри, айтишарди.

— Хўш, қалай, қуяими-қуймайми?— деди Михайл шишани очиб.

— Хайр, майли, қуя қол. Шерик бўлиб турай.

— Бу гапинг тўғри.

— Ие, газагинг йўқми ҳали?

— Йўқ. Агар истасанг, ўзинг бор, мен эса ҳозир бормайман. Қўй ўшаларни! Улар бизни бу ерда асал ичяпти деб ўйлашади.

— Бориб газак қидириб юришим жуда ноқулай-да.

— Нима, сен бегонами? Керакли нарсани олу кела-вер.

— Бўлти, шундай олаверамиз. Бўлади.

— Бўлади, албатта. Ичсанг ҳам ўласан, ичмасанг

ҳам. Үладиган бўлгандан кейин ичиб ўлган яхши,— худди дуо ўқиётгандай гапирди Михаил ва ичиб юборди, то ароқ жойига етиб боргунча диққат билан кутиб турди, шундан кейингина стаканни катак устига оҳиста қўйди,— улар бизни асал ичяпти деб ўйлашади.— У нафасини юта-юта тўхтаб-тўхтаб, қалбини илитаётган ўша сўзларни яна қайтарди.

Илья ўрнида афтини буриштириб ўтиаркан, Михаилни кузатарди.

— Хўш, қалай?— деб сўради у қизиқиб.

— Кетди, жин ургур. Қаёққа борарди? Ич, чўзиб ўтирма, бўлмаса кейин томогингга тиқиладию ўтмайди. Дастрекисини шартта кўтариб юбориш керак.

Ниҳоят Илья ҳам ичди. Ичди-ю, яна худди хайрлаштаётган одамдек кафти билан оғзини елпиди. Унинг одати шунаقا экан ўзи. Кеча, унинг бу қилиғи Михаилни қизиқтириб қолганди, кейин ўзи ҳам акасига тақлид қилиб ароқнинг кетидан хайрлашгандай кафти билан икки-уч марта оғзини елпинди, майли-да, кейин бирорта келишмовчилик бўлмасин девди, лекин сира нафини кўрмади. Бундан ташқари ўз одатидан қолмади — биринчи бўлиб ичаверди, ичгандан кейин эса бунаقا хайр-хўшларни унутиб қўйди, эҳтимол, буни Илья учун бутунлай бошқача аҳамияти бордир. Михаил сўрамади, иннайкейин қанақа қилиб ҳам буни сўрайсан?

Мўрча, у ёқ-бу ёғига қаралса, кўпроқ ошхонага ўхшарди, бу товуқхонаси борлиги учун эмас албатта. Бу мўрча ростакам мўрча эмасди, полиздаги ростаками эса бундан уч йил бурун ёниб кетганди. Шундан кейин Михаил четдаги қазноқни вақтинча мўрча қилиб қўйганди. Буғланадиган супа аввал йўқ эди, гиштин печка ўрнига чўян печка ёқишарди, шунда сув иситишарди, фақат номи мўрча эди. Аммо чакки эмас, амал-тақал қилиб туришарди, буғлангиси келса, Михаил қўшиниси Иваннигига борарди. Унинг янги мўрча қуриш ҳаракати ҳам йўқ эди. Иннайкейин ёлғиз бир одамнинг мўрча қуриши осон эканми? Лекин ёниб кетган мўрча ўрнида, мана уч йилдирки, сурункасига шунақангি йирик-йирик картошка бўляптики, кишининг кўзи ўйнаб кетади. Бутун қишлоқда картошка энди нўхотдай-нўхотдай бўлганда, Надя шу ердан овқатга картошка қазиб оларди. Яхшиликка ёмонлигу, ёмонликка яхшилик деб жуда тўғри айтишаркан.

Михаил дарча олдида ўтиарди, шунинг учун у биринчи бўлиб Варваранинг худди танкка ўхшаб тўғри

мўрчага келаётганини кўриб қолди. У сўкиниб, шиша-  
ни кўздан нарига олиб қўйди. Варвара остона ҳатлаб  
ўтди-ю, кўзини қисди — ташқаридан кирган одамга  
ҳаммом ичи бутунлай қоронги кўринарди.

— Ҳой, сенмисан? — деди у Михайлга тикилиб қа-  
раркан.

— Йўқ, мен эмасман, Исо пайғамбарман.

— Э, қўйсанг-чи ҳазилингни! Сен шу ердами-йўқми  
мен қаёқдан билай. Мен Ильянинг бир ўзи дебман. Мен  
унга онамиз туриб ўтирадиган бўлиб қолганини айтга-  
ни келувдим.

— Туриб ўтирибди?

— Ўтирибди, ўтирибди. Қўрдиму кўзларимга ишон-  
мадим. Туриб қараб ўтирибди. Оёқларини пастга осил-  
тириб олибди...

— Бошини кўтариб ўтирибдими?

— Сен, Илья, мазах қилма, нима кераги бор,— деб  
Ильяни уришиб берди Варвара.— Онамиз тўғрисида-  
ям шунаقا дейдими киши. Ахир у онамиз-ку, бегона  
эмас-ку.

— Мазах қиляпсан деган гапни қаёқдан олдинг?

— Юринглар, ўзларинг кўрасизлар, ўтирибди. Ким  
ўйлабди-я? — Варвара ҳозир инилари оналарини кўриб,  
уларнинг ҳам курсанд бўлишларини, истарди, шунинг  
учун яна деди: — Мана, боринглар, қандай ўтирганини  
бориб кўринглар. Бўлмаса, бу гапни Варвара ўйлаб  
топган дейсизлар.

— Нимасини кўрамиз, майли ўтираҗерсин,— деб  
важ кўрсатди Михайл.— Ҳадеб жонига тегавериш ҳам  
бўлмайди. Ишқилиб, қараб туринглар, тағин йиқилиб  
тушмасин.

— Йўқ, йўқ, жуда яхши ўтирибди.

— Биз кейинроқ, сал туриб борамиз,— деб ваъда  
берди Илья.

Варвара атрофга синчиклаб қаради, гапиришга би-  
рон баҳона тополмай бурилиб кетмоқчи бўлди, аммо  
Михайл уни тўхтатди:

— Надя уйдами-йўқми?

— Уйда. Ҳамма уйда. Люся ҳам, ойимиз ҳам уйда.

— Ойимиз ҳам уйда дейсанми?

— Ҳа, сенларни-ю! — тушунди Варвара.— Сенларга  
гапиргину қочавергин. Хўп, мен кетдим.

— Бора қол, бора қол. Ойимизга қараб тур, тағин  
бирон ёққа қочиб кетмасин, кейин қидириб юрмай-  
лик.

Варвара омбор даҳлизидан юрагини ҳовучлаб чиқди, омбор баланд бўлиб, остонаси олдига биронта гўла қўйиш ҳеч кимнинг эсига келмас эди, кейин у энди қаёқ-қа борсамикин деб, тўхтади-да, ўйланиб қолди. У укалари билан бўлган гап-сўздан кейин улардан анча ҳаф-саласи пир бўлган эди, шунинг учун у безовта бўлиб қолганди. Агар инилари оналари олдига боришига, бу бошқа гап эди: у ҳам бирга кираради, инилари оналари ни кўриб қандай ҳайрон бўлишларини ўз кўзи билан кўрмоқчи эди, ахир оналари куни кечака ўлим тўшагида ётувди-да, бугун бўлса туриб ўтирибди — худди соғ одамдай. Аммо инилари мўрчада қолишиди, гўё бу мўрча уларнинг ҳақи маҳрига тушгану оналаридан азизроқдай эди, шунинг учун Варвара энди нима қилишини билмас эди. У чучварани туш кўрганини эслади-ю, юрагига гулгула тушди. Яхши туш эмас,вой, яхши туш эмас. Энди у кимдан сўрасайикин, таъбирини ким айтиб бераркин? Люся билан гаплашиб бўлмайди — у Варварага шундай тўнғилладики, асти қўяверасиз, Надя бўлса қўли ишдан бўшамайди, вақти йўқ. Варвара турган жойидан қўзғалди-ю, нари бориб тўхтади, гангиг атрофга аланлаганича ивирсиб турди, фақат шундан кейингина дарвозадан ташқарига чиқишга жазм этди — у ёқда одамлар бор.

Варвара остона ҳатлаб ташқари чиқиши билан Михаил шоша-пиша шишани катак орқасидан олиб, яна катак устига қўйди, ҳатто фурсатни сезиш учун дўқ этиб қўйди, у шу ерга келганидан бери сезиларли даражада хушчақчақ бўлиб, юзларига ҳам қон юргурган, кўзлари тийраклашган эди.

— Хўш, Илья,— деди у чаққон,— ишлар юришиб кетганга ўхшайди. Айни қўшимча қиладиган пайт. Кечикиб қолмаслик керак, кейин қувганинг билан етолмайсан.

— Газаги бўлмаса энди ололмайман,— деб рад этди Илья.— Ҳидлаш учун лоақал бир тишлам нонинг ҳам йўқ — ҳа, ўша бўлсаям майлийди. Бунақада расво бўламиз. Бир-иккита оласану таппа тайёрсан-да. Сира қизиги йўқ.

— Бўлмаса полиздан пиёз олиб келайми?

— Пиёз билан иш битмайди. Бу турган гап. Бу ерда ҳатто тўз ҳам йўқ.

— Газак бўлса-ку зўр бўларди-я, албатта,— деб унинг фикрига қўшилди Михаил ва маъюслашиб жим бўлиб қолди.— Начора, кутамиз! У ёққа боришига ҳозир сира

оёғим тортмаялти. Яна ғалва бошланади. Агар Надя бирон ёқса чиқса, физиллаб бориб келаман.

— Кўнглинг тортса, сен ичавер.

— Шошиб нима қиласман, бирон ишим қоляптими. Бир ўзим сира ичгим келмайди. Унда, жин ургур, жуда ошириб юборади. Яхшиси, киши ёлғиз ичмагани дуруст, мен кўп синаб кўрдим.

— Умуман, киши ичмаса яна ҳам яхши дейишади.

— Дейишади, Илья, дейишади, мен ҳам эшитганман. Одамлар оғизларига келганини гапиришялти, қайси бирiga қулоқ соласан, кимки ичмаса ичмагани маъқул, шундай ўтиб кетаверади, кимки бунга айланишган бўлса, демак ҳаваси бор-да, тагин билмадим... Михаил анчагача бошини чайқади.— Билмайма, Илья, билмайман. Бари бир тортиб туради — мен шундай деб ўйлайман. Зўр нарса-да, жин ургур, қани энди қўлингдан келса удалаб кўр. Дабдала бўлиши мумкин. Мен энди умидимни узиб қўйганман. Ёшлигимда бир неча бор тавба қилдим, кейин йифишириб қўйдим, ўзимни ҳам, одамларни ҳам алдаб нима қиласман, дедим. Фойдаси йўқ. Энди бўлса, шу ишим яхшими-ёмонми, бари бир уни ташлолмайман деб ўйлайман. Одамларга қулги бўлмаслик керак. Ҳар қандай бошқа иш сингари ичишни ҳам билиш керак, албатта. Биз бўлсак худди сув ичгандек то бурнимиздан чиқмагунча ичаверамиш.

— Ичишни билиш керак — бу аниқ.

— Узинг ҳам тез-тез ичиб турасаними?

— Мен машинадаман, тез-тез ичиш тўғри келмайди менга. Шаҳарда бу масалада қаттиқ туришади — ҳа, иннайкейин хотиним ҳам сира ёқтирумайди. Аммо агар хотин, машина бўлмаса албатта отаман. То кекирдакка етгунча.

Михаил, шу ердамикин дегандай шишага кўз қирини ташлади, кейин сўради:

— Эҳтимол, ичарсан? Кейин устидан бостириб бирон нима ерсан.

— Йўқ, ичолмайман. Сен ичавер, менга қарама.

— Лекин мен озгина ичаман, яна тортиб қолди.— Учиндан ҳам стаканга озгина қўйди-да, тўхтамасдан, худди заҳар ютгандай шартта кўтариб юборди.— Мана бўлди,— деди у пишиллаб.— Ўлдирса ҳам арэқ ўлдирсин. Ичганинг қолади.

— Қани энди устига қулинг ўргилсин бир овқат бўлса. Ҳа.

— Хўш, аслида, нима учун ичамиз? — деди Михаил алаҳсимасдан ва ўзича бошини қимирлатиб, Илья бирон нима дермикан дегандай кутиб турди. Илья индамади.— Одамлар аламдан ичади, ундан-бундан дейишади. Йи ўқ. Бу бўлмаган гап. Одамлар бу одат дейишади, одатни эса тарк этиш қийин, тўғри, худди нонга одатлангандек одатланиб қолганмиз, ахир нон бўлмаса столга ўтириш майди-ку: аммо бу ҳам эмас, чунки одатланишнинг ҳам бирон-бир сабаби бўлиши керак-ку. Эндиликда ичиш зарурати туғилди, шунинг учун ичяпмиз, мен шундай деб ўйлайман. Илгари биринчи навбатда нима керак эди? Нон, сув, туз. Энди шуларнинг ёнига бу жин ургур ҳам қўшилди.— Михаил шишаға қараб бош иргади.— Турмуш ҳозир бутунлай бошқача, ҳаммаси ўзгариб кетди деявер, ана шу ўзгаришлар инсон насибасига қўшимча қилишни талаб қилиб қолди. Биз қаттиқ чарчаймиз, мен сенга айтсам, аммо ишдан эмас, албатта, нимаданлигини ким билади дейсан. Мана мен бир ҳафта ичмадим, аранг оёғимни судраб юрдим, қийналиб кетдим. Ичдиму худди ҳаммомда ювениб чиққандай бўлдим, елкамдаги юз пуд юкни ташлагандай бўлдим. Эл-юрт олдида гуноҳкорлигимни биламан: уйда хотин билан жанжаллашдим, охирги пулни совурдим, ишгаям чиқмай қолдим, қишлоқда эшикма-эшик тиланчилик қилдим, уят албатта, бош кўтариб юролмайсан. Аммо бошқа жиҳатдан эса яхши бўлди. Бир томондан яхши, иккинчи томондан ёмон, Гуноҳингни ювиш учун яна ишга борасан, бир кун, икки кун, беш кун ишлайсан, уч кишининг ишини қиласан, қаёқдантир куч ҳам пайдо бўлади. Хўш, кейин тинчигандай бўласан, юзинг сал ёруғ бўлади, яшаш мумкин. Фақат ичмасанг бас. Йўқ. Энди бир ёқдан осону бошқа ёқдан қийин, қийналаверасан, хумор қиласди.— Михаил қўлинни силтади.— Яна қўзиб қолади. Чидолмайсан. Бошқатдан бошланади. Демак, чарчабман. Вужудим дам олишни талаб қилиб қолади. Буни мен эмас, вужудим ичяпти. Вужудимга нон билан бирга бу ҳам керак экан, чунки вужудимда шунақа эҳтиёж пайдо бўлган. Хўш, сен нима дейсан?

— Эҳтиёж — бу аниқ,— деб унинг фикрига қўшилди Илья.— Ичгандаям кўтаришимизга эҳтиёжимизга қараб ичамиз, сиққанича-да.

— Қанақасига ичмайди киши? — деб давом этди Михаил.— Бир кун, икки кун, боргингикъ бир ҳафтаем бўлсин — чидаш мумкин. Бордию бутунлай, то ўлгунича ичмаса-чи? Ўзинг ўйлаб кўр, ахир. Келажакда пешонанг

мундоқ йилт этмаса, кунларинг бир хилда ўтаверса. Ишу ўйга боғлаб қўйилганимиздан кейин дод демайсанми, ахир, фалон ишларни қилиш керак эди, қилмадинг де-йишади, ҳаммасини қилишинг керак, керак, керак, боргани сари кўпроқ қилишинг керак — ер ютсин, шу ишларниям. Ичдингми — озодликка чиққандай бўласан, эркин бўласан, ҳеч нима қилмайсан ҳам, нимаики лозим бўлса, ҳаммасини қилгансан. Нимани қилмаган бўлсанг, демак қилмаслигинг керак, ўша ишни қилмай тўғри қиласан. Жуда яйрайсан, ўзига яхши бўлишига юрмаган одам ахмоқ эмасми ахир? Агар меъёрини билсанг, ичкилик аввалига жуда жонингни киритади.

— Агар меъёрини билсак, мана шунаقا расвойи жаҳон бўлиб юрмасдик.

— Да, бўлмасдик, албатта. Бошқа томондан эса, агар сен ҳозир менга: бас, бўлди қил, десанг, мен бас қиларканманми? Аслини олганда балки шу ҳам етар, мана, анча енгил тортдим, энди турган гап, бошқа биқинимга тушади. Бари бир менга керак, табиатим ўзи шунаقا. То қусурим қонмагунчә, бирор мени шаштимни қайтармаслиги керак. Томоғимни қисиб, ортириб қолиш мижозимга тўғри келмайди, то йиқилиб қолгунча мириқум келади. Ишда ҳам, ичишда ҳам. Ўзинг биласан.

— Ойига қанча оласан?

— Нима ойига? Виноми?

Илья кулиб юборди:

— Винони-ку сен бухгалтериясиз ичасан, буни биламан. Мен сендан ойлигинг қанча, ҳа, ойига қанча пул оласан деб сўраяпман?

— Ойлик... гоҳ ундоқ, гоҳ бундоқ, Илья. Агар билишини истасанг, ойлик энди илгаригидай эмас, ҳозирча бизда механизаторлар шипиришяпти, бизни, ўз оёғида юрганларни эса қисиб қўйишиди. Менга олдингига қараганда, дастлабки йилларда тўлашганини деярли ярмини беришади. Илгари икки-уч баржага юк ортсанг, тинчгина қорнингга чёртиб ётаверардинг. Тўғри, ишни ҳам қотирадик-да. Эҳ-ҳе, ана ишу мана иш, ҳозирги иш иш эканми. Ёғочларни қўлда думалатардик-да. Энди нима, энди кран. Боглайсан — ечасан, босиб қолмаслиги учун кўзингга қарасанг бўлди. Ҳамма ердаям шу, қаёққа қарасанг одам ўрнида машина, техника.

— Ўша билан, техника билан осон-да, ахир.

— Осон албатта, ким йўқ деяпти. Анча осон. Жон узуб ётмаймиз.— Михаил бир зум хаёлга чўмди-да, ногаҳон сал ийиб деди:— Ўшанда ҳарқалай қизиқарли эди,

Масалан, ўша баржаларни олайлик. Мен юк ортишни яхши кўрардим, ҳатто пули учун ҳам эмас, ўша пули ҳам чакана эмасди, ишига қизиқардим. Икки кунлаб, қирғоқдан кетмасдик. То ортиб бўлмагунча ҳаммамиз ўша ерда бўлардик. Овқатни болалар котелокда олиб боришарди, ердигу яна ишга тушардик. Гайрат ҳам бор эди-да, олол, бўл-бўл. Куч қаёқдан келарди-я! Йиши севиб, уни жонли нарсадай деб билардик, кун ўтказиш учун қўл учida ишламасдик.

— Унда ёш, бақувват эдинг.

— Ҳа, ёш, ёш эдим... Гап бунда эмас. Ҳў, колхозда яшаганларимизни бир эсла. Мен қанча пул олишимизни айтиётганим йўқ. Баъзан, жин урсин, сувдан салом бўлиб қолаверардик. Ўшанда аҳил яшардик демоқчиман, азобдаям, роҳатдаям ҳаммамиз бир жону бир тан эдик, ўшанда колхоз колхоз эди. Энди ҳар ким ўзича. Нимаям қиласдинг: ўз одамларинг кетди, ўрнига бошқалар келишди. Энди туғилган қишлоғимдаги одамларнинг кўпини билмайман, назаримда ўзим ҳам бегона бўлиб қолганга, нотаниш ерга кўчиб борганга ўхшайман.

Уй эшиги ғижирлаб очилди, Михайл бошини кўтариб қаради. Надя эмас, Нинка чиқди. У атрофга аланглади— ҳеч ким йўқ, саржин ёнида ғимирлаб турди-да, кейин лип әтиб саржин орқасига ўтди. Михайл то Нинка ишини қилиб бўлгунча кутиб турди, кейин эшиқдан бошини чиқариди:

— Нинка, бу ёқقا кел,— деб чақирди.

— Ни-ма-га?— деб қўрқиб кетди қизча. У мени битта яримта мўрчадан кузатиб турари, деб сира ўйламаганди.

— Кела қол, кела қол, жажжигинам, кейин билиб оласан.

— Энди сира бунақа қил-май-ман.

— Калтакламасимдан кел деяпман сенга.

Нинка кўзларини жавдиратиб, пишиллаб ёни билан ҳаммомга кирди.

— Борадиган жойни билгин, деб сенга неча марта айтиш керак ўзи? Нима, ўша ёқقا борсанг, оёғинг узилиб тушадими?

— Энди қил-май-ман.

— «Қил-май-ман» эмиш. Топиб олган гапини-я. Сенга айтавериш ҳам жонимга тегди. Эсингдан чиқмаслиги учун ҳозир сени яхшилаб савалайман. Сенга ёқадими-йўқми, Илья амакинг бир кўриб қўйисин. Биламан: кўпдан бери елканг қичиб юрибди ўзи. Ке, яхшилаб бир қашлаб қўяй-чи.

**Нинка баттар пишиллади.**

— Хўш, нега индамайсан?

— Унда бу ерда вино ичиб ўтирганингни ойимга айтиб бераман,— деди Нинка бидирлаб ва қочиб кетмоқчи бўлиб эшикни мўлжаллади.

— Мен сенга айтишни кўрсатиб қўяман! — деди Михайл тутоқиб.— Айтиш қанақа бўлишини шундай кўрсатиб қўяманки, туқсан онангни ҳам таниёлмай қоласан! Ҳали сен ўз отангга гап қайтаришни ўргандингми? Ойисига айтармиш-а! Вой ярамас-ей! — Ильяга қараб арз қилди.— Муштдай бўлиб туриб гапирган гапини қара-я!

— Унда уришмагин-да.

— Ҳеч ким сени уришаётгани йўқ — овозингни ўчир. Бунақа қайсарлигинг учун эсдан чиқмайдиган қилиб адабингни бериш керак әдику-я.

— Майли, бу қизалоқни қўйиб юбор,— деди Илья Нинкага раҳми келиб.— Энди у бунақа қилмайди.

— Энди қилмайсанми?

— Қилмайман,— деб чаққон ваъда берди Нинка ва бошини кўтарди. Кўзлари ўйнаб, кирганида пайқашга улгурмаган нарсаларни илғаш учун атрофга аланг-жаланг бўла бошлади.

— Жуда шумтакасан-да. «Қилмайман» деб қутулиб кетасан-да. Хўроz ҳам тонг отмасаям қичқиравераркан, сен ҳам худди ўшанинг ўзи. Шунақами? Тўхта, шошилма. Борасан, бирон нимадан қуруқ қоляпсанми. Мен сени-ку роса савалардим-а, аммо Илья амакинг қўймаяпти-да. Сен бунинг учун Илья амакинг билан икковимизга газакка бирон нима олиб келишинг керак. Тушундингми?

— Тушундим.

— Ҳеч балони тушунмадинг.

— Мен ойимга айтаман, ойим беради.

— Яна ўша гап экан-да. Яна ойимга айтаман дейди-я. Нима, ойинг аралашмаса ўзинг тўғрилаб келомайсанми? Ойингни қўй. Сира оғиз очма, сен шундоқ олиб келгинки, ойинг билмасин ҳам, эшитмасин ҳам. Энди тушундингми?

— Энди тушундим.

— Столни ёки қазноқни қарагин-да, секингина олиб келгин. Кейин мен сенга шиша бераман.— Михайл кечаги бўш шишалардан бирини четга олиб қўйди.

— Ҳа-а,— деди Нинка ҳушёр тортиб,— олдинига берасану кейин яна ўзинг тортиб оласан.

— Тортиб олмайман, тортиб олмайман. Югур.

— Ҳу, унда тортиб олдинг-ку,

— Унда тортиб олувдим. Ҳозир олмайман. Ҳозир ўзимда бор. Мана, Илья амакинг гувоҳ, олмайман.

— Мен гувоҳман,— деди Илья кўкрагига уриб.

Нинка тураверди.

— Хўш, тагин нима дейсан? Югур тезроқ.

— Менга иккита керак,— деди Нинка иккинчи бўш шишага бирров кўз ташлаб.

— Бўпти, иккита бераман, фақат тезроқ бор, худо жайрингни бергур,— деди Михайл биринчи шиша ёнига иккинчисини ҳам қўшиб.

Нинка кўйлаги ичига яшириб булка нон олиб келди, бошқа ҳеч нима, чунки у стол атрофида айланишиб турганида онаси ҳайдаб юборди, булка олиш эса осон эди, нон даҳлизда турганди, Надя уни нонуштагача шу ерга қўйиб қўйганди. Ҳеч нарса йўғидан кўра нон борлиги яхши, албатта, аммо эрталабки ичишга бир ноннинг ўзи ҳар ҳолда камлик қиларди. Шу пайт Михайл мўрчада, боши тепасида икки ёки учта товуқ тухум туғиб юриши ни эслаб қолди. Нинка чиқиб этагида мояк билан бешта тухум олиб тушди, мояк кўкламдан бери ўша ерда турган бўлса керак ўзиям, барини бетига қарамай ютишга ўрганиб қолган Михайл ҳарқалай ароқдан кейин суринтирмай моякни ютиб юборди. Гарчи оч қоринга бўлмаса ҳам, барибир, унинг кўзлари қинидан чиқаёзиб, кўнгли беҳузур бўла бошлади, энди томогини чайиш учун газаустидан яна ароқ ичишга тўғри келди. У туфлаб сўқинди ва қайтиб тухум ютмади-да, нондан ушатиб еди.

Тухум учун Нинкага товуқ катагидаги думалаб ётган учинчи шишани беришди, туз келтиргани учун унга тўртинчи, ҳали бўшамаган шишани беришга ваъда қилишди. Қиз шишани пойлаб мўрчадан кетмади. Уйга, боришнинг ҳозир унга қизиги йўқ эди, бунинг устига Надянинг нонни қидираётгани шу ердан ҳам эшитилиб турарди, нон худди сигир ямлаб ютгандай йўқ эди. Нинка бегубор, маъсум кўзлари билан эркакларга қараб жимгина ўтиради, у ўзини бу ерда бутунлай тинч сезарди. Тақдир энди уни эркакларга маҳкам боғлаб қўйган эди, шунинг учун Михайл ташвиш тортмаса ҳам бўларди: Нинка уни чақмасди. Кўп ўтмай бу шишани ҳам бўшатиб беришди, Нинка шишани олиб бориб, ўша ерга, саржин орқасига яшириб қўйди. Кейин ғов ёнида ғимирлаб юриб, одатдагидек айланиб-айланиб уйга яқинлашди, қорни очган шекилли.

Ароқдан кейин эркакларнинг сұҳбати яна ҳам қизиди. Улар фақат бир мартагина чалғишиб, бўшашиб қолиши-

ди, шунда Илья бемаврид ичиб ўтирганлари учун ким нингдир олдида ўзйини оқламоқчи бўлгандай:

— Нима қилиш керак? Энди ойимизнинг олдида ўтиришимизнинг ҳожати йўқ. Ҳа. Ўзинг кўриб турибсан, туриб ўтирибди. Ҳадемай қарабсанки чопқиллаб ҳам кетади,— деди.

— Ҳа, шунақаям қиласди,— деди Михаил бошини лиқиллатиб.

— Тавба, уни қара-я! Сира-сира ўйламовдим. Тайёр бўлиб ётуди, ахир, ҳеч қандай умид қолмаганди, бир нима унга таъсир қилди-ёв. Вой, ойи-еий! Ойи!

— Ойимиз кўзбойлоғичнинг ўзгинаси.

— Тўғри, ажалгаям фириб берди.

— Мен сенга бир гапни айтами, Илья: шу иши чакки бўлди. Ҳозир ўлгани яхшироқ эди. Бизга ҳам, ўзига ҳам яхши бўларди. Бу гапни фақат сенга айтяпман— бир-биримиздан яшириб нима қиласми? Барибир ўладику, ахир. Ҳозир айни пайти: ҳаммамиз йиғилдик, тайёргарлик кўриб қўйдик. Ҳаммамиз йиғилгандан кейин чўвивиб нима қиласди, бизни лақиллатиб. Мен унга ишонибман, сизлар эса менга. Мана энди оқибати.

— Нега унақа дейсан?— деб эътиroz билдириди Илья.— Ажали етганда ўлаверсин. Бу унга боғлиқ эмас.

— Мен ҳозир айни пайти эди, демоқчиман-да. Ўлсанг ҳам ўл, ўлмасанг ҳам ўл, қорангни ўчир бу ердан, кўринма деб талаб қилолмайсан-ку ахир. Бу шунақа иш. Мана, сизлар кетасизлар, кейин уч-тўрт кун ётадиу бари бир бандаликни бажо келтиради. Шу гапим эсингда бўлсин. Бекорга у шунақа бўлмади, беҳуда шунақа бўлмайди. Кейин мен яна сизларга телеграмма юборишим жерак, сизларнинг кайфиятларинг ҳам аввалгидек бўлмайди. Ким келади, ким келмайди. Ҳамма иш бешбаттар расво бўлади. Ўлими олдида дийдорига шундоқ ҳам тўёлмай қоласан.

— Нега келмас экан киши?

— Ҳар нарса бўлиши мумкин. Мана, Татьяна, ҳалигача дараги йўқ.

— Татьяна — ҳа. Билса керакки шошилмаётгандир-да.

— Гап шунда-да, билмайди, шунинг учун шошилмаяпти. Агар бугун ҳам келмаса, ойим жинни бўлиб қолади. Ойим Танъчорам деб шундоқ ҳам жонимиздан безор қиляпти: тоҳ туш кўради, тоҳ яна бир балолар. Сен бу ерда турмайсан, билмайсан-да.

— Келади. Шунақа телеграмма олсаю келмаса, билмадим буни нима дейишаркан.

— Ҳа, агар келса, ичамиз, иззат-ҳурматини жойига қўйиб кутиб олиш керак. Синглимиз ахир.

— Ичамиз — ҳа, илож қанча?

— Келмаса ҳам, барибир ичамиз,— деб йўлини топди Михайл.— Бари бир ичамиз, Илья. Сен билан бизга қийин.

— Энди нимаям қилардик?— деди хаёл суреб қувонаркан, унинг гапини маъқуллаб Илья.— Энди уни тўкиб ташламайсан-ку.

— Уни тўкиб ташлашимизга ким қўйиб қўяркан? Бу давлат иши. Бу шунаقا иш.

— Энди истасанг ҳам, истамасанг ҳам ичиш керак.

— Гапларинг жуда қизиқ-да, истамасанг ҳам эмиш. Масалани бундай қўйиш ҳам мумкин эмас. Ичамиз — нега истамас экансан? Керак бўлгандан кейин ичамизда,— деб туриб олди Михайл.— Зиммамизга шунаقا мажбурият ололамизми? Ахир биз сен билан ҳар куни кўришмаймиз-ку.

— Ололамиз. Нега ололмас эканмиз?

— Бу бошқа гап.

Шундан кейин гап яна ҳар икковига яқин, ёқимли, қизиқарли мавзуга кўчди. Бу, албатта, эркакларни баттар жўшдириб юборган эди. Яна ичклиари келиб қолди, боз устига ароқ шундоққина ёнларида эди, чўмилишса ҳам бўлаверади, пули олдиндан тўлаб қўйилган. Михайл пояфзалини кийиш баҳонасида қазноққа яна бориб келмоқчи бўлди. У шипиллаб жўнаб қолди, бу вақт ичидаги Илья эрталабдан бери турмай чўзилиб ётган ўрнини думалоқлаб ўраб қўйди, ташқарига чиқиб ёзилди.

Бу сафар этик кийишга ҳам Михайлнинг қўли тегмай қолди. У аввал қазноққа кирди. Кирдию кўзи тиниб кетди: яшикнинг деярли ярми ҳаёсизлик билан талон-торож қилинганди. Шундай бўлгач, унинг эсига этик келармиди? Михайл енгиллашиб қолган яшикни кўтариб гириллаб орқасига қайтди: сақлаб қолиш мумкин бўлган нарсани сақлаб қолиш керак эди, йўқса бир минутдан кейин шу ҳам қолмаслиги мумкин.

У мўрчада роса сўкиниб ичини бўшатди: Шишаларни уйдагилар яшириб қўйишгани кундай равшан эди, аммо уларни қайтариб олиш осон эмасди. Ҳозир бер, вассалом, деб томоғига пичноқ тираб турадиган пайт эмасди. Ароқни кечга бошқа сабаб билан олишганди, ўртадаги пулга олишганди. Ароққа кўпроқ эркакларнинг меҳнати синглан, шунинг учун ҳам эркак-да, аммо ҳушёр бўлган пайтда ҳақини пеш қилса бўлади, лекин маст одамда бунаقا

ҳуқуқ бўлиши гумон. Шунинг учун энди гўё ҳеч нима бўлмагандай, ҳаммаси ўз жойида тургандай қилиб кўрсатишга, кўз-қулоқ бўлиб, қулай фурсат келишини кутишга тўғри келади.

Улар энди янги шишани очишган ҳам эдики, йиғлаб кўзлари қизарган Нинка келиб остоңадаёқ шундай деди:

— Ойим ёмон.

— Ойингни осса ҳам кам,— деди унга жавобан ҳали ҳам жаҳлидан тушмаган Михайл.

— Майли, кел, дада, уни осиб бир томоша қилайлик.

— Мени-ку туким ҳам ғам емайди-я, аммо ойинг жуда баобрў бўлиб кетади-да.

— Ойинг сени нима қилди?— деб сўради Илья Нинкадан.

— Э-э, нонни сен ўғирлагансан, дейди. Ўзи ҳеч нимани кўргани йўғу, кўрдим дейди.

— Ойинг жўрттага сенга шунақа деган. Бўйнингга олма,— деб уни огоҳлантириб қўйди Михайл.

— Мен ҳам шунақа қилдим. Бўлмаса дадамдан ёки Илья амакимдан сўрагин, дедим.

— Бу гапинг чакки бўлибди, бизни айтмаслигинг керак эди. Бизни ҳозир уларга бир тийинлик ҳам обрўмиз йўқ, буни тушуниш керак. Бекорга айтибсан. Шунга ақлинг етмабди-да.

— Ойим ёмон,— деди Нинка тўмсайиб.

— Нима ҳам дердим энди. Ундан гина-кудуратим сеникidan кўп бўлса ҳам ажаб эмас.

— Улар сизларни, жуда худо берди уларга дейишиди. Иннайкейин-чи, энди ҳали-вери бас қилишмаса керак, дейишиди,— деб чақиб солди Нинка.— Сени-чи, дада, ароқхўр, бошқа нарсага ярамайди, дейишиди, ҳаммасига сен айбдор эмишсан.

— Қизчанинг олдида сайрашганини-я,— деди Михайл заҳархандалик билан бошини чайқаб.— Нима мумкину нима мумкин эмас, сира тушунишмайди. Сен қулоқ солма,— деди у Нинкага.— Улар вайсаshawеради-да. Хўш, ўзинг кимга ишонасан: бизгами, уларга?

— Сизларга.

— Ҳа, гап бундоқ бўпти. Бизни этагимиздан ушлайвер, дар қолмайсан. Уларни эса, тапларига қулоқ солма.

Эркаклар яна шишага ёпишишиди. Отасининг гапидан дадилланган Нинка шу ерда суйканиб ўтиради, у отасининг ароқли стаканини олди-ю, ҳидлаб пишқириб қўйди, кейин бўш стаканини ҳидлаб яна пишқирди, худди тенгдай гапга аралашиб, эркакларни кўпроқ қувишга қистаб,

улар шишани қандай бўшатаётганини зийраклик билан кузатди. Михаил унга ачиниб, олдидан ҳайдаб юбормади. Кейин ҳайдаб юбормай тўгри қилганини билди.

Нинка сўради.

— Дада, тўкиб ташланмаган шишаларни магазинда оладими-йўқми? — у бу саволини уч-тўрт марта берди, чунки Михаил Илья билан гаплашаётганди, шунинг учун Нинканинг бу бемаъни гапига қулоқ солмаганди.

— Бу яна қанақа тўкилмайдигани бўлди? — деди у ниҳоят.

— Ҳу, анави тўкилмайдиганлари да. Мен уларни ағдарувдим тўкилмаяпти.

— Қизиқ, уларнинг нимасини тўқдинг? — деди Михаил ҳали гапга унча эътибор бермай.

— Винони.

— Қанақа вино?

— Менга нонни сен ўғирлагансан демасин-да, кўрмагандан кейин гапирмасин-да.

— Сен қанақа винони тўқдинг? — Михаил Нинканинг устига энгашиб, уни ушлади, аммо қўрқитиб юбормаслик учун оҳиста ушлади.

— Қанақа, қанақа! Шунақа. Шишалар-да. Аммо шишалари сира очилмайди.

— Уларни сен қаёқдан олдинг? — деб сўради Михаил ва Илья билан кўз уришириб олди.

Нинка яшириб ўтирмоқчи ҳам эмасди, бугун унинг отасига ихлоси жуда баланд эди.

— Ўзинг бердинг-ку, ахир, — деб гапириб берди у. — Ойимдан эса ўзим оловдим, иккинчай мендан кўрмайди. Кўрмаган бўлсанг, гапирма.

— Шундай де. Хўш, ўзинг ундан олган ўша шишалар ҳозир қаерда?

— Унда.

— Қаерда?

— Унда. Уларни қазноққа яшириб қўйишувди. Ойим яширган. Ойим тополмайди, деб ўйлади-да, мен эса ундан олдинроқ топиб олдим. У ерда катак бор, улар шу катакда туруведи. У ерда яна бор.

— Тушунарли, — деди Михаил томоқ қириб. — Энди ҳаммаси тушунарли. Тўкилмаяпти дейсанми? Тўкиб юбориши ҳеч гап эмасди, — деб ингради у. — Сен уларни қасрга тўкмоқчийдинг? Полгами? — у сўрадио оғриқдан кўзлари юмилиб кетди, у ароқнинг бирон-бир ардоб син-

гари чайқалтириб сепиб юборилишини, тахталарга сингиб кетишини кўзи олдига келтирди.

— Йўқ, мен унга сепмоқчи эдим. Ойим полнинг ҳўл бўлганини кўриб қолмасин дедим-да.

Бекинмачоқ ўйнашга Михайлнинг ортиқ тоқати қолмаган эди. У титраб турган бармоғи билан Нинкага пўписа қилиб, деди:

— Бу шишаларни биронта ҳам жон зоти билмасин. Тушундингми?

— Тушундим.

— Ҳеч ким билмасин,— Михайл гапини йўқотиб қўйди.— Тушундингми?

— Тушундим.

— Ҳа, билиб қўй. Агар айтсанг ёмон бўлади.

— Улар тўкилмаган, барибир қабул қилишмайди,— деди Илья Михайлни қаҳридан сал туширишга уриниб.

— Тўкиб ташлагандан бўлса ҳам уларни қабул қилишмайди. Улар фақат ичиб бўшатилганини олишади. Тушундингми?

— Тушундим.

— Жуда тез тушунадиган бўлиб қолибсанми, а? Одамни ҳаваси келади-я, жуда ҳушёр қизсан-да. Энди бора қол. Бора қол, бора қол,— Нинкани отаси чиқарип юборди.— Бориб ўйна. Эркакларни олдида нима қиласан. Айтган гапларим қулогингда бўлсин. Ҳеч ким билмасин. Вой шишафуруш-ей! Қўғирчоғингни ўйнайвер, шиша билан ишинг бўлмасин.

У Нинканинг кетидан эшикни ёпди-да, нафасини ростлади.

— Ахир у, жин ургур, чиндан ҳам элтиб топшириши мумкин-да. Бола нимани билади. Тўкилмаган эмиш-а! У ерда ўша ўн икки тийинга жон-жон деб жонингни ҳам сотиб олишади. Тўла мол билан ўн икки тийиндан олаверишади. Уларга нима, олиб борсанг бас. Вой жин ургурлар-ей, жин ургур-ей. Қидириб топганини-я, ўзиям бир балойи азим бўляпти-да. Қалласини сапчадай узиб ташласанг-да.

Бу орада Нинка у ёқ-бу ёққа аланглаб ҳовли ўртасига борди-да, ўша ердан, қувса етолмайдиган масофадан туриб, мўрча томонга қараб дўқ қилиб қўйди:

— Дадам ёмон.

У шундай деди-ю, ойисининг олдига кетди.

Люся эрталабданоқ кампирнинг аҳволини билиш учун унинг олдига кирди ва у ёқ-бу ёқдан гаплашиб бўлиб, ўрмонга бориш ҳаракатига тушди. Нинка тургандан кейин кампир ўрнига чўзилди ва уйқуга кетди, аммо у шитир этган ҳар бир товушдан дарров кўзини очарди. Бугун кампирнинг аҳволи анча яхшилиги кўриниб турарди, шунинг учун ундан хавотир олмай у ёқ-бу ёққа борса бўларди.

Люся тоққа боришни унчалик истамасди, аммо яна қандай ишга қўйл уришини ўзи билмасди. Ахир кун бўйи уйда ўтириб бўлмайди-ку. Люся аввалига ўйламасдан Надяни бирга борайлик деб кўндириди-ю, аммо кейин уни яна ўзи айнитди, чунки биринчидан, Надя билан бирор хусусда гаплашишга мажбур бўлади, ҳолбуки ўзи бекорчи гапларни хуш кўрмас эди, бундан ташқари онасини бир Варваранинг ўзига ташлаб кетиш хавфли эди — опаси бирам ландовур хотинки, қўлидан ҳеч иш келмайди. Эркакларга-ку сира ишониб бўлмайди, улардан хабардор бўлиб туриш керак, тагин бир балони бошлаб, оналарига тирғилиб юришмасин. Мастларга кампирнинг тоқати йўқ эди, тагин шулар туфайли баттар бўлиб қолмасин.

Люся узоқ йигиштиринди. Шундай кийинниш керакки, ўрмонда юриш ҳам қулай бўлсин, ҳам яхши кўринсин, рўдапо хотинларга ўхшаб қолмасин. Бу, албатта, одамлар учун эмас — у ўрмонда ҳеч кимни учратмаслиги ҳам мумкин, ўзи учун эди, у бир умр шинам кийинишга одатланиб қолганди. Кишининг кайфияти ҳам, ҳатто иши ҳам шунга боғлиқ. Люся омадсизликнинг кўзи борлигига ишонарди, чунки бирорвга рўпара бўлишдан олдин бу кўзлар ўша одам ўзини қандай тутишини, унинг нимага арзиш-арзимаслигини, ҳатто сиртдан қанақалигини кўради. Ўзига пухта, бардам одамни бало ҳам урмайди.

Люсябоп тўқранг кофта Надядан топилди: яна нима кийинини ўйлаб, боши қотиб қолди. Надя унга ўзининг чоловори билан этигини келтириб берди, аммо Люся уларни бир четга қўйди, булар унга муносиб эмас. Қани энди ҳозир шими билан шаҳар атрофига бориб-келиш учун атайлаб сотиб олган туристларнинг ботинкаси бўлса, роса иш берарди-да, бу ерда қўзиқорин теришга бориши мумкинлигини ким билиби дейсиз. У бу ёққа келётганида бошқа нарсани ўйлаган эди. Диидаги кийими бўлмагани учун ўрмонга ҳам кўнгли йўқ эди, аммо

шу пайт қайтиб келаётган Варваранинг овозини кўчадан эшитиб қолди, Варвара кун бўйи ёнида ғимирлаб юришини, ҳиқиллайвериб жонини ҳалқумига келтиришини тасаввур қилди-да, ўзи Надядан илтимос қилиб унинг оғидаги кедини ечдириб олди. Шундай бўлса ҳам майли, ишқилиб чиқиб кетса бўлгани. Уйда қолишини сира истамасди, бирорни кўришни ҳам, бирор билан гаплашишни, бирорга ачиниш, далда беришни ҳам истамасди. Туғишганлари-я, жондай туғишганлари-я, барча бошқа одамларга қараганда уларга бошқача муомала қилиши керак Люся, у эса улар билан ўзининг қони бир эканини асло ҳис қилмас эди, у фақат оғиздагина ўзини қариндош билар эди, шунинг учун ҳам ўзини ўзи ёмон кўриб кетарди. Улар билан сидқидилдан муомала қила олмаслиги ҳам, бу учрашувдан қувониб, очилиб-сочилиб уларга қўшилиб кета олмаслиги ҳам шундан эди. У қариндош-уругларини, ҳатто онасини кўрганда ғаши келар — ахир, онасини деб бекорга овора бўлиб келди-ку. Ҳа, ҳа, беҳуда келди. У яна бу ерда қанча туради, ҳеч ким билмайди, бир кунми, икки кунми, уч кунми? Эҳтимол, кўпроқдир?

Люся қишлоқдагилар билан учрашиб қолмаслик учун кўчани четлаб полиздан ўтган сўқмоқдан қишлоқ билан ёнма-ён бўлган биринчи тоқقا кўтарилиди, у аввал бошданоқ шошилмасликка жазм этди, унинг учун муҳими ўрмонда айланиб, тоза ҳаводан нафас олиш эди, — шуни деб у дам олиш кунлари ҳам шаҳардан бир неча километр узоқдаги жойларга чиқиб кетарди. Бу ерда эса ўрмон шундоқ ёнида. Бегам-беташвиш, шундоқ тугилган қулай фурсатдан фойдаланмаслик кўрнамаклик бўлур эди: машина хусусида бирор билан келишиб ўтирмайсан, ўзинг билан овқат ҳам олмайсан, уриниб юрмайсан — турасану кетаверасан. Қўзиқоринлар-чи, қўзиқоринлар ҳам гап бўлибдими, улар бир эрмак-да. Ўрмонда бекорга санқиб юриш қишлоқка тўғри келмаганидан кейин нима қилсин. Йўлдан чиқса, териб олади, чиқмаса садқаи сар.

Люся тоқقا чиқиб, дам олгани тўхтади. Назарида у бу ердан кетганидан бери тог кичрайиб, яссоланиб қолгандай эди. Люся ростдан ҳам менга шундай туюлаётган бўлса керак, деб ўйлади, чунки у шу ерда тугилиб-ўси, балогатга етди, улуғворлик тўғрисидаги тасаввурлари ҳам ўзгарди: илгари кўзига катта, аҳамиятли бўлиб кўринган нарсалар энди ўз асл ҳажмига эга эди. Йўқ, тог чиндан ҳам анча чўкибди. Люся бир вақтлари болалар

билан то қишлоқ дарвозасигача осонгина сирпаниб тушганларини эслади. У орқасига қайрилиб, дарвозанинг қийшайиб қолган икки ёндорига қаради, кейин чамалаб кўрди: энди сирпаниб тушолмайсан, йўқ. Дарвозага нима бўлганийкин-а, нега дарвоза йўқ? Ҳа-я, экин экишмайди, ер ҳайдашмайди, демак, молдан бекитишнинг ҳожати ҳам йўқ, тўрт томон қибла. Юқори ва Қуий дарёнинг нариги ёғидаги дарвозалар ҳам бузиб ташланган, қўра ҳам бузиб ташланган.

Шундан кейин Люся нима учун тог кичрайиб қолганини тушунди: уни суришибди. Тог жуда баланд, катта әмасди-ю, аммо тик, машиналар учун хатарли эди, халақит берарди. Шунда бу ерга бульдозерни ҳайдаб келишган бўлса керак. Мана, чап томонда билинار-билинмас зовур кўзга ташланарди; бу икки одам бўйи келадиган ўша зовур худди жарга ўхшаб турибди, баҳор пайтлари бўтана сув шовуллаб оқарди, шу оқсанча полизларга ёйилиб кетарди. Ўпираётган зовур ёнлари шунаقا гумбурлардики, олислардан акс-садо берарди. Оналар болаларига уйдан жавоб беришар экан, аввало зовурга яқин йўламанглар, тагин бир-бирларингнинг кўзларингни ўйиб олманглар, деб тайинлашарди. Чиндан ҳам зовурнинг болалар учун ташвишли, номаълум, кўзга кўринмайдиган хатарли сир-асори бор эди. Қишлоқ атрофида тақиқланган жойлар кўп, аммо болалар энгаям, бўйигаям тимирскилаб чиқмаган ерлар кам эди, лекин улар зовур билан, гарчи унга тушиб-чиқиш унча қийин бўлмаса ҳам, ҳазиллашмасликка ҳаракат қилишарди, кимдир, қачонлардир зовурнинг ўзани умуман ўзан эмас, алдамчи бир нарса, унинг ости нақ жаҳаннамга элтадиган бўшилиқ деб гап тарқатган эди, улар шу миш-мишни эслашарди. Эҳтимол улар унчалик ишонишмасди, аммо эсларида турарди.

Мана, энди зовурни ҳам, шу зовур билан боғлиқ бўлган ваҳимали миш-миспларни ҳам кўмиб, текислаб ташлашибди. Яна бир сирли жой камайибди, илгари бу ерни одамлар қўрққанларидан ҳурмат қилишарди — бу ёруғ оламда бунаقا жойлар борган сари кам қоляпти.

Ариқнинг нариги ёғида, сал чапроқда, қичитқи қорашиб турган ерда, колхоз бўлган вақтида силос ўраси бор эди, дарё қутурган баҳор пайтлари кечқурунлари оғзи очиқ ўрадан тарқалаётган гашга тегувчи кўйинди ҳиди қамилоқни тутиб кетарди.

Одатда силосни ҳашар қилиб босишарди. Иш гавжум, қизгин бўларди: қичитқи ва бошқа ўтларни ўриб келиб,

ўрага ташлашарди; кейин биронта болани от билан ўрага туширишарди, бола от билан ўтларни босиб, тепкилаб, борган сари юқорига кўтарилаверарди, ўра атрофида эса болалар чувиллашиб, ишга халақит бериб, ўралашшиб юришарди. Болаларни ҳайдаб юборишарди, улар кетишардию яна қандай қилиб ўра лабига келиб қолишганини билиб бўлмасди. Шу куни озмунча ўйин-кулги бўлмасди-ю, озмунча кўз ёши тўкилмасмиди! Қизишиб кетган эркаклар болаларга мушт тушириб қолишарди, болалар қўлларига қичитки олиб бир-бирларини қувлаб ўйнашишарди, анграйиб қолганларни қичитки қалин бўлиб ўсган жойларга итариб юборганда қавариқ пайдо бўларди, Люся эслади: қавариқча тупроқ сепиб, устидан тупурриб, ишқашарди, шунда баданда оқиш дод кўриниб, ачиштира бошларди. У яна бир нарсани, уни жилмайишга мажбур этган бир ҳодисани эслади: унинг tengkўrларидан Колька Комаровнинг тупуги зўр дори ҳисобланарди. Колька ҳатто тупук ҳақи оларди, шунинг учун қишлоғнинг ярим боласи ундан қазрдор бўлиб юради. Аслида, Колькага мурожаат қилишларининг сабаби ўз тупугидан кўра унинг тупуги чиндан ҳам ёрдам берганни учун эмас, балки ҳар қандай эмчилик сингари бегона қўлнинг тегиши болани ҳаяжонлантириб, сеҳрлаб қўйишдан бўлса керак, боз устига Колькадан бошқа ҳеч ким бу ишга сира журъат этолмасди.

«Қизиқ, Колька Комаров ҳозир қаердайикин, у нима бўлдийкин?»— деб ўлади Люся ва уйга борсам, уни суриштираман деб дилига туғиб қўйди. Бир вақтлари Колька унинг кўнглини овлаб юради, ким билади, агар у бўердан кетмаганида, балки тақдири Колькага қўшилиб кетармиди.

Шу заҳоти унинг эсига бошқа бир нарса ҳам тушиб кетди. У бу хотирага алоқадор бўлган жойга яқинроқ бориши учун олдинга қараб юрди. Илгари йўлнинг ўнг тарафидаги адирда чоққина, бир гектардан камроқ ер бор эди, лекин Люся ақлини танибдики, бу ер ҳайдалмаёди — оворагарчилиги кўпу фойдаси кам эди, шунинг учун кузги похолларни келтириб шу ерга босишарди. Болалар қишигача бу похолларнинг тит-питини чиқариб юборишарди. Улар кун бўйи шу ерда ўйнаб, похол ичидан йўл очишарди, махфий жойлар, уйчалар қилишарди, қоронги тушгандан кейин каттароқ болалар тайёр уйчаларга ўз қизларини олиб келишарди. Аммо қоронгилик ҳам унча ёрдам бермасди, чунки похоллар устида юксалиб турган ҳайинларга чиқиб олган болалар ким кимни бошлаб кел.

ганини билиш учун то хўрозлар қичқиргунча пойлаб ўтиришарди. Бу ҳам етмагандай болалардан энг довюраклари йигит билан қиз ўтирган жойга юқоридан сакрашишарди — ҳазилнинг совуқлиги-ей! Аммо бунинг учун отнинг калласидай юрғагу чаққон оёқ керак эди, бўлмаса безовта қилинган йигит туриб олиб, таъзирини бериб қўярди.

Бу хотиралар Люсяни ҳаяжонлантирунди, аксинча, ҳавасини келтирди: бу ишлар жуда ғалати, бир замонларда бўлгандай, ўз бошидан кечган, умуман кўз ўнгидай рўй берган эмасу то унгача бироннинг бошидан ўтгандай туюларди. Люся бу хотираларни атайлаб эслагани йўқ, улар ўзлари сўрамасдан, кўзлари таниш нарсаларга тушганидан хаёлига ёғилиб кела бошлади.

Чўзилиб кетган иккинчи тоғ олдида машина йўли чапга бурилиб, айланиб ўтарди,— бу тоғни суриш осон эмасди. Люся эски, икки четида баланд бўлиб ўт ўсиб, сўқмоқда айланган йўлдан тўғри кетди. Люся ўт-ўланларнинг бошоқларига қўлини теккиздирарди, ўтларнинг уруғлари кафтини қишиштириб, оҳиста шилдираб ерга тушарди. Тоғда ўрмон сийраклашиб, экин ерларигача бориб тақалганди, энди ҳар қадамда тўнка-тўнкачалар учарди, йўл ёқасида бемаврид тайёрлаб қўйилган ходалар қорайиб, дарз кетиб ётарди, ҳар қандай босқинчилик вақтидагидек ўтлар гуркираб ўсиб бир-бирига чирмашиб кетганди, орасидан худди скелетга ўхшаб қуриб қолган шохлар қайилиб турарди— илгари қишлоққа яқин жойларда буларни ўтинга йиғишириб олишарди, ҳозир эса булар ҳеч кимга керак эмас; Люся кеча юклаб кетилганидан қолган ёғоч-тахталар дарё қирғогида уюлиб турганини, ҳар бир уй олдида гўлалар ётганини кўрувди. Ҳа, энди уларни бензин билан ишлайдиган арраларда ана-мана дегунча арралаб ташлашади, илгаригидек эмас, илгари ҳашар қилиб арралашарди. Ҳашар ҳашарда: бир оиланинг кучи етмаса, кўпчилик бўлишарди, болаларни ҳам олиб боришарди, уларга ўзларига яраша иш топиб беришарди, Люся саржин тахлашни яхши кўришини эслади, у сариқ қарағай палёнларини кўзни қувонтирадиган қилиб чиройли тахларди-да, ҳузур қиларди, қарағайларнинг учи томонида пўстлоги юпқа, мағин бўларди. Ўтин тайёрлаш мавсуми йилда бир марта — баҳорда бўларди, кейин ёзи билан бу палёнлар қурирди, энди бўлса истаган вақtingда ҳар ерда пала-партиш сочилиб ётган ёғочлардан танлаб арралаб олавер.

«Йўқ, ўша ҳашарларнинг ҳарқалай файзи бор эди,—  
кутилмаганда маъюсланиб афсусланди Люся.— Одамлар  
ҳам бажону дил боришарди. Агар битта-яримтани  
айтишмаса, ўша одам хўжайинлар бизни ажратиб қўй-  
ибди-да, ёқтиришмаскан-да, ишонишмаскан-да, деб ўй-  
ларди».

Ишга ҳамма бирдан ёпишарди, жон-жаҳди билан иш-  
ларди, арраларнинг зув-зуви, болталарнинг гуп-гупи,  
ағдарилган дараҳтларнинг қасир-қусури ҳаммаёни ту-  
тиб кетарди, одамларнинг юраклари ҳаприқиб, албатта  
бир-бирларига ҳазиллашишарди, тегажоглик қилишарди,  
ичлари таталаб, овқат олиб келиш учун олдинроқ уйга  
жўнатилган беканинг йўлига кўзлари тўрт бўлишарди.  
Қишдан кейин ўрмонда қилинадиган дастлабки иш эди  
бу, бунинг устига иш ҳам оғир эмасди, шу боисдан бу  
ишини ҳамма севарди. Қуёш ҳам, ўрмон ҳам, жон кириб  
қолган ердан таралаётган кишини маст этувчи ҳидлар  
ҳам — ҳаммаси ёшу қарини бир хилда қўзғаб қўярди,  
бу ҳаяжон анчагача, то улар сулайиб қолмагунча ву-  
жудларини тарқ этмас эди. Ерлар янгиланиши билан  
туйғулар ҳам ўзгаргандай бўларди, улар қандайдир  
галати йўллар билан олис, киши анча тетик бўлган, кўп-  
роқ эшитиб, кўпроқ қўриб, ҳамма нарсанинг фарқига  
етиб юрган пайтларидағи туйғулари билан бирлашиб ке-  
тарди. Қадимий туйғулар тушуниб бўлмайдиган бир  
қуент билан яхшилаб қарашга, ҳидлаб кўришга, оёқ ости-  
дан ҳам, ҳаводан ҳам унутилган, йўқотилган, аммо бу-  
тунлай йўқ бўлиб кетмаган бир нимани қидириб топишга  
мажбур этарди.

Сув ўрнига қайнин шарбатини ичишарди, вужуди ҳам  
уни худди доридай авайлаб, диққат билан, кўп ўтмай  
шифобахшигини кўрсатишига ишониб сингдиради.  
Шарбатни болалар йигиб келишарди, дастлабки сарана-  
лар<sup>1</sup>ни ҳам шу болалар кавлаб келишарди, уларнинг са-  
риқ пиёзи оғизда худди асалдек эриб кетарди, одамлар  
юзларини бужмайтириб, чанқоқларини босиш учун эмас,  
балки бир-бирларидан қолишимаслик учун оқ қарагай  
япрогини шимар эдилар. Паска бўялган тухумсиз ўтма-  
гандай бу кун ҳам тилоғоч елимисиз ўтмасди, уни ҳатто  
эркаклэр чайнашарди, кейин эса милкларини аброр қил-  
гач, елимни сўкишарди-да, чекишга тушишарди.

Тог тиккалиги тугаган жойдан далалар бошланиб  
кетганди. Люся очиқ ерга чиқди-да, ҳайрон бўлиб атроф-

<sup>1</sup> Сибирнинг қизил илуфари. (Тарж. изоҳи.)

га аланглади: нима бало, адашиб қолмадимикин? Қишилоқдан уч қадам нарида қанақасига адашиб қолиши мумкин? Йўқ, албатта: ана Касаловка — чап томондаги далалар, нақ Қуий дарёга бориб тақалади, Касаловка дечганлари шу-да. Ҳу рўпада Яқин яланглик, хирмоннинг бир тарафида қолган гов кўриниб туриди, у ёғида эса Тепалик, ўнг томонда эса йўл Олис ялангликка олиб боради. Бу номлар Люсянинг эсига шундай осон келдики, гўё бу номларни ҳар кун айтиб юргандай эди, ҳолбуки бундан олдинроқ қишлоқ рўпарасидаги орол номини айта олмаганди, шунинг учун Люся ўзига ҳайрон қолди: нега бунақа бўлдийкин? Унга қандайдир овоз — ўтларми ёки шамолми бу ердаги сўзларни айтиб пичирларди-ю, қулоқлари буни илғаб олиб, тили такрорлагандай туюлди.

Люся кўзига кўринган ерларни билиб-бilmай йўлдан секин олдинга қараб бораради. Агар юқоридан туриб қараса, мана, Касаловка, анавизиси Яқин яланглик, ундан у ёғида Тепалик. Пастда эса ҳаммаси бир хил, бир нотаниш, кенг харобазорга ўхшарди, бунга одамнинг кўзлари ишонмасди. Тоқча олиб чиқувчи тор йўл-сўқмоқ бу ерга келиб яна машина йўлига қўшилиб кенг бўлиб ёйилиб кетганди. Далаларни ўт босиб кетганди, ер этагида эса бир-бирига тиқилиб тоғтераклар ўсиб ётарди, улардан берироқда, ўртароқда қарагай буталари алоҳида эди, унда-бунда қамишлар кўзга ташланарди. Дала билан уватларни ажратиб бўлмасди, бир-бирига қўшилиб кетганди, шу пайтларда анқиб турадиган буғдой ҳидидан аллақачон асар ҳам қолмаганди; ҳозир ўрмондаги қариб қолган ўтларнинг аралаш-қуралаш ҳиди-ю, кейин ташландиқ ерларнинг чучмал, қуруқ иси келарди.

Люся ўзини тўхтатолмай чапга бурилди ва даладан юриб кетди. Ерлар ҳали қўриқча айланмаганди, серкесак, кулранг эди. Буғдой етиштиришга одатланиб қолган ер қандайдир бир мўъжизага ишониб, кучи борича ўзини экин-тикин учун асрар келарди, аммо чумолилар ёш навниҳол қарагайзорнинг баргларини пайқабми унинг атрофида уймалашарди — демак, улар бу ерда ҳеч ким безовта қилмаслигига ишонган.

Колхознинг бу ердан кетганига неча йил бўлдийкин? Гтти йилми, саккиз йилми, тўққиз йилми? Люся аниқ билмасди, ҳарқалай шунга яқин эди. Колхозни кетмади, деса ҳам бўлади, ўрнида йўқ бўлиб кетди, фақат машиналарни машиналар унча кўп ҳам әмасди — яна баъзи бир асбоб-ускуналарни олиб кетишиди. Далаларни олиб

кетолмайсан, мана ўша далалар, одамлар ҳам қолишиди, ўрганиб қолган, қариндош-уруғларинг кўмилган жойни ташлаб, номаълум ерларга кетиш жўнгина, осон эмас. Кўчиб келганлардан фақат уч оила кетди, улардан бирин кейин яна қайтиб келди.

Кохоз «Чапаев хотираси» деб аталарди, Люся ўзини зўрламаса ҳам эндиликда ҳеч кимга керак бўлмаган бу ном қаёқдандир лип этиб эсига осонгина кела қолганига яна ҳайрон бўлди, бу ном лип этип эсига келди-ю, мунгли бир сасдек далаларга тарашиб кетди. Агар у бу ерларга келмаса, ўтмиш хотиралари билан боғлиқ бўлган ерларни кўрмаса, Люся буларни сира-сира әслолмасди. Дарвоҳе, кейин, Люся кетганидан кейин колхоз номини бир неча марта ўзгартиришиди, аммо у бошқа номни билмасди.

Аранг учини учига етказиб келаётган «Чапаев хотириаси» колхозининг омади икки томонлама юришмади. Биринчидан, шундоқ ёнида, қишлоқнинг ўзгинасида бой, серпул леспромхоз бор эди, леспромхоз пулни худди эртаклардагидек ҳар ўн беш кунда канда қилмай тўлаб турарди, ёшлар турли ёлғон-яшиқ баҳона билан колхоздан қочиб қоларди. Бунинг учун жойидан қўзғалишининг ҳам, ўз ҳаётини ўзгартиши ҳам керак эмасди, ҳаммаси шу ерда эди. Леспромхозда кам деганда уч ҳисса пул ишлашини ўз кўзи билан кўриб турган яхши механизаторни колхоз тутиб тура олармиди. Тутиб туришга тутиб туришарди-я, аммо дўқ-пўписа, қонун билан тутиб туришарди-ю, охири бахайр бўлмасди.

Кохоз бир ишканнинг олдини олишга уриниб ётганида бошқа ишкан ҳам чиқиб қолди — колхозларни бирлаштириш бошланди, шундан кейин «Чапаев хотириаси»ни ўзига ўхшаган ночор бир колхозга тиркашди, ўша колхозга деярли өллик километр тайгадан ўтиб бориш керак эди. Энди нафақат ёшлар, балки деярли бутун қишлоқ ёпирилиб леспромхозга кирди. Иш шу даражага этиб бордики, мол-ҳолга қарайдиган одам қолмади, нариги колхоз молларни, қўйларни ҳайдаб олиб кетди, ерларга ҳам, гарчи ўзларида одам этишмай турган бўлса-да, одамларини бу ёққа ёрдамга юбориб, икки йилгача қараб юрди. Колхоз азоб торта-торта ниҳоят қолган-қутган нарсаларни ўзига олиб кетди. Да-лалар эса қолаверди. Мана улар, ўшалардан қолган ерлар.

Люся яна атрофга бир бор аланглади, кейин уни шу ерда ногаҳон туғилган бир туйгу — гўё далаларга бирон

жиҳатдан нафим тегиши мумкин эди-ю, аммо тегмади, деган бир ёзиқ юрагини жизиллатиб юборди. «Э, анави бемаъни гапни-я,— деб қўл силтади у.— Бунга мени сира алоқам йўқ. Мен олдин, бу ўзгаришлар бўлмасдан анча олдин кетганман, мен бу ерда бегона одамман». У леспромхоз деб ерни ташлаб қўйган қишлоқ одамларида бу туйғу кучли бўлса керак, агар уларда заррача виждан бўлса, ўзлари куйиб-пишсин, мен эса бу ерга чиндан ҳам тасодифан келиб қолдим, бу ерга яна қачон келишимни худо билади, деб ўйлади. У ўрмонга жуда дадил бўлиб борган эди, бу дадилликдан энди ном-нишон ҳам қолмади, сайр қилиб қайта кайфияти бузилди, қандай, нима билан бузилганини унинг ўзи ҳам тушуна олмасди. У уйда қолмаганига афсусланди, энди бўлса, ўзи истаган тақдирда ҳам уйга қайтиб кета олмасди; уни истак-хоҳишидан ташқари бошқа бир мавҳум нарса олдга бошлаб бораётганди, у шу нарсага бўйсуниб, итоаткорлик билан қадам ташлаётганди. У анча олисдан кўрган, эски уватда турган, ёмғир ва қуёшдан ялтираётган кундага ўтиromoқчи, дам олмоқчи, бир оз ўзига келмоқчи бўлди-ю, аммо негадир ёнидан ўтиб кетаверди, у қандай ўтиб, нари кетганини ҳам эслолмасди. У орқамга қайтсаммикин деб ўгирилиб қаради, аммо қайтмаслигини, қайта олмаслигини биларди, ҳозир кўнглига ёққан ишни қилолмаслигини тушунарди.

Ногаҳон миясига келган фикр Люсяни гангитиб қўйди. У ўзи ҳис этаётганидан ҳам кўпроқ алам чекиши керак, деб ўйлади, чунки у ўзи билган вақтдан бери қаровсиз қолган бу ерларни биринчи марта кўриб туриши эди. Аммо на алам, на ачиниш бор эди, шунчаки гангигиб қолган эди, бу гангигиб қолиши секин-аста тушуниб бўлмайдиган ваҳимали ташвишга айланётганди, ер гўё унга: мен сени эслайман, қани сен узил-кесил бир фикрингни айт, ахир, сен, Люся, илгари бу жойларга бир неча марта келгандинг, ҳатто ишлаган ҳам эдинг, деб уни хавотирга солиб қўйган эди. У ўзини оқламоқчи бўлиб: «Ҳатто ишлаганман», деб такрорлади-ю, бу сўзлар замирида ишмалар борлигини ажабланиб пайқади.

Хотиралар уни тўхташга ва яна бир бор атрофга яхшилаб қарашга мажбур этди — у кўринган барча нарсани, юқорини — осмонни шошилмай кўздан кечирди, у нима қидираётганини биларди ҳам, билмаеди ҳам, шундан кейин пастга, сийрак, дараҳтлар орасидан ёруғлик тушиб турган ўрмонга қараб бурилди. Ўрмон ортида кичик, Қуийи дарёга қараб чўзилиб кетган дала кўздан

пана бўлиб турарди, бу дала ҳаяжонланган Люся хоти-расида бошқа барча нарсалардан алоҳида ажралиб ту-рарди. Люся дала чакалакзор бўлиб кетгандир, энди уни сира тополмасам керак, дер ва гё бу дақиқалар бир нимани ҳал қилиб берадигандай шошилар эди. Қаерда-дир, пастда, ўша далага элтадиган йўл борлиги Люся-нинг эсида бор эди, аммо ўша йўлга тушиб олиш Люся-га олисдай туюлди, шунинг учун у тўғри ўрмондан кета қолди. У аввал далага бир четда туриб ўғринча қарамоқ-чи, бу ўша даламикин, адашиб қолмадимикин, дала нима бўлганийкин, шуни билмоқчи бўлди, йўлдан борса әлдан бурун ўзини сездириб қўярди. Ҳамон унинг кўиг-ли ғаш эди. Назарида кимдир унга аввал бошдан мўра-лаётгандай, ҳар бир қадамини кузатиб юргандай эди, шунинг учун у яширинишга, очиқ ердан юрмасликка ҳа-ракат қилди.

Ниҳоят олд томон бутунлай ёп-ёруғ бўлиб кетди, ке-йин Люся ўша далани кўрди. У ўрмондан чиқмай туриб, дараҳтлар орқасидан далага қаради. Кенг, эски марза сақланиб қолибди, энди у сўқмоққа ўхшаб кўринарди, заранг бўлиб, ўт босиб кетган марза дараҳтларнинг уруғи униб чиқишига қўймабди, аммо марзанинг шундоқ ёнидан, ҳайдалган ердан тогтерақлар ўсиб, тог этагига қараб кетибди. Нариги ёқда, тогтерақлар тугаган жойда, сал пастроқда ҳудди мўъжизага ўхшаб полиз кўринарди — кимгадир ўша ер ёқиб қолиб картошқа экибди. Картошқа палаклари офтобрўяда қишлоқдагидан ҳам баттар қовжираб кетибди, аммо ерга ётиб қолмаганди, Палаклар одатда далада бўладигандек паст ўсиб, қадди-ни кўтариб турса ҳам, остида ҳеч нима йўққа ўхшарди. Аслида эса, бу ерда картошқа экилиши ғайритабий кў-ринганидан шундай туюларди.

Люсяни бу ерга бошлаб келган хотира урушдан ке-йинги очарчилик йилларидан қолганди. Бу воқеа ё қирқ олтинчи, ё қирқ еттинчи йилда бўлганди. Кўкламда, өкиш олдидан Люсяни шу далани сихмола қилишга юборишиди. Ундан олдинроқ ёмғир ёққанди, ер лойӣ эди, сихмолага ёпишиб қолавериб, Люсяни адойи тамом қилди. Яхиси то ер селгигунча кутиб туриш керак эди, аммо ё кутиб туришга вақт йўқ эди, ё кутишни хоҳлаш-масди. Бундан олдинги йил эса шудгор қилиниб, дам бериб қўйилганидан жуда ўт босиб кетганди, ўтган йилги ўтлар сихмола тишига тиқилиб, тишлар ер бетини аранг тирнаб ўтарди. Шунинг учун дам-бадам сихмолани ағдариб, тишларини тозалашга тўғри келарди. Люсяга

бир қари, қирчанги от тегди, ўша йили баҳорда ҳамма отлар ҳам зўрга оёгини судраб босарди, бу отнинг эса умуман сурати қолганди.

Мана, яна, нечанчи мартадирки, керакли сўз Люсиянинг қулоғида янгради. Игренъка. Отни Игренъка дейишарди, қулоғида ҳамон янграб турган бу сўз эсига бошқа нарсаларни ҳам равшан келтириди. Люся шундай ориқ, ҳатто туёқлари ҳам қуриб қолганга ўхшаган, ёли кулранг, пешонаси қашқа жийронни ҳам, унинг кетидан тизгинни силтаб, бир оёгига сакраб, иккинчи оёғи билан сихмолани ерга босишга ҳаракат қилиб кетаётган нозиккина, юпунгина кийинган қизчани — ўзини кўз олдига келтириди. Орқасида эса иланг-биланг, галати излар қоларди.

Игренъканинг кураги оёғи билан бирга олдинга-орқага баробар бориб келарди. Юқоридан пастга тушаётгандан от бир амаллаб сихмолани тортиб келарди-ю, аммо орқага бурилиб, то юқоридаги марзага етиб боргунча камидан ўн марта тўхтарди. От олдинга интилиб оёқ босаркан, ҳансираарди. Люся энди отни қийин-қистовга олиб ҳайдамасди-да, сихмола тишларини тозаларди, кейин тизгинни силтаб биқинига уриб қўярди. Игренъка жойидан қўзгалишдан олдин бир чайқалиб оларди, бирданига тортиб кетөлмасди. От кўпинча издан чиқиб кетарди: чамаси юқоридаги марзагача қанча қолганини кўрмаслик учун нўзларини юмиб сихмолани тортарди. Ўшанда қизалоқ от билан, чим бўлиб кетган ўт-алафдан, лойдан жуда қийналиб кетди, унинг ҳам худди от сингари тинка-мадори қуриган эди, шунинг учун Люся ҳозир ўша пайтдаги кўйига тушдию сиқилиб кетди. У ўзини шунчалик латтадай бўшашиб, ожиз ҳис этдики, далага ҳам етмай шу ерда шундоқцина ўтга ўтириб қолди.

Ўшанда ниҳоят Игренъка бир қоқилди-ю, ағдарилиб тушди. Люсиянинг жон-пони чиқиб кетди. У тизгинни силтаб отни турғизишга уринди, ҳеч нима чиқмагач, нўхтасидан ушлаб, отнинг бошини кўтарди, от эса бошини лиқиллатиб, унинг ўзини пастга торта бошлади. Люся отга қараб бақирди, у жаҳли чиққанидан әмас, қўрқиб кетганидан бақирди, у капалаги учиб кетиб, отнинг ичида тортиб кетган биқинига тепа бошлади, калтак зарбидан отнинг аъзойи бадани титраб, уча бошлади, аммо от ҳатто ўрнидан туришга ҳам интилмади. Люся у ёқбу ёқида аланглаб, отдан нари кетди, кейин чопқиллаб келиб, отни аганаган томонидан, биқинидан ушлаб тортишга тушди, аммо унинг халта бўлиб осилиб қолган терисидан

бекуда тортарди. Шундан кейин Люся оёгини қўлига олиб қишлоққа югурди.

Худога шукур, онаси уйда ёкан. Улар ясланиб ётган Игренъка ёнига юргилаб келишиди. От энди оёқларини йигиб қорни билан ётганди, атрофи ўйдим-чуқур эди, чамаси от Люся йўқлигига бир фалокатни сезгандай туришга ҳаракат қилибди-ю, аммо туролмабди, шундоққина кўриниб турибди, энди бўлса ердан ором олиб, тақдирига тан берив, тинчгина ётарди. Онаси отнинг олдига чўккалади-да, унинг худди рандалангандага ўхшаш ингичка бўйинни силай бошлади.

— Игреня,— деди у әркалаб.— Нима хаёлга бординг-а, Игреня? Вой жиннивой-ей, вой жиннивой-ей. Мана, ўтлар кўкариб қолди, сен бўлсанг ўлимни кўзлабсан. Кўп эмас, бир ҳафтагина сабр қилсанг, жонинг киради-қолади, қаердан бўлсаям қорнинг тўяди. Шошилма, Игреня, бўш келма. Қишданки ўлмай чиқдингми, энди жин ҳам урмайди, бу ёғига чидашни худонинг ўзи буюрган. Ахир озгина... Э худойим... озгина қолди-я ахир. Қиши нима эмиш, шунча урущ вақтида ўлмовдик-ку. Сен ўйрлик, уруш даврида тахта-ёғоч ташийвериб адойи тамом бўлдинг, э, ўша ишлар олдида шу ҳам иш бўптими? Ташибансан, қучингни кўрсатгансан. Бунача ишга орият учун ҳам чидаса бўлади, мана мен ҳам ор-номус зўридан юрибман.

От қушникига ўхшаб иңгичка тортиб кетган тумшуғини унга буриб, лабларини унинг қўлларига теккизди.

— Ҳеч вақом йўқ,— деди онаси қўрқиб кетиб.— Ҳеч вақом йўқ, ҳеч нима олиб келмовдим, Игреня. Жуда ҳам эсим йўқ-да. От бўлса ҳам ҳаммасини тушунади. Келиб қелиб Игреня тушунмас эканми,— у отнинг тумшуғини силаб-сийпалади, пешонасига тушиб турган ёлини таради.— Бу баъзи одамларга қараганда ўн баробар зийракда ўзи. Бурноғи иили ёғоч тушиб Игренъканинг оёғи синганида уни гўштга тоширишмоқчи бўлишиди, шунда уч оёқлаб тайгага қочиб кетган қайси от эди? Мана шу Игренъка-да. То суюги ўсисб битиб кетмагунча тайгадан чиқмади, ўша ерда ётди. Шундан кейин ҳам анчагача оқсаб юрди. Мен эса сени ҳеч кимга бермадим, сен чўлокда малоканкага сув ташибанман, оёғингга тағин зиён қилмасин деб бочкани сувга тўлдирмасдим.

От бошини кўтариб ингичка овозда гуноҳкорлардек кишинаб қўйди. Люсянинг онаси отнинг бўйинни сийпалади, от ҳам бу меҳрибончиликка жавобан иккинчи марта кишинади ва остидаги оёқларини қимирлата бошлади.

— Шошмай тур, Игреня,— Люсянинг онаси шошиб қолди ва отни абзалларидан бўшшата бошлади.— Шошма, ҳозир. Ҳозир мен сени турғазиб қўяман. Ҳа, ётганинг ҳам бўлар энди, хўп ётдинг.— Игренъка Люсянинг онаси қаёққа ўтса, бошини ўша ёққа бурав ва заифлиги учун қўрқиб, сабрсизликдан титрар эди. Люсянинг онаси юганни томоғи тагидан ушлагач, от олдинги оёқларини шартта чўзиб юборди, аммо узоққа, ноқулай чўзди, шунинг учун у яна оёқларини яқинроққа тортди, кучаниб, кейинги оёқларига тираниб интилди-ю, аммо ўддалай олмади, қайтиб ўтириб қолди. От аёлдан бошини буриб яна кишинади, унинг овозида туролмайман, кўриб турибсизлар-ку, туролмайман, деган умидсизлик оҳангি бор эди. Аёл уни яна тинчиди:— Шошилма, Игреня. Шошилмайдамингни ол. Дарров эмас-да, сен бўлсанг, дарров турмоқчи бўлдинг. Ўтириб қолдингми, майли, ҳечқиси йўқ. Ҳозир дамингни оласан, кейин турасан. Ҳечқиси йўқ, ҳечқиси йўқ. Вой сен Игреня-ей, Игреня-ей.

У Люсянинг ишига кўз югуртириб чиқди-да, унга татъна қилди:

— Бўйига қараб юриш керак эди, сен бўлсанг энига юрибсан. Тепаликка тушиб-чиқишга манаман деган от ҳам дош беролмайди: Бунга-ку йўл бўлсин...

— Ҳа, ўзи энига ҳайдалган экан-да.

— Хўш, нима бўпти? Секин-аста бориб-келаверардинг, ҳеч ким сени тез бўл қилгани йўқ-ку, ер битта-ку, ҳоҳласанг узунасига, ҳоҳласанг кўндалангига-да. Қанча бўлса, шу-да. Кўпаймайдиям, озаймайдиям.

У тизгинни Люсяга берди-да, ўзи отнинг ёнига ўтиб, сагрисига шапатилади ва остидан ушлади. Игренъка гўё йиқилган жойидан тезроқ нари кетай дегандек, олдинги оёқларини босди, кейинги оёқларини чўзиб, сўнгги бор жон-жаҳди билан ростлади-да, азод ўрнидан турди. От тўрт оёғида чайқалиб турарди, она эса уни суваб, белидан қўчоқлаб хурсандлик билан деди:

— Мана бўлди. Мана бўлди. Ахир мен сенга айтувдим-ку. Сен бўлсанг, ўлимни кўзлаб юрибсан. Гуноҳ масми ахир бу? Агар бировга айтсанг, дизентир деб устингдан кулади. Қанақасига сен дизентир бўларкансан, Игреня? Эй худойим, қанақасига дизентирсан? Агар ҳозир чивин қўйса ҳам ағанаб тушасан. Ана шунаقا дизентирсан-да. Ҳозир сени ишга тайинлаб бўларканми? Ор, дизентир, юра қол.

У юганни ушлаб, отни етаклади. От чайқалиб, ўрнидан қўзгалди, қўзгалди-ю, деярли шу заҳоти тўхтади ва

гўё яна ағдарилиб тушишдан қўрққандай оёқларини судраб босди.

Люся ўрнидан турди ва у ёқ-бу ёгини қоқиб, далалар ўртасидаги полизга яна бир бор қаради, гўё бу воқеа ҳозир эмас, бир вақтларда, бундан йигирма йил олдин бўлганига ишонч ҳосил қўлмоқчи эди. У кўз олдида турган Игренъка манзарасидан қутулиб, ҳали ўзи тушиб келган тепаликка қараб секин-аста кўтарила бошлади, аммо хотира хаёлидан сира ўчмасди. Назарида бу воқеанинг нимасинидир тушунмасди, бу воқеа аслида қандай оғир, аламли бўлганини кўрсатиш учунгина эсига тушгани йўқ, унинг яна қандайдир ўзига хос, сирли, эски ярани янгиловчи жиҳати ҳам бор эди, бу жиҳатини эса Люся тушунмасди, Люся ўзининг синчковлиги билан қўрқитувчи қандайдир лотаниш ҳис-туйғуга берилгани ўзига нашъя қилиб ўзидан ранжиди-да, бу туйғудан қутулиш учун тез-тез юришга жазм этди.

«Ҳатто ишлаганман ҳам»,— бундан ярим соат олдин шу далани қидириб топишга мажабур этган фикр яна эсига келди. Ҳа, эл қатори ишлаган. Ҳа, пичан ҳам ўрган, йиғиширган ҳам, сихмола қилган ҳам, ўтоқ ҳам қилган, йиғиб-терган ҳам — айниқса колхозда одам етишмай ётган йилларда колхозда иш кам эди дейсизми. «Ҳатто ер ҳайдагансан»,— деб унга кимдир қўйшимча қилди, чиндан ҳам у ер ҳам ҳайдаган эди, буни у қандай қилиб эсидан чиқардийкин-а? Рост, фақат икки кун ҳайдади, чунки у плугнинг орқасидан юришга юрарди-ю, аммо уни бир эгатдан иккинчи эгатга олиб қўйишига кучи етмасди. У нимжонгина бўлиб ўси, ишга ҳам ўз тенгқурларидан кейинроқ, фақат урушнинг сўнгги йилларида чиқди. Унгача онаси раҳми келиб уни уйда Танька билан — ҳозир Киевда юрган Таньчора билан қолдирив кетарди.

«Кошкийди Татьяна бугун кела қолсайди»,— деб кўнглидан кечирди Люся бошқа нарсани ўйлаш имконияти тугилганидан суюниб.— Бўлмаса онаси Таньчора, Таньчора деб ҳеч кимга тинчлик бермайди. Агар шу бўлмаса, онасининг нима бўлиши тайинку-я. Ҳозир онаси фақат шу Таньчорасини кутиб ётибди.

Ўрмон тугади, Люся яна баландга кўтарилиб кетган далаларга чиқиб қолди. Бу ердан, очиқ ердан исиб кетган кунда ястаниб ётган атроф аниқ-таниқ кўринарди; агар олисга нигоҳ ташланса, ҳаво қуёшда сезилар-сезилмас, майнин жингирларди, юқорида жингирлаб турган бу ун эса ягона бўлиб туюларди-да, пастда, Люсянинг оёқ-

лари остида жимиб, әшитилмай қоларди. Оёқлар остидағи ердан садо чиқмасди, тошдай қотиб жим турарди; куз шарофати туфайли илиқлик ва түйингарчиликдан тогдаги ўрмон жилва кўргизиб оҳиста қимирлаб қўяр, оқишисимон, қайинворий ҳовур билан билинар-билинмас нафас оларди. Ўрмон ортидаги осмон сокин ва бир текисда уфққа томон туташган эди; осмон жуда баланд, шаффоф, аммо ундаги мовийлик хира тортиб, қаъридаги фу-сункорлик сусайган, синоатида ҳорғинлик пайдо бўлганди.

Люся даладан кетаётib яна ҳам чапроққа, дарё томонга қараб бурилди. У гарчи ҳаммаёқдан барадла кўриниб турган бўлса-да, ўгринчасига жуда авайлаб қадам босарди. Қаердадир ўша ерда йўл бор, Люся анча айлансан ҳам майли, йўлдан кетганим маъқул — хатарсиз, деб жазм этди. У бу ерларда қўрқадиган ҳеч нима йўқлигини жуда яхши биларди, аммо у қаёқданdir пайдо бўлган, кимдир мени пойлаб, кузатиб юрибди, деган туйғудан ҳарқалай сира қутула олмасди, бу бундан буён қайнадай воқеа юз беришидан далолат берувчи шунчаки бир туйғу бўлмасдан, балки қандайдир ғалати бир тарзда ўтмиш билан, қандайдир унутилиб кетган, эндиликда жавоб бериш талаб этилаётган хотира билан боғланиб кетарди. Назарида у ўрмонга келаётганида бирорвнинг ҳийла-макрига енгилтақлик билан учгандай, уни бирор алдаб бу ерларга бошлаб келгандай эди, аммо энди орқага қайтиш мумкин эмасди — унда уни нима мақсадда уйдан алдаб олиб келишган бўлишса, ўша иш шу заҳоти шу ернинг ўзида рўй беради. Шунинг учун у қўрқиб шу ишнинг рўй беришини чўзарди, пайсалга соларди, уни эргаштириб борган сари олиб кетарди.

Ҳарқалай, у йўлга чиқди, аммо бу билан енгил тортмади. У йўлдан пастга қараб югуриш, то қишлоққа етгунча оёғини қўлига олиб югуриш васвасасига қарши курашиб, аста-секин, гўё йўлни текширмоқчи, унинг қаттиқлигини, хавф-хатарсизлигини синааб кўрмоқчи бўлгандай юқорига қараб кетди. Йўқ, югуриб етиб ололмайди, югуриш эсидан чиқиб кетган. Йўлни ўт-ўланлар босиб кетганди, кесаклари тошдек қотиб қолганди, назарида ҳаво ҳам қуриб битганди, шунинг учун Люся кўп ўтмай нафаси қайтиб кета бошлади. У бир кўнгли даладан ўтиб кетақолай ҳам деди-ю, аммо йўлдан чиқмади, у қулоқ қоқиш мумкин бўлмаган бирорвнинг иродасига бўйсуниб йўлдан бир қадам четта оёқ босолмасди, тиҳоят, шундан кейин Люся айнан шу йўлга бекор чиққа-

нини, бу йўл энди унга бамисоли икки томони ошиб ўтиб бўлмайдиган, чиқиб кета олмайдиган баланд шаффоф деворли, тор, узун йўлак эдики, бу йўлак уни қандайдир кутилмаган, эҳтимол даҳшатли бир нимага олиб боришини тушуниб қолди. Қиррали кесаклар кедили сёғига қаттиқ ботарди, аммо у оғриқча эътибор бермасди, унинг бутун ўй-хаёли ишқилиб бундан бошқа, баттарроқ, қалтис хавф-хатарга йўлиқиб қолмаслик билан банд эди.

Люся кетаверди-кетаверди, ниҳоят, тўхтади: йўл ўртасида худди типратиконга ўхшаб чумоли ини ётарди, у анчагача мана шу жонли, қимирилаб турган дўмсага ҳайрон бўлиб қараб тураверди. Чумолининг ини нега бир четда эмасу бу ерда, ўртада? Люся қандай ўтиб кетади? Энди нима қилсин? Эҳтимол, энди уйига қайтиб кетса бўлар? У орқасига қайрилди, аммо орқа томондан ҳеч нима кўрмади. Ҳамма нарса қуёш нурида чўмилади, унинг нури Люсянинг кўзини ҳам қамаштириб юборди. У деворга урилиб кетмаслик учун қўлларини ёнига ёзиб чумоли ини четидан очиқ йўлга оҳиста ўтди ва ҳеч нима бўлмаганига севиниб кетди. У шунчалик севиндики, ҳатто беихтиёр жилмайиб ҳам қўйди.

«Нима бўлди ўзи менга?!— деб ўзидан гина қилди у.— Намунча латта бўлиб кетяпман ўзи? Бу атрофни, бир неча километр наридаги ҳар бутани биладиган мендай одамга бирон гап бўлармиди ахир? Бўлмаган гап! Айлангани, тоза ҳаводан нафас олгани чиқдим, вассалом, мен бўлсан қандайдир ваҳимага тушшиб, болалардай қўрқиб юрибман-а. Бу ҳаммаси асабдан-ку, асабдан, асабни даволатиш керак. Ҳозир ҳу анавиларга бораманда, қўзиқорин тераман, кейин уйга жўнайман. Бу ерларнинг ҳаммаси менга таниш, буларнинг нимасидан қўрқади, киши? Ўзим ҳам ғирт аҳмоқман-да!»

У кўнгли ёзилиб, дадилроқ кетди, ўрмонга етишига озгина қолди.

Шу пайт ногаҳон унинг дадиллигини маъқулламай, уни босиб, ҳавода ингичка, чўзиқ, чинқирган, аммо ҳамон эшитилиб, қўрқувдан тугамаётган овоз янгради:

— Минъка-а-а-а!

Люся титраб, ўрнида қотиб қолди, у бу овозни таниди, бу ўзининг овози эди, у гўё устидан юк босиб турган бошини секин-аста чап томонга бурди: шумурт бутаси ўша ерда, аввалги жойида, ер ўртасида турганди, кимдир қачонлардир раҳми келиб, плугни атрофидан айлантириб ўтганди, бундан фойдаланган шумурт ўсиб,

кападай бўлиб кетганди, атроф-теварагига ёйилиб ҳосил берга бошлаганди. Люся беихтиёр уйгонган дастлабки туйғуга бўйсуниб, шумуртга томон қадам ташлади ва кутилмаганда йўлдан чиқди, йўл уни қўйиб юборди. Люся ажабланмади, у қаёқча боришини бугун ўзи танламаётганини, балки шу атрофда яшайдиган, унинг сирасоридан хабардор бир бегона куч бошлаб юрганини тушунди.

Капа бўлиб кетган шумурт атрофи ҳаддан ташқари тўзиган эди. Кесилган, қуриб қолган шохлар ерда думалаб ётарди, омон қолган шохларининг барги яккам-дуккам бўлиб, ўргимчак ини босиб кетганди, хунук кўринарди, энг яхши, бақувват шохлари кесилганди. Энди фақат ён шохлари, сийрак новдалар қолганди, шундоқ қўйл чўйсанг етади, ўртадагиларини эса олиб кетиб бўлишганди, энди уларнинг ўрнида одамнинг кўярагигача келадиган ялангоч тўнкалари чиқиб қақчайиб туради, омон қолган майда шохлари эса атрофга осилиб туради. Унда-бунда меваси кўринарди. Люся мевалардан бир неча донасини узиб олди, мевалари юмшоқ, ширин, муздек, худди ўша вақтдагидек ялпиз мазаси келарди. Шунинг учун бир неча йиллардан кейин ҳам ўша чинқирган овоз яна янграб, Люсянинг юрагини қисиб юборди. У чўчиб атрофга аланглади — ҳеч ким йўқ, шундай бўлса ҳам у, ҳар эҳтимолга қарши; дарё томондан ҳеч ким кўрмасин, деб бута ортига ўтди.

Бу воқеа ҳам уруш тугаши билан юз берган эди — ҳаёт ўшанда, лаънати тўрут йилдан кейин ҳали изга тушмаганди, ҳаммаёқ алғов-далғов эди: очлик-яланғочлик, босқинчилик, суд қилишлар, кўз ёшлари беҳисоб эди. Икки ёздан бери шимолнинг қаеридандир қочган власовчилар дарё бўйидан ўта туриб қишлоқ одамларининг юрагини така-пука қилиб кетишарди. Фалон ерда сигирни сўйиб кетишибди, фалон ерда бир хотинни зўрлаб, ўлдиришибди, магазинларни талашибди, дори бериб бутун-бутун оиласаларни ухлатиб қўйиб, қоққан қозигигача паққос олиб кетишибди, деган хабарлар тез-тез қулоққа чалиниб туради. Эркаклар ҳатто кечаси қоровуллар ҳам қўйишли, лекин қочоқлар кутилмаганда бостириб келиб, билганларини қилишли. Тўғри, қуий оқимда қаердандир иккитасини тутиб олишиди, уларни районга қандай олиб келишганини Люся кўрган эди. У шуни эслади. Қочоқлар аравада бир-бирига орқа ўғириб ўтиришарди, қўйллари боғлиқ әди, соқол-мўйловлари ўсиб кетган, кийимлари жулдур, юзлари қаҳрли, одамларга

ҳорғинлик билан қарашларида ҳали сизларга кўрсатиб қўямиз дегандай писанда бор эди.

Власовчилар одатда ёз бошланиши билан қочишарди, охирига келиб улар тўгрисидаги гап-сўзлар тиниб қоларди, қишлоқлар ҳам тинчирди, хотин-қизлар чўчимасдан яна ўрмонга боришарди, колхоз иши биланми ёки бошқа иш биланми дарёнинг нариги ёғига сузиб ўтишарди. Худди кананинг ўз мавсуми бўлгандай, қочоқларнинг ҳам маълум бир мавриди бор эди, шу мавриддан кейин ҳеч ким улардан қўрқмай қўярди.

Августда, ой ўрталарига яқин оналари Михайл билан Люсяни шу бутага юборганди. Кампир бу бутани илгари, чаман-чаман бўлиб гуллаганидаёқ кўз остига олиб қўйган бўлса керагу кейин текшириб кўриб, ёқасини ушлаб қолгандир. Шумуртлар ҳосил бермайдиган йили бу бута азбаройи меваси кўплигидан шохлари ерга тегиб қолганди. Йўлдан туриб, буғдойзор орасидаги бутани кўриб бўлмасди, у ҳосили кўплигидан ерга ётиб қолганди — шунинг учун бўлса керак, сақланиб қолди-ю, ҳосили обдан пишиб етилди.

Мевасини териб киши ҳузур қиласарди. Ҳатто мева теришга сира тоб-тоқати йўқ, бир ишни минг бор қайта-ришга сабри чидамайдиган Михайл ҳам бу меваларни кўрди-ю, қизиқиб кетди. Мевалар йирик-йирик, савоги узун-узун бўлиб, тоза, баргиз эди, боши катта-катта эди, фақат кафтингни тутиб, узиб олсанг бўлди. Михайл кетидан чеълакни кўтариб олиб юрди. Люся эса қулай бўлсин деб белига этак боғлаб олди, этаги тўлиб оғирлашиб қолганидагина бўшатиб оларди. Аммо чеълакка ағдарганингда бирданига бир қарич, ҳатто ундан юқорироқ кўтарилади, уларни бармоқларинг орасидан ўтказаётганингда худди қўлингни муздек сувга тутуб тургандек ҳузур қиласардинг. Мевалар ҳил-ҳил пишган, вақти анча ўтиб қолган бўлса-да, эзилмасди, худди қўл билан териб қўйгандек бир-бирининг устида турарди. Қандайдир икки соат ичиди Михайл билан Люся чеълакларини лимлим қилиб тўлдиришди, аммо бутанинг эса лоақал ярми ҳам териб олинмади.

Улар уйга бориб, яна қайтишмоқчи бўлишди. Меваси маржон бўлиб турган бутани әртага қолдиришни исташмасди, энди, унга олиб борадиган йўлни билиб олишгач, назарларида истаган одам хоҳлаган пайтда бориб териб оладигандек туюла бошлади. Тушдан кейин ҳаво қизиб кетди, Михайлнинг ялқовлиги тутиб, тоқقا зўрга судралиб чиқарди, у Люсядан анча орқада қолиб кетди. Люся

эса уни кутишга сабри чидамай, бир ўзи яқин йўлдан юриб, бугдойзорлар орасидаги билинмай кетган, бута турган марзага чиқди. Бутага яна йигирма қадамча, балки ундан сал кўпроқ масофа қолганида бута бирдан қимирлаб қетди-ю, ундан худди бир арвоҳга ўхшаган, қулоқчинининг қулоқлари кўтариб боғлаб қўйилган, даҳшатли, шундай дим ёз куни қулоқчин кийиши билан киши ўтакасини ёрадиган одам сакраб тушди. Бу кутилмаган шундай бир пайтда рўй бердики, Люся тахта бўлиб қолди, ундан қочиб кетиш ўрнига турган ерида қоққан қозиқдай туриб қолди. Ҳалиги одам бир асабийлашиб, бир қувониб кулди ва бармоғи билан имлаб уни чақирди. Люся уни яхшилаб кўришга улгурди; нотаниш киши паст бўйли, норғил, юзлари қора, соқол-мўйлови қирилмаган, ёши номаълум, қўзлари телбанамо йилтиради.

У мана шу ерда, нақ мана шу ерда этик кийган оёқларини қулай кериб турарди, у қиз қочиб кета олмаслигига шунчалик ишонардики, ҳатто мушук сичқон билан ўйнашгандек қиз билан ўйнашмоқчи, обдан қусурини қондириш учун у билан кўнгил очмоқчи бўлди, у қусурини қондиришдан олдин ҳирсини роса қўзгатиб олмоқчи эди. Шунинг учун ҳозир Люся худди ўша пайтдаги учрашув туфайли юз берган даҳшатли аҳволни бошидан кечирди ва аъзойи бадани титраб кетди. Люся у ёқ-бу ёққа қараб, бутадан далага қараб тисарилди, аммо ҳозир барибир бу одамдан бутунлай қочиб қутулиб кета олмаслигини, уни осонликча қўйиб юбормаслигини эслади.

Нотаниш одам кулиб, бармоғи билан уни бери кел деб имлагандан Люся орқасига тисарилиб кетаверди. Ҳалиги одам бу нағмангга бало бормиди, дегандай, афтини буриштириди ва қўлларини ёзди. Люся орқасига тисарилиб кетаверди. Ниҳоят, эркак чидаб туролмади-да, уни чўчитиб юбормасликка ҳаракат қилгандай, оҳиста унга томон юрди, унинг бузуқ ниятдан буришган юзи учibuшиб қўярди. Шундан кейингина Люся ниҳоят оёгини қўлига олиб қочиб қолди.

У ўқдай отилиб йўлга чиқиб олди ва пастга, қишлоқ томонга чопиб кетди. Юмшоқ шудгорда этиги ботиб, бугдойларга ўралашиб қолган ҳалиги одам энди уни қувиб етай деб қолган эди. Люся кетидан унинг пишиллаб, ҳансираф нафас олишини эшитди. Люся қўрққанидан эси чиқиб, челягини ҳавода ўйнатиб югуриб борарди. Елкасига бегона қўл тирмаша бошлади, лекин сўнгги дақиқа-

да Люся бу қўллардан чиқиб кетишга улгурди ва челигини тушириб юборди, челак кетидан даранг-дурунг қилиб йўлда думалаб бораради.

— Минъка-а-а!

Люся бақирди-ю, шу заҳоти рўпарасида укасининг жуссасини кўрди. Укаси шошилмасдан, лапанглаб келаётганди, у опасининг чинқирганини эшитди-ю, бутунлай тўхтаб қолди. Лекин кейинги лаҳзадаёқ опаси томонга отилди. Бегона одам ҳам Михайлни кўрди ва шартта тўхтади, у йўлда яна бирор кишини кўриши мумкинлигини сира кутмаганди, шунинг учун гангиб қолди. Люся Михайлнинг ёнидан чопиб ўтди, аммо хатарсиз ерга бориб олгач, тўхтади, укасининг ташвиши уни тўхташга мажбур этди. Люся яна қичқирди. Бегона одам рўпарасида бир мишиқи бола турганини кўриб, энди унга томон эҳтиёткорлик билан кела бошлади.

— Минъка-а! Қоч! Қоч! Минъка-а! — деб бақирди Люся жонҳолатда.

Михайл ердан тош олиб шайланиб турди. Нотаниш одам ҳам сакрашга тайёрланаётгандай чўнқайди, чўчиған Михайл дик этиб кетига сакради. Нотаниш одам заҳархандалиқ билан ҳиҳилаб кулди. У яна Михайлни қўрқитмоқчи бўлди, аммо бу гал Михайл жойидан жилмади, қўлидаги тошни маҳкам қисиб кутиб тураверди. Шундан кейин нотаниш одам чиндан ҳам унга қараб югурди — югурди-ю, шу заҳоти бир четга бурилди, у атайлаб оқсоқланиб, беҳуда ишлар билан шуғулланишини истамаган кучли одам сингари далани тикка кесиб Қўйи дарёга қараб югуриб кетди. Люся жуда қаттиқ қичқирди, шунинг учун у одам вақт ғаниматлигига яшириниш керак деб жазм этди.

Қичқириқ тўсатдан қандай пайдо бўлган бўлса, яна шундай кутилмаганда тиниб қолди ва қуёш нурида кўмилиб ётган атроф сув сепгандай бўлиб қолди. Люся хотира тугаганини, энди йўлида давом этавериши мумкинлигини фаҳмлади, кейин у бўшашиб, каловланиб ўрнидан қўзғолди, ҳарқалай у ўша бўш ётган ерга рижик тергани жўнади. У рижик териш тўгрисида шунчаки бирров, аммо ҳарқалай шу ваҳималардан қутулишнинг ягона йўли деб ўйлади: агар бир дона, жимжилоқдеккинани юлса ҳам ҳаммаси ўтиб кетади, деб умид қилиш мумкин эди. Хўш, нима ўтиб кетиши керак ўзи? Маълум эмас, ҳеч нима маълум эмас. У бу ерда қўрқиши керакми йўқми, билмасди, бу ҳақда хаёл суришга ҳам қўрқарди, унинг назарида дилидаги гапларни ҳам бит-

та-яримта эшитиб қолиб, тескарисига йўядигандай эди. У чарчади, оёқлари чалишиб кета берди, аммо юришдан чарчамади, у юрган бўлса ҳам арзимаган йўл, нариси билан уч-тўрт километр йўл юрди-да, у қандайдир бошқа, анча аҳамиятли, муҳим нарсадан чарчади, эҳтимол хотиралардан бўлса керак, бу хотиралар жуда равшан, аниқ бўлиб, худди тил бириктиргандай ҳар бир қадамда уни пойлаб юрди ва ўзининг қандайдир яширин мақсади учун яна уни ўша кўйга тушишга мажбур этди. Назаридан ўша кунлар яна бошига тушгандай эди, чунки у, Люся, бу ерда бир нимасини унтиб қолдирганди, ўзи учун жуда қимматли, шусиз яшаш мумкин бўлмаган зарур нарсани йўқотганди, аммо ўша, ўтмишда, бир вақтларда бўлиб ўтган ишлар такрорланди-ю, бутунлай гойиб бўлиб кетмади, аксинча, такрорлангандан кейин унинг қандай кўйга тушганини, унда нима кўпайди-ю, нима озайганини, ҳис-туйғулари шунга жавобан уйғондими ёки умрбод сўниб битдими, ана шуни кўриш учун бир четга чиқиб томоша қилиб турди холос, мана энди ўша нарсалар уни ўраб олиб, у қаёққа борса, ўша ёққа кетяпти, ўнг томонида очликдан силласи қуриган қирчанғи Игренъка баҳорги лойгарчиликда сихмолани аранг тортиб кетяпти, чап томонида қулоқчин кийиб олган анави нотаниш бадбашара одам сакраб шумуртдан тушяпти, кейин яна бошқа гаплар.

Люся тўхтади. Нотўғри. Бу ерда ҳеч ким йўқ, ҳадиксирайдиган жон зоти йўқ, у бир ўзи. Жазирама ёз куни анави нотаниш одамнинг қулоқчин кийиб юриши қандай бемаънилик бўлса, унинг ваҳимага тушиши ҳам шундай бемаънилик, бу ташвишлар беҳуда: онаси тўғрисида телеграмма олганидан кейин асаблари шунчаки кулфатга, изтиробга кўнига бошлагану энди бекорга ҳаяжонлангани эвазига товоң олмоқчи бўляпти.

У атрофни қайта-қайта кўздан кечирди. Ҳа, ҳеч ким йўқ; қуёш чарақлаб турибди, ҳаммаёқ сув сепгандек жимжит, тинч. Қуёш жудаям чарақлаб турибди-да, жудаям тинч, жимжит-а, киши хавотир олмайдими ахир. У танҳо ютиб юбораман деган сирли сукунат ичидан бир ўзи келган эди, ҳамма ёруғлик унга томон тушиб, бутун мавжудотнинг дикқат-эътибори унга қаратилган. У ҳеч қаёққа яширина олмайди, ҳамма уни худди кафтдагидек кўриб турибди. Йўқ, бу ердан қочиб қолиш керак. «Қочиш керак, қочиш керак», — дерди у нуқул. Қишлоқдан чиқиб нима қиларди-я? Ким уни бу ерга қуввлаб келди? Бу ерда у нимасини эсидан чиқариб қолдирибди?

«Эсдан чиқариб?! Люсянинг ўй-хаёли шу сўзлар билан ўралашиб қолди-ю, уларни яқинроқча сурив қўйди. Эсдан чиқариб... Ҳа, мана ўша деярли аввал бошданоқ сирлигича қолиб, индамасдан жонини суғуриб олаётган бир вақтлардаги айби энди ошкора бўлиб, ундан жавоб беришни талаб этаётганди. Люся ҳаммасини — баҳор фасли ҳашар қилиб ўтин тайёрлашганларини ҳам, ўзи ишлаган далаларни ҳам, ағдарилиб тушган Игренъкани ҳам, шумурт бутаси ёнидаги воқеани ҳам, бошқа, илгари бўлиб ўтган талай ҳодисаларни ҳам бутунлай унугтанди, улардан ном-нишон қолмаганди. У бир вақтлари сихмола қилгани, ер ҳайдаганини унугтанди... Уни қаранг-а, сихмола ҳам қилибди, ер ҳам ҳайдабди-я! Қизиқ, ўйламай-нетмай шуни ҳам миясидан чиқариб ташлабди-я, лоақал шу иши билан керилиб юрса бўларди-ку, ахир шаҳарда орттирган дугоналаридан қайси бири плуг кетидан юрибди дейсиз. У кўпдан бери қишлоқни ўйламай қўйганди, қишлоқ ҳақидаги хотиралари тош бўлиб қотиб, худди ис босган олис бурчакка улоқтирилган эски-тускилар бўғчаси сингари бир ерда думалоқланиб ётарди.

Мана энди ўша хотиралар ногаҳон бугун лоп этиб өсига тушиб кетди.

## 7

Ниҳоят кампирнинг кўзи тўрт бўлиб турган Мирониха келди.

Кампир каравотда пардеккина бўлиб ётганидан остидаги сим тўр хиёл бўлса ҳам чўкмасди, кампирнинг фақат кўзи йилтираб турарди, каравотда чўзилиб, қимир этмай ётган гавдаси эса на тўлғанарди, на безовта бўларди — худди биронникига ўхшарди. Бу гавдани безовта қилишнинг ҳам ҳожати йўқ эди: кампир кўпдан бери бир ўзи ётарди, у, гўё, ўзини йўқотиб қўйгану энди қидириб сира топа олмасди. Тушга яқин ташқаридан қуёш уй ичига мўралади, кейин кампир қуёшга қараб, унинг жимиirlаб турган оромбахш нурида исиниб ҳузур қилди, ахир бир ўзи ётавериб юраги қон-зардоб бўлиб кетди-ку — дод деб ийғласа ҳам бўлади.

Меҳмонлар келганини билган Мирониха уйнинг жимжитлигига ҳайрон бўлиб хонага кирди, тўсиқ ортидан ҳайиқиб қаради, аммо кампирнинг бир ўзи ётганини кўргач, пилдираб олдига келди-да, чапак чалиб деди:

— Ана холос! Сен, кампиршо, ҳалиям тирикмисан?

Кампир Мирониханинг келганига шунчалик хурсанд бўлдики, кўзларида ёш йиљтиради, туришга уриниб, каравотда қимирлади, аммо туриш учун анча овора бўлишини эслади-ю, чиллакдай бўлиб қолган қўлини Миронихага узатди.

— Кўриб турибсан-ку, тирикман. Бугун икки кундан бери тузукман. Наҳотки сенга айтицмаган бўлишса?

Мирониха кампирнинг қўлини олди-ю, тушириб юборди, аммо кампирнинг қўлига жон кириб, ўзи иккинчиси — чап қўли устига бориб тушди-да, уни сийпалади.

— Сени ажал нега олиб кетмаяпти-а? — Мирониха шундай деди-да, каравотга, кампирнинг ёнига ўтирида ва энгашиб унинг қулоғига деди: — Мен энди ўртоқжонимнинг жанозасига боряпман-да, худо раҳмат қилгур, нариги дунёга йўртиб қолгандир, деб ўйловдим, сен бўлсанг, ҳалиям шу ерда экансан. Илгариям ёмон эдинг, шундайлигингча қолибсан. Жонимгаям тегиб кетдинг ўзи.

— Ойимқиз, сени кутиб ётганимни билмайсан шекилли-а, — деди кампир дарров ҳазилга қўшилдиб. — Бир ўзим ётсам зерикиб қоламан, фақат сенга интиқ бўлиб ётибман. Икковимиз бир тобутда ётсак дейман-да.

— Мен, сен кампиршони бир тепиб тушириб юбораман. Оёқларим бақувват, бир умр юравериб пай бўлиб кетган.

— Сен тепиб юборишдан ҳам қайтмайсан, бу қўлингдан келади.

— Ҳа-а... Сен мени кутма, ўзинг кетавер. Ҳозирча чопқиллаб юрибман. Оёғимдан тортма. Сен билан гўрда ётгандан кўра, яхшиси биронта чолни топиб оламан. Ана кейин, қарабсанки, фарзандли ҳам бўламиш.

— Сен, ойимқиз, түггичингни қуритиш учун мендан олдинроқ дорга ёйиб қўйдинг шекилли.

— Менда бошқаси, эскисидан яхшироғи бор. Мен уни ёзда шаҳарлик бир аёлдан мевага алишириб олгаман. Шундоқ келишган шаҳарлик бир жувон экан, ўшандан али-бали қилиб авраб олдим. Сен, кампиршо, энди мен билан tengлаша олмайсан.

— Кўп алжийверма. Ёлғон-яшиқ гафларинг билан жонимга тегиб кетдинг.

— Узинг-ку жонимга тегиб кетган. Кўнглимга зигирмойидан баттар ургансан. Тезроқ ўла қолсанг нима қиласкин-а. Сендан қутулиб қўя қолардим.

— Ўлсам, ҳали кўз ёши ҳам қиласан, ойимқиз.

— Нима, йигласам, сенга ачинганимдан йиглармидим?

— Бу гапинг ҳам тўғри,— деб унинг фикрига қўшилар экан кампир Миронихани тўхтатди, худо кўрсатмасин, тагин бир шаккоклик қилиб қўймасин деб ўйлади кампир. Миронихага бас келаман, десанг гуноҳга ботишинг ҳам ҳеч гап эмас, нима деганини ўзи ҳам билмайди. Ёшлигида ҳам ҳеч кимга гап бермасди, ҳозир ҳам тили тўқмоқдай, оғзидан боди кириб, шоди чиқади.

Мирониха кейинги йиллардагина сал қуайилиб, босган ундан бўлиб қолди, бўлмаса жуда шаддод эди, төкканга тегиб, тегмаганга кесак отарди. Гарчи у оёғидан зорланниб юрса ҳам, ҳозир ҳам шундай елиб-югурадики, ёшлар кетидан йўртиб юрса ҳам; унга етиб оладими-йўқми, буниси номаълум ҳали. У иш деган жойда ўзини томдан ташларди-ю, ҳарқалай ўзини асраб қолганди, ишга ўзини олдириб қўймаганди. Кампир билан уни тенглаштириб бўлмасди: Мирониха дум-думалоқ, эпчил-чаққон эди, энг муҳими оёқдан қолғани йўқ. Қаёққа боргиси келса, ўша ёққа пилдиллаб кетаверарди. Калта, қора қўллари ҳамиша олдида ҳар ишга ҳозири нозир бўлиб туарди, юзлари ҳам қора, кенг эди, овози бўғиқ, аммо бошқа одам шунчалик гапирса, аллақачон овоздан айриларди, Мирониханинг эса овози фақат мана шундай сал бўгилиб қолган. У кампирдан бор-йўғи тўрт ёш кичик эди, аммо афтидан анча ёш кўринарди.

Мирониха келгандан кейин кампир анча жонланиб қолди: кўзлари равшанлашиб, сўниб қолган кўз қора-чиғлари анча билиниб қолди, юзида ҳам қизиқиш ифодаси пайдо бўлди, Мирониха бир гап топиб келгандир, у нимани гапириб бераркин? Кўришмаганларига ҳам анча бўлиб қолди, ҳаёт эса олдинга қараб тўхтамасдан кетаверди, ҳаёт шундай бепоёнки, бир текисда улашилган. Ўтган йилгача ҳам кампирнинг тумбочкаси устида радио туарди, кампир радионинг қоп-қора, тугмага ўхшаган ғилдиракчасини ўзи айлантиради; бир ерида ашула айтишса, бир ерида йиглашарди, учинчи ерида эса бегона бир тилда ғўлдиради, тўртинчи ерида бўлса, бизнекига ҳам, анавинга ҳам ўхшамаган тилда гапиришарди, тилига сира тушунмайсан, булар эса вайсагани-вайсаган. Кампир қадимий ашуласарни яхши кўради, шунинг учун у бирга эшитиш ниятида тез айтиб кел, деб Нинкани Мирониханикига юборарди, аммо эски ашуласарни камдан-кам айтишарди, кўпроқ нималарни дир тингиллатишарди. Қадимий, чўзиб айтиладиган ашуласарни эшитганда кампир қанот чиқарип ҳавога кўтарилгандай,

кенг, равон доира олиб учиб юргандай бўларди, ўзининг ва ҳамон ором тополмаган одамлар тақдиридан ташвишланиб, кўз ёши қилиб оларди. Ана шундан кейин кампир ўлса ҳам майли, деб сира ғам емасди. Унинг назарида бу ашуалалар тобутни ерга қўйиб келишгач, марҳумнинг жанозасида айтилаётгандай туюларди, шундан кейин кампир ўзича ўшаларга қўшилиб ашула айтар, озод бўлган руҳни кузатиб қўяр әди, марҳумни нариги дунёда ҳам мана шунаقا эски ашуалалар билан кутиб олишади, деб астойдил ишонарди.

Ўтган йили радио бузилиб қолди, энди кампирнинг ягона эрмаги Мирониха билан гаплашиш әди.

— Нега кўпдан бери дарагинг йўқ-а? — деб гина қилди кампир унга.— Мен, бориб қара-чи, қаердайикин, деб эрталаб Варварани ҳам юбордим. Сен, шамол бўлсанг, қаёқларда изгиб юрибсан. Ўйингда қачон бўласан ўзи? Қани энди худо тезроқ оёғингни олсайди-я.

— Мен шундоқ ҳам оёқдан қоляпман, кампиршо,— Мирониха каравотни қимирлатиб, нақ кампирнинг юзига энгашиб деди.— Мана, ҳозир ёнингда ўтирибману оёқларим қақшаб кетяпти. Неча кундан бери оёғим тиним билмайди; сигиримни қидириб юрибман. Сигирим йўқолиб қолди, уйга қайтиб келмаяпти.

— Э, шунаقا де! Мен ҳам эрталаб шунча қулоқ солдиму аммо овозини эшитмадим. Хайр, сигиринг қаерда экан?

— Қаердалигини билганимда сенга айтардим-да, кампиршо, билолмай гарангман. Ҳаммаёни қараб чиқдим, ҳаром ўлгурдан дарак йўқ, энди бошим қотиб юрибман, ахир адашиб қолиши биринчи марта эмас-ку, аммо кўнглим жуда безовта-да. Айиқ Голубевнинг бузогини бўғизлаб кетибди, эшитмадингми?

— Ҳеч нимани эшитганим йўқ,— деди кампир шоша-пиша ва қимирлаб, хаста овозини кўтарди.— Эшитдингми-йўқми, деб нега мендан сўрайсан? Мен қаёқдан эшитай, ким менга айтарди? Айиқ Голубевнинг бузогини бўғизлабди дейсанми?

Ана, Мирониха шунаقا-да: кўнглингни муз-муз қилиб юборадиган бунақа хабарни ундан бошқа ким ҳам олиб келади, ахир? Кампир унинг йўлига беҳуда кўз тутмади; у Мирониха бир гап топиб келишини биларди. Кампир Миронихага шунақсанги диққат билан тикилиб қарадики, гўё Мирониханинг ўзи айиқни Голубевнинг бузогига гиж-гижлагандай әди-ю, ҳозир у буни қандай қилганини айтиб берадигандай әди.

— Бўғизлаб кетди, бўғизлаб кетди,— деб тасдиқлади Мирониха,— Голубев ғунажинни келгуси йил сигир қилиб олишни мўлжаллаб юрувди, сигири қариб, сутдан қолганди. Мана, айиқ бўғизлади кетди. Утган куни Генка ўнбоши ўрмондан келаётib қараса, ўтлар қип-қизил эмиш, шундоқ янчидан ташланганмиш, у ёқ-бу ёқни қарабди, қараса бузоқ буталар ичида, шундоқ Генканинг ёнида ётганмиш, устига хазон уюми йигиб қўйилганмиш, у айиқ бузоқ қонини сўриб ичгану ўзини сасигани қолдириб кетган-да, сасиган гўштни жон-дилдан яхши кўради. Генка кўрибди-ю, оёғини қўлига олиб бу ёқиа зингиллабди. Ўзиям уйига учиб келибди-да,— Мирониха яна кампирга энгашиб, овозини ўзгартирди.— Айтишларича, Генканинг хотини эри ўрмонга кийиб кетган иштонни кеча куни билан дарёда ювганмиш, бугун ҳам чайиб ётганмиш, дарё этагидаги хотинлар энди сув олгани шу бизнинг қирғоққа келишаётганмиш.

— Сен кулма,— деб уни айблади кампир.— Агар ҳозир ўзинг тўқимаган бўлсанг, ундан кулиб нима қиласан. Бошингга тушса, кўрадик ўзинг нима бўлардинг.

— Мен бўлсам, жойимдан бир қарич ҳам нари жил масдим. То айиқ яна қайтиб келгунча, жойимда қимирламай ўтираверардим. У бузоққа ёпишарди, мен эса унга ўшқириб,— сен, гўрсўхта, мунча Голубевнинг молига кўз олайтирмасанг, деб роса таъзирини берардим. Айиқ менга ташланишини хаёлига ҳам келтирмасди, мени ажал қуввлаб келибди деб ўйларди. Шундай юрагини ёрадимики, ҳеч қанақа урғочи айиқ ҳам тозалаб ололмасди.

— Сенинг чўпчакларингни эшитавериб, қулоқларим аллақачон битиб кетган. Нега сен одамларга ўхшаб тўғри гапирмайсан-а? Айиқ бузоқни қаерда, қайси ерда бўғизлабди?

— Сен, кампиршо, гапиргани ўзинг қўймаяпсан-ку. Гапимни бўлмасанг, ҳалигача ўн марта айтган бўлардим. Қуий дарёдан тоққа бурилиб кетадиган жой эсингдами?

— Нега энди эсимдан чиқар экан? Ҳа, мен ҳали эсимни еб қўйганимча йўқ.

— Айиқ бузоққа ўша ерда, шундоқ қишлоқ ёнида дуч келиб қолибди. Яқинда айиқлар қишлоққа ҳам тушиб келишади. Ҳозир тайгада овқат қолгани йўқ, ўлдирсанг ҳам уни инига ҳайдаб юборолмайсан. Ана шунинг учун қишлоқ атрофида изғиб юради-да.

— Юради, юради,— деди кампир бош иргаб.— Нимасини айтасан, юради.

— Мен бу ҳаром ўлгурни қаердан қидиришимни ҳам билмайман. Нима бало, бир ойгача оёқдан қолиб қидирсин деб ўйлаяптими. Шундоқ ҳам қидиравериб адойи таомм бўлдим. Тирикми-ўликми, билмайман... Мужиклар тогнинг нарёғида бирорвонинг иккита сигири юрибди дейишяпти, тогнинг у ёғига ўтишга оёқ борми менда. Шу жуссамга яраша оёқларим ҳам эпчил-чаққон бўлганида эди, ғизиллаб бориб кўриб келардиму бу савил қолгуруларга ишонолмайман, нари борсам, тоққача бораман, кейин яна қайтиб келавераман-да.

— Сен, ойимқиз, тоф ортига ўтма. Ўша ерда қолиб кетасан, кейин мен сенсиз нима қиласман?

— Ҳа, мени сендан бошқа ғамим ҳам йўқ ўзи,— деди Мирониха бўш келмай.— Мен унга сигирдан гапирсан, у нуқул ўзини гапиради.

— Сигиринг энди юз қиласанг ҳам барибир сут бермайди.

— Э, сутини ўйлаб қайғуряпманми, кампиршо. Мен сигиримни бир кўрсам бўлди, армоним йўқ, ҳеч бўлмаса уни айиқ еб кетмаганини билардим. Кейин бўлса, истаганича юравермайдими.

— Вой, ойимқиз-эй, ойимқиз-эй. Шу сигир ҳам бoshingга бир бало бўлди-да, мен бўлсанм үлсанм ҳам бунақа сигирни сақламасдим, ўзимни қийнамасдим, жонимни ҳалак этмасдим. Сен ундан ташвишдан бошқа нима кўрдинг? Пичан ўришга одам ёллайсан, олиб келишга одам ёллайсан, қишида хашак етмайди — сотиб олиш керак. Хўш, бундан ташқари ҳам ташвишларим озми? Мана шунинг учун эртадан қора кечгача юрганинг-юргурган. Нима, бир этак боланг бормиди, овқат-овқат дейдиган. Эй худойим-эй, агар сенга сут керак бўлса, Надимизнинг олдига келавермайсанми, у сенга ҳар куни бир банка қуиб бермайдими, ахир ундан ортиқ ичмайсан-ку. Анави савил қолгурингни сотиб, оёғингни узатиб маза қилиб ётмайсанми, ахир сотсанг, пул ҳам беришади-ку. Агар мен бўлсан, текинга бериб юборардиму кетидан бунақа азоб чекиб ўтирасдим.

— Во-о-ой,— деди заҳархандалик билан жавраб Мирониха.— Анавини қаранглар-а. Сигирни сотармишу пул олмасмиш-а. Ўзинг ҳам ғалатисан-да, сен, кампиршо, эсимни танибманки шу сигир билан келяпман, ундан қандай қилиб жудо бўлай ахир? Кейин мени ўлди деявер. Менга унинг сути ҳам керак эмас, фақат қўрада мўъраб турса бўлди. Менга нима жин урибдики, битта сигирни эшлолмасам?

— Э, ўша сигириинг билан қўшмозор бўл, менга нима.

Улар бу гапни биринчи марта сўзлаётган эмасдилар, шунинг учун кампир ичиди Мирониханинг гапига қўшилди: кимки сигирга ўрганган бўлса, у шусиз туролмайди. Иннайкейин сигирсиз хотин хотинми? Кампирнинг ўзи ҳам сўнгти пайтларгача, қилтиллаб юрган кезларида ҳам мол-ҳолга қарапади, то әнди соғманг демагунларича челакка ёпишарди, шунинг учун у Мирониха билан ҳам азбаройи хафа бўлганидан, деярли рашк қилаётгани туфайлигина баҳслашарди: мана, Мирониха молга қарайди-ю, ўзи эса йўқ. Агар Мирониха сигиридан қутулса, иккалови ҳам истаса-истамаса бир аҳволга тушишарди, шунда кампир ҳам енгил тортади. Кампир ўзининг нотавонлигига тан бериб қўйган, аммо ана шу аҳволида ҳам унга ўртоқ керак, керак бўлгандаям ана-қа-бунақаси әмас, бир умр қадрдан бўлиб келган жудди мана шу Мирониха керак.

Кампир Миронихага ҳеч нима демай, туриб ўтиришга уринди, әрталабкига қараганда қийналмасдан туриб ўтиреди, бу сафар у ўзига ишонган эди. Мирониха жойидан қимирилмади, ҳатто ёрдам бериш учун қўлини ҳам узатмади, ёрдам бераман деса, кампир уни жеркиб ташлашидан ҳам тоймаслигини биларди. Энди улар ёнма-ён ўтиришарди, кампир аввалгидан баттарроқ мункиллаб қолгандай эди: икки букилиб ўтирганидан кураклари чиқиб турар, ҳозир уларни силтаб учиб кетадиганга ўхшар эди. Мирониха ён томондан унга кўз қирини ташлади-ю, чидаб туромасдан деди:

— Тамом бўлиб қолибсан, кампиршо.

— Тамом бўлдим,— деди кампир ўзига қарамасдан, у адойи тамом бўлганини шундоқ ҳам биларди.

— Болаларинг-ку келишди, нима дейишяпти?

— Нима дейишарди? Мени кўргани келишди..

— Улар, чамаси, сени кўмгани келишди чоги, кампиршо.

— Кўмишади-да ахир, онлари бўлгандан кейин кўмишмайдими,— кампир гёё ташқаридаги бирор билан гаплашаётгандек кўзларини деразадан узмай Мирониханинг гапига хотиржамлик билан қўшилди.

— Индама! Нима, улар қачон худо сени жонингни олишини кутиб туришадими?

— Мени кутиб ўтириб ҳам нима қилишарди,— деди кампир қандайдир бошқача, тақдирига тан берган оҳангда ва Миронихага юзланди. Кампир ҳамон йиқилиб тушишдан қўрқиб, қўллари билан каравот четини маҳкам

ушларди.— Мен уларни тўхтатиб ўтирумайман. Уларнинг ҳам уйи, рўзғори бор, уларнинг ташвиши бир менми ахир. Нима, мен тушунмас эканманми. Танъчорани бир кўрсам дейман, Танъчора келиши билан мен ҳам йўл тадорикини кўраман. Мен осонгина жон бераман, ўзим сезяпман. Рози-ризолик тилашамизу кейин шундай кўзимни юмиб жон беравераман. Тирикми-йўқми, деб олдимга Варвара келади, қарасаки жон таслим қилганман, тапта-тайёрман. Кейин Варвара уларга айтади. Фақат Танъчорани бир кўрсам бўлгани. Негадир жуда ҳаяллаб кетди, бирон гап бўлмадимикин унга. Кечаки бугун кела-ди дейишганди — йўқ. Кейин эртага келади дейишди, яна дараги йўқ. Ўзимни қўйгани жой тополмаяпман, нима деб ўйлашимни ҳам билмайман.

— Сен, кампиршо, кўп ич-этингни еяверма, ҳали вақт бор, Танъчоранг келиб қолади. Бекорга қайгуриб нима қиласан?! Балки у ёқда самолёт учмайдигандир. Эндиғилар ҳаммаси самолётда юришади. Ўзимиэда-ку учяпти, эшитяпман, қизинг яшаётган ерда эса, балки, ҳаво ёмондир, балки унга самолёт етмагандир. Бу сен билан биз йўлни кесиб ўтамизу бир-бири мизникига кириб-чиқаверамиз, биронвиям кутмаймиз, у ёқдан эса, ўзинг биласан, йўл олис.

— Энди улар мени ортиқ кутишмайди,— деди яна кампир бошини чайқаб.— Йўқ, йўқ, кутишмайди. Бу дунёда ортиқ юролмайман. Яхши әмас. Мен шундоқ ҳам бир ўлиб, гўр оғзидан қайтган одамман. Болалар келишиди, худоям билди-ю, кимнингдир умридан менга жиндек қўшиб берди, болаларини кўрсин, сен билан охирги марта гаплашиб олсин деди. Энди жойи ростонимга кетишим керак. Яна бир амаллаб бир кунгина чидайман, вассалом, ҳозирлигимни кўраман. Вақт-соатим етди. Майли, расм-русмини қилиб болалар элтиб қўйишин, оналари учун йиғлашени, бекорга келиб-кетишмасин-да ахир. Нима бўлгандаям она-да — ачинишади. Эсимда, ойим ўлганда шундоқ ўкраб йиғлаганманки, асти қўявеврасан, ахир мен ҳам ёш эмасдим, ёшим анчага бориб қолганди. Бўлмаса-чи? Ҳеч қайсимиз дунёга устун бўлмаймиз, ҳаммамиз ҳам ўламиз, сен, Мирониха, ўлганимдан кейин уларга қарашиб юбор, мени ювишга ёрдам бер. Гарчи сен мени ёмон десанг ҳам, мен қанақасига ёмон бўларканман? Умрим ёмёнликни билмай ўтди.

— Сенга бир гапни айтиб ҳам бўлмайди.

— Гапиравер,— деди кампир ийиб.— Сира афсусла-наётганим йўқ. Нима, сен мендан жаҳли чиқди деб ўй-

лаяпсанми? Биз умримизда бир-бири мизга озмунча қаттиқ-қурум гап қилдикми, мана ҳеч нима бўлмагандаймиз. Энди бир ками сендан хафа бўлишим қолувдими, ойимқиз. Сен бўлмасанг мен нима қиласардим? Мен сени кечадан бери кутиб ётибман. Сен эртага ҳам кел, бирпас гаплашиб ўтирамиз. Қара-я, шунча йил яшабмиzu кўнгилдаги гапимизни бир-бири мизга айтиб адо қиломабмиз-а. Ўёқда ҳам сенсиз жуда зерикаман-да.

— Ким билади, кампиршо, эҳтимол сендан олдин ўларман.

— Гапини қара-ю! Мендан олдин ўлармиш-а. Сен жуда кўп гапирасану гапингни тутуруги йўқ-да. Нима бало, ҳозир сенга айтган гапларимни эшитмадингми? Ахир мен деворга гапираётганим йўқ-ку, сенга бор гапни айтдим. Сен мени чалғитма.

— Ҳалиям чалғитганим йўқ сени.

— Бўлмаса жим ўтири, мен билан тортишаверма.

— Энди, гап бундай,— Мирониха ўрнидан кўтарилиб кампирнинг устидан чўзилиб деразага қаради.— Мен, аммо, физиллаб бориб кўриб келай, анави ҳаром ўлгур балки келгандир. Кўраману изимга қайтаман, сен билан яна бирпас ўтираман. Ҳозирча ўзинг ўтира тур.

— Борсанг бора қол, йўлингни тўсмайман.

— Тағин кўнглингга бошқа гап келмасин, тез қайтаман,

— Бора қол, ойимқиз, кўп писанда қилаверма.

Кампир яна бир ўзи қолди, шу пайт уни ҳеч нимадан ҳеч нима йўқ бирров гам босди, кўнгли бузилиб кўзла-рига ёш келди, аммо ёшини оқиздирмай, гўё гуноҳдан фориг этувчи дуо ўқигандай дарров ўзини босиб олди, полда, кампирнинг шундоқ ёнида қуёш нури ўйнарди, кампир оёқларини ўша ерга тутди, нур оёқларнинг озгинлигидан қўрқмай, уларни силаб-сийпалаб, суюклини иситгач, меҳри товланиб, яна йиғлагиси келди, на-зарида у оёғидан эриб, чўкиб қолаётгандай эди. У дадилланиб, қўлларини каравотдан олди, уларни бўшатди ва бордию йиқилсам, офтобга йиқиламану унга ёпишиб оламан, кейин Мирониха келиб турғазади, деб ўйлади. Аммо у йиқилмади ва шу заҳоти йиқилиб тушишини ҳам унутиб, деразадан ташқарига қаради, ташқарида кун чарақлаб, тушга яқинлашиб қолганди, оқара бошлиган баланд осмон камон сингари эгилиб турарди. Уни қуёш мафтун қилиб қўйганди, аммо анави осмонда ча-рақлаб турган оловли шар әмас, балки ундан ерга тупшиб уни иситаётган нарса сеҳрлаб қўйганди, мана, икки кун-

дирки, кампир зўр бериб ана шу нарсадан иссиқлик ва ёруғликдан бошқа яна бир нимани қидирияпти-ю, ўша нарса нималигини эслолмаяпти, тополмаяпти. Кампир бундан ташвишланмади ҳам: очилиши лозим бўлган сир, бари бир очилади-да, мавриди келмагани учун ҳали-ҳозир, эҳтимол мумкин эмасдир. Кампир ўлаётib фақат-гина бу эмас, балки кўплаб бошқа сирларни — қайсики тириклик чоғида билиш мумкин бўлмаса-да, билиб оли-шига ишонарди; булар охир-оқибатда унга асрий сир-асорни — унга нима бўлганини, кейин нима бўлишини айтиб беради-да, ахир. У бу тўғрида фол очишга қўрқса-да, ҳарқалай кейинги йилларда қўёш, ер, ўт-ўланлар, қушлар, дараҳтлар, ёмғир ва қор — хулласи қалом ин-сон билан ёнма-ён яшаётган, унга шодлик бағишлиб, уни охиратга ҳам тайёрлайдиган, овунтириб, унга ёрдам бе-ришга ваъда этган ҳамма нарсалар ҳақида тез-тез ўйладидиган бўлиб қолган эди. Буларнинг ҳаммаси ўзи-дан кейин қолиши кампирни хотиржам қиласади: улар-нинг такрорланувчи, чорловчи овозларини эшиши учун бу дунёда яшаш шарт эмас, бу овозлар гўзалликни ва эътиқодни йўқотиб қўймаслик учун такрорланади, ҳаёт ва ўлимга бир хилда чорлаб туради.

Шоша-шиша Мирониха кириб келди ва каравотга, кампирнинг ёнига гурс этиб ўтириди, ташвишга тушиб қолган кампир деразадан кўзини узиб, эс-ҳушини йифди-да, Миронихани таниди. Мирониха қўл силтади, шундан кейингина кампир Мирониха сигирини, шу кетганича ҳанузгача қайтиб келмаган сигирини назарда тутаётганини эслади. Мирониханинг сигири қаердайкин, қайси очиқ мозорда қолиб кетдийкин? Кампир йўқотиб қўйган гапини топиб олиш ва суҳбатга шайланиш учун шу ҳақ-да ўйлади, Мирониха ўша гапни ҳозир давом эттиради, унга бирон нима деб жавоб бериш керак-ку, қаққайиб ўтиравермайди-ку ахир.

Мирониха:

— Мўрчаларинг, кампиршо, шундоқ урсиману гур-симан,— деб гап бошлади.

— Мўрча?— Кампир хәёлида мўрчани дарров ўз жойига қўйди-ю, аммо нега мўрча урсиману гурсиман бўлишини ҳадеганда англаб етолмади.

— Югуриб келаётувдим, мундоқ қарасам, мўрча гоҳ ундоқ, гоҳ бундоқ бўлиб қоляпти, гоҳ у ёнига, гоҳ бу ёнига айланяпти,— деди Мирониха қувлик қилиб.— Ни-ма, у ерда бирор турадими, бирон-бир испидиция кел-ганми?

— Қанақа испидиция бўлсин, ойимқиз, нималар деб алжираяпсан? У ерга болаларим киришгандир.

— Ҳаммасими?

— Нега ҳаммаси бўларкан? Люся әрталабданоқ тогга кетди. Варвара бўлса, қаёққадир қишлоғни айлангани жўнаб қолди. У ерда эркаклар—Илья билан Михаил бор.

— Кундузи ювинишнинг нима зарури бор экан уларга?— деди Мирониха мўрча тўғрисида гапни айлантириб.

— Ювиниш? Сен, ойимқиз, ёш болага ўхшайсан, худо урсин!— кампирнинг жаҳли чиқди.— Ювениб нима қилади, келишганига энди икки кун бўлди-ю. Ювинишга-ку ювинишмайди-я, аммо ичиб ўтиришибди. Томоқларини ювишяпти, ўша, томоқлари битиб қолибди, нон ўтмаётганмиш.

— Нима, вино ичишяптими?

— Йўқ, Надя уларга бир тогора сув иситиб берган, ўшандан стакан билан олиб ичишяпти, кўнглихушлик учун уриштириб ичишяпти. Шунчалик ширинки, хурсандликлари ичларига сифмаяпти. Сен билмайсанми ҳали: худойи таоло бандасига пул бергану шайтон—тешик. Мана шунинг учун худо берган пул шайтон берган тешикка қараб кетаверади.

— У ердагилар-ку сени болаларинг-а, кампиршо, аммо бир ўзлари эмас-да. Мен Степка Харчевниковнинг овозини ҳам эшитгандай бўлдим.

— Степка Харчевниковни?

— Ўшанинг овози эди шекилли.

— Э, буни нимасига ажабланасан, ойимқиз?! Степка бирон жойдан қуруқ қолганмиди? Аммо у ҳам отиб туради шекилли?

— Ҳа, шунақа, кампиршо. Ҳозир отмайдигани камдан-кам топилади.

— Ҳа, кам, кам. Қачон қарамайин, ҳаммаси кўчада гажак бўлиб юришади. Бу ёруғ оламда нималар бўляпти ўзи-а, ойимқиз? Нега шунчалик ичишаркин-а? Уларни нима мажбур қиласкин? Улар ўзларини ҳалок қилишяпти холос, бошқа гап йўқ, хотин-қизлар-чи, хотин-қизлар ҳам эркакларга эргашяпти, худони берган куни ичишади. Нима, илгари замонларда шунақа бўлармиди?

— Қўйсанг-чи, илгариги замонни гапириб нима қиласиз?

— Эсингдами, Данила тегирмончи ичарди, шунинг учун уни одам қаторига қўшишмасди. Ароқхўр эди, вассалом. Данила — ароқхўр деб аташарди. Ахир у бир ўзи

ичарди-да, бошқа ҳеч ким. Ҳозир бўлса бутун қишлоқда фақат Голубев ичмайди, энди уни ичмайди, деб ҳеч ким одам ҳисобламайди, устидан кулишади.

— Ҳа, кампиршо, шундай. Агар бир-икки марта қиёй-қистовга олишганида-ку, қарабсанки, уни ғултиллатишдан одамларнинг ҳам ҳафсаласи пир бўларди-я. Ҳозир уларни ҳеч ким тергамайди, уларга жазо кўрмайди. Нимани исташса, шуни қилишяпти. Баъзиларнинг ҳа дейишга ҳоли йўқ-ку, нақ савдогарларга ўхшаб ичиб, айш-ишрат қилишади. Мана, шунинг учун қишлоқда тентишгани-тентишган, кекирдагига келмагунча ичишади. Ўзи оёқда туролмайди-ю, олиб кел деяверади, бари бир кам.

— Эй, йўқ, ойимқиз, мен радиуни эшишиб юрган пайтларимда,— деб кампир радио турган тумбочкини кўрсатди.— Ундаям ароқхўрларни қўшиқда азиз, тўрвада майиз қилишмайди, уларни мақташмайди, уриб чиқишиади.

— Ҳа, мақташса-мақташмаса уларга нима. Улар бунақа гап-сўзларгә қўл силтаб кетаверишади. Улар жуда қулоқ солиб ўтиришармиди? Уларга гапиришнинг ҳожати йўқ, улардан талаб қилиш керак, уларни тергаш керак, шунда бирон наф чиқиши мумкин. Ўзингникими, бирорникими, яхшими-ёмонми, ҳаммасини баравар тергаш керак, шундагина булар талтайиб кетишмайди.

— Гапинг тўғри, ойимқиз, тўғри. Бўлмаса юз қилганинг билан ҳам ҳеч иш чиқмайди.

— Мен ҳам сенга шуни айтяпман-да.

— Илгарилари гуноҳ деган нарсани билишарди, энди гуноҳ деган нарса эсларидан ҳам чиқиб кетган.

— Гуноҳни ҳам, кампиршо, унутишган, шарм-ҳаёни ҳам унутишган.

— Тўғри, шарм-ҳаёни ҳам унутишган.— Кампир айбситиб хўрсиниб қўйди-да, бир оз жим қолди...— Мана, менинг ўғлим ҳам шундай ичадики, қани энди, кўзим шуни кўрмаса. Эрталаб туради-ю, наридан-бери улфатларини йигади, кейин яна бошлашади. Кейин ҳеч нима кўрмаган одамлардай кулишади, кеча ким нима қилганини бир-бирига айтишади. Уларга бу.— кулги. Агар уларнинг ўрнида мен бўлсам, уятдан ерга кириб кетардим.

— Улар, кампиршо, уятдан кўра винодан ерга киришни афзал билишади.

— Ҳа, мен сенга бир гапни айтайми, ойимқиз. Сен осимга шарм-ҳаёни солдинг.— Кампир узоқ ўтмишдаги

ҳаётида юз берган воқеанинг таниш, бўғиқ акс-садоси бўлган хотираларини эсига тушириб олгунча кутиб турди.— Бу ҳў ўша очарчилик йили бўлган эди,— деб тушунтирди кампир.— Варвара ўшанда тевадай қиз эди, ёрдамлашарди, Илья ҳам каттагина эди: у ердан-бу ердан қорнини бир амаллаб тўйғизиб юрарди, мана, шукр, сөғ-саломат. Аммо Люся, худо кўрсатмасин, дардчил бўлиб ўси: қўл-оёқлари ингичка, худди чиллакдай, рангида қони йўқ, қараб туриб юрагинг туздай ачишиб кетарди, устига чўп бўлиб озиб кетаётганди. Унга қараш, парвариш қилиш керак эди, аммо нима билан? Ўша пайтларда Минъка чопқиллаб юрарди, Танъчора эса ҳали эмакларди. Ё йўлга кирганмиди — ҳарқалай эсимда йўқ, ҳаммаси овқат дейди, йиглайди, ахир уларни тўйдирин учун озмунча нарса керакми? Юрагим лахта-лахта-қон бўларди. Э, бу гапларни сенга айтиб нима қиласман, мен айтмасам ҳам ўзинг биласан, иккитасини суягини қотирдинг ахир.— Кампир ўз ҳикоясидан чекинди ва гапни бошقا ёққа бурди, кейин эсдан чиқарип қўймаслик учун:— Сеникилар борамиз дейишмаяптими?— деб сўради.

— Ҳеч нима ёзишмаяпти.

— Балки хат-хабар юбормасдан келишар?

— Билмайман, кампиршо. Ўлсам келишар.

— Мана шунинг учун сенга булар билан қийналиб кетдим деяпман-да, вой-бўй! Ўшанда отаси колхоздан ба-зага қандайдир юк таширди, уйда аҳён-аҳёнда бўларди. Урушда ҳалок бўлган Витя ўғлим районда курсда ўқирди, ундан ҳам ҳеч қанақа наф йўқ эди. Болалар билан бир ўзим эдим. Биттасини тинчитсанг, биттаси сурнайни чалади. Худди аксига олгандай ўша йили сигиримиз ҳам қочмай қолди, сут ҳам йўқ, сигирни сўйя десанг, одамни ичи ачиди, кейин қандоқ тирикчилик қиласми? Бир амаллаб сабр қилайлик, аммо кейин оғзимиз оқариб қолади, деб ўйладим. Зорькамиз колхозда эди. Зорька-миз эsingда борми — жуда яхши сигир эди-да, тўқол, ҳали-ҳали ичим ачиди. Колхозга кирмоқчи бўлганимизда колхознинг қўрасига отаси ўзи элтиб берувди, ўшанда роса йиглаб-сиқтадим-да! Ҳа, Зорька бўлса ҳовлимизни эсидан чиқармаган экан, нуқул уйга келарди, мен очарчилик вақтларида ҳам унга гоҳо ювинди бериб турардим, баъзан бир бурда нонга туз сепиб берардим. У ерда шунаقا парвариш қилишармиди, э, нимасини галирасан. Озмунча мол бормиди ахир. Шунинг учун очарчиликда ҳам нуқул ҳовлимизга келарди. У ерда кечқурун

согиб олишарди-ю, ҳайдаб юборишарди, устига яна чивин-чиркай таларди, мол ўзини у ёқдан-бу ёққа уради, бўкирарди-да, думини хода қилиб қочарди. Зоръка бўлса эшигимизга келарди-ю, мўърагани-мўъраган эди. Мен раҳмим келиб тўсиқни олардиму Зоръкани киритардим. Чиркайларни ҳайдаш учун тутатқи тутатардим, елинини ювардим, елини ифлос юришини ёқтиирмасди. Бир куни елинини илиқ сув билан ювдим, кейин қани қарай-чи, сути бормикин-йўқмикин деб тизиллатиб кўрдим. Кейин, ойимқиз, уни ҳар куни соға бошладим. Колхоз қўрасида чала соғишар экан. У ерда оқшом соғилганидан кейин мен ҳам яна бир банкача согиб олардим. Шу бир банкага ҳам хурсандман, болаларга бир ҳўплам-бир ҳўпламдан қўйиб бераману худога шукр қиласман. Бер-бер дегандан шукр қилган яхши-да.

Шу десанг, ойимқиз, бир куни яна Зоръкамизнинг, энди бизники ҳам эмас, колхозники, Зоръканинг тагида ўтириб эшикнинг тарақлаганини эшитиб қолдим. Мен сигирни қўрада соғардим, шунинг учун эшикни ёпиб қўярдим. Бошимни буриб қарасам — Люся. Кўзларини бақрайтириб менга қараб турибди. Кўзлари у ёқ-бұх ёғимдан тешиб ўтиб кетди-да. Ахир ақли кириб қолган қиз эди-да, Зоръка энди бизники эмаслигини биларди-да. Утирибману туришга юрак қани энди — қотиб қолдим. Э худоё худовандо, сени кўзинг қаёқда эди, биринчи марта шунаقا қилганимда нега жонимни ола қолмадинг, деб ўйладим. Шундай ўсал бўлдим, шундай ўсал бўлдим — қўлларим шалвиллаб осилди-қолди. Ана шундай қилиб, ойимқиз, гуноҳкор бўлдим-қолдим, анчагача Люсянинг кўзларига қараёлмай юрдим. Ҳозир ҳам эсида бормикин-йўқмикин деб ўйлайман. Назаримда эсидан чиқмагану ҳалиям мени айблаётгандек туюлади. Мен билан турмай кетиб қолгани ҳам балки шундандир.

— Алжира, кампиршо. Қаёқда эсида турари дейсан? У пайтда ҳали бола эди.

— Бола бўлса ҳам эс битта-ку. Ўрнашиб қолса, тамом.

— Хўш, эсидан чиқмаган бўлса нима бўйти? Нима сен Зоръканинг елинини ювиб юбраверсангу қизинг очидан ўлиб кетса яхши бўлармиди? Ўшанда озмунча бола ўлдими? Сен эса болаларингни асраб қолдинг.

— Очдан ўлса яхши бўлмасди, албатта, аммо бу ишим чакки эди-да. Испод, уни ювиб бўларканми, умрим бино бўлиб ўғирлик нималигини билмовдим, бу эса ўғирликдан ҳам баттар бўлди.

— Бетимнинг қаттиқлиги, кампиршо, жонимнинг ҳузыри. Бўлди энди. Ҳадеб шуни вайсайверма — зап ғапни топибсан-да ўзинг ҳам.

Кампир итоаткорлик билан жим бўлди, ҳаяжонини босди ва ҳорғинлик билан каравотга ёнбошлади, бошини ёстиққа қўйди, ётиб олгандан кейин оғини йигиштириди. Мирониха унга яқинроқ сурилиб, яна деразадан қаради.

— Кўринмаяптими? — сўради кампир.

— Кўринмаяпти. Агар келса, бу ҳаром ўлгурнинг суякларини майдა-майдан қиласман. Нима, у мени жоним тошдан деб ўйлаяптими?

— Сен уни, ойимқиз, келмай туриб ўтакасини ёрмагин-да. Балки сендан қўрққанидан ҳам келмаётгандир.

— Мен бу сабил қолгурга қўрқиши кўрсатиб қўяман. Ўрмонда айиқдан қўрқмас экану мендан қўрқармишми. Агар шу сафар ҳам айиқ еб кетмаган бўлса, худонинг қайтиб бергани шу менга. Ўшани деб адойи та мом бўлдим, ўшани деб одам бўлмай қолдим.

Кампир Мирониханинг охирги сўзларига ёпишиб олди:

— Хўш, нега энди одам бўлмай қолдинг? Мени шунака деса бўлади, мана ётибман.

— Алжирама, кампиршо.

— Мана, сен ёнимда ўтирибсану кўчадан учиб кирганинг шундоққина кўриниб турибди. Мен бўлсам, мана қанчадан бери кўча бетини кўрганим йўқ. Шу бир жойда ётганим-ётган.— Кампир Миронихага қарамай, ўзи ва дугонаси ҳақида гапирди:— Сен билан биз узоқ яшадик, ойимқиз.

— Нега узоқ яшарканмиз?

— Шунча яшашимизнинг нима кераги бор эди? Аввалроқ ўлганимизда жуда яхши бўларди. Сен ҳозир сиғирингни қидириб юрмасдинг, мен эса манави ерда ётмасдим, ишқилиб, Мирониха кетиб қолмасин-да, яна зерикиб ўламан деб ўйламасдим ҳам. Сени менга худонинг ўзи етказди, Мирониха. Ҳа, ҳа. Сен бўлмасанг қандай кун кўрардим-а?

Кампир кўзини юмди, ўз гапини ҳам, Мирониханинг гапини ҳам маъқуллаб бош иргаб қўйди. Кампирнинг кўзлари очилмади, у оламдаги барча нарсани унтиб, ўзи билан ўзи бўлиб қолди, у ё уйқуга, ё пинакка кетганга ўҳшаб, дардни даф этувчи ором қўйнида эди, ё ором олиб мудраётганди. Мирониха уни пойлаб ёнида ўтирас, қани энди мен ҳам кампир билан бирга ўлақолсам,

орқасида қолмасам, жуда яхши бўларди-да, деб ўйларди. Мирониха яна анча — то Варвара келгунича кампирнинг ёнида ўтирди.

## 8

— Айтиб бер, Степан, қайнонангни қандай алдаганингни айтиб бер,— деб Михаил баланд бўйли, сариқ музик Степан Харчевниковни авради. У ҳаммомда Михаил ва Илья билан ичишиб, улфатчилик қилиб ўтирган эди.— Ильяга айтиб бер, у эшитгани йўқ.— Михаил бошини туширди, кулгидан афти буришиб кетди.— Ҳа, Степан, бошла.

Степан туфайли янги шиша очишиди. Газак масаласи энди осон эди. Михаил энди на шайтону на хотинидан қўрқардй, у уйга икки марта бориб келди, ҳатто шўрва ҳам келтирди, энди бу шўрвани қошиқсиз кастрюлка четидан ҳўплаб ичишарди. У Нинка ун ичига яшириб қўйган шишаларни ҳам олиб келди ва уларни ўтин тахлагандай печка ичига териб қўйди, ароқни печка ичидан қидириш кимнинг ҳам хаёлига көлади дейсиз, яшикни эса остига қўйиб ўтириб олди. У ҳамон оёқ яланг эди, у муҳим иш туфайли пойафзалини кийишни ҳам унутиб қўйганди, шунинг учун ҳозир оёқларини кечаси Илья ёпган кўрпа остига тиққан эди. Ҳозир косагуллик қилишни қўлига Илья олиб, даврага бош-қош бўлиб ўтиради.

— Бўла қол, Степан, айтиб бер,— деб қистади Михаил.

— Мен Илья келибди дейишганини эшитиб қолдим,— деди Степан, гарчи у Илья билан ичишга улгурган бўлса ҳам, келганига важ топиб,— Ильяни бир кўриб қўйай деб ўйладим. Тенгқурмиз ахир, қишлоқ кўчаларини чангитиб, тўполон қилиб юрағдик.— Степан Ильяни кўрмасам сира бўлмайди дегандек қўлларини ёзиб юборди. Унинг овози дағал, зўрга чиқаётганидан у айтмоқчи бўлган гапларини қўл ҳаракатлари билан ҳам тушунтиради.— Шунинг учун келавердим, аммо ўтиб кетишимга сал қолди. Мен ахир, тўғри уйга ўтиб кетаётувдим-да, ҳаммомга қарамовдим. Нодон одаммизда, сўнгти дақиқада қани бир қарай-чи, бу ерда қанақа йигин әкан, деб ўйлаб қолдим.

— Келиб жуда тўғри қилибсан,— деб унинг гапини маъқуллади Илья.— Бизни, ўзинг биласан, ойимиз ётибди, уни ташлаб кетолмайсан. Шунинг учун ойимизга

бирон кор-жол бўлса ёнида бўлайлик деб шу ерга жойлашиб олдик.

— Бу, сен Степан, жуда тўгри қилгансан,— деб унинг гапини тасдиқлади Михайл.— Ичувдик, яна ичамиз. Сен ғам ема, ичадиган нарсамиз бор, ана, печка тўла. Ҳаммаси мана шунаقا оқ, зўр.

— Аммо сенга шуниси ҳам етарли,— деди Степан Михайлни гапидан илинтириб изза қиласкан.— Кайфинг ошиб қолмасин яна.

— Йўқ, Степан, нега унаقا дейсан? Сен келдинг, сени меҳмон сифатида кутиб олдим. Сен акам Ильянинг ўртоғисан, менга ҳам ўртоқдайсан, бир қишлоқда турамиз. Сен билан сира уришганимиз йўқ, сирайм, аксинча, ҳатто бирга ичганмиз. Сен бўлсанг, менга ўринсиз гап қиляпсан. Гёё мен фирт мастман. Йўқ, Степан, мен ҳали ичаман, меъёrimни биламан. Хоҳласам, меъеридаи ҳам ортиқ ичавераман, нега ичмасканман? Мана, сизлар учрашдинглар, сизлар билан ўтиришга, гаплашишга мен ҳам қизиқаман-да, сен бўлсанг, мени ётқизиб, алала-моқчи бўляпсан. Гёё мен ўтира олмайдигандай.

— Э, ўтиравер, ўтиравер. Бу ерда хўжайин — сен, қанақасига мен сенга бир нима дейман?

— Сен, Степан, қайнонангни қандай боплаганингни айтиб берсанг, яхши бўларди,— деб Михайл яна эслаб қолди.— Яъни масалан, сен, қайнонанг Лизавета холани қандай алдаганингни айт.

— Э, нимасини айтасан! Деярли қишлоқнинг ҳаммаси билади.

— Қишлоқ билса билар, аммо акам Илья билмайди. У шаҳардан келди, ўнга айтиб бер.

— Айтсам айтавераман-да, тилимга тирсак чиқармиди,— Степан гўё малол келиб, истар-истамас рози бўлгандай ва кутилмаганда Ильяга қараб хушчақчақлик билан кўз қисиб қўйди:— Агар шунаقا бўлса, қулоқ сол, Илья.

— Қулоғим сенда, қулоғим сенда, ҳа.

— Айтишга арзигулик жойи ҳам йўқ. Еилмайман, одамларга бунинг нимаси қизиқ экан. Оддий бир воқеада, рўзғор бўлгандан кейин шунаقا гаплар бўлмайди. дейсанми. Бу воқса ёзда бўлган эди. Бир куни Генка Суслов билан мана шунаقا ичдик, аммо ҳаммомда эмас, йўқ, ўнинг полизида, хотини уни картошкани чопгани юборган экан. Биз бўлсак, уватга ўтириб олдигу чопиқни бошладик. Шишани мен олиб боргандим, қишида ундан пичан олувдим, қарзим бор эди. Мен пул олиб борсам,

бари бир олмайди, яхписи, иккита яримталик ола қолай деб ўйладим. Олиб бордим, уйидагилар, Генка полизда, дейишди. Полизда бўлса полизда-да, менга нима фарқи бор. Уша ёққа бордим. Генка яримталикларни кўрди-ю, чопқининг солини ерга санчди. Шишаларни нима мақсадда олиб борганимни дарров тушунди. Албатта-да, картошка чопган яхшими ё ичган?— Степан қўлларини керди-да, биз бу масала устида ўйлаб ўтирумадик ҳам дегандек силтади. У дарров берилиб, ҳузур қилиб гапира бошлади.— Хўшки бўлса ўтиридик. Қўшнининг ўғилчасини стаканга юбордик, Генка пуштадан бодринг тугунчакларидан узиб чўнтағига солди, кейин яна борди — хуллас,— ҳамма нарса бор. Ўтирибмизу стакан коптокдай қўлдан-қўлга бориб келяпти. Нодон одамлармиз-да. Но-дон одамлармизу аммо мазза қилиб ўтирибмиз. Мен-ку уйдан астойдил ичаман деб чиққанман-а,— аммо Генка, тўғри, картошка чопаман деб келган, унинг мақсади бошқа эди. Хайр, майли, картошка қочмайди. Шишага зўр бердик, Генка бўлса: «Мен ҳозир яна озгина чопиб қўяй, эртага хотин яна гумонсираб юрмасин, кейин қишлоққа кетамиз», деди. Хўп, бўпти, чопавер, мен томоша қиласман, дедим. У менга яна: «Сен ўтиргандан кўра яхписи, янтоқларни уватга олиб чиқ, тез қутула-миз», деди, мен ўрнимдан туриб қарасам, янтоқни картошкадан ажратолмай қолиби. Ҳаммасини ёппасига илдизи билан чопиб кетяпти-да. Мен унга: «Бу ишинг учун хотининг эртага сочингни битталаб юлиб олади», дедим. Ҳарқалай гапимга кирди. «Юр, қишлоққа кетамиз, кечқурун, иссиқ пасайгандан кейин чопаман», деди, кейин кетдик, чўнтағимда ҳали пулдан бор эди.— Степан гапини йўқотиб қўйған одамдек бир оз чайналди-да, ҳузурланиб деди:— Ҳар ҳолда, кейин нима бўлганимиз эсимда йўқ.

— Шунақасиям бўлади,— деб бошини силкитиб тасдиқлади Михаил курсанд бўлиб куларкан.— Бу ўзи шунақа иш. Сен, у ёгини, кейин ҳима бўлганини айт. Сен, Илья, бу ёгини эшиш.

— Кейин нима бўларди! Нима бўлгани маълум, худди атом бомбаси тушгандан кейин турган одамдай уйгондим, ҳали кўзимни очганим йўғу ичимда бу қанақа қун, биз Генка билан картошка чопган уша кунми ё бошқа кунми, қаерда ётибман, уйдами ё бошқа жойдами деб ўйлаяпман. Ҳай, майли. Секин кўзимни очдим, хотиним ёнимда ётибди. Уни дарров танидим. Бошқа каравотда болалар — улар ҳам меники. Нариги бурчакдан қайно-

нам еб қўйгудек бўлиб қараб турибди-да. У ёқ-бу ёққа қарадиму аммо турмасам бўлмайди, деб ўйладим. Шу қимирлашимни биламан, қайнонам печка устидан худди мушукдай сакраб тушди. Мен унга сира эътибор бермай ўрнимдан тура бошладим, нима мақсадда у мендан олдин турганини мен кейин фаҳмлаб қолдим. Бу мараз, менга бир ёмонлик қилмаса куни ўтмайди, биз икковимиз ўртамиизда ўша биринчи кундан бошлаб партизанлар уруши кетади. Агар ўзига қўйиб қўйсам-ку аллақачон бошимни болта билан чопиб ташларди-ю, ғам ҳам емасди. Жуда жоҳил-да.

Ўрнимдан турдиму қани, бориб билай-чи, кечадан бери ҳоли нима кечдийкин, деб Генканикига кетдим. Генканинг хотини мени дарвоза олдида кутиб олди-ю, Генка йўқ, деди. Билиб турибманки, хотини ёлғон гапираётиди, менинг қайтиб кетишимни кутиб турибди. Ҳа, ўша Генканг билан қўшмозор бўл, менга нима! Ўзига қийин. У «бошогриги»га сени ютармиди, буни тушуниш керакда, дедим.

— Сен унга жудям тўғри айтибсан, Степан,— деди Михайл ҳайрон бўлиб.— Жуда тўғри. Яшавор...

— Кейин Петъя Сорокиннинг ҳам олдига кирдим, у ўзини умрида ичмаганликка солди. «Йўқ,— деди,— пул ҳам йўқ». Гёё мен унга бермагандай. Ҳарқалай уйга қайтишга тўғри келди. Ўзим эса ертўланинг қаеридадир самогон борлигини биламан. Хотин бўлса ишда, уйда ёлғиз қайнонам қолган. Уйга келдим, қарасам, ўзим ўйлагандай: қайнонам йўлни тўсиб эшик олдига курси қўйибди, курсига эса чархни қўйиб, бир қоп бўлиб иш йигиряпти. Қаёққа киришимни қайнонам мендан олдинроқ пайҳаган экан. У фақат менга ёмонлик қилиш учун бу дунёда юрибди-да, бундан бошқа қиласидиган иши йўқ буни. Хўп, майли, барибир ўрнингдан қўзгаласан-ку ахир, ишилиб ертўлага кириб олсан бўлгани, кейин мени у ердан кўтарма кран билан ҳам олиб чиқолмайсан, дедим ичимда. Ўзим бўлсан, ҳеч қандай иложи йўқ одамдай қилиб кўрсатдим ўзимни, у қувлик қилса, мен ҳам қувлик қилдим. Қўчага чиқиб кутиб турдим. Қанча кутиш мумкин, ахир? Бошим бўлса тарс ёрилай деяпти. Қани, қачонгача жигимга тегаркинсан, деб ўйладим. Бир разведка қилдим — қоққан қозиқдай ўтирибди. Мен унга мулойимлик билан: «Ҳаш, қайнонажон, ахир бу йигирганингиз-йигирган, чарчаб ҳам қолгандирсиз, бирон ерга бориб айланиб дамнингизни олсангиз-чи»,— дедим. У бўлса аввалгидай қўполлик қилиб: «Менга шу ер ҳам

яхши», — деди. Ичимда, ҳани энди башарангга тортиб юборсам, бундан ҳам яхши бўларди-я, дедим. Нимаям қилардинг уни энди? Шу ерда ўлса ўладики, кетмайди, бу аниқ. Чарх-пархи билан кўтариб, бошқа жойга олиб бориб қўйай десам, шундай дод-вой қиладики, худди мен уни сўймоқчидай, ўзинг ҳам чидолмайсан, борди-ю, бирон ерига қаттиқроқ тегиб кетсанг, жавобгар ҳам бўласан. Бўпти, ўтиравер, қимириламай ўтиравер, сен шунаقا ўлаксасан, дедим ичимда, — Степан зардаси қайнаб олачиш бармоги билан полга қараб пўписа қилди. — Шу ночор аҳволга тушиб қолганимни пайқаганимдан кейин бирдан эсимга келиб қолди. Э, бу нотўғри, мен ҳам анои әмасман дедим. Бир ҳами менга сиёсатини ўтказиши қолувдими дедим. Мен саройдан белни олдим-да, Иванниги бордим. Бизни уйимиз бараксимон, ўзинг биласан, ярмида мен тураман, иккинчи ярмида Иван. Ертўламиз ҳам шунаقا, менинг ертўламни орқаси уники, ўртадаги девори юпқа, омонат, сал маҳкамроқ бўлсин деб ўтган йили тахта ҳам қоқиб қўйувдим, бўлмаса бутунлай нураб кетувди. Хўшки бўлса, Иванникига бордим дегин, шу томондан деворни кўриб қўйай деб баҳона қилдиму ертўласига тушдим. У ер нима — икки марта бел урувдим, очилди-қўйди. Шу ердан ўзимизнинг ертўламизга ўтдим, худди шу ерда тургандайман. У ёқ-бу ёғимни қоқиб, атрофга қарадим, қарасам, дорили банка турибди. Газаги ҳам бор, менга тагин нима керак? Қулоқ солсам, қайнонам пишиллаб ўтирибди. Ичимда, ўтиравер, ўтиравер, мана ҳозир жуда бакор келдинг, лоақал бирорни бу ёққа қиритмайсан-ку, дедим. Шунинг учун шошилмадим ҳам. — Степан курсанд бўлиб, нима дейишаркин дегандек кўзини қисди. — Кейин шу ертўлада ўтириб «Водийлардан, адирлардан...» деб ашуулани бошлаб қолдим-ку, шу, қайнонам ақлдан озишига сал қолди-да. Шу дегин, учди-қўнди, йўқ бўлди-қолди. Фақат чархнинг тарақлаганини эшитиб қолдим.

Илья синчковлик билан Степанга тикилиб қааркан, кулиб юборди, кейин у дарров Степанинг галига ишона қолмаганидан әмас, балки ўзи ҳам, Степан ҳам ҳузур қилиши, Степанинг ертўлага ўтишидек ажаб манзарани дарров кўз олдидан кетказмаслик учун сўради:

— Ўша ерда ичдингми?

— Ўша ерда, ўша ерда,— деди Михаил мамнун бўлиб Степанинг ўрнига, бу воқеа Ильяга ёқиб қолгани-

дан суюниб.— У, демак, юқорида пойлаб ўтираверган, бу эса пастда, чувалчангга ўхшаб бир ертўладан иккинчисига ўтган. Кейин мириққан. Бу шунаقا иш ўзи. Мана шунинг учун ҳам Степани ҳатто жуда ҳурмат қиламан-да.

— Унда нега ашула айтдинг?

— Шундай, ўзим.— Мугамбirona кулгидан Степанинг оғзи қулоғига етди.— Бир маза қилай дедим-да. Ахир у, оёғи гўр лабига етиб қолган бўлсаям, ертўлада айтилган ашулани әшиитмаган-да. Нодон одам.

— Сизлар бу ерда бўш келмайсизлар,— таажжублан-ниб, ҳаваси келиб бошини чайқади Илья ва яна кулиб юборди.— Ҳа, бўш келмайсизлар.

— Ахир, бир бало қилиб яшаш керак-да. Мана, мана шунаقا қилиб яшаемиз. Турмушимиз ранг-баранг бўлсин деймиз-да.

— Кейин, ертўладан чиққанингдан кейин қайнонанг нима деди сенга?— деб суроштириди Илья.

— Кейин менга нима дерди? Кейин нима деса деявермайдими?

— Хотининг ҳам ҳеч нима демадими?

— Мен-чи, Илья, хотинимга қаттиқўлман, мен уни жудаям ўз майлига қўйиб қўймайман. Хотиним ўрганиб қолган, у уйқусида ҳам ўзининг хотин эканини, мен эса әркак эканимни эсидан чиқармайди. Эркак эркак-да, у бир погона баландда юриши керак.— Степан ҳамон ўз тапларига ўзи маҳлиё бўлиб, очилиб-сочилиб, узундан-узоқ гапирди.— Ёлғон гапириб нима қиласман, гоҳо-гоҳо у ҳам сасиди, албатта. Ҳа, сасиди, айниқса, ўзингдан қолар гап йўқ, мана шу ичкилик хусусида. Баъзан эрталаб нақ кўзимга тикилиб сасиб қолади, агар кўзим юмуқ бўлса, қулоғимга шангиллайди, шундай шангиллайди, шундай шангиллайдики, худди «қўлингни кўтар!» дегандай бўлади. Ҳа, энди мен ҳам бу хусусда әркакчасига жавоб қайтараман, албатта. Мен унга адабди қилиб ўтирмаслик учун тушунарли товушда айтаман, кейин яна ҳаммаси ўз қолипига тушади.

— Йўқ, Степан,— деди Михаил сўзларни қийналиб айтаркан, улфатининг гапига қўшилмасдан.— Хотин хотинлигидан ташқари яна аёл-да. Уни уриб бўлмайди. Сенинг хотинингми, менинг хотинимми барибир у, бундан ташқари, сеники бўлса ҳам, менини бўлса ҳам яна давлат а-ё-ли. У судга бериши мумкин.

— Нима, мен сенга уриш керак деяпманми?— Степан ҳим-м деб қўйди.— Сен, Михаил, аммо бошқача эши-

тибсан. Uriб nима қиласан? Uriш — бу энг сўнгти чора. Отишдай гап. Агар хотин менга билиб муомала қиласа, мен ҳам унга билиб муомала қиласан. Ҳарқалай, мен ҳам давлат одами, қандайдир бир ибтидоий одам эмасман. Биз эр-хотин давлатимизнинг одами ҳисобланамиз.

— Сен бу гапни ҳатто, жуда тўғри айтдинг. Сен шунақа деганингдан кейин, мен сенинг бу гапингга ҳатто жудаям қўшиламан.

— Мен, Михайл, сен билан бизнинг хотинимиз давлат миқёсида эканини, булар аёл эканини тушунаман. Буни менга гапириб нима қиласан. Мени ҳам унча-мунча саводим бор, газета оламан, ўқийман.

— Биламан, сен ўқийсан, Степан, ўқийсан.

— Мен учта газета оламан,— деди Степан Ильяга қараб. Илья зерикиб бош иргаб қўйди.— Битта кичик, районимизники, иккита катта — биттаси областники, биттаси марказий газета — «Правда». Ҳаммасини ўқиб чиқаман. Қоғоз ўрнига, хўжалик әҳтиёжи учун газетага обуна бўлганлар ҳам бор, аммо мен бошидан то охиригача ўқиб чиқмасам, уйдагилардан биттасиям ҳатто қўл ҳам теккизолмайди. Марказий «Правда»ни узлуксиз, ҳар куни чиқаришади, мен эса ҳалқаро ва ички аҳволдан хабардор бўлиб туриш учун, барибир эринмай ўқиб чиқаман. Қаерда қанақа ҳокимият тўнтириши бўлганини ёки меҳнаткашлар иш ташлашганини биламан.

— Сен бу гапни ҳатто жуда тўғри гапирдинг,— зўрга тили калимага келиб деди Михайл.— Тўнтиришлар ҳам бўлади, иш ташлашлар ҳам. Мен ҳам биламан. Бизнинг мамлакатимизда эса хотин, хотин бўлишидан ташқари, бари бир аёл. Уни хотин деб аташ ҳам унча яхши эмас. Бу уни, ҳа онангни деб сўккандай ҳур-мат-сиз-лик бўлади.— Михайл адашиб кетмаслик учун қийин сўзларни бўлиб-бўлиб нима айтилди-ю, энди нимани айтиш кераклигини аниқлаб олгандан кейин тўхтаб-тўхтаб айтарди.— Шунинг учун сен, Степан, анави мамлакатлар билан ўзимизнинг мамлакатимизни чалкаштириб юборма. Сен билан биз ўз мамлакатимизда яшаемиз.

— Мен бошқа мамлакатда деб ўйлабман.

— Йўқ, йўқ, Степан, чалкаштирма.

Степан Ильяга имлаб, кўзи билан Михайлни кўрсатди-да, тамом бўлди, нима деяётганини ўзи билмай ўлдираяпти, бизни гаплашишга ҳам қўймаяпти, деган маънони уқтириди. Михайл борган сари энгашиб боши тиззасига тегиб қолди. Степан унинг гапига жавоб бермай қўйди, унинг овозларни эшитмай бутунлай тинчиб қоли-

ши учун эҳтимол бирор минутча вақт керакдир, шунда улар уни ўринга қопдай ётқизиб қўйишади-ю, гапларини давом эттираверишади. Степан энгашиб, гўё кўз ўнгларида камайиб кетмаётганига ишонч ҳосил қилиш учун шишада қолган ароққа тикилди, ҳар нима бўлиши мумкин — шишанинг оғзи очиқ, ҳар бало шишанинг ичига кириб, худди ўзиникидай ялаб тугатиши мумкин. Унинг вижданчи очилган, аммо ичиб бўшатилмаган шиша олдида азоб чекаётганди, унинг учун бу чалажон ҳайвоннинг қийналишини томоша қилиб туришдай бир гап эди, мондомики ўлдиришга жазм этдингми, бир уру ўлдир, чўзизб ўтирма. Стёпан бечора шишани таҳқирлаганимиз ҳам етар энди, деб шама қилиш учун Ильянинг нигоҳини тутишга уринди, аммо Илья бошқа томонга қараб ўтиради.

Илья ҳам ароқдан, ҳам гапдан анча чарчаб, бўшашиб қолган эди, аммо Михайлга нисбатан ҳали ўзини тетик тутарди. Ичишни тўхтатиш лозим бўлган ўша ширин, қисқа фурсат аллақачон ўтиб кетганди, энди бу тўғрида афсусланишнинг ҳожати йўқ эди. Энди нима қилиш керак? Энди нима қилиш кераклигини ростдан ҳам бирор киши ўргатиши керак. Илья Степан келмасдан олдин онасининг олдига кирган эди, онаси мудраб ётарди, шунинг учун унинг кирганини эшитмади ёки ўзини эшитмаганликка солди, ўзи эса, эҳтимол, зимдан ўғлини кузатгандир, шу боисдан Илья онаси билан таплашмаганига курсанд бўлди, чунки у нима дейишини ўзи билмасди: у ҳаммасини бир бошдан галириб берадиган даражада маст эмасди. Гўё ароқ унга таъсир қилмагандай, фақат таъсири кейин — эртага, индинга билинадиган лоҳасликка яна лоҳаслик қўшадигандай эди, холос. Степан келгандан кейин эса суюниб, жон кириб қолди. Аммо энди, дастлабки учрашув пайтида сўраладигани сўралиб, жавоб бериладигани жавоб берилиб, гап ҳали хотираларга бориб тақалмай туриб, яна латтадай бўшаши қолди, ўзини аранг зўрлаб, атрофида бўлаётган ишларни кузатарди, у гўё шу одамлар билан, шу жумладан Степан билан ҳам кўпдан бери ўтиргандай, шунчалик кўпдан берики, бир-бирининг жонига теккандай эди. У ҳозир жон-жон деб кўзини юмиб ухларди-ю, аммо уни Михайл ҳушёр тортириб қўйганди, у Степаннинг олдида укасининг кўйига тушиб ўтиришни истамасди, шунинг учун ўзини тутишга ҳаракат қиласди.

Тушдан кейин қуёш ён томонга ўтди-да, мўрчанинг чоққина деразасидан мўралай бошлади, шунинг учун

ичкари бирпасда исиб, дим бўлиб кетди. Ҳеч нима: товуқ ҳам, ит ҳам, одам ҳам кирмасин деб эшикни очиқ қўйишни исташмасди, шу боисдан иссиққа чидашга тўғри келарди. Степан терлаб кетди, Ильянинг ялтироқ бошини ҳам майда тер доналари босди, фақат Михаилга ҳозир жазирама иссиқми ёки қаҳратон совуқми, бари бир эди.

Степан Михаил иккови ўртасида ўтган гапни эслаб, хафа бўлиб тўнгиллаб деди:

— Агар гап шунаقا бўлса аёллар жуда кўпайиб кетади-ю, хотинликдан ҳеч нима қолмайди. У билан фақат кинога бориши эмас, у билан яшаш ҳам керак. Масалан, мен учун ҳаётда кўпроқ хотин маъқул. Қўлидан ҳамма иш келади, эрим қачон сменадан келади-ю, менга бир челак сув келтириб беради, деб кутиб ўтирамайди. Хотин ҳаммасини ўзи қиласди. Чидайди, ҳар нарсага хархаша қиласвермайди, рўзгорда нималар ўтмайди, нега энди рўзгорда ўтган гапни бутун қишлоқ, шаҳарда бўлса, бутун шаҳар билиши керак? «Мен — аёлман, мен — аёлман», — у масхара қилди. — Ҳа, эркак эмассан, ҳамма кўриб турибди-ку. Нима, бунинг учун сени қўлда кўтариб юришу бошингни силаб-сийпалаш керакми? Сен аввал қўлда кўтариб юришга арзийдиган иш қилиб қўйгин-да, кейин сўрагин. Сен ҳам оддий одамсан-да, фақат жинсинг бошқа, танамиздаги фарқимиз ҳатто бургага ҳам маълум, бунинг учун дод-вой қилиб юришнинг сира ҳожати йўқ. Ӯшаларсиз кунимиз ўтмайди, албатта, бунга ҳеч ким баҳлашмайди, ҳаёт ўзи шунаقا яратилган. Ҳўш, хотинлар ҳам бизсиз яшай оларканми, ахир? Ҳар ҳолда бизга қараганда уларга қийинроқ. Ҳўш, Илья, сен нима дейсан бунга? Мен, бизсиз яшаш уларга қийинроқ деяпман, уларнинг табиати шунаقا ўзи. Иккинчидан, эркакнинг хотинидан ташқари, бўш қолган пайтида бошқа ишлари ҳам бор, хотинда эса йўқ деявер.

— Бу аниқ — ҳа,— қисқагина деб қўя қолди Илья. Эркакнинг аёлга муҳтоҷ бўлишидан кўра аёлнинг эркакка кўпроқ муҳтоҷ бўлиши тўғрисидаги фикр кўнглига ёқиб, уни анча тетиклаштириб қўйди, ҳали ҳеч ким билмаган ажойиб фикр миясига келган кишидек Ильянинг юзида айёллик, қувлик ифодаси пайдо бўлди.

Степан шишага кўз қирини ташлади, баихтиёрми-беихтиёрми уни кўрсатиб, эркакнинг бекор қолган пайтдаги энг муҳим иши, ҳали айтиб ўтганимдек, мана шуни ичишдан иборат, дегандек писанда қилиб қўйди.

— Мен ўтган йили ёзда шаҳарга бордим,— деди у гапини давом эттириб.— Ўша ерда аёлларни кўриб роса мириқдим. Чиндан ҳам қаёққа қарасанг аёл, кейин мен атайлаб эти-пўсти бор, пружина билан эмас, ўз оёғига юрган бирон жонли хотинни кўраманми деб разм солдим. Бирон ерда учратсанг, кўнглинг қувнайди, ҳа, бор экан дейсан, бўлмаса ҳадемай биз уларни қадим замонлардаги мамонтларни қидиргаңдай қидиришга тушамиз. Қарасам, биттаси келяпти. Ўшанга қараб, ҳа, бунинг онаси ҳам хотин экан, ҳаётда шунақаси ҳам бор экан, деб қўйдим, бўлмаса манави аёллар, айниҳса ёшроқлари, ҳаммаси бураб қўядиган қўғирчоққа ўхшайди, бир-бира га шунчалик ўхшайдики, қаери қанақалигини ҳам ажратиб ололмайсан. Уларни оналари туғишмаган, фабрикада ясашган...

— ДАСТ бўйича,— деб гап қистирди Илья.

— Нима дединг?

— Мен ДАСТ бўйича, давлат стандарти бўйича деялман.

— Ҳа, шунақа, худди ўзи, фақат баъзилари бежири-му баъзилари мундайроқ, бошқа ҳеч қанақа фарқи йўқ. Юрганда ҳам, мана мен қанақаман, бир кўриб қўйинглар, деб соллана-соллана юришади. Мана, менинг оёқларим, буниси ўнг, буниси чап, гўё уники оёғу бошқаларники эса қўлтиқтаёқ. Мана, менинг қўйимичим, у ёнбу ён, у ёнбу ёнга бориб келаверади, кўрдингми қандай чиройли, бу нарса нима учун ато этилганини гўё ҳеч ким билмайди. Унинг қўйимичини эса, беркитиш керак, у бўлса ширдайтириб юрганига хурсанд. Мана мен бошингга қанча соч қўндириб олдим, кўзимга қаранглар, қанақа-я, рўпарамда тургларинг билан мен сизларни кўрмайман, сизлар эса менга қаранглар, томоша қилиб қолинглар деб туради. Унинг учун яшашдан мақсад ҳам ўзини кўз-кўз қилишдан иборат. Ҳеч ким уни кўрмаган пайтда қандай нафас олишини билмайман, албатта. Сал нарсагаям,вой, асабим, асабларим чатоқ дейди, унинг қўллари ҳам асаб, оёқлари ҳам асаб, ўша оёқлари ўсиб чиқкан ери ҳам, ҳаммаёғи асаб. Унга зинҳор оғиз оча кўрма — балога қоласан. Божамнида тўрт кун ётдим, унинг ҳам хотини шунақароқ аёл. Божам хотинининг кўнглига сал ёқмайдиган иш қилиб қўйса бас, аёли дарров касалхонага жўнайди. Менинг боримда ҳар куни эрталаб касалхонага чопарди. Мен қизиқиб қаеринг оғрийди деб сўрадим. «Асабим бўшашган»,— дейди. «Бўшашгани-ку аниқ, хўш, қаеринг оғрийди?»— деб сўра-

дим. «Умумий заифлик, сиз буни тушунмайсиз», — дейди. Мен қаёқдан тушунай... Ҳеч қанақа заиф-паиф эмас, эркаланиб кетган. Қиладиган иши йўқ, ноз-фироқ, эрига инжиқлиқ қиласи. Аёллар мана шунаقا. Гап уларнинг аёл, аёл эмаслигига эмас, гап шундаки, қўлларидан ҳеч иш келмайди. Меҳнат қилишга ўрганишмаган. Ҳадемай туғишини ҳам эсларидан чиқариб қўйишади. Билолмай қолдим... — Степан ташвишланиб бошини чайқади. — Бордию уруш бўлиб қолса-чи? Унда бу аёллардан нима кутади, киши? Кўз ёши қилиб ўлиб кетаверишадими? Анави урушда ғалаба қозонишимизда хотин-қизлар жуда катта ёрдам берди. Энди бўлса, хотин ҳам қолмаяпти. Тўғрими, Илья?

— Мен нимаям дердим? Тўғри.

— Манави,— деди у ғужанак бўлиб ўтирган Михаилга ишора қилиб,— уларни хотин деб бўлмайди дейди, бу уларнинг шаънига ҳақорат бўлармиш. Ҳўш, нега ҳақорат бўларкан? Бу сўзнинг нимаси ёмон экан? Менга, ҳой киши, дейишса, нега менинг жаҳлим чиқаркан? Ҳатто аксинча, агар бирор мени номард деса жаҳлим чиқади, бу менга ярашмайди, яхши эмас, хафа бўламан, худди мен эркак бўлолмайдигандай, ишга ёки рўзгорга ярамайдиган туюлади менга. Эрқакманми, эрқакман, менга яна нима керак? Хотин ҳам шунаقا. Қара-я, уни хафа қилишганмиш! Мана, оналаринг, Анна хола, бутун умри хотин бўлиб ўтди, ҳеч кимдан хафа ҳам бўлгани йўқ. Қани энди бошқалар ҳам шунга ўхшаган хотин бўлсин-чи. Анна хола тўғрисида бирор киши бирон оғиз ёмон сўз айтольмайди, ҳақи йўқ. Тили айланмайди. Ноғаҳон Степан бир нима томогига тиқилгандаи ўталиб, жим бўлиб қолди, хаёлига «ялт» этиб бир фикр келди.— Кел, Илья, оналаринг учун бир ичайлик,— деди у шошилмай, худди моҳирлик билан отиб, ўки хато кетмаганини билган овчи қушнинг қулаб тушишини кузатаётгандек ҳузур қилиб ва ўзидан курсанд бўлиб.— Кел, Илья, Анна хола учун исчак арзиди.

— Мана бу гапинг жуда ҳам тўғри,— улар кутилмаганда Михаилнинг овозини әшитишди. Михаил тиззасига тираб ўтирган бошини кўтарди-да, қачон-хизматингни ўтайсан ахир, дегандек шишага тикилди.— Она миз учун ҳатто ичиш жуда арзиди,— деди у яна.— Қуй, Илья.

— Биз сени ухлаб қолди, деб ўйловдик,— деб Степан унга кўз қирини ташлади.

— Мен, ухлаётган бўлишим ҳам мумкин, аммо она-

миз учун ухлаган жойимда ҳам ичавераман. Шунақа, Степан. Биз буни бошқа ниятда эмас, онамиз учун ичамиз деб олгаңмиз. Мана, Илья айтсин.— Михайл чайқалиб хириллаб кулди.— Эсимиздан чиқарип қўйганимизни-я. Сен, Степан, эсимизга солиб жуда тўғри қилдинг. Бўлмаса эсимиздан чиқиб қолувди. Унутувдик, вассалом. Қўлингдан нима келади? Ичиш учун одам қуриб қолгандай шунчаки ичиб ётибмиз. Ҳа, шу хусусда битта янгишибмиз. Биз тириклигида соглиги учун ичамиз деб ўйламовдик. Бу шунақа иш. Мана, Илья айтсин.

— Бўлди, ҳадеб бир гапни чайнайверма!— деб унинг гапини бўлди Илья.

Михайл тилини тишлади-да, кайфдан қисилган кўзларини Ильяга тикди ва шошилмай деди:

— Хайр, агар бўлди бўлса бўлди-да. Демак, ёқмабди.

— Ойиларинг жуда яхши,— деди Степан.

— Ўлмади,— деди Михайл ғамгин бўлиб, унинг шикоят қилаётгани ёки мақтанаётганини билиб бўлмасди.— Шундай қилиб, ўлмади. Тирик. Агар менга ишонмасанглар, бориб ўзларинг кўринглар.— У шундай деди-ю, стаканга чўзилди, Степан Михайл ағдарилиб тушади, деб қўрқиб, ўзиникини узатди ва ўзига товуқхонадан бошқа стакан олди.— Ойимиз учун охиригача олинглар!— деб қистади Михайл ва одатдагидек биринчи бўлиб ичиб ту, гатди. Кейин стаканин полдан Ильяга қараб думалатиб юборди. Илья стаканин олди, кейин улар Степан билан индамай уриширишди.

— Унтиб юборишга тўла ҳақинг бор сени, ёш өдинг,— деди кейин Степан Михайлга қараб. Михайл эшитмади, у яшиги устида яна гужанак бўлиб ўтиради, шунинг учун Степан Ильяга юзланди.— Эсингдами, Илья, оналаринг бу учун қандай ўч олгани? Нега эсингдан чиқаркан, эсингда бор, албатта. Денис Агаповский, нариги дунёда қон қусгур, колхоз нўхотзорида Минъкаларингни кўриб қолиб, туз солинган ўқ билан отганди, эсингдами? Бу ҳайвон Денис ўшанда колхоз нўхотини қўриқларди —вой қаҳрамон-эй! Минъка рўпара бўлиб қолибди-да. Бутун орқаси ўйилиб кетувди, кўрган одам қўрқиб кетарди. Ойиларинг ҳам қараб турмади, у ҳам иккита патронга тузни жойлаб, Дениснинг олдига борди, иккала ўқни ҳам думбасига отди, шундай бопладики, кейин Денис анчагача на ўтиrolди, на ётолди, эмаклаб юрди. Эсингдами?

— Эсимда. Ҳа,— деб жилмайди Илья.— Ойимизни

суд қилишмоқчи ҳам бўлишди-ю, тагин босди-босди қи-  
либ юборишиди.

— Мен уларга судни кўрсатиб қўярдим! Шу Дениси-  
ни деб-а! Агар у одам бўлса ҳам бошқа гап эди.

— Ҳадеб нимани минғирлаяпсизлар? — уларнинг га-  
пини эшитди Михаил ва талаб қилди: — Ашула. Қани,  
ашула айтамиз.

— Жуда жонинг қаттиқ-да, Мишка,— деди Степан  
таажжубланиб.— Сенга яна қанақа ашула айтайлик?  
Е анави айиқлар кетини қозиққа ишқалагани тўғриси-  
даги ашуланими, ёки бирон бошқа ашулани айтайлик-  
ми? Яхши ашула. Сен билан бизга жуда мос-да.

— Йў-ўқ,— деди Михаил рад этиб.— Бошқасини.  
Мен севганни. Рус халқ қўёшигини.— У бошини кўтариб,  
аранг тутиб турди-да, бошлади:

— Гар берсалар бизга ҳам ичардик қона-қона...

Унинг боши шилқ этиб тушди-да, тиззасига тиралиб  
қолди. Михаил ҳўнграб тугатди:

— Беришмади, на чора, қолдик биз ёна-ёна.

— Кўрдингми, нимага шама қиляпти,— деди Степан  
мийигида кулиб.

Михаил шу ашуласини яна такрорлади, бошқа сўзла-  
рини билмасди, кейин бурилиб, худди бирор уни олиб  
қўйгандек яшик устидан осонгина, шовқин-суронсиз  
ўрин устига думалади. Илья билан Степан ҳаваси келиб  
унга қаради. Кейин Степан таклиф қилди:

— Чиндан ҳам ашула айтсан-чи?

— Бўлти. Ичгандан кейин роса битинг тўкилсина-  
да.— Сўнгги ароқ Ильяни шер қилиб юборганди, унинг  
кўзларида газаб учқунлари ёнарди.

— Фақат манави, ҳозир радиолардан эшиттирадиган  
ашулалардан айтмаймиз,— деб огоҳлантириди Степан.—  
Мен буларни ёқтирамайман. Улар қандайдир... Аввалига  
ёққандай бўлади-ю, ёққандай ҳам эмас, бирор сени худ-  
ди ўш болани қитиқлагандай қитиқлайди-ку, кейин га-  
шингни келтиради. Эсингдами, болаларнинг «эшитган  
одам аҳмоқ» деган ашуласи бўларди. Булар ҳам ўша-  
нинг ўзгинаси. Эшитасану, ўзингни аҳмоқ дейсан, бошқа  
ҳеч нима. Кел, яхшиси, ўзимизнинг юракни ўртаб юбо-  
радиган ашуламизни, ростакамини айтамиз.

— Эҳтимол, сен яхши кўрган ашулани айтармиз?

— Қайси у, мен яхши кўрадиган?

— Ҳу, сен ертўлада, қайнонангга айтганингни-да.

Степан кулиб юборди:

— Нима бўлти, шундан бошласак бошлайверамиз-да.

Улар жўр бўлишиб, жанговар, эътиборга сазовор бўлган «Водийлардан, адирлардан» деган ашулани гумбурлатиб бошлашди. Михаил ғўлдираб уларга қўшилди.

9

Оналаридан бошқа ҳаммалари Татьянадан умидларини узиб қўйишганди. Келса ўшу чоққача келарди, Америкада турмайди-ку, ахир, уч кунда ҳатто Америкадан ҳам етиб келса бўлади. Кейин хат келса керак, хатда ундоқ эди, мундоқ эди, боролмадим, уйда йўқ әдим ёки шунга ўхшаш важ кўрсатилади. Қизиқ, у онаси тирикми-ўликми, билмай туриб, онаси тўғрисида нимани сўраши мумкин? Ундоқ бўлса ҳам, бундоқ бўлса ҳам хат ёзишга, ниманидир сўрашга тўғри келади, бундай пайтда дамингни чиқармай юролмайсан, онани тилга олмай туриб, қариндош-уруғларга, таниш-билишларга салом дейиши билан қутулиб кета олмайсан. Аммо бу унинг иши, модомики келишни лозим кўрмадими, кейин қандай қилиб қутулиб кетса кетаверсин. Унга у ерда яна нима бўлиши мумкин? Албатта, ҳеч ким билмайди, оқлаш ҳам, қоралаш ҳам қийин. Бир нарса аниқ: у бу ерда йўқ, на номи-ю, на нишони бор.

Фақат кампир кечасию кундузи унга илҳақ эди. У ташқаридан эштилган ҳар қандай товушдан титраб кетарди, эшик олдида шитирлаган овоздан қотиб қоларди, кампир қизининг бирон-бир ножъя қилиғи борлигини эслолмасди, аммо назарида Танъчора уйга киргач, оҳиста бўқиниб келиб қараётгандай, шундан кейингина ўзини маълум қиласигандай эди, шу сабабдан кампир қизи эшиқдан мўралай бошлагандай билиб олиш учун доимо эшиқдан кўз-қулоқ бўлиб ётарди. Кампирнинг кўзлари яхши эди, шу ёшида кўздан шикоят қилиши гуноҳ албатта, аммо бир ерга тикилавериб бу кўзлар ҳам чарчаб қолганди, кўзлари худди оғир юкни кўтариб тургандай эди. Кампир эса уларни ўз ҳолига қўймасди, кўришга мажбур этарди — энди уларни авайлаб нима қиласди, нима учун асрайди? Танъчорани кўришга ҳали ярайди, унга бошқа ҳеч ниманинг кераги йўқ. Кўзлари толиқиб, оғриқдан ёшланча бошлагач, кампир уларни юмарди, аммо кўриб туриш учун кўзларидан гоҳ унисини, гоҳ бунисини навбат билан хиёл очиб ётарди ва шу йўл билан дам берарди.

Вақт шу оғир, беҳуда интизорликда қанчалик кўп ўтаетгандан бўлса, кутиш учун шунчалик оз қолаётган эди. Кампир Танъчора фақат бугун келиши мумкинлигини,

бу ато этилган сўнгти муҳлат эканини, эртадан бошлаб вақт измидан чиқиб, бутунлай бошқа томонга қараб кетишини тушунарди. Эртага нима бўлишини кампир билмасди, билишга ҳаракат ҳам қилмасди: ҳозирча умид бор, умидини узмасдан Танъчоранинг етиб келишига, сўнгти марта онаси дийдорини кўриб қолишидан бенасиб этмаслигига ишонарди. Агар ҳозир келмаса, хиёл кейинроқ келади. Ҳали вақт бор, бекордан-бекорга ич-этини емаслиги керак, келади, келмай нима қиласди. Вақт асрга етганда, бир маҳал кампирнинг юраги қаттиқроқ ура бошлади, кампир буни Танъчорани сезганга йўйди, гўё у яқинлашиб, ҳозир кириб келадигандай эди. Кампир ёшлардай ҳовлиқиб, шошиб қолди, у биринчи қарашдаёқ бутунлай хароб, ҳеч нимага ярамайдиганга ўхшаб кўринмаслик учун туриб ўтириб қизини кутиб олмоқчи бўлди, кампир шошилиб ўзидан бехабар қолди ва сал бўлмаса ағдарилиб тушай деди, фақат бир мўъжиза билан каравотдан ағдарилиб тушмади ва ерпарчин бўлмади. Унинг нўноқлиги учун ўзини койишга ҳам вақти йўқ эди, у ҳали ўрнига ўтирмасидан ҳам бошини эшик томонга буриб шайланиб турди. Ростдан ҳам қадам товушлари эшитилди. Парда қимирлади — Варвара кирди. Васвасага тушган кампир Варвара Танъчоранинг келганини хабар қилгани кирди, деб ўйлади, аммо у худди жўрттага онасининг жигига тегаётгандай ўзининг туши тўғрисида қишлоқдагиларнинг нималар дейишаётганини гапирди. Қизига нима ҳам десин, Варвара ўша Варвара-да. Кампир унинг гапига қулоқ солмай, эшик томон энгашди, мана ҳозир, ҳозир бошқа оёқ товушлари, бошқа овоз эшитилади... Мана ҳозир, ҳозир. Аммо бу овоз эшитилмасди, ном-нишон йўқ эди.

Кампир гоҳо ўзини ҳам унутиб, қулоғини динг қилиб узоқ ўтириди, шунда назаридаги гўё ўзи эмасу ўрнида бошқа одам ўтиргандай, ўша одам учун эса Танъчора келадими-келмайдими, бари бирдай эди, шунинг учун ўша одам ҳеч нимани эшитмайди-да, шундан сўнг кампир яна ҳам диққат билан қулоқ солишига ўзини мажбур этарди. Конфетдан оғиз-бурни булғаниб кетган Нинка кириб-чиқиб юарди, Варвара эса пол тахталарини гижирлатиб, уй ичидаги вазмин-вазмин қадам босиб, бир нималар деб ғўлдираб юарди, шунинг учун кампирнинг булар мени эшитишга қўйишмаяпти, керакли овозни илғаб олишга халақит берипшапти, деб улардан жаҳли чиқарди. Кейин тоғдан Люса қайтиб келди ва бирон еринг оғримаяптими деб онасидан сўради. Кампир бо-

шини сарак-сарак қилди, у Люсяниг тезроқ чиқиб ке-тишини истарди. Чиндан ҳам Люся кўп ўтмай бошқа жонага чиқди-да, у ердан Михайлнинг каравотига чўзилди, чамаси одатланмаганидан оёқлари қақшарди, шунинг учун у оёқларига дам бермоқчи эди шекилли.

Ахир кампир толиқчанини, ортиқ ўтира олмаслиги-ни сезди, зўр берib қулоқ соловерганидан боши ғувиллай бошлади. У хурсандлик ҳам, хафалик ҳам, худди томдан тараша тушгандай, тўсатдан келса яхши кўришини эслади-да, намунча шунчалик кутмасам, Танъчоранинг йўлига ўзим гов бўлдим, деб ўзидан ўпкаланди. Аҳмоқча худога сифин десанг, пешонасини уриб ёради, деганлари жуда тўғри-да. Хўш, Танъчора кўзга кўринишдан олдин бирон ердан секин мўраласа-ю, унинг ётганини кўрса-чи? Бу билан у, кампир бир нима бўлиб қолмайди. Аммо қизи келади-ку, кампир ҳам қизини ўз олдида кўради ва уни алқаб, дуо қилиб сўнгги кўз ёшларини тўқади. Шунинг учун шопшилма, шопшилиб нима қиласан, барибир ўрнингдан сакраб туриб, қўлларингни ёзиб кутиб олгани чопқиллаб боролмайсан-ку. Нимасиниям гапирасан буни... Қўлингдан бошқа ҳеч иш келмагандан кейин ётибсанми ётавермайсанми.

У ўзига қулоқ солиб, яна жойига чўзилди. Энди ҳеч гимани ўйламаслиги, худди оғриқни босгандай кутишдан ҳафсаласини сал совутиши, аъзойи баданини холи қўйиши, ҳадемай етиб келадиган хурсандлик учун ўзини асраб ором олиши, мизғиши керак. Кампир ўз оғирлигини заррача сезмаслик учун ағдарилиб, қулайроқ ётиб олди ва ардоқловчи, чорловчи тинчликда роҳатланишга ҳаракат қилди, бу тинчлик уни, енгил бўлиб қолган вужудини каравотдан секингина кўтаради-да, олис-олислардаги вижирлаш билан сеҳрлаб қўяди.

Қўёш ҳали кўриниб турарди, унинг заррин нури хира, илиқ эди, шунинг учун кампир ундан исиди, исиб олгач, эси киарли-чиқарли бўлиб, бу сокин-очиқ кун охирида ўзига нима кераклигини билиб-бilmай секин-аста тинчиб қолди. У бугун бир неча марта пинакка кетди, аммо жуда ҳуашёр ётди, айниқса ҳозир исталгањ лаҳзада кўзини очишга тайёр бўлиб мудраётганини яхши тушунарди, унинг юраги вужудини қимиirlатиб пойлоқчилик қиласади. Шунинг учун унинг ҳар бир уриши-туртиши кампирни қаттиқ уйқуга кетишига қўймасди. Шу боисдан ҳам олдида Танъчора пайдо бўлганида кампир ишонмади: эс-ҳуши унга, кўзларинг юмуқ, шунини учун Танъчорани ростакамига кўра олмайсан деб турар-

ди. Аммо бу туш эмасди, чунки у астойдил тош қотиб ухламаганди, аксинча, у доимо уйқусираб ётарди, йўқ, бу заифлашиб қолган, адойи тамом бўлган хаёлот Таньчоранинг шакл-шамойилини назарида намоён этган эди, беҳуда кутиб ҳафсаласи пир бўлгач, чарчаган бошининг ғувиллаши ҳам босилди-да, кампир тинчиди қолди. У шу ерда, тонг гира-шираси сингари мудроғи ичида яна Таньчорани ўйлади ва равшан, ёқимли садо бериб турган бу фикрлар ўз-ўзидан туғилиб, гўё тайёр ҳолда қаёқдантир келаётганини, уни азобламасдан, тасалли бераётганини тушунди. У бу фикрлардан Таньчора нега ушланиб қолдийкин, деган саволга жавоб қидирди ва топди. Таньчора бир ўзи келмаётган бўлса керак, эри билан шекилли, уни, шу эрини олиб келмаслиги лозим эди. Эри ҳарбий одам, худо эса ҳарбий одамни ёқтирамайди. Худойи таоло икковини бирон ерда бирга кўргани тўхтаган-қўйған, шу ҳарбий одам бегона эмас, Таньчоранинг эри эканини ҳам, улар бунинг, кампирнинг олдига шошилиб келишайтганини ҳам суриштириб ўтиргмаган. Кейин, эсига тушиб қолгану икковига ўша жойдан жавоб бериб юборган бўлса керак, аммо бари бир ушланиб қолишди, нимаям қиласдинг. Бу ишда Таньчоранинг айби йўқ, ҳаммаси ўша эри туфайлидан. Лекин энди улар яқинлашиб қолишди, ҳадемай етиб келишади.

Кампир анча енгил тортди, унинг қалби эркин нафас ола бошлади, кейин кампир тебранган кўйи гафлат хаёлини тағин баландроқ кўтарди, энди унга ёт товушларнинг етиши мушкул эди.

У кўпдан бери Таньчорани кўрмаганди, аммо қачондан бўён кўрмаганлигини у билмасди. У вақт ҳисобини йилларга қараб эмас, ўз оналик ҳис-туйғуси билан олиб бораради, уч йилми, беш йилми, ўн йилми, унинг учун фарқи йўқ — бояги-боягидек эди: узоқ вақтгача ҳаммадан кўп уйга келмагани, ҳаяллаб кетгани шу Таньчора. Таньчорадан кейин Люся келиб кетди, шимолдан сўнг Илья ҳам қорасини кўрсатди. Варварани гапирмасаям бўлади, ҳар ойда келади, Таньчора шу кетганича кетди, шу чоққача бирон марта ҳам келмади. Бир марта хат ёзиди, эримни янги жойга хизматга ўтказицяпти, у жойга уйга яқин ердан ўтиб кетамиз, йўл-йўлакай албатта уйга кириб ўтамиз, деди. У пайтда кампир ҳали зингиллаб юради, қизини яхшилаб кутиб олиш, ҳали бирон марта ҳам бўй-бастини кўрмаган куёви олдида юзи шувут бўлиб қолмаслик учун у ёқ-бу ёққа елиб-югурди. У қизи билан куёвини кутар экан, тўсатдан көлиб уял-

тириб қўйицмасин, деб ҳар куни пол ювди, ҳар хил оқатлар тайёрлаб қўйди, ҳатто Надяни қисталанг қилиб, магазиндан икки шина вино ҳам олдиртириб келди, уларни Михайлдан яшириб, анчагача ёстиқлари остида сақлаб юрди. Кейин барибир бу шишаларни Михайлга беришга тўғри келди, чунки Танъчора келмади. Тўғри, куёвни бошқа ёққа юбориши, аммо улар ҳаракатларини қилиб турган ерга эмас, бошқа ёққа — Киевга юбориши, улар ҳозир ҳам ўша ерда туришади, бошқа сафар, энди Киевдан куёвни қаёққадир чет элга юборишимоқчи бўлишди, Танъчора яна чет элга жўнашдан олдин куёвингга отпуска беришади, шунда бориб хайрлашиб келамиз, деб хат ёзди, аммо бу сафар ҳам кампирнинг куёвини жойидан негадир қўзғатишмади, отпуска ҳам беришмади. Кампир қизимни яна кўрмадим-да, деб бир жиҳатдан хафа ҳам бўлди, иккинчи томондан, қизим ундан ҳам нарига, ҳатто одамлари бизниги ўхшамаган бошқача тилда гаплашадиган бутунлай бегона юртга кетиб қолмаганига хурсанд ҳам бўлди, ахир бегона юртда қизи жуда қийналиб қоларди-да. Мана, ишлар охирги кунгача ҳам шу алпозда давом этиб келяпти.

Танъчора аҳён-аҳёнда ёзарди, аммо бошқаларга қаранганд, тез-тез хат ёзиз турарди, унинг хатлари ҳам тўғри кампирнинг қўлига келиб тегарди. Фақат Танъчорагина онаси номига хат жўнатарди, кампир чиройли, қизил, кўк ҳошлили конвертни қўлига оларкан, фуур ва умиддан серрайиб қоларди: мана ҳозир у Танъчора унга нима деганини билиб олади. Аммо кампир шошилмасди, хатни анчагача ёруққа солиб айлантириб кўрарди, конвертдаги сурат ва штампни томоша қиласди ва шундан кейингина конвертни жуда авайлаб очарди-да, ичидан ёзилган варақни оларди. У ўзи ўқий олмасди, хатни ҳам ўқимай эрталабдан-кечгача асрраб юриши, мазмунни яширинлигидан завқланиши ва уни қалби билан сезиз олишга уриниши мумкин эди, аммо кейин ўқиш пайти келарди. Уни ўқишга Надяни ҳам, Михайлни ҳам, яна битта-яримта кириб қолса, уни ҳам мажбур этарди, у бир хатни турли одамлар турлича ўқиб беришидан қўрқарди. Хатдаги сўзларнинг ҳаммаси бошдан-оёқ тўғри келганидан қейингина кампирнинг кўнгли тинчиди, қувониб юриш ва Танъчорани тушида ҳам кўриш учун хатни ёстиги остига яшириб қўярди.

Люся ва Ильядан келадиган' хатларга эса кампир бу нақа хўжайинлик қила олмасди, уларни бир мартағина ўқиб беришарди, баъзан эса сира ўқиб беришмасдан хат-

ларда нималар ёзилганини икки-уч оғиз қилиб айтиб қўя қолишаради, шу билан тамом эди, кампирнинг эса шу эшитганлари билан кифояланиб қўя қолишдан бошқа чораси ҳам йўқ эди. Кампир ҳатто ҳамма хатлар тўғрисида ҳам унга гапиришмасликларини пайқаб юрарди, улар айтишни истамаганликлари учун эмас, балки эсларидан чиқариб қўйиб, нимани айтишни билмаганликлари учун гапиришмасди: бу хатлар шунчаки ёзилган бўлиб, уларда онага айтилиши зарур бўлган ва она учун атайлаб ёзилган гаплар бўлмасди. Люся одатда ойимни эҳтиёт қилинглар деб панд-насиҳат қиласади, Илья бўлса наридан-бери, худди ҳазиллашётгандай ойим қалай юрибди ёки ойимнинг ишлари қалай, деб сўради, она-нинг ҳол-аҳволини сўраб-суриштириш кўпинча шу билан тугаб қўя қоларди, шу боисдан буни қайтада айтиб бериш ростдан ҳам осон эмасди. Баъзан Люсядан, агар у кўпдан бери ҳеч қандай хат-хабар қилмаган бўлса, узун, батафсил ёзилган хатлар ҳам келарди, бу хатларда онасига кўп ўрин бериларди ва бордию кампир таблетка ичган билан киши ёшариб қоларканми, деб ичмай қўйганида: «Ойимга айтинглар, бу дори ҳар қандай ёшдаги одамга ёрдам беради» ёки онаси совуқда ёздагидай енгил кийиниб юриш мумкин эмаслигини билмайдигандай: «Хабардор бўлиб юринглар, ойим қишида яхши кийиниб юрсин»га ўхшаш гаплар ёзиларди. Худога шукур, Илья ҳарқалай маслаҳат бермасди. Кампирга уларнинг бунақа гаплари керак эмасди, у болаларининг ўзлари қандай яшаётганларини, қотиб қолмаслик учун совуқда қандай кийинаётганларини, модомики сигирлари, товуқлари, чўчқалари бўлмагандан кейин нималар еяётганларини билишни истарди: кампир охир-оқибатда шаҳардаги одамлар ҳам оч қолмаслигига ўзини ишонишга мажбур этди, аммо у одамларнинг мол-ҳолсиз қандай яшашларини, умуман шуларсиз қандай яшаш мумкинлигини сира тушуна олмасди. Люся билан Илья ўзлари тўғрисида шунчалик кам ёзишардики, кампир хатни ўқиб берган Надяга ёпишиб, гўё Надя ундан бир нимани яшираётгандай ёки эътиборсизлик билан ўтказиб юборгандай ҳар хил саволлар билан унинг тинкасини қуритиб юборарди, Надя эса нима деб жавоб беришини билмай гангигиб қоларди, хатда бори шу бўлса, у қаёқдан олиб қўшиб-чатади? Ильядан бир йилда бир марта қисқа, кафтдеккина хат келса, унинг учун Надя бичиб-тўқимайди-ку. Илья билан Люсядан келган хатни кампирга ўқиб бериш бир азоб эди, бу азобни Надя чекарди, Ми-

хаил эса онасининг нима деб ёзишибди деган гапига, ҳа, ҳеч гап йўқ, деб қўл силтаб кетавериши мумкин эди. Балога қолган Надя эди.

Танъчорадан келадиган хатлар ҳам ҳадеганда кампирни қониқтира олмасди, аммо кампир уларни кўп жиҳатдан кечиради, уларга нисбатан меҳри бошқача эди. Бу хатлар кампирга маҳсус ёзилган бўларди, уларни Танъчора ёзишга атай киришар ва ёзарди ҳам. Хатларни кампир учун атайлаб элтиб ташлашарди, аллада азиз, тўрвада майиз қилиб етказишарди, йўқолиб қолмасин деб Танъчоранинг қўли билан онасининг исми ёзилган конвертга аломатли муҳр босиларди. Танъчора айтмоқчи бўлган гапини бирор орқали етказмасдан, «ойимга айтинглар» деб ёзмасдан, ўзи, тўппадан-тўғри худди онаси олдида тургандай «менинг ойижоним» деб ёзарди, эрка-лаб-ийдирив юборадиган ана шу «менинг ойижоним»нинг ўзиёқ кампирни баҳт ва қўрқувдан тахта қилиб қўярди; ана шу сўзлардан муздек ниналар баданини жимиirlатиб ўтаётганини ҳис этарди. Кампир Танъчора уйда уни шунаقا сўзлар билан ардоқлаганини эслолмасди — йўқ, хотирасидан кўтарилигани учун эслеён-маяпти эмас, қизи авваллари бундай сўзларни айтмасди: бунақа сўзларни энг паришонхотир она ҳам унутмайди. Демак, қизи бу сўзларни унинг учун ўша ёқда, мусоғир бўлиб юрган жойларида топибида-да. Кампир пичирлаб, лабларини қимиirlатиб, ўзига қаратилган «менинг ойижоним»ни такрорларди ва ундан мунгли бир инграш, бир дард-аламни илғарди-да, алланечук бўлиб кетарди ва ўзи ҳам сезмай кўзига ёш оларди, қачон кўзимга ёш олганим эсимда йўқ деб ўйлар, ўзига-ӯзи бу ёшлар бутунлай бошқа важдан тўкилди дер эди. Ўз иктиёрича йиглаши — ўз ваҳималарини тан олиш демак-дир, бу эса бундан ҳам ёмонроқ эдики, унда нажот то-ниш қўйин бўлиб қоларди. Нажот, умид худодан келади, деб ўйларди кампир, чунки нажот, умид тортинчоқ, уятчан, раҳмдил. Қўрқувни эса кўнглига шайтон солади, у хира, дағал бўлади, шунинг учун унга берилишининг нима кераги бор? Ёки у буларнинг қаёқдан пайдо бўлишини билмайдими?

Ногаҳон кампирнинг кўнгли ёришиб, юпқа лабларининг учи билан айнан ўша сўзларни айтарди ва улардан Танъчоранинг мулоим, меҳр тўла овозини эшитарди. Кейин бу сўзлар усиз, кампирсиз, унинг лабларисиз тақрорланди — фақат Танъчоранинг яқингинадан, худди кўз ўнгидагидай аниқ-таниқ жаранглаб турган овози

энитилади, аммо бу овоз борган сари секин эшитиларди, ниҳоят бу овозлар тиниб бутунлай эшитилмай қолар, лекин кампир шундан кейин ҳам бу сўзларнинг жозибали сеҳри ва кучидан аввалгидек кўнгли ёришиб, курсанд бўлиб юрарди: кампир бу сўзларнинг асил мөҳиятини тушунмай, қулоғига бошқача чалингани учун ўзини ўтакетган гуноҳкор ҳисоблаб, анча вақтгача кулиб ўзини койиб юрарди ва қулоғи оғирлиги учун қизи олдида гойибона мулзам бўларди.

Нима у, кампир, Танъчора бошқа опаларига қараганда меҳрибонроқ бўлиб ўсганини билмас эканми? Кампир Люсядан ҳам, Варварадан ҳам асло шикоят қилмасди, албатта, шикоят қилишнинг ўрни ҳам йўқ эди, аммо Танъчорани бошқача кўрарди. Ҳарқалай у кенжаси, тўрвақоқдиси эди, шундан кейин кампир бошқа фарзанд кўрмаганди,— шунинг учун кампирнинг кўзига бошқа, катта болаларига қараганда шу кўпроқ кўринарди, қолаверса, ёш боласиз яшашга ўрганмаганидан уни ўзидан йироққа жўнатишни истамасди. Ҳамиша шунаقا эди: ҳали биттаси оёққа турмасидан бошқаси пайдо бўларди, шунинг учун она ўша билан овора бўлиб қоларди, оддингисини эса бир четга ўтиргизиб, хоҳласанг эмаклаб, хоҳласанг юриб, истаган томонингта боравер, бошинг тошдан бўлсин, урилсанг-йиқилсанг бақирма, энди сендан бошқа бақирадиган одам бор, дер эди. Танъчорани кетидан шошилтирадиган ҳеч ким йўқ эди, шунинг учун у онасининг эркаси бўлиб қолди, онасига соядек эргашиб, кетидан ойижон, ойижон деб юргани-юрган эди. Мана сенга «ойижон»— бу сўзни қаёқдан топдийкин? Қишлоқда бунақа сўз йўқ эди шекилли, у бу сўзни ё бирордан ўрганиб олган ёки бўлмаса тушида бирон овоз ўргатдимикин? Кейин, катта бўлганидан сўнг Танъчора уни бошқалар қатори ойи деб атай бошлади-ю, аммо болалигини тез-тез эслаб, кулиб «ойижон»лаб онасини жон-ҳолига қўймасди. Қизининг бу ҳазия, шўхликлари, минг қилса ҳам кампирга хуш ёқарди. Мана энди янгиси «Менинг ойижоним!» пайдо бўлибди. Хўш «ойижон» дегандан кейин бу сўзларнинг нимаси ташвишлики, кампир ўзини қийнаб, ич-этини ейди? Ҳадеб куйиб-пишгунча, шукр қилиб ўтиrsa бўлади-ку.

Аммо гап Танъчоранинг кенжада бўлиб ўсишида эмасди, албатта. Кенжадан ҳам ҳар балони кутиш мумкин. Ўшани деб кўпроқ ташвишланасан, бор меҳр-мажолингни қўясан, у эса ўл аҳмоқ дегандек, яхшиликка ёмонлик қайтаради. Бунақа воқеалар оз дейсанми. Йўқ,

Танъчора табиатан онасига меҳрибонроқ эди. Агар табиат тўғрисида гапириладиган бўлса, феъл-автори жиҳатидан Люся кўпроқ онасига тортган эди. У ҳам шаддод, мағрур, анов-мановга бўш келмасди, унинг шаддодлиги, мағрурлиги уйдагиларнинг учтасига етиб-ортарди. У қизчалигига бир тумшуғини осилтирса, уч кунгача ҳеч кимга қарамасди, ҳеч нима билан уни ийдириб бўлмасди. Люсянинг ҳозир қанақалигини кампир билмасди, эҳтимол, одамларга аралашиб, ўзига ўхшаганларни кўриб ўзига келгандир, қўрслиги ҳам камайгандир, паст-баландни билиб олгандир. Хулқинг совуқ бўлса яашашинг ҳам қийин — у бўлса саводли, эс-ҳушли, буни тушунган бўлса керак, юриш-туришига қараганда ёмон яшайти деб бўлмайди. Кампирнинг эса сўрагиси келмайди, сўраганинг билан «яхши» деб қўя қолади, қандоқ тушунсанг-тушунавер. Уларнинг ҳаммаси ҳам гапдан қутулиш учун шунаقا дейишади, лекин Варвара ёғ еб, ячмол ичиди яшаса ҳам, ҳеч қандай гами, ташвиши бўлмаса ҳам, бари бир, нолиган бўларди. Ахир, туғишган опа-сингиллару аммо бир-бирларига сира ўхшамайди-я. Варвара қизлигидаям Люсядан, иниларидан гап эштиб, ҳатто арзимаган нарсага ҳам йиглаб юради. Ёшлигидан мижров бўлиб ўси, шундайлигича қолди, ишни бошқалар қиласди-ю, гапни бу эшитарди, тағин ҳар ошга қатиқ бўлаверарди.

Танъчора опаларидан биронтасига ҳам ўхшамасди. У ўзининг қандайдир бошқача — юмшоқ, хушчақча феъл-хўйи билан опаларидан ажralиб турарди, одамшаванди эди: у жаҳли чиқса, яна бирпасда жаҳлидан тушарди, бирордан хафа бўлса, шу заҳоти хафалигини унтарди, агар бордию йиглагудай бўлса ҳам... кўзидан ёш чиқарди-ю, кўприги нам бўлмасди, ҳа, бу гап шунга, бошқага эмас, шунга тегишли эди. У қаерда одам бўлса, ўша ерга борарди, на кексалардан, на болалардан тортинарди, ўйин-қулгини яхши кўтарди, аммо фақат ўзини хурсанд қилиши учун әмасди, ўрни келганди, пайтини топиб ҳаммани хурсанд қиласди. Ёшларнинг бирон ўйин-кулгиси деярли Танъчорасиз ўтмасди, агар у уйда ушланиб қолса, қизлар дарров кетидан гизиллаб келишарди, йўқ, у қизларга бош-қош бўлиб юргани учун әмас, йўқ, аксинча, лекин у бормаган йигин қизимасди, паст-баланд гаплар ўтарди, йигитлар тегажоқлик қилишганда, уларга жавоб берадиган одам бўлмасди, Танъчора бўлса шундай жавоб берардики, кейин ҳаммага гап топилиб қоларди, ёшлар биридан-бири ўтказиб ҳазил-мутони

йиба қилишарди. Еки кечқурунлари ёш-яланглар йиги-ладиган қишлоқ совети олдидаги майдончада ётган ха-ридан киши билмас жўнаб қолган сабрсиз йигит-қизни кўрганида Танъчора секингина кулиб қўя қоларди. Кул-ганда ҳам йигит билан қиз кетиб, гойиб бўлган томонга бошини буриб худди ўзи, шунчаки кулгандаи куларди, аммо бу беозор кулги бир ишора эдики, бунга бошқалар ҳам қўшилиб, бутун қишлоқ ларзага келарди. У бошлиб бермаса ҳеч ким ашула ҳам айтмасди, унинг кучли ово-зи билан янграған ашула харилар ортидаги майсазор-лардан ўтиб, ўз шодлиги ва қайғуси билан қишлоқни у бошидан-бу бошигача тутиб кетарди. У онаси пакки би-лан бошини қашлаб қўйишларини ёқтиришини билгани-дан кампирга: «Кел, ойи, бошингни тут», — дерди-да, соchlari оппоқ бошини қашлаб қўярди, ҳеч ким, ҳатто кампирнинг ўзи ҳам бошининг қичиган жойини Танъчо-радек топиб қаший олмасди, Танъчора худди ўша қичиб турган жойни топиб қаширди, силаб-сийпаларди-ю, бир мўйини ҳам бежо қилмасди. Ҳамма қизлар ичida фақат Танъчорагина мана шу хилда ойисининг кўнглини олар-ди. У паккини тез-тез қимирлатиб, унга: «Сен ойи, жуда ажойибсан-да», — дерди. Ойиси эса ажабланиб: «Нега энди?» — дерди. «Чунки сен мени туқсансан, мана энди мен яшаяпман, агар сен бўлмасанг мени ким тугарди, мен ҳам ёруғ олам юзини кўрмай ўтиб кетаверардим». Танъчора куларди ва кампирнинг сочини силаб тўғрилаб қўярди. «Э, қўйсанг-чи! — дерди кампир жўрттага жаҳли чиққан бўлиб. — Эзмаланасан, эзмаланасану гапингнинг бурди йўқ, нима деганингни ўзинг ҳам билмайсан». — «Йўқ, биламан, сен бизнинг чиндан ҳам ажойиб онамиз-сан, қандай ажойиблигингни ўзинг ҳам билмайсан, сен ҳаммадан яхвисан. Қани, ўзинг айт-чи, бизлар яхшими-ёмонми?» — «Мен ёмон деяётганим йўқ-ку». — «Демак, яхши эканмиз. Мана, кўрдингми, ҳаммасининг сабабчи-си сен, ҳеч ким туғиб, болаларини шунчалик яхши одамлар қилиб ўстира олмайди, ҳеч ким, шуни бир би-либ қўй. Биз жуда баҳтлимиз-да, бизнинг ойимизга ўхшаган ойи яна кимда бор? Ҳа, ана шунақа». Кампир бу гаплардан юраги шувиллаб, гангиб қоларди, у бу гап-ларни эшиттириб айтиш мумкинлигини билмасди, буна-қанги меҳрибонлик эриш кўринадиган қишлоқда бу гап-ларни яна битта-яримта айтган бўлиши гумон эди. Шун-доқ ҳам тушунарли-ку, ҳеч ким, ундан бошқа ҳеч ким унинг болаларини туғиб бермайди-ку, ахир, аммо бу тўғрида гапириб бўларканми? Нима кераги бор? Она-

нинг юраги орқасига тортиб, бошини Танъчоранинг этағига янада пастроқ туширади. «Сен, ойи, ҳали узоқ-узоқ яшайсан, ҳаммадан кўп яшайсан, чунки сен ҳаммадан яхшисан, шунинг учун сени ҳеч кимга алиштирмаймиз, қаригани қўймаймиз». — «Кўп алжима!» — деб онаси унинг гапини бўларди. «Мен алжиётганим йўқ, бир куни келиб сендан ажралиб қолишимизни мен ҳатто тасаввур ҳам эта олмайман». Мехр тўла бу сўзлардан кампирнинг кўзига ёш келарди, шунинг учун шошапиша ўрнидан тураркан: «Бугунга шу ҳам етади, хўп ўтиридик, ишлар ҳам қолиб кетди», — дерди.

Бунақа гаплар кампирни чўчитарди, аммо бундай гаплар аҳён-аҳёнда, бор-йўғи бир неча марта бўлганди, холос, шунинг учун бу чўчиш худди никоҳ кечаси келиннинг куёв олдида чўчиб туришига ўхшаш ёқимли, юракни орзиқтирадиган чўчишлардан эди. Кампир кеийин, гўё тасодифан, ногаҳон эсига тушиб қолган бу сўзларни ўйлаб, анчагача ҳузур қилиб юрарди, аслида у истаган пайтида кўнглини кўтариб, курсанд бўлиб юриш учун бу сўзларни ҳафсала билан миясига жо қилиб оларди. Тўғри-да, бунақа гапларга қайси она эриб кетмайди?! Ахир Танъчора унга доимо меҳрибонлик билан илиқ муомала қилса, ҳар қандай онаға ҳам ишониб айтиб бўлмайдиган гапларини худди ўз дугонасига айтгандай у билан ўртоқлашиб турса, унга ишонмасдан бўладими? У ҳатто турмушга чиқаётганда ҳам хат ёзиб, она розилигини сўради, фотиҳа тилади, шунинг учун она йўқ дея олмади, гарчи унга-алам қилса ҳам, қизига ким уйланаётганини билмаса ҳам йўқ дейишга оғзи бормади.

Мана энди унинг Танъчораси шу кетганича зимго-йиб бўлди-кетди.

Кейинги пайтларда кампир бу учун қизини эмас, ўзини айблашга ҳам тайёр эди. Унинг айби нима, ўзи ҳам тушунмасди. Танъчоранинг олдига жўнашга эса ўзининг ҳоли келмасди, қизи жуда олисда, кампир у ерга йўл бу ёқда турсин, ақл югуртириб ҳам етиб боролмасди, аммо кампир бошқа нарсани тушунарди: она ўз қизини шунча вақт кўрмай юриши мумкин эмас — ўзига оғир, одамлар олдида ноқулай, қизи олдида эса уят. Бундан чиқадики, агар у шунчалик айрилиқقا чидаса, қанақа она бўлди ахир? Танъчора билан дийдор кўришиш учун у нима қилди? Кутишдан нариға ўтмади. Лоақал пинаги бузилмади-ку. Хўш, бирон нафи тегиши учун нима қилиши керак эди? Э, худо, кошки бирор айтиб берсайди. Кампир Люся деб куйиб-пишмасди, у ўзини

хафа қилдириб қўймайди — у бунақа одам әмас, Варвара эса аксинча, уни ҳар ким хафа қилиши мумкин. Лекин Варвара ёнида, деярли кўзи олдида, Илья мужик, ўзини-ўзи ҳимоя қила олади, фақат Танъчора тушмагурини тақдир шамоли узоқ-узоқларга әлтиб ташлагани учун кечаю кундуз бу ҳолат кампирга тинчлик бермас, юрагини ҳаммадан кўпроқ эзарди. Қани энди узоқ юртда, бегона одамлар ичида онасиз қандай яшаётганини лоақал бирон-бир тирқишдан бир мартагина кўрсаю билса.. Ахир юзидан, сўзсиз ҳам, кўп нарсани билиб олиш мумкин, шунда кампир қизи учун худога илтижо қилармиди ёки шукронга айтармиди, биларди. У яна қизини узоқ вақт кўрмай юриб орттирган гуноҳидан соқит бўлиб, худо олдига пок бориш, кейин, хотиржам, ёруғ юз билан даргоҳида, мана мен, банданг Анна, барча губордан мусаффоман дейиш учун ҳам ўлими олдидан бирровгина бўлса ҳам Танъчорани кўриши керак эди.

Аммо бугун сўнгги муҳлат эди: агар Танъчора қоронғи тушгунча келмаса, демак, ортиқ умид қилмаса ҳам бўлади.

Кампир Танъчора албатта келади, фақат сабр қилиш керак, борган сари яқин келиши учун халақит бермаслик кераклигига ўзини ишонтириб, енгил тортди-да, кўзи илинди — у аввалига ташқаридан әштилаётган ҳар бир овозга қулоқ солиб, мудраётганини унутмай ҳушёр ётди, кейин, одатда ҳамиша бўладиганидек бехосдан изнитиёрини қўлдан берди-да, қаттиқ уйқуга кетди, каравотда одам ўрнига бўш қоп қолди. У қаерларга борди, нималар қилди, ҳеч ким билмасди.

Овозлар уни қайтариб келди, у бу овозларни ҳали, олисда туриб әшитарди, нималар дейишаётгандарини тушунмасди. Энг олдин кампирнинг қулоги ишлай бошлиди, аммо жуда суст ишлаганидан жуда ноаниқ, узуқ-юлуқ, гўлдираган, худди бирон сувга тош ташлаётгандаги булуқ-булуққа ўхшаш овозни илғаб олди. Кампир энди илгариги кампир әмасди, илгари тиқ этган товушни әшитган заҳоти уйғониб кетаверарди, ҳозир бўлса инсонга лозим бўлган барча нарсаларни — қулоқни ҳам, кўзни ҳам, эс-ҳушни ҳам йиғишириб олиш учун вақт, куч керак эди, бу аъзолар ухлаб ётганида гўё бирбиридан ажраб кетиб, ўз бурчини ўташни унутиб қўйгандек эди.

Кампир қўзини очди-ю, аммо дарров бирон нимани ажрата олмади: хона ичи гира-шира эди, аммо бу гира-ширалиқ борган сайин қуюқлашаётганди. Дераза фақат

тапқаридан, ҳовли томондан оқарип турарди; аммо ойнадан ёруғлик кам тушарди. Люся қисти-бастига олиб, дона-дона қилиб кимгадир шундай дерди:

— Уялмайсизларми?! Она ўлай-ўлай деб ётса-ю, булар жинни бўлиб ўтиrsa!

Кампир ҳам бирданига қўрқмади, у аввал стол устига бошини энгаштирган Михайлни яхшилаб қўриб олди, столнинг бошқа томонида Илья ўтиради. У Люсяга жавоб бермоқчи бўлиб, қимиirlаб қўйди, шундан кейин кампир мужикларнинг ҳали ҳам ароқхўрлик қилишаётганини, қизиқтириш учун қаймоқ қўшилган заҳарга ёпишган пашшадек ичкиликка ружу қилишганини кўриш ва тушунишдан кўра кўпроқ ҳис этди. Кампирнинг оёқ томонида Варвара чуқур уҳ тортиб, хўрсиниб қўйди. Люся кўринмасди, унинг овози ўнг томондан, бут қўйиладиган токча остидаги тумбочка томондан келарди.

Бирдан кампирни ваҳима босди. У каравотда буқчайиб, тиришиб, ҳозир қизимни топиб берасизлар, дегандек қилиб жонҳолатда қичқириди:

— Танъчора!

Варвара кампирнинг устига энгашишдан олдин маълум қилди:

— Ойижонимиз уйғонди.

— Танъчора!— яна чақирди кампир, ҳатто нафас ҳам олмай, бутун вужуди қулоққа айланиб.

— У ҳали келгани йўқ, ойи,— виключатель шиқиллади, хона ичи худди кундуздагидай ёп-ёруғ бўлиб кетди. Виключатель ёнида Люся турарди.— Танъчора ҳали келгани йўқ,— деб такрорлади у, кампир тушунмаганини кўриб.

Хонадагилар кафтлари билан нурни тўсиб, кўзларини қисиши, кампирнинг назаридаги улар бекинишашётгана ўхшарди, чунки улар унга ҳақиқатни айтишни исташмасди, шунинг учун кампир уларга ишонмади: кампир бошини чайқаб илтижо билан мўлтиллаб уларга кўз югуртириди, худди тик тоққа чиққандай, ортиқ бир қадам ҳам босишга кучи қолмагандай бўғилиб кетди, бу нигоҳга фақат Люся бардош бера олди. Танъчора бу ерда йўқ эди, кампир буни аввал бошда, уйғонган заҳотиёқ тушуниши керак эди: Танъчора бўлса, бошқа нарсалар тўғрисида гапиришарди, ахир. Ухлаб қолибди-да. Бир оғиз ҳам сўз айтишга ҳоли қолмаган кампир ўзига ҳам, уларга ҳам ишонмай, ҳамон бошини чайқар эди, унинг боши ёстиқда худди бир бурда нон деб ялиниб-ёлбориб турган

тиланчиларники сингари қалтирар әди, томоги бўлса ҳамон қисиб турар, кўзини хаёл бўлса-да очишга, Таньчорани кўришга қўйимас әди. Сиртидан қораанг сурилганга ўхшаб турган деразада худди кўзгудагидек электр нуридаң чароғон бўлган хона акс этиб турарди, ташқари зим-зиё әди. Кампир тирсагига таяниб, кўтарилди ва қаровотдан думалаб тушгудек бўлиб олдинга энгашди, тоқатсизлик билан ғамгин сўради:

— Қани? Қани у?

Кампир қотиб қулоқ солиб турди, у ким жавоб беринини билмай қолмаслик учун кўзларини бақрайтириб ҳаммасига баравар қараб турарди.

— Агар унинг қаердалигини билсак, сендан яшириб нима қиласардик,— хотиржамлик билан деди унга Люся.— Тушунсанг-чи, ойи, биз ўзимиз ҳам ҳеч нимани билмаймиз.

— Худо ҳаққи, ойижон, уни кўрганимиз йўқ,— Варвара кампирни ишонтириш учун қўлларини кўксига босди.— Сенга ёлғон гапириб нима қиласман.

— Келади,— деди Илья дадил ва ҳатто курсанд бўлиб гапини илиб кетди. У ҳаммасидан ҳам ўзи билан Михайл тўғрисида бораётган гап бошқа мавзуга кўчганидан курсанд әди.— Бугун келмади, эртага келади, ҳа.

— Менга кеча ҳам шунаقا дегандинглар, қани у?

— Энди бунисини айтиб беролмаймиз. Келса ўзи айтиб беради.

— Менга кеча ҳам шунаقا дегандинглар, қани у?— кампир алаҳсираётгандай бир гапни такрорлади ва овозини ўзи эшитмасди, чунки бу сўзлар биринчи марта айтилгандаёқ жавобсиз қолганди, энди бўлса миясига ўрнашиб олиб, гуноҳкорона тарзда акс-садо берарди. Энди буни сўраб нима қиласади? Нима кераги бор? Энди кампир биларди: йўқ, келмайди. Унга ато этилган вақт тугади. Энди кутишининг фойдаси йўқ. Таньчора келмади. Келмади, кампир уни кўролмай кетяпти-я.

Кампир бошини ёстиқка қўйиб йиглаб юборди.

— Ҳа, мана,— деди Илья ҳим-ҳим қилиб.— Бошлиняпти.

— Ойижон! Ойижон!— деди Варвара безовталаниб.

Дабдурустдан кампирнинг ич-ичидан нимадир узилиб кетгандай бўлди, нимадир босиқ инграницаш туфайли ва бу босиқ инграницаш ҳали тинмай туриб, кутилмаганда ўзгарди-да, кечаги жарангта айланди, у бу овозни қизлик пайтидаёқ эслаб қолганди, майин жинг-жинглаган бу овозлар узилиб қолмасди, аксинча бир-бирига қўши-

либ кучайиб борарди. Нимадир кампирни шу овоз сари шунчалик қаттиқ судраб борардики, у ҳатто қаршилик кўрсатишни ҳам ўйлаёлмай қолди. Аввалига озгина юрса шундоққина ёнида турган шу жарангга етиб оладигандек эди, аммо кейин бу овоз узоқлаша бошлади, кампирни эргаштириб борган сари олисларга олиб кетди, аммо кампир унга ишончини йўқотиб қўймаслиги ва қаёққа қараб юришини билиши учун бу овоз ҳамон тиниқ, аниқ-равшан янграб турарди. Кампирнинг аранг эсида бор: бундан сал олдин қандайдир бир жудолик суюқ-суюғидан ўтиб, йиглаб юборганди, энди бўлса оғриқ босилди, овоз кетидан бориши осон, қувончли эди, энди кампир ҳаммасининг охирі баҳайр бўлишидан суюниб йиғларди.

Кампир юзини бекитмай, икки ёнида ётган қўлларини қимиirlатмай йиғларди. Унинг кўзлари очиқ эди, кўзларидан аҳён-аҳёнда аччиқ ёшлар чиқиб, секин юзларига оқиб тушарди. У қимиirlамай, овоз чиқармай жимгина йиғларди. Фақат кўз ёшлари юзларидан думалаб-думалаб тушарди. Унинг юзи деярли хотиржам эди, шу боисдан кулгили кўринарди. Бу шунчалик бир-бирига қовушмаган, шунчалик гайритабиий, вахимали эдики, онаси ёнида ўтирган Варварани эсанкиратиб қўйди: у эс-ҳушини йигиб олиб, қичқириб юборди, ўзини кампирга ташлаб, кучи борича уни қимиirlата бошлади. Икки ҳатлаб Люся келди, Илья ҳам келиб, опа-сингиллари елкасидан кампирга мўралади. Михайл ўрнидан турди-ю, яна жойига ўтириб қолди.

Кампир ихради. Люся ниҳоят Варварани кампирдан ажратиб олди, шундан кейин кампир менга тегманглар деб ялингандай бошини у ёқ-бу ёқча қимиirlатди. Эси оғиб қолган Варварани онасидан сал четлатиш учун Люся кампирнинг ёнига ўтирди, кампир ўзи қимиirlаб, ўзи ҳаракат қилиб қизларидан сал нарига, дезор томонга сурилди, кўзларидан жимгина оқиб чиқаётган ёшларини кафти билан артди.

— Ойи, намунча бизнинг ўтакамизни ёрмасанг?— деди Илья стол ёнига қайтаётиб.— Мен сенга айтяпман-ку, бугун келмаса эртага келади, деб. Ҳа. Кутиш керак-да.

— Бирон иш чиқиб, ушланиб қолгандир-да,— деб гапни илиб кетди Люся ва афти буришиб кетди: у ўзи айтган гапга ўзи ишонмасди, аммо шундай бўлса ҳам гапида давом этди:— Нима бўлсаям кутиб турайлик, энди шошилиб қаёққа ҳам борардик.

Кампир бу гапларни эшитарди ҳам, эшитмасди ҳам:

кампир унга далда беришга ҳаракат қилиб айтишаётган сўзларни эшигарди, ким айтганини, кимнинг овози эканини ажратиб оларди, аммо бу сўзлар замираиди нималар борлиги унинг онгига етиб бормасди. Улар бу қулогидан кириб у қулогидан чиқиб кетаверарди. У рўпарасига қараб ётган бўлса ҳам ҳеч нимани кўрмасди, ўз дардидаги ўзи қовурилиб, ўлмагани учунгина шу ерда ётганини эсларди. Аммо энди уни бу ерда тутиб турдиган ҳеч нима, ҳеч қандай илинж йўқ эди. Энди фақат шунча вақтдан бери илҳақ, умидвор бўлиб келган кўнгли яна равшанлашиб, жудоликка кўниккунча, уни азоб-уқубат, қайғу-ғамдан халос этгунча, жонидан бўлак ҳеч нима қолмагунча сабр қилиш керак. У биратўла халос бўлишини истамасди, кампир ҳаммаси пешонасига қандай ёзилган бўлса шундай бўлишини, умри шундоқ ҳам чопқиллаб ўтиб, ўз нуқтасига, энди тўхташи лозим бўлган жойга етиб келганини биларди.

Фарзандлар бизнинг гапларимиз билан ойимиз яхши бўлиб қолди деб ўйлаб, тинмай гапиришарди, кампир уларга жавоб бермасди, аммо Танъчоранинг тез-тез эста олиниши уни итариб-туртиб, ўзи ёлғиз қолган оламдан бу оламга қайтариб олиб келди. Электр нури ҳайратга солди, аммо бу нур унга Танъчора кўринмаган ёргуликни эслатарди, энди Танъчорани ҳеч қанақа электр билан қайтариб ёки топиб келиб бўлмайди. Кейин шу заҳоти кампирнинг аъзойи-баданида оғриқ турди. Заррача тоқат қилишга тоби қолмаган кампир ташвишланиб, сесканниб кўзини очди ва фарзандларини ёнида кўрди: мана Люся, мана Варвара, Илья, Михаил... Танъчора йўқ эди. Унинг бу ерда бўлиши мумкин ҳам эмас.

— Унга бир нима бўлган,— деди кампир, у бу гапни бирорнинг кетидан такрорлагандай бўлди ва энди, такрорлаб бўлгач, қўрқиб кетди.— Унга бир нима бўлган,— деди у қаттиқроқ, қатъийроқ,— сизлар менга айтмаяпсизлар. Сизлар мени алдаяпсизлар, биламан.

— Вой, нималар деяпсан, ойи?!— таажжубланиб, хафа бўлиб каравотдан турди Люся.— Нималар деяпсан?! Биз сенга нимани айтишимиз керак экан?! Биз сени нима деб алдаяпмиз экан?!

— Алдаяпсизлар, алдаяпсизлар,— кампир ҳам гимирлаб туриб ўтира бошлади, бошидан рўмоли сирғалиб тушиб кетди, калта, сийрак, оппоқ соchlари очилиб қолди.— Биламан, алдаяпсизлар. Билмасин, деб мендан яширияпсизлар. Нуқул әртага, әртага дейсизлар, энди тамом. Энди әртага деган гап йўқ, ҳаммангиз ҳам мени

жинни бўлиб қолган, ҳеч нимани тушунмайди, деб ўй-ляяпсизлар.— Сочлари тўзиб, юзлари титраб турган кампир чиндан ҳам жиннига ўхшарди.— Агар Танъчорага бирон гап бўлмаганида эди, у ҳаммангдан олдин қанот чиқариб учиб келарди. Мен бўлсан ёш болага ўхшаб кутяпман, кўзларим тешилиб кетди...

— Қўйсанг-чи шу гапларни, ойи!— деб ўшқирди Люся.— Нима деяётганингни ўйлайсанми сира? Ҳеч ким сени алдаётгани йўқ, шуни тушунасанми-йўқми? Танъчоранг қаердалигини биз ўзимиз ҳам билмаймиз.

Люсянинг айтган гапи, унинг овози ҳаммани итоат этишга, қотиб туришга; кампирни гапдан тўхташга мажбур этди: кампир ҳайиқиб жим бўлиб қолди, очиқ оғзи титрарди, лаблари юмилишга ҳаракат қиласади-ю, юмила олмасди.

— Агар унга бир гап бўлган бўлса, мен гўримда ҳам тинч ётолмайман,— деди у зорланиб.

— Биз унга бир гап бўлган-бўлмаганини билмаймиз.

Кампир остидаги қўлларини суғуриб, оҳиста каравотга, ёнига қўйди. Кампирнинг юзидан қон қоча бошлади, юзи ҳамманинг кўз ўнгига борган сари оқараверди. Жимжитликда Варваранинг питиллаб нафас олиши яхши эштилар эди.

— У ерда, у ҳозир яшаб турган жойда уруш бўлганми-йўқми?

Кампир ҳайиқиб Люсяга кўз қирини ташлади ва қисиниб, ўриннинг ичига кириб кетди.

Унга Илья жавоб берди:

— Киевдами? Киевни немислар оловуди — ҳа. Бу аниқ эсимда.

— Ҳа, мана шу-да,— алам билан бошини қимиirlатди кампир ва саннаб йиғлай бошлади:— Вой, болам-ей! Нега шунаقا қилдинг-ей?! Нега одамлардан сўраб-суроштирумадинг-ей?! Мен бўлсан у ёқса борармидим-ей? Бу саёқ кимга ўхшадийкин-ей?! Мен бўлсан, унга кўзим тўрт бўлиб ётибман-ей! Энди у ёқдан келиб бўларканмий?! Вой, кўра-била туриб, ўзингни-ўзинг балога гирифторм қилибсан-ей!

— Шошма, ойи, шошма,— деб тўхтатди Илья.— Нима бало, ойдан тушганмисан?! Ахир урушнинг тамом бўлгани қачон эди?

— Барибир.

— Нима «барибир»?

— Хўш, бўлмаса у қани, қаерда? Нега у бу ерда иўқ?

— Яна «қаерда» дейди-я. Кар эшитганини, кўр кўрганини қўймас экан-да, ҳа.

— Хўп, бўлти,— деб Михаил кафти билан шап этиб столга урди-да, гандираклаб ўрнидан турди.— Танъчораларинг келмайди, кутишнинг ҳожати йўқ. Мен унга келмагин, деб телеграмма жўнатганман.

Кампир титраб кетди.

— Нима деялти у?— кампир ишонмади.

— Мен келмагин, деб унга телеграмма юборганиман деялман. Бу ерга келиб нима қиласарди.

— Вой, ишинг қур-си-ин!— деди оҳ тортиб Варвара.

— Унга телеграмма беришга қачон улгурдинг?— дарров сўради Люся.

— Ойим сал тузук бўлгандан кейин берганиман.

— Ундаи бўлса нега шу чоққача бир оғиз индамадинг?

— Ароқхўрлик қиласериб бутунлай эсимдан чиқиб кетибди. Унтуибман.

— Телеграмма берганинг ҳозир эсингда аниқ борми?

— Аниқ эсимда.

— Эҳтимол, бу ҳам ўзинг айтгандек, ароқхўрлик қилганингда тушингта киргандир?

— Йўқ, туш эмас. Почтага бориб текширсаларинг ҳам бўлади. Ҳозир шу ҳақда гап кетганидан телеграмма берганим эсимга тушиб қолди.

— Мана кўрдингми, ойи, Танъчорангга ҳеч нима бўлмабди,— Илья севиниб кетди.— Соғ-саломат, бизнинг ҳам соғ-саломат бўлишимизни тилаб юрибди — ҳа. Сен бўлсанг, ўшани деб жинни бўлаёздинг, бизни ҳам қийнаб юбординг. Мен айтувдим-ку, ахир, шошилмаслик керак, ҳаммаси маълум бўлади деб. Ўзи ҳамиша шунақа. Энг муҳими, шошилмаслик керак, кутиш керак.

Кампир унинг галига қулоқ солмади.

— Нега у бунақа қилдийкин-а?— деб шивирларкан юзида илтижо, умидсизлик ифодаси пайдо бўлди.— Нега у бунақа қилдийкин-а?— деб сўради у ва гўё ҳамон Михаилнинг галига ишонмагандай ундан илтижо қилиб, Танъчорага ҳеч қанақа иккинчи телеграмма юборганим йўқ, ҳазиллашдим дегин, шуни бўйнингга ол, деб ёлбораётгандай бошини чайқади.— Нега бунақа қилдинг-а, Михаил?,

— Нега, нега... Анча тузук бўлувдинг, бекорга сарф-чиқим қилиб, келиб юрадими деб ўйладим-да.

— Ахир мен уни бир кўрмоқчи эдим. Нега бунаقا қилдинг-а? — кампир йўталди, қайғу-алам унинг томогини қисди. — Мен уни ёнимда ўтирсин, девдим. Менга бирон нима десин, девдим. Ахир мен унинг туқдан онасиман-ку, бегона эмасман-ку. Мен у билан рози-ризолик тилашмоқчи эдим, мен энди уни қайтиб кўрмайман. Сен қанақа одамсан ўзи?! Менга унинг ҳеч нимаси, совға-саломи керак әмас, ҳеч нимаси, мен ҳозир унинг бўйи-бастиқи кўриб, дийдорига тўймоқчи эдим. — Кампир энди йиғламасди, аммо овози аянчли бўлиб, худди ғингшиётганга ўхшарди. — Сен нима қилиб қўйдинг-а? Сен мени охирги қувончимдан маҳрум этдинг, нуридийдамдан жудо этдинг. Сен мени ўлимим олдидан Таньчорасиз қолдирдинг. Раҳминг келмабди. Ўшанга интиқлигимни кўриб билмадинг, кутавериб адойи тамом бўлдим.

— Ростдан ҳам, Михаил, биз билан маслаҳатлашмай туриб, Таньчоранинг келиш-келмаслигини бир ўзинг ҳал қилишга қандай ҳаққинг бор эди? — Титраб-қақшаб сўради Люся. — Сен, гапингга қараганда, ўшанда ҳушёр экансан, демак, нима иш қилаётганингни тушунишинг керак эди.

— Бунда на уят, на виждон бор! — деб Люсянинг гапини қувватлади Варвара.

Қизлари қўллаб-қувватлагандан кейин кампирнинг ҳам жаҳли чиқди.

— У жўрттага шунаقا қилган,— деди кампир шошилмай, худди аламини олаётгандай ва туриб ўтириди. Унинг очиқ соchlари яна тўзиб кетди, озғин, қалтираб турган қўллари қаравотга ёпишди. — Сен жўрттага қилгансан, биламан. Атайлаб мени куйдирмоқчи бўлгансан. Улаётган бўлсанг ҳам тинч қўймайман, бир куйдирай дегансан, мени куйиб ўлсин деб Таньчорани йўлдан қайтаргансан.

— Қаёқдаги бўлмагур гапларни қўй, ойи. Нега мен жўрттага шунаقا қиларканман, нималар деялсан ўзи?!

— Жўрттага, жўрттага,— кампирнинг нафаси қисиди, шу боисдан у кўкрагини ушлаб, тинчланиш учун оҳиста у ёқ-бу ёққа қилиб сийпалади. — Нима, сен мени индамайди деяпсанми? Йўқ, гапираман — энди қўрқадиган одамим йўқ. У кўпдан бери мени ўлимимни тилайди, мен кампир, унинг жонига тегиб кетдим. У мендан нима тاما қиласарди? Ҳеч нима, менга эса бериш керак — ана шунинг учун аламига чидаёлмай, менга ҳар хил найранг қиласарди.

— Эсингни йиғ, ойи, нега алжираисан?!— Михаил кампирнинг каравоти томон қадам ташлади.

Варвара қичқириб юборди:

— Яқинлашма! Ойижонимизга яқинлашма! Сени қара-ю! Яқинлашишга ҳаққинг йўқ.

— Алжираисан, дейсанми?— деди кампир аччиғи келиб ва гўё Михаилни баҳслашишга даъват әтаётгандай жим бўлиб қолди. Михаил энди хона ўртасида чайқалиб туарди.— Мени қандай қўрқитганинг өсингдан чиқдими?

— Ҳеч нима эсимда йўқ.

— Бир куни мана шунақа маст келди-да: «Ётибсанми, ойи?»— деди. «Ётибман, ажалимни кутяпман», дедим. У бўлса: «Биласанми, бизда эндиликда фақат етмиш йилдан яшашади, ортиғи мумкин эмас!»— дейди. Мен унга: «Нега мумкин эмас? Ҳамиша одамлар то куни битгунча яшашган-ку, ҳеч кимни ҳайдаб юборишгани йўқ-ку»,— дедим. У бўлса: «Илгари шунақа эди, энди мумкин эмас, мен ўзим газетада ўқидим»,— дейди.

— Бу мамлакатимизда одамларнинг ўртача ёши шунақа,— деди Люся гап нимадалигини фахмлаб.— Михаил ўшани гапирган бўлса керак.

— Бу қанақаси бўлди?

— Қанақа бўларди... Ким қанча яшаса, ойи, шунча яшайверади, бирор кўпроқ, бирор камроқ, шуни ҳисоблаб чиқиб қарашсаки, мамлакатимизда одамлар ўртача етмиш йил яшар экан. Мана, масалан, сен тўқсонга кирасан...

— Менга сенинг тўқсонинг керак эмас — бошимга ураманими?

— Мен мисол учун айтдим-да. Дейлик, сен тўқсонга кирасан, бошқа бирор фақат эллик йил умр кўради. Икковингизнинг ёшингизни қўшиб тақсимлаганда етмишданга тўғри келади, энди гапимни тушундингми?

— Нега энди тушунмас эканман? Агар у менга мана шунақа деганида мен сизларга гапириб ўтирасдим. Ахир мен Мирониханинг ҳам миясини ачитиб юбордим. Мен унга шу гапни айтувдим, у бўлса: «Сен, кампиршо, алжираама», деди. Ӯзи бўлса, мундоқ қарасам, қўрқиб кетди. Қўрқиб кетди, жон-пони чиқиб кетди — нимасини айтасан, икковимиз ўтирибмизу дағ-дағ титраймиз. Мен унга: «Сени оёғинг бор, Егорканинг олдига бориб кел, у ҳам шу газеталарни кўради, балки эшитгандир», дедим. У бориб келди. Э, шу Егоркадан бирон бамаъни гап

чиқармиди? Егорка унга: «Сен, Мирониха, магазинда қора совун йўқлигини биласанми?» дебди. «Ҳа, тўғри, йўқ», дебди Мирониха. «Мана энди бўлади. Энди ҳамма кампирларни қора совунга ишлатилсин, чунки бекалар кир ювгани совун тополмаяпти, деган буйруқ чиқди», дебди. Мирониха унга: «Сен, Егорка, кўп тилимни қиҷитма, мен сенга Натальяңг эмасман. Мен қараб турмайман», дебди. Егорка уни баттар қўрқитибди: «Ишонмасанг,— дебди,— ишонма, ҳадемай ўзинг қўрасан. Ана Ключада илгариги куни кампирларнинг ҳаммасини ёғини эритиб олиб қора совун ишлаймиз, деб бир-бирлаб бўғиб ўлдиришибди, яқин ўртада бу ерга ҳам келишади». Ҳа. Бу гапни қара-я. Буни нимасини мақтайди, киши, нега энди мен тўғри гапни айтмас эканман? Мирониха иккимиз — иккита кампир, на тириқмиз ўна ўлник, у энди уйга ҳам келмай қўйди. Бўғиб ўлдиришини ким истайди? Биз чўқинтирилганмиз, бизни худомиз бор.

— Вой, бунинг қилган ишларини-ю, қилган ишларини-ю,— деди Варвара қарс уриб ва ҳиқиллаб йиглади:— Ойимизни шунчалик ҳам хўрлашадими — бу ёруғ оламда нималар бўляпти ўзи?!

— Ойи, мен сенга қачон шунақа дедим?— Михаил чайқалиб кафти билан юзидаги терни артди. У зўрга оёқда турарди, ҳатто четдан қараган одам ҳам унинг кўнгли беҳузур бўлаётганини пайқарди. Кечаги ва бу гунги ароқдан кейин еганлари ҳаммаси кекирдагига келиб турарди, у сал пастга тушириш учун зўр бериб ютинарди. У буқчайиб оғирлигини гоҳ у, гоҳ бу оёғига соларди, энди у ушлаб туриш мумкин бўлган столдан ўзи турдими ёки уни зўрлашиб хона ўртасига келтириб қўйишдими, эслолмасди. Онаси унинг кўзлари олдида гоҳ арвоҳга ўхшаб қимирлаб турарди: гоҳ ғойиб бўлиб қоларди, у онасининг соchlари ёйилиб ётганини сира кўрмаган эди, шунинг учун ундан қўрқарди, аммо у опасингилларидан биронтасига кўзи тушиши билан хона яна ўз ҳолига қайтарди-да, юракни шувиллатиб жимжит бўлиб қоларди, онаси ҳам итоаткорлик билан каравотига ўтиарди, аммо кейин яна қаёққадир ғойиб бўларди, ҳавога кўтариларди, хона эса бурчаклари гижирлаб айланба бошларди. Лекин кампирнинг гаплари уни лол қилиб қўйгандай эди, шунинг учун у олдин Варварага қаради, хонани гир-гир айланиши тўхтагач сўради.— Қачон мен сенга шунақа дедим, ойи?

— Уни эсида ҳам йўқ. Ҳеч нима эсида йўқ. Айтишга айтиб, унутиби. Ҳа, мен эса, жинни бўлаёздим.

— Рост, эсимда йўқ.

— Бу қанақаси бўлди, Михайл? — Люся аввалига гапини мулойимгина бошлади-ю, кейин қутилмаганда, бирдан овозини кўтарди: — Бу қандай бедодлик?! Мен сендан сўраяпман. Роса ҳаддингдан ошибсан-ку! Онамнинг бошига шунча кўргиликларни солиб юрган сендек кимсани нима деб аташни ҳам билмайман. Ахир бу зўравонлик-ку, зўравонликнинг ўзгинаси! Ҳатто уйдан ҳам баттар. Уни таҳқирилашга ким сенга ҳуқуқ берди?! Ким? Нега, сен, ойи, унинг бу қилиқларига чидаяпсан? Нима, сени ҳимоя қиладиган одаминг йўқми? Пешонангда факат шу биттами? Мен бўлсам, ҳеч нимадан бехабар, булаар тинч, эсон-омон деб юрибман.

— Эшит, ойижон, эшит,— деб Варвара ойисини қимирлатди,— Люсямиз тўғри гапиряпти. Ўлгудай сурбет бўлиб кетибди бунинг! Нима, у жиловимни тортиб қўядиган одам йўқ деб ўйлаяптими? Топилади, айланай, топилади. Сендан баттарларига ҳам топилган.

— Ахир унинг бунақа қилиқларига, муомаласига чидаф ўтирмасдан бирон киши орқали хабар қилиш керак эди-да. Ким-киму аммо сен қариган чогингда тинчгина яшашга арзийсан, шунинг учун биз сени ҳеч кимга ҳўрлатиб қўймаймиз, айниқса ўғлингга. Агар уйида туришинг унга малол келаётган бўлса, майли, керак эмас, бир чорасини қиласиз.

— Хўш, нима бўпти? — Ногаҳон Михайлники тутиб кетди.— Хўш, нима бўпти, балки битта-яримталаринг олиб кетарсизлар, а? Майли, олиб кетинглар. Ким олиб кетса, сигиримни бераман. Хўш? — у қўлини чўзиб кампирни кўрсатди ва заҳархандалик билан кулди.— Нега индамайсизлар? Сигиримни бераман. Қани, қайси биттангиз онамизни кўпроқ севаркансиз? Олиб кетинглар. Нега хаёл суриб қолдинглар? Мен ёмонман, ёмонман, сизлар эса яхши. Хўш, ичингиизда қайси биттангиз яхши? — у Люсяга қараб юрди.— Балки сендири? Ойминни сен олиб кетасанми? Сен унга қарайсанми? Сигирни сотсанг — пул бўлади. Ойимга кўп нарса керак эмас — кўряпсан-ку, деярли овқат емайди. Битта сигир унга етиб-ортади. Унга сенинг одиллигинг керак. Ойимнинг отдай бўлиб юриши учун уни қандай парвариш қилишини биласан. Унга тоза чойшаб солиб берасан, лекция ўқиисан. Тезроқ олиб кет, тагин битта-яримта олиб кетиб қолмасин, нега қараб турибсан?!

— Эсингни еб қўйибсан! — деди Люся бўғилиб.— Гирт жинни экансан-ку!

Қаёқдантир Надя пайдо бўлиб, Михаилга ёпишиди:

— Бас қил, бас қил деяпман сенга! Бизни шарманда қилма. Кет бу ердан!

Михаил уни итариб юборди:

— Ҳа, бир ками сен эдинг.

— Унга қулоқ солманглар, қулоқ солманглар! — деб бақириди Надя. — Унга ишонманглар.

Михаил яна кулди ва боядан бери кўнглини беҳузур қилаётган кайф энди баданини қиздириб, уни қувонтириб, қонини кўпиртираётганини сезди.

— Тўғри, мен жинниман. Онанинг эса жинни билан туриши мумкин эмас. Унда, балки сен олиб кетарсан? — күшчақчақлик билан сўради у Варварадан. — Аммо сенга сигирни сира зиёни тегмайди. Сени оиласнгда ойим зерикмайди. У ерга борса анча тинчид қолади, қиз билан ҳамиша яхши бўлади, қизи ичмайди, хафа қилмайди. Хўш? Хўп дея қол, хўп дея қол — нега индамайсан?

— Бизникода жой йўқ-да, — деди Варвара эсанкираб. — Олиб кетардиму аммо Соњкамиз ҳадемай кўз ёради-да.

— Туришга жой йўқ дейсанми? Демак, сигир сақлайдиган жойинг ҳам йўқ экан-да?

— Йўғ-е, сигирга жой бор. Қўрада тураверади.

— Сигирга жой бору онага жой йўқ. Онани қўрага жойлаштириб бўлмайди — анави, — у Люсяни кўрсатди, — беш йилдан кейинми, ўн йилдан кейинми келади-ю, жуда ҳаддингдан ошибсан-ку, дейди. Мен ҳам унга қўшиламан. Умуман мен онамнинг қўрада яшашига қўйиб қўймайман. Мен ҳам унинг одамга ўхшаб яшанини истайман. — У Ильяга юзланди. — Сен-чи, Илья, бу ишга сен қандай қарайсан? Ойимизни, балки, ўзинг олиб кетарсан? Хотинингни олдига олиб кетасан, хотининг унга қараб юради. Ахир, сен эртаю кеч ишдасан, у ерда хотинингни икки оғизгина чақчақлашадиган одами йўқ. Бизнинг ойимиз эса, ўзинг кўриб турибсан, камгап, хотинингга жуда маъқул тушади. Меникidan кетгандан кейин сизларникода яйрайди.

— Кўп ичиб қўйибсан, Михаил, — деди Илья асабийлашиб. — Нима қилаётганингни ўзинг ҳам билмайсан — ха.

— Наҳотки, сен ойимизни ҳозир жойидан қўзгатиб бўйласлигини тушунмасанг? — деб қичқириди Люся.

— Демак, ҳеч ким хоҳламас экан-да? — Михаил турган ерида айланди-да, алоқ-чалоқ кўзларини ҳаммага яна бир марта югуртириб чиқди. — Ҳеч ким. Тушунар-

ли.— У чуқур нафас олиб пишиллади:— Ундаи бўлса, ҳаммаларинг түёқларингни шиқиллатиб қолинглар бу ердан... Кейин менга унақасан, бунақасан ҳам деманглар. Ойи, ётиб уйқунгни уравер. Улар сени шу ерда ётган пайтингда кўпроқ яхши кўришади.

У эшикка қараб отилди.

Ўртага чўккан оғир, қалтис, киши юрагини әзувчи жимликда кампир илтижо қилди:

— Э худоё худовандо, сарсон қилма, кета қолай. Жонимни ола қол. Мен тайёрман.

Михаил мўрчага бориб, титроқ қўллари билан қоронгида печка ичидан шишани олди, пайпаслаб товуқхонадан стакан топди. У стакан лабига бармоғи билан босиб, унга тўлиб-тошиб четидан оқмагунча ароқ қўйди, кейин қолганини полга сепиб юборди-да, бир кўтаришда ичди ва илгари Илья ётиб юрган ўринга думалади.

## 10

Шу кечаси кампир пайсалга солмай ўлишга жазм этди. Унинг бу ёруғ оламда ҳеч қандай илинжи қолмаганди, ўлимни кечиктиришнинг ҳам ҳожати йўқ эди. Ҳозирча болалар шу ерда, майли, әлтиб кўмишсин, иккинчи марта яна шу ташвишни тортиб ўтирасдан, әл қатори кузатиб қўйишишин. Шунда, қарабсанки Танъчора ҳам келади, Михаил унга кел, деб яна телеграмма беради, шундай қилмаса бўлмайди, бундан қочиб қутулиб бўлармиди. Кампир энди Танъчорани ўйларкан, барибир уни кўра олмаслигига ақли етиб, қайгурмади, у бекорга умидвор бўлди, ўзини ҳам, бошқаларни ҳам қийнади. Мана ҳозир тинчгина гўрда ётарди-ю, ўзининг бу ёруғ оламда бўлганини, яшаганини унутарди, ҳаммасини унутарди. Агар у Танъчорани кўрганида дили равшан бўларди, пок кетарди — у ана шунинг илинжида эди. Э, бўлганича бўлар, энди жонни қийнашнинг нима кераги бор, уни қийнамаслик керак, тазба қилиб топшириш лозим, учиб кетаверсин. Вақт-соати етди.

Кампир каравотда ётар экан, хонанинг тинчишини кутди, чунки у ажалнинг ҳурраклигини, шовқин-суронда келмаслигини биларди. Уйдагилар шу куни кечқурун вақтли ётишди, Михаил уларни шарманда қилганидан кейиноқ ётишди, аммо ҳеч қайсисининг кўзига уйқу келмасди, у ёнларидан бу ёнларига ағдарилишиб, хўрсишишарди. Михаилнинг гапларини миядан осонгина чиқариб ташлаб бўлмасди, унутиш — бу электрни ўчириб ёқадиган кнопкага эмас: боссанг ёруғу боссанг қоронғи, фақат Нинка ухлаб қолди шекилли, аммо у ҳам уйқуси-

да лабини бир чапиллатиб қўйди — ё оғзида конфети билан ётиб қолган, ё куни билан ширинлик еавериб, тилини шунчалик урингирганки, тили ҳозир ҳам ором ололмаяпти шекилли.

Кампир ўлимни кўп ўйларди ва уни худди ўзини билгандек биларди. Кейинги йилларда улар жуда иноқлашиб қолишганди, кампир у билан тез-тез гаплашиб турарди, ўлим эса бир чеккага жойлашиб олиб, унинг шивир-шивирларига қулоқ солар ва тушунгандай хўрсиниб қўяр эди. Ўлар келишиб олишди: кампир кечаси оламдан ўтади. Кампир чақчайган кўзлари билан ажални қўрқитиб юбормаслик учун бошқа одамлар қатори аввалига уйқуга кетади, кейин ажал секингина келади-да, бу дунёдаги қисқагина уйқусини олади-ю, ўрига абадий уйқу беради.

Ҳамма одамнинг ажали бир, скелетга ўхшаган қоқсуюк, елкалари қингир-қийшиқ ёвуз кампир, дейишлари нотўғри. Болалар ва аҳмоқларни қўрқитиш учун кимдир шуни ўйлаб топган. Кампир эса ҳар кимнинг айнан ўзига ўхшатиб яратилган ўз ажали борлигига ишонарди. Улар эгизакка ўхшайди, одам неча ёшда бўлса, у ҳам шунча ёшда бўлади, улар бир кунда бу дунёга келган бўлса, яна бир кунда нариги дунёга қайтиб кетишади: ажал кишини кутиб туриб, уни қабул қилиб олади, кейин улар бир-бирини сира бировга бермайди. Инсон бир марта яашаш учун туғилганидек, у ҳам бир марта ўлиш учун пайдо бўлади, илгари яашани ўрганмаган инсон эртанги янги кунидан бехабар, палапартиш яшаганидек, у ҳам ўз ишида тажрибаси бўлмагани учун одамни тез-тез ёмон аҳволга солиб қўяди, билмасдан одамга азоб береби, уни қўрқитиб хафа қиласди.

Аммо кампир ўзининг осонгина жон беришини биларди. Бошқаларнинг қандай яшаши, ўлишини хўп кўриб, билиб олиш учун уларнинг вақти бор эди ва ниҳоят, бир-бирини қийнашнинг ҳожати йўқ эди, бунақага уларнинг ҳоли ҳам қолмаган эди. Кампир қаршилик кўрсатмайди, у эса, бошқаси, мени жуда кўп лақиллатдинг, деб кампирдан жаҳли чиқмайди: у атайлаб шундай қилаётгани йўқ, у ўлимдан ҳам сира қўрққан эмас, ёшлигида бемаънилик қилиб қўрққан бўлса қўрққандир, бошқа пайтда эса доимо уни азоб-уқубатлар, шармандаликлардан халос этувчи деб ҳисобларди. Модомики, у шу пайтгача ажални йўқламаган экан, келган чоғида уни хайдаб юборгани ҳам, бошқалардан кўпроқ яшамоқчи бўлгани ҳам йўқ — борига барака қилиб яшайверди. Энди эса йўқлайдиган пайт келди. Бас.

Кампир фақат нима учун ёш болалар ўларкин, деб ҳайрон бўларди, у ота-оналарнинг ўз болаларини қабрга қўйишиларини гуноҳ деб биларди, у'бу гуноҳни худога тўнкашга ҳам тайёр эди. Ёш боланинг ўлими ҳам ўзига ўхшаган кичик, ажлсиз бўлади, у бола билан ўйнашиб туриб эсидан чиқариб қўяди-да, бекосдан тегиб кетади — нима қилганини ўзи ҳам билмайди. Хўш, у-чи, худо-чи, у қаёқда эди, кўзи қаёқда эди? Гуноҳ, эндигина туғилган бола нима бўлганига, нега кўзи ёруғликни қўраётганига, қорни оч қолаётганига ақли етмаган бола заррача гуноҳ қилмай, бекордан-бекор оламдан ўтиб кетавериши гуноҳ-да, ахир. Бўлмаса уни нега алдашади — туғиша-ди? Нега унга ёруғ оламни кўрсатиб, инсоний тушунчани беришади?

Кампирнинг ўзи болаларидан бештасини кўмди, алоҳида-алоҳида ётиб бир-бирини соғиниб қолмасин деб уларни ёнма-ён қўйди. Тўрттаси-ку, унча-мунча касал бўлди, аммо бешинчиси, ўғилчаси ҳеч нима бўлмасдан, бекордан-бекорга ўлиб кетди. Кечқурун ҳам соппа-соғ, бус-бутун эди; тинчгина ухлади, ярим кечага бориб, бирон нима керак бўлиб қолса чинқирадиган болалар сингари чинқириди ва онасини уйғотди. У ўғилчасини белан-чакдан қўлига олди, оч қолиб уйғонгандир деб кўкрак тутди, ўзи ҳам тепасида мудради. Кейин у боланинг боши «шилқ» этиб тушганини сездию аммо қаттиқроқ ухлай қолсин, деб яна бирпас бағрига босиб ўтирди, ке-йин ўрнидан турмоқчи бўлувди, бирор биҳинига туртгандай бўлди: нега бадани иссиқ эмас? У типирчилаб қолди — аммо боланинг тиши аллақачон гирих бўлиб қолганди. У болам эммоқчи шекилли, деб ўйлабди, бола эса бир ўзи ўлмай, онаси қўлида ўлиш учун унга талпинганди. Нима учун, қайси гуноҳи учун ўлди? Ҳали йўлга кирмаган бўлса, бошқаларнинг юришини томоша қилиб ўтирса, ҳатто гапира олмаса, бошқалар унга яхши гапирияптими, йўқми, шуни тушунишдан нарига ўтмаган бўлса, унда гуноҳ нима қиласди? Ахир у бир парча эт-ку, фақат ейишу ухлашни билса, буни ҳам онасининг қорнида беихтиёру бедуо ўрганган бўлса. Шу ҳам инсофданми?

Кампир ўз ҳаётида бир неча марта фарзанд догоғида куйдию аммо худонинг ўзи берди, яна ўзи олди, деб ўзини-ўзи овутди. Аммо бу мақол фарзандга нисбатан сира тўғри келмасди. Агар мундоқ яхшилаб суриштириб кўрилса, ҳали бермасдан фақат ваъда қилиб, кўрсатган нарсасини қанақа қилиб олиши мумкин? Бундан ҳам

Ёмонроғи — ўзини таниган ёш болага салгина ақл берib, ухлаб турганидан кейин кўпроқ нарсани ўрганиш ва билиш истагида кўз очадиган, ҳозиргисига қараганда янада каттароқ бўлишни хоҳлаган мурғак болани; ҳали илдиз отмаган ниҳолни юлиб олиб қандай қилиб оёқ остига ташлаш мумкин? Гуноҳ, гуноҳ.

Кампир яна учтасидан жудо бўлди, аммо уларни кўма олмади, улар урушда ҳалок бўлди. Кампир уларнинг ўлигини кўролмагани, қабрининг қаердалигини билолмагани учун бошқа азобга чидашга мажбур бўлди: доимо назарда эҳтиётсизлик қилиб бу болаларини ўзи қўлдан берib қўйгандай бўлиб юрарди. Уларни асраб қолиш учун у нима қилиши керак эканлигини ҳозир ҳам билмасди, аммо нимадир қилиш керак эди, қўл қовуштириб, беҳуда кутиб ўтираслик лозим эди. Мана, кутиб оқибати нима бўлди — ҳар биттасига биттадан учта қорахат келтириб беришди. Кетишаётганида соғ-саломат, бақувват, бир-биридан қолишмайдиган эди, энди бола эмас, йигит бўлиб қолишганди, энди бўлса улардан учта қофзоча қолди.

Шунинг учун кампир буларнинг олдидан кетса, олдига борадиган одамлари бор эди. Болаларидан ташқари у ерда отаси, онаси, опа-сингиллари, ака-укалари бор. Отасининг шундай катта оиласидан бу ёруғ оламда бир ўзи қолди, кенжеке укаси бурноги йили қазо қилди. Ўзининг чоли ҳам урушга кетди, аммо ўшандай нобоп замонда чолига ўз ажали билан ўлиш насиб этди: уни меҳнат армиясига олишганди, у ўша ерда касал бўлиб қолди, дардни енга олмади, аммо ўша пайтдаги шароитга қараганда омади бор экан, уйига етиб келди, ёз эди.

Кампир чолнинг ўлимини худонинг ёзмиши деб қўя қолди, холос. Бу пайтга келиб у чолсиз ҳам рўзгорни тебратишга ўрганиб қолган эди. Чол-кампирни бутунлай ёмон турарди, деб бўлмасди, чунки улардан бешбаттар ёмон яшаётгандар ҳам бор, аммо яхши ҳам деб бўлмасди, йўқ, у ичмасди, агар ичса, эҳтимол, яхши бўлармиди: инсон юрагида худди қозон қасмогига ўхшаб кўп бемаъки нарсалар тўпланиб, қат-қат бўлиб қолади, уни ҳам нима биландир кетгизиш керак, шунинг учун ароқ, агар меъеридан ошмаса, кўп одамга дорилик қиласди: ичасан, ашула айтасан, ёзиласан, ройиш бўлиб қоласан, яна ишингга қараб кетаверасан. Аммо чолнинг жазаваси тутса, бир ойлаб жаҳлидан тушмасди, ана шунда кампирни кўз очирмай қўярди, ўтиrsa ўпоқ, турса сўпоқ, дерди. У нима иш қилмасин, барибир чолга ёқмасди.

У эрининг кечасио қундузи ёғилиб турган таъна-маломатларига қандай чидаб келаётганига ўзи ҳам ҳайрон бўлиб ёқасини ушларди. Кейин эри бирдан тескарисига иш тутиб қоларди: тиқ этмай қоларди, ярим йилгача ҳам бир оғиз гапирмай юраверарди. Яхши ҳам эри уйда кўп бўлмасди: гоҳ овга кетарди, гоҳ пул ишлагани бирон ёққа кетарди, гоҳ қишида шаҳардан сельпога юк ташувчи бўлиб ишга киради, ўша пайтларда, урушгача, юкларни отларда ташишарди, узоқ юришарди.

Эри қазо қилди, аммо кампирга ҳаммасидан ҳам кўпроқ эрининг урушнинг шундоққина ёнида юриб, ўлим ҳаммага баравар чанг солиб турган ердан уйига қайтиб келиб, тинчгина, хотиржамгина ўз ажали билан ўлгани ажабланарли эди. Эрининг шундай бўлишида бир сир борлиги кўнглига аён бўлди-ю, дарҳол чолнинг қилимишларини дилидан чиқариб ташлади. «Э худоё худовандо, бизнинг гуноҳларимизни ўзинг кечир...»— деб ибодат қила бошлади у эри оламдан ўтганини кўргач. У эримнинг гуноҳини демади, бизнинг гуноҳларимизни деди. Шунинг учун кампирнинг кўз ёшлари ҳам, қайғуҳасратлари ҳам сидқидилдан эди. Нима бўлганда ҳам у болаларининг ўлганларининг ҳам, ҳалок бўлганларининг ҳам, тирикларининг ҳам отаси эди-да, ахир. Тўғрими-тўғри: буларнинг олдидан кетса, олдига борадиган одами бор.

Кампир қулоқ солди: қаердадир ташқарида нимадир жаранглади, хона ичиде эса одамларнинг нафас олишидан ҳаво тўлқинланиб турарди. Улар ухлашяптими ёки йўқми, билиб бўлмасди. Йўқ, ҳали эрта, яхиси, шошилмаслик керак.

Кампир гўё бир неча бор ўлиб-тирилгандай қандай ўлишини жуда яхши биларди. Аммо гап шундаки, у ўлиб-тирилмаганди, лекин негадир у бутун манзарани кўз олдига келтириб, ҳаммасини аниқ, равшан кўриб, билиб турарди. Эҳтимол, бу кейин, ўлими олдидан ҳали эс-ҳуши жойидалиги пайтида умрининг бошидан охиригача яхшироқ кўриб олиши учун ҳар бир кишига шундай кўринар. Инсон туғилганидан кейин, то у паст-бalandни билиб оладиган бўлгунича бўлган ишларни бошқалар унга айтиб беришади, хўш, шундай экан, одам ўзининг сўнгги дамлари қандай ўтганини билмай кетса ахир бу ақл бовар қилмайдиган адолатсизлик-ку.

У ухлаб қолади, аммо одатдагидек ўзи ҳам сезмай қоладиган даражада қаттиқ әмас, балки ҳушёр, ҳар бир нарсани эслаб қоладиган даражада ухлайди, гўё у зина

погоналаридан қаёққадир пастга тушеб боради-ю, ҳар бир погона тұхтаб, яна неча погона қадам босишини яхшилаб күриб, билиб олади. Ниҳоят у ерга, устига сарық сомон түшалған жойга тушади-ю, умрбод ухлаб қолишини тушунади, рўпарасидаги зинадан эса унга томон ҳудди ўзига ўхшаган кампир тушеб келади ва унга қўлини чўзади, бу ҳам унга қўл узатади. Кампир сира бошидан кечирмаган қўрқув ва шодликдан тили калимага келмай, бедана юриш қилиб узатилган қўл томонга боради, шу пайт тўсатдан ўнг томонида ёмғир юваб ўтган ерларга ўхшаш бепоён, топ-тоза, тиқ этган товуш эшитилмайдиган ёп-ёргуғ кенглик пайдо бўлади. Жони эса кампирни шошилтиради, шунинг учун у тез юради. Кампир шундоққина яқин жойга боради ва деярли шу ондаёқ етиб келганини кўради. Сўнгги дақиқаларда кампир ё орқага қайтишни, ё оёқлари бошлаб келган ерни айланиб ўтишни истаб қолади, аммо кампир на унисини, на бунисини қила олади ва нақ лозим бўлган ўша ерда тўхтайди, кейин эса у ўзини тутолмай, сўрашиш учун гуноҳкорлик билан қўлини беради ва қўли ҳудди қўлқоп ичига киргандай, бошқа, енгил, ёқимли куч билан тўлиб-тошиб турган қўлга киради, бундан эса унинг заиф вужудига жон киради. Шу пайт ўнг томондаги кенгликда қўнғироқ чалинади.

Аввалига қўнғироқ ҳудди қадимги замонларда узоқ вақтдан бери кутиб юрилган өорис туғилганини хабар бергандек қаттиқ, дабдаба билан чалинади, кейин ортиқча даранг-дурунглар ғойиб бўлади-ю, кампирниң боши устидан қўнғироқчаларининг майин жиринглости сузуб ўтади. Кампир тушунмасдан ҳаяжонланиб, атрофга аланглайди ва бир ўзи эканини, анави, бошқа кампир эса ғойиб бўлганини кўради.

Шундан кейин у ҳеч кимдан тап тортмасдан, хушхурсандчилик, сидқидил билан ўнгга, қўнғироқлар жааранглаб турган ерга боради. У юриб бораверади, ўрнида қолган бирор эса унинг қандай кетишини кўзлари билан кузатиб туради. Уни тиниб бораётган қўнғироқ овози эргаштириб кетади.

У ғойиб бўлиши билан кўзлар похолга тушади-ю, ичида йўқолиб кетади. То янаги сафаргача зина ҳам ғойиб бўлади. Ер теп-текис бўлиб қолади, тонг отади, ҳақиқий тонг.

Иўқ, у ўлимдан қўрқмайди, ҳаммасининг ўз ўрни бор. Бас, ёшини яшаб, ошини ошади. Энди сарфлайдиган ҳеч нимаси қолмади, ҳаммасини сарфлаб бўлди —

юраги бўм-бўш. Ҳеч ҳақи қолмади, югура-югура етиб келган жойи шу бўлди. Ҳўш, бир сўраб кўрилсин-чи, у ўз умрида нима кўрди? Кўрган-боққани шу бўлди: болаларни едирди-ичирди, кир-чирини ювиб-таради, эртага едириб-ичириш учун олдиндан тайёрлаб қўйди. Саксон ёш, кўриниб турибди, агар киши адойи тамом бўлиб, сурати қолган бўлса, ҳарқалай одамга кўплик қиласар экан, аммо у ҳозир ўлим остонасидан орқасига ўғирилиб қарап экан, ўтган йиллар ўртасида катта фарқ кўрмади, бу йиллар бир-бирини қувиб, шоша-пиша бир хилда ўтиб кетди: кампир қуёш қаердалигини кўриш учун кунига ўн марта бошини кўтариб осмонга қаради ва типирчилаб қоларди — қуёш найзага келиб қолибди, пастга тушиб кетибди, у эса ишларини ҳали саранжом-саришта қилолгани йўқ. Ҳамиша шу аҳвол: болалар бир нима деб хархаша қилишарди, мол бўкирарди, полиз кутиб турарди, даладаги, ўрмондаги, колхоздаги ишлар-чи, умри шу зайлда ўтди, бундоқ бемалол нафас олишга, атрофига қарапшга, ер ва осмон гўзаллигини кўриб завқланишга вақти бўлмади. У «тезроқ, тезроқ,— деб ўзини қистарди ва гоҳ у ишга, гоҳ бу ишга уради, қанчалик елиб-югурмасин, ишнинг охири сира кўринмасди. Умри шу алпозда ўтиб кетди, йилига қарасанг, кўпга, ҳар хилга ўхшайди, кампир яшашга-ку узоқ яшади-я, аммо бундоқ ўйлаб қараса, деярли ҳеч бало йўқ: бири бирига, йили йилига, ташвиши ташвишига ўхшайди. Кампирнинг эсига яна қора чироқда ўтирганлари ҳам тушиб кетди, керосин лампага ҳам шунинг замонида ўтишди, энди бўлса кўпдан бери әлектрни шиқиллатишади, айтишларича, булар дарровгина бўлгани йўқ, аммо буларнинг ҳаммаси, кундуз куни етмай қолганда унинг югур-югурларини бири хира, бири ёруғроқ ёритди. Катта рўзғорда бошқа бўлиши ҳам мумкин эмас. Фақат кампир ётиб қолгандан кейингина, қариллик енгиди қўйгач, йиллар ҳам ўзини сездира бошлади, мудроқ босган узоқ қишлоари боши тепасида изиллади — менга қара, кампир, менга қара, йиллар бири биридан узун, демагин, бу йиллар сенда кўп эди, холос, деди.

Аммо кампир ўз умридан шикоят қилмасди, йўқ. Ахир бу умр бировники эмас, сеники бўлса, бировга эмасу сенга муносиб кўрилган бўдса, нима деб шикоят қиласан? Қандай ўтган бўлса, ўтди, шунисига ҳам шукр, умр икки марта берилмайди. Шунинг учун инсонга бир умр кифоя қиласди, чунки ўзи битта, иккита бўл-

са етмасди. Кампир эса оддийгина яшади: түгди, ишлади, янги кун олдидан бирпас ўзини ўринга ташлади, яна иргиб турди, қариidi — булар ҳаммаси ўша ерда, туғилган ерида бўлди, ўрмондаги дараҳт ҳеч қаёққа кетолмагани сингари у ҳам ҳеч қаёққа бормади, у ҳам худди онаси қилганидек, одамга хос ишларни қилди. Бошқалар эса у ёқ-бу ёққа боришиди, кўришиди, янги нарсаларни ўрганишиди — пайти келиб қолганида кампир ҳам ўшаларнинг гапларини эшилди, уларнинг ҳикояларидан ажабланди, қолаверса, ўзи ҳам түғди, болалари бошқалардан қолишимай, у ёқ-бу ёққа кетишяпти, лекин бошқалар сингари кўпроқ кўриш ёки ўшалар каби ҳар бир ишни осонроқ қилиш учун у ўзини уларнинг ўрнига қўйиб кўришни сира-сира хаёлига ҳам келтирмаган эди. Илон әмассанки, пўстингни ташлаб кетаверсанг. Шу боисдан бирор киши қанчалик яхши яшамасин, қанчалик келишган, чиройли бўлмасин, у бунақа одамни сира орзу-ҳавас қилган әмас, ахир бу онанг туриб бошқа бировни она қилиш ёки етти ётбегона болаларига ўзининг она бўлишини истагандай бир гаپ эди-да. Инчунин, ҳар умрнинг ўз гашти бор. Ҳа, у ҳам ўзига яраша яхши-ёмон кунларни кўрди, бу кунлар олисллашиб кетган сайн унга қимматли, азизу жонажон бўлиб бораради, агар ўша кунлар бўлмаса, у шу югур-югуру шу ташвишлардан аллақачон ўзини ўзи йўқотиб қўярди: у ҳар бир баҳтсизликдан кейин гўё мурда бўлиб қоларди, обиҳаёт пуркаб яна тириларди-ю, ўзига далда берарди, бўла қол, тириклигингдан қолма, сен бўлмасанг, ҳеч ким сени ўрнингни босолмайди, ҳеч ким сен бўлолмайди. То танангдан жонинг чиққунча ғимирлайверасан, бошқа чора йўқ. У кун кечирав экан, бу кунлар унга гоҳ шодлик, гоҳ азоб-уқубат келтиарди. Қай бири азобу қай бири шодлик; улар қаерда бир-бирига қўшилган, қачон ажралишиб кетган, улардан қайси бири ўзи учун фойдали бўлди, буни билмасди, ўзининг келажаги деб уларнинг сирли оташидан дилини ёритиш учун ҳаммасини бирваракай ичига ютиб юрди.

Кампир қулоқ солиб чўзилиб ётарди — у юлдузларнинг жимир-жимир фусункор нурларидан ёришган хонанинг тунда қандай нафас олишига қулоқ соларди, у шу уй турган мудроқ ернинг беихтиёр бўғиқ хўрсинишига, уй тепасидаги баланд осмоннинг чарх уришига, атрофдаги шитир шитирга қулоқ соларди, бу нарсаларнинг ҳаммаси ўзини, жисмини енгиллатиб ва ҳувилла-

тиб, бепоён тун қучогига абадий чиқиб кетаетган жонини эштиш, ҳис этишга ёрдам берарди.

Шундан кейин бирдан ўз ҳаёти ҳам кўзига яхши, силлиқ, бароридан келгандай кўриниб кетди. Шунчали с бахтли эканки, ҳеч ким бунчалик эмас. Агар инсон олам одамларсиз ғариб бўлиб қолмаслиги, бөлаларсиз қариб қолмаслиги учун бу дунёга келган бўлса-ю, ўзида борини болаларига бағишласа, бундан ҳам шикоят қилиши керак эканми?

Кампир Михайл тўнгрич ўғли Володька туғилганида айтган гапни эслади. У винодан маст эмасди, йўқ, у ўзи ҳали ёшгина бўла туриб ота бўлиб қолганига ҳайратланганидан маст эди, ахир у инсон зотининг давом этишида иштирок этди-я. Шунда у шундай деган эди:

— Қара-я, ойи, мен сендан, у эса мендан, ундан эса яна битта-яримта туғилади.— Кейин пинҳона бир алам билан башорат қилиб қўшиб қўйганди: — Ҳаммаси мана шу зайлда кетаверади.

Ана шундагина у то ер юзида ҳаёт тугагунича ҳаммаси шу зайлда абадий кетаверишини, шундай бўлиб келганини, бундан кейин ҳам шундай бўлишини тушунди, бу оддий, ҳеч кимни четлаб ўтмайдиган ҳақиқат унда ҳам тўхтамай, ўзининг туганмас занжиридан бир янги ҳалқани унинг бўйнига солди. У ана шунда ўзи ёлғиз қолгач, катталардек мулоҳаза юритиб бу бебаҳо оламда ер ва ҳаводан ташқари барча нарса ўткинчи бўлганидек, ўзининг бошида ҳам ўлим бор эканлигини тушунди. Шундан кейин онаси олдига бориб, кампир кўпдан бери билиб келган ва ўғлим ҳам билади деб ўйлаган гапни айтди.

Кампирнинг назарида бир лаҳзагина кичик деразалари ичидан беркитилган эски, ҳароб бир уйда юргандай, кишини мафтун этувчи чарақлаган юлдузларнинг нурлари эса деворлар, томлардан ўтиб ичкарига тушаётгандай бўлди. Деразачалардан ҳар бири болаларидан бирортасини эслатарди: мана буниси Люсядан, буниси Варварадан, буниси Ильядан, Михайл ва Танъкорадан бир хотира. Юқорида эса яна бир қатор михлаб беркитиб ташланган жуда кичик деразачалар бор, уларга тегишининг сира ҳожати йўқ,— бу деразачалар аллақачон оламдан ўтиб кетганлардан хотира. Кампир ойпарастлар сингари ўзидан асар қолдирмай, у деразачадан-бу деразачага ўтиб айланарди ва улардан қайси бирини очиб, қаёққа қарашини, кимни танлашини билмасди.

Ҳа, бутун ҳаёти шу ерда, деразачаларда. Шу деразачаларни очгану сең кампир, қанақа давлатинг борлигини, сақланиб қолган қайси бир хотира сендан кейин дарё соҳилидаги сўлим мевали буталарни, ўрмон четидаги қайинларнинг шохларини қимирлатишни, битта яримтасининг юзига урилиб, бесабабдан-бесабаб унинг кўнглига ғулғула солиб қўйишини кўриб қўйгин. Ҳозиргина дараҳтнинг баланддаги шохидан мудроқ бир қушча нимадандир чўчиб ерга ағанаб тушай деди, аммо бу ҳали сени жонинг эмас, сенинг хотираларинг эмас, ноаниқ шитир-шитир, шивир-шивирларга айланиб, бу қушчанинг уйқусини бузган ҳаёт сеники эмас, бошқаларники.

Кампир қотиб қолган қаддини ростлаш учун қимирлаб қўйди, кимдир нариги хонада ҳам унга жавобан мени ҳам унугиб қўйма, дегандай қимирлаб қўйди. Негадир кампир қимирлаган кимсани Илья деб ўйлади — бугун у хонада ётган эди.

Мана, Илья... Узоқ умр кўрган она ўғлининг нимасини эсласину уни ҳам, ўзини ҳам ранжитмаслик учун нимага нигоҳ солсин? Бугун хотиралар ҳам беозор, равшан, ҳамоҳанг бўлиши керак, илгари рўй берган заррача ғам-алам, бирон-бир ўринсиз бақириқ-чақириқ бу сўнгги видолашув тунида ташвишга қўйиши яхши эмас-да, ахир. Ҳадемай, ҳадемай вақт бўлади.

Мана, Илья... Илья довдирроқ бўлиб ўсади: ўз полизида ҳамма нарса тўлиб-тошиб ётарди-ю, у бировларнинг полизига тушарди, ўзларининг ейдиган нарсалари йўғу у қўлидаги бир бурда нонини дуч келган одамга берарди. Бир минутдан кейин унинг яна қандай каромат кўрсатишини сира билиб бўлмас эди. Бир куни болалигига унни тортиш учун тегирмонга олиб бориладиган буғдой ортилган аравага қараб тургин деб қўйишмади, бир маҳал одамлар уриш, ўқ овозларини эшитиб қолишиди. Бу Илья эди, у гаврон билан товуқларни ҳайдаб, арава устида ўтириш ўрнига омбор томига чиқиб олибди-да, ўша ердан туриб товуқларга қараб ўқ ота бошлабди, ҳеч гапдан-ҳеч гап йўқ, бир чўчқа билан икки боласини отиб қўйибди. Яна бир куни, энди каттагина йигит бўлиб қолганида ундан баттар ҳунар кўрсатди. Колхозга қаёқдантир текширгани бир комиссия келди, Илья билан яна икки йигит юқори дарёning нариги ёғида шудгор қилишшайтганди, комиссия кўриниши билан Илья қип-ялангоч бўлиб ечинди-да, ҳуштагини ча-

либ, плуг қулоғидан ушлаб кетаверди. Комиссия ичида хотин-қизлардан бор эди, улар унинг ёнига яқинлашгани қўрқишиди, улар йигитлар ерни яхши ҳайдашяптиими-йўқми, кўролмасдан икки қўлларини бурунларига тиқиб қайтишиди, кейин чамаси улар раисни роса олиб бориб олиб келишибди шекилли, чунки у қип-яланғоч бўлиб ер ҳайдашни ўғлингга сен ўргатгансан деб кампирга ёпишди.

Аммо кампир ҳозир бошқа нарсани эслади. Ильяни ҳам урушга олишди, аммо тугай деб қолганда олишди, шу боисдан у жанг қила олмади: уни у ерда у-бу нарсага ўргатгуналарича уруш, худога шукр, тугади. Уни кузатишаётганларида ҳали бу ҳақда билишмасди, албатта.

Қиши яқинлашиб қолган бўлса ҳам ҳаво очиқ, шамол эсиб туарар эди; тайёр арава ғов ёнида маҳтал эди, юк халталари ортилганди, дарвоза ланг очиқ — фақат хайрлашиш қолувди. Руҳи тушган, айни пайтда урушга кетаётганидан керилаётган, энг муҳими, сўнгги дақиқада бегонадай бўлиб қолган паст бўйли Илья онасининг олдига келди. Онаси уни чўқинтирди. Илья индамай онасининг дуосига қулоқ солиб турди, йўқ демади, кампир яхши эслайди, ўғли дуони онасига ачинганидан қабул қўлмади, йўқ, у дил-дилидан рози бўлди, бу розиликни унинг кўзларидан билиб олса бўларди, кўзлари ўйнаб, бир лаҳзагина умид билан ёришиб кетган эди. Шунинг учун кампир шу заҳоти ундан анча хотиржам бўла қолди.

Ўғлининг жўнаб кетиши тўғрисидаги хотира бошқа нарсаларни ҳам эсга тушириб юборди — булар бир-бирларига ўхшамасди, лекин, ҳарқалай, кампирнинг хотирасида, афтидан, ёнма-ён турарди.

Люся шаҳарга ёзда, сувдан кетди. Пристанга барвақт, ҳали пароход келмасидан анча олдин келишибди-да, худди лўлилар сингари соҳилга ўрнашиб олишди, ўша вақтларда кўз очгани қўймайдиган чивин-чиркайлардан сақланиш учун ўт ёқиб тутатиб ўтиришди. Люсяни ўртоқлари ўраб олишганди, унга гоҳ ҳаваслари келарди, гоҳ ачинишарди. Танъчора ҳам ўшалар атрофида уралашиб юради, кампир эса қизлардан сал нарироқдаги пастаккина тўнкада орол устида қачон пароход тутуни кўринаркин, деб тақдира тан берib, маъюс пойлаб ўтиради. Нихоят тутун кўринди, аммо кўзи ўткир қизлар аллақачон бу тутунни кўрган, гала-ғовур қилишиб, қичқиришиб, Люсяни тортқилашиб, бир-бир-

ларининг гапларини бўлишиб, унга бир нималар дейишга тушган әдилар. Кампир индамай әзилиб ўтиради.

Пароход тўхтади, шундан кейин Люся шоша-пиша дугоналарига қўлини узата бошлади, энг охирида қўлини онасига берди. Кампир унинг титраётган иссиқ қўлини қисди ва борақол дегандек елкасига туртди, сўнг ўзи ҳам яхши кўриниб турадиган ерга, оломондан нарироқ-қа кетди. Бир зумда трапни олишди, пароход ғилди-раклари айланиб, қирғоқдан жилди, Люся ҳам пароход билан бирга қирғоқдан жилиб, сузиг кетди. У бортда, оппоқ темир панжара орқасида туриб, дугоналарига қараб қўл силкитди, гарчи кампир унга қараб икки-уч марта қичқирган бўлса ҳам негадир Люся онасини кўрмади, кейин кампир қизининг кўзига кўриниш учун тёлбалардек сакраб қўлини кўтариб тушираверди.

Пароход бир томонига қийшайиб, бортидан сув ошиб ўтай-ошиб ўтай деб қолди, йўловчиларни бошқа томонга ҳайдашди, шулар ичиди Люся ҳам кетди... Кампир йифлай-йифлай дерди. Шу пайт тўсатдан Люся охириги марта соҳилга қарап экан, уни кампирнинг кўзидан тўсиб турган матрос майкасидаги йигитни итариб юборди-да, орқасига томон отилди, кейин жон-жаҳди билан бошидан рўмолини юлқиб олди ва кўнгли бузилиб онасига қараб силкитди. Унинг юзлари қўрқувдан оппоқ оқариб, шу заҳоти кўзларидан ёш чиқиб кетган эди. Кампир Люсяга томон отилди, тиззасигача сувга кирди, аммо пароход энди сузишини тезлатиб, бор кучи билан сувни шалоплатиб, олга интиларди, унинг орқасидан эса кўзни қамаштириб, пароходни қувлаб, уни ялтироқ ўйинчоқча айлантириб қуёш тушиб турарди.

Ўщаңда кампир энди қизим билан қайтиб дийдор кўришмасак керак деб кўнглидан ўтказганди.

Ногаҳон унинг болалари тўғрисидаги хотираларини тўзитиб, бир вақтлардаги бир кун ялт этиб кўз олдига келди, бу хотира ҳам дарё билан болғиқ эди.

Ҳозиргина худди ёздагидек қаёқдантир бир парчагина булут пайдо бўлди-ю, шариллаб қисқагина ёмғир ёғиб ўтди, кейин яна дарров кетидан қуёш чараклади, далалардан буғ кўтарилаарди, дараҳтлар ва буталардан оғир-оғир томчилар чак-чак томарди, у ер-бу ердаги ўтлардан қўнғизга ўхшаб томчилар думалаб тушарди, дарёда ҳам пуфакчалар сузарди, кўпиклар оқарди — ҳаммаёқ тоза, ярақларди, муаттар ҳидлар анқирди, қушлар навоси янграрди, сувлар шалдирарди. Ёмғирдан жони кирган ер бор гўзаллигини намоён этиб, чар-

чоги чиқаётгандай ҳузур қилиб нафас оларди, унинг тепасидаги осмон яна тиниқ мовий тусга киргаи эди.

У кампир әмасди — йўқ, у ҳали қиз эди, унинг атро-фидаги барча нарса яшиаб, ярақлаб, жилва қилиб турар эди. У ёмғирдан кейинги дарё қирғоғидан илиқ бугланниб турган сувни шалоплатиб борарди, кетида қолаётган тўлқинларда пуфакчалар чайқалиб ёрилар эди. Соҳилдаги ғалвирак қум қорайиб турарди, соҳил паст эди, унинг рўпарасида орол бор, қаердадир, бурунда сув шовилларди. Шохобча узун, кучли, тиниқ эди, шохобчалардан ёйилиб тўғри оқаётган сув яхши кўриниб турарди.

У қаёққа, нима учун, нимани деб бораётганини ҳам ўзидан сўрамай ҳамон санқиб борарди, кейин, ҳарқалай қирғоққа чиқади, чайир, яланг оёқларини қумга қўйиб, изини чуқур ўйиб туширади, кейин бу излар қаёқдан пайдо бўлиб қолганини билмасликка ўзини ишонтириб, уларга ажабланиб узоқ тикилади. Устидаги узун юбкаси ҳўл бўлиб баданига ёпишиб қолади, шунда у юбкасининг этагини кўтариб белига қистиради-да, яна сувга тушади. Ўзи эса, э, аттанг, мени ҳозир ҳеч ким кўрмаяти-да, деб оҳиста кулади. Шу лаҳзада бу ёруғ оламда яшаш, унинг кўркамлигини ўз кўзлари билан кўриш, бу жўшқин, ҳушчақчақ, бутун ҳаракатлари мутаносиб бу манг ҳаёт ичида бўлиш унинг учун нақадар соз, қувончли эди, бундан унинг боши айлағиб, ҳаяжонланиб, юраги орзиқарди.

Ўша кунни өсласа, ҳозир ҳам кампирниң юраги бир шувилларди: ўшандада шунақа бўлувди, рост, бўлувди, худо ҳозир.

Кампир наҳотки ўша гўзаллик ҳозир одамларга ўшандайича кўринса, у шунча йил яшаган бўлса-ю, шу вақт ичида бу гўзаллик сира ҳам хазон бўлмаган, сўлмаган бўлса, деб ўйларди. У ўшандада ўзи борган қишлоқ рўпарасидаги нариги қирғоққа сузиб ўтиб, бу гўзалликни ўша ҳолида, ўшандай беғубор, шод-хуррам ҳолида кўриб бўлармикин? Ер юзида озмунча ўзгаришлар бўлдими, наҳотки шу гўзаллик аввалгидай ўзгармай қолган бўлса?

Кампир маъюсланиб хафа бўлди, лекин шу заҳоти у агар сен бу ёруғ оламдаги барча нарса қариб, сен билан бирга йўқ бўлиб кетишини истасанг, жуда ҳам яхши экансан-да, деб ўзига-ўзи дакки берди.

Бир вақтларда, Варвара ҳали қизчалик пайларида,

кампир бир куни уни бир тор күчада чўккалаб олиб чўпча билан ерни чуқурлаётганини кўриб қолди.

— Бу ерда нима қилиб ўтирибсан? — деб сўради ундан онаси.

— Қазияпман.

— Нега?

— Бу ерни товуқ титаётган экан, ит келиб уни ҳайдаб юборди. Мен бўлсам кўриб қолдим. Сен мени ҳайдаб юбормайсанми?

— Йўқ, ҳайдамайман.

— Ундай бўлса, яна бирпас ўтириб чуқурлайман.

Онаси ичида кулиб йўлига қараб кетди. Варвара уйга қайтиб келгандан кейин онаси қизиқиб сўради:

— Ўша кавлаб ўтирган ерингдан бирон нима топдингми-йўқми?

— Мен ҳеч нима қидирганим йўқ, шундоқ ўзим кавладим. Аммо мени бир дайди ҳўкиз қувлади. Сен бориб ўша ҳўкизни ҳайдагину қазиб кўргин.

— Нимага?

— Шундоқ, қазисанг бас, кўрасан.

— Нимани кўраман?

— Билмасам. Бирон нимани-да. Жуда қизиқ.

Мана нима учун энди, кўп-кўп йиллардан кейин, кампирда ногаҳон даланинг бирон ерида чўнқайиб ўтириб, худди Варвара сингари ерни кавлаш, ернинг қанақалигини диққат, ҳаяжон билан яхшилаб кўриб олиш, ҳали ҳеч ким билмайдиган нарсани қидириб топиш истаги туғилди. Одамлар киши қариса ёш болага ўхшаб қолади деб кулишарди, бунда улар қарининг ақли заифлашиб қолганини-ю, боланинг эса ҳали эси кирмаганини назарда тутишади. Дарҳақиқат, кекса билан ёш боланинг қўйлидан фақат шулар: ўз мавжудлигини сезишу ҳар бир қадамда атрофни ўраб олган муҳитдан қаттиқ ажабланиш келади.

Кечаси ҳаво совиб, иззиллата бошлади, унинг беғубор, совуқ ёғдуси деразадан тушиб, деворда ўйнарди. Бундай пайтларда ҳавонинг чирсиллаб, совуқ ўз кароматини кўрсатишини, юлдузларнинг қандай эҳтирос ва ваъдалар билан даъват этиб ёниб туришини ва янги ойнинг шундоққина тепада виқор билан сузишини кампир унутмаган эди. Ерда эса ҳеч нима қимир этмайди, ҳаммаёқ сув сепгандек, жимжит, уйқуда, фусункор сеҳр оғушида.

Шундан кейин кампир бир титраб, вақт бўлди, деб қўйди. Ҳозир айни пайти, тун яримдан оғган, энди ор-

тиқ кутиш мумкин эмас. Ҳозир ҳамма қаттиқ уйқуда, ҳеч ким әшитмайди, ҳалақит бермайди. Тун сутдек ойдин, бу ҳам яхши, ана шу тун уни кузатиб қўяди.

Кампир ҳовлиқмай-нетмай, қўрқмай, хотиржамлик билан ҳозирлик кўра бошлади. Кампир ишни нимадан бошлашни ўйлаб адёлни оҳиста кўкраги устидан нари сурди, шовқин чиқармаслик учун каравот устида секингина силкиниб кўрди ва ортиқча ҳеч нима қолмаганини, барчаси тамом бўлганини пайқади. У ўзининг пардек енгиллигига, гавдаси худди ҳавода учиб юргандек, жуда енгил ҳаракат қилаётганига хиёл ажабланди-ю, яна шу ондаёқ бу ажабланишдан ном-нишон қолмади. Бу вужуд ҳали шу ерда, у билан бирга эди, шунинг учун кампир юраги алдаб бу вужудга қувват бериб турганини әшитаётганди. У оёғини узатиб, қулайроқ жойлаштириди, мана, ҳадемай оёқлари ҳам аъзойи бадани билан бир хилда бўлади-ю, хизмат қилишдан ҳаммасидан олдин мен бош тортганман, деб изтироб чекиб юрмайди. Ахир кампир шу оёқларига бир неча марта сизлар айбдор әмассизлар, мен ўзим югур-югур қиласвериб қийнаб қўйдим деб айтди-ю, аммо оёқлари тушунишмади-да. Энди тушунишади, тушунмай қаёққа боришади.

Кампирнинг кўзлари ҳамон очиқ эди, унинг кўзлари бўзарип турган тун ёруғлигини акс эттириб турарди — у кўраётган сўнгги нарса шу эди. Майли, ана шу бўзариш қуюқлашсину илгари кўринган нарсаларнинг ҳаммасини тўсиб қўя қолсин, ана шунда, юқоридан тушадиган қоронғиликни осонгина қабул қиласди. Кампир тўсатдан деярли саксон йил яшаб, вақти ҳамиша ошибтошиб юриб, эндиликда жони қил устида турганини фаҳмлаб қолди-ю, алланечук бўлиб музлаб кетди. Шу лаҳзада келажакдан заррача ҳам умиди қолмаганди, унинг бутун умри бир бўлиб, ўтмишга айланганди, кейинги лаҳзада эса на ўтмишу, на келажак бўлади. Ундан кейин бу ёруғ оламда болалари қолади, кампирнинг ўзида эса ҳеч ким, ҳеч нима, ҳатто ўзи ҳам қолмайди. Қизиқ, унинг ҳаёти қаёққа гойиб бўларкин? Ахир у яшади-ку, яшагани эсида бор-ку, яқингинада ҳам яшаб юрувди, унинг ҳаёти кимга қоларкин? Ахир у умрини иш сингари яхшими-ёмонми охирига етказди-ку. Э, ахир ундан енгча тиколмайсан-ку — бу ҳақ гап. Тилга олишади, унга томон бош иргаб қўйишади, вассалом. Шунақа одам ўтган эди дейишади-ю, эсларидан бутунлай чиқариб юборишади, кейин ҳаёлларига ҳам келтириш-

майди. Бу ҳам рост. Хўш, унга яна нима керак? Нима учун, нимани деб яшаганини-ю, ҳар қандай юкни тортиш учун тиркиш бўлиб чийралгани ва елиб-юрганларини лоақал билиб қўйиш учунми? Нимага? Фақат ўзи учунми ёки яна бирон-бир фойда учунми? Кимга нима учун, қандай манфаат учун ў керак бўлиб қолди? У ўзидан кейин бир неча зурриёт қолдирди — бу яхшими ё ёмонми? Ким айтади? Ким тушунтиради? Нимага? Унинг ҳаётидан, чанқоқ далага ёғадиган, кўпдан бери кутилган ёмғирдай бирор заррача барака топармикин?

Шу пайт уйнинг узоқ қоронғи бурчагидан бир нарса гижирлаб, гўё ноаниқ, мубҳам жавоб бергандек бўлди, шу боисдан кампир тилини тишлаб қолди: мана, унинг ажали келяпти.

Мана энди бўлса, жони узилай деб турган пайтда назарида кампир бундан олдин ҳам бу ёруғ оламга бир келиб-кетгандай эди. Қанақа эди, нима эди, әмаклармиди, юармиди ёки учармиди, у буни әслолмасди, фаҳмламасди, лекин нимадир унга ерни биринчи марта кўраётганинг йўқ деб айтиб туради. Мана қушлар ҳам икки марта туғилади; аввал тухумда, кейин эса тухумдан чиқади, демак, шунақа мўъжиза бўлиши мумкин экан, щундай деса худога шак келтирмаскан. Бу бир вақтларда бўлувди, кечаси осмонда момақалдироқ ҳам гулдураган эди — чақмоқ чақиб, гулдираб, шариллаб ёмғир ёғувди, ҳаммаёқ гулдиради, чақмоқ ёмғир челаклаб қуяёган осмонни тилиб, ялт-юлт қиласарди. Бу ёруғ оламда ўшандагига ўхшаган қўрқинчли ҳеч нима бўлгани йўқ сира: ўша момақалдироқ уни ўлдирган бўлса ҳам ажаб әмас, чунки кампир бошқа ҳеч нимани, унгача бўлган ишларни ҳам, ундан кейин бўлган ҳодисаларни ҳам әслолмасди, фақат момақалдироқ эсида бор, аммо бу манзара ҳам қандайдир олдинги, бошқа бир хотира акс-садосидай кўз олдига бирров келдио кетди.

Кампир оҳиста чўқиниб қўйди: агар бирон нима ножўя бўлса, худонинг ўзи кечирсин, у ўзидан-ўзи эсига тушиб қолган бу гап билан бирорнинг ғазабини қўзғамоқчи әмас, бу хотира қаёқдан пайдо бўлганини, эсига қандай тушиб қолганини кампирнинг ўзи ҳам билмайди.

Шундан кейингина кампир атрофига сўнгги видолашув нигоҳини ташламай кўзини юмди. Унинг юмилган кўзлари олдидан чапдан ўнгга қараб тутун ҳалқалари буралиб ўта бошлади, гўё шу заҳотиёқ бирор бухур тута-

тиб причастие<sup>1</sup> олдидан унга тутатаётгандай эди. У чўзи-либ, ажалнинг дастлабки қитиқловчи нафасини зўр бериб кутиб, қимир этмай ётди, бу нафасдан кейин вужудини қайғули, оромбахш бир туйғу қамраб олади. Мана у ёруғ дунёга келиб, унинг паст-баландини кўриб ҳам бўлди. Омин. Кампир ақли заифлашиб, қўллари увушаётганини сезди. Ёки унга шундай туюлдимикин, ўзи шуни истадимикин? Мана қўнғироқлар ҳам ер узра садоларини янгратаман деб, шай туришарди.

Минутлар ўтиб кетди, яна ўтятти — амма ҳеч нима ўзгармаяпти. Кампирнинг эс-ҳуши аввалгидек жойида эди: ўзининг кимлигини, қаердалигини, нимага ётганлигини биларди. Ажал негадир шошилмасди, ниманидир кутарди.

Кампир диққат билан ўзига-ўзи қулоқ солди. Барча аъзолари аввалги жойларида ўз хизматини ўтаётганга ўхшарди.

Кампир нега жони узилмаётганига тушунолмай, мен шу ердаман, шу ердаман, деб оҳиста, бўғиқ ингради. Балки ажал уни ҳали тайёр эмас, деб ўйлаб шошилмаётгандир-да. Кампир ажалда ишонч ҳосил қилиш учун аянчли, чорловчи бир овозда тун жимлигини бузиб, қўрқма, келавер, мен сенга интиқман, дегандек бир марта инグラб қўйди.

Кампир алланечук бўлиб кетди, кўнгли гаш бўлди. Нима бало, кампир ўз ўлимни тилайвериб унинг тинкасини шунчалик қуритиб юборди-ю, энди у бу ерга келишга ҳоли қолмадими? Ахир у шунча йилдан бери ўлимни эргаштириб юрди, ҳатто эргаштирмади ҳам, чопқиллатиб юрди деса ҳам бўлади, бунақада уни бутунлай сулайтириб қўйиш ҳеч гап эмас. Ростдан ҳам ажалнинг кампирга, кампирнинг эса ажалига этишига ҳоли қолмаган бўлса-я. Демак, энди у ўлмас экан-да? Йўқ-йўқ, бунақаси бўлмайди. Туғилмаган одамгина ўлмайди. Ҳа, қолаверса бунинг бошқа сабаби борга ўхшайди. Ўлим ўз ишини билади, қандай уddeлаш йўлини топади, шунинг учун ҳам бу оламда бор-да.

Кампир ташвиш ичидаги қолиб, ҳансираф нафас оларди. У ҳозиргина бутун инсоний ташвишлардан қутулдим деб ўзини ишонтирган пайтида ол-а, мана, ҳаммасини қайтадан бошлашга тўғри келмоқда.

Кампир фикридан қайтди: тинчланиб, ҳовурдан тушиш керак. У ўлимга ҳозирлик кўраётиб, ниманидир

<sup>1</sup> Причастие — диний маросим.

хато қилганга ўхшайди. Ўлим ундан чекинмади, аксинча, ўлимга ўзи халақит берди, унинг ишини ўз гарданига олди-ю, халақит берди. Хўш, бу кимга ёқади? Ажал узоқ саксон йил давомида ўзининг қувончли дақиқасини кутди, нима қайси тартибда бўлишини ўн марталаб мўлжаллаб чиқди — унинг ўз режалари бор. Ахир бу режаларга аралашиб бўларканми? Мана оқибати.

Кампир ухлашга жазм этди. Тун ҳам ухлаш учун-да. Ана шунда, кампир кўрмай, эшитмай ётганида ажал ҳам дадилроқ бўлиб келади, одамлар ва бу ёргу олам билан боғлаб турган энг асосий ришталарни ўз қўлига оливолади, ана шундан кейин эҳтимол, кампир, эс-ҳушингни йигиб, омонатингни топшир деб уйғотди. Тун охирлаб қолди, аммо ҳали ҳам кеч эмас, эрталабгача улгурса бўлади.

Кампир одатдагидек ухлаш учун қимирламай каравотда ётарди, ахир у умрида минг марталаб шу хилда ухлаган-да. У кўзларини очмади, уларни қийнамасдан ўз ҳолига қўйди. Кампир аста-секин каравотда ўз-ўзини тебрата бошлади. У болани аллалагани каби оҳиста ҳиргойи қиласди. Унинг кўзи бирров илинди, назаридан уни юмшоқ кулранг матога ўрашаётганмиш, у бу юмшоқ ёқимли матонинг сеҳрловчи шилдирашидан ҳузур қилиб, борган сари чуқурроқ ботармиш, аммо нимадир у ботган жойидан қайтарди, кейин бир неча бор итариб, туртиб қайтариб юборди.

Уйқу келмасди. Кампир гап нимадалигини тушунарди: шў пайтга келиб уйқу гўё, тошдек қотиб қолгану уни қимирлатиб ҳам бўлмайди. Энди на ухлай оласану на бедор ўтира оласан. Уйқу шундай бедаво нарсаки, истаганингда дарров кела қолмайди. Бошқа бир йўл тутиш керак. Чамаси, ётишдан бошқа ҳеч нимани кўнглига келтирмай, ҳеч нимага тирғилмай шунчаки ётавериш керак шекилли, шунда эҳтимол, бекорчиликдан ўзидан-ўзи уни элитар, бошини айлантирас ва бекосдан босиб қолар, уйқу ҳатто унинг кимлигини ҳам билмай қолади-ю, ўз одами деб ўйлади. Шундай бўлса кошкийди. Шошилмаслик керак, ўзини шундай тутиш керакки, вақти ҳали тўлиб-тошиб ётиби, тун эса эндигина бошланяпти.

Кампир ҳозирлик кўра бошлади: секин-аста нафас олиб вужудини ўз ҳолига қўйди, гупиллаб ураётган юрагининг тинчишини кутди ва қўлларини қўкраги устида чалиштириди. У ўзи умид қилгандек иши ўнгидан келди, шу заҳоти уни ёқимли, ширин мудроқ босди, уни тебрат-

ди ва арши аъло томон бошлади, арши аълога жуда яқин, бор-йўғи бир неча лаҳза қолганида қишлоқнинг қаеридадир бир хўroz уялмай-нетмай ҳаммаёқни бузиб қаттиқ қичқириб қолди. Бу шунчалик кутилмаган, шунчалик ноўрин эдики, кампир бўғиқ овозда инграб юборди ва кўзлари очилди, у шу ондаёқ кўзларини юмди, аммо кечикканини, бефойда эканини тушунди. Ҳаммаси расво бўлди. Нажот тополмади. Гарчи нажот шундоқ ёнида турган бўлса ҳам энди у олислаб кетган эди. Биринчи хўроздан кейин иккинчиси, учинчиси, тўртингчиси қичқирди...

Ҳаммаси беҳуда кетди. Энди кампирнинг ҳеч нимадан умиди қолмаган эди.

Кампир энди нима қилаётганини тушуниб, кўзларини очдию қаттиқ уялиб кетди. У бундан баттар шармандаликни билмасди: хайр маъзур қилди, рози-ризолик тилади, сўнгги хотиралар билан ўзига тасалли берди, кўзларини ҳам юмиб ётди, мана, яна қайтди. Ахир ким шунаقا қиласди? Йўқ. У қўрққани йўқ, у сира бундан қўрққан эмас, ўзига-ўзи фириб бериб нима қиласди. Агар гап унинг ўзида бўлса, у ўлиб бўлган, ахир унинг гуноҳкор, қўрқоқ жисми қандай, кимнинг умри ҳисобига, кимнинг нафас олиши ҳисобига яшайди-ю, қимиirlab туради, бу маълум эмасди.

Тун бўзарди, чарақлаган юлдузлар хиралашди, файзи кетиб кўримсиз бўлиб қолди, тонг ота бошлагани шулардан кўриниб турарди. Хўролар қичқира-қичқира жимиб қолишибди, аммо шулардан кейин туннинг нимасидир дарз кетди, қимиirlab қолди, тун шоша-пиша нишабликка оға бошлади. Бундай пайтда юлдузлар янада баландроқ чиқишади-да, сўник, ҳорғин нигоҳ ташлашади. Буларнинг ҳаммаси қампирнинг миясига беихтиёр келиб қолди. Кампир паришон, ночор, бутунлай карахт бўлиб ётарди, энди бу оламдаги барча нарсадан унинг кўнгли қолган эди.

Кампир шу зайлда узоқ, то эрталабгача ётди. Тонг отиб, кампирнинг хонаси ғира-шира бўлгандан кейин у ҳушига келди ва ўстидан адёлни олиб ташлади, кейин туриб ўтирди. У ўз оёқларига жирканиб қаради-да, пайпоқларини кийиб шиппагини илди. Бу ишларни қилишни кампир кеча қайтадан ўрганиб қўйганди. Аммо бугунги тонг кечагига ўхшамасди. Кеча у отаётган тонгдан хурсанд бўлувди, шу кундан умидвор бўлувди. Танъчорани ўйловди. Аммо орзуларидан биттаси ҳам ушалмади. Ҳатто тун ҳам унга нажот бермади, уйқусиз қолдирди —

ахир бу савил қолғур уйқу ҳаммага етарди-ку. Кампирга етмай қолди. У ҳамманинг меъдасига тегди, ҳеч кимга керак эмас — шундай бўлгач ҳеч ким у билан ҳисоблашмагандан кейин, у ўзи билан ўзи ҳисоблашиб нима қиласиди.

Кампир каравот суюнчиини ушлаб ўрнидаң турмоқчи бўлди. Унинг оёқлари майишиб кетди, лекин у оёқларига разм қилиб ўтирумади: модомики жон беришни истамадингларми, энди бирорвинг айтганини қилинглар, ўзларингни ночорликка солманглар, бари бир ҳеч ким ишонмайди. Кампир қўлларига осилиб, оёқларини ростлади ва жон-жаҳди билан ўринларидан қўзғалишга мажбур этди — ҳани юринглар. Агар дармонларинг бўлса, сизлар ҳам бошқа оёқлар сингари юринглар, синиб-четиб кетманглар тагин. Ю-ринглар! Оёқларининг ҳар бир суяги қисирлаб, зирқираб кетди, аммо бу ҳам кампирни шаштидан қайтара олмади. Хоҳлаганча қисирлайверинглар, аммо юринглар. Сизларнинг раъйингизга қараганим бас, энди менга қулоқ солинглар. Кампир таҳта деворни ушлаб, полда оёғини судраб боса бошлади. Балки четдан қараган кишига кампир девордан әмаклаб кетаётганга ўхшаб кўринарди — у деярли деворга ёпишиб, қўлларини кенг ёзганича пайпасланиб бораради. Кампир остодан әмаклаб ўтди — бўлмаса ундан ўтолмасди. Пилланоя олдида яна бир пастроқ остона бор эди, аммо кампир энди қаддини ростламади, шундай, тўрт таянчидан худди итга ўхшаб ташқарига чиқди, истасанг вовилла, истасанг увилла. Кампирнинг дармони деярли қолмаганди, шунинг учун у юз мاشаққат билан бир амаллаб юқориги поғонага ўтириб олди.

Баланд кўтарилган тонг шафагидан кўк гумбази тиниқ, равшан эди. Осмоннинг, айниқса кампирнинг кўзига кўриниб турган томони қуёш чиқмасдан олдин кўмкўк бўлиб товланиб, тонгги гира-шира ҳам шу рангга сингиб кетганди. Ҳали эрта эди, аммо аллақачон уйқудан уйғонган, ўрмон дарахтлари бир-биридан ажralиб турарди, ҳатто учлари ҳам алоҳида-алоҳида, аниқ-равшан чўччайиб кўзга ташланарди. Омбор орқасидаги қўндоқдаги товуқлар ғимирлаб оғир қанотларини қоқиб пастга учиб туша бошлади. Шоша-пиша силкинишиб, дарров ерга қараашарди, тез-тез юриб ўзларини иситишарди. Чиндан ҳам салқин эди, дарё томондан тунги нам ҳаво эсади, полизлардаги экинлар япрогида шудрийнглар совуқ ялтиради. Аммо тонг ўзгарди, ўз қоидасига биноан ҳаракат қилди: ҳозиргина ҳимир ётмай.

безрайиб тургандай туюлган тонг ёришиб, кундузга айланди, жилва қилди, интизорлик билан кутаётган болаларни қутқуга солиб қўйди, осмонда тарам-тарам, ранг-баранг нур пайдо бўлди — шундан кейин чиндан ҳам кўп ўтмай кампирнинг кўз олдида қўёш чиқди ва ерларни яйратиб, сахийлик билан мунааввар этди.

Кампир ташқарига нима учун чиққанини ўзи ҳам билмасди. Балки у юрсам юрагим кўтаролмай жоним чиқиб кетармикин, шу билан юришмаган ишм юришиб кетадимикин деб умид қилгандир. Йўқ, бу ерда ҳам иши бароридан келмади. Ҳеч жин урмади. У бир ўзи совуқ еб қўйқайиб ўтирас ва полизларга, ўрмонга — кўзига кўринган нарсага лоқайдлик билан қарап ва ҳеч нимани кўрмас, илгамас эди. У ҳеч кимга керак бўлмагани учун офтобга чиқариб қўйилган шамга ўхшарди. Аммо кампир қўёш чиққанига жон-жон деди. У юнқа ички кўйлакда эди, шунинг учун совуқ ўтиб титраётганди, ҳатто салгина иссиққа ҳам шукр қиласарди. Ахир у аллақандай бир тараша эмас, одам-ку, бадани ҳали совуқ билан иссиқни билар экан. Шундай бўлса ҳам бу кун унга ортиқча, биронникидай туюларди, у аввал бошданоқ шу куннинг келишини истамаганди, ундан қўрқанди! Модомики кечаси ажали етмаган экан, демак, яна бир кун чидаши лозим эди. Бу дунёда ҳеч нарса бекиз бўлмайди.

Шунинг учун у кутиб ўтираверди.

Даҳлиизда идиш даранглади — Надя чиқди. У кампирни шу ердан топишини сира кутмаган эди, шу сабабдан қўрқиб, ўзини орқага ташлади.

— Ойи! — келини уни ойи дер эди.— Бу ерда нима қилиб ўтирибсан?

Кампир унинг овозини эшитиб ўгирилди, ўтирибманда, дегандай бош иргади.

— Бу ёққа қандай қилиб чиқдинг?! Ахир тўнғиб қолибсан-ку. Кел, ўрнингга элтиб қўйай.

Кампир унамай, йўқ дегандай бошини кескин чайқади.

— Ахир қандай...

Надя уй ичига отилди, аммо аввал кампирнинг каравотига қаради — каравот чиндан ҳам бўш эди — шундан кейингина у илгакдан фуфайкани олиб кампирга чиқариб берди.

— Бу нима қилганинг-а? — Надя ҳамон эс-ҳушини йигиб ололмасди.— Ҳамма ухлаб ётган бўлса, билмаса, Е уларни уйғотайми?

— Кераги йўқ,— деди кампир.— Сен бориб сиғи-  
рингни согавер. Мен шу ерда ўтира тураман.

Надя то ҳовлига тушиб боргунича қайнонасиға иккӣ  
ёки уч марта қайирилиб қаради — ўтирибди!

Қуёш ўрмондан узилиб кечагидек, илгариги кундаги-  
дек, ўн йил ва йигирма йил аввалгидек хиёл ўнг томон-  
дан мусафро, беспоён осмонга кўтарилиди. Қуёш ҳалиц  
равшан, аниқ-таниқ эмасди, кўзни қамаштирмасди. По-  
лизлардаги шудринглар кўпайиб кетганга ўхшарди, қа-  
ёққа қарама, киши ҳавасини келтириб, ёниб, йилтираб  
турарди. Қишлоқ уйғонди, томлар устида тутунлар суза  
бошлади, кўчада бир мол ерни дурсиллатиб, дайдиб  
юрарди, уйларнинг зич эшиклари очилиб-ёпиларди, эрта-  
лаблари яхши эшитиладиган дастлабки овозлар янг-  
ради.

Шу маҳал, меҳмонга ҳали ҳеч кимнинг кўзи учиб  
турмаган пайтда тўсатдан, худди ер тагидан чиққандай  
кампирнинг олдида Мирониха пайдо бўлиб қолди. Ода-  
тига кўра тўғрисига эмас, оёғи остига қараб юрадиган  
Мирониха кампирга урилиб зинадан йиқитиб юборишига  
сал қолди ва таажжубланиб чўнқайди, қарс урди.

— Бу ўзингмисан ё арвоҳингми, кампиршо?

— Менман,— деди унга кампир. У ҳатто Миронихани  
кўрганидан ҳам курсанд эмасди, унинг овози сўник,  
зиф эди: Мирониха ҳол-аҳвол сўради, у ноилож жавоб  
берди, вассалом!

— Эсон-омон чиқиб олдингми?

— Шу, кампиршо, бугун мен билан бир тоққа чиқ-  
майсанми, а? Икковгинамиз сира зерикмай бориб келар-  
дик-да.

— Йўғ-е. Ўзим зўрга шу ерга етдим-а. Бир эмакла-  
дим, бир судралдим, ишқилиб чиқдим.

— Мен бўлсам бориб Надядан билай-чи, кампир-  
шоим қалай ётганийкин деб оёғимни қўлимга олганча  
бу ёққа келяпман. Бу бўлса каравотидан бу ёққа йўрга-  
лаб қолибди, ташқарига чиқибди.

— Ўлмадим,— деди кампир.

— Илтижо қилдингми?

— Қилдим.

— Демак, вақти эмаскан-да.

— Э, тағин қанақа вақт керак?— аламзадалик билан  
деди кампир.— Болаларим шу ерда, улар менин узоқ ку-  
тиб туришолмайди. Айни пайти эди. Бўлмади-да.

— Ҳаммамиз ҳам, кампиршо, худонинг паноҳида  
юрибмиз, худо нимани иродади, шу бўлади.

— Мен энди худонинг паноҳида юрмәётибман, эмакляпман. Шу ташқарига эмаклаб бўлса ҳам чиқай, ўзими ни ажалга рўпара қиласай, худо эсидан чиқариб қўйди шекилли мени, ўлим бермаяпти, деб ўйладим. Қани энди кўрса!

— Ҳай-ҳай, тавба қил.

Кампир бу нохуш гапни давом эттиришни истамади: Мирониха кечаси кампирнинг ёнида йўқ эди, у тушунмайди, киши ўлим пайтида ўзини қандай ҳис этишини ва у тавба-тазарру қилиб бўлгандан кейин ўлим уни алдаб кетгач, ўзини қандай сезишини унга тушунтириб бўларканми, ахир. Шунинг учун кампир гапни чалғитиб сўради:

— Болаларингдан хат-хабар борми?

— Ийе, кечагина сўраган әдинг-ку, буни.

— Кеча кеча эди. Бугун балки хат келгандир, мен қаёқдан билай?

— Ҳа-я, кечаси билан мижжа қоқмай бир қулоч келадиган хат ёзиб юборишибди. Энди уни қандай ўқийман деб бошим қотиб ўтирибман,— деди Мирониха гўё ўзини ўзи калака қилгандай, аммо унинг гапларида кесатиқдан кўра ноумидлик кўпроқ эди.— Жинни бўлдими улар менга хат юбориб?

— Илгарилари бошқача эди,— деди кампир,— ким қаерда тутгисла, ўша ерда нонини топиб еб юраверарди. Ҳозиргилар бир ерда туришмайди, ҳали у ёқида, ҳали бу ёқида кетишади, хўш, бунинг нима қизиги бор экан?

— Сен билан мен, кампиршо, ҳеч балони тушунмаймиз.

— Эҳтимол, тушунмасмиз. Аммо бу ёргу оламда ошини ошаб, ёшини яшаган кампирлардан сен билан мен — икковимизгина қолдик. Бошқа йўқ, биздан кейинги кампирлар ҳам бошқача бўлишади — хат-саводли, ақлли, бу оламдаги ишларни тушунадиган бўлишади. Эндиликда замон бошқача кетипти, бизнинг замонимиз эмас.

— Ҳа, гапинг тўғри, кампиршо.

— Нега нотўғри бўларкан? Тўғри-да. Мана, кўрарсан.

Улар жим бўлиб қолишли. Мирониха хўрсиниб, ўрнидан турди:

— Сен билан ўтириш яхши-я, аммо бормасам бўлмайди.

— Бирпасгина ўтири.

— Сигирим шу кетганича кетди, келмади. Мужиклар тоғ ортида иккита сигир юрибди дейишляти. Нимаям қи-  
лардим — ўша ёқса бораман-да, энди.

— Тоғ ортига етиб боролмайсан, ойимқиз.

— Етолсам-етолмасам ҳам бораман. Ўзим бормасам  
ким боради?

— Қоқилиб-ийқилиб ўша ерларда қолиб кетма, та-  
рин.

— Қолсам-қоларман. Қайси гўрда ётсам ҳам бари-  
бир эмасми? У ерда ҳам бир ўзим, бу ерда ҳам бир ўзим.  
Барibir эмасми оғзимга сув томизадиган одамим йўқ  
бўлгандан кейин.

— Ўзинг уларга ёзиб юборсанг бўларди.

— Нима деб ёзаман? Нима, улар етмиш бешга кир-  
ганимни билишмасканми? Йўқ, кампиршо, ёсанг-ёзма-  
санг... Сен билан менинг ёзигим бир хил. Улар эса, мо-  
домики келишмайдими, ёзишмайдими, яхши туришлари  
шундоқ ҳам кўриниб турибди. Агар ёмон яшашса, хат  
ёзишарди.

— Ҳа, ёзишарди.

— Гап ана шунда-да.

Мирониха тоқатсизланиб, оғирлигини у оёғидан бу  
оёғига ташларди.

— Бўпти бўлмаса, кампиршо, мен кетдим. Ҳеч нима-  
ни ўйламай ўтириш, қайтиб келдим дегунча яна келаман.  
Яна лақиллашиб ўтирамиз.

— Ўзингга эҳтиёт бўл.

Кампир хайрлашаётib унга қўлини чўзди, шунда  
Мирониха ғалати бўлиб кетди, бошини беўхшов лақилла-  
тиб кампирнинг қўлини юзларига босди. Кампирнинг  
қўзларидан тирқираб ёш чиқди. Кампир ўрнидан тур-  
моқчи бўлди, аммо Мирониха қўймади ва дарвоза томон-  
га бурилиб кетди. Мирониха ўзича учиб кетяпман деб  
ўйласа керак-ку, аммо аслида эса ҳар қадам қўйганида  
тиришиб, ҳаммаёғи қақшарди, ҳар қадамини машақкат  
билан босаётгани шундоқ кўриниб турарди.

Кампир кўз ёшларини артаркан, бир умр қадрдан  
бўлиб қолган ягона дугонаси Мирониха билан рози-ри-  
золик тилашмагани учун кечаси жон бермадим шекилли,  
деб ўйлади, мана ҳозир кўнгли жойига тушди — кўп  
йиллар давомидаги содик дўстликка раҳна тушмай, ғу-  
бор қўнмай бутунлай тугаётгани, ниҳоясига етаётганини  
ҳис этиш туйгуси етишмай турувди.

Улар қайтиб кўришмаслигини кампир биларди.

Яна ортиқча, кераксиз бир кун яшашга тўғри келди.

Кампирни хонага қайтариб Надя олиб кирди, олиб кирди эмас, қўлида кўтариб кирди деса ҳам бўлади. Кампирнинг оёқлари бутунлай ярамай қолганди. У яна ўрнига ётиб жовдираб турган кўзлари билан рўпарасига ғамгин боқарди ва атрофда бўлаётган ишларга оҳиста қулоқ соларди; назаридә энди бу оламдаги ҳеч нимага, қарашга ҳам, гапиришга ҳам, нафас олишга ҳам ҳақи йўқдек туюларди — ҳаммаси ўғирлик нарсага ўхшарди. Эрталаб, уйдагилар ўринларидан тургач, Надя уларга кампирнинг ўзи ташқарига чиққанини айтиб берди. Улар ҳанг-манг бўлишиб, оҳ-вой қилишди, ойимиз кун сайин эмас, соат сайин тузаляпти деб суюнишиб, ҳайрон бўлишди, кейин ҳаммалари секин-аста тарқалишди-ю, кампирнинг ўзи қолди. Тўғри, кампирнинг олдига гоҳ Люся, гоҳ Илья, гоҳ Надя тез-тез кираради-ю, аммо яна шу заҳоти чиқиб кетишарди. Илья қарсак чалиб туришимиз учун энди кампирнинг рақсга тушшини кутиш керак деди, бу ҳазил ҳаммаларига ёқиб қолди, бу гапга ҳатто Люся ҳам жилмайиб қўйди, Варвара бўлса охирги хабар — ойим оёққа турди деган гап билан бирга бу ҳазилни бутун қишлоққа ёйиб юборди. Бу вақт ичиди Илья анча қизиб олди, унинг калласи қизариб, ловилларди, ялтирарди, кўзлари тўсатдан ёниб, шўхлик билан чақнарди. У бирон нима қилсан, бирон нимага қўлимни урсан, деб типирчилаб турарди, аммо қиладиган шунинг ўзи йўқ эди, шунинг учун у қайта-қайта онаси ёнига бориб, ҳадеб такрорларди:

— Ётибсанми, ойи? Майли, ётавер, ётавер, дамингни ол. Агар ўйин тушгинг келиб қолса, бизни албатта чақир. Бир кўрайлик — ҳа. Биламиз, ойи, ўйин тушмоқчи бўлганингни биламиз, йўқ дема.

Кампир чўчиб, кўзларини мўлтиллатганча унга қараб ётарди. Ҳаммадан кейин унинг олдига Михаил кирди, кампирнинг ёнида ҳеч ким йўқ эди. У стол ёнидаги ўша жойга, жанжал олдидан ўтирган ерига ўтириди ва папирос тутатиб, тортиб-тортиб чекди. Унинг юзи одатдагига нисбатан салқиган, қорайиб кетган, кўзлари шишиган эди. У чекаран, зил-замбил бўлиб ўтириб хўрсиниб қўяр, нафасини ростлар, онасидан кўзини узмай ниманидир кутар, нимадандир умидвор бўлар эди. Тутун кампирнинг димогига урилди, шунинг учун у қўллари билан кўксини чангаллаб, бир азобда йўталди, қуруқ, зўрма-зўраки йўтал унинг томогини қириб кетаётгандай

эди. Михаил шоша-пиша папиросини ўчириб, ташқари чиқди. Шу алпозда улар бир-бирларига бир оғиз ҳам гапирмади.

Аммо йўтал босилгандан кейин Нинка кампирнинг олдига киргач, кампир дарров унга талпинди. Кампир қўлини қўтариб, қизчанинг елкасини силади. Ўз навирависига қўли текканидан эриб, ҳузур қилган кампирнинг кўнгли яйради — гўё унинг ўзини силаб-сийпашаётгандай эди. Ҳатто кампир жуда ҳузур қилган пайтларида гидек кўзларини ҳам юмди.

Нинка ҳеч гапдан ҳеч гап йўқ тўсатдан шундай деди:

— Сени Люся ҳоланг қуруқ ваъдабоз экан, холос.

— Нега энди? — кампир қўзини очди.

— Бўлмаса-чи. Менга конфет олиб бераман деб ваъда қилувдими? Ваъда қилувди. Ҳамма эшитган. Ўзи бўлса олиб бермади. Шунинг учун ваъдабоз-да.

— Ундай бўлса, айт, олиб берсин.

— Ие, мен ундан қўрқаман. Ўзинг айт.

— Уни нимасидан қўрқасан? Ахир у ит эмаски қопиб олса.

— Қопиб олмайди, аммо бари бир. У шундоқ қараса юрагим ўйнаб кетади, унга айт, менга қарамасин, шунда мен ҳам қўрқмайман.

— Бемаъни гапларни алжирама.

— Кел бўлмаса, ўзини чақирай, ўзинг унга айтасан, — деди Нинка кампирни қўндиришга уриниб.

— Қераги йўқ. Сенга яна конфетми? Сен шундоқ ҳам кўп еяпсан. Кечаси оғзингдан конфет тушмади, эртадан-кечгача шимиб юрдинг.

Нина хафа бўлиб афтини буриштириди-да, юлқиниб кампирнинг қўлидан чиқди.

— Сен ўзинг ундан қўрқасан, — деб у кампирнинг жигига тегди. — Агар қўрқмаганингда, айтардинг. Қўрқасан, тамом.

Кампир жилмаймоқчи бўлди, аммо жилмайиш ўрнига лаблари маъносиз хиёл титради, холос.

Афтидан у сал мизғиганга ўхшайди, чунки Люся келганини эшитмай қолди. Қўзини очса тепасида Люся турибди, унга қараб юзидан бирон ўзгариш қидиряпти. Онаси билан кўзлари тўқнашгач сўради:

— Ойи, аҳволинг қалай?

— Ҳа, ётибман-да, — деди кампир. У нима деб жавоб беришини билмасди, назарида у, киши ўзини яхши ёки ёмон сезадиган чегарадан аллақачон чиқиб кетгандай

әди, қолаверса илгари ҳам бу нарсага унча эътибор бермасди: кўпроқ соғлиқ ва касаллик, ҳорғинлик ва тетиклик, бардамлик ва заифликнинг фарқига бораради.

— Кечагидан тузукмисан ахир? — деб суриштириди Люся.

— Сен, Люся, Михайл билан ярашиб ол,— деб тўсатдан илтимос қилди кампир.— Ярашиб ол. Бир-бирларинг билан жанжаллашишнинг кераги йўқ. Бунга мен айборман, унга ёпишдим. У чидаб туролмади, алам қилиб кетди. Ҳозир ўзи ич-этини еб юрибди.

— Тавба, унга алам қилибди-ю, менга қилмабдида,— деди Люся ҳимлаб.— Жуда қизиқ-а, оғзига келганини қайтармай гапирди-ю, энди мен бориб ундан узр сўрай эмиш. Нималар деяпсан, ойи?

Кампир гангиг қолди.

— Мен Михайлни айтмаётибман,— деб тушунтириди у.— Мен уни оқламоқчи эмасман, йўқ. У бошқа одам, сен бошқа одам. Энди нима қиласдинг? Нима бўлгандаям бари бир у сени ининг. Мен ҳам нима бўлгандаям, бари бир сенларнинг оналарингман — сенинг ҳам, унинг ҳам. Бунақа тумтайиб юрмасдан муроса қилинглар дейман-да. Яраш, Люся, менга раҳминг келсин, сизлар ярашиб олсанглар, мен ҳам қутуламан. Ҳозир мени шундан бошқа илинжим йўқ.

— Ҳадеб шуни гапириш жонингга тегмадими, ойи? Деярли тузалиб қолдинг, эл қаторисан, ҳатто юряпсану нуқул шуни гапирасан.

Яна Нинка келди, унинг келиши жуда bemavrid эди.

— Бор, ўйна, ўша ёқларда ўйна,— деб кампир уни ўзидан нари сурар экан, жўната бошлади.— Бор, кейин келасан, мен сени кутиб ётаман.

— Сенинг Люся холанг гирт ваъдабоз-ку,— деди Нинка тихирлик қиласкан тўрсиллатиб ва Люсяга кўз қирини ташлади:

Кампирнинг сўрашдан бошқа чораси қолмади:

— Нега энди?

— Бўлмаса-чи. Менга конфет олиб бераман деб ваъда қилувди. Ҳамма эшитган. Ўзи бўлса олиб бермади, аллади.

— Бу қанақа гап бўлди яна?!— деди ажабланиб Люся.— Нега сен мен билан бунақа гаплашяпсан?

— Мен сен билан эмас, бувим билан гаплашяпман.

— Қизиқ: ким сенга мен билан сенсираб гаплашгин деди? Нима, мен сени ўртоғингманми? Нима, сен катта-

ларни «сиз»лаб гапириш кераклигини билмайсанми ҳали? Сенга ҳеч ким ўргатмадими?

— Тавба қил,— деб шивирлади Нинкага кампир.

— Ҳўп,— деди Нинка ва йигламсираб бурнини торти.

— Қани йиглаб ҳам кўрчи,— деди Люся олдини олиб.— Ҳеч ким сенинг кўз ёшларингга ишонмайди. Жуда беадаб қиз экансан. Мен беадабларни ёмон кўраман. Мен билан шу хилда гаплашганларни ёмон кўраман. Қаранглар-а, шунчалик юзсиз бўлиб кетибди-я.

— Энди бунақа қилмайди,— деди кампир оҳиста.

— Шошмай тур, ойи. Сизлар буни шунақа қилиб талтатириб юборгансизлар-да! Хўш, нима учун бунақа қиляпти, қани, ўзи айтсин. Ҳадемай бу сизларга бошқа нағмасини ҳам кўрсатади, мана кўрасизлар.— Люся Нинкага ўгирилди.— Агар жуда конфетсиз туролмайдиган бўлсанг, майли, олиб бераман,— деди у,— аммо бу энди совға бўлмайди, тамагирлик бўлади.

Нинка шоша-пиша бош иргади: қандай бўлмасин у айтганини қилиб конфет ундириди-ку.

Люся хонадан чиқиши билан Нинка ҳам кетидан отилиб чиқди. У дарвоза ёнида пойлаб турмоқчи бўлган бўлса керак ёки холасининг кетидан магазинга чопқиллагандир. У ерда қулай пайт топиб, одамлар олдида баромти билан витринани кўрсатиб:

— Люся хола, менга манавиндан олиб беринг,— дейди.

Бу қизи тушмагур, на онасига, на отасига ўхшайди, ерга урсанг, осмонга сапчиди.

Кампир яна хаёл суреб, ўзи билан ўзи бўлиб қолди, у эс-ҳушини йиғишириб олганида хонанинг ярми қуёш нурига гарқ бўлган эди. У гарчи дилида қани энди офтоб тезроқ каравотга етә қолса деб турган бўлса ҳам, қўрқиб уни кузата бошлади. Назарида бугун, яшашга ҳақи бўлмаган шу кун тириклар билиши мумкин бўлмаган нарсаларни билиб оладигандек эди, кампир бирон шакл-шамоилни кўриш ёки нидо эшлиши умидида кўзини йириб-йиртиб қуёшнинг полда кенг жойни ёритиб, жимирлаётган нурига қаарди, гўё булар унга бир нимани тушунишиб берадигандай эди. Ҳозирча ҳеч гап йўқ эди, аммо офтоб деразада тиқ бўлиб турган ўнг томондан сурилиб, борган сари каравотга яқинлашиб келарди. Гўё унинг жимгина живирлаб турган нурида аранг тийилиб турган қувноқ, қудратли бир куч бордай эди, шунинг учун бирдан кампирнинг миясига қуёш ҳам мени худди қордан ясалиб, устига эски-туски ташлаб қўйилган одамни эритиб юборгандек, эритиб юбориши мумкин-ку, деган фикр

келиб қолди. У офтобда исинади, яйрайди, ўзи эса әриб, борган сари кичраяверади, кичраяверади, то бутунлай гойиб бўлгунча кичраяверади. Одамлар келиб қарашсаки, каравотда ҳеч ким йўқ. Улар кампир яна ташқарига чиқибида-да, деб ўйлашади. Ҳа, кампир «одамлар» деб ўйлади, у ўзиники-ю, бегоналарни фарқ қилмади.

Ниҳоят офтоб каравотга тушди, кейин кампир қўлини тутди, аъзойи баданига исиқлик югурди. Назарида исиқлик билан бирга аъзойи бадани бўшашиб кетаётгандай бўлди, бу ҳолсизлик кишини элитадиган, ёқимли ёди. Кампир фақат ухлаб қолмасам бўлгани, бўлаётган ишларнинг ҳаммасини ўзим билиб ётай дерди.

Қаердадир, нарироқда Варвара бирор билан гаплашашётганди, шундан кейин ногаҳон кампирнинг эсига бир гап тушиб қолди, у бу гапни бутунлай унугиб қўйганди. Кампир ўзини зўрлаб овоз чиқарди-да, Варварани чақирди, аммо овоз жуда секин бўлганидан узоққа бормади, шунинг учун ҳеч ким унга жавоб бермади. Кампир яна чақирди, бу сафар қаттиқроқ чақирди. Варвара эшигиб, физиллаб келди.

— Ҳа, ойижон?

— Ўтири.— Кампир кўзи билан каравотни, ёнини қўрсатди. Варвара ўтириди.

— Нима гап, ойижон?

— Шошмай тур,— кампир айтадиган сўзларини ўйлаб олди.— Мен ўламан...

— Унақа дема, ойижон.

— Мен ўламан,— такрорлади кампир,— сен эса бошимда туриб айтиб йиглагин.

— Нима қиласай?

— Айтиб йиглагин. Уларнинг қўлидан келмайди. Ҳозиргилар на алла айтиб болани ухлата олишади, на келишитириб йиглаб одамни чин дунёга жўната олишади — ҳеч ниманинг уддасидан чиқишолмайди. Умидим фақат сендан. Нима деб йиглашни ўзим ўргатаман. Йиглашга ўзинг ҳам йиглайверасану аммо саннаб йиглаш керак.

Варвара тушунди, юзида қўрқув ифодаси пайдо бўлди.

— Гапимга қулоқ сол. Мен ойим ўлганда шунақа айтиб йигланман, сен ҳам мени шундай қил, уялма. Улар бунақа қилмайди.— Кампир бир вақтлардаги, деярли унугтилган, ҳозир фойдаланилмайдиган сўзларни тартибга соларкан, хўрсиниб, кўзларини юмди, кейин ингичка, чўзиқ овозда бошлади: — Кўзимнинг нури, белимнинг қуввати, ойижоним-е...

— Ойижон-он-он!— Варвара гўё бу нағмада иштирок

этишдан бўйин товлаётгандек бошини чайқаб йиглади.

— Э, увиллайвермасанг-чи,— деб кампир тўхтатди.— Тиригимда қулоқ солиб ўрганиб ол. Ҳозир йиглашнинг кераги йўқ. Мен ҳали шу ердаман. Кўз ёшларингни асра, эртага керак бўлади. Бўлмаса битта-яримта келиб қолади-ю, гапимизнинг белига тепади. Қани, хўш!

Кампир то Варвара сал ўзини босиб олгунча кутиб турди-да, яна бошлади:

— Кўзимнинг нури, белимнинг қуввати, ойижоним-еъ, ойижон...

— Кўзимнинг нури, белимнинг қуввати ойижоним-еъ,— Варвара кўз ёшларини тўкаркан, кампирнинг кетидан такрорлади.

— Мени ташлаб қайларга кетдинг, бағримни доғлаб, лахта-лахта қон этдинг?

— Мени ташлаб қайларга кетдинг, бағримни доғлаб, лахта-лахта қон этдинг?

Кампир каравотда туриб ўтириди ва Варварани юпатар экан, унинг елкасидан қучди. Унинг овози кескинроқ, дадилроқ чиқа бошлади.

Қайси тарафларга сафаринг тушди?

Катта йўлдан аста одимлабгина.

Яшил эманзорни оралабгина,

Қўнгироқ садосин эшитмайин деб,

Ибодат навосин эшитмайин деб,

Муқаддас черковга қадаминг тушди,

Муқаддас черковдан чиқарсан, сўнгра

Борурсан рутубат ернинг қўйнига

Аждод-аждодларинг сари борурсан!

Кун борган сари чарақлаб, исирди, ҳамма нарсани яйратарди, ҳавода эса тиниқ куз бошларидаги сингари қандайдир ўзгача тахир-чучмал ҳид бор эди. Осмон аввалгидек ложувард, гумбази эса оч-кўқ эди, фақат дарёнинг нариги томонидаги чети, кечқурун қуёш ботадиган ери хирапоқ бўлиб, гўё юпқа парда тортилганга ўхшарди, унинг юқорироғи, чапроғида эса бир парча оппоқ булут осилиб туради, бу булут гўё томоша учун атайлаб кўкка чиқарилгандай шундай кичик, жозибали эдики, кишини сира ташвишлантирмасди.

Михаил анчадан бери омбор олдидағи супачада кафтини юзига тираб зерикиб ўтиради, кетма-кет папирос чекарди. Илья келиб унинг ёнига ўтириди-да, қизиқиб сўради:

<sup>1</sup> Шеъларни шоир Муҳаммад Али таржима қилган.

- Бугун бош оғриқ қилмадингми?
- Михаил бошини сарак-сарак қилди.
- Мен қитдай отиб олдим. Сал қизишиб олиш учун.  
Эшитдингми, ойимиз оёққа туриб кетди-я?
- Эшитдим.
- Ана-мана дегунча ўйинга ҳам тушиб кетади — ҳа.  
Уни қара-я.
- У кулиб, таклиф қилди: — Балки, озгина олармиз-а?
- Шундоқ ёнимизда, узоққа бориб юрмаймиз.
- Йўқ,— деди Михаил.— Бўлди. Кечак кўп каромат  
кўрсатдик, ўшаниси ҳам етади.
- Ҳа, ўзинг ҳам кеча жуда отдинг-да. Ҳаммамизга  
ёпишдинг. Ойим билан уришдинг.
- Ойим билан уришганим йўқ.
- Ойим сендан жуда хафа бўлди — ҳа. Айниқса  
Танъчора учун. Ойим сени бир савалаб қўймоқчи ҳам  
бўлди. Бу аниқ.— У яна кулди-да, тўсатдан сўради:—  
Менга қара, сен келмагин деб Танъчорага қачон телег-  
рамма жўнатувдинг? Келганимдан бери сен билан  
биргаман, ёнингдан жилганим йўқ. Қачон бера қол-  
динг?
- Михаил папирос қолдигини чертиб юборди, товуқ-  
лар папирос қолдигига ташланиши, кейин у акасининг  
кўзларига қаради.
- Мен унга ҳеч қанақа телеграмма берганим йўқ.
- Берганим йўқ дейсанми?
- Ҳа.
- Бердим деб айтдинг-ку, ахир? Кечаги жанжал  
шундан бошланди-ку. Нима бало, эсингдан чиқдими?
- Нега эсимдан чиқаркан? Эсимда. Агар мен шун-  
дай демасам, биласанми, ойим нима бўларди? Үмидини  
узиш учун ёлғон галирган маъқул-да.
- Аммо... Аммо унда Танъчора қани бўлмаса?
- Мен қаёқдан билай?
- Ана холос! Бу ёғи қизиқ бўлибди-ку!
- Фақат сен уларга айтиб қўйма, телеграмма берган  
деб ўйлаб юраверишсин,— деди шоша-пиша Михаил,  
чунки дарвазадан Люся булар томонга қараб келаётган  
эди. Михаил бошини қуий солди: ҳозир бошланади. Ке-  
чаги ва ўтган кунги гапларни, бўлган ва бўлмаган иш-  
ларни юзингга солади. Ҳозир уни уялтириш бефойда,  
кейин у ўзига ўзи дакки беради, буни фойдаси кўпроқ,  
аммо опасининг гаплари кўнглини беҳузур қилади —  
ҳе ўргилдим-е, ўшалардан! Шусиз ҳам бошини олиб би-  
рон ёқларга қочиб кетай деб турибди-ку.

— Илья! — деди Люся улар ёнига ҳали етиб келмай. Унинг кўриниши жиддий, ташвишли эди. Люся Михаил нинг юраги пўкиллаб турган гапни эмас, бутунлай бошқа нарсани гапирди. — Илья, бугун пароход бўлишики биласанми? Кейингиси уч кундан сўнг келаркан.

Илья гангиб ўрнидан турди.

— Хўш нима қил дейсан?

— У ёгини ўзинг биласан. Аммо мен кетишум керак, ортиқ бу ерда қолишга сираям иложим йўқ.

— Кетиш керак,— деб Илья бош ђргади ва Михаилга қаради.— Ойим тузалиб қолди, чамамда.

— Турсанглар бўларди,— деди Михаил ботинолмай.

Унга ҳеч ким жавоб бермади.

Улар уйга биргалашиб киришди-ю, кампирнинг хонасига ўтиб ҳангманг бўлиб қолишиди. Уларнинг киришганини ҳеч ким пайқамади. Варвара энгашиб бошини деярли онасининг кўксига қўйиб ҳиқилларди, кампир эса қўзларини юмиб олиб, ўзича қандайдир бир вахимали, хазин қуйни минғирлаб чўзарди. Шу пайт кампирнинг юзи оқариб, қандайдир шукуҳли бўлиб кетган эди. Улар диққат билан қулоқ солиб, сўзларни ажратиб ола бошинашди, бу сўзлар эркаловчи, маъюс ва айни пайтда худди ағдарилган, тескари, ягона маъно берадиган сўзлар эди:

Эман поллардан ҳам юриб бўлдинг сен,  
Жажжи дўконларда туриб бўлдинг сен,  
Ойна-дарчалардан қараб бўлдинг сен,  
Сен, оққуш мисолим, онаизорим.

— Бу ерда нима қиляпсизлар-а? — деб заҳархандалик билан сўради Люся баланд овозда.— Бу қанақа томоша бўлди?

Варвара билан кампир баравар жим бўлиб қолишиди. Варвара сакраб ўрнидан турди-да, ойисини кўрсатди:

— Мана, ойижоним.

— Кўриб турибман, дадажонимиз эмас,— деб хахолади Илья.

— Мен ўламан,— кампир ниманидир тушунтиromoқчи бўлиб аянчли гўлдиради.

— Ойи, ўлим тўғрисидаги гаплар ҳам жонимга тегиб кетди. Чин сўзим. Нуқул шу гап, нуқул шу гап. Нима, сен бу гап болаларимга ёқади деб ўйлаяпсанми? Ҳамма нарсанинг ҳам чегараси бор-да, ахир. Ўзингниям шундан бошқа гапинг қолмабди. Ҳали кўп яшашинг керак, сен

бўлсанг бир балоларни ўйлаб топасан! Яхши эмас-да, ахир бу.

— Сен юзга кирасан ҳали — ҳа,— деб гапни илиб кетди Илья.

Кампир деворнинг қаеригадир тикилиб индамади.

— Деярли отдай бўлиб кетганингни ўзинг ҳам тушуниб турибсан-ку, ойи. Мазза қилиб яшайвермайсанми. Одамларга ўхшаб юравер, ўлмай туриб ўзингни гўрга тикиб нима қиласан. Шукр, танингда жонинг бор, бирордан қоладиган еринг йўқ, ҳамиша ҳам шундоқ бўл.— Люся бир оз жим турди-да, яна ўша эрқаловчи овозда деди:— Аммо биз бугун кетишимиш керак. Шунаقا бўлиб қолди, ойи.

— Сизларга нима бўлди ўзи?!— деб қичқириб юборди Варвара.

Кампир ишонмай, саросималик билан бош чайқади.

— Шунаقا қилмасак бўлмайди, ойи,— деб такрорлади Люся мулойим овозда, аммо қатъий қилиб ва жилмайди,— бугун пароход бор экан. Кейингиси уч кундан кейин бўлади. Уч кунгача кутиб туролмаймиз.

— Йўқ, йўқ,— деб ингради кампир.

— Бугун ойимнинг олдидан қимиirlаб бўлмайди, бўлмайди,— деб Варвара ҳаяжонланди.— Худди ўгайга ўхшайсизлар. Ўзларинг ўйланглар, кетиб бўлмайди.

— Лоақал бир кунгина турсанглар бўларди,— деб Варваранинг гапини қувватлади Михаил.

— Ахир биз, ойи, ихтиёrimiz ўзимизда эмаски нимани хоҳласак, шуни қилсак,— деди Люся уларга жавоб бермасдан ойисига қараб.— Ишдамиз, ахир. Ўзимизга қолса-ку, жон-жон деб бир ҳафта ҳам тураверардим-а, аммо унда, қани энди ўрнингизни бўшатиб қўйинг, дейишлари мумкин. Ахир биз отпускада эмасмизку. Тушунгин, ойижон. Иннайкейин биздан хафа ҳам бўлма. Шунаقا қилиш керак.

Кампир гоҳ Люсяга, гоҳ Ильяга қаараркан, йиглаб такрорлади:

— Мен ўламан, ўламан. Мана кўрасизлар. Шу бугун. Озгина сабр қилинглар, сабр қилинглар. Менга бошқа ҳеч нима керак эмас. Люся! Сен ҳам, Илья! Шоцманглар. Ахир сизларга ўламан деялман-ку, ўламан.

— Сен, ойи, яна шуни, гапиряпсан. Биз сени омон бўй десак, сен ўламан дейсан. Сен ўлмайсан, шунинг учун буни гапирма, илтимос. Сен ҳали кўп яшайсан. Қани энди ёнингда бўлсан жон-жон дердиму аммо энди

кетиш керак. Ёзда яна келамиз. Албатта келамиз. Ваъдамиз шу. Унда ҳозиргидек икки-уч қунга эмас, анчага келамиз.

— Ёзга бало борми? — гапга аралашди Илья. — Ёзда эмас, ундан олдин дийдор кўришамиз. Ойимиз отрай бўлиб оёққа туриб кетса, бизларнига меҳмонга боради. Боргин, ойи. От ўйинга тушамиз. Мен циркнинг ёнида тураман. Масхарабозлари бор. Кулавериб ичакларинг узилади.

— Бир кун олдин нима-ю, бир кун кейин нима, — тушунтиришга уринди Михайл. — Фарқи йўқ-ку.

Люся қизишиб кетди:

— Мен сен билан бу масалани муҳокама қилмоқчи эмасман, фарқи бор-йўқлигини сендан яхшироқ билсан керак. Ёки сен ҳали ҳам ойимни олиб кетишларинг керак, шунинг учун уни кутиб туришларинг шарт, деб ўйлаяпсанми?

— Йўқ, унақа деб ўйлаганим йўқ.

— Э, раҳмат-е!

Люся билан Илья йўл тараддудини кўра бошлаб шноша-пиша ўнгайсизланиб, йиғишириниши. Кампир бошқа йигламади, у қотиб қолганга ўхшарди, юзлари заҳил, жон асари кўринмас эди. Унга бир нима дейиши, кампир жавоб бермади. Фақат кўзлари шуурсизлик билан югур-югурни кузатарди.

Чопқиллаб Надя келди, хайрлашув олдидан стол тузатмоқчи бўлди, лекин бунга кўнишмади. Овқат ейишига ҳеч кимнинг қўли тегмасди. Илья Михайлга:

— Йўлга чиқиш олдидан қиттай олмаймизми? — деб сўради. — Қитдай-қитдай — ҳа.

— Йўқ, — унамади Михайл. — Керак эмас.

Варвара ҳарқалай унутмаган экан, Люсага қараб деди:

— Кўйлак нима бўлди?

— Нима?

— Шу ерда тиккан кўйлагингни айтяпман. Бераман деган эдинг-ку.

Люся сумкага жойлаб қўйган кўйлагини олди-да, ижирганиб уни Варваранинг қўлига итқитди.

Сўнгги дақиқаларда Варвара ҳам бирдан:

— Мен ҳам кетаман, — деб қолди. — Ҳаммаларинг кетсаларинг мен ҳам кетаман. Бирга кетсан зерикмаймиз,

— Варвара! — деб эштилар-эштилмас ингради кампир.

— Мени йўғимда болалар уйга ўт қўйиб юборишма-

син тагин, деб қўрқяпман, ойижон. Уйни ўзларига қолдириб бўлмайди-да. Худо кўрсатмасин, бир балони бошлашади.

— Кетавер,— деди Михаил қўл силтаб.— Ҳаммаларинг кетаверинглар.

Улар хайрлаша бошлашди. Люся ойисининг юзидан чўпиллатиб ўпти, Илья қўлини қисиб хайрлашди, Варвара йиглаб олди.

— Ишқилиб тузалгин, ойи. Ўлимни хаёлингга келтирма.

— Ойимиз ажойиб-да, ўзи.

— Мен, ойижон, яқинда келаман. Балки кейинги ҳафтада келарман.

Михаил уларни кузатгани кетди. Кампир дераза ортида қадам товушлари янграганини, Илья бир нима деб кулиб юборганини эшилди, кейин ҳаммаёқ жимжит бўлиб қолди, кампир ҳам кўзини юмди.

Уни Нинка қимирлатди.

— Буви, манавини ол.— Нинка унга конфет узатди. Кампир унинг қўлини нари сурди.

— Улар яхши эмаскан,— деди Нинка кетаётганлар тўғрисида, кампирга ачиниб.

Кампирнинг лаблари қимирлади — у жилмайдими ёки заҳарханда қилдими, билиб бўлмасди.

Кейин Михаил қайтиб келди ва каравотга, кампирнинг ёнига ўтириди.

— Ҳечқиси ўйқ, ойи,— деди Михаил анча жим ўтиргандан кейин ва хўрсиниб қўйди.— Ҳечқиси ўйқ. Бир кунимиз ўтади, Қандай яшаган бўлсақ, шундай яшайверамиз. Сен мендан хафа бўлма, мен аҳмоқман, албатта, ўтакетган аҳмоқман,— деб инқиллади у ва ўрнидан турди.— Ётавер, ойи, аммо ҳеч нимани ўйлама. Мендан жаҳлинг чиқмасин. Мен аҳмоқман.

Кампир жавоб бермай эшишиб ётарди, аммо энди у жавоб бера олармиди-йўқмиди, билмасди. Унинг уйқуси келиб, кўзлари юмилиб кетаётганди. Кампир кечгача, қоронги тушгунча кўзларини яна бир неча марта очди, лекин бирпастгина, қаерда ётганини эслаб қўйиш учунгина очди.

Кечаси кампир жон берди.

# МУНДАРИЖА

Омон бўлсанг, уннумта  
Сўнгти мухлат

3  
234

На узбекском языке

Библиотека дружбы

Проза народов СССР

Валентин Григорьевич Распутин

ЖИВИ И ПОМНИ.

Повести

Перевод с издания издательства «Молодая гвардия», Москва, 1976

Редактор М. Турсунов

Серия рассказы И. Кириакиди

Рассказ Э. Кигай

Расмлар редактори А. Кива

Техн. редактор Е. Потапова

Корректор Ш. Соатова

ИБ № 2599

Восмахонага берилди 25. 08. 83. Босишига руҳсат этилди 26. 12. 83. Формати  $84 \times 108 \frac{1}{32}$ . Восмахона юғози № 3. Мактаб гарнитураси. Юқори босма. Шартли босма л. 21,84+0,52 вкл. Шартли л. кр. оттиск 24,68. Нашр л. 23,98+0,85 вкл. Тиражи 30000. Заказ 1584. Баҳоси 2 с. Гафур Гулом номидаги Адабиёт ва санъат нашриёти. 700129, Тошкент, Навоий кӯчаси, 30.

Нашриётлар, полиграфия ва китоб савдоси ишлари бўйича ЎзССР Давлат комитети Тошкент «Матбуот» полиграфия ишлаб чиқариш бирлашмасининг Бом корхонаси. Тошкент. 700129. Навоий кӯчаси, 30.